

Wals


me

2 1/2 lb. annuorum Pl. l.

THOMÆ DEMPSTERI
DE
ETRURIA
REGALI.

THOMAS DEMPSTERI
D. B.
ET R. U. R. I. A
R. E. G. A. L. I.

THOMÆ DEMPSTERI
DE
ETRURIA REGALI LIBRI VII.
NUNC PRIMUM EDITI
CURANTE
THOMA COKE
MAGNÆ BRITANNIÆ ARMIGERO
REGIÆ CELSITUDINI
COSMI III.
MAGNI DUCIS ETRURIÆ.



FLORENTIÆ. M.DCC.XXIII.

THOMAE DEMPSTERI
 DE
 ETURIA REGALI LIBRI VII
 NUNC PRIMUM EDITI
 CURANTE
 THOMA COKE
 MAGNE BRITANNIE ARMIGERO
 REGIE CESSITUDINI
 COSMI III.
 MAGNI DUCIS ETURIE.



FLORENTIE. MDCCLXXIII.

THOMÆ
DEMPSTERI
A MURESK SCOTI

Pandectarum in Pisano Lyceo Professoris
Ordinarii

DE

ETRURIA REGALI
LIBRI SEPTEM

Opus Postumum

IN DUAS PARTES DIVISUM

Tomus Primus

Priores tres Libros comprehendens.



FLORENTIÆ. M.DCC.XXIII.
TYPIS REGIÆ CELSITUDINIS

Apud Joannem Cajetanum Tartinium, & Sanctem Franchium
CUM APPROBATIONE.

THOMAS
DEMPTERI
A MURESK SCOTI

Pandectarum in Pilsno Lyceo Professoris
Ordinarii

D E

ETRURIA REGALI
LIBRI SEPTIM

Opus Postumum

IN DUAS PARTES DIVISUM

Tomus Primus


Prioris tres Libros comprehendens.



FLORENTIAE. M.DCC.XXIII.

Typis Regiae Censuræ

Apud Joannem Castellum Tertium, & Socios Franchium
CUM APPROBATIONE.





REGIA CELSITUDO.



R

ACTATUS
hujusce scri-
pturam origi-
nalem inter li-
bros meos ma-
nuscriptos as-
servatam evol-

venti, ita mihi & argumentum, &
recondita eruditionis varietas, & in
dicen-

dicendo eloquentia placebant, ut eundem ab aliis quoque cum voluptate fructuque legi posse facile mihi persuaderem. Quod cum argumenti ratio me invitet, ut opusculum hoc nemini prius quam Etruriæ Principi dicarem, occasionem facile hinc arripuit ambitio mea Regiam Tuam Celsitudinem publice adeundi, quam ut summa tum veneratione privatim colerem, & virtutes tuæ regiæ, & singularis erga me & nostrates omnes humanitas jamdiu effecerunt. Auctorem itaque de Etruria Tua bene mereri volentem accipe, Magne Dux Etrusce: & de Etruria optime merite, Auctorem de literis bene merentem accipe,

Prin-

*Princeps Medicee, quandoquidem
eruditis patrocinari Medicum est:
Vestræque gentis ea singularis est
laus, ut per eam præcipue resurrexe-
rit, quicquid interierat literarum.
Sunt vero & aliæ porro causæ, pro-
pter quas Tractatum hunc Tibi ad
pedes offerre non volui solum, sed
& debui. Scriptorem adduco spe-
ciali necessitudine, & antiqua Do-
mus Tuae clientela Tibi obstrictum:
Dempsterus nempe quum jurispru-
dentiae fama claruisset maxime, &
in præcipuis Europæ cathedris ma-
gna cum laude se gessisset, ad
Pandectas in Academia Pisana
docendas a COSMO II. tandem
accitus est; quam provinciam or-*

nare non contentus, genio suo, historia & antiquitatum amantissimo, satisfacere insuper voluit, librumque hunc composuit, ipso forsitan iubente Principe. Hoc quidem mirum videri potest, ita disposuisse Fortunam, ut de rebus Etruscorum antiquis scribere & Britanno homini contingeret unice, & quod idem liber in Britanni pariter hominis manus incideret, quo nec rerum Etruscarum amantior quisquam, nec nominis Tui studiosior. Tu vero, Serenissime Princeps, quanta fuit vel antiquissimis temporibus Patriæ Tuae gloria ex hoc libro lubens videbis: qui qualesque Populi terram Vestram incol-

lue-

luerint; quibus regebantur institutis, quibus belli pacisque utebantur artibus; quam disciplinam, quales religiones ab Etruscis magistris accipere non erubuit ipsa Roma: quot denique & quam egregia inventa in usus humanos peperit Etrusca solertia; quominus miremur eandem terram in hunc usque diem artibus florere, & magnorum semper fuisse ingeniorum feracem. Tu ergo, Serenissime Princeps, opus hoc tantæ eruditionis plenum, & ex innumeris Auctoribus summo cum labore collectum benignus accipe. Quod si Æneam Virgilius in Elysium deducere voluit, ut venturi e

*stirpe heroës, & futura gentis suæ
fama ob oculos ei ponerentur; Tu
antiquam patriæ Tuæ gloriam, &
defunctorum heroum egregia facta
tamdiu sepulta, Dempstero inter
tantas remotissimi temporis tene-
bras facem præferente, mirabun-
dus aspice. Quod quum Dempste-
rus hoc libro alienam famam e
tenebris vindicare potuerit, ipsum
vero librum (ea rerum humana-
rum est conditio) ab iisdem præ-
servare non potuit; ego hanc mihi
reservatam esse partem fortunæ
meæ gratulor, ut hunc, nempe
Dempsteri Tractatum ab integro
jam seculo sepultum, in lucem
proferendo, habeam unde testari
possem*

*possem, quanto grati devotique
animi affectu memet profitear*

REGIÆ TUÆ CELSITUDINIS

Londini Pridie Kal. Septembr. MD. DCXXIII.


^{mihi} Obsequentis. & ^{tuum} Humill. Servum
THOM. COKE

THE HISTORY OF THE
CITY OF NEW YORK

FROM THE FOUNDATION
TO THE PRESENT

BY JOHN ROBERTSON

NEW YORK
JOHN ROBERTSON



*Vas Fictile. Aluum. Pedes. Romanos. Antiquos. I. Vncias. II.
Florentiae in Museo. S. M. Ducis. Etruriae.*

AD LECTOREM HUMANISSIMUM.



UM Etruriae veteris permiste, atque
intercise Auctores mentionem fa-
ciant, eamque confusam genera-
lemque, docentes nempe & popu-
los quosdam Etruscos dictos exti-
tisse, & virtute solertiaque, rebul-
que gestis & inventis celeberrimos
fuisse: specialis vero de iisdem nul-
la in hac secula reservetur historia,
doleantque eruditi gentis tantarum

rerum inventricis ipsam pene memoriam perisse; non exiguam certe
laudem meruit Dempsterus noster, qui opus Literatis omnibus inta-
ctum felici ausu aggressus, ab innumeris Auctoribus, quaecumque spar-
sim tradebantur notitiae, immenso labore collegit, collectasque acou-
rato judicio perpendens ita disposuit, ut luculenta jam de Etrusca
gente concinnetur nobis Historia. Hunc autem Dempsterum scias,

Can-

Candide Lector, eundem esse, qui & aliis similis argumenti operibus satis nobile in Republica literaria nomen sibi comparavit: qui in Academiis Tornacenti, Tolosana, Parisiensi, Pisana, Bononiensi, nec easdem semper scientias docendo, multiplici laude per Europam clauit: qui innumeros ferme libros conscripsit, omnigena eruditione refertissimos, quorum Catalogum Jo: Nicolaus Pasqualius Alidosius retulit in suo, quod anno 1633. edidit, opere de Exteris Doctoribus Academiae Bononiensis, quem hic ex ipso referimus:

Carmina omnis generis, in his Satyræ in Elizabetham Anglam, sanctorum occisorem: & de omnibus totius mundi Principibus Acrosticha. Duaci, affixa, & partim edua.

Orationes, & Praefationes solennes, alieno & proprio nomine habitæ, ut Duaci, Tonnaci, Lutetia, Tolosæ, Pisis, Bononiæ: Editæ iis locis.

Silve Poëmatum variorum, ubi Protreptica, Lyrica, Comica, Ludicra, Strenæ, Expostulatoria. Libr. VII.

Panegyrici: in his Clementis VIII. & Paulo V. Romæ.

Epithalamia: in his Eleonoris Brandeburgi, Comitis Perthani, Vicecomitis Hadintoviae. Francofurti, & alibi locorum.

Lesſi & Epicedia: in his Henrici IV. Galliarum Regis, conjugis Illustriss. Wimsleontis Despinay Sanlucii proregis Brunopolis, Comitis Angustæ. Lutetiae.

Epigrammata, Doctorum operibus praefixa. Libr. II.

Declamationes Scholasticae adinstar Senecæ, natalis S. Catharinae Lexovæo dictæ, & publicatæ. Libr. I. Lutetiae.

Genethliaca: in his Ludovici XIII. Galliarum Regis. Libr. I. Flexiae.

Tragediæ, Maximilianus, Stilico, Decemviratus abrogatus, Jacobus I. Scotiae Rex. Libr. I. Lutetiae.

Epistolæ ad summos Pontifices, Reges, Cardinales, Duces, Principes, viros eruditos omnium gentium cum responsoriis eorum. Libr. IV. MS.

Trium-

Triumphus sacrorum, de S. Thoma de Aquino, Caterina Martyre, Triduana, Ricarda Augusta, & aliis. Libri III. Parisiis.

Judicium de omnibus omnium gentium, temporum, & pene linguarum Historicis. Libri IX. Parisiis.

Cosmographia, frequenti Lutetiae auditorio dictata. Lib. I. Audio Lugduni postea editam.

Politica Parecbases in gratiam Alexandri Raziuisi Principis Poloni emissae. Lib. I. Lutetiae.

In Claudianum Notae. Lib. I. Flexiae.

In Statium Notae. Lib. I. Flexiae.

In Claudianum Commentarius. Libri XI. Lugduni & alibi.

In Aeliani Varia Historia Notae. Libri XIV. Lutetiae.

In Corippum Notae. Libri IV. Lutetiae.

Mythologia ex numismatis & inscriptionibus. Lib. I.

Antiquitatum Romanarum. Libri X. in quibus nonnulla sunt retrahenda, & maxime ubi de jurejurando militari libr. 10. cap. 3. egent castigatione, quae jam parata est.

De triplici Juramento. Libri III. opus Illustriss. Card. Mellino nuncupatum. Propediem edetur.

Ad Benedictum Accoltum de bello sacro Commentarius, & Notae uberiores. Lib. IV. opus susceptum in gratiam Leonardi & Petri Accoltorum, patriciorum Arretinorum & Florentinorum, fratrum, qui Magno Duci a Scriniis, & juris civilis professione incliti. Prodiit Florentiae.

Etruriae Regalis libr. VII. suggestit Camillus Guidius Eques Volaterranus, flos hujus seculi hominum, aliter parens meus, imperavit Cosmus II. Magnus Etruriae Dux, & magno pretio invitavit. Opus inter arcana illius Principis aservatur.

Historia naturalis quadrupedum. Lib. I. supplementum Ulyssis Al-dovrandi. Senatus Bononiensis imposuit, prodiit Bon.

Tom. I.



ΟΨΕΛΑΣ

horas in librorum lectione continuare soleret. Mentis acumine satis valuit, sed memorie tenacitate longe plurimum, adeo ut multoties diceret, ignorare se quid sit oblitio. Nihil adeo abditum antiquitatis monumentis, cujus non meminisset; ita ut Fr. Cospius, vir in literis omni comparatione major, Dempsterum magnam Bibliothecam loquentem compellere consueverit. Stylus ei copiosus, confragosus tamen, moribus aptus, & simulandi nescius: sive amore odiove quempiam prosequeretur, utrumque palam. Ut amicis obsequentissimus, ita inimicis maxime infensus. Vide Miræum de scriptoribus seculi XVI. pag. 161. ubi & ejus scripta ex parte recenset.

Quamobrem, quum ejus nominis celebritas adeo percrebuerit, fuissetque a Pontifice Maximo per Cardinalem Bonifacium Magno Etruriæ Duci commendatus, inter Professores celeberrimi Pisani Athenæi allectus fuit anno MDCCXVI. ut Jurisprudentiam doceret statimque ad hoc de Etruria Regali præclarum opus animum appulit; ut testatur Janus Nicius Erythræus cap. 9. Pinacoth. his verbis: *Aique hanc Pisanam commorationem arbitror fuisse causam, cur septem illos elegantissimos de Regali Etruria libros scriptos reliquerit, qui nondum editi, summa Magni Etruriæ Ducis cura asservantur.* Et jam Nonis Martiis anni MDCCXVII. Petro Strozio, Pauli V. Pontificis Maximi a secretis, hujus operis epitomen, seu potius rudimenta per epistolam misit. Quum autem mense Junio in patriam rediisset, ac mense postea Novembri ejusdem anni MDCCXVII. Pisas remeasset, ingentem librorum vim, ad hoc opus perficiendum conducentium, attulit. Ac tandem quum e vestigio Pisas relinquere decreverit anno MDCCXIX. librum hunc, quamvis non adhuc ad umbilicum perductum, vel saltem non omnino castigatum, Magnæ Etruriæ Duci hac epistola dicavit, quæ una cum plurimis aliis ejusdem Dempsteri epistolis autographis, apud Cammillum Guidium Volaterranum asservabatur, nunc apud nobilissimos heredes:

Serenissima Principi D. N. Magnæ Etruriæ Duci Matri
Thomas Dempsterus.

Discessurus mecum tacitus deliberavi, quid honore accepto dignum possem rependere, quum in tanta novercantis fortunæ inopiâ nihil T. C. S. dignum invenirem. Obtulit se Etruria Regalis, opus a S. T. C. imperatum olim, & a me studiose laboriosæque adornatum, cui ordinando nec labori meo, nec sumptibus parsum. Si desiderabitur aliquid, adero quancumque lubet T. C. S. supremam manum impositurus, nec me unquam beneficiorum capiet oblivio, & seu verbo potero, seu scripto, Serenissima hujus familiæ præconia queram, & laudes prædicabo, & intelligent posteri, me quum paucissima obsequii signa exhibuerim, maxima affectasse. Hoc ergo munus, ingeniique mei tesseram lubens accipe; majorem & meliorem, si potuissem, notam habitura. Vale Sereniss. D. N. Pisis XI. Kal. Sextilis CIOIOCXIX.

Bononiam igitur profectus est, postquam tres annos Pisis Pandectas explicasset, ibique summo honore complexus, atque omnium plausu ad humaniores literas in illa Academia docendas electus, quod munus per septennium magna sui nominis gloria obivit, nec minori etiam lucro; ubi tandem mortuus est anno CIOIOCXV. Non. Septembr. & ad Divi Dominici sepultus. *Academici Noctis* quum clarissimo Viro parentarent, Ovidius Montalbanus Orationem habuit, quam publici juris fecit Bononiæ anno CIOIOCXVI. ex qua multa ad ejus vitam pertinentia erui possunt. Verum postquam Pisis profectus est, numquam præterea vel de limanda, vel de edenda Etruria Regali cogitavit Dempsterus. Quamobrem minime mirum est, si cuipiam corrigi aliquid debere, aut addi posse videatur. Satis egisse egomet mihi videbor, si in causa fuero, ut e Literatis aliquis, præcipue autem ex illis, quos hodierna habet Etruria, excellentis ingenii & præstantis eruditionis viros, ut horum, inquam,


quam, aliquis fortasse novo conatu desiderata suppleat, aut luculentius explanet. Ad ulteriorem itaque operis perfectionem, ut quod in me est, conferam, librum hunc nullibi potius quam in ipsa Florentia imprimendum volui, ut ubi opus hoc præclarissimum scriptum fuerat, ibi tandem ederetur. Etenim hac urbe quoque commodius antiqua Etruscorum Monumenta, quæ per Etruriam sparsa supererant, colligi poterant, ac diligenter delineata figuris ære impressis in lucem venire, quod nec a Dempstero excogitatum, nec ab ullo alio umquam factum fuerat. Quapropter, Lector, quisquis hæc curas, thesaurum Etruscarum Antiquitatum locupletissimum, & nunc primum collectum admirare, eoq; feliciter frui.



INDEX

INDEX CAPITUM

Hujus Primi Tomi.



LIBER PRIMUS

CAP. I.

*E*trusci, & Etruria unde: Etruria, an Hetruria efferendum: Etruri idem ac Etrusci: R. & S. literæ usus: termini Regionis: barbaro seculo Tuscani dicti, & Tuscianenses. Pag. 1.

CAP. II.

Tuscia & Tusci, a thure nomen deductum non videri, quod thuris usus non sit antiquus: Tusci, an Tuscii? a Rege vox tracta. pag. 4.

CAP. III.

Tyrrheni, Turrheni, Tyrseni: Tyrrhenia: indigenæ, an advenæ: a Rege appellationem sortiti: claritudo, & bella prima: metropolis: Romulus inde ortus. pag. 8.

CAP. IV.

Lydia, Lydi: voluptatibus ante appulsum in Etruriam dediti: sortitio de principatu obtinendo: a Poëtis pro Etruscis appellati. pag. 11.

CAP. V.

Pelasgi, Pelargi, Etruriæ incolæ vetustissimi: ver sacrum votum: ut Colonia vere deducta, ita Mundus vere creatus: regio non dicta Pelasgia ab illis incolis. pag. 15.

CAP.

C A P. VI.

Arcades Etruriæ incolæ & ipsi vetustissimi: iidem cum Pelasgis: servos & dominos equaliter habebant: eorum posteri fœdus cum Ænea pepigerunt: glande vesciebantur: Luna priores: ab iis quadam Romani mutuati. pag. 20.

C A P. VII.

Aborigines primi omnium Etruriæ cultores: sedes eorum, non in Latio, sed Tuscia: indigenæ, non advenæ: ob antiquitatem truncis orti crediti. pag. 25.

C A P. VIII.

Etruria alii incolæ vetustissimi, recentiores, & obiter de Italia mutato sæpe principatu, barbarisque ejus incolis. pag. 28.

C A P. IX.

Etruscorum fama, opulentia, ac potentia: Italiam totam domuerunt: Rome tributum imposuerunt: trecentas Umbrorum urbes subegerunt: cum Jasone & Argonautis pugnaverunt: Mantuam, Nolam, Capuam, Bononiam, ipsamque Romam condiderunt: in Alpibus Colonias plantaverunt: Volscis, & Cumanis imperarunt: Pblegræos campos tenuerunt, ubi Gigantomachia. pag. 31.

C A P. X.

Etrusci soli qualitas: silvis abundans: venatui apte illæ: apri, glandes, feracitas frugum: nobiles Clusinae, Senenses: etiam mare piscosum. pag. 40.

C A P. XI.

Etruria vini ferax: asservatum in doliis picatis: fumo expositum: vetustate æstimatum, Lunense, Florentinum, Faliscum, alia recentia. pag. 44.

C A P. XII.

Etruriæ constitutio: ager pinguis: boves compacti: & aeris temperies: litorea insalubria: mediterranea sana. pag. 51.

C A P.

C A P. XIII.

Etruriae aquae medicatae, & ibermae celebres: unde Tusci Aquileges: Homerus calidarum aquarum meminit: Caretana, Tauri, Narnienses. pag. 53.

C A P. XIV.

Etruscorum Religio, aut potius superstitio, quam Senatorum Romanorum filii docebantur: Dii ipsorum Consentes, seu Complices: Jovis, non Jupiter: Menses Diis illis sacri. pag. 56.

C A P. XV.

Etruscorum Dii proprii Vertumnus, Volumnus, Volumna, Voltumna, Viridianus, Valentia, Curis, Nurtia: clavi in ejus templo fixi, annorum indices: & forte Ammudates. pag. 60.

C A P. XVI.

Etruscorum Deus Janus, seu Janes: nomina relatis in Deos mutari solita: rei rusticae praeerat, & januis: primus Deorum Italorum, ideo Pater dictus: statuæ ejus, & per digitos supputatio: pag. 64.

C A P. XVII.

Etruscorum Dii cum Romanis communes, Jupiter, Bellona; Mars; Fortuna, Juno, Pallas, Apollo: & arcana reconditaque de iis omnibus in medium allata. pag. 69.

C A P. XVIII.

In Etruria oraculum Teibyos, seu Themidos, obscurum & perplexum: & quando oracula siluerunt. pag. 79.

C A P. XIX.

Etruscorum leges primæ, atque politiciæ status, cum in Italia celebrari primum ceperunt. pag. 85.

C A P. XX.

Etrusca lingua, diversa a Latina Græcæque: literæ Etruscæ, & inscriptiones nonnullæ, quæ non possunt intelligi: vocabula ex ea varia, quo fonte: ipsa Romana lingua sæpe mutata. pag. 86.

C A P. XXI.

Etrusco sermone usi quatuor populi, & ob id quadruplex ejus dialectus, Osca, Rhetica, Umbrica, & Phalisca. pag. 92.

C A P. XXII.

Etruscorum Politia vetustissima, ac primum singularis eorum peregrinos affectus prosequendum. pag. 93.

C A P. XXIII.

Etruscorum Politia artes plurimas exercere: & artifices ipsius Etruria Regis domestici. pag. 97.

C A P. XXIV.

Etruscorum Politia in conviviis, sub eadem veste cum uxoribus recumbere. pag. 98.

C A P. XXV.

Etruscorum Politia debitores, qui versuram fecissent, probo afficere, gestareque pone eos vacuum crumenam. pag. 99.

C A P. XXVI.

Etruria mater multarum aliarum gentium, Volscorum, Campanorum, Oscorum, Opicum, Frontanorum, Marrucnorum, Picenorum, Rhetorum, Euganeorum, aliorumque. pag. 101.

LIBER SECUNDUS

C A P. I.

Etruscorum Regum quadruplex series, & varia stemmata. pag. 105.

C A P. II.

Etruria Regum ornamenta & insignia: toga palmata, sella eburnea, sciptrum seu hasta, corona, corporis custodes, administratio legum, jus, comitia publica seu conventus indicendi: & nomen Regis aliud aliquando, quam Principem significare. pag. 106.

C A P.

C A P. III.

Janus, primus Etruria Rex, statim a diluvio Noe: uxor ei Venilia, ideo et primitiæ omnium sacrificiorum oblatæ: primus sacra ad aras fieri docuit: nummos percussit: agriculturam docuit: fœderibus præest: bifrons, & quadrifrons: belli ac pacis præses: lauru nova inunte anno coronatus: indigena. pag. 112.

C A P. IV.

Etruria Regina Camefes, a Jano in partem regni assumpta: soror ejus & uxor. pag. 117.

C A P. V.

Etruria Rex Tiberinus, Jani, lapidibus occisi, filius: filie quatuor, Camesene, Chistbene, & Canens, Pico Latinorum Regi nupta: quarta ignoratur: pag. 118.

C A P. VI.

Etruria Rex quartus Vertumnus, sive Vadimon, & ipse Janigena. pag. 121.

C A P. VII.

Etruscorum Rex quintus Aunus Janigena. pag. 123.

C A P. VIII.

Etruscorum Regum Catalogus. pag. 124.

C A P. IX.

Catalogus alter Etruscorum Regum. pag. 130.

C A P. X.

Etruscorum Regum secundum stemma: Coritus Rex, Filius Jovis, pater Jasii & Dardani, qui Trojam in Asia condidit: urbs & mons in Etruria eo nomine. pag. 131.

C A P. XI.

Catalogus tertius Etruscorum Regum, a duobus aliis paulo diversus. pag. 134.

*** 2

C A P.

C A P. XII.

Etruscorum Regum stemma tertium: dicti illi Larthes, & Larthenianum Regia: iidem Clara & Magni appellati: non a Laribus sumptum nomen: qui Lares, & Lar, seu Lars primus ex ea familia: opima spolia a Cornelio Casso oblata. pag. 135.

C A P. XIII.

Etruscorum Regum quartum stemma, qui Lucumones dicti: illi dominabantur, cum Romani Etruria sunt potiti: vini usum Gallos docuerunt, iisdemque Italiam invadentibus duces fuerunt: per contumeliam Lucumo idem atque insanus: pro quolibet tamen Principe dicebatur. pag. 140.

C A P. XIV.

Etruscorum Rex Fontus, Jani filius, in Deos relatus. pag. 143.

C A P. XV.

Etruscorum Rex Anius, raptorem filie persequens, in Aniene demersus: Anii fluvii duo: ab hoc Anniorum, seu Antoniorum genus: Latinus, Rex Latii ejus nepos, & de raptu virginum pauca. pag. 144.

C A P. XVI.

Etruscorum Rex Debeberis, & ipse Tiberi demersus. pag. 148.

C A P. XVII.

Etruscorum Rex Tiberis, qui ei fluvio tertium nomen dedit, vel Tiberinus Albanorum Rex. pag. 149.

C A P. XVIII.

Etruscorum Rex Tybris, & ipse flumini nomen indidit: ab Argonautis occisus: varia ejus fluvii nomina. pag. 150.

C A P. XIX.

Etruscorum Rex Æolus, insulis etiam vicinis imperans: filiam ad mortem compellit, quod a fratre suo gravida esset facta: ejus nepos Ulysses: habitabat in insulis frequentius, unde ventorum Rex creditus: & an nuptiæ inter fratrem sororemque apud alios, quam Perjas, valide. pag. 152.

C A P.

C A P. XX.

Etruscorum Rex Liparus, Æoli decessor, successorve: & ipse insulis delectatus. pag. 156.

C A P. XXI.

Etruscorum Rex, aut verius Imperator Meleus, toti Italia imperabat. pag. 157.

C A P. XXII.

Etruscorum Rex Rhetus, coloniam in Germaniam trans Alpes duxit: vana Rhetica. pag. 158.

C A P. XXIII.

Etruscorum Rex Maleottus, prope Volaterras habebat Regiam: in Grecia obiit, incertum quo exitu. pag. 160.

C A P. XXIV.

Etruscorum Rex Etruscus, filius Herculis, genti nomen dedit. pag. 161.

C A P. XXV.

Etruscorum Rex Tuscus, & ipse nomen genti indidit. pag. 162.

C A P. XXVI.

Etruscorum Rex Tyrrhenus, five Torabus: ex Lydia, five Meonia in Italiam traicens: Tyrrheniam regionem nominavit. pag. 163.

C A P. XXVII.

Etruscorum Rex Rasena, & ipse advena, oriundus Meonia. pag. 164.

C A P. XXVIII.

Etruscorum Rex Nicius Fesulanus, qui vel ei civitati nomen dedit, vel ab ea nomen suum accepit. pag. 164.

C A P. XXIX.

Etruscorum Rex Piseus, originis & ipse Græcanicæ, tubæ æneæ inventor: a celeberrima civitate Pisis nomen habet. pag. 165.

C A P.

C A P. XXX.

Etruscorum Rex Alesus, sive Alesus, sive Halesus, Græcus & ipse.
pag. 167.

C A P. XXXI.

Etruscorum Rex Halesus gentis Argivus, Faliscos, & Alsum civitates condidit, & a suo nomine vocavit. pag. 167.

C A P. XXXII.

Etruscorum Rex Tarcon, Græcus ex Mæonia, primo præfectus Tyrrheni tantum, mox ipse Rex factus: frater Tyrrheni vel filius: civitates duodecim struxit: nomen suum Tarquinius indidit: Cortone habitavit.
pag. 169.

C A P. XXXIII.

Etruscorum Rex Felsinus, a qua Bononia structa Felsina est appellata.
pag. 171.

C A P. XXXIV.

Etruscorum Rex Bonus, sive Bon, fabulosus: nomen Bononie, non ab eo, sed a Boiis desumptum. pag. 172.

C A P. XXXV.

Etruscorum Rex Hadrius, civitati Hadriæ, sive Atria aut Adriæ nomen dedit. pag. 173.

C A P. XXXVI.

Etruscorum Rex Ocnus, sive Hocnus, Anenus Bianor, Mantue conditor, cujus sepulchrum non longe urbe erat. pag. 173.

C A P. XXXVII.

Etruscorum Rex Mezentius, Carite Regiam habebat: pactus vina Latina Turno in Æneam auxiliatus est: Latinum Aboriginum Regem & Æneam interfecit, & ab Ascanio ejus filio interemptus: crudelia supplicia excogitavit: contemptor divum dictus: Imperator etiam vocatus: in exilium a suis pulsus. pag. 176.

C A P.

C A P. XXXVIII

Etruscorum Rex Asylas, Aeneæ tempore bello clarus: Augur: Regia ejus Pifa. pag. 183.

C A P. XXXIX

Etruscorum Rex Abas, strenuus bello, Aeneæ auxiliatus contra Rutulos: Regia ejus Populonium, aut Ilva insula: occisus a Lauso. pag. 184.

C A P. XL

Etruscorum Rex Massicus, bello Trojano Rutiloque interfuit: strenuus manu: Cossæ Regia illius: a monte sic dictus. pag. 186.

C A P. XLI

Etruscorum Rex Osinius, Aeneæ in Turnum auxiliator: Regiam habuit Clusii: mors ejus, uti & superioris, a Virgilio male præterita. pag. 187.

C A P. XLII

Etruscorum Rex Morrius, ex gente Neptuni & Alefi Regis, Veiis Regiam habuit: Saliorum sacerdotum auctor. pag. 188.

C A P. XLIII

Etruscorum Rex Clusius, Tyrrheni Regis filius: Clusii conditor: filii Regum etiam Reges dicti. pag. 190.

C A P. XLIV

Etruscorum Rex Propertius: Volaterris Regia ejus erat: Capenos condidit: Populonium coloniam deduxit: Veientes juvit federe. pag. 191.

C A P. XLV

Etruscorum Rex Vejentus, vel Veiis nomen dedit, vel ab eo oppido accepit: Capenam in Latium coloniam deduxit: & de porta Capena quadam obiter. pag. 192.

C A P. XLVI

Etruscorum Rex Lucunius, seu Lucumo, cognomine Galeritus, Romulo tulit suppetias: tentoria invenit: forte Lucam condidit. pag. 194.

C A P.

C A P. XLVII.

Etruscorum Rex Caius Veibennus, Romanis Regibus auxiliatus: Celio monti nomen dedit: Tuscum vicum Roma suis civibus implevit, sive Lucumo id præstitit, sive Porfena. pag. 195.

C A P. XLVIII.

Etruscorum Rex Menalus: Regia ejus Veis: Novius vel Navius poeta, fabula Lydus. pag. 197.

C A P. XLIX.

Etruscorum Rex Olenius Calenus, idem augur, Regesque omnes Etruriae sacerdotio præditi, & aliae gentes hoc imitati: Clane ostium seu rivus Padis ab eo dictum: Mediolanum non sumpsit nomen ab illo. pag. 198.

C A P. L.

Etruscorum Rex Porfena, vel Porfenna, ex familia Lartium: dictus Lars, Claras, Magnus: Clusii Regiam habebat: bellum Romanis intulit ad reducendos Tarquinius: Horatii, Scævole, Clælia eo in bello virtus: pacem cum Romanis, fœdusque iniit: Augur: magnificentiissime in Labyrintho a se condito sepultus. pag. 202.

C A P. LI.

Etruscorum Rex Galeromondus, de quo nihil præter nomen est certi, ac ne illud quidem valde certum. pag. 210.

C A P. LII.

Etruscorum Rex Tolumnius, male ab aliis Volumnius dictus, cognomento Lar, seu Lars. Veis habuit Regiam: Legatos Romanorum, qui sacrosancti donisque honorari debebant, interfecit: a Cornelio Cosso duello interfectus: spolia opima de eo Jovi Feretrio relata: caput abscissum, & gestatum lancea. pag. 211.

C A P. LIII.

Etruscorum Rex anonymus; Veis obsessis in urbe ea creatus: discordia Tuscorum causa cur in Romanam ditionem transfrent, nunquam superandi, si fideles ad invicem fuissent. pag. 217.

C A P. LIV.

Etruscorum Rex Cilnius, Arretii Regiam habuit. pag. 220.

C A P. LV.

Etruscorum Rex Mecenas, quadringentis annis ante vulgatum illum Mecenatem, Augusti familiarem, & Musarum altorem: Arretii ejus Regia; Mecenate alii a Rege: & plura de literatorum alumno. pag. 221.

C A P. LVI.

Etruscorum Rex Ælius Voltorrenus, sive Volterranus, sub quo ad lacum Vadimonis fractæ penitus vires Etruscorum, ut nullus post eum Etruriæ Rex reperitur. pag. 226.

C A P. LVII.

Etruscorum Regum toto hoc libro descriptorum, vera, legitima, & genuina nomenclatura. pag. 227.

C A P. LVIII.


Etruscorum Reges fictitii, & commentitii, explosi omnes, & reprehensa inscitia literionum, qui amener fabulas pro historiis obtruserunt ultimo seculo. pag. 229.

C A P. LIX.

Etruscorum Rex nullus unquam Cecinna, sed clari plerique, & equestri dignitate ornati, Volaterrani cives. pag. 231.

C A P. LX.

Etruscorum Rex non fuit Ælius Sejanus, sed tantum magna apud Tiberium Augustum auctoritate; sed postea, majestatis reus, cum liberis & amicis misere interit. pag. 234.



LIBER TERTIUS

C A P. I.

*E*truscus Tages invenit divinationem per auguria: libros de ea scripsit, qui Acherontici dicti: Augurum dignitas & collegium: Christianis interdicta. pag. 239.

C A P. II.

Etruscorum inventum Divinatio per aruspicinam: Tagetis discipulus Bacchetis: peritissimi in Etruria aruspices: in vicis etiam. pag. 244.

C A P. III.

Etruscorum inventum observatio fulminum, & expiatio: Bigois Nymphae libri, & scripta de ea re: Caeli in partes sedecim divisio: Jupiter fulgurator: alii Dii fulminum praesides: bidental locus conditi fulminis. pag. 246.

C A P. IV.

Etruscorum inventum, ostentorum observatio, & procuratio: monstra, aut comburi, aut in altum mare deportari, demergique solita, ex Etrusca disciplina: pag. 252.

C A P. V.

Etruscorum inventum Cerimonie, illaque dictae Etrusca disciplina, Etrusca ars, maximeque circa prodigia procuranda occupata. pag. 255.

C A P. VI.

Etruscorum inventis accensendus mos grandi manibus supinis, & stando. pag. 256.

C A P. VII.

Parentalia Tanitii Etrusci causa hereditatis nata: exequie anniversarie: cenotaphium: Romuli nutrix. pag. 259.

C A P. VIII.

Etruscorum inventum Salii sacerdotes: Samothracum sacra: ii postea ad Martem & Herculem a Romanis iraducli: Praesul: amptruare, redamptruare: canae Saliares ex decimis: pollucius: Scyphus Herculeaneus ad sacra: axamenta: cbori Saliorum duo. pag. 262.

C A P.

C A P. IX.

Etruscorum inventum Samolbracia Deorum sacra, & qua illa: Dii magni, boni, potentes. pag. 264.

C A P. X.

Temporum apud Etruscos usus antiquissimus: Templi varia significaciones, quae plerique populi aspernati: jure belli non sunt sacra, sed pro libidine victorum polluebantur. pag. 266.

C A P. XI.

Apud Etruscos ara Deorum: sepulchris appropinquata: in Comediis: morituri eas amplectebantur: immunitatem prestabant: eas juraturi tenebant: dedicatio: fluvius erecta. pag. 271.

C A P. XII.

Apud Etruscos sacrificia: instituta ea initio tenuia, far, lac, libum: postea litatum hostiis animalibus, etiam ablegminibus, majoribus, minoribus, auratis cornibus, albis, nigris, homine, animantibus, omnibus, nisi piscibus. pag. 275.

C A P. XIII.

Apud Etruscos artificium & usus statuarum Deorum, & virorum fortium: inviolabiles: & religiosae: fictiles aut lignae: in foro eminenti loco poni solitae. pag. 278.

C A P. XIV.

Etruscorum inventum Idola: aut, ut aliis visum, Serucbus, aut Syrophanes, aut Cham ea excogitavit: aut Graeci, aut Nini: eorum varietas, & vanitas Εἰδωλον, sive Εἰδωλον a Poëtis dici. pag. 281.

C A P. XV.

Etruscorum inventum Religio, & modus urbem condendi: ea fuit, vomere arreo arare, taurum candidum vacca alba jungere, quod in evergendis civitatibus observatum: usque ritus Etruscus dictus. pag. 286.

C A P. XVI.

Etruscorum inventum Pomarium: & ipsum locus consecratus. pag. 289.

*** 2

C A P.

C A P. XVII.

Etruscorum inventum fossa muniendis urbibus, quæ & ipsa consecrata.
pag. 292.

C A P. XVIII.

Etruscorum inventum muri urbium: & ipsi sacra religione erecti: ampliari, reficique ab imperatore soliti. pag. 292.

C A P. XIX.

Etruscorum inventum sacrum Nuptiale, quod porco fiebat, auspiciis prævis. pag. 294.

C A P. XX.

Janus apud Etruscos Monarchiam invenit: perfectissimus regnandi status: Regis elevatio in clypeo. pag. 298.

C A P. XXI.

Etruscorum inventum insignia Regni, seu Principatus: obiter de Diademate Regio. pag. 300.

C A P. XXII.

Nobiles Romani se ab Etruscis originem ducere gloriabantur: Nobilitatis discretio & nota, scilicet bulla, aurea illa: Laribus suspendebatur: plebei & libertini eorum gestabant. pag. 301.

C A P. XXIII.

Celeres a Tusco Celere appellati: Trossuli, ab oppido Etrusco dicti: item Flexibuli, aut Flexamines. pag. 304.

C A P. XXIV.

Etruscorum inventum secures & fasces: Vetulonæ inventi dicuntur: solli: varius pro dignitate eorum numerus: submitti. pag. 305.

C A P. XXV.

Etruscorum inventum licitor, seu apparitor: ab officio dignior unus alio: januam intraturo magistratu percutiebat. pag. 308.

C A P.

C A P. XXVI.

Etruscorum inventum trabea, & quorum esset gestamen: clavata, seu clavis distincta: fibulata. pag. 310.

C A P. XXVII.

Etruscorum inventum sella curulis: & ipsa Regum primo, mox magistratum patriciorum. pag. 312.

C A P. XXVIII.

Etruscorum inventum anuli, ferrei, aurei, Thynici, Samothracii, Regum, legatorum, matronarum, equitum, advocatorum, poetarum: cur læva ferrentur: utensilia eis clausa. pag. 313.

C A P. XXIX.

Etruscorum inventum phalære: bellicus ornatus: consularis. pag. 317.

C A P. XXX.

Etruscorum inventum paludamenta, quorum gestamen illa more Romano: dicta & chlamys eadem vestis. pag. 319.

C A P. XXXI.

Etruscorum inventum prætessa: quæ vestis, & quorum abolla dicta. pag. 320.

C A P. XXXII.

Etruscorum inventum calcei militares, qui & Tyrrheni dicti: & crepida: fasciis ligati. pag. 322.

C A P. XXXIII.

Etruscorum inventum calcei senatorii: dimidiata lunæ figuram adfutam illi habebant: ansulis stricti: coloris nigri: patricii dicti. pag. 323.

C A P. XXXIV.

Etruscorum inventum cotburni, sive calcei tragici: iidem & venatorii. pag. 325.

C A P.

C A P. XXXV.

Volumnius Tuscas tragædias scripsit: primus apud Græcos, tragædus: item & apud Romanos: & Poëta Tuscus sub Augusto. pag. 326.

C A P. XXXVI.

Etruscorum inventum triumphus, & ejus pompa sive apparatus: triumphus & triumphus: alii populi ante Romam conditam triumphabant. pag. 328.

C A P. XXXVII.

Etruscorum inventum currus triumphalis: is rotundus, turris instar: coronis pensilibus ornatus. pag. 332.

C A P. XXXVIII.

Etruscorum inventum equi quatuor, triumphi currui juncti: illi albi: ab aliis animalibus, etiam hominibus, currus tracti. pag. 333.

C A P. XXXIX.

Etruscorum inventum corona triumphalis, laurea & aurea a carnifice. sustinebatur in eodem curru: duplex illa, solida ex auro, Etrusca dicta, & inaurata, lemniscis obducta: aurum coronarium: in sinu Jovis deponi solita. pag. 334.

C A P. XL.

Etruscorum inventum toga picta: quæ fuerit illa, & quorum gestamen. pag. 337.

C A P. XLI.

Etruscorum inventum tunica palmata, gestamen Regum, Consulum, Triumphantium. pag. 339.

C A P. XLII.

Etruscorum inventum Gladiatores: illi in theatris, in funeribus, in conviviis lege postea sublatis a piis Imperatoribus. pag. 340.

C A P. XLIII.

Pythagoras Etruscus, ab eoque Philosophie nomen inventum: & ejus symbola ab Etruscis observata. pag. 343.

C A P.

C A P. XLIV.

Pythagoras Etruscus sphaera mechanicæ inventor: & de Archimedis sphaera. pag. 345.

C A P. XLV.

Pythagoras Etruscus Geometriam excoluit. pag. 345.

C A P. XLVI.

Antiquissimis temporibus apud Etruscos moneta signata: prima pecunia ratiatus quadrans, a ratis effigie: materia numismatum, corium, testa, plumbum, æ, argentum, aurum: vultum Principum solitus numismatis insculpi, sed supremorum tantum. pag. 346.

C A P. XLVII.

Etruscorum inventum claves ostiorum. & de iis: custodiebantur ab uxoribus, in divortio adimebantur. pag. 351.

C A P. XLVIII.

Etruscorum inventum feræ ostiorum: peniles illæ: virgas gestabant Janitores. pag. 352.

C A P. XLIX.

Phialæ Etruscorum opificium: earum usus ad convivia, & libationes. pag. 353.

C A P. L.

Etruscorum mos circumferre pocula, & ad numerum bibere: & lex convivialis de potatione. pag. 354.

C A P. LI.

Etruscorum opificum candelabra, & de lychnis, seu lychnuchis, quæ candelabrorum olim loco: artium plurimum inventores illi, & valde ingeniosi. pag. 356.

C A P. LII.

Falvius Lippinus in Etruria vivaria invenit bestiarum. Modus eas saginandi: Leporaria dicta. pag. 358.

C A P.

C A P. LIII.

Floridæ vestes in usu apud Etruscos: dictæ a colore florum, quos imitantur: earina, & hialina a diverso colore. pag. 359.

C A P. LIV.

Apud Etruscos mastruca, seu vestes villosæ in usu: iis fortes usi potissimum, & præ aliis Gotbi. pag. 361.

C A P. LV.

Apud Etruscos vinearum satio: non omnes gentes jus eas colendi habuerunt: tributum iis impositum. pag. 363.

C A P. LVI.

Apud Etruscos arborum pomiferarum satio: & de Pomona, & Pomonali flamine. pag. 365.

C A P. LVII.

Etruscorum inventum falces arborarie: veneficiis adhibita abenæ. pag. 366.

C A P. LVIII.

Etruscorum inventum agricultura, saltem in Italia: de Cerere quadam. pag. 366.

C A P. LIX.

Etruscorum inventum medicina, licet Ægyptii, Arabes, Græcii, alique populi ejus ad se inventionem trahant: sera Romam migravit, medicique servorum numero. pag. 370.

C A P. LX.

Muscam Romani ab Etruscis sumpsere: ea convivii interesse sueta: hydraulica in usu instrumenta, choraules, thymelici, psaliræ, tympanistræ. pag. 372.

C A P. LXI.

*Cassis militaris ab Etruscis sic dicta: ea aquam circumferre, & bibere
facti milites: penus gemmisque diversicoloribus ornabatur, rictuque
belluarum horrendo. pag. 375.*

C A P. LXII.

*Etruscorum inventum cornua bellica ex cornu bubula, postea ex ere:
buccina eadem: cornicines aeneiores. pag. 377.*

C A P. LXIII.

Ab Etruscis acies militares disponere Romani didicerunt. pag. 378.

C A P. LXIV.

Etrusci phalangem habuere: octo hominum millibus constabat. pag. 379.

C A P. LXV.

*Etruscorum in bellis nobilitas, & ab iis Velites aciei adbibiti, & quis
eorum usus: expediti dicti. pag. 380.*

C A P. LXVI.

*Apud Etruscos aerea tibia: varius ejus usus, bello, ludis, sacris, fune-
ribus. pag. 382.*

C A P. LXVII.

*Iterum Etruscorum in bellis virtus: olim aenea tuba ab iis inventa, &
quidem Pisis a Piseo aut Meleo, aut Vetulonie: Græca vocabula a bar-
baris pro Latinis usurpata: concha pro tuba, & tibia, & sistrum.
pag. 384.*

C A P. LXVIII.

*Etruscorum inventum mole: servi ad eas damnati, qui & asini dicti:
eorum mansiones præsepia, uti immundorum, baræ: asini & equi ve-
latis capitibus: mole aquariæ, oleariæ: earum paries: Fornax Dea.
pag. 389.*

C A P. LXIX.

*Etruscorum inventum atria: quæ loca essent: templorum primum, mox
ædium profanarum: imagines in iis, & vela: porticibus respondent:
eorum ornatus: servi, iis præfecti, atrienses. pag. 393.*

C A P. LXX.

Etruscorum inventum columnæ Tuscanicæ dictæ: in mediis adibus: arma sustinebant: aratæ: in iis leges sculptæ: sepulchris imposuæ. pag. 399.

C A P. LXXI.

Etruscorum inventum ludi: diversis linguis editi, Osci: & quia in Deorum falsorum honorem excogitati, Christianis interdicti: colores in iis quatuor, mox sex: eorum causa, & factiones usque ad Reipublicæ interitum. pag. 402.

C A P. LXXII.

Etruscorum inventum ludii, sive bistriones: planipedes, moriones, gelasini, geletopi, coprea, & pantomimi: præmia iis, & corona data: scholæ gestulatorum. pag. 407.

C A P. LXXIII.

Etruscorum inventum equi jugales in ludis: victores absinthium bibebant: & quis quadrigæ sit auctor: equi nobiles. pag. 413.

C A P. LXXIV.

Etruscorum inventum pugiles in ludis, & eorum unctura: corpora nudata, Græcorum instituto, haud recte: nuditas libidinis incentiva: jumentum. pag. 419.

C A P. LXXV.

Lanificii usus apud Etruscos de lanificiis matronalibus. pag. 422.

C A P. LXXVI.

Etruscorum opificium ficilia, & quidem Arretii: eorum pretia: usus in conviviiis, templis: vocata gryte, & catinus, & frivola, & symposium, & caudes. pag. 424.

C A P. LXXVII.

Etruscorum in Italia inventum Plaslice: simulacbra Deorum ficilia: Tuscanica dicta: aurea postea. pag. 429.

C A P.

C A P. LXXVIII.

Etruscorum mos in corticibus arborum scribere: item in cera, in limeis textis, in ligneis tabulis, in aere, in charta expresse literæ, in membrana, in plumbo: minium primis literis additum, cornua & umbilicus. pag. 430.

C A P. LXXIX.

Ab Etruscis acceptæ fabulæ Atellana, seu Oscæ: earum partes, & distributio: eisodium, embola, exodium, sales: Poætæ Urbici dicti, & cum his cantores. pag. 436.

C A P. LXXX.

Etruscorum inventum carmina nuptialia; sive Fescennini versus. pag. 438.

C A P. LXXXI.

Etruscorum inventum navis, & illa ex corio & vimine, Britannorum ritu, seu Scotorum: ex abiete, ex alno: tutela: varia genera: nomina unde: pag. 439.

C A P. LXXXII.

Etruscorum inventum rostra navium, & naves rostrata: pag. 442.

C A P. LXXXIII.

Etruscorum inventum anchora. pag. 443.

C A P. LXXXIV.

Etruscorum Piratica, myoparones, flata, cilices, & in eos bellum. pag. 443.

C A P. LXXXV.

Etruscorum inventum leges in Italia: ab iis duodecim Tabularum supplementum Romani sumpserunt. pag. 445.

***** 2

C A P.

C A P. LXXXVI.

Etruscorum inventum Jura Fecialia, & Fecialium potestas in rebus bellicis: hasta & caduceo armati, illum jacebant bellum indicturi. pag. 447.

C A P. LXXXVII.

Etruscorum hasta Velutaris: & de Velutum armaturis pauca. pag. 449.

C A P. LXXXVIII.

Etruscorum pilum, & quale id teli genus fuerit: nomina inde Ducum Romanorum, Pilani, Primpilares. pag. 450.

C A P. LXXXIX.

Etruscorum inventum venabula venatoria, quibus ingentis magnitudinis feras comminus excipiebant. pag. 451.

C A P. XC.

Etruscorum inventum pratoria Ducum, sive calula, aut uranifera ea pellibus tegi solita: in obsidione Veientum a Romanis usurpata primum: papiliones: comubernaes dicti, qui sub iisdem pellibus milites hiemassent. pag. 453.

C A P. XCI.

Etruscorum inventum scorpio, tormentum poliorcenticum, atque etiam telum: duplex, major, minorque: onager etiam dictus. pag. 455.

C A P. XCII.

Etruscorum usus bis in die mensas ponere: & Romanos semel tantum comedere solitos, idque vespere: prandia non semper in usu. pag. 457.

C A P. XCIII.

Etrusci poculis argenteis utebantur: in duplici genere, celata, & pura: ministri ab argento, qui ea asseruabant, dicti. pag. 459.

C A P.

C A P. XCIV.

Etruscis in usu servi delicati, probeque vestiti, qui mensis famularentur: Romani hoc etiam emulati, pueros Alexandrinos, & symphoniacos in triclinia admittebant. pag. 461.


C A P. XCV.

Etruscorum mores delicati ab Auctore perstricti: emulati Romani Gaudianas puellas mensis adhibebant. pag. 463.



P R Æ F A T I O

AD LIBRUM PRIMUM.



IN Pandia gemma, etiam⁽¹⁾ immobili, varii se ostentant colores: ita venerandum ipse Etruriæ aspectus, etiam gentis potentiam & gloriam ignoranti peregrino, quid olim fuisset, ingessit, atque ultro insinuavit; nam hoc mare portuosum, hi colles frugiferi, hic Apenninus perpetuo jugo, veluti excubias præstiturus, hi amnes piscofi, agri fertiles, nemora opaca, & viridanti coma silvæ pampinatæ, tot civitates, mutatis licet nomine, situ, interdum & salubritate, tot arces amænæ, tot valida propugnacula, denique ingens rerum gestarum fama accenderunt animum, ut qui primis seculis tam felicem terram coluissent, investigare vellem: quod non verbose, neque⁽²⁾ Abydeno more, sed ubique laudatis idoneis auctoribus agendum censui. Dent modo Etrusci eruditissimi veniam, peregrini-

(1) Cassiod. libr. 5. Epist. 34.

(2) Said.

*regrinum nomen cum suorum majorum laudibus
haud ingravate legi: ⁽¹⁾*

Si modo coniferas inter viburna cupressus,
Aut inter pinos corilum frondescere fas est.

LIBER

(1) Nemesian. Eclog. 2. fine.





Vas Fic. Al. un. X. in Mus. Medicea

LIBER PRIMUS

*Etrusci, & Etruria unde: Etruria, an Hetruria
 efferendum? Etruri, idem ac Etrusci: R. & S.
 litteræ usus: termini regionis: barbaro seculo
 Tuscani dicti, & Tuscanenses.*

C A P. I.



TRURIAM bello juxta, paceque
 olim florentem, ac bis mille annis
 Regibus parentem, variasque hu-
 manæ vicissitudinis vices exper-
 tam, nunc tandem sub Serenissimis
 principibus Monarchico imperio
 restitutam, pietate, eruditione, di-
 vitiis pollentem illustraturus, a no-
 mine exordium duco. Ivo Carno-
 tentis MS. ex Bibliotheca Augustif-
 simi Regis Britanniarum, in opere
 de undecim Europæ Provinciis:
*Etrusci populi indigenæ in bello for-
 tes, in pace pietati deditissimi, ab
 Etrusco Herculis filio nominati, qui*

*cum patre ex Hispania in Italiam trajiciens, genti illi præfuit, Regi/que
 munus gloriose obivit, quod nomen antea habuerint, ignoratur. Servius*

Tom. I.

A

Hono-

DE ETRURIA REGALI

Honoratus ad libr. 10. *Æneid.* v. 164. *Etruria ab Etrusco Principe.* Fanucius Campanus, & ipse egregius auctor, MS. quo utor beneficio Reverendissimi D. Raphaëlis Roncionii, Patricii Pisani, ad bonas literas nati, & ibidem Archipresbyteri: is ergo libr. 2. de Familiis illustribus Italiae cap. 2. *Etrusci populi sunt antiquissimi & nobilissimi, & præ ceteris Italiae populis, eorum, quæ ad religionem & sacrificia pertinent, ad superstitionem usque studiosi erant. Horum metropolis fuit civitas Etruria, & sub se continet hos populos, scilicet: Tuscos, Tyrrenos, Faliscos, Vejentes, & Ciminios.* Aliter profecto, quam quicquam Cosmographorum, & nec civitas ulla apud eos Etruria, nec ea populorum divisio, quam ille, nescio unde, aut quam vere, induxit. Servius Maurus Honoratus ad libr. 11. *Æneid.* v. 596. *Etruria dicta est, vel quod ejus fines tendebantur ad proximam ripam Tiberis, quasi ἑρεπύρια; nam ἑρεπος est alter, & ἕπος finis vocatur. Roma enim antea unam tantum Tiberis ripam tenebat.* Juvenalis:

Quæ imperii fines Tiberinum virgo natavit.

quidam sane & ruri legunt (restituendum est omnino & Etruri legunt) ab Etrurie tras trans Tiberim enim Etruriam dicebant, homines Etruros, quos nunc Etruscos. Ex quibus, etli truncatis Servii verbis, non est obscurum elicere, antiquissimam hanc regionis fuisse appellationem: *Etrurosque idem, ac Etruscos, veteri consuetudine valuisse; nam ante Appium Claudium nullus erat literæ R usus: postea ea inventa ab eo, promiscue dictionibus illæ adhibebantur literæ R. S. Pomponius J. C. l. 2. §. juris civilis ff. de orig. jur. Hic Appius fuit cognomento Crassus, Consul cum Camillo Anno 405. ut patet ex tabulis Capitolinis; usque adeo ut vapos, labos, arbos, abjecta litera R, assumptaque S. dicerent.* Quintilian. libr. 1. cap. 6. Rationem putaverim, quod R canina littera vocaretur. Q. Cassiodor. in Psalm. 73. gloss. vet. *birrire canum, ringere.* A Persius sat. 1. ad finem. Lucilius apud Aelium Donatum in Adelpbos:

Irrinata canis quod R complurima dicat.

Ab hoc more *Etruri, Etrusci* sunt dicti: & *Etruria, Etrusca.* Fatue hic, stolidæque ineptit Leander Albertus, qui pag. 24 *Etruscos ab Etruria regione* deducit: & cur non verius ab Etruscis populis *Etruria regio?* Sed hoc insulsiſſimus ei persuasit Annii Viterbiensis. Si Etrusci ab Etruria, Etruria unde? Somniat deinde uterque Monachus de Etrusca gente, & Etrusca civitate; sed ego pergo. Ilidor. libr. 14. cap. 4. *Etruria pars Italiae dicta, quod ejus fines tendebantur usque ad ripam Tiberis, quasi ἑρεπος ἕπος, ulterior terminus; Romæ enim finis antea una tantum Tiberis ripam tenebat.* Servii verba, ut solet, transcriptit. Alii Etruriam ab Etrusco principe putant. Hoc quoque juris controversi, *Etruriane*, an vero *Heituria* efferendum? Græci Scriptores, & derivatio omnino convincunt *Etruriam* dicendum; ita omnes Latinoꝝ etiam codices. Martian. Capella libr. 6. Nupt. *Etruria regio tam indigetis*

getis *Aeneæ* federe, quam remedium origine, atque ipsius *Tagetis* exaratione celebrata. Ita vulgata lectio; at in MS. *Etruria regio a rege Etrusco tam indigetis*. At usus obtinuit apud aliquos contra rationem, ut *Hetruria* scriberetur. Lapis vetus Romæ ad D. Cæsarii, non longe a ponte Sixto. (1)

L. TARQUINIO

L. F. POM
E. T. R. V. S. C. O
S. V. L. P. I. C. I. A. N. O
SCRIBAE. QVAESTOR
EX. TESTAMENTO
D. H-S XX

Alius in agro Senensi in pila aquæ benedictæ.

L. TITI. T. F
ETRVSCI

Termini ab initio latissimi; nam & Mantuam, & Bononiam, & Genuam, & Mediolanum inde: hinc vero Capuam, Nolam, Puteolos, adeoque Volscos, & Campanos omnes Etruscis fuisse subjectas colonias infra hoc opere disiceretur; quin imo Diodor. Siculus libr. 5. λέπεται δ' ἡμῖν ἀπὸν περὶ τῶν Τυρρηνῶν. ἔτοι γὰρ τὸ μὲν παλαιὸν ἀνδρείῳ διενέγκαντες, χώραν πολλὴν κατεκτήσαντο, καὶ πόλεις ἀξιολόγους καὶ πολλὰς ἐκτίσαν. Restat ut de *Tyrrhenis* etiam dicamus: hi quondam fortitudine præcellentes, magnum terre tractum occuparunt, urbesque multas, & celebres condiderunt. Faventior T. Livius 1. Dec. libr. 1. Tanta opibus *Etruria* erat, ut jam non terras solum, sed mare etiam per totam *Italiæ* longitudinem, ab *Alpibus* ad fretum *Siculum* fama nominis sui impleset. Junius Philargyrius, doctissimus Grammaticus, ad libr. 2. Georgic. v. 534. Maximum enim imperium *Etruscorum* in *Italia* fuit, ut ait Livius, ab *Alpibus* usque ad fretum *Siculum*, unde totum mare, quod a dextra *Italici* litoris est, *Tyrrhenum* dicitur. Hoc Varro doctius dividit in provincias marinas. Servius ad eundem locum: Secundum historiam, nam constat *Tuscos* usque ad fretum *Siculum* omnia possedisse. Neque vero tantum *Italiæ* principatum ab *Alpibus*, seu prima *Liguria*, usque ad terminum ultimum *Brutiæ* tenuerunt, & armis pepererunt; sed etiam extra *Italiæ* longe lateque dominabantur. Anonymus Poëta in prosopopœja *Tusciæ*:

Me Janus tenuit primus, formataque ab illo
Imposui leges populis, & nomina ponto
Inferno & Supero, missos auxique colonos,
Imperiumque *Italos* trans fines, fœdera natis

A 2

Dum

(1) Apud Grut. pag. 625. num. 4. ubi habetur L. TARQVITIO, &c.

*Dum servata meis; sed me discordia præceps
Romulæ domitam genti servire coëgit,
Quæ decus antiquæ longo post tempore linguae
Auxilii male grata mei, male grata laborum
Abstulit, & mansit nomen, quod thura dederunt;
Arcades, & Lydi, vel quod mulare Pelasgi
Non ausi*

Posteriori tandem seculo, Romanis jam rerum potitis, arctior Etruriæ limes, ab amne scilicet Macra ad Tiberidem: quo nomine comprehensa regio illa, quæ vulgo *Toscana*, & ejus pars *Umbria*. Incolæ vero *Tuscani*, auctore vetusto Anastasio, Bibliothecario S. R. E. qui vivebat ann. 867. Is in Stephano IV. *Tuscani, & Campani Roma aggregati*. Idem & *Tuscanenses* dicti. Idem in Zacharia: *Ramingum Castaldum Tuscanensem*: & in Leone III. *In territorio Orbetano intra fines Clusinienses, seu Tuscanenses*. Sed hæc vocabula barbaro tantum ævo usurpata.

*Tuscia & Tusci a thure nomen deductum non
videri, quod thuris usus non sit antiquus:
Tusci, an Thusci? a Rege vox tracta.*

CAP. II.

HOC etiam isti provinciæ nomen, incolisque impositum. Dionys. Halicarn. libr. 1. pag. 24. (1) Καὶ ἀπὸ τῆς ἑμπερίας τῶν περὶ τὰ θεῶν σεβάσματα λειτουργῶν, διαφέροντας εἰς αὐτὴν ἑτέρων, οὐν μὲν τοὶ ἀσπαρέτερον, πρότερον δ' ἀκριβέστερον τοῦνομα ὥσπερ Ἕλληνες Θουσκίους ἐκάλεον. Et ob excellentem sacrorum, ac divini cultus peritiam, nunc quidem obscurius Thuscos, olim vero exactiori voce quemadmodum Græci Thyoscoos vocabant. Paul. Varnefrid. libr. 2. Hist. Longobard. c. 16. Sexta provincia Thuscia est, quæ a Thure, quod populus illius superstitione in sacrificiis Deorum suorum incendere solebat, sic appellata est. Ivo Carnotensis MS. Thusci, vel a thure, vel etiam a rege Thusco nominati videntur. Fanucius Campanus & ipse MS. Thusci a thure dicti sunt, ob sacrificiorum frequentiam, quorum municipium principale fuit Sena. Itaque Cosmographo & Historicis nullum dubium, sed unanimis consensus. Audiamus Grammaticos. Servius Maurus ad libr. 2. Æneid. v. 784. Thusci a frequentia sacrificii dicti sunt, hoc est ἀπὸ τοῦ θυῶν a suffiendo. Eadem repetit ad libr. 10. Æneid. v. 164. & addit, quod nullus alius, quod legere quidem m. mini, asseruit: Thuscos bene dicimus populos: Thusciam vero non debemus dicere, quia nequaquam in idoneis auctoribus legitur.

Et

(1) Edition. Francof. 1586.

Et de sacrificiis repetit idem ad libr. 8. *Æneid.* v. 477. Ea denique ex illo, more suo, transcribit Iidorus Hispalensis libr. 14. cap. 4. Ex his liquido constat, aut *a thure*, aut ἀπὸ θυρίων, *ab adolendo*, appellationem genti impositam; quare non est admodum vetusta ea dictio: quod manifestum faciam. Num diu post heroica tempora, ac ne regnante quidem Numa Pompilio, thuris aut notitia, aut in sacris usurpatio. C. Plin. libr. 13. cap. 1. *Iliacis temporibus thure non supplicabatur*. Pleniori manu Arnobius libr. 7. adversus gentes: *Percunctamur de thure, unde, aut quo tempore nosse illud, aut scire poteritis, ut merito existimetis aut esse diis dandum, aut eorum acceptissimum voluntati: novella enim propemodum res est: neque annorum inexplcabilis series, ex quo ejus notitia profluxit in has partes, & delubris meruit interesse divinis; neque enim temporibus, quemadmodum creditur & perhibetur, heroicis, quidnam esset thus, scitum est, scriptoribus ut comprobatur a priscis, quorum in libris posita nulla estus mentio reperitur: neque genitrix & mater superstitionis Etruria opinionem ejus novit, aut famam, sacellorum ut indicant ritus, neque quadringentis annis, quibus Albana res viguit, in usum cuiquam venit, sacra res quum fieret: neque ipse Romulus, aut religionibus in comminiscendis artifex Numa aut esse scivit, aut nasci*. Certe itaque antiquo ævo thus ignotum, at sub Romanis cupidissima superstitione diis oblatum, & maxime Jano, ut docui libr. 2. *Antiquitat. Roman.* cap. 3. Pro thure unguentis utebantur, ad suffiunda decorum altaria, & sulfure, de posteriori Dioscorides Pedavius libr. 5. cap. 124. Homerus, apud quem nulla thuris mentio, sulfuris ad purgandas ædes sacras, aut noxium quemlibet halitum eximendum, adhibiti meminit libr. 22. *Odyss.* in fine. Plinius libr. 35. cap. 15. Ita Poëtæ. Tibull. libr. 1. *Eleg.* 5.

*Ipseque ter circum lustravi sulfure puro,
Carminum cum magico præcinnisset avus.*

Sext. Propert. libr. 4. *Eleg.* 9.

*Dein quemcumque locum externa tetigere puella,
Sufficit, & pura limina tergit aqua.
Imperat, & totas iterum mutare lucernas,
Terque meum tetigit sulfuris igne caput.*

D. Juvenal. *Satyr.* 2. in fine:

*... cuperent lustrari, si qua darentur
Sulfura cum tedis, & si foret humida laurus.*

Ovid. libr. 7. *Metamorph.* fab. 1.

Terque senem flammis, ter aqua, ter sulphure lastrat.

Et libr. 2. de *Arte*:

Præferat & tremula sulfur, & ova manu.

Papin. *Stat.* libr. 4. *Thebaid.* v. 416.

*Visceribus laceris, & odori sulfuris aura,
Graminibusque novis, & longo murmure purgat.*

De

6 DE ETRURIA REGALI

De unguentorum, aut odoriferarum stirpium suffitu ante thuris inventionem, Alcimus Avitus libr. 3. v. 237.

Vivida quin etiam miscebant cinnama thalli,

Et suffita domus pingui fragrabat amomo.

Non igitur a thure, cujus nullus antiquitus usus, ut ostensum, nomen hæc regio habuit, & errant, qui ita censent; sed a rege Tusco. Ivo Carnotensis initio hujus capitis. Festus Pomp. libr. 8. *Tusci a Tusco rege filio Herculis sunt dicti.* Servius Maurus ad v. 71. libr. 1. *Æneid. paulo aliter a Tyrrheno quodam, qui submersus fuit in mari, quod Tusciam alluit, cujus filius Tuscus, a quo fuit Tuscia.*

Anxie quoque viri docti inquirunt: *Tuscia*, an vero *Thuscia* sit effe-
rendum. Lapidés adscribam. Unus est Præneste. (1)

Quos. Vmber. Sulcare. Solet. Quos. Tuscus. Arator.

Orta difficultas vel potissima a thure, quod quidam a *tundendo* deduxerunt. Sospater Charisius libr. 1. Alii ἀπὸ τῆς θύρας, a *suffiendo*: inter quos est Julius Modestus; sed lapides, ut dixi, sine aspiratione passim efferunt, & exempla apud Aldum Manutium in Ortographia. Vide Inscript. 4. c. 2. quam inscriptionem paulo diversam reperies apud Wolfgangum Latium libr. 2. Commentarior. Reip. Roman. cap. 7. pag. 186. Alter lapis in ædibus Capranicorum. (2)

A S T E R I I

L. TVRCIO. APRONIANO. V. C.
FILIO. L. TVRCII. APRONIANI. V. C.
PRAEFECTI. VRBI (3). NEPOTI
L. TVRCII. SECVNDI. V. C. CONSVLIS
QVAESTORI. PRAETORI. QVINDECIM (4)
VIRO. SACRIS. FACIENDIS. CORREC-
TORI. TVSCIAE. ET. VMBRIAE. OMNI
VIRTUTE. PRAESTANTI. STATVAM
EX. AERE. ORDO. SPOLETINORVM
AD. MEMORIAM. PERPETVI. NOMINIS
CONLOCAVIT

CVRANTIBVS. FLAVIO. S. P. R. V. P. (5) ET. CONDO-
NIO. TAVRO. IVN

POST. AMANTI. ET. ALBINI. COS

Vifi-

(1) Apud Gruter. pag. 72. num. 5.

(2) Grut. pag. 476. num. 7.

(3) Gruter. variis.

(4) Grut. QVINDECIM.

[5] Gruter. SPE. V. P.

LIBER I. CAP. II.

7

Visitur alius etiam Narniæ ad portam antiquissimam. (1)

T. III. IL. II. AVII
P. PVBLILIO. CAEIONIO
IVLIANO
CORRECTORI. TVSCIAE. ET
VMBRIAE. OB. INSIGNIA. EIVS
GESTA. ET. INLVSTRE. NOMINIS
ET. RATIONIS. MERITVM
ORDO. NARNIENSIVM. VNA. CVM
CIVIBVS. STATVAM. CONLOCAVERVNT
PATRONO. DIGNISSIMO

Quintum lapidem possidet Interamnæ Statius Donatus. (2)

IVLIO. EVBVLIDAE
C. V. CORR. TVSCIAE
X. VIRO. PRAEFECTO
AERARII. S. SATVRNI

OB. INLVSTRIA. IPSIVS
MERITA. ET. AMOREM. IVX
TA. CIVES. ORDO. INTE
RAMNATIVM. PATRONO

Denique sextam Inscriptionem extare dicunt Florentiæ. (3)

APPIVS. CLAVDIVS
C. F. CAECVS
CENSOR. COS. BIS. DICTATOR. INTERREX. III
PR. II. AED. CVR. II. Q. TR. MIL. III. COM
PLVRA. OPPIDA. DE. SAMNITIBVS. CEPIT
SABINORVM. ET. TVSCORVM. EXERCITVM.
FVDIT. PACEM. FIERI. CVM. PYRRHO(4)
REGE. PROHIBVIT. IN. CENSURA. VIAM
APPIAM. STRAVIT. ET. AQVAM. IN
VRBEM. ADDVXIT. AEDEM. BELLONAE. (5)
FECIT

Tyrrhe-

(1) Apud Gruter. pag. 387. num. 2. & pag. 460. num. 4. (2) Gruter. pag. 422. num. 1.
(3) Nunc in Musæo Magni Ducis. (4) Errore lapidarii TYRRO. (5) In marmore BELLONA, sed e videtur detricta cum marmore.

*Tyrrheni, Turrbeni, Tyrzeni: Tyrrhenia: indigenæ,
an advenæ? a Rege appellationem sortiti:
claritudo, & bella prima: Metropolis:
Romulus inde ortus:*

C A P. III.

GENS eadem *Tyrrhenia* dicta, & Latino more *Turrhenia*, Y. in U. mutato, quod sæpe contingit: quod a Gaspare Scioppio notatum: iidemque *Turreni*, aut *Tyrrheni*, ac *Tusci*, vel *Etrusci*. Suidas in voce *Τυρρηνία χώρα*. Vet. Gloſſ. *Etrusca τυρρηνή*. Sunt eruditi nonnulli, qui a turribus, quas græce *τύρραι* dicunt, eos *Tyrzenos* nominatos volunt. Dionys. Halicarnas. libr. 1. Antiquitat. Roman. Τῆς δὲ Τυρρηνῆς οἱ μὲν αὐτόχθονας Ἰταλίας ἀποφαίνουσιν, οἱ δὲ ἐπηλύδας, καὶ τὴν ἐπωνυμίαν αὐτοῖς ταύτην, οἱ μὲν ἀντιγενεὲς τὸ ἔθνος ποιοῦντες ἀπὸ τῶν ἐρυμάτων, ἃ πρῶτοι τῶν τῆδε οἰκόντων κατασκευάσαντο τεθῆναι λέγουσι. τύρραι γὰρ καὶ παρὰ Τυρρηνοῖς αἱ ἐντάχιοι καὶ σεγαναὶ οἰκίσεις ὀνομάζονται, ὥσπερ παρ' Ἑλλήσιν. ἀπὸ δὲ τῆ συμβεβηκότος ἀξίωσι τεθῆναι τοῦνομα, ὥσπερ καὶ τοῖς ἐν Ἀσίᾳ Μουσυνίοις. Hos quidam ajunt indigenas esse Italie, quidam advenas, & qui negant eos externi esse generis, nominatos dicunt a domiciliis munitis, quæ primi in his regionibus struxerunt; turres enim ut Tyrrheni, ita Græci Tyrſes, clausa muris, & firma ædificia nominant. Volunt igitur ex re nomen eos invenisse, ut in Asia Mosynæcos. Et τύρραι quidem pro turre usurpatur, cum ab optimis Scriptoribus Græcis, tum a Xenophonte libr. 7. Pædiæ pag. 190. Et libr. de Expedit. Cyri 4. pag. 327. Et libr. 5. ejusdem operis sæpe post principium. Et eodem opere libr. 7. ad finem. Vide loca. Hæc est prima opinio ab ædificiis sic dictos, ut Hamaxobios audimus apud Herodotum, Burgundiones in nuperis Francorum historiis: quod si verum, indigenas eos esse oportet. Rutil. Numatian. libr. 1. Itinerar. in fine:

*Famam Læbanii veneratur numinis instar
Inter Turrigenas Lydia tota suos.*

M. Lucan. libr. 2. v. 429.

*Gallica rura videt, devexasque excipit Alpes:
Tunc Umbris, Marisque ferax, domitusque Sabello
Vomere, piniferis amplexus rupibus omnes
Indigenas Latii populos, non deserit ante
Hesperiam, quam cum Scylleis clauditur undis.*

Ex quibus verbis Etruriam cultam ab indigenis testatur: quod & lingua diversissima a Græca, Latina, Asiaticisque omnibus idiomatis ostendit,

dit, ut doceo cap. ult. hoc libr. i. infra, & aliquid obiter J. Tzetzes in scholiis suis ad Lycophronem. Altera sententia est, Asiaticorum Tyrrhenos esse colonos. Plutarchus in Romulo: *Δὸ κ' οὖν ἔτι θύοντες ἐπιπύκναι, γέροντα μὲν ἄγρῳσι δι' ἀγορᾶς εἰς Καπετώλιον ἐν περιπορφύρῳ βάλλαν αὐτῷ παιδικῇν ἔψαντες, κηρύττει δ' ὁ κήρυξ, Σαρδιανὸς ὄντας, Τυρρῆνοί γάρ ἀποικοι Σαρδιανῶν λέγονται.* Unde mansit, cum ob partam victoriam sacrificant, ut senem per forum in Capitolium traducant in praetexta, cui bullam puerilem addunt, & proclamat prece: *Sardeis venales; nam Sardinum (male Lapis Sardanorum vertit) fama est Etruscos colonos esse.* Adi paræmiographos.

Tertio placet quibusdam, Etruscos quidem αὐτοχθόνους, seu indigenas esse; sed Tuscos, Lydos, Tyrrhenos ex Asia venisse, uti & Pelasgos, & Arcades, quorum commixtione una gens, unusque populus coaluerit, nomine mutato. Festus Pomp. libr. 18. ex Verrio Flacco: *Turrhenos Etruscos appellari solitos, aut Verrinus, a Turrheno duce Lydorum.* Servii Honorati Grammatici verba sunt ad v. 71. libr. 1. Æneid. *Forte autem recessit Tyrrhenus a fratre suo Lydo, quærens aliam terram, dimisit suam, regnumque fratri, sed prævenit submersio illius; evasit vero filius ejus, & habitavit in Tuscia.* Et ad v. 781. libr. 2. Æneid. *Lydius Tiberis, sic dictus a fratre Tyrrheni; Tusci enim a Lydis originem ducunt; nam Lydus & Tyrrhenus duo fratres, cum eos provincia una non ferret, in sortem miserunt, ut divisis copiis profiscisceretur unus ad novas sedes quærendas. Profectus Tyrrhenus est, qui ex suo nomine Tuscos Tyrrhenos vocavit.* Ejusdem sunt etiam ista ad v. 470. libr. 8. Æneid. *Supra diximus, Mæoniam provinciam esse, cujus dum brevitudo duos fratres, Lydum & Tyrrhenum, ferre non posset, ex sorte Tyrrhenus cum ingenti multitudine profectus est, & partem Italiae tenuit, & Tyrrheniam nominavit.* Quod alii sponte Tyrrhenum egisse, ille ut ageret, sorte indutum prodit; sed parum est discriminis, dummodo constet, illum & multitudinis ducem fuisse, & in Italia confedisse. Ipse Virgilius loco proxime laudato:

..... Lydia quondam

Gens bello præclara, jugis insedit Etruscis.

Cosinographos subnectam Julius Solinus cap. 8. Polyh. *Quis ignorat &c. Tyrrhenos a Tyrrheno Lydia rege dictos?* C. Plin. libr. 3. cap. 5. *Umbros inde exegere antiquitus Pelasgi, hos Lydi, a quorum rege Tyrrheni, mox a sacrificio ritu lingua Græcorum Tusci sunt cognominati.* Strabo Asiaticus libr. 5. Geograph. pag. 151. *Οἱ Τυρρῆνοί τοίνυν παρὰ τοῖς Ῥωμαίοις Ἐτρώσκοι καὶ Τῆσκοι προσαγορεύονται, οἱ δ' Ἕλληνες ὅτως ὠνόμασαν αὐτοὺς ἀπὸ τῆς Τυρρηνίας ἢ τῆς Ἀττικῆς, ὥς φασί, τῇ τελευτῇ ἐκ Λυδίας ἀποίκους δεῦρα, ἀπὸ γὰρ λιμὲν καὶ ἀφ' ὧν ὁ Ἀττικὸς εἰς τῶν ἀπογόνων Ἠρακλέους, καὶ Οὐμφάλης, δύοσιν παίδων ὄντων, κλήρω Λυδὸν μὲν κατέσχε, τὴν δὲ Τυρρηνίαν τὸν πλείω συσέλας λαὸν, ἐξέσευθεν, ἐλθὼν δὲ τὴν χώραν ἀφ' ἑαυτῆς Τυρρηνίαν ἐκάλεσε, καὶ δώδεκα πόλεις ἔκτισεν.* Vertit Guil. Xilander, vir eruditus: *Tyrrheni ergo a Romanis Etrusci & Tusci nominantur: Græci sic appellarunt a Tyrrheno Atyos filio, qui ea coloniam ex Lydia duxerit; fame enim, & sterilitate coactus Atyos, unus ex Hercule &*

Tom. I.

B

Om-

Omphale prognatis, de duobus filiis alterum, *Lydum* nomine, sortito detinuit: alterum *Tyrrhenum*, cum majore populi parte amandavit. Is quum in *Italiam* venisset, regionem a suo nomine *Tyrrheniam* nuncupavit, & duodecim urbes condidit. Historicis Grammaticis & Cosmographis adjungam, quo clarior res sit. Vell. Patercul. libr. 1. *Per hæc tempora Lydus & Tyrrhenus fratres cum regnarent in Lydia, sterilitate frugum compulsi, sortiti sunt, uter cum parte multitudinis patria decederet: fors Tyrrhenum contigit: pervectus in Italiam, & loco, & incolis, & mari nobile ac perpetuum a se nomen dedit.* Dionysius Halicarn. genus ejus sic deducit: Manes, ex Jove & Terra genitus, primus *Mæoniæ* imperavit: ex hoc & *Callithoe*, Oceani filia, natus *Cotys*: nupta *Cotyæ* *Hælies*, *Tulli* filia, duos enixa est filios, *Adiem* & *Atym*: ille duxit *Callitheam*, *Choræbi* vel *Toræbi* filiam, sive, ut alii vocant, *Choræi*, a qua suscepit *Lydum* & *Tyrrhenum*. Καὶ τὸν μὲν Λυδὸν (ait ille libr. 1. pag. 21. (1)) αὐτὸν καταμέναντα τὴν πατρῴαν ἀρχὴν καταλαβεῖν, καὶ αὐτὸν Λυδίαν τὴν γῆν ὀνομαστῆναι, Τυρρῆνον δὲ τῆς ἀποικίας ἡγεσάμενον πολλὴν κτήσασθαι τῆς Ἰταλίας, καὶ τοῖς συναρμυμένοις τὸ εἶδος ταύτην θεῖσθαι τὴν ἐπωνυμίαν. *Lydum* domi manentem successisse in paternum imperium, ab eoque denominatam terram *Lydiam*: *Tyrrhenum*, colonie deducende auctorem, occupasse bonam partem *Italiae*, sociisque protectionis suum imposuisse vocabulum. Eadem pæne *Herodotus* libr. 1. pag. 25. quem consule, *Sigismundum Gelenium* *Fridericus Sylburgius* jure arguit. Q. *Florens Tertullian.* ex *Timæo* libr. de spectac. cap. 2. *Lydos ex Asia transvenas in Etruria consedisce, ut Timæus refert, duce Tyrrheno, qui fratri suo cesserat regni contentione. Igitur in Etruria inter ceteros ritus superstitionum suarum, spectacula quoque religionis nomine instituunt: inde Romani accersitos artifices mutantur, tempus, enunciationem.* Quem locum integrum & probissimæ sententiæ frustra critici torquent: quem locum integrum verbatim *Idorus Hispalensis* libr. 18. cap. 16. transcripsit, nisi quod verba nonnulla corrupta. L. *Seneca* ad *Helviam* matrem cap. 6. *Tuscos Asia sibi vindicat. Fanucius Campanus* MS. libr. 2. de *Illustrib. Italiae Famil.* cap. 2. *Tyrrheni a Tyrrheno quodam Atyos filio, qui relicta Mæonia in Italiam se contulit, & in ora maris Inferi consedit, ac horum municipium fuit civitas Cariatæ.* Aut mendum est, aut nugæ de *Cariatæ* civitate *Metropoli Tyrrheniæ*: certe *Stephanus* libr. de *Urbibus in Tyrrhenia* tres κρότωνες urbes collocat, & harum unam esse vult *Metropolim*.

Gentem hanc *Virgilius* bello præclaram supra dixit: nec unquam Græci Scriptores aliter *Etruriam*, quam Τυρρηνίαν vocant. *Philostrat.* Iconib. pag. 759. & alii passim. Eorumque res gestæ antiquissimis seculis cum Latinis memorantur. *Serv. Maur.* ad v. 426. libr. 7. *Æneid.*

Tyrrhenas; i, sterne acies;

Sane notum est, bello multum potuisse *Tyrrhenos*, & fuisse præcipue infestos Latinis; ut libr. 8. *Æneid.* v. 54.

Il

(1) Editionis Francofurt. anno 1586.

Hi bellum assidue ducunt cum gente Latina.

Idem bellum non minus strenue, quam necessario cum Siracusanis gesserunt, ut abunde describit Diodorus Siculus libr. 14. Historiar. Ferunt etiam celebritate famæ allectum Homerum eam regionem invisisse. Heraclid. Pontic. libr. de Politis in Cephaleniis: *Μαγνὰ δὲ καὶ ἐκ Τυρρηνίας Ὀμήρος παραβαλὼν εἰς Κεφαλληνίαν καὶ Ἰθάκην, ὅτε τὸς ὀφθαλμοῖς λέγεται διαφθαλῆναι νοσήσας.* Testatur etiam *Homerus*, se ex *Tyrrhenia* in *Cephale-niam* & *Ithacam* trajecisse, cum morbo correptus oculos amisisset. Memoria commisit Alcimus historicus vetustissimus ex *Tyrrhenia* natum filium *Aeneæ Romulum*, a quo longa serie *Romulus* illis, qui urbem *Romam* condidit, descendit. Festus libr. 16. in *Romam*. Ita Poëta. Claudian. de Bello Gildon.

... quatur *Tyrrhena* tumultu
Ora

M. Lucan. libr. 2. *Pharsal.* v. 401.

... *Tyrrhena* vado frangentes equora *Pisa*.

Sil. Italic. libr. 10. *Punicor.*

Cui si mutasset sexum natura, reverti
Forsan *Tyrrhenas* tibi non licuisset in oras
Persenda

Et libr. 12. Idem:

... ubi cum *Tyrrhena* natarent
Stagna cruore virum.

Joann. Tzetzes *Chiliad.* Historiar. 8 cap. 235.

Ἐκ Τυρρηνῶν τὸ παρρητικὸν τυρρηνεὺς ἀνομάσθη.
A Tyrrhenis docte agere, seu astute, Tyrsevein est dictum.

*Lydia, Lydi, voluptatibus ante appulsum in Etruriam
dediti: sortitio de principatu obtinendo: a
Poëtis pro Etruscis appellati.*

C A P. IV.

Etruria appellata est *Tyrrhenia* a *Tyrrheno* rege, ut superiori capite fuisse probatum. Eadeni gens *Lydia* dicta, vel a gente, quam ille in *Italiam* secum, novos futuros colonos, traduxit: vel a fratre ipsius *Lydo*, qui hereditarium & paternum Regnum in *Lydia* obtinuit; quare & hoc quartum regionis nomen. *Servius Maurus* ad libr. 2. *Æneid.* v. 781. *Lydia* autem dicta est, in qua frater *Lydus* remanserat, unde nunc traxit, ut *Lydium* diceret. Q. Ter-tullian. *Florens* libr. de *Pallio* sub init. Prob quantum circummeavit, a *Pelagis* ad *Lydos*, a *Lydis* ad *Romanos*, ut ab *humeris* sublimioris populi

Caribaginienses complecteretur. Valer. Maxim. libr. 2. cap. 1. tit. 17. Ea- que res Ludium ex Etruria accersendi causam præbuit, cujus decora per- uicinas vetusto ex more Curetum Lydorumque, a quibus Etrusci origi- nem traxerunt, novitate grata Romanorum oculos permulsi. Quod usque adeo verum est, Etruscos Lydorum esse colonos, ut communi appellatione populus uterque contineatur; licet Xanthus Lydus, an- tiquitatis patriæ peritus, id inficietur apud Dionysium Halicarnasæum libr. 1. pag. 22. affirmat tamen Plutarchus Problem. Rom. cap. 52. Ἐπεὶ δὲ Λυδοὶ μὲν ἦσαν οἱ Τυρρηνῶν ἀπὸ ἀρχῆς. Etrusci a Lydis originem trahunt. Satisfacit plene C. Tacitus in certamine Asiaticarum urbium libr. 4. Ann. Ita Sardinios inter Smyrneosque deliberatum, Sardinii decretum Etruria recitavere, ut consanguinei; nam Tyrrhenum Lydumque, Atys rege genitos, ob multitudinem diuisisse gentem, Lydum patriis in terris re- sedisse &c. illis per Asiam, bis in Italia, quædamque adhuc Lydorum opu- lentiam, missis in Græciam populis, cui mox a Pelope nomen.

Atque ut verum sit, quod nemo negare potest, Lydos Etruscos dictos, ita pleraque de Lydis, ante eorum appulsum in Italiam, apud veteres leguntur Scriptores, quæ nequaquam Etruscis conveniunt, ut cum ἄρεβοι audiunt apud Strabonem Asiaticum libr. 5. Geogr. cum idem Servos Atheniensium refert Lydos libr. 7. pag. 211. item cum vo- luptatibus fœdissimis, & mollitiei dediti scribuntur ab Athenæo lib. 12. Dipsosophist. cap. 3. & Clearchus id ipsum confirmat. Διὰ τρυφὴν πα- ρέειναι κατασκευασμένοι ἐν κηπαῖς αὐτὸς ποιήσαντες ἐσθιαστροφῶντο. Præ luxu constructis viridariis, & ad hortorum similitudinem redactis, in umbra de- gebant. Confule poetas utriusque linguæ de Omphale, regina Lydo- rum, cujus turpis mollities in Italiæ incolæ quadrare non potest, uti nec fluxæ vestes, & in muliebrem lasciviam pendulæ, quibus Lydi illi Asiatici infamantur. C. Petronius in Satyrico pag. 184.

*Nympharum Bacchique comes, quem pulchra Dione
Divitibus silvis numen dedit, inclita paret,
Cui Lesbos, viridisque Thasos, quem Lydus adorat
Vestitus, templumque tuis imponit Hypæpis.*

Promiscue sane utrumque populum efferunt. Silius Italic. libr. 9.
*Strage virum mixtus Trebia est, atque ora sepulto
Lydia Flaminio premitur.*

Idem libr. 10. Punicor.
Auditus tibi si Cœles, si Lydia castra.

Et eodem opere libr. 11.
Lydia Romano turbavit stagna cruore.

Et libr. 13. in principio, & ad finem:
Illa est, que Tiberim, que fregit Lydia bella.

P. Virgil. libr. 9. Æneid. & alibi sæpe:

Lydorumque manum collectos armat agrestes.

Quia autem supra dixit Servius, & cum eo Tacitus, Vellejusque, ac

Stra-

Strabo consenserunt, videndum, quis ille mos antiquitus fuerit. Ego sane reperio de regno ambiguo sortem jactam, & maxime apud Græcos. Herodot. libr. 3. & ex illo Polyænus libr. 7. Stratagemat. iisque posterior Ammianus Marcellinus libr. 23. quem consule. Idemque de Gothis proditum a Sidonio Apollinare libr. 6. epist. 6. *Limes Gothica sortis*, idest regni. Et libr. 8. epist. 3. *Promota limitem sortis*, hoc est principatus aut imperii. Et libr. 9. epist. 5. *Diversarum jure sortium revocaremur*. Idque in omnibus inter reges controversius observatum loquuntur Polynices & Eteocles, Thebarum principes, & Oedipi filii, qui sortis arbitrio paternum & hereditarium regnum inter se partiti sunt; ut est apud Diodorum Siculum plene libr. 3. cap. 6. & Euripidem in Phœnissis: idque voluntate patris factum narrat Julius Hyginus Fabular. cap. 67. Ita Poeta: L. Seneca Thebaid. Act. 2.

Jam regna repetens frater ex pacto venit.

Stat. Papin. libr. 1. Thebaid. v. 167.

..... Jam sorte cadebat

Dilatus Polynicis honor.

Et libr. 2. Thebaid.

*Quippe animum subit illa dies, qua sorte secunda
Fratri, Eteocleia steterat privatus in aula.*

Et eodem libro postea:

Quæ fors justa mihi, quæ non indebitus annis,

Sceptra dicavit bonas, teneo.

Observare licet idem factitatum ab Atreo & Thyeste. L. Seneca Act. 1. Choro:

Alternæ scelerum ne redeant vices.

Si exemplis agere placer, innumera sunt. Successores Alexandri, sorte jacta, provincias ab eo partas diviserunt. Plutarch. in Eumene. Augustus, Antonius, Lepidus triumviri orbem sorte arbitra partiti. Appian. Alexandr. libr. 1. Bell. Civit. Darius Persarum principatum sorte est adeptus. Justin. Junianus libr. 1. hoc enim ei cognomen ex MS. Vaticano adstruxit politicissimus Jacobus Sirmondus, Sacerdos Societatis Jesu. Adstipulatur Paulus Orosius libr. 2. cap. 8. *Darius, Cyro apud Scythas interfecto, post aliquantum intervallum, sorte regnum adeptus est.* Et quid multis? Apostoli, lucem Evangelii per omnes orbis partes sparsuri, sorte provincias inter se diviserunt. Rufinus Histor. Ecclesiast. libr. 10. Ab hoc ritu fluxerunt fabulæ; Jovem, Neptunum, Plutonem sorte partitionem dominationem patris Saturni, cujus rei testis Homerus libr. 15. Iliad. vers. 190. Servii apponam verba ex libr. 1. Æneid. vers. 143. *Jupiter, & Neptunus, & Dis pater, Saturni & Opis filii, cum de mundi positione certamen iniissent, placuit, ut imperium sorte dividerent; ita effectum est, ut Cælum Jupiter, maria Neptunus, Dis pater inferos sortirentur.* Locus suspectus; restitue audacter: cum de mundi possessione certamen iniissent. Idem ad libr. 10. Æneid.

Æneid. vers. 39. *Sors rerum, idest regnum; nam per sortem inter se fratres, Jupiter, Neptunus, & Pluton mundi regna diviserunt.* Ad Juven. Satyr. 13. vers. 49. *Cum adhuc nec Jupiter regnum caeleste teneret, ait Vetus Scholiastes, nec Neptunus mare, nec infera Pluto cum Proserpina dixerat Satyricus:*

sortitus triste profundum

Imperium

Lucilius Placidus, Grammaticus optimus, ad libr. 8. Theb. Statianæ v. 196. *Claria; civitas est, in qua tres Dii, Jupiter, Neptunus, & Pluto mundum dicuntur fuisse sortiti.* Evhemerus vetustissimus historicus, qui ex sacris inscriptionibus, & donariis, titulisque templorum gesta Deorum dicitur collegisse, apud Lactantium Firmian. libr. 1. Divin. Institut. cap. 11. *Ajunt Jovi Cælum obtigisse, Neptuna maria, infera Plutoni; cur non terra potius in sortem tertiam venit?* Sic intelligendi sunt Poëtæ. Claudian. libr. 1. de Rapt.

Tertia suprema patior dispendia sortis.

Valer. Flacc. libr. 1. Argonaut.

Tuque fretum, divosque, pater sortite, biformes.

Sil. Italic. libr. 17. Punicor.

cujus proles, terramque, fretumque, Sideraque, & manes regnorum sorte gubernat.

Cornelius Severus in Ætna:

sors data cælo

Prima secuta maris, subseditque infima tellus.

Alb. Tibull. libr. 3. Eleg. 5.

Dicite pallentes umbras quicumque tenetis, Duraque sortiti tertia regna Dei.

D. Aufon. in Mosella:

haud ille finit, cui cura secunde

Sortis, & æquorei cessit tutela tridentis.

Tellus ad Jovem apud Ovidium libr. 2. Metamorph.

cur illi tradita sorte

Æquora decrescunt.

L. Seneca in Hercule Oetæo:

Et si placerent tertiæ sortis loca,

Regnare poteram.

Sortitionem tamen hanc factam negat Callimachus in hymno Jovis, & non est tanti, ut longiori disquisitione uti velim: ut ut est, certe sub fabularum involucris antiquum sortiendi regni morem expressere.

*Pelasgi, Pelargi, Etruriæ incolæ vetustissimi: ver-
sacrum votum: ut Colonia vere deductæ, ita
Mundus vere creatus: regio non dicta
Pelasgia ab illis incolis.*

CAP. V.

Pelasgos, nobilissimam Græciæ gentem dictam διὰ τὴν πλάνην, ab errando, prodit Strabo Amasian. libr. 9. Geogr. pag. 273. Fuisse autem incolas Etruriæ, loquitur C. Plinius libr. 3. cap. 5. *Etruria est ab amne Macra, & ipsa mutatis sæpe nominibus. Umbros inde exegere antiquitus Pelasgi, hos Lydi.* Poëta Anonymus in Profopopæja Tusciæ:

*... Et mansit nomen, quod ibura dederunt,
Arcades & Lydi, vel quod mutare Pelasgi
Non ausi*

Quod autem Plinius dicat, exactos Etruria Lydos a Pelasgis, contradicit Strabo, qui cum Tyrrheno Rege in Italiam eos navigasse asserit; ex Anticlido historico libr. 5. Geogr. pag. 152. Ἀντικλίδης δὲ πρῶτος φησὶν αὐτοὺς τὰ περὶ Λίμνον καὶ Ἰμβρον κτίσσαι, καὶ δὴ τῶτων τινὰς, καὶ μετὰ Τυρρηνῶ τῷ Ἄτῳ εἰς Ἰταλίαν συναΐραι. *Anticlidēs primos Pelasgos Lemnon & Imbron condidisse scribit, quosdamque eorum cum Tyrrheno, Atys filio in Italiam navigasse.* Recte quidem Imbri insulæ mentionem fecit; nam Pelasgi, priusquam in Italiam venirent, ibi habitabant, suntque, Atheniensium viribus plurimum infestati, regionem suam deferere coacti. Polyæn. libr. 8. Stratagemat. ideoque non sponte videntur in Etruriam irrupisse, sed necessitate novarum sedium id fecisse. Servius Honoratus ad v. 600. libr. 8. Æncid. ex auctoritate Julii Hygini Augusti Liberti, & M. Varronis, & Filiocori, quem raro leges ab alio nominari: *De his (Pelasgis) varia est opinio; nam alii eos ab Atheniensibus, alii a Lacedæmonibus, alii a Thessalis dicunt originem ducere, quod est propensius; nam multas in Thessalia Pelasgorum constat esse civitates. Hi primi Italiam tenuisse perhibentur. Filiocorus aut, ideo nominatos esse Pelasgos, quod velis, & verno tempore advenire visi sunt, ut aves.* Hyginus dicit, *Pelasgos esse, qui Tyrrheni sunt: hoc etiam Varro commemorat.* Ipse Virgilius ibidem:

*Silvano fama est veteres sacrasse Pelasgos,
Arvorum, pecorisque Deo, lucumque diemque,
Qui primi fines aliquando habuere Latinos.*

Q. Tertullian. libr. de Pallio sub init. *A Pelasgis ad Lydos, a Lydis ad Roma-*

Romanos, ut ab humeris sublimioris populi Carthaginienses complecteretur, toga circummeavit. Exinde tunicam longiorem cinctu arbitrate suspendiis, & pallii jam teretis redundantiam tabulata congregatione fulciis, & siquid praterea conditio, vel dignitas, vel temporalitas vestit. Ultima verba censet corrupta Hadrianus Turnebus libr. 7. Adversarior. cap. 20. & legit: *conditio, vel dignitas, vel temporalitas vertit.* Primos eos colonos Etruriæ insinuat esse Virgilius jam proxime laudatus. Ab iis conditæ urbes vetustissimæ, Agylla, Pifæ, Saturnia, Alsium: Falerium vero, & Fescenium ævo Dionysii Halicarnassei, ut ipse testatur libr. 1. pag. 16. *Μικρὰ ἔτι διασώζουσι ζώοντα τὰ Πελασγικῆ γένεος. Parvas quasdam scintillas servant Pelasgici generis.* Quando autem deflores Pelasgorum in Etruria cœperit imperium, disertis ejusdem Dionysii verbis discere licet, ex eod. libr. pag. 20. *Ὁ δὲ χρόνος ἐν τῷ Πελασγικῷ κακῶς ἤρξατο, δευτέρα γένεα σχεδὸν πρὸ τῶν Τρωικῶν ἐγένετο. Tempus, quo res Pelasgorum cœperunt deficere, incidit in alteram fere ante bellum Trojanum ætatem.* Apparet sane ex istis, & bellicosos fuisse, & summa potentia Pelasgos, nec minus antiquos Italiæ, sed potissimum Etruriæ incolas.

De quorum adventu alia proditur, quam Lydorum, aut Tyrrheni ferat historia; nam ille sorte cum fratre missa, hi vero *vere sacro* in Etruriam delati, ut & plerique alii Italiæ coloni, teste Julio Hygino libr. de Coloniis, & suffragante Solino cap. 8. Id autem de Pelasgis intelligendum, docuit Filiocorus proxime supra laudatus. Hunc sane morem ab aliis gentibus hausere Romani, de quo pauca dicenda. Republica aliqua gravi plaga, & ut videbatur, Deorum indignatione laborante, conventu indicto, quidquid vere sequenti natum esset, Diis vovebant: idque conceptis verbis, & jurejurando interposito facturum se magistratus in se recipiebat. Itaque bestias omnes, pecudesque vere illo natas, aris Deorum admotas, sacrificabant: juvenes vero utriusque sexus ad fines principatus sui possessionumque deducebant, operisque capitibus extra limites agebant: qui progressi inde, ad novas quærendas sedes ipsa rei necessitate adigebantur. Festus Pompejus libr. ult. *Ver sacrum vovendi mos fuit Italis, magnis enim periculis adducti vovebant, quæcumque proximo vere nata essent apud se animalia, immolatu- ros: sed quum crudele videretur, pueros ac puellas innocentes interficere, perductos in adultam ætatem velabant, atque ita extra fines suos exigebant.* Idem libr. 11. morem eum non tantum Italorum esse dicit, sed & Siculorum, sive Messanensium, qui etiam Mamertini a Geographis appellantur, ut cuilibet est obvium: *Mamertini appel. e de causa; cum de toto Samnio gravis incidisset pestilentia, Sthenius Mettius, ejus gentis princeps, convocata civium suorum concione, exposuit, se vidisse in quiete præcipientem Apollinem, ut si vellent eo malo liberari, ver sacrum voverent, idest, quæcumque vere proximo nata essent, immolatu- ros sibi: quo facto levatis, post annum vicesimum deinde ejusdem generis incessit pestilentia;*

tia; rursus itaque consultus Apollo respondit, non esse persolutum ab iis votum, quod homines immolati non essent; quod si eos expulissent, certe fore, ut ea clade liberarentur; itaque ii iussi patria excedere, cum parte ea consedisent. Locus mancus est, quem vide. Exscripsit Festus eam historiam ab Alfio libr. 1. belli Carthaginienſis. Idem porro Festus libr. 16. natos vere, diisque legitime devotos, *Sacratos* ait veteri vocabulo dictos. *Sacrati* appellati sunt Reate orti, qui ex Septimontio Ligures, Siculosque exegerunt; nam vere sacro nati erant. Servius ad libr. 7. *Æneid.* v. 796. *Ardeates cum pestilentia laborarent, ver sacrum voverunt, unde Sacrani dicti fuerunt.* Virgilius ipse:

Et Sacrae acies.

Historicos addam, qui non infrequenter hujus moris meminerunt. Sifenna Historiarum libr. 4. *Quondam Sabini feruntur vovisse, si res communis melioribus locis constitisset, se ver sacrum facturos.* Id est vere nata omnia apud se animantia immolatuſ; est enim *facere* idem ac *sacrificare*: quod, plerisque auctorum probatorum locis, a Barnaba Brissonio adnotatum, hic non repeto. Eundem ritum significantissime insinuat Dionysius Halicarnass. libr. 1. pag. 13. τὸ μὲν πρῶτον ἱερὰ τις ἐξελεῖσθαι νεότης ἄνδρες ὅλγοι κατὰ βίῃς ζήτησιν, ὑπὸ τῶν γενναίων ἀποσάλεντες, ἔθος ἐκ πληρῶντες ἀρχαίων ὃ πολλὰς βαρβάρων καὶ Ἑλλήνων ἐπίσταμαι χρησαμένους. *Primum enim finibus egressa est sacra quaedam juvenus, exigua numero, ad querendum victum, a suis emissa parentibus, more antiquo, quem receptum scimus a multis, tam Grecis, quam barbaris.* Pulcherrima sunt, quæ sequuntur; idcirco adscribam Latini interpretis verba, ne textum geminando inutiliter, longior videar. Quoties enim vulgi multitudo in aliqua civitate nimium excresceret, nec alimenta domi omnibus sufficerent, aut aeris intemperie lesa terra fruges proferret pauciores solito, aut alia talis civitatem occuparet calamitas, sive bonum, sive malum vinui cogeret multitudinem, Deo cuiusdam sacrautes, quantum hominum annus pareret, emittebant armis instructos e suis finibus, si projuventutis felici proveniunt, aut victoria feliciter bello reportata gratias Diis agerent, peractis ante solemniſus sacris, fausta ominaſione prosequentes abituros in coloniam; sin irata numina placarent, finemque praesentiam malorum poscerent, eodem modo sacris operati, maſsi veniamque petentes a suis, quos ablegare necessitas cogeret. Illi vero, ut postbac carituri patria, nisi aliam pararent, quæ se reciperet, quicquid terrarum armis acquisissent, aut gratia, habebant vice patriæ, creditumque est eis adesse Deum, cui dicabantur, & supra humanam spem prosperare huiusmodi colonias. Ita coloni istius gentis omnes priſci aut alio terras novas quaesituri, aut aliunde hanc possessuri vere voto descenderunt, ut ex ea, quam jam attuli, narratione clarum. Idem libr. 2. Hist. Rom. statim in limine: ἱερὰ τις ἔστω νεότης καθοσιωθεῖσα θεοῖς, κατὰ τὸν ἐπιχόριον νόμον, ὑπὸ τῶν πατέρων ἀποσάλλουσι λέγεται χώραν ἀκίχησθαι τὴν ὑπὸ τῷ δαίμονος σοφίᾳ δοθησομένην. *Hi fuerunt quaedam Diis sacra juvenus, patrio ritu a parentibus missa ad incolendas sedes, quas fortuna datura*

esset. Plin. libr. 3. c. 13. *Orti sunt Sabinis, voto vere sacro*. De Picens loquitur; uti & de Catillo, Tiburis conditore, Solinus loco laudato: *Tibur, sicut Cato facit testimonium, a Catillo Arcade, præfecto classis Evandri, sicut Sextius ab Argiva juventute; Catillus enim Amphiarai filius post prodigiale patris apud Thebas interitum, Oeclei avi jussu cum omni fœtu vel sacro missus, tres liberos in Italia procreavit*. Locum corruptum facile ex iis, quæ allata sunt, restitue: *Vere sacro missus*. Itaque Argivis in more etiam positum *Ver sacrum vovere*, ut Sextius indicat, auctor antiquus, & gravis, cujus locum hunc cum correxissem, inveni idem sensisse doctissimum Turnebum libr. 24. Adversarior. cap. 13. Corrigendus etiam Justinus Juvianus libr. 24. *Namque Galli abundante multitudine, cum omnes terræ non caperent, quæ genuerant, trecenta millia hominum ad sedes novas querendas, veluti peregrinatum, miserunt*. Mutilatus fœde locus; quid enim est: *veluti peregrinatum*? Neque enim ea exatio a patria peregrinatio dici potest, cum abierint animo non redeundi. Legendum itaque fuisset ex MSS. primus Jacobus Bongarsius: *veluti ver sacrum miserunt*. De Laconibus idipsum testatur D. Hieronymus in versione Chronici Eusebiani; quippe cum Eusebius Cæsariensis dixisset: Λακεδαιμόνιοι ἀπώρισαν Ἡράκλειαν, *Lacedæmonii colonos Heracleam deduxerunt*; D. Hieronymi versio supplevit: *Lacedæmonii, ver sacrum destinantes, Heracleam urbem condunt*. Missos ex hoc voto quo nomine vocaverint, pete ex Festo supra; Nonius vero cap. 12. num. 18. *Religiosos* nuncupat, ut & Poëta *sacros*. Silius Italic. libr. 8.

Faunigenæ socio bella invasere Sicano

Sacra manus Rutuli.

Formulam vero vovendi hujus veris sacri discite ex T. Liv. 3. Dec. libr. 2. L. Cornelius Lentulus Pont. Max., consulente collegio pontificum, omnium primum populum consulendum de vere sacro censet: *injussu populi voveri non posse*. Rogatus in hæc verba populus: *velitis, jubeatisne hoc sic fieri? si res populi Romani ad quinquennium proximum, sicut velim eam, salva servata erit hisce duellis, datum donum duit populus Romanus, quod duellum populo Romano cum Carthaginiensi est, quæque duella cum Gallis sunt, qui cis Alpes sunt: quod ver attulerit ex suillo, ovino, caprino grege, quæque profana erunt, Jovi fieri*. Hoc modo legendus locus ille, non ut in vulgaribus habetur editionibus, *si res populi Romani Quiritium*; & rursus: *donum duit populus Romanus Quiritium*; utrobique enim *Quiritium* e margine in textum irreplisse incuria librarii, ut glossema inutile videri cuilibet posset.

Denique ut coloniarum gentium pæne omnium vere deductæ, ita & mundus etiam ex Ethnicorum, non modo receptiori Theologorum sententia, vere creditur conditus. Interpretes Virgilio ad libr. 2. Georgic. v. 334.

*Non alios prima crescentis origine mundi
Illuxisse dies, aliumve habuisse tenorem*

Credi-

*Crediderim: ver illud erat, ver magnus agebat
Mundus, & hibernis parcebant flatibus Euri,
Cum primum lucem pecudes hausere, virumque
Ferrea progenies duris caput extulit arvis,
Immissequae fere silvis, & sidera cœla:*

Pervigilium Veneris elegans est carmen incerto auctore, sed tamen antiquo; in eo ita legitur:

Ver novum, ver jam canorum, ver natus orbis est.

Vacillat sensus, & indubie mendum est. Ego putavi unius elementi adjectione commode posse legi: *Vere natus orbis est*; sed Joann. Marius Mattius, vir doctus, Variar. Opinion. libr. 1. cap. 18. restituit sic:

Ver novum, Ver jam canorum, Ver natalis orbis est.

Sed ad Pelasgos redeo, quos & Pelargos appellari volunt Atticæ historiæ Scriptores apud Strabonem libr. 5. pag. 153. eaque voce Attici colonos significare solent; itaque S. in R. mutato, ut superioribus capitibus ostendi, Pelasgi, non Pelargi sunt appellati. De quibus multa futilia, nec ullius bonæ frugis adfert Joann. Goropius Becanus in Croniis libr. 4. atque ille quidem Megasthenem Persam, seu Metasthenem, Catonis Origines, Fabium Pictorem, Myrsilum Lesbium, & Archilochum jure refutat, & poterat videri aliquid lectu dignum attulisse; sed ea, quæ ipsi ingeniosa videntur, meræ sunt nugæ, affaniæ, & buttæbatæ, nec tanti, ut legantur. Quod etiam indoctus monachus Leander Alberti ait, Etruriam *Pelasgiam* a Pelasgis vocatam, falsum; nam illi quidem Etruriæ veteres incolæ, sed nomen non mutarunt genti. Anonymus Poeta:

*. . . mansit nomen, quod ibura dedere,
Arcades, & Lydi, vel quod mutare Pelasgi
Non ausi*

*Arcades Etruriæ incolæ & ipsi vetustissimi: iidem cum
Pelasgis: servos & dominos æqualiter habebant:
eorum posterì fœdus cum Ænea pepigerunt:
glande vescébantur: Luna priores: ab
iis quædam Romani mutuati.*

CAP. VI.

HOs etiam aliquando Etruriam incoluisse, non dubium. Plena manu, ut solet, Strabo Amasianus libr. 5. Geogr. pag. 152. ex Ephoro Cumano. Νεκρίζαν δὲ Φησὶν Ἐφόρος, τὸ ἀνέκαθεν Ἀρκάδας ὄντας ἐλέσθαι ἐρατιωτικὸν βίον, εἰς δὲ τὴν αὐτὴν ἀγωγὴν προτρέποντας πολλὰς, ἅπασιν τὸ ὀνόματος μεταδέναι, καὶ πολλὰν ἐπιφάνειαν κτήσασθαι, καὶ παρὰ τοῖς Ἕλλησι, καὶ παρὰ τοῖς ἄλλοις, παρ' ὅσους ποτὲ ἀφικνέμενοι τετυγμένασι. *Ephorus ait, arbitrari se eos (Pelasgos scilicet, seu Pelargos Etruriæ priscos colonos) cum a prima stirpe Arcades essent, militarem amplexos vitam, & in studii ejus, nominisque societatem multis perductis, magnum sibi nomen, cum apud Græcos parasse, tum apud alios, ad quos pervenissent. Isti erant gente quidem, & domo Arcades, sed a studio, vitæque ratione eos Πελαργούς, colonos, appellarunt; antequam in Etruriam appulerunt, Cretam Insulam occuparunt. Homer. libr. 19. Odyss. v. 175.*

Ἀλλή δ' ἄλλων γλώσσα μεμιγμένη, ἐν μὲν Ἀχαιοῖς

Ἐν δ' Ἐτεόκριτες μεγάλῃτερες, ἐν δὲ Κυδώνες,

Δωρίεις τε τριχάινες, δίοιτε Πελαργοὶ.

Diversis illic linguis utuntur Achæi,

Magnanimique Eteocretes, intusque Cydones,

Dorieesque habitant triplices, divique Pelargi.

Simpliciter C. Plinius libr. 3. cap. 5. Tam tenues primordio imperii fuere radices, colonis sæpe mutatis, tenuere alii aliis temporibus, Aborigenes, Pelasgi, Arcades. Apparet hinc, eundem esse populum, Pelasgos, & Arcades; quare Servius Maurus ad libr. 2. Æneid. v. 84. *Pelasgi a Pelasgo Terræ filio, qui in Arcadia genitus, ut Hesiodus tradit. Vult igitur Hesiodus, Pelasgos ab Arcade quodam Pelasgo dictos, ut nulli esse possit dubium, quin eadem sit gens. De eorum in Etruriam adventu idem Servius ad libr. 8. Æneid. v. 51. fine quo manca certe foret omnis rei Romanæ cognitio. Sic ille: Evander Arcas fuit, nepos Pallantis regis Arcadiæ; hic patrem suum occidit, suadente matre Nicostrata (quæ etiam Carmentis dicta est, quia carminibus vacinabatur) alii ipsam Nicostratam matrem Evandri, cum esset centum decem annorum, a filio peremptam tradunt; constat autem, Arcades pluri-*
num

num vixisse, in tantum ut quidam usque ad trecentos annos vivendo pervenerint: Ipse autem Evander dimissa provincia sua, non sponte, sed exilio compulsus, venit in Italiam, & pulsus Aboriginibus, tenuit ea loca, in quibus nunc Roma est, & modicum oppidum fundavit in Monte Pallatino, sicut ait Varro: nonne exsules Arcades confugerunt in Palatium duce Evandro? Ipse Poëta:

*Arcades his oris, genus a Pallante profectum
Qui regem Evandrum comites, qui signa secuti
Delegere locum, & posuere in montibus urbem,
Pallantis proavi de nomine Pallanteum:
Hi bellum assidue ducunt cum gente Latina,
Hos castris adhibe socios, & fœdera junge.*

Videri ex his cuilibet posset, Arcades non Etruriam, sed Latium incoluisse, nisi certum ex Virgilio jam laudato foret, Æneam ab Arcadibus Tusciæ incolis suppetias accepisse, eamque regionem Æneæ fœdere celebratam diceret Mineus Martianus Capella libr. 6. pag. 236. Eos certe adverso Tiberi devectoros puto non inferi maris oram, ut Lydi Tyrrheno olim Duce, sed eam Etruriæ partem insedisse, quæ mari supero adjacet, inter Umbros & Sabinos, quippe auxilium inde Trojanis advenis. Servius ad libr. 7. Æneid. v. 714. *Omnis vero Tuscia superior, & Venetia Æneæ prestat auxilium.*

Populum hunc antiquissimum multa loquuntur, ut ab Historicis discussum, quare & ipsi se Luna priores jactabant, & veluti primi illius moris, quo Natura omnes equaliter liberos nasci voluit, memores, una eademque mensa, dominos servosque accumbere, & vesci voluerunt. Theopompus libr. 46. Philippicorum. οἱ Ἀρκάδες ἐν ταῖς ἐσιώσεσιν ὑποδέχονται τὰς δεσπότηας, καὶ τὰς δούλους, καὶ μίαν πᾶσι τράπεζαν παρασκευάζουσι, καὶ τὰ σπία πᾶσιν, εἰς τὸ μέσον παρατίθεσσι, καὶ κρατῆρας τὸν πᾶσι κινῶσι, φησὶν. Scribit, *Arcades solemnibus epulis heros ac servos excipere, unam mensam apponere, cibaria in medium omnibus præbere, idem poculum miscere omnibus.* Hæc ex Athenæo libr. 4. Dipnos. Ex quibus clarum pleraque eos vetusti instituti observare solitos, quale est communia habere dominos cum servis multa, quippe calamitate servitutis ignota, & bellis cessantibus, nec domini, nec servi nomina cognita, quod & Saturnalia Romana etiam possunt referre. Non puto oblivioni tradendum, quod eorundem antiquitatem eximiam sapit, scilicet solitos eos glandibus vesci, quo solo esu mortales contenti ante frugum inventionem. Claudius Ælianus libr. 3. var. Histor. cap. 39. Ὅτι βαλάνους Ἀρκάδες, Ἀργεῖοι δ' ἄπιες, Ἀθηναῖοι δὲ σῦκας, Τυρρύνιοι ἀχράδας δέπνον εἶχον, Ἰνδοὶ καλάμους, Καρμανοὶ φοίνικας. *Arcades glandes, Argivi pira, Athenienses ficus, Tyrynthii Silvestria pira comederunt, Indi arundines, Carmani palmas.* Justus Vultejus male vertit δέπνον εἶχον, *comederunt*: rectius in *cenam sumpserunt*. Accedit Julius Pollux libr. 1. Onomast. cap. 12. num. 9. Δρύς τὰ χράδ' ἂν ἐπὶ ἀμφίβολος πρὸς τὰ ἔγκαρπα δὲ τὸν βαλανηφάγους Ἀρκάδας, καὶ μάλιστα εἰ

πρὸ πυρῶν τὰς ἀνθρώπους ἔθρεψεν ἡ βάλανος. *Quercus dubium mox erit, an frugifera habeatur, propter glandivoros Arcades, & maxime quod homines ante frumenti usum glande pascabantur.* Artemidorus Daldianus libr. 2. cap. 25. Δρὺς ἀνδρῶς σημαίνει πλοσίης, διὰ τὸ τρέφειν, ταύτης γὰρ τὸν καρπὸν ἔσθηναι οἱ Ἀρκάδες. *Quercus viros significat opulentos, ob alimentum; hujus enim fructum comedebant Arcades.* Hanc ob causam illi βαλανηφάγοι glandivori dicti. Notat Caelius Rhodigin. libr. 28. Antiquar. Lection. cap. 2. Archæus vetus poëta:

Ἀρκάδες εἰσιν βαλάνηφάγοι.
Arcades sunt glandivori.

Huc pertinet Oraculum illud vetus, relatum ab Herodoto libr. 1. pag. 28.

Ἀρκαδίην μ' αἰτεῖς ἃ μέγα μ' αἰτεῖς ὅτοι ἐδώσω
Πολλοὶ ἐν Ἀρκαδίῃ βαλανηγάγοι ἄνδρες ἔασιν.

Vertit Valla non incommode:

*Me petis Arcadiam? multum petis, baud tibi tradam,
Multi apud Arcadiam vespcentes glande viri sunt.*

De solo glandium priscis illis seculis usu dixi ad illud Claudiani libr. 1. de Raptu.

..... & glande relicta
Cesserit inventis Dodonia quercus arifis.

Et libr. 3. de Raptu.

..... Si frangunt communia pabula glandes.

Sed quia Etruriam illustramus; hoc ejus possessoribus antiquissimis dabitur, ut quia ipsorum cibus glandes erant, fufius earum memoria repetatur. Legendi Aurel. Macrob. libr. 2. in Somn. Scipion. cap. 10. A. Gell. libr. 5. cap. 6. L. Apul. libr. 11. Milesiar. in principio. *Vetuste glandis remoto pabulo.* Pub. Fulgent. libr. 1. Mytholog. in præfatione: *Quidam sunt, qui sprete capitis generositate, Atreicinis atque Arcadicis sensibus glandium quippiam sapiunt.* Vet. Scholiast. D. Juvenal. ad v. 57. Sat. 13. *Quia antea homines fraga & glandes comedebant.* Arnob. libr. 2. Cont. gent. *Sit panis ex farre, aut, ut secula imitemur antiqua, ex calido cinere glandes.* Vet. Scholiastes jam laudatus C. Plinium transcriptit libr. 7. cap. 56. & Præfat. ad libr. 12. *Primumque munus homini datum arbores, silvæque intelligebantur, hinc primum alimentum.* Julius Pollux libr. 6. Onomast. cap. 7. Adeundi etiam Poëtæ. P. Ovid. libr. 3. Amor. Eleg. 6. Virgil. libr. 1. Georg. princ. & Servius ibidem. Alb. Tibull. libr. 2. Eleg. 3. Horat. libr. 1. Sat. 3. Juvenal. Sat. 6. statim in principio.

Et sæpe horridior glandem ructante marito.

T. Lucret. libr. 5.

Glandiferas inter curabant corpora quercus.

Sulpitia poëtria in Satyra illa sua ævo Domitiani:

Non aliter quam cum primo surreximus ævo.

Glan-

Glandibus, & pura rursus procumbere lymphæ.

Valer. Flacc. libr. 1. Argonaut.

. . . flava quercum damnavit arista.

Fest. Anien. Descript. Orb. Terræ.

Conjugibus natisque simul cibus aspera glando.

D. Aufon. Monosyllabis.

Olim communis homini cibus, & pecori glans

Aurel. Prudent. libr. 2. in Symmach.

lignis melius saturatur glandibus alvus.

Ex hoc ritu profluxit lex illa X. viralis, *Ut glandem, in alienum fundum procidentem, liceret colligere*; ut utar Plinii verbis libr. 16. cap. 5. & ab illo Jacobus Rænardus ad leges Duodecim Tabularum cap. 26. & Ludovicus Charondas ad easdem leges cap. 73. Theodorus Marcilius in easdem cap. 51. & alii perplures. Et sane existimo, non tantum quercum ferre glandes, aliasque quatuor arbores, ab eruditissimo Barnaba Brissonio enumeratas, sed indifferenter omnium arborum fructus ita solere vocari. Suidas, in voce βάλανος, etiam de palmis id refert: *ex iis enim selectas quasdam glandes dominorum fuisse, alias in servorum usus expositas, ex illisque vinum factum*. Sic & *Cerrus glandifera arbor* dicitur Junio moderato Columellæ libr. 8. Rei Rust. c. 17. & diserte Jurisconsulti omnes fructus nomine eo intelligi docent. Cæjus L. 236. ff. de Verbor. signification. ut mirum sit Homerum, qui 13. Odyss. porcos glande faginari dixerit, de hominum usu nil dixisse; existimo itaque, aut rem notissimam præteruisse, aut, si scivit, peregrinum morem consulto omisisse; nam Arcades ei vocantur ἐπιστάμενοι πολέμοιο, *rei militaris periti*, libr. 2. Iliad. & ab eodem antiquitatis calientissimo ἐγχεσάμενοι, *bastis utentes*, libr. 7. Iliad. v. 134. & Arcadiam a pecoris pacendi cura celebrat libr. 2. Iliad. v. 604. & in Hymno Mercurii in principio: & Hymno Panos πολυτίδαναι μήτερα μῆλων, *copiosam fontibus matrem ovium*; nusquam tamen glandium in cibus illorum meminit.

Iidem credi volebant Luna priores. Servius Honoratus ad libr. 2. Georg. v. 342. *hunc ordinem propter Arcades tenuit, qui se Arcades Profelenos esse asserunt, idest ante Lunam natos: quod & Cicero in Fundaniana commemorat*. Locus fabulæ datus, quia post diluvium genus humanum ab iis propagatum credatur. Quod unanimi consensu prodiderunt Flavius Blondus de Roma triumphante libr. 9. Cælius Rhodiginus libr. 20. Antiquar. Lætion. cap. 7. Joann. Pierius Hieroglyphic. libr. 44. concors idem Servius Maurus ad illud libr. 8. Æneid.

. Arcades ipsum

Credunt se vidisse Jovem.

Lucretius Placidius ad v. 276. libr. 4. Thebaidos Statianæ.

Arcades hinc veteres, aстрis Lunaque priores,

Agmina fida satis.

P. Ovid.

P. Ovid. libr. i. Fastor.

Orta prior Luna, de se si creditur ipsi,

A magno tellus Arcade nomen habet.

Et libr. 2. ejusdem operis.

Luna gens erat illa prior.

Nota est disceptatio Phrygiorum, & Ægyptiorum de generis sui antiquitate apud Herodotum, & alios: in eademque contentione fuerunt Arcades, qui, ut superiores iis ea essent nobilitate, finxerunt, se ante Lunam res gestas posse proferre. Forte, quia ab iis Lunæ cursus, motus, & natura, primum ab illis inventa, & gentibus demonstrata; quod ab Joanne Tzetze traditum non possum filere Chiliad, Histor. 4. cap. 2.

Φασὶ τινὲς, ὡς ἔφασκαν, τὰ γένη τῶν Ἀρκάδων

Εἶναι πρεσβυγενέστερα, πρὸς χρόνους τῆς σελήνης

Ὅθεν ὡς ἄφρονες καλῶσι προσελήνης

Ἄλλοι δ' ὡς ὄντας ὑβριστὰς καλῶς προσελήνης,

Τὸ γὰρ ὑβρίζειν, προσελὺν καλεῖται τοῖς Ἀρκάσιν

Ἐγὼ τῆς ἀνδρὸς τῆς λέγω τῶν προσελήνων

Ὅτι σελήνης εὗρηκε πρῶτον τὰς περιόδους,

Καὶ τὰς ἀνέμενάς τε, ἃς κατὰ μῆνας πάσχει

Ἐρμῆς ὁ μέγας Ἑλλησιν, ὃν ἐκ γονῆς Ἀρκάδων.

Καὶ ὅτι πρὸ τῆς ἡμῶν δὲ αἰῶς τῆς σελήνης

Πυρὶ βαλόντες ἔφοντες κατήδιον ἐκέναν.

Dicunt quidam, ut dicebam, progenies Arcadum

Esse antiquiores, ante tempora Lunæ:

Unde scilicet imprudentes vocant antelunares,

Alii velut contumeliosos vocant proselinos;

Contumelia enim afficere, ante lunari dicitur Arcadis.

Ego vero viros hos dico Antelunares,

Quia Luna invenit primum circuitus,

Et crescendi vices, quas secundum menses patitur

Mercurius magnus Grecis, de semine Arcadum,

Et quod ante unam semper lunarem

Ignē glandes coquentes, edebant illas.

Ultimos duos versus puto solemnem quandam Arcadum notare ritum, qui in generis sui antiquissimi memoriam semper renovandam, pridie ante Lunæ coitum, sive ultimo die mensis, epulis communibus accumbere in more habebant, & prisca consuetudine servata, glandes torrere, quibus omnes promiscue vescerentur; atque hunc puto Tzetzis esse genuinum sensum.

Romani certe, ut ab Arcadibus ortum suum genus, & quam longissime ab iis repetendum ostenderent, ab Etruscis calceos sumpserunt, quibus dimidiata Lunæ effigiem adfuebant, ut se gente nobilissimæ vetustatis ortos significarent. Plutarch. Problematum Romanorum cap. 76. *Adjutam fuisse Lunam*, Isidorus est testis libr. 19. Etymologiar.

giar. cap. 34. & Vetus Scholiast. Juvenalis ad Sat. 7. v. 192. *Patricius Senator est; lunula nam adsuta calceis discernuntur patricii a novitiis.* Herodes Sophista, *insolentius fratri suo nobilitatem suam jactanti, certe in talis (inquit) nobilitatem tuam habes;* ut interpres Philostrati in eo loquitur. Atque hi calcei lunati etiam patricii appellabantur. Vetus lapis in Antiquitatibus meis libr. 5. cap. 36. Martial. libr. 1. Epigr. 50.

Lunata nusquam pellis, & nusquam toga.

Et libr. 2. Epigr. 29.

Non extrema sedet lunata lingula planta.

D. Juvenalis Satyra laudata:

..... & nobilis, & generosus

Appositam nigra lunam subtexit alute.

Papin. Stat. libr. 5. Silv. 2.

..... genitum si curia sensit,

Primaque patricia clausit vestigia luna.

Ab Arcadibus hoc nobilitatis a plebeis discrimen profectum, cum laudati scriptores testantur, tum diserte doctissimus Andreas Alcinius Emblem. 137.

Calceus, Arcadico suberat cui lunula ritu,

Gestatur patribus mullea Romulidis.

Non tantum sane calceos ab Etruscis, sive Arcadibus ii habuere, sed forte etiam *hasta* in bello usum; unde & ab *hasta* *Quirites* dicti. Arcades sane hastis usos, Homerus supra laudatus docuit; sed & Saturnalia ab iisdem tracta suspicari licet, ex Theopompo supra etiam laudato hoc capite.

*Aborigines primi omnium Etruriæ cultores: sedes
eorum, non in Latio, sed Tuscia: indigenæ,
non advenæ: ob antiquitatem truncis
orti crediti.*

CAP. VII.

ABorigines etiam Etruriæ incolas fuisse inter omnes convenit, de quorum origine, & principatu varie diversi sentiunt. Fest. Pomp. libr. 1. *Aborigines appellati sunt, quod errantes convenerint in agrum, qui nunc est populi Romani; fuit enim gens antiquissima Italia.* Videtur ille Grammaticus *Aborigines* quasi *aberrigenes* interpretari, quod nullis certis sedibus vagantes vicatim habitarent, nulla ævo illo civitate condita. Alii verisimilius *Aborigines* exponunt populum esse, cujus ortus sit incertus, scilicet

Tom. I.

D

quod

quod tam longinqua memoria sit rerum ab iis gestarum, ut ortus sciri non possit; itaque sic dicti, quod ortu careant, & sint posteris suis auctores gentis habiti, quos Græci γένεάρχας, generis principes, aut πρωτογόνους, progenitores, aut parentes primos soliti vocare. Dionys. Halicarnass. libr. 1. pag. 8. Nec defunt, qui ab ὄρη, quod montes significat, vocabulum deducant; quia statim post orbem terrarum, diluvio illo, cælitus immisso, demersum, illi metu alterius cataclysmatis montium juga insederint, unde & nomen sint consecuti; sed stultum est, meo quidem iudicio, nomina Italiæ prisca a Græco fonte derivare, cum non nisi post sexcentos annos linguæ Græcæ cognitio Romam migraverit. Sunt, qui indigenas fuisse probabili ratione contendunt. Halicarnassæus loco laudato. Vet. gloss. *Aborigines, αὐτόχθονες*, quod idem sonat, ac si *indigenas* dicas. Eosdem Virgilius arboribus natos fingit: quod exponit Servius pag. 505. libr. 8. v. 305. *Æneid. Hoc figmentum ortum est ex antiqua hominum habitatione, qui ante factas domos, aut in cavis arboribus, aut in speluncis manebant: qui cum exinde egrederentur, aut suam educerent sobolem, dicti sunt inde procreati.* Poëta ipse:

*Hec nemora indigene Fauni, Nymphæque tenebant,
Gensque virum truncis, & duro robore nata,
Queis neque mos, neque cultus erat, nec jungere tauros,
Aut componere opes norant, aut parcere pario.*

Ob insignem gentis antiquitatem illi truncis orti credebantur, quale est illud, quod Melanthes Ulyssi obiicit libr. 19. *Odyss. v. 163.*

Οὐ γὰρ ἀπὸ δρυὸς ἔσσι παλαιφάτης, εἴδ' ἀπὸ πέτρης.

Non enim a quercu es antiqua, neque ex petra.

quo in versu lectio variat, nam non παλαιφάτης, sed in quibusdam παλαιφάγος, ut significet, quercum glandes veteribus suppeditasse, unde frugibus carentes, tamen viverent: quod vide superiori capite.

Aborigines hocce Umbrorum alii sobolem contendunt esse, nonnulli a Græcis eorum stemma trahunt. Anonymus Historiæ Cumanæ compositor apud Festum Pompejum libr. 16. *Athenis quosdam profectos Sicyonem, Thespiasque, ex quibus porro civitatibus ob inopiam domiciliorum, compluris profectos in exteras regiones, delatos in Italiam, eosque multo errore nominatos Aborigines, quorum subiecti qui fuerint, Cæx imparum viri.* M. Porcius Cato diligentissimus Italicarum antiquitatum Scriptor, & C. Sempronius in Divisione Italiæ (non quidem illi, qui hodie eo nomine a bardo Annio intrusi, insulti, indoctique circumferuntur, & parente suo Viterbiensi vere digni) eruditi, & vetusti scriptores, Græcis eos ortos volunt; sed illi οὔτε φύλον Ἑλληνικόν, ἢ μετᾴχον, οὔτε πᾶν, ἔξ ἧς ἀπαυέστησαν, οὔτε χρόνον, οὐδ' ἡγεμόνα τῆς ἀπαικίας, οὐδ' ὁποίας τύχης χρησάμενοι τὴν μητρόπολιν ἀπέλειπτον. Nec diserte tradunt, ex qua natione Græca, quæve urbe migraverint, ac ne tempus quidem, aut ducem coloniæ, aut quo casu patrias sedes reliquerint. Verba sunt Dionysii libr. 1. pag. 9. qui ibidem Aborigines Arcadum esse progeniem probat,

bat; nam Lycaoni regi filii viginti duo fuere, quorum unus, Oenotrus, in Tyrrheniam septendecim ætatibus ante bellum Trojanum trajecit, hoc est, ut ego interpretor, mille septingentis annis, seculum enim est annorum centum spatium; at si seculum annorum viginti septem tempus intelligamus, quod facit Onufrius Panvinus in urbe Roma, anni erunt ab adventu Aborigenum sive Arcadum in Etruriam, ante heroica tempora & Trojanam expeditionem, quadringenti sexaginta. Ut ut sit, Etruriam incoluerunt, sive Umbriam: quod video observatum a Leandro Alberti in Descript. Ital. pag. 99. Teophantus Scotus Monachus Herbipolensis MS. ad Juvenal. Sat. 5. v. 95. *Etrusci iidem sunt cum Umbris, Tyrrhenis, Tuscis, Lydis, Oenotris, & Arcadibus: qui omnes prisco vocabulo Aborigines dicuntur, quasi ortu carentes: & sunt a diluvio primi populi, quorum in profanis historiis extant monumenta.* Georg. Cedren. Compend. Historiar. pag. 121. Et cum diu Tusciam possedissent, Latium invaserunt, incolasque ejus bello lacestios expulerunt. Servius Maurus ad v. 794. libr. 7. *Æneid. Ubi nunc Roma est, ibi fuerunt Sicani, quos postea expulerunt Aborigines.* Hi legibus vero soluti vivebant. Virgilius supra laudatus. Sallust. in Catilinar. *Aborigines genus hominum agreste, sine legibus, sine imperio liberum atque solutum.* Eratque M. Varronis Satyra Menippea, cui epigraphæ *Aborigines* περί ἀνθρώπων φύσεως, *de hominum natura.* Vult igitur Varro hac inscriptione, Italix incolas vetustissimos Aborigines institutis civilibus carentes, omnique humanioris vitæ cultura destitutos, in unum cuni Trojanis advenis corpus coaluisse: & pro libidine, qua sola olim regerantur, leges accepisse: pro montibus, quibus inerrabant, urbes condidisse; atque ita humani ingenii mores posse bonis artibus excoli, & in melius redigi. Ita videtur Ausonio Popinæ placere. Hi infrequentibus seculis, quia agrum Reatinum, pullis Sicani, incoluerunt, qui palatium dicebatur, & ipsi Palatini appellati. Idem M. Varro libr. 4. de Ling. Lat. pag. 11. Dilerte Strabo Amasian. libr. 5. Geogr. pag. 158. *Ἀβόριγνες τὸ ὅτι περί αὐτὴν τὴν Ρώμην: & Aborigines circa ipsam Romam.* Jul. Solin. cap. 2. Polyh. *Palatium vero nemo dubitaverit, quin Arcades habeat auctores, a quibus primum Pallanteum oppidum conditum, quod aliquandiu Aborigines habitarunt.*

Ambiguum tamen inter scriptores laudatos, utrum alienigenæ, an indigenæ: & probabilia utrinque argumenta. Indigenas esse loquitur Suidas in voce ἀντόχθονες, cujus hæc Latine sunt versa: *Indigenæ dicebantur, Aborigines, Athenienses, Arcades, Aegineta, & Thebani, vel quod primi terram coluissent, vel quod advenæ non essent.* Adstipulatur Junianus Justinus ex Trogo Pompejo libr. 43. *Italix cultores primi Aborigines fuere.* Contra vero advenas fuisse videtur innuere Plutarchus apud Pierium Valerianum libr. 22. Hierogl. Et Q. Florens Tertullianus concors est libr. de Anima cap. 30. *Invenimus etiam apud Commentarios humanarum antiquitatum paulatim humanum genus exuberasse, dum Aborigi-*

gines, vel vagi, vel extorres, vel gloriosi quique occupabant terras.

Manfit hoc Aboriginum nomen usque ad Æneæ in Ausoniam adpulsum, quo seculo Latinus, eorum rex, eos Latinos vocavit. T. Liv. 1. Decad. libr. 1. in principio. Sunt tamen, qui putent, Aboriginum nonnullos pro Turno, Rutulorum rege, contra Trojanos stetisse. Servius ad v. 621. libr. 4. Æneid. *Quidam eum (Æneam) cum adversus Aborigines pugnaret, exsanguinem dicunt repertum:* ubi novo more Grammaticus optimus *exsanguinem* pro *exanguem* dixit. Sed ante ea tempora, quam varie bella gellerint, idem ad v. 324. libr. 8. Æneid. doctissime expressit: *Sicani autem, secundum nonnullos, populi sunt Hispaniæ, a fluvio Sicori dicti.* Lucanus: (1)

Hesperios inter Sicoris non ultimus amnis.

Hi duce Siculo venerunt in Italiam, & eam tenuerunt, exclusis Aboriginibus: mox ipsi pulsi ab illis, quos ante pepulerant, insulam vicinam Italiae occuparunt, & eam Sicaniam a gentis nomine, Siciliam vero a ducis nomine dixerunt. Denique ut certum sit Aborigines Etruscos fuisse, Virgil. libr. 7. Æneid. v. 178. Janum inter Aboriginum reges ponit:

Quin etiam veterum effigies ex ordine avorum

Antiqua ex cedro, Italusque, paterque Sabinus,

Vitifator, curvam servans sub imagine falcem,

Saturnusque senex, Janique bifrontis imago,

Vestibulo adstant, aliique ab origine reges.

Ubi Servius: *Ab origine, pro Aboriginum reges; sed est metro prohibitus.* Hi primi mortalium in corticibus arborum scribere gentes docuerunt. Q. Symmach. libr. 4. epist. 28. postea in ceratis tabulis scribebant. S. Willibaldus Scotus in vita S. Bonifacii etiam Scoti in fine: *Hec ego primo in ceratis tabulis descripsi.* Vide locum.

*Etruriæ alii incolæ vetusti & recentiores: & obiter
de Italia mutato sæpe principatu,
barbarisque ejus incolis.*

C. A. P. VIII.

OMnes isti, quos numeravi, Etruriæ incolæ, aut ante bellum Trojanum, aut certe ante Romam conditam, provinciam istam tenuerunt: sunt & alii, qui iisdem seculis, aut sequiori ævo, ut Italiam totam, ita quoque Tusciam possederunt. Jul. Solin. cap. 8. Polyhist. *Tam clarum decus veterum oppidorum, quæ primum Aborigines, Aurunci, Pelasgi, Arcades, Siculi, totius postremo Græciæ advenæ &c. condiderunt.* Non dissimilia C. Plin. libr. 3. cap. 5. *Tam tenues primordio imperii fuere radices: colonis sæpe mutatis,*
tenue-

(1) Libr. 4. v. 14.

tenuere alii aliis temporibus, Aborigines, Pelasgi, Arcades, Siculi, Aurunci, Rutuli, & ultra Circejos, Osce, Volsci, Ausones. Lepide Favorinus philosophus apud A. Gell. libr. 1. cap. 10. Curius, & Fabricius, & Coruncanius antiquissimi viri nostri, & bis antiquiores Horatii illi trigemini, plane ac dilucide cum suis fabulati sunt, neque Auruncorum, aut Sicavorum, aut Pelasgorum, qui primi incoluisse dicuntur, sed etatis sue verbis locuti sunt. Mendum est, & forte supplendum esset: qui primi Italiam incoluisse dicuntur. Virgil. libr. 7. Æneid. in fine:

... densantur campis Argivæque pubes,
Auruncæque manus, Rutuli, veteresque Sicani,
Et Sacra acies, & picti scuta Labaci.

Atque hi primi, ut dixi, cultores; ætate vero insequent, insigni gentis opulentia allecti, alii successerunt, tempore, moribus, regionibusque discreti. Fanutius Campanus MS. libr. 1. de Illustrib. Italæ Familiis: Aborigines, duce Oenatro, Lycaonis Arcadiæ Regis filio, relicta Peloponneso, Latium occuparunt, propter celi temperiem, & agrorum uberrimam fertilitatem: & iisdem modis Arcades iterum, duce Evandro Pelasgi ex Thesalia, Hercules ex Peloponneso, sedem omnium rerum & fortunarum in Latio collocarunt: diruta postmodum, & funditus eversa Troja a Græcis, Æneas profugus multa cum gente, primo in Lybiam, mox in Italiam venit: & habitando in curia regis Latini, devicto Turno, accepit in uxorem Laviniam, filiam regis Latini: & tandem mortuo Latino successit in regno. Multis deinde regum Albanorum successionem, ac Italicarum rerum vicissitudinem exequitur, tandemque in pauca contrahit.

Prima Nobilitas Italiæ incipit post diluvium ad Atbalum.

2. Nobilitas ab Atbalo rege, ad Latinum regem.
3. Nobilitas ab Aboriginibus.
4. Nobilitas a Trojanis, adventante Ænea.
5. Nobilitas a Romulo, & aliis regibus.
6. Nobilitas a Consulibus post expulsos reges.
7. Nobilitas ab Imperatoribus.
8. Nobilitas incipit a Pontificibus, & initiavit tempore Constantini Magni Imperatoris sub Silvestro Papa.

Per nobilitatem intelligit scriptor iste varios possessores Italiæ, penes quos erat jus nobilitatem conferendi. Adscribam & alium locum Joannis Solini MS. de Notabilibus & Mirabilibus, quo utor beneficio Reverendiss. D. Raphaëlis Roncionii, viri humanissimi ac eruditissimi, Pisanae Metropolis Archipresbyteri: Quantum autem fuerit, & sit decorata provincia Italiæ, immensa ac vaste urbium, civitatum, & oppidorum moles, & egregia facta gentium & populorum ejus ostendunt: pars enim pulcherrima est felicissima Europæ, ac totius orbis exornatissima aula: origo ejus splendidissima sub aureo seculo, propter incolentium & progenitorum splendorem: ejus auctoritas tanta est, ac excellentissima dignitas, ut divina literæ sacra historiæ numero divina ac perfectissima

septem

septem in locis ejus meminerint sub nomine Kychyn. Sub ejus imperio jam omnia mundi regna pacata permansere. Fertilissima atque uberrima omnium provinciarum, in qua, quidquid a natura optimum ac bellum effici potuit, affatim conspicitur. Ejus amœnitas tanta est, ut omnes gentes huc adventantes, proximæ & externæ, propter ejus decorem, sedibus illustribus incoluerint, & aliquæ propter invidiam devastaverint. Auctoribus antiquis Polybio, Catone, Livio, Solino, Dionysio, atque Procopio testibus, Italiam coluere Oenotrii, Aborigines, Arcades, Lydi, Aurunci, Pelasgi, Ausonii, Trojani, Veneti, Ligures, Ardeates, Rutuli, Siculi, Japyges, Lacedæmones, Salentini, Delii, Eniani, Achaï, Orapitii, Pylîi, Pisi, Galli Senones, Carthaginienſes, Heruli, Gothi, Ostrogothi, Hunni, Pannonæ, Turinges, Avari, Longobardi, Saraceni, Britanni, Cymbri, & Germani. Ex his enim & eorum gentilitiis primordiis populi & gentes Italiæ prodire. Quæ si olim sub Diis aliis ac falsis, tot Regibus, Dictatoribus, Consulibus, & Imperatoribus, atque Ducibus serenissimis suum decorem servavit; nunc vero sub vexillo diviniſſimæ majestatis, individuae Trinitatis, Sanctissimis ac Beatissimis Pontificibus, Illustrissimis ac Reverendissimis Cardinalibus, Reverendissimis Archiepiscopis, & Episcopis, atque Patriarchis Catholicis, Serenissimis ac Christianissimis Imperatoribus, ac Regibus, atque Excellentissimis Ducibus, Illustrissimis ac Clarissimis Principibus, & Dominis, expulsa idolorum vanitate, militat, tuetur, atque decoratur. Populorum autem antiquissimorum ac nobilissimorum Italiæ origo talis est. Cujus auctoris, quia alibi vix extant, e MS. verba adposui, quibus aliqua auctoritas, ob vetustatem tribuenda est. Porro qui sint Eniani, Orapitii; aut Delii, quos ille Italiæ colonos facit, non memini legisse me alibi, & forte ab aliquo corrupta librario nomina; nam autographum est Romæ trecentorum fere annorum: exemplar, quod penes me asservatur, a nupera est manu. Nec Cimbri, a Mario victi, incolæ fuerunt Italiæ: nec Carthaginienſes, duce Hannibale, amplius quam octodecim annos eidem provinciæ sunt immorati, ut immerito inter incolæ reponi debeant. Heruli autem anno Dom. 559. in Italiam irruerunt, Anno 33. Justiniani Aug. Anastasius Bibliothecarius in Joanne III. Eodem tempore Heruli in Tarsia venerunt, & levaverunt sibi regem Sindualt, & premebant cunctam Italiam. Ubi legendum omnino est: Heruli in Tusciam venerunt. Jornand. in Reb. Gothor. cap. 50. Sidon. Apollin. Carm. 7. v. 224. Britanni autem sunt Scoti, qui bis in Italiam venerunt; ut omittam insignem eorum in visitandis locis sanctis pietatem. Theodoricus a Niem libr. 3. Schismatis cap. 14. Primo quidem Fergusius secundus Scotiæ Rex, cum Alarico Gothorum Rege, valido suorum præsidio Romam contendit, urbemque diripuit, & ex præda nihil præter libros quosdam manuscriptos in patriam tulit, qui furtis in Scotiam immisissis, hæreticorum facibus, magna veræ pietatis jactura, arserunt. Historici, Jornand. libr. de Reb. Getic. Hæctor Boëthius Scotus libr. 7. Hist. Scot. pag. 114. Claudian. libr. de Bello Getico,

Venit

Venit & extremis legio preterita Britannis

Que Scoto dat fræna suo.

Iterum cum Carolo magno Scoti quidam procures in Italiam venire, si vera narrat Egolesmensis Monachus in vita Caroli Magni. Et ex his quidam Florentiam restauravere: Leones ut ibi alerentur perpetuo, qui gentile sunt regum Scotorum insigne, caverunt: pontem struxerunt: muros auxerunt, aliaque ad tantæ civitatis ornatum amplificandum adjecerunt. Joann. Leslæus libr. 5. alii aliis civitatibus mansuram sedem fixere, ut Duglassii Placentiæ, a quibus *Scotorum* comitum initium Anno Dominicæ assertionis 779. Umbertus Locatus in Chronic. Placent. Et ex illo Franc. Sanfovin. libr. de Illustr. Ital. Famil. pag. 112. Sed ad Etruriam redeo.

*Etruscorum fama, opulentia, ac potentia: Italiam totam
domuerunt: Romæ tributum imposuerunt: trecentas
Umbroarum urbes subegerunt: cum Jasone, & Ar-
go nautis pugnaverunt: Mantuam, Nolam,
Capuam, Bononiam, ipsamque Romam con-
diderunt: in Alpibus Colonias plantave-
runt: Volscis, & Cumanis imperarunt:
Phlegræos campos tenuerunt, ubi
Gigantomachia.*

CAP. IX.

NUlla gens aut factis illustribus clarior, aut nominis celebritate Etruscis prior: siue bonarum artium, artificiorumque nobilitatem spectes, ab iis pleræque originem traxerunt: siue res bello gestas intuearis, Italiam totam, insulasque adjacentes patriis exercitibus subjecere: seu denique opulentiam perpendas, æqualibus animis, opibusque non inferioribus quingentis annis cum Romanis contenderunt. Vide Diodorum Siculum libr. 5. pag. 316. Junium Philargyrium, Serviumque Honoratum ad libr. 2. Georg. & Poëtam Anonymum laudatos libro hoc cap. 1. superius. Adde T. Livium 1. Decad. libr. 1. in principio, & post eodem libro in concione Metii: *Illud te, Tulle, monitum velim, Etrusca res quanta circa nos teque maxime sit, quo propiores vos, hoc magis scis: multum illi terra, plurimum mari pollent.* Et ejusdem Decadis libr. 5. *In Italiam Galli trascenderunt,*

nec

nec cum his primum Etruscorum, sed multo ante cum iis, qui inter Apenninum, Alpesque incolebant, sæpe exercitus Gallici pugnauerunt. Tuscorum ante Romanum imperium late terra marique opes patuere: mari Supero, Inferoque, quibus Italia insule modo cingitur, quantum potuerint, nomina sunt argumento, quod alterum Tuscum communi vocabulo gentis, alterum Hadriaticum mare, ab Hadria Tuscorum colonia, vocavere Italica gentes. Græci eadem Tyrrhenum, atque Hadriaticum vocant. It in utrumque mare vergentes incoluere urbibus duodenis terras, prius cis Apenninum ad Inferum mare, postea trans Apenninum totidem, quot capita originis erant, colonis missis, qui trans Padum omnia loca, excepto Venetorum angulo, qui sinum circumcolunt maris, usque ad Alpes tenere. Alpini quoque gentibus ea haud dubie origo est, maxime Rætis: quos loca ipsa efferarunt, ne quid ex antiquo, præter sonum linguae, nec eum incorruptum, retinerent. Claritudo itaque Etruscorum ex Livio potissimum duplex: prior Italiam totam, exceptis Venetis, occupasse: altera utrique mari nomen imposuisse, cum antea ab ortu Italiae mare, quod aluit, Superum, ab occasu Inferum appellaretur. Virgil. libr. 2. Georg.

An mare quod supra memorem, quodque alluit infra?

Vetus Inscriptio, seu verius Trophæum Augusti Octaviani. (1)

IMP. CAESARI. DIVI. F. AUGUSTO.
PONT. MAX. IMP. XIII. TRIBUNIC. POTESTAT. XVII.
S. P. Q. R.

QUOD. EJUS. DUCTU. AUSPICISQUE.
GENTES. ALPINAЕ. OMNES. QUAE. A. MARI.
SUPERO. AD. INFERUM. PERTINEBANT.
SUB. IMPERIUM. P. R. REDACTAE. SUNT.

Superum vero mare etiam *Jonium* invenio vocatum. Testis Joannes Tzetzes Chiliad. Historiar. II. cap. 361.

Ὁ πέλαγος Ἰόνιον καλεῖται τῷ ἀδρίῳ
ἀπ' Ἰονῶ Ἰλλυρικῶ τὴν κλήσιν δεδωγμένον,
τῷ τότε βασιλεύοντος

*Quod Pelagus Jonium vocatur Hadriaticum,
Ab Jonio Illyrio nomen adeptum,
Hoc loco regnante.*

Constantissima tamen postea consuetudine invaluit, ut illud a celebri civitate *Adria*, seu *Atria*, de qua libr. 4. infra dicam, Hadriaticum diceretur; istud vero a principe *Tyrrhenum* audiret. Symmach. libr. 7. Epist. 36. Vetus Scholiast. Juvenalis ad v. 95. Sat. 6.

*Tyrrhenos igitur fluctus, lateque sonantem
Pertulit Jonium.*

Ita Poëtae Græci, Latiniq̃ue, & Historici, usque adeo ut a Sicilia usque in Gallia Occitaniae & Aquitanicae littus protendatur; nam Rhodanus

danus dicitur in mare Tyrrhenum influere. Isidor. libr. 13. cap. 21. Philostrat. libr. 5. de Vita Apollonii cap. 3. Polybius Megapolitanus plenissime libr. 2. pag. 105. Plutarch. in Lucullo pag. 136. in Paulo Emilio pag. 257. in Pompejo pag. 632. in M. Antonio pag. 944. D. Paulin. Natali 3. Felicis:

. & cuncti, quos alluit æstus uterque

Aurel. Prudent. περὶ τερφ. in D. Hippolito:

*Pertulerat rabiem Tyrrheni ad litoris oram
Quæque loca æquoreus proxima pontus habet.*

Claudian. Consul. Manlii Theodori:

*Ultima Sardiniam, Cirnon, trifidamque retentat
Sicaniam, & quicquid Tyrrhena clauditur unda,
Vel gemit Jonia.*

Ubi, ut Tzetzes supra, Jonium mare cum Adriatico confundit. Servius ad v. 71. libr. 1. Æneid. multis de nominis ratione discriet, quem consule. Rutil. Numatian. libr. 2. Itinerarii.

*In latum variis dammosa anfractibus errat
Tyrrheni rabies Hadriacique salis.*

Domuisse totam Italiam non tam mirum, quam ipsi Romæ tributum imposuisse, & multis ætatibus impositum ab eadem exegisse: erat autem id tributum decimæ omnium frugum, fructuumque in Latio perceptorum, quod reperies apud Gregorium Petrum Tolosanum libr. 18. Syntagmat. Jur. Univers. cap. 2. num. 19. & tradidit fide dignus Plutarchus Problemat. Roman. cap. 17. διὰ τὴν τῶν Ἡρακλῆα πολλοὺς τῶν πλουσίων ἐδεκάτευον τὰς δυνάμεις; πότερον ὅτι καὶ αὐτὸς ἐν Ρώμῃ τῶν Τηρρύνων βοῶν ἀπέβησε τὴν δεκάτην, ἢ ὅτι Ρωμαῖοις ὑπὸ Τυρρηνῶν δεκατευομένης ἀπηλλάξεν. *Cur multi divitum Herculi decimam partem bonorum suorum consecrant? An quod is quoque Romæ decimam boum Geryonis partem deposuit? aut quod effecit, ne Romani porro decimas Etruscis penderent.* Herculem itaque vult Romanos tributo, quod Etrusci annum exigebant, liberaffe, post superatum in Hispania Geryonem, & in Latio Cacum.

Hoc satis ad tantæ gentis laudem videri poterat, nisi ampliora restarent, quæ ejus gloriam, & rei militaris peritiam, successumque in omnibus bellis supra fidem optatum loquerentur. Quale enim est, quod a C. Plinio relatum libr. 3. Nat. Histor. cap. 14. Siculi & Liburni plurima ejus tractus tenuere, in primis Palmensem, Pretutianum, Adrianumque agrum: Umbri eos expulere, hos Etruria, hanc Galli. Umbrorum gens antiquissima Italiæ existimatur, ut quos Ombrios a Græcis dictos putent, quod inundatione terrarum imbris superfuissent: trecenta eorum oppida Tusci debellasse reperiuntur. Leni correctione locus eget, itaque legendum: ut quos Ombricos a Græcis dictos putent. Confirmat Herodotus libr. 1. quem consule. Strabonis Amasiani verba ex libr. 5. Geogr. adponam, ut vertit Guilhelm. Xylander; Græcus enim codex ad manum non est: *Superfuervunt Ligustica gentes & Colonia Ro-*

manorum, Romanis Umbrica etiam gens admixta erat, & alicubi etiam Tyrrhena; Umbri enim & Tyrrheni, antequam Romanorum aucta fuit potentia, diu de principatu inter se contenderunt: cumque Tiberi fluvio dividerentur, facile ultro citroque bellum inferebant, quod si alteri expeditionem in aliam gentem susciperent, cura erat alteris, ut eodem tempore ipsi quoque eo ducerent. Itaque cum Tyrrheni in barbaros circa Padum habitantes exercitum misissent, ac re bene gesta, ob luxuriam mox vice versa ejicerentur, Umbri bellum iis fecerunt, qui Tyrrhenos expulerant: deinde ex successione de locis disceptantes, multas Colonias Tyrrhenas, plures Umbricas fecerunt, quod Umbri propiores locis essent. Hæc ille parum fideliter, nam antiquis illis seculis una tantum Etruriæ pars erat Umbria, non etiam, ut æmula de imperio certare illi posset, atque ita concors omnium Geographorum est opinio: deinde cur trecentas Umbrorum urbes, ab Etruscis debellatas, non pro dignitate rerum gestarum commemorat?

Atque ista quidem terra ab iis sunt gesta; navali vero expeditione eo usque provecti gloriæ, ut Lunensem portum nobilissimum in Etruria ὁρμητήριον θαλάσσιας ἀντων ἀνθρώπων τοσαύτης μὲν θαλάττης τοσούτων δὲ χρόνων vocet Strabo libr. 5. pag. 153. receptaculum hominum, qui principatum tanti maris tenuerunt tamdiu. Quare eos & naves invenisse, & piraticam exercuisse libr. 3. infra hoc opere probatum invenies: quin imo ante Jasonem & Argonautas, quem primum navem longam struxisse fabulata est Græcia, Etrusci mari potentes deprehenduntur. Testis est Possis Magnesijs libr. 3. Amazonidis, apud Athenæum libr. 7. Dipnosophist. pag. 296. τῆς Ἀργεὺς φησὶ δημιουργὸν γένεσθαι τὸν Γλαύκων καὶ κυβερνῶντα αὐτὴν, ὅτε Ἰάσων μετὰ τῶν Τυρρηνῶν ἐμάχετο, μόνου ἄνθρωπου γένεσθαι ἐν τῇ ναυμαχίᾳ, κατὰ δὲ Διὸς βούλησιν ἐν τῷ τῆς θαλάττης βυθῷ φανῆναι, καὶ οὕτως γένεσθαι θαλάττιον δαίμονα, ὑπὸ μόνῃ τῷ Γλαύκωνος θεωρηθῆναι. Navis Argi Glaucum Architectum gubernatoremque fuisse tradit, & in Jasonis cum Tyrrhenis navali pugna, solum eum nullo vulnere sauciatus fuisse, sed ut Jovi placuerat, in fundo maris apparuisse, Deumque maris ita factum, ab Jasoni solo visum. Ex his celebritatem gentis hujus quilibet facile percipiet. In Tyrrhenum mare Argonavem venisse, videtur subindicare M. Valerius Flaccus libr. 4. Argonaut. ad finem:

Tum freta, quæ longis fuerant impervia seclis,
Ad subitam stupuere ratem, pontique jacentis
Omne solum, regesque patent, gentesque repostæ,
Non alibi effusus cesserunt longius undis
Littora, nec tantas quamvis Tyrrhenus, & Ægeus
Volvat aquas.

Expressius Strabo Amasian. libr. 1. Geogr. pag. 31. τινες δὲ καὶ τὸν Ἰόνιον ἀναπλεῖσαι φασὶ μέχρι πολλῆς τῆς περὶ τὸν Ἰάσονα, οἱ δὲ καὶ μέχρι τοῦ Ἀδρίου. Quidam etiam bonam Istri partem adverso flumine subvectum Jasonem cum suis autumant, nonnulli usque ad Adriam. C. Plin. libr. 3. cap. 18.
Ultra

Ultra quam sex millia passuum Formio amnis, ab Ravenna centum octuaginta novem millia passuum, antiquus aucta Italiae terminus: nunc vero Isthriae, quam cognominatam tradunt a flumine Istro, in Adriam effluente e Danubio amne, eidemque Istro ex adverso Padi fauces contrario eorum percussu mari interjecto dulcescente, plerique dixere falso, & Nepos Cornelius etiam Padi accola; nullus enim ex Danubio amnis in Hadriaticum mare effunditur. Deceptos credo, quoniam Argo navis flumine in mare Hadriaticum descendit, non procul Tergeste, nec jam constat quo flumine. Pudenda sunt errata, quae de Argonautarum reditu, & vellere relato repertiuntur apud Apollonium Rhodium libr. 4. Argonaut. nam eos Istro delatos in Hadriaticum mare scribit: exinde Padum ingresses in Rhodanum devenisse, qui eos secundo alveo in mare Ligusticum detulit, insulasque Stachades: quae prodigiosa geographia indignationem, an risum mereatur? Pessimi illius Poetae optimi Scholiasten ibidem loci consule, & Eustathium ad libr. 12. Odiss. v. 70. ubi Argonavis Homero est *πασμύδισσα*, omnibus cura habita. Tu adi eos, ego non exscribo.

Hucusque fama, opes, res terra marique antiquissimo aëvo explicatae: videndum nunc, quid monimenti tantarum virtutum posteris reliquerint. Id optime testantur Coloniae extra Tusciam suam ab iis victoribus transiisse, civitatesque pro jure victoriae, veluti trophaea, erectae: quarum prima Mantua, in Transpadana regione, quae nunc Longobardia dicitur, ea sane condita ab Oeno Bianoro rege Etruriae. Virgil. Eclog. 9. in fine:

Hinc adeo media est vobis via; namque sepulcrum

Incipit apparere Bianoris.

Ubi Servius Maurus ad verba BIANORIS: *Hic est, qui & Ocnus dictus est, de quo ait in decimo:*

Fatidica Mantus & Tusci filius amnis, conditor Mantuae. Dictus Bianor autem est, quasi animo & corpore fortissimus, ἀνὰ τῆς βίας καὶ ἀσπένος. Idem ad libr. 10. Aeneid. v. 201. Ocnus iste est Avenus, quem in Bucolicis Bianorem dicit: . . . hic Mantuam dicitur condidisse, quam a matris nomine appellavit; nam fuit filius Tiberis & Mantus, Tiresiae Thebani vatis filiae, quae in Italiam post parentis venit interitum. Alii Mantos filiam Herculis vatem fuisse dicunt: hunc Ocnum, alii Aulestis filium, alii fratrem, qui Perusiam condidit, referunt: & ne cum fratre contenderet, in agro Gallico⁽¹⁾ Celsenam, quae nunc Bona dicitur, condidisse: permisisse etiam exercitui suo, ut castella munirent, in quorum numero Mantua fuit. Alii a Tarchonte, Tyrrheni fratre, conditam dicunt. Mantuam autem ideo nominatam, quod Etrusca lingua Mantum Ditem patrem appellant, cui etiam cum ceteris urbibus & hanc consecravit. Inignis sane antiquitas, sive ab Oeno tempore Tiresiae Thebani, sive a Tarchonte sub appulsum Lydorum in Tusciam, uterque parens Tuscus est.

E 2

C. Plin.

(1) Cluverius Ital. Antiq. libr. 1. cap. 28. pag. 284. recte emendat *Felsnam*, quae nunc *Bononia* dicitur.

C. Plin. libr. 3. cap. 19. *Mantua Tuscorum trans Padum sola reliqua.*
Ipse Virgilius loco laudato:

*Ille etiam patriis agmen ciet Ocnus ab oris,
Favida Mantus, & Tusci filius amnis,
Qui muros, matrisque dedit tibi, Mantua, nomen:
Mantua dives avis, sed non genus omnibus unum.
Gens illi triplex, populi sub gente quaterni,
Ipsa caput populis: Tusco de sanguine vires.*

In eodem tractu Bononia auctorem agnoscit *Felsinum*, Etruriæ regem; quare eam ob causam *Felsina* prius dicebatur: & postea a *Bono*, etiam Etruriæ rege, coëpta est *Bononia* dici, ut libr. 2. infra in Catalogo Regum fiet clarum. C. Plin. libr. 3. cap. 15. *Bononia Felsina vocata, cum princeps Etruriæ esset.* Locus procul omni dubio corruptus est; nam tantum abest, ut princeps Etruriæ civitas Bononia esset, quin ne in Etruscarum urbium numero censeretur: certe inter duodecim præcipuas eam nemo, quod sciam, reposuit. Corrigendum igitur Plinium censo: *cum princeps Etruriæ Felsinus conditor esset.* Raphaël Volaterranus libr. 4. pag. 117. *Felsina* quidem nomine prius vocatam, sed deinde *Bononiam* vult appellatam, quasi *Bojoniam*; quod scilicet Bojorum fuerit colonia: quæ sententia & suos habet auctores. T. Liv. 4. Decad. libr. 7. *Eodem anno*, scilicet ab urbe condita 565. Coss. M. Fulvio nobiliore, & Cn. Manlio Vullone, *ante diem III. Calendas Januarias, Bononiam Latinam Coloniam ex S. C. L. Valerius Flaccus, M. Atilius Serranus, L. Valerius Tappus triumviri deduxerunt. Tria milia hominum sunt deducta: equitibus septuagena jugera, ceteris colonis quinquagena sunt data: ager captus de Gallis Boiis fuerat, Galli Tuscos expulerant.* Eadem sed brevius, Vellejus Paternulus libr. 1. Histor. Rom. Petrus Marfus ad illud libr. 8. Punicor. Sili Italici:

*Et quondam Teucris comes in Laurentia bella
Ocni prisca domus, parvique Bononia Rbeni.*

Hæc quidem trans Apenninum; ad meridiem vero non minor rerum fortiter gestarum gloria, aut humiliores potestatis reliquiæ. Ac primum trans Tiberim opulentissimam Volscorum gentem subdidere Etrusci. Nam cum Virgilius libr. 11. *Æneid.* dixisset:

*Multe illam frustra Tyrrhena per oppida matres
Optavere nurum;*

Servius Honoratus subdit: *Et hic ostendit, dicendo Tyrrhena per oppida, quod etiam Volsci in Tuscorum fuerint potestate.*

Campaniam totidem pene annis, quot Galliam togatam, hoc est quingentis ante Romam conditam, sui juris ante, & libere viventem, in potestatem suam iidem Etrusci redegerunt, notat Janus Parrhasius ad libr. 3. Claudiani de Raptu. Unde & Lucrinus lacus, & sinus Puteolanus Tyrrheni nomen habuerunt, ut doceo cap. de Lacubus libr. 5. infra hoc opere. In eodem etiam tractu *Cume* ab Etruscis originem ha-

habent. Vellejus Patercul, libr. 1. Histor. *Cumanos Osca mutavit vicinia*: quod de Etruscis intelligendum probabo cap. hujus libri 21.

Nolæ conditores Tusci, uti & Capuæ. Idem Patercul, ibidem loci: *Dum in externis moror, incidi in rem domesticam, maximique erroris, & multum discrepantem auctorum opinionibus; nam quidam hujus temporis tractu ajunt, a Tuscis Capuam Nolaque conditam ante annos fere octingentos triginta: quibus equidem assenserim; sed M. Cato quantum differt! qui dicit Capuam ab iisdem Tuscis conditam, ac subinde Nola: stetisse autem Capuam, antequam a Romanis caperetur, annis circiter ducentis sexaginta: quod si ita est, cum sint a Capua capta anni ducenti quadraginta, ut condita est, anni sunt fere quingenti. Ego, pace diligentie Catonis dixerim, vix crediderim, tam mature tantam urbem crevisse, floruisse, concidisse, resurrexisse.* Probo Paterculi de antiquitate harum illustrium civitatum sententiam; nam si vera est Catonis opinio, diu post Romanam conditam structas illas fateri oportebit, quo tamen tempore exiguæ Etruscorum vires, bellis assiduis vexatis utrinque populis, cum ante Romanam conditam præcipua fuerit Etruscorum claritudo.

Capua, omnium Campaniæ urbium mater, quæque aucta est Consulatus participationem secundo bello Punico, legatis Romam missis, petere, eodem tempore iisdem auctoribus Tuscis condita. Vellejus proxime supra laudatus. Pompon. Mela libr. 2. cap. 4. *Ad dextram Capua a Tuscis, & Roma quondam a pastoribus condita.* Polybius Megapolitanus, Africani comes, libr. 2. Historiar. pag. 105. Πλὴν ταῦτα γὰρ τὰ πεδία τὸ παλαιὸν ἐνέμουντο Τυρρῆνοί. καὶ οὗτος χρόνος, καὶ τὰ Φλέγραια ποτὲ καλέμενα τὰ περὶ Καπύην, καὶ Νόλην πεδία . . . καὶ διὰ τὸ πολλοῖς ἐμποδίων εἶναι καὶ γνωρίζεσθαι μεγάλην ἐπ' ἀρετῇ δόξαν εἰληφέναι. διὸ καὶ τὰς ἰσορῶντας τὰς Τυρρηνῶν δύνας, ἡ χρὴ ποιῆσαι τὴν ἀναφορὰν ἐπὶ τὴν νῦν κατεχομένην ὑπ' αὐτῶν χώραν, ἀλλ' ἐπὶ τὰ προσημειωμένα πεδία, καὶ τὰς ἐκ τούτων τῶν τόπων ἀφορμὰς. οἷς ἐπιμνησμένοι κατὰ τὴν παράδεισιν Κελτοὶ, καὶ περὶ τὸ κάλλος τῆς χώρας ὀφθαλμιώσαντες, ἐκ μικρᾶς προφάσεως μεγάλη στρατὸν παραδόντες ἐπελθόντες, ἐξέβαλον ἐκ τῆς περὶ τὸν Πάδον χώρας Τυρρηνούς, καὶ κατέσχον αὐτοὶ τὰ πεδία. Quæ sic Latina civitate donari possunt: Igitur planitiem istam tenuere quondam Etrusci, cum quidem & campos circa Capuam & Nola, Phlegræos quondam dictos, possidentes . . . quod multorum pravis conatibus obstarent, exteris innotuerunt, magnamque opinionem virtutis apud eos sunt consecuti: idcirco qui historias legunt de Etruscorum dynastis, & variis dominatibus, eos oportet non ad illam dictionem, quam nunc obtinent, oculos referre; verum ad campos, de quibus verba fecimus, & opes, quas ex iis locis colligebant. Adsidebant Tuscis Galli, ideoque cum ipsis commercia frequentabant: Leinde cupiditatis oculis in pulcherrimam planitiem coniectis, arrepta occasione levi numero cum exercitu, nihil cogitantes Etruscos invadunt, ex regione Circumpadana eiiciunt, atque ipsi planitiem illam occupant. Quod vetustissimum præclarissimi Scriptoris testimonium magni faciendum est, qui Etruscos veluti publicos criminum inter mor-

tales ætate illa vindices facit. Illud non minus nobile, Phlegæos campos ab iis possessos, in quibus fabulata antiquitas gigantomachiam commissam: de qua hoc obiter dixerim, a multis olim tentatam, a nullo potuisse absolvi, obiter describunt illam Marcianus Heracliota Cosmogr. v. 635. & hos etiam campos: quem vide. Valerius Flaccus libr. 2. Argonaut. in limine. Pindarus Nemear. od. 1. in fine. Gigantum nomina eleganter Sidonius Sollius Apollinaris Carm. 9. v. 85. & Carm. 15. v. 17. Pulchram reddit hujus fabulæ rationem Alcimus Avitus libr. 4. cap. 4. quem adi. Inter veteres vero plerique aggressi sunt illud argumentum infelicitè, & sine successu. Claudianus libello imperfecto, sed eleganti, Julius Cerealis, Martialis libr. 11. Epigr. 53.

Ipse tuos nobis relegas licet usque Gigantas.

Et Jonius quidam non incelebris poëta. D. Paulinus Epistola ad eum:

Non modo judicium Paridis, nec bella Gigantum

Falsa canas.

M. Manilius libr. 1. Astronom.

..... vastos cum terra Gigantes

In cælum furibunda tulit.

Inter nostræ ætatis viros tentavit idem Stroza Ferrariensis non ignobiliter. Quare Ovid. libr. 2. Trist. ad Augustum:

At si me jubeas domitos Jovis igne Gigantes

Dicere, conantem debilitabit onus.

Et ad eundem libr. 4. Trist. Eleg. 10. Hercules Ciofanius. Xenophanes Colophonius:

Οὐτὶ μάχας διέταν Τίτῃων, ἐδὲ Γυάντων.

Nolim pugnas commemorare Titanum, nec Gigantum.

Ad Capuam redeo. T. Liv. 1. Decad. libr. 4. Peregrina res, sed memoria digna traditur eo anno facta. Vulturum, Etruscorum urbem, quæ nunc Capua est, ab Samnitibus captam, Capuamque ab duce eorum Capye, vel, quod propius vero est, a campestri agro appellatam. Cepere autem prius bello fatigatis Etruscis, in societatem urbis agrorumque accepti: deinde festo die gravatos somno epulisque incolas veteres novi coloni nocturna cæde adorti. Itaque Vulturum conditores Tusci Capuam vocavere, secundum Livium; nomen vero recentius Samnitum est. His Servius Maurus contradicit ad libr. 10. Æneid. pag. 581. *Iste quidem hoc dicit, sicut Ovidius, qui Capyn de Trojanis esse commemorat:*

Ille dedit Capys repetita vocabula Troje;

Cæliusque Trojanum Capyn condidisse Capuam tradidit, eumque Æneæ fuisse sobrinum. Alii hunc Capyn filium Capeti volunt esse, Tiberini avum, ex quo fluvius Tiberis appellatus est, eumque Capuæ conditorem produnt. Alii Capyn Samnitum condidisse Capuam confirmant; sed Capuam vult Livius a locis campestribus dictam, in quibus sita est. Constat tamen eam a Tuscis conditam, de viso falconis augurio, qui Tusca lingua Capys dicitur, unde est Capua nominata. Tuscos autem omnem pene Italiam subju-

hjugasse manifestum est. Alii a Tuscis quidem retentam, & prius Aliternum vocatam, Tuscos a Samnitibus exactos Capuam vocasse, ob hoc, quod hanc quidam Falco condidisset, cui pollices pedum curvi fuerunt, quemadmodum falcones aves habent, quos viros Tusci Capuas vocarunt. Vide, quæ de Varrone ibidem adfert. Locus est suspectus; ibi enim, prius Aliternum vocatam, puto legendum ex Livio, prius Vulturnum vocatam; credibile enim est ab amne nobili Vulturno nomen quoque civitati impositum. C. Plin. libr. 3. cap. 5. Vulturnum oppidum cum amne. Multum Etruria Servio debet, qui hanc nobilissimam urbem ei asseruit, quam omnes pæne alii Capyi Trojano assignant. Ut disquirat Ant. Sabellicus libr. 1. Ennead. 2. non Tulcis, sed Capyi originem ejus attribuit Dionysius Halicarnasseus libr. 1. pag. 59. & deducta eo Colonia, tabula aenea in monumento, in quo dicebatur: Capys conditor Capuæ sepulchus, inventa est, conscripta literis, verbisque Græcis. Sueton. in Julio cap. 81. Ita poëtæ constanter non Tuscos, sed Trojanos, auctores agnoscunt. Virgil. loco laudato:

Et Capys, hinc nomen Campanæ ducitur urbi.

Sil. Italic. libr. 12. Punicor.

Tum Capys, ut primum dederit sua nomina muris.

M. Lucan. libr. 2. Pharsal.

Mænia Dardanii tenuit Campana coloni.

Quos omnes puto intelligendos de Capy restauratore urbis, quæ jam, florentibus Etruscorum rebus, condita, appellentibus in Italiam Trojanis reparata; ita Romulus Romam condidisse dicitur, eum diu ante illum Evander oppidum ibi struxerat: & Semiramis condidisse Babylonem putatur a plerisque, cum conditam diu antea urbem muris tantum cinxerit. Jul. Hygin. Fabular. cap. 233. Fusc. Joann. Tzetz. Chiliad. 9. Histor. cap. 275. Priscian. in Periegesi.

Ad partes Austri Babylon, quam mœnibus olim

Mirandis posuit, firmisque Semiramis urbem.

Et pæne semper evenit, ut illustres urbium restauratores pro conditoribus habeantur: quod de Capy restaurante Capuam verum est, quam diu ante Etrusci jam condiderant.

Mediolanum etiam ab Etruscis possessam, totamque eam amœnissimam planitiem, quæ circum acet, constans est historiæ fides. Isidor. Galli quidam intestina discordia, & assiduis dissensionibus suorum permoti, sedes novas querentes, in Italiam profecti sunt, sedibusque propriis Tuscis expulsis, Mediolanum, atque alias urbes condiderunt. Hæc ille libr. 15. cap. 1. Etymologiar. cui adde Procopium libr. 2. Hist. Gothor.

Denique extra Italiam in Alpes Rheticas colonias iidem traduxerunt. T. Liv. 1. Decad. libr. 5. laudatus hujus capituli principio. Julianus Justinus libr. 20. conditam Mediolanum secutam hanc Colonie deductionem narrat: *Gallis causa veniendi in Italiam, sedesque novas querendi, intestina discordia, & assidue domi dissensiones fuere; cum in*
Ita.

Italiam venissent, sedibus Tuscos expulerunt, & Mediolanum, Comum, Brixiam, Bergomum, Veronam, Tridentum, Vicentiam condiderunt. Tusci quoque, Duce Rbato, avitis sedibus amissis, Alpes occupavere, & nomine Ducis gentem Rbaticorum condiderunt. C. Plin. eadem pene libr. 3. cap. 20. His contermini Rbati & Vindelici, omnes in multas civitates divisi. Rbatos Tuscorum prolem arbitrantur, a Gallis pulsos duce Rbato. Eadem Plutarchus in Mario pag. 411. quem vide.

Quæ omnia parva videbuntur, si cum Romanæ urbis primordio conferantur, quam certum est ab Etruscis conditam, si fides Alcimo vetustissimo historico, & Cumanae historiæ compositorum apud Festum libr. 16. Et ne tam vetera sectemur, Romulus ipse non potuit civitatem suam condere, nisi Tuscis advocatis, ut narrat Plutarchus in ejus vita pag. 17. quod miror a nullo adhuc notatum.

Quæcumque de claritudine Etruscorum hic dicta sunt, priscum florentemque veteris Tusciæ statum spectant: quæ vero cum Romanis gesserint, suis locis libr. 4. infra expediam; nam ut reliquæ mundi gentes, ita quoque Tuscia, a Romanorum potentia, veluti maligno fidere percussa, viluit, & elanguit.

*Etrusci soli qualitas: silvis abundans: venatui aptæ
illæ: apri, glandes, feracitas frugum: nobiles
Clusinae, Senenses: etiam mare piscosum.*

C A P. X.

Sic se habent incolæ, & præclare ab iis gesta. Nunc de soli ipsius natura, leni veluti manu tractandum, quæ omnia ad victum necessaria affatim subministrabat, & proventu uberrimo incolas suos ditabat. Fl. Eutrop. libr. 3. *Etrurie per Aureliam usque ad Alpes maritimas ingentes agri sunt, bique fertiles & silvosi.* Abundabat itaque silvis. Rutil. Numatian. libr. 1. Itinerar. de tractu agri Volaterrani:

*Sed nemorosa viret densis vicinia silvis,
Pineaque extremis fluctuat umbra fretis.*

Et eodem libro paulo post:

*Littorea noctis requiem metamur arena,
Dat vespertinos mirtea silva focos.*

Agrum sane Tuscum celebrat Festus Pomp. libr. 9. in voce *Janiculum*, & libr. 14. in voce *peclusculum*: Creberrimus hic venatus. Q. Symmach. libr. 9. Epist. 26. *Agitare te venatibus feras, & hibernis mensibus Apennini gelida lustrare valetudinis tue æstimatione nunquam*
puta-

putavi. Gelida Apennini Etruria sunt, ut libr. 4. docui infra. C. Plin. libr. 5. Epist. 18. *Ego in Tuscis & venor, & studeo.* Rutil. idem libr. 1. ad finem:

*Oia vicinis terimus navalia silvis,
Sectandisque juvat membra movere feris.
Instrumenta parat venandi villicus hospes,
Atque olidum doctas nosse cubile canes.
Funditur infidiis, & rara fraude plagarum,
Terribilique cadit fulmine dens aper.
Quem Meleagri vereantur adire laerti,
Qui laxet nodos Amphitryniade.*

Usque adeo ut Etrusci illi prisca vitam venatu transigerent. Virgil. libr. 8. Æneid. de Aboriginibus:

Sed rami, atque asper victu venatus alebat.

Et libr. 9. Æneid.

Venatu invigilant pueri, silvasque fatigant.

Glandiferæ hic arbor. s. multæ, unde maximus faginatorum suum proventus. Suidas aliis observatus, & Strabo libr. 5. Τῆς δ' ἀρετῆς τῶν τόπων τεκμήριον. ἢ τ' εὐανδρία καὶ τὰ μεγέθη τῶν πόλεων, καὶ ὁ πλεῖστος, οἷς πᾶσιν ὑπερεβέβλητο τὴν ἄλλην Ἰταλίαν οἱ ταύτη Ρωμαῖοι. καὶ γὰρ ἡ γεωργουμένη γῆ πολλὰς, καὶ παντοίας ἐκ φέροι καρπός, καὶ αἱ ὕλαι τοσαύτην ἔχουσιν βλάστησιν, ὥς τ' ἐκ τῶν ἐντεῦθεν ὑποφορίων ἡ Ρώμη τρέφεται τὸ πλεον. ἔστι δὲ καὶ κεγχροφόρος διαφερόντως, διὰ τὴν εὐανδρίαν, τῶτα δὲ μέγιστον λιμὲν ἐστὶν ἄκος. *Quanta sit ejus regionis præstantia, judicari potest ex incolarum frequentia, urbium magnitudine ac opibus, quibus rebus Romani isthic habitantes omnibus aliis præstant Ialis; nam & quæ colitur terra omnis generis copiosos præbet fructus, & silvæ tantum glandis suppeditant, ut ex porcorum gregibus, qui ibi pascuntur, Roma fere alatur: tum ob aquæ copiam, milui feracissima est, quod est præsentissimum famis remedium.* Apri itaque Tusci in pretio habiti Romæ, Martial. libr. 7. Epigr. 26.

Tusciæ glandis aper populator, & ilice multa

Jam piger, Ætolæ fama secunda fere.

Quem meus intravit splendenti cuspide Dexter,

Præda jaces nostris invidiosa focis.

Et duplex aporum Tuscorum usus; nam vel integri apponebantur mensis, vel amphitheatris servabantur, venatoribusque confecti cadebant. Athen. libr. 4. in principio, ubi inclusa apro assato describit, turdos, vulvas, ficedulas, vitellos ovorum, ostrea, & pectines. Magnum sane, sed damnosum luxuriæ instantis exemplum: assatum sic porcum appellabant nepotes Trojanum, sic vocatum, quasi aliis inclusis animalibus gravidum, ut ille Trojanus equus gravidus armatis fuit. Macrobi. libr. 3. Saturnal. cap. 13. Vide Desiderium Erasmus in proverbio: *Porcus Trojanus.* Juvenal. Sat. 1. v. 141.

... quanta est gula, quæ sibi totos

Tom. I.

F

Ponit

Ponit apros; animal propter convivium natum!

Vetus Scholiastes: *Apud antiquos munificentia videbatur apparitor, si in convivio aper integer fuisset exhibitus.* Tiberius itaque Augustus, ut aliquam parsimoniam curam ostentaret, sæpe *dimidiatum aprum* apponi voluit. Sueton. cap. 34. In venatione etiam Circensi exhibitos invenio apros Tuscos. D. Juvenal. Sat. 1. v. 22.

*Cum tener uxorem ducat spado, Mervia Tuscum
Figat aprum.*

Feracitas vero frugum apud Diodorum Siculum libr. 5. Bibliothec. pag. 316. Χώραν δὲ νεμόμενοι πάμφορον, καὶ ταύτην ἐξεργαζόμενοι, καρπῶν ἀφθονίαν ἔχουσιν, ἢ μόνον πρὸς τὴν ἀρκῆσαν διατροφὴν, ἀλλὰ καὶ πρὸς ἀπόλαυσιν θαψιλήν τε τρυφὴν ἀνέχουσιν. *Cum autem terram incolant uberrimam, eamque probe exerceant, largissimos inde fructus percipiunt, non modo ad alimenta sufficiens, verum etiam ad prolixas voluptates delitiasque conducentes.* Idem paulo infra eodem loco: Καθόλου γὰρ ἡ Τυρρηνία πάντεσσι ἔνδοξος οὖσα, πεδίοις ἀναπεπταμένοις ἐγκαθίσταται, καὶ βουνοειδέσιν ἀνασκήμασι τόπων διέληπται γεωργησίμοις. ὕγρὰ δὲ μετρίως ἔστιν, ἢ μόνον κατὰ τὴν χειμερινὴν ὥραν, ἀλλὰ καὶ κατὰ τὸν πᾶν θεταίρου καίρου. *Etruria nulli terræ fecunditate cedens, in laie patemibus campis recumbit: clivosos tamen interim colles habet, arationi idoneos: humore etiam mediocri, non solum hiberno tempore, sed etiam æstivo rigatur.* Plutarchus in Mario pag. 429. Γεωργούντων, καὶ νεμόντων τῆς Τυρρηνίας. *Aratorum, & pastorum Etruria;* circa portum scilicet Telamonis meminit. Tanta certe olim crescente Republica Romana ubertas Tuscia credebatur, ut non aliunde Roma aleretur. Claudian. libr. de Bello Gildonico in principio:

*Quid mihi septenos montes, turbamque dedistis,
Quæ parvo non posset ali? felicior essem
Augustis opibus, mallem tolerare Sabinos,
Et Vejós, brevior duxi securius ævum.
Ipsa nocet moles: utinam remeare liceret
Ad veteres fines, & mœnia pauperis Anci:
Sufficerent Etrusca mihi, Campanaque culia,
Et Quinti, Curtique seges.*

Idem Cererem, filiam suam quærentem, a Sicilia per Etruriam circumducit libr. 3. de Raptu in fine:

..... clarescit Etruscum
Litus

Egregium illud est Papinii Statii testimonium libr. 4. sil. 6. in princip.

*Ab miseri, quos nosse juvat, quid Phædis ales
Distet ab hyberna Rhodopes grue: quis magis anser
Extæ ferat: cur Tuscus (1) ager generosior Umbo.*

Vetus Inscriptio Prænestina, quam propter elegantiam adscribam integram.

Tu-

(1) In nonnullis MSS. editisque libris legitur: *Tuscos aper*, & ita fortasse legendum.

Tu. quae. Tarpeia. coleris. vicina. Tonanti⁽¹⁾
 Votorum. vindex. semper. Fortuna. meorum
 Accipe. quae. pietas. ponit. tibi. dona. merenti
 Effigiem. nostri. conservatura. parentis
 Cuius. ne. taceat. memorandum. litera. nomen
 Caesius. hic. idemq. Titus. primusq. vocatur
 Qui. largae. Cereris. messes. fructusq. renatos
 Digerit. in. precium. cui. constat. fama. fidesq.
 Et. qui. divitias. vincit. pudor. ire. per. illos
 Consuetus. portus. cura. studioq. laboris
 Littora. qui. praestant. fessis. tutissima. nautis
 Notus. in. urbe. sacra. notus. quoq. finibus. illis
 Quos. Vmber. fulcare. solet. quos. Tuscus. arator
 Omnibus. hic. annis. votorum. more. suorum
 Centenas. adicit. numero. crescente. coronas
 Fortunae. simulacra. colens. et. Apollinis. aras
 AEgeriumque. Iovem. quorum. consentit. in. illo
 Maestas. longae. promittens. tempora. vitae
 Accipe. posteritas. quod. per. tua. secula. narres
 Taurinus. cari. iussus. pietate. parentis
 Hoc. posuit. donum. quod. nec. sententia. mortis
 Vincere. nec. poterit. fatorum. summa. potestas
 Sed. populi. salvo. semper. rumore. manebit

Ideo opulenta arva ejus dicuntur a Tit. Livio 1. Decad. libr. 9. *Postera die, luce prima, juga Ciminii montis tenebat: inde contemplatus opulenta Etruriae arva, milites emittit.* Opulentam vocat Etruriam, hoc est feracem.

Et frumentum quidem Clusinum & Senense laudat Plinius libr. 18. cap. 7. Prius etiam M. Martialis libr. 13. Epigr. 8.

Imbue plebejas Clusinis pultribus ollas.

Ut terra frugum fertilis, ita mare portuosum, ut libr. 4. docco, & piscosum, quod de utroque intelligendum; nam de Hadriatico Juvenal. Sat. 4. v. 40.

*Incidit Hadriatici spatium admirabile rhombi
 Ante domum Veneris, quam Dorica sustinet Ancon.*

F 2

De

(1) Apud Gruter. pag. 72. num. 5.

De Infero, seu Tyrrheno idem Sat. 5. v. 94.

Et jam defecit nostrum mare, dum gula sevit

Retibus assiduis penitus scrutante macello

Proxima, nec patitur Tyrrhenum crescere piscem.

Pub. Ovid. libr. 3. Fastor.

Ecce libet subitos pisces, Tyrrbenaque monstra

Dicere, sed non est carminis hujus opus.

Observatumque, ne contra Circium ventum sererent, ob ejus violentiam in Etruria. Plin. libr. 17. cap. 2.

*Etruria vini ferax: aservatum in dolis picatis:
fumo expositum: vetustate aestimatum, Lunense,
Florentinum, Faliscum, alia recentia.*

C A P. XI.

UBertati fructuum frugumque, vinearum proventum addit felicissima hæc regio, pastui animantium eadem accommodata: quod longissimo, sed verissimo encomio extollit Dionysius Halicarnassæus libr. 1. pag. 29. Ποίως δ' ἀποφύτε Τυρρηνία, καὶ Ἀλβανή, καὶ Φαλερινών (legendum est indubie Φαλερίων, sunt enim *Faliscii*, iidem ac *Falisci*) χωρία θαυμαστῶς ὡς Φιλάμπελα, καὶ δι' ἐλαχίστου πόνου πλείους ἄμματα καὶ κρατίστες καρπὸς ἐξενεγκέναι ἔμπορα; χωρὶς δὲ τῆς ἐνεργεῖας, πολλὴν μὲν ἂν τις ἔυροι τὴν εἰς πόλιν αὐαμένῃ, πολλὴν δὲ τὴν αἰγρονόμον. ἔτι δὲ πλείω καὶ θαυμασιωτέραν τὴν ἵπποφορβόντε καὶ βοκολίδα, ἢ γὰρ ἔλεος καὶ λειμωνία βοτάνῃ διαψιλῆς οὖσα, τῶν τε ὀργάνων ἢ δροσέρας καὶ κατὰ ἔρτος, ἀπειρος ἢ θέρους νέμεται παρέχει δια παντὸς εὐθηνέσας τὰς ἀγέλας. πάντων δ' ἑστὶν οἱ δρυμοὶ θαυμασιώτατοι, περὶ τε τὰ κρημνώδη χωρία καὶ τὰς νάπας, καὶ τὰς ἀγεωργήτας λόφους, ἐξ ὧν πολλὰς μὲν εὐπορεῖται, καὶ καλῆς ναυπηγήσιμος, πολλὰς δὲ τῆς εἰς τὰς ἄλλας ἐργασίας εὐθέτεται. καὶ τῶν ὕδρων οὔτε δυσπρόρισον ἔστιν, οὔτε πρόσω τῆς ἀνθρωπίνης χρείας κείμενον, ἀλλ' εὐκατέρως καὶ ῥάδιον παρῆναι πάντα, διὰ πλῆθος τῶν ποταμῶν, οἱ διαρρέουσιν ἅπασαν τὴν αὐτὴν, καὶ ποῖσι τὰς τε κομιδὰς, καὶ τὰς ἀμείψας τῶν ἐκ γῆς φεομένων λυσιτελείας. *Quæ sic civitate cultuque Latino donata sonant: Cui vinifera Etruria, Albanus atque Faliscus ager, mirum in modum amicus vitibus, & modico labore optimos atque uberrimos reddentes fructus? præter eam autem, quæ colitur, multum terræ invenies patere ovium, multum caprarum gregibus, plus etiam & præstantius armentis equorum & boum; pratensis enim, & palustris herba, copiosa illa, cultivateque terræ irrigua & rosida, immensum quantum æstate compascua, omni tempore vegetam præbet gregum copiam; sed salus in primis admiratione digni sunt: circa prærupta & nemorosa loca, tumulosque culture parum idoneos, ex quibus multam*

ac pulchram fabricandis navibus, multam etiam aliis operibus aptam petunt materiam. Atque horum nihil est vel paratu difficile, vel longe ab humanis usibus remotum; sed omnia & confici facile, & convehi facile possunt, propter fluviiorum frequentiam, qui universam oram permeant, & magnam commoditatem importandis ac permutandis, quas terra fert, rebus, afferunt. Ex quibus apparet, Dionysium nihil æque in Etruria spectasse atque vinearum abundantiam: Et certe de vino hujus regionis Galenus Pergamenus libr. de Succorum bonitate & vitio cap. 1 r. Verba apponam ex interpretatione Julii Alexandri, Medici Tridentini; Græcus enim codex non est ad manum: *Sola ea bona esse possunt, si bibantur novella, quæ substantia tenuia sunt: quod genus in Italia est, quod Gaurium vocant (Gauranum Latine dixeris a monte Gaurio) & Albanum, eorumque, quæ in Sabinis & Tuscis nascuntur.* Idem libr. 5. de Sanitate tuenda cap. 5. ex versione Thomæ Linacrii Angli, & recognitione Hieronymi Donzellini: *Sane Vinum, sicuti pueris est alienissimum, ita senibus est aptissimum. Esto autem id ex iis, quæ calidioris naturæ sunt, qualia sunt in Græcia quidem Ariusum, & Lesbium, & quod Mysum vocant: non ex ea Mysia, quæ ad Istrum est; sed ex ea, quæ Hellespontia dicitur, quæ nimirum in nostra est Asia, Pergamo vicina. Ex Italicis vero Falernum & Surrentinum. Proxima his sunt, in Italia quidem, Tiburtinum & Signinum, ambo vetera, quando novella nec deductionem nutrimenti in corpus adjuvant, nec urinas promonent, sed diu in ventre fluctuantia permanent. Secundo ab his loco sunt Adrianum, & Sabinum, & Albanum, & Gabrianum, & Tryphelinum: præterea omnia Amineæ, quæ in Italia nascuntur, & circa Neapolim, & in Tuscia. Quod autem Etruscum vinum vel in præcipuis fuerit delitiis, nobilissimisque epulis inferretur, discimus ex Authore quodam pervetusto Græco, cujus nomen periiit, sed puto Alexim fuisse, apud Athenæum libr. 15. cap. ult. in fine:*

Κρεανομήμου, καὶ τὸν ἐκ Τυρρήνων

ὄνον σὺν ὀκτὼ λαμβάνειν ἐπίσχυμα. . .

Regine Musæ, siquidem ex Etruria

Vinum cum voluptate sumere didici.

Discedens etiam Italia cum Gothis suis Alaricus, ubertatem & præstantiam vini Etrusci extollit apud Cl. Claudianum libr. de Bello Getico:

. . . . quid palmitis uber Etrusci.

Vinum suum Tusci gypsatil diligenter doliis imponebant, quo diutius asservari posset. Strabo libr. 5. Ἐχὼ δὲ καὶ περὶ τῆς θαλάσσης τὰ δ' οἶνα τὸ πλεόνος μνησθῶσιν οἱ πίβοι, ἐύλιννοι γὰρ μέγας οἶκον ἅπλ, προσλαμβάνει δὲ πολλὴ ἢ τῆς πίττης εὐπορία πρὸς τὸ εὐώνητον. Habet quoque (Etruria) picis opificia mirabilia, jam vini copiam dolia arguunt, quæ ex ligno adibus majora conficiuntur, ac picis copia multum conducit ad utilitatem pretii. C. Plin. libr. 14. cap. 21. Ligneis vasis circa Alpes candunt, circulisque cingunt,

atque

atque etiam bieme gelida ignibus rigorem arcent, mirum dictu, sed aliquando visum, ruptis vasis steteret glaciata moles, prodigii modo, quoniam vini natura non gelasit. Joann. Brod. libr. Miscellaneor. cap. 31. Aul. Gell. libr. 17. cap. 8. Aurel. Macrobr. libr. 7. Saturnal. cap. 12. itaque vinum condebatur picatis gyplatisque dollis in frigidis regionibus. Virgil. libr. 3. Georg.

... ceduntque securibus humida vina.

At in Tuscia, ut diutius conservari, pretiosiusque fieri posset, picatum diligenter, gypsatumque; quare vetustas in vino pretium addebatur, ut ex multis Scriptorum testimoniis probaturus sum. L. Apul. libr. 2. Milefiar. Commodum meridies accesserat, & mittit mihi Byrrbena xenium, porcum opimum, & quinque gallinulas, & vini cadum in etate pretiosi. L. Sen. libr. 4. Natural. Quæstion. cap. ult. Nos vero queramus potius, quomodo fiant nives, quam quomodo serventur; quoniam non contenti vina diffundere veterana, & per sapes atatesque disponere invenimus, quomodo stiparemus nivem, ut ea æstatem evinceret, & contra anni fervorem defenderetur loci frigore. Et libr. de Vita beata cap. 17. Quare cultius tibi rus est, quam naturalis usus desiderat? cur non ad præscriptum tuum cœnas? cur tibi nitidior suppellex est? cur apud te vinum etate tua vetustius bibitur? Pomponius J. C. l. 3. ff. si certum petatur: Cum quid mutuum dederimus, etsi non cavimus, ut eque bonum redderetur, non licet debitori deteriores rem, quæ ex eodem genere sit, reddere, veluti vinum novum pro vetere. Scævola etiam J. C. l. 37. ff. de leg. 3. Cum hoc elogio fideicommissum reliquit: Mevio liberto meo, de me nihil merito, dari volo lagynos vini vetusti centum quinquaginta. Sic legitur in Plantiniana Lud. Charondæ editione, non male; nam antiquitus lagunam, non vero lagenam scribebant, ut notavit Fulvius Ursinus in Appendice pag. 178. ex Athenæi libris 7. & 11. itaque y in u mutato, quod frequenter contingere alii animadverterunt, Lagynam pro Laguna efferebant. Meminit & Anastasius Aug. l. 16. C. de erogat. milit. ann. libr. 12. Vinum hoc vetus ut palato gratius esset, addebatur defrutum. Columell. libr. 12. cap. 21. Et Poëtæ, Q. Catull. Epigr. 27.

Mimster vetuli puer Falerni,
Inger mi calices amariores,
Ut lex Posthumia jubet magistræ
Ebriosa acina ebriosioris.

Ita legitur apud A. Gellium libr. 7. cap. 20. licet Sabellicus Coccius avariores contendat legendum. Hermolaus Barbarus mavult amariores, ut videre est ex Joanne Brodæo libr. 1. Miscellan. cap. 3. sed Gellii lectio potior est, meo judicio: quam confirmat L. Seneca Epist. 64. In vino nimis veteri ipsa nos amaritudo delectat. Alcimus Avitus libr. 3. cap. 20.

Fulgebat priscum cristallo algente Falernum,

Vivi-

*Vivida quin etiam miscebant cinnama Thalli,
Et suffusa domus pingui flagrabat amomo.*

Posteriorem verum ita refinge:

Et suffusa domus pingui fragrabat amomo.

P. Ovid. libr. 2. de Arte:

*Qui properant, nova musta bibant: mibi fundat avitum
Consulibus prisca condita testa merum.*

Idem libr. 5. Pastor.

*Queque puer quondam primis diffuderat annis,
Promit fumoso condita vina cado.*

Papin. Stat. libr. 4. Sil. 6.

*Jam moriente die rapuit me cæna benigni
Vindicis, hæc imos animi perlapsa recessus
Inconsumpta manet; neque enim ludibria ventris
Hæusimus, aut epulas diverso a sole petitas,
Vinaque perpetuis ævo certantia fastis.*

M. Martial. libr. 3. Epigr. 62.

*Centenis quod emis pueros, & sæpe duceis:
Quod sub rege Numa condita vina bibis.*

Et libr. 7. Epigr. 78.

*Potavi modo Consulare vinum:
Queris, quam vetus atque liberale?
Ipso consule conditum; sed ipse
Qui ponebat, erat, Severe, Consul.*

M. Plaut. Aulular. sc. Ninium:

*..... at ego jussero
Cadum unum vini veteris ad me afferrier.*

Alb. Tibull. libr. 3. Eleg. 2.

Et primum anno spargant collecta Lyæo.

M. Annæus Lucan. libr. 4. Pharsal. v. 379.

Nobilis ignoto diffusus Consule Bacchus.

Idem libr. 10. v. 164. Ægyptiis vetustum vinum in pretio fuisse videtur indicare, nisi forte ad exterarum gentium Romanam trahere consuetudinem voluerit, quod poetis perquam familiare est; sic enim in Cleopatrarum convivio:

*..... merum sed non Mareotidos uvæ
Nobile, sed paucis senium cui contulit annis
Indomitum Meroë cogens spumare Falernum.*

Modus vinum sic condendi, inque annos multos asservandi, erat, ut dolia primum lavarent, deinde diligenter pice oblinerent, ac mox gypsum inducerent, & demum eo statuerent loco, quo facile posset funus pertingere: quod diligentissime exequitur Palladius Æmilianus libr. 11. Rei Rust. cap. 14. quem consule. M. Cato libr. de Re Rust. cap. 2. *dolia lavari, picari* dixit inter rustica opera: & quid id fiat, idem

idem expedit eodem opere cap. 39. Hic mos Allobrogum. Jun. Moderat. Columella libr. 12. Rei Rust. cap. 23. Marcell. de Medicam. *Operculo superposito, & clauso, vel gypsato diligenter de argilla.* Porphyrio ad libr. 1. Horat. od. 20. *Dicit hoc vinum per semetipsum inveteratum, lenisse ergo se gypso utique vult intelligi.* Dixit Poëta:

*Græca quod ego ipse testa
Conditum levi.*

Unde Junius Moderatus Columella libr. 1. Rei Rust. cap. 6. *Vinum celerius fumo maturefcit: quod infaluberrimum existimat C. Plin. libr. 23. cap. 1. si fumo sit inveteratum.* Hunc tamen morem sanitati adversaturum, ut plerisque alios, insana usurpavit luxuria. Q. Horat. libr. 3. od. 8.

*Hic dies anno redeunte festus
Corticem adstrictum pice dimovebit
Amphora fumum bibere instituta
Consule Tullo.*

Papin. Stat. libr. 4. Silv. 8.

Albanoque cadum sordentem promere fumo.

Alb. Tibull. libr. 2. Eleg. 1.

*Nunc mihi fumosos veteris proferte Falernos
Consulis, & Chio solvite vincla cado.*

Martial. libr. 13. Epigr. 122.

*Cum tua centenos expugnet sportula cives,
Fumea Massilia ponere vina potes.*

Primus auctor picandi gypsandique dolia, vinique ad commendationem vetustatis asservandi, dicitur L. Opimius Consul; quare & vetera vina ab illius nomine Opimiana audiunt. C. Plin. libr. 14. cap. 4. *Fuit omnium generum bonitas, L. Opimio Cos. cum C. Gracchus Tribunus seditionibus plebem agitans interemptus, ea cæli temperies fulsit, quam cocturam vocant, solis opere natali Urbis DCXXXIV. durantque adhuc vina, jam a ducentis fere annis, jam in speciem redacta mellis asperi, etenim hæc natura vinis in vetustate est, nec potari per se queunt, si non pervineat aqua usque in amaritudinem carie indomita.* Et ejusdem libri cap. 14. *Apothecas fuisse, & diffundi solita vina anno DCXXXIII. Urbis apparet (in Consulatu L. Opimii) indubitato Opimiani vini argumento, jam intelligente suum bonum Italia.* Joann. Britannic. ad illud Juvenalis Sat. 5.

Ipse capillato diffusum Consule potat.

Martial. libr. 1. Epigr. 27.

*Festa sed antiqui felix siccatur Opimi,
Egerit & nigros Massica cella cados.*

Notabantur autem dolia hæc picata gyplataque, inscripto nomine & auctoris & Consulis. Vet. Scholiast. Juvenal. ad v. 3. Sat. 5. *Vinum de montibus Albanis, ita vetus, ut non possit ex super inscriptione, antiquitate deleta, cognosci quanti sit temporis.* C. Petron. Satyrico, in Trimal-

malchionis convivio lautissimo: Statim allatae sunt amphorae vitreae, diligenter gypsatae, quarum in cervicibus pittacia erant affixa, cum hoc titulo, FALERNVM. OPIMIANVM. ANNORVM. CENTVM. Dum titulos perlegimus, complofit manus Trimalchio: & heu, inquit, ergo diutius vivit? Verum est vinum Opimianum praesto. Locum puto corruptum, & facile sanari posse, si legatur; quarum in cervicibus pittacia erant affixa; ut significet morem illum priscum, quo tabellis signabant etiam in horreis vina, ut sciri posset, cujus essent notae: quod cum observassem, inveni idem Jotae Mercero placuisse. Helen. Acron ad Q. Horat. libr. 1. Sat. 10. Nota; ideo quod aut vina notantur in lagenis, aut Consules. Ipse Horat. ibid.

... ut Chio nota si commissa Falerni est.

D. Juvenal. loco proxime supra laudato:

Cras bibet Albanis aliquid de montibus, aut de
Setinis, cujus patriam titulumque senectus
Delevit, multa veteris fuligine teste.

Elegantissime, ut semper solet, M. Plautus in Poenulo, Sc. Satis spectatum;

Ibi tu videas literatas fictiles epistolas,
Pice signata nomina insunt cubitum longis literis
Ita vinariorum habemus nostrae delectum domi.

Vinum hoc vetus percolabant, quo defecatus esset, suaviusque biberetur. Hoc Graeci σακκίζεν σακκίζεν, Latini vero dicunt sacco liquare, Plin. libr. 19. cap. 4. Inveterari vina, saccisque castrari. Melius MS. saccisque castigari. Pomp. J. C. l. 21. ff. de auro & arg. leg. In argento potorio urum id tantum sit, quo bibi possit, an etiam illud, quod ad preparationem bibendi comparatum sit, veluti colum nivarium & urceoli, dubitari potest. Ita praefereunt optimae editiones, & Antonius Nebrissenlis confirmat, ut & Andr. Alciat. libr. 8. Parerg. cap. 4. alii legunt colum vinarium, quod ferri potest. Morem illum Graecanicum fuisse loquuntur Chares Mitylenæus historicus, Strattis poeta in Pfycaetis, Lysippus in Bacchis, & Protagorides libr. 2. Comicarum historiarum, & Diphicus in Mnematio apud Achenæum libr. 3. Dipnosophist. cap. 21. Consulantur illi. C. Lucil. apud M. Ciceronem libr. 2. Finib.

Cui nil dempsit nix, & sacculus abstulerit nil.

Martial. libr. 14. Epigr. 101. & Epigr. 102. Et libr. 12. Epigr. 60.
Turbida sollicito transmittere Caeuba sacco.

T. Lucret. libr. 2.

Et quamvis subito per colum vina videmus
Perfluere; at contra tardum cunctatur olivum.

Horat. libr. 2. Sat. 4. v. 54.

Integrum perdunt lino vitata saporem.

Percolato sic vino, mel addebant. Proculus J. C. l. 16. ff. de trit. vin. & oleo leg. Cajus l. 7. ff. acq. rer. dom. Macrobi. libr. 7. Saturnal. cap. 12.

cap. 12. L. Apul. libr. 10. Videantur Antiquitat. mear. libr. 5. cap. 30.

Ad vina Tusca redeo, quæ antiquitus celebrata, atque etiamnum hodie, de quibus succinēte, ut possum.

Primum vinum in Etruria fuit *Faliscum*. Dionys. Halicarn. libr. 1. supra initio hujus capituli: duratque in hunc diem ejus nobilitas.

2. Celebre fuit *Spoletinum*. Galenus Pergamenus apud Athenæum libr. 1. Ὁ Σπολητίνος δὲ οἶνος καὶ πινόμενος ἥδυν, καὶ τῷ χρώματι χρυσίζα. *Spoletinum jucundum haustu, auri colore fulgescit.*

3. In pretio fuit *Hadrianum*, sive *Hadriaticum*, ex Colonia videlicet Tuscorum Hadria nomen sortitum. Plin. libr. 14. cap. 6. Menippus Cynicus apud eundem Athenæum libr. 1. pag. 33. Ὁ δὲ Ἀδριανὸς καλέμενος ἑυπνὴς, εὐανέδοτος, ἄλυτος τὸ σύνολον. *Quod Adrianum vocant, facile transpirant, & digeritur, omninoque molestia caret.*

4. Laudatum est *Tudertinum*. C. Plin. libr. 14. cap. 3. *Siquidem in Tuscis peculiaris est Tudernis.* Plura libr. 5. infra hoc opere.

5. Invenio & *Florentinum* non parvi nominis. C. Plin. ibidem loci. Est & ejus nominis *Florentia*. Itaque sine dubio *Florentia* non *Fluentia* Plinio nota, contra quam voluit ille nugator Annius: & ego libr. 5. hoc Opere infra expediam.

6. Memorabile quoque & *Arretinum*. Idem, loco laudato: *Est optima Arretio Talpana, & Etesiacæ, & Consaminia.* Talpana nigra candidum facit mustum: Etesiacæ fallax, quæ quo plus tulit, eo laudabilius fundit, mirumque, fecunditate cessat: Consaminia nigra, vino minime durante, uva maxime: post quindecim dies, quam ulla alia metitur, fertilis, sed cibaria: hujus folia, sicut labruscæ, prius quam decidant, sanguineo colore mutantur. Etesiacæ itaque vitis, quæ Etesiiis ventis mutatur: Consaminia, quæ ex diversis vitibus constat, notat Jac. Dalechampius.

7. Non habebatur ignobile *Pisanum*. Plin. ibid. *Pharia gaudent Pise.*

8. *Graviscanum*. Plin. libr. 14. cap. 6.

9. *Statoniense*. Plin. ibid.

10. Supra omnia alia genera evectum *Lunense*. Idem Plinius loco jam laudato proxime: *Etruria palmam Luna habet.*

11. *Mecenatianum* fuit in Etruria. Plin. ibid. Sed ubi loci? quærat. Hoc tantum in confesso est, Mecenatem, Augusti familiarem, quarto gradu Cecinnam Etruscorum regem contigisse, quod libr. 4. hoc Opere docebo.

12. Extollitur *Ceretanum*. Jun. Moderat. Columella libr. 3. Rei Rust. cap. 3. *Nam illa videntur prodigialiter in nostris Ceretanis accidisse, ut aliqua vitis apud te excederet uvarum numerum duorum milium, & apud me octogenæ stirpes insitæ intra biennium septenos culleos peræquarent, ut primæ vineæ centenas amphoras jugeratim præberent, cum prata, & pascua, & silvæ, si centenos sestertios in singula jugera efficiant, optime domino consulere videantur.*

13. Recentiores nonnulli laudant *Vinum Græcum*, & præcipue quod prope

prope oppidum Sangeminiatum nascitur. Platina libr. de Re Culinaria 10. ad finem: atque istud tota Italia nobilitatum.

14. *Nobilitate & elegantia* (idem ait pag. 364.) *Trebianum in Etruria excellit.*

Locus est depravatus Macrobii libr. 3. cap. ult. *Uvarum ista sunt genera, Amin. a scilicet a regione; nam Aminei fuerunt, ubi nunc Falernum est, Asinusca, Atrusca, Albiverus, Albena, Apiana, Apicia, Bumammia.* Quæ uva sit *Atrusca*, nullibi lectum; itaque *Etrusca* lege, una mutata litera.

*Etruriæ constitutio: ager pinguis: boves compacti:
& aëris temperies: litorea insalubria:
mediterranea sana.*

CAP. XII.

ITa se habet feracitas, sequitur qualitas, & constitutio. M. Varro libr. 1. de Re Rustica cap. 9. terram esse triplicem docet: *macram, pinguem, mediocrem*, & medii esse generis Etruriam: *Contra* (inquit) *in agro pingui, ut in Etruria, licet videre segetes frutuosas, ac restibiles, & arbores prolixas, & omnia sine musco.* Præclarum certe elogium, quo nihil, quod quidem ad humani victus necessarios usus conducatur, Etruriæ deesse ostenditur, & ad incolarum felicitque ingenii gloriam soli uberrimi accessionem fieri, quod paucissimæ gentes sunt consecutæ.

De equis dico abunde libr. 3. hoc opere: de bobus Jun. Moderat. Columella libr. 6. Rei Rust. cap. 1. *Campania plerumque boves progenerat albos & exiles, labori tamen & culture patrij soli non inhabiles: Umbria vastos, & albos, eademque rubros, nec minus probabiles animis, quam corporibus: Etruria & Latium compactos, sed ad opera fortes.*

Aëris autem constitutio veteribus varia judicata; nam quæ mari Infero sive Tyrrheno pars adjecta erat, noxio aëre, & interdum pestilenti censebatur: contra vero quæ Mediterranea, aut montosa loca incolbant Tusci, ea omnibus Italiæ provinciis salubritate prælata. Insalubrem fuisse oram litoralem docent plerique optimæ notæ Scriptores. Sidon. Apollinar. libr. 1. Epist. 5. *Hinc cetera Flaminie oppida statim ut ingrediebar, egressus, lævo Picentes, dextro Umbros latere transmisi, ubi mihi seu Calaber Atapulius, seu pestilens regio Tuscorum, spiritu aeris venenatis flatibus inebriato, & modo calores, modo frigora alternante, vaporatum corpus infecit; interea febris suisque penissimum cordis medullarumque secretum depopulabatur.* Quod ille Gallus de

Tuscia, alii de tota Italia conquesti, inter quos Petrus Venerabilis libr. 3. Epist. 3. & libr. 5. Epist. 44. usque adeo ut Roma *cameterium Transalpinorum* audiat. Joannes Dempsterus, genere doctrinaque nobilissimus, Venetæ Reip. Sereniss. Bibliothecarius Epist. 14. Q. Symmach. libr. 7. Epist. 39. *Plerumque fors disposita conturbat, quod nunc mihi usu venit, qui Etruscos vapores salubritatis causa adire non potui, rebus detentus urbanis.* Id de Gravisca testatur quoque M. Cato in Originibus apud Servium Maurum ad libr. 10. *Æneid. Gravisca, quod gravem aerem sustinent; hoc est pestilentes.* Rutilius Numatianus libr. 1. Itiner.

*Inde Graviscaurum fastigia rara videmus,
Quas premit æstivæ sepe paludis odor.*

Quæ causa, querant alii: ego ab halitu sulfuris, creberrimis, quæ ea in regione sunt, aquis, corrupto, provenire posse non difficulter; liquidem juxta paludes poni non debet statio ulla, cui salubritas quæritur: & Homerus semper a flumine antelucanas auras insalubres tradit, teste Plinio libr. 18. cap. 6. principio. Legendi Vitruvius libr. 6. cap. 8. Theophrast. libr. 5. caus. cap. 5. Aristotél. Section. 3. problemat. 23. Thucyd. libr. 2. Moderat. Columell. libr. 1. cap. 3. Locus Homeri, quem indicat Plinius, est v. 471. libr. 5. Odyss.

Si tamen ora maritima vitetur, mediterranea saluberrima. C. Plinius Junior libr. 5. Epist. 6. *Amavi curam & sollicitudinem tuam, quod cum audisses, me æstate Tuscos meos petiturum, ne facerem, suasisti, dum putas insalubres. Est sane gravis & pestilens ora Tuscorum, quæ per litus extenditur; sed hi procul a mari recesserunt; quin etiam Apennino saluberrimo montium subjacent, atque adeo, ut omnem pro me metum ponas, accipe temperiem cæli, regionis situm, villa amœnitatem, quæ & tibi auditu, & mihi relatu jucunda erunt.* Æstivabant itaque in Tuscia procures Romani. Idem libr. 9. Epist. 40. *Scribis pergratas tibi fuisse literas meas, quibus cognovisti, quemadmodum in Tuscis ocium æstatis exigerem.* Ego certe tolerabilem etiam peregrino Etruriæ situm experior, hieme jucundissima Pisis, æstate Senis & Florentiæ actis: nec video, cur Michaël Brutus Florentiam ab intolerandis caloribus tantopere infamet Epist. 41.

*Etruriæ aquæ medicatæ, & thermae celebres: unde
Tusci Aquileges: Homerus calidarum
aquarum meminit; Cæretanæ,
Tauri, Narnienses.*

CAP. XIII.

Hanc aëris intemperiem compensant aquæ multæ & salutares, ut dubium sit, an ulla regio magis iis abundet, quæ ad victum, aut hominum sanitatem conducunt. M. Varro libr. 8. Ling. Lat. *Item reprehendunt analogias, quod dicantur multitudinis nomine publicæ balinæ, non balinea: contra quod privati dicunt unum balineum, quod plura balineas dicant. Quibus responderi potest, non esse reprehendendum, quod scilicet, & aquæ calidæ, & pleræque, quæ cum multitudinis vocabulis sint appellata, neque eorum singularia in usum venerint, idemque ita contra balineum novum & Græcum introiit in urbem, publice ibi consedit, ubi eo juncta essent ædificia lavandi causa, unum ubi viri, alterum ubi mulieres lavarentur, ab eadem ratione domi suæ quisque habebat, ubi lavabatur, balineum dixerit, & quod non erant duo balinea, dicere non consueverunt, cum hoc antiqui non balineum, sed lavatrinam appellare consuevissent. Sed aquæ calidæ a loco, & quæ ubi scaterent, cum ut colerentur, & venissent in usum nostris, cum aliæ ad alium morbum idoneæ essent, hæc cum plures essent, ut Puteoleis & in Tusceis, quibus utebantur, multitudinis potius, quam singulari vocabulo appellarunt. Aquæ itaque tota Italia celeberrimæ sanandis ægris Putcolanæ & Tuscæ, si Varroni fides. Unde Aquilegem Tuscum legimus apud illustres auctores, cujus officium est, aquam explorare, an ex illo fonte commodè alio derivari possit, an salubritatem conferat: quod querere ac investigare reddidit Palladius Rutilius libr. 9. Rei Rust. cap. 8. Locus est corruptus Aurelii Cassiodori libr. 3. variar. Epist. 53. Comperimus aquilegium Romam venisse: in margine erat scriptum aquilegum, sed corrigendum omnino aquilegem: & vide ibidem loci rationem inveniendæ aquæ, & confer cum Palladio C. Plin. libr. 26. cap. 6. Habent & hoc signum aquileges. Ibidem etiam aquilices, ab elicienda aqua dicti. Callistratus J. C. apud Guilielmum Budæum in Annotationib. posteriorib. in Pandectas. Tarruntenus J. C. l. 6. ff. de Jure Immunitat. Flor. Tertullian. libr. 3. adversus Marcionem: Quia nec statim aquilicem sedens repromisit. Nonius Marcellus cap. 2. num. 8. aquam colligentem interpretatur. M. Terent. Varro in Quinquatribus:*

An hoc præstat hero filius Diogenis

Quod

Quod ille e ventre aquam mittit? an hoc te

Factas? at hoc pacto utilior te Tusculus aquilex,

Quos versus ego suspicor corruptos, & egere manu critica; itaque sic videntur posse nitore suo restitui:

An hoc præstat hero, filii Diogenis,

Quod illi ex utre aquam mittis? an hoc te

Factas? at hoc pacto utilior te Tusculus aquilex.

Nonnullis Criticis placet legi ita:

An hoc præstat Herophilus Διογένης.

Et de his quidem, qui plura cupis, adi Antiquitates meas libr. 1. cap. 14. Ego ad Etruriæ aquas medicatas redeo. Dionys. Halicarnass. libr. 1. pag. 29. Ἐχει δὲ ἡ γῆ καὶ νάματα θερμῶν ὑδάτων ἐν πολλαῖς ἐρημέταις χωρίοις, λιτρὰ περὶ πολλὰ ἔχουσα, καὶ νόσους ἰασάσθαι χρονίως ἄριστα: *Eadem terra habet aquarum calidarum multis in locis scaturigines, jucundissima exhibentes lavacra, morbisque inveteratis sanandis utilissima.* Plura Strabo Amasianus libr. 5. Geogr. pag. 157. Πολλὴ δὲ καὶ τῶν θερμῶν ὑδάτων ἀφθονία κατὰ τὴν Τυρρηνίαν τῷ πλησίον εἶναι τῆς Ρώμης, ἔχ' ἥτιον δ' ἐνανδρεῖ τῶν ἐν Βαίταις, καὶ διανομέσθαι πολλὰ πάντων μάστιγα. *Abundat etiam calidarum fontibus aquarum vicina Roma Etruria, cujus therma non minus quam famosissima ille omnium maxime Baje frequentantur.* Nobile profecto elogium. Atque hæc ab aquis calidis remedia antiquissima sunt, etiam ante heroica tempora memorata, quo magis miror C. Plinium, virum alioquin omnium diligentissimum, doctissimumque, in eo tamen errasse; nam libr. 31. cap. 6. *Homerum calidorum fontium mentionem non fecisse demiror, cum alioquin lavari calida frequenter induceret, videlicet quia medicina tunc non erat hæc, quæ nunc aquarum perfugio utitur.* Hæc ille parum vere, nam locus est apud Homerum libr. 22. Iliad. v. 148. quo calidarum fontium meminit.

Κρενὴ δ' ἴκανον καλλιρρόω, ἔνθα δὲ πηγαὶ

Δοιαὶ ἀναίσσονται Σκαμάνδρην ἀνήεντος

Ἡ' μὲν γὰρ θ' ὕδατι λιαρῷ ῥέει, ἀμφὶ δὲ καπνὸς

Γίνεται ἐξ αὐτῆς ὥσπερ πυρὸς ἀπομένοιο.

Ad fluentum vero venerunt pulcherrimum, ubi fontes

Duo scaturium Scamandri vorticofi.

Alter quidem aqua tepida fluit, circum ante fumus

Oritur ex ipso velut ignis ardentis.

Constat itaque & antiquitus medicatas aquas plurimo in usu mortalibus fuisse, & Etruriam iis præ aliis quibuscunque regionibus abundasse: atque illæ quidem quibus in locis fuerint, investigandum est. Celeberrimæ indubie fuere Cæretanæ. Strabo libr. 5. Geogr. pag. 152. Ἐνανδρεῖ δὲ αὐτῆς μάλλον τὰ πλησίον θερμὰ, καὶ καλῶσι Καρετανὰ, διὰ τὴν φοιτῶντας θεραπείας χάριν. *Magis frequentantur ab hominibus therma vicine Cæretanæ,*

tanae, propter eos, qui valetudinis causa eo commeant (1). Sed hodie nec ubi urbs illa fuerit tam splendida & tantæ famæ, licet vel ruderetis dignoscere: neque aquæ illæ medicatæ vires habent, aut nomen, arescente jam tot seculis vena, vel ab hominibus neglecta: nec dubito, quin illæ sint thermæ, quas Dionysius Halicarnass. Romæ vicinas celebrat. Aquas etiam in *Narniensi agro* extollit Plinius eodem libro; sed quarum hodie nullæ reliquæ. Reperio & aquas insigni virtute prope Centumcellas, quibus nomen *Tauri* inditum. Rutil. Numatian. libr. 1. Itinerarii:

*Nosse juvat Tauri dictas de nomine thermas,
Nec mora difficilis millibus ire tribus.
Non illis gustu latices vitiantur amaro,
Lymphaque fumifico sulphure tincta calet.
Purus odor, mollisque sapor, dubitare lavantem
Cogit, qua melius parte petantur aquæ.
Credere si dignum famæ, flagrantia Taurus
Investigato fonte lavacra dedit.
Ut solet excussis pugnam præcludere glebis,
Stipite cum rigido cornua prona ierit.
Sive Deus faciem mentitus, & ora juvenci,
Nolant ardentis dona latere soli.
Qualis Agenorei rapturus gaudia furii,
Per freta virgineum sollicitavit onus.
Ardua cum solos deceant miracula Grajos,
Auctorem pecudem fons Heliconis habet.
Elicitas simili credamus origine lymphas,
Musarum latices ungula fodit equi.
Hæc quoque Pieriis spiracula comparat antris
Carmine Messalæ nobilitatus ager.
Intrantemque capit, discedentemque moratur
Postibus affixum dulce poemâ sacris.*

Sed hodie non locus ostenditur, nec ulla Messalæ memoria superest, qui ut Rutilius vult, thermas has eleganti carmine descripserat: & dolendum sane, non tam aquam medicam exaruisse, quam pulcherrimum ingenii fœtum amissum. Sed redeo ad thermas. (2)

Sunt in Etruria nostro ævo balnea salubria: in agro Lucensi; de quibus tribus Michaël Savonarola libr. 2. cap. 10. & Ugulinus apud me MS., qui vivebat anno Domini 1417. & Bartholomæus Taurinen-

sis

(1) Cluverius & Holstenius recte agnoverunt urbem Cæretanam ubi nunc *Cerveteri*: & Holstenius in Notis ad Cluverium credit aquas Cæretanas illas, quæ nunc *Bagni del Jasso*, quæ 3. dumtaxat m. p. a Cæretano oppido distant: & ut ipse notat, duabus emanant fontibus p. p. circiter invicem distant: superius in colle *Balneari vetus*: inferius in planicie *Balnearium novum* vulgo vocatur.

(2) Meminit aquarum Nepefinarum in Etruria tanquam salubrium Cælius Aurelianus Tardearum passionum libr. 3. cap. 1. cap. 2. & cap. 4. ubi dicit eas habere qualitatem aluminis.

I . O . M
 G E T E R I S Q
 D I S . C O N S E N T I B V S
 M . O P P E L L I V S
 A D I V T O R
 I L . V I R . C O L

Alia est etiam vetus Inscriptio, (1)

I . O . M
 D I S . D E A
 B V S Q . P V B
 C O N S E N T I E
 V . M . S

Et fragmentum istud lapidis Spoletini. (2)

C O N S E N T I O . D E O R V M
 M A R I A N A . S O Z O M E N E
 I M P E R I O . L . M
 E X . V O T O . F E C I T

Hinc intelligendus e C. Suetonio locus in Augusto cap. 70. *Cæna quoque ejus secretior in fabulis fuit, qua vulgo δαδενάDeos vocabatur, in qua Deorum Dearumque habitu discubuisse convivæ, & ipsum pro Apolline ornatum, non modo Antonii epistolæ singulorum nomina amarissime enumerant, exprobrant sed & sine auctore notissimi versus:*

*Quum primum istorum conduxit mensa choragum,
 Sexque Deos vidit Mallia sexque Deas,
 Impia dum Cæsar Phæbi mendacia ludit,
 Dum nova Divorum cænat adulteria;
 Omnia se a terris tunc numina declinarunt,
 Fugit & auratos Jupiter ipse thronos.*

Hos Etruscorum Deorum Deos Poëtæ describunt passim. M. Plautus Epidico sc. *Male*, in principio:

Si undecim Deos præter se se secum adducat Jupiter.

P. Ovid. libr. 6. *Metamorph. fab. 2.*

*Bis sex cælestes, medio Jove, sedibus altis
 Augusta gravitate sedent, sua quemque Deorum
 Inscribit facies.*

Et licet secundum Etrusca sacra, nominari eos esset nefas; habebant tamen pontificio jure Romano sua nomina. Refert Ennius his versiculis: (3)

Juno

(1) Apud Grut. pag. 3. num. 3.
 num Capellam libr. 15.

(2) Apud eundem pag. 3. num. 1.

(3) Apud Martia.

*Juno, Vesta, Minerva, Ceres, Diana, Venus, Mars,
Mercurius, Jovis, Neptunus, Vulcanus, Apollo.*

Ubi Ennius Jovis pro Jupiter dixit, eratque rectus olim casus. T. Liv. 1. Decad. libr. 1. *Jovis Fere tri, hæc tibi victor Romulus rex regia arma fero*: pro quo quidam blenni substituerunt inepte, *Jupiter Fere tri*. C. Jul. Hygin. fabular. cap. 31. *Jovis inter eos fulmen misit*. Et cap. 152. *Jovis fulmine ardentem pectus ejus percussit*. Et cap. 176. *Ad Lycaonem, Pelasgi filium, Jovis in hospitium venisse dicitur*. Et cap. 179. *Jovis cum Semele voluit concumbere*. Et cap. 195. *Jovis, Neptunus, Mercurius in Thraciam ad Byrseum Regem in hospitium venerunt*. Et cap. 271. *Ganymedes, Erichtonii filius, quem Jovis amavit*. In quibus omnibus locis ab imperito librario, vel a quopiam sciolo, in ora libri cum asterisco scriptum erat *Jupier*, quod & posterior Lugdunensis editio recepit. Est & locus Claudiani in 3. Consulatu Honorii apud D. Augustinum libr. 5. Civit. Dei cap. 26. ita conceptus:

*O nimium dilecte Deo, cui fundit ab astris
Se Jovis armatus, vebemens cui militat æther,
Et conjurati veniunt ad classica venti.*

Ita legit hunc locum Joannes Culpinianus Commentario in Fastos Consulares Cassiodori pag. 521. Ita quoque habent editio Batilejensis Joannis Amerbacensis anno 1490. eamque lectionem recipiunt Thomas Valois & Nicolaus Triveth Scholiastæ; cum tamen & Paulus Orosius libr. 7. Histor. cap. 35. & Abbas Urspergensis in Chronico pag. 122. & Paulus Diaconus libr. 13. Historiæ Miscellæ, unanimi consensu velint in Divo Augustino ita legi:

*O nimium dilecte Deo, cui militat æther,
Et conjurati veniunt ad classica venti.*

Tamen omnes & MS. Codices, quos non paucos vidi, & Veneta antiquissima editio anno 1495. Thomæ Ugolini ita constanter habent:

*O nimium dilecte Deo, cui fundit ab antris
Æolus armatas biemes, cui militat æther,
Et conjurati veniunt ad classica venti.*

Sed revertor ad Deos Complices, quibus singulis menses singulos hoc ordine adscribebat vetustas, notante Pomponio Læto, & Cælio Rhodigino libr. 25. cap. 30. *Januarius Junoni, Februarius Neptuno, Martius Minervæ, Aprilis Veneri, Majus Apollini, Junius Mercurio, Julius Jovi, Augustus Cereri, September Vulcano, October Marti, November Diane, December Vesta*. Hoc quidem ita factum, quia revera nihil aliud sunt illi, quam duodecim signa zodiaci, quibus totus anni cursus disponitur. Diodor. Sicul. libr. 3. Bibliothec.

*Etruscorum Dii proprii, Vertumnus, Volumnus,
Volumna, Voltumna, Viridianus, Valentia,
Curis, Nurtia: clavi in ejus templo
fixi, annorum indices: & forte
Ammudates.*

C A P. XV.

PRæcipua veneratione quosdam Deos Tusci colebant, qui cum nulla alia gente communes: quorum hi memorantur illustriores: *Vertumnus*, ob beneficia sua inter Deos relatus, cum multis annis populo illi regio imperio præfuisset, ut libr. 2. dicam. M. Varro libr. 4. de Ling. Lat. *Ab iis dictus vicus Tuscus; ideoque ibi Vertumnus stare, quod is Deus Etruria.* Et contra Varro- nem de vici Tusci nomine alibi commodius agetur. Hunc non *Vertumnus*, sed *Vertunum* dici debere contendit Hadrianus Turnebus libr. 13. Adversar. cap. 17: eodem modo, quo Portunus, Neptunus, aliaque similiter cadentia efferuntur. Multa de eo Antonius Fanensis ad libr. 6. Fastorum Publ. Ovidii, quem vide. Asconius Pædianus in 3. Verrin. *Vortumnus non Vertumnus* scribit: *Signum Vortumni in ultimo vico thurario est, sub basilica angulo flectentibus se ad postremam dextram partem. Vortumnus autem Deus est invertendarum rerum, idest mercaturæ.* Locus corruptus est; itaque legendum ex Varro- ne jam laudato: *in ultimo vico Tusco est: & facilis fuit error vicinia* dictionum. Sext. Propert. libr. 4. Eleg. 2.

At tu, Roma, meis tribuisti præmia Tuscis,

Unde bodie vicus nomina Tuscus habet.

Mercaturæ Deum Asconius facit, & ab invertendis mercimoniis deduc- tum vult nomen; ipse tamen aliam causam apud eundem Propertium reddit:

Hac quondam Tiberinus iter faciebat, & ajunt.

Remorum auditos per vada pulsa sonos.

At postquam ille suis tantum concessit alumnis,

Vertumnus verso dicor ab amne Deus.

Sen quia vertentis fructum percepimus anni,

Vertumni rursus credidit esse sacrum.

Prima mihi variat liventibus uva racemis,

Et coma lactenti spicea fruge tumet.

Hic dulces cerasos, hic autumnalia pruna

Cernis, & æstivo mora rubere die.

*Insitor hic solvit pomosa vota corona,
Cum pyrus invito stipite mala tulit.*

Non ergo mercatorum tantum is numen, sed rusticorum, & præcipue agricolarum; nam *ara communis & Cereri & Fortuno*. P. Viâ. Reg. 8. Urbis. Sed & idem tutela censebatur olitorum, ad significandam prisca illius ævi frugalitatem, cum scilicet ipsis principibus viris cordi erat agricultura, & cum fines admodum angusti essent, hortorum cura. Idem Propertius paulo post eodem loco:

*Nam quid ego adiciam, de quo mihi maxima fama est,
Hortorum in manibus dona probata meis?
Ceruleus cucumis, tumidoque cucurbita ventre
Me notat, & junco brassica vincta levi.
Nec flos ullus biat pratis, quin ille decenter
Impositus fronti langueat ante mea.*

Ad quæ eruditissimus Joann. Passeratius, Professor Regius eloquentiæ Parisiis, & doctor meus plurimum colendus, consulatur. Corruptus Junii Columellæ locus libr. 10. de Re Rust.

*Jam rosa distendat contorti stamina junci,
Pressaque flammeola rumpatur fiscina caliba,
Mercibus & vernis dives Portumnus abundet.*

Quid Portuno, marino Deo, cum mercibus? lege igitur:

Mercibus & vernis dives Vertunus abundet.

Dies festos Romæ ei nuncupavere III. Kalend. Novembr. ut in Kalendario Romano habetur, scilicet jam frugibus non maturis modo, sed perceptis etiam.

Sequitur *Volumnus* & ipse religiose in Etruria cultus. M. Terent. Varro Satyra Menippea, cui titulus *Marcipor*. *Dein mittit virile veretrum in flumen, offendit buccam Volumnio*. Sacrificia ei solemnia, non ad opes honoresve sollicitè consequendos, sed ad bonam mentem. D. Augustin. libr. 4. Civit. Dei cap. 21. *Deo Volumno & Deæ Volumnæ, ut bona vellet*. Videndus A. Persius Sat. 2. in fine. Nescio autem, quid Joanni Rosino in mentem venerit, cur libr. 2. Antiquitat. Romanar. cap. 19. Deos nuptiales Volunum & Volunam esse velit. Deceptus, ut credo, loco D. Augustini laudato: *Deæ Menti, inquit, ut bonam haberent mentem: Deo Volumno, & Volumnæ Deæ, ut bona vellet: Diis Nuptialibus, ut bene conjugarentur*. Clarum certe est, hic tria Deorum genera distingui.

Ejusdem cognominis fuit *Volumna* Dea Etruscorum, de qua D. Augustinus supra. Suspicio, eam nomen a turritis arcibus, quibus præficeret, accepisse; *Vola* enim Etrusca lingua *arx* aut *urbs* est, ut libr. 5. Comment. nobilissimus Raphaël Mapphæus Volaterranus pag. 135. docet. Deas autem arcibus præfides loquitur fuisse exemplo Græcorum Pallas, Catull. in Argonaut.

Diva quibus retinens in summis urbibus arces.

Et

Et locus ille, adeo vexatus a Criticis, apud eundem Poëtam Epigr. 1.
Quaecunque quod o patrona virgo,
Patrona scilicet præsens arcium.

Eadem gens Deam venerabatur *Volturnam*, quæ a quibusdam *Volturna* appellatur: nescio an recte, ut Alexander ab Alexandro libr. 3. Genial. Dier. cap. ult. Cujus nomen longe in Etruria quondam celeberrimum, habebaturque vel omnium Tuscorum numinum prima; ad ejus enim sanum conventus omnibus Etruriæ populis indicebatur, loco scilicet peropportuno, juxta montem Ciminium, non longe Volturnis. T. Livius 1. Decad. libr. 4. in fine: *Exercitum magna ex parte voluntarium novi tribuni militum consulari potestate Vejos duxere. Fuere autem Tribuni T. Quintius Capitolinus, P. Quintius Cincinnatus, C. Julius Tullus iterum, A. Manilius. L. Furius Medullinus tertium, M. Emilius Mamercus. Ab his primum circumfessi Veii sunt: sub cujus initium obditionis cum Etruscorum consilium ad sanum Volturnæ frequenter habitum esset, parum constiit, bellone publico gentis universæ tuendi Veientes essent. Ea oppugnatio segnior insequenti anno fuit. Ad quem locum vide quæ Blasii Vigenarii editio habebat, quo ostenditur ab omni Etruriæ populo decreta de rebus gravissimis ibi solere fieri. Et miror, tot illustres Scriptores, qualis hæc fuerit Dea, aut quibus sacrificiis placaretur, non exposuisse: puto, quia Etruscorum arcana, religionisque mysteria parum erant Romanis nota.*

Alii etiam Dii non minus celebres, scilicet *Narniensis* Deus, sive verius *Narniensium* numen appellatur *Viridianus* apud Florentem Tertullianum Apolog. cap. 24.

Habuerunt & Otricoli Tufci Deam suam, cui nomen *Valentia*. Idem eodem loco.

Nec non Sutrinorum Dea erat *Nortia*, nisi mendosus Tertullian. codex ibidem loci.

Illud non obvium: *Faliscorum in honore est pater Curis, unde accepit cognomen Juno*. Ibidem Tertullianus, qui solus, quod sciam, horum quatuor Deorum meminit, tanta erat Romanis Etruscorum sacrorum ignorantia.

Denique eodem loco *Vulsiniensium* dicitur Dea *Nersia*, vel *Narcia*, vel *Nortia*, vel *Nurcia*, vel *Nurtia*, tam varia est librorum fides, ut notat Jacobus Pamelius. Vetus Scholiast. Juven. Sat. 10. v. 74. *Fortunam vult intelligi, quæ apud Nyrtiam colitur, unde fuit Sejanus*. Errat sane; nam, ut verum sit, *Nurtiam* esse *Fortunam*, illud tamen ineptum, *apud Nyrtiam coli*; nullus enim locus, quod sciam, in Tuscia eo nomine; sed vult Poëta his verbis:

..... *idem populus, si Nortia Tusco*
Favisset, si oppressa foret secunda senectus
Principis, hac ipsa Sejanum diceret hora
Augustum

tantam esse Fortunæ inconstantiam, ut qui miserrime perierit Sejanus, si a Nurtia Dea tutelari Vulsinensium, unde ille ortum ducebat, auxilium & favorem accepisset, potuisset fausta populi acclamatione Imperator designari. De hac Dea T. Livius 1. Decad. libr. 7. in principio: *Vulsiniis quoque clavos indices numeri annorum fixos in templo Nurtiæ Etruscæ Deæ comparere, diligens talium monumentorum auctor Cincius affirmat.* Antiquissimus auctor Cincius, vel ut male alii, Cinthius prodidit in templo Nurtiæ annorum supputationem ex clavis fixis consuevisse colligi. Fest. Pomp. libr. 3. *Clavus annalis appellabatur, qui figebatur in parietibus sacrarum ædium per annos singulos, ut per eos numerus colligeretur annorum.* Quemadmodum sane Romani per Consules, Cretenses per calculos versicolores, annos a magistratu numerari volebant, & Græci per Olympicos ludos, aut Archontes tempora dirigebant; ita Etrusci fixis in Deæ Nurtiæ templo clavis. Durantius Casellius libr. 1. Variar. cap. 5. Janus Palmerius in Spicilegio, Georg. Erhardus, qui nuper non penitentiam operam in Petronii Satyricum locavit, in quo pag. 186. sic legit Janus Douza pater hos versus:

*Et paries circa palea satiat inani
Fortuitoque luto, clavos numerabat agrestes.*

Joann. a Woneren nihil putat immutandum:

*At paries circa palea satiat agresti,
Fortuitoque luto, clavos numerabat, & annos.*

Invenio *Ammodatem* Deum cultum; sed quis, & a quibus, ne Oëdipus divinarit. Suspicio Etruscum esse; nam cum illi quatuor superius numerati Dii a nullo, nisi solo Tertulliano nominentur, potest fieri, ut hic quoque inter Deos Tuscos, licet Romanis incognito nomine, coleretur. Ejus numen describit auctor antiquissimus, & a Gennadio Massiliensi celebratus Commodianus, qui apud me est MS. dono R. P. Jacobi Sirmondi Soc. Jes. viri Græcæ Latineque doctissimi. Is auctor exemplo Constantini Manassis, & Joannis Tzetzi politici versus scribit, solus, quod sciam, inter Latinos hoc scribendi genere usus: cui hoc quoque addit, ut tot sint versiculi, quot literæ in epigraphe. Itaque sic libr. 1. contra Gentiles:

DE AMMUDATE ET DEO MAGNO.

*Diximus jam multa de superstitione nefanda,
Et tamen exequimur, nequid præterisse dicamur.
Ammudatemque suum cultores more colebant,
Magnus erat illis, quando fuit aurum in æde.
Intuebant capita sub numine quasi præsentem:
Ventum est ad summum, ut Cæsar tolleretur aurum,
Efecit numen, aut fugit, aut transit in ignem.
Auctor hujus sceleris constat, qui formabat eundem.*

[ot

Tot viros & magnos seducit false prophetans;
 Et modo reticuit, qui solebat esse divinus.
 Erumpebant enim voces, quasi mente mutata,
 Tanquam illi Deus ligni loqueretur in aurem.
 Dicite nunc ipsi, si non sint numina falsa?
 Ex eo prodigio quot perdidit ille propheta?
 Oblivus est iste prophetare, qui ante solebat.
 Monstra adeo ista ficta sunt per vinivoraces,
 Audacia quorum damnabilis numina fingit.
 Gestabant enim, & aruit tale sigillum:
 Nam & ipse silet, nec ullus de illo prophetat
 Omnino, sed vos ipsos perdere vultis.

Corruptissima omnia, (1) nec tamen quidquam mutare volui, cum sic omnia in Codice Vaticano legerentur. D. Gothefredus, Dionysii filius, in Senatu Parisiensi Advocatus, magni judicii, & variae lectionis, putavit hunc *Ammudatem* aliquem ex Africanis Dīs esse, ego Tuscum: videris lector.

*Etruscorum Deus Janus, seu Janes: nomina relatis
 in Deos mutari solita: rei rusticae praeerat, &
 januis: primus Deorum Italarum, ideo
 Pater dictus: statuæ ejus, & per
 digitos supputatio.*

C A P. XVI.

JAnum primum regem Etruriæ fuisse, libr. 2. doceo, hic etiam Etruscorum primæ dignationis Deum expediā. Nomen ei arcanum erat *Janes*: Arnob. libr. 4. Cont. Gent. corrigendus: *Quis Limentinum*, quis *Lunam* custodiam luminum gerere, & *janitorum officia sustinere*? Sed quid *Lunæ* quæso cum janitorum officiis? Lege igitur: *Quis Janem custodiam liminum gerere, & Janitorum officia sustinere*? Q. Florens Tertullian. libr. de Idololatria cap. 15. Certi enim esse debemus, si quos latet per ignorantiam literaturæ secularis, etiam ostiorum Deos apud Romanos, *Cardeam* a cardinibus appellatam, & *Forculum* a foribus, & *Limentinum* a limine & ipsum *Janem* a *janua*. Et libr. de Corona militis cap. 13. in fine: *At enim nec Christianus januam*

(1) Commodiani Textum emendatum hic & infra damus ex editione Bibliothec. PP. Lugdan. Tom. XXVII pag. 14.

nuam suam laureis formabit, si norit, quantos Deos etiam ostiis diabolus affinxerit: Janem a janua, Limentinum a limine, Forculum & Cardam a foribus & cardinibus. Eadem D. Cyprianus libro de Idolorum vanitate, qui mihi non ad manum. Janus itaque vulgari usu, Janes in Saliaribus, mysticis sacris. Idem Tertullian. Apologet. cap. 10. Si queras rerum argumenta, nusquam invenio fideliora, quam apud ipsam Italiam, in qua Saturnus, post multas expeditiones, postque Attica hospitia confedit, exceptus a Jano vel a Jane, ut Salii volunt. Franciscus Zephyrinus Paraphrastes: Nec mirum a Saliis Janum vocari Janem; nam prisca illa vocabula in suis carminibus retinebant, jampridem exoletia; nam & oracula dolosi es, pro oscula dolori ero: & mamuriam veteres pro memoriam: & manos pro bonis, & alia canitabant. Non ea est ratio, quam Paraphrastes ille adfert, quod Salii obsoleta nomina usurparent; sed quia post apotheosin ob venerationem nomina mutabant, ne eadem illa manerent, quibus vocati fuissent inter homines. T. Liv. 1. Decad. libr. 1. de Aenea: Situs est, quemcumque cum dici jus fasque est, super Numicium flumen, Jovem Indigetem appellant. Ad hunc ritum allusum a Poëtis. P. Ovidius libr. 14. Transformat. fab. 15.

Lustratum genitrix divino corpus odore
Unxit & ambrosia dulci cum nectare mixta
Contigit os, fecitque Deum, quem turba Quirini
Nuncupat Indigetem, temploque arisque recepit.

Idem fab. 20. in fine ejusdem libri:

Hanc manibus notis Romana conditor urbis
Excipit, & priscum pariter cum corpore nomen
Mutat, Oramque vocat, quæ nunc Dea juncta Quirino est.

Et libr. 11. fab. 10. v. 640.

Hunc Icelon superi, mortale Phobetora vulgus
Nominat

Homer. libr. 14. Iliad. v. 291.

Καλκίδα κικλήσκουσι θεοί, ἄνδρες δὲ Κύμινδιν.
Cbalciden nominant Dii, homines autem Cymindin.

Idem libr. 20. Iliad. v. 73.

Ὅν ἑάντων καλέουσι θεοί, ἄνδρες δὲ Σκάμανδρον.
Xanthum vocant Dii, homines Scamandrum.

Et si exemplis opus, Jo Isis post consecrationem dicta. Melicerta Portunus, Ivo Leucothea: Lucatius Statii vetus Interpres, Fulgentius in Mythologicis, & alii. Quare heroum templa transeuntes, taciti digitum ori imponebant, quasi silentio venerationem professi, & cultum, tacito nomine, ne si priori nomine compellassent consecratum, offenderent. Petrus Nannius Alcmarianus libr. 4. Miscellaneor.

Ad Janum seu Janem redeo, qui & inter Deos agrestes habebatur, puto, quia multa eo seculo, quo vivebat, ad agriculturam conducentia monstravit. M. Cato Rei Rust. cap. 134. Priusquam hasce fru-

ges condantur, far, triticum, bordeum, fabam, semen, rapicium; thure, vino, Jano, Jovi, Junoni præfato. Sic enim locus ille in omnibus hætenus excusis: & solet ille accusativum pro recto usurpare. Idem cap. 141. *Janum Jovemque vino præfamino.* Ad alia pergo.

Omnium Deorum Italicorum antiquissimus habebatur; ideoque religioso & colendo nomine *Pater* appellabatur. Lactant. Firmian. libr. 4. Divinar. Institution. cap. 3. ex C. Lucilio Satyrico: *Itaque & Jupiter a precantibus pater vocatur, & Saturnus, & Janus, & Liber, & ceteri deinceps, quod Lucilius in Deorum concilio irridet:*

*Ut nemo sit nostrum, quin aut pater optimus Divum,
Ut Neptune pater, Liber, Saturnus pater, Mars,
Janus, Quirinus, pater nomen dicatur ad unum.*

L. Seneca in Apotheosi Claudiana: *Illo dimisso primus interrogatur sententiam Janus pater &c: is multa diserte, quod in foro vivat, dixit.* Septimius, vetustus Poëta, apud Terentianum Maurum libr. de Metris:

*Jane pater, Jane tuens, dive biceps, biformis,
O cate rerum sator, o principium Deorum,
Stridula cui limina, cui cardinei tumultus,
Cui referata mugiant aurea claustra mundi.*

Jun. Juvenal. Sat. 6. v. 393.

Respondes his Jane pater.

P. Virgil. libr. 8. Æneid.

Hanc Janus pater, hanc Saturnus condidit arcem.

T. Livius 1. Decad. libr. 8. *Jane pater, Jupiter, Mars, audite vota.*

C. Plin. libr. 36. cap. 5. *Janus pater in suo templo dicatus.* Martial. libr. 8. Epigr. 2.

*Promisit Pyliam quater senectam,
Addas, Jane, tuam pater rogamus.*

Aut ut in MS. meo:

Addas, Jane pater, tuam rogamus.

Votum est rusticum apud M. Catonem in Re Rustica cap. 134. *Jane pater, te hac strue commovenda bonas preces precor.* Et infra eodem loci: *Jane pater, uti te strue commovenda bonas preces precatus sum.* Martialis idem libr. 10. Epigr. 28.

*At tu, sancte pater, tanto pro munere gratus,
Ferreæ perpetua claustra tuere sera.*

Q. Horat. libr. 1. Epist. 16.

*Jane pater, clare, clare cum dixit Apollo
Labra movet.*

In foro Janum habitare superius dixit Seneca, quia ei statuæ erant in foro Romano erectæ. P. Victor in Reg. 8. Urbis: *Janus duo* (inquit) *celebris mercatorum locus.* Quippiam diversum T. Liv. 1. Decad. libr. 5. in fine: *Forum porticibus tabernisque claudendum, tres Janos faciendos.* Horat. libr. 2. Sat. 3.

...quo-

... quoniam omnis res mea Janum
Ad medium fracta est.

Helenius Acron, vetus & probus Grammaticus, ad eum locum: *Janī statuæ tres erant, ad unam illarum solebant convenire creditores, & feneratores, alii ad reddendum, alii ad locandum fenus.* Porphyrio, ejusdem Poëtæ & ipse Scholiastes: *Omnes ad Janum stabant in basilica feneratores.* Unde dicimus, non sub dio omnes has tres Jani statuas collocatas, sed aliquam earum sub tecto, sive in basilica. Idem Acron consulatutur ad illud Horatii libr. 1. Epist. 1.

... quæ Janus summus ab imo
Perdocet.

De iis statuis intelligendus M. Cicero Philippica 6. *Janus medius in Antonii clientela sit?* Et libr. 2. de Offic. in fine: *A quibusdam viris optimis ad medium Janum sedentibus.* Horatius summum, Cicero medium vocat, uterque in foro collocat, deque ea Jani statua C. Plinius libr. 34. Natural. Histor. cap. 7. *Præterea Janus Geminus a Rege Numa dicatus, qui pacis bellicque argumento colitur, digitis ita figuratis, ut trecentorum sexaginta quinque dierum nota, per significationem anni, temporis, & ævi, se Deum indicaret.* Sed quæ nam hæc per digitos numerandi ratio? Expediunt docti viri neque vulgaris famæ, Joan. Savaro Arvernæ Præses, Andreas Tiraquellus Senator Parisiensis, Lilius Gregorius Gyrardus Ferrariensis Dialogo 2. Petrus Colvius Brugensis, M. Fab. Quintilian. libr. 11. cap. 3. *Alii igitur digitis complicatis numeri, alii constrictis significabantur.* Martianus Felix Capella libr. 2. de Nuptiis in principio: *in dignos calculumque distribuit.* Et libr. 7. *Digitum vero virginis recusantes, & quadam incomprehensa scaturiginis nobilitate vermiculati, quæ mox ingressa, septingentos, & decem, & septem numeros, complicatis in eos digitis, Jovem salutabunda subrexit.* Ille de complicatis inter numerandum; at de constrictis Sidon. Apollinar. libr. 9. Epistola 9. *Chrysippus digitis propter numerorum indicia constrictis, Euclides propter mensurarum spatia laxatis.* Q. Flor. Tertullian. Apologet. cap. 90. *Cum digitorum supputatoriis gesticulis assidendum est.* C. Plin. Junior libr. 2. Epist. 20. *Componit vultum, intendit oculos, movet labra, agit digitos, computat nihil.* D. Augustin. libr. 18. Civit. Dei cap. 53. *Omniū vero de hac re calculantium digitos resolvit, & quiescere jubet.* L. Seneca Epist. 88. *Numerare docet me Arithmetica, avaritiæ accommodare digitos.* Poëtæ ad hunc sensum passim. P. Ovid. libr. 1. Fastor.

Seu quia tot digiti, per quos numerare solemus.

M. Plaut. Milite Act. 2. Sc. 2.

*Ecce autem avortit nixus leva, in femore habet manum,
Dextera digitis rationem computat, feriens femur.*

Verum, quo res tota sit clarior, audiendus L. Apulejus libr. 2. Apolog. *Si triginta annos pro decem dixisses, posset videri computationis ge-*

flu errasse, quos circulare debueras, digitos aperuisse; cum vero quadraginta, quæ facilius ceteris porrecta palma significantur, ea quadraginta in dimidio auges, non potes digitorum gestu errasse, nisi forte triginta annorum Pudentillam ratus, binos cujusque anni Consules numerasti. Nec minus lucis tenebræ, & in ipsius antiquitatis latibulis abdite rei adferet locus D. Hieronymi libr. 1. in Jovinianum in principio: Triginta referuntur ad nuptias, nam & ipsa digitorum conjunctio, quasi molli osculo complexus, ac fœderans, maritum pinguis ac conjugem; sexaginta vero ad viduas, eo quod in angustia & tribulatione sum posite, unde & superiori digito comprimuntur, quantoque major est difficultas expertæ quondam voluptatis illecebris abstinere, tanto majus est premium; porro centesimus numerus de sinistra transfertur ad dextram, & iisdem quibus digitis, sed non eadem manu, quibus in leva nuptæ & viduæ, circulum faciens, virginitatis exprimit coronam. Necessarius etiam Venerabilis Bedæ Britanni locus, a tam multis in hanc, quam docemus, rem laudatus, & transcriptus: Cum decem millia significare volebant, medio pectori levam supinam admovebant, digitis ad collum arrectis: cum viginti millia, eandem expansam pectori imponebant: cum triginta millia, eadem manu prona, & tamen erecta, pollicem ac cartilaginem medi pectoris affigebant: cum quadraginta millia, eandem in umbilico erectam supinabant: cum quinquaginta millia, ejusdem prone & erectæ pollicem umbilico applicabant: cum sexaginta millia, eadem prona femur levam comprehendebant: cum septuaginta millia, eandem supinam femori item levo imponebant: cum octuaginta millia, eandem pronam femori imponebant. Atque hic quidem modus magnos numeros per digitos significandi, minores autem sic exprimebantur, eodem illo Bedæ auctore, apud quem hæc leguntur: Cum dicis unum, minimum in leva digitum inflectens, in medium palmæ figes: cum duo, secundum a minimo flexum ibidem pones: cum tria, tertium similiter inflectes: cum quatuor, eundem minimum levabis: cum quinque, secundum similiter a minimo eriges: cum sex, tertium elevabis, medio in medium palmum defixo: cum septem, minimum super palmæ radicem ceteris levatis impones: cum octo, medium: cum novem, impudicum e regione compones: cum decem, unguem indicis in medio pollicis ortu figes: cum viginti, summitatem impudici inter nodos indicis & pollicis arcte figes: cum triginta, ungues indicis & pollicis blande conjunges: cum quadraginta, interiora pollicis lateri applicabis: cum quinquaginta, pollicem ad palmum inclinabis.

Celebre refertur Orontis, Artaxerxis regis generi honore spoliati, dictum: Principum amicos videri similes computantium digitis, nam ἀριθμητικῶν δάκτυλοι οὗ μὲν μυριάδας, οὗ δὲ μύριάδας τριῶνται δύνανται, Arithmeticorum digiti, qui modo decem millia, modo unitatem representant; ita regum familiares modo eminentissimo loco, & fortuna splendidissima omnibus præfulgere, modo, ubi se fortuna verterit, deteriori privatis quibuscumque conditione vilescere. Plutarch. in Apophthegmat. & ex eo Cælius

Celcius Rhodiginus libr. 23. Antiquar. Lection. cap. 11. & Pierius Valerianus libr. 37. Hierog. Vetus Poëta:

Utile sollicitis computat articulis.

In re tam obscura involutaque, illud certo constat, usque ad centum dextra manu solitos numerare, exinde in sinistram numeri sequentes transferebantur; licet Suidas dicat: *In Jani statua in manu dextra notam CCC. in sinistra LXV. fuisse.* Recte ideo Nicarchus vetus Poëta Græcus, & elegans, in Anthologia libr. 1. cap. 9. epigr. 5.

Ἡ φάος ἀθρήσασ' ἐλάφῃ πλέον. ἢ χερὶ λαυρῇ

Γῆρας ἀριθμεῖσθαι δεύτερον ἀρξαμένη.

*Que secla vidit cervo plura, quæ manu sinistra
Senium numerare iterum incæpit.*

D. Jun. Juvenal. Sat. 10. v. 246.

*Rex Pylius, magno si quicquam credis Homero,
Exemplum vitæ fuit a cornice secunde,
Felix nimirum, qui per tot secula mortem
Distulit, atque suos jam dextra computat annos.*

*Etruscorum Dii cum Romanis communes, Jupiter,
Bellona, Mars, Fortuna, Juno, Pallas,
Apollo: & arcana reconditaque de iis
omnibus in medium allata.*

CAP. XVII.

Dii descripti, Etruscorum proprii erant: sequuntur illi, quos communes cum Romanis & aliis gentibus venerabantur, inter quos est Jupiter. Vetus lapis Prænestinus:

*Fortunæ simulacra colens, & Apollinis aras,
Ægeriumque Jovem.*

Omnes gentes communi pæne consensu principes suos *Joves* vocabant. Clemens Alexandrinus in Protreptico. Unde trecenti Joves repetunt ex antiquitatis monimentis Pet. Crinit. libr. 3. de honest. disciplin. cap. 14. Primus eorum ornaiura fuit Cretensis ille insigni æquitate, ut qui leges Soloni dicitasse credatur. Polyæn. libr. 8. Stratagemat. Plutarch. in Numa pag. 551. cui primus sacrificasse Dardanus dicitur. Luctatius Placidius ad v. 599. libr. 4. Thebaid. eundem adorari primus lege præcepit Cecrops. Ado Viennensis Chronic. pag. 24. Hunc volunt Athenis natum, cujus ibi uxor Niobe fuerit. Gottsfredus Viterbiensis Chronicor. parte 4. pag. 125.

Ju-

*Jupiter ex patre Saturno natus Athenis,
A quo quadrivii trivique scientia venit
Legis & artis ibi tunc idioma dedit.*

Alii apud Arcades ortum Lycosuræ, quæ urbium vetustissima, Nicolaus Leonicus Thomæus libr. 2. Var. Histor. cap. 81. Hunc libr. 1. Cont. Gentiles Commodianus meus MS., licet inelegantissimis versibus descripsit, qui communem sequitur sententiam, eum in Creta Insula natum

*Upiter hic natus in insula Creta Saturno,
Ut fuit adultus, patrem de regno privavit.
Proinde nobilium uxores sororesque deluxit.
Præterea sceptrum fecerat faber illi Pyracmon.
Nutritio cælum terram Deus, & mare fecit,
Terribilis autem iste, medio tempore natus,
Ex antro processit juvenis, furtimque nutritus.
Respice quod rerum auctor est Deus, non Jovis ille.*

Apud Etruscos autem peculiari religione colebatur ob insignem disciplinam, quæ iis curæ fulgurum piandorum, ut habes libr. 3. hoc opere cap. 2. Omnia hujus cognomina saltem celebriora discussi libr. 2. Antiquitat. cap. 5. adde hic, divitiarum eum censeri præsidem, Callimach. Hymno Jovis:

Εν δὲ πυρρῶνιν ἑβᾶτες σφίσιν, ἐν δ' ἄλλῃς ἕλθε.

Opulentiam adjecisti ipsis, & quod satis est fortunarum.

Non modo civitatibus præerat, sed & montium cacuminibus. Maximus Tyrius Serm. 38. Interprete Cosimo Pazio Archiepiscopo Florentino: *Jovi mortalium primi vertices montium sacrarunt.* Homer. libr. 11. Iliad. v. 182. videatur. Sceptrum ei ex cupressu finxerunt, quod illa arbor nunquam marcescat. Jamblicus libr. de Vita Pythagoræ cap. 28. Denique reges videri volebant Jove orti, ut de Alexandro Macedone, & aliis liquet ex Arriano Nicomediensi, Curtio, Gellio, & aliis, quos non exscribo.

Bellonam inter Deos Tuscos fuisse putem, quod communis illa populis sit potentia, quodque inter communes Deos locata: Servius Maurus ad v. 118. libr. 12. *Æneid.* cui contrarium numen *Deus Pausus*. Arnob. libr. 1. *Qui Pausos reverentur, atque Bellonas;* observat Hadrianus Turneb. libr. 15. *Adversarior.* cap. 21. P. Ovid. libr. 6. *Fastor.*

Hac sacrata die Tusco Bellona duello

Dicitur, & Latio prospera semper adest.

Fuit ea vocata *Enyo*, Martisque soror habita. Lucrat. Placidius ad v. 55. libr. 5. *Thebaid.* Stat. Statius ipse libr. 7. v. 71. Virgil. libr. 8. *Æneid.* v. 703. Aliis est non Martis soror, sed uxor, dictaque *Nerine*,
five

sive *Nerienne*. Aul. Gell. libr. 13. Noct. Atticar. cap. 22. Q. Ennius libr. 1. Annal.

Nerieniem Mavortis.

M. Plautus in Truculento:

*Mars peregre adveniens, salutæ Nerieniem
Uxorem suam.*

Licinius Imbrex (1) vetus Comicus in Neæra:

*Nolo ego Neæram te vocent, sed Nerieniem,
Cum quidem Marti es in connubium data.*

Dixi multa libr. 4. Antiquitat. Romanar. cap. 10. Eam describunt, ejusque sacra & sacerdotes, qui *Bellonarii* dicti, Vetus Scholiastes Juvenalis ad v. 105. Sat. 6. Tertullianus Apolog. cap. 9. Lactant. Firmianus libr. 1. Instit. cap. 21. Minutius Felix in Octavio. L. Apulejus libr. 8. Milesiar. Ælius Lampridius in Commod. Poëtæ quoque; Alb. Tibull. libr. 1. Eleg. 6. Martial. libr. 12. Epigr. 57. Lucanus libr. 1. Pharsal. v. 565. L. Seneca Agamenn. Act. 1. in Choro. Q. Horat. libr. 2. Sat. 3. Juvenalis Sat. 4. v. 124. Quintus Calaber Paralipomenon libr. 8. v. 285.

Ἰσθμοῦ πεπалаγγμένη ἑμῶς.

Sanie polluta humeros.

Mars etiam eadem causa inter Etruscos Deos, dictusque ab illis *Janus* sive *Eanus*. Servius ad libr. 7. Æneid. pag. 476. quem non exscribo.

Sequitur *Fortuna*, quam peculiarem Tuscorum Deam fuisse, appellatamque *Nurtiam*, seu *Nyrtiam* docuit supra præcedenti capite laudatus Vetus Juvenalis Scholiastes. Suidas in voce ἀσάδμητος. Franciscus Luissinus libr. 1. Parerg. cap. 22. Inconstantia & cæcitas ejus notata ab Horatio, qui ei pennas appingit libr. 3. od. 29. Aristoteles Problem. 8. Sect. 29. Pacuvius Poëta multis versibus apud Cornificium libr. 2. Rhetoricorum. D. Ausonius Epigr. 133. in Professorib. Carm. 19. Eiddillio 7. & alibi. M. Manil. libr. 4. Astronomic. in principio. Res Imperatorum præclaræ gestæ dicebantur ipsorum *Fortuna*. Mamertin. in Panegyrico Maximiani Aug. L. Flor. libr. 4. Histor. Roman. cap. 6. Claudian. libr. de Bello Gildonico:

Augusti Fortuna dabit.

Corippus in præfatione:

Æternas gentes domini Fortuna necaret.

Illud memorabile, Homerum nunquam nominasse eam, cum alii tanti eam faciant, ut in rebus humanis utramque paginam facere dixerint. Joannes Salisburienfis libr. 3. Policratici cap. 9. Et siquidem hæc (malina legere huic, idest Deo) adscribenda sunt omnia potius, quam *Fortuna*, quæ aut ab ipso, aut quod magis reor, omnino non est; ait enim *Eubicus* (Valerius Cato)

Noli

(1) Omnes apud eundem Gellium.

Noli Fortunam, quæ non est, dicere cæcam.

Homerus quoque in illo celeberrimæ perfectionis opere, dedignatus est nosse Fortunam, adeo quidem, ut in nulla parte tantæ carminis nominetur; maluit enim soli Deo, quem Morphan nominavit, universa regenda committere, quam ut aliquid adscriberet temeritati Fortunæ: quam utique sic constat minime esse Deam, sicut certum est dici & pingi cæcam; frustra ergo cæcitas ejus arguitur, quæ in rerum natura inveniri non potest. Locus est corruptus, itaque corrigendus hoc pacto: maluit enim soli Deo, quem Μοῖρην (idest Fatum) nominavit, universa regenda committere. Auctor seu conjecturæ, seu certissimæ correctionis Aurel. Macrobius libr. 5. Saturnal. cap. 16. Fortunam Homerus nescire maluit, & soli decreto, quem Μοῖρην vocant, omnia regenda committit, adeo ut hoc vocabulum ῥόχη in nulla parte Homerici carminis nominetur: contra Virgilius non solum novit, & meminit, sed omnipotentiam quoque eidem attribuit, quam philosophi, qui eam nominant, nihil sua vi posse, sed decreti, sive providentiæ ministram esse voluerunt. Locus, quem innuit, Virgilii est libr. 8. Æneid.

Fortuna omnipotens & ineluctabile fatum.

Quod apud Homerum nomen Fortunæ non reperiri illi asserant, dissentiant a Pausania, qui in Arcadic. ait, se reperisse in Hymno Cæceris id nominis. Certe nunc non extat; ut omittam Eustathium & plerosque alios, non Homero, sed alteri hymnos adsignare; sed penes Grammaticos judicium esto. De Fortuna corrigendus locus Claudiani e libr. 1. in Ruffin.

..... vacuo quæ currere semina motu
Affirmat magnumque novas per inane figuras
Fortuna, non arte regi, quæ numina censet
Ambigua, vel nulla putat, vel nescia veri.

At MS. meus optime:

..... quæ numina sensu
Ambigua, vel nulla putat, vel nescia nostri.

Menda quoque hæsit in Codice C. Petronii:

Cum Fortuna manet, vultum servatis amici:
Cum cecidit, turpi vertitis ora fuga.

Quam sic elue, & lege:

Cum cedit, turpi vertitis ora fuga.

Junonem præ omnibus Diis impensius colebant Etrusci, & ex iis præcipue Vejentes, & Falerii, ut constat ex T. Livio 1. Decad. libr. 5. Te simul Juno regina, quæ nunc Vejos colis, precor, ut nos victores in nostram tuamque mox futuram urbem sequare, ubi te dignum amplitudine tua templum accipiat. Solemne certe hoc erat, ut in obli- dione civitatum nefas ducerent, quidquam prius aggredi, quam votivo carmine Deos tutelares evocassent: cujus evocationis formulam habet Q. Sammonicus Srenus libr. 5. Rerum reconditarum, referen-

te Macrobio libr. 3. Sat. cap. 9. *Si Deus, si Dea es, cui populus, civitasque Carthaginiensis est in tutela, teque maxime ille, qui urbis huius, populi que tutelam recepisti, precor, venerorque, veniamque a vobis peto, ut vos populum, civitatemque Carthaginiensem deferatis, loca, templa, sacra, urbemque eorum relinquatis, absque his abeat, ei que populo, civitati que metam, formidinem, oblivionem iniiciatis, proditque Romam ad me meosque veniat, nostraque vobis loca, templa, sacra, urbs acceptior, probatiorque sit.* Vide, quæ sequuntur in hanc rem valde utilia, & cognita digna. Hinc Virgilius libr. 2. *Æneid.* Trojæ desolationem describens:

*Excessere omnes, aditis, arisque relictis,
Dii, quibus imperium hoc steterat.*

Sed obsecro, ne evocati sui Dii urbem desererent obsecram, & ad hostes transirent, metuentes, injeclis cæteris eos retinere conabantur, ut exemplis clarissimis confirmari potest. Lacedæmones Enyalii, seu Martis simulacrum, ne abiret, vinxerunt, Pausan. libr. 3. Victorem Athenienses, Diodor. Sicul. libr. 17. Bibliothec. Herculem Tyrii, obfidente Alexandro, Q. Curtius Rufus libr. 4. utque gravitate impederentur, statuis infundebant plumbum, In Symmach. libr. 1. Prudent.

... suffuso figunt vestigia plumbo.

Ad hunc ritum Juno, quæ in arce Vejentum colebatur, evocata, ut ibidem loci Livius describit, Romam translata est; quibus ceremoniis ipse historicus docet: *Delecti ex omni exercitu juvenes, pure lotis corporibus, candida veste, quibus deportanda Romam regina Juno assignata erat, venerabundi templum inire, primo religiose admoventes manus, quod id signum more Etrusco, nisi certe gentis Sacerdos attrectare non esset solitus: deinde cum quidam, seu spiritu divino tactus, seu juvenili joco dixisset: Vixne Romam ire, Juno? annuisse ceteri Deam clamaverunt: inde fabula adjectum est, vocem quoque dicentis, Velle, auditam.* Quam totam de Junone deportanda Romam historiam, eleganter descriptam, invenies apud Plutarchum in vita Furii Camilli pag. 132., quem consule.

Ex his constat, Deam Vejentum celeberrima religione fuisse Junonem; eandem vero a Faliscis seu Faleriis cultam docent plerique veterum. M. Varro libr. 5. Ling. Lat. *Cubiculum, ubi cenabant, cenaculum vocitabant, ut etiam nunc Lanuvii apud ædem Junonis, & in cetero Latio ac Faleriis.* Ovid. libr. 6. *Fastor.* non multum a principio:

*Adde senem Tatium, Junonicolasque Faliscos,
Quos ego Romanis succubuisse tuli.*

Porro adnotandum hic tantum, ut viris Genium, ita feminis fuisse Junonem adoptatam. Junius Phylargirius ad *Eclog.* 4. Virgili in fine. Angelus Politianus *Miscellaneor.* cap. 89. Plautus in *Mercatore.* L. Seneca *Epist.* 110. & libro de *Superstitione*, qui perit, laudante D.

Tom. I.

K

Augu-

Augustino libr. 6. Civit. Dei. Alb. Tibull. libr. 3. Eleg. ult. Atque ut viri per Genium suum aut Castorem jurabant, ita mulieres per Junonem suam. Tryphena apud C. Petronium: *Junonem meam iram mihi babeam*. Solipater Charisius libr. 2. *Ejuno ut Ecastor*. Alb. Tibull. libr. 4. ad finem.

Hæc per sancta tuæ Junonis numina juro.

Juvenal. Sat. 2. v. 98. & Vetus Scholiastes ibidem.

Et per Junonem domini jurante ministro.

Etrusci *Palladem* quoque inter tutelares Deos habebant, & maxime Falisci. Ovid. libr. 3. Fastorum, post multas rationes de nomine ejus adductas, subdit:

*An, quia perdomitis ad nos captiva Faliscis
Venit: & hoc ipsum litera prima docet?*

Pan quoque ab Etruscis cultus. Rutil. Numatian. Itiner.

Seu Pan Tyrrhenis mutavit Menala filvis.

Filius hic Mercurii & Penelopes. Theætetus libr. 4. Anthol. cap. 12. Epigr. 85. D. Gregorius Nazianz. 1. Orat. in Julianum. Nonnus libr. 24. Dionysiac. v. 87. Apes in ejus tutela. Zonas poeta libr. 1. Anthol. cap. 60. Epigr. 7. Herculis socius. Philod. mus poeta libr. 4. Anthol. cap. 12. Epigr. 86. Oraculum reddebat. Lūctat. Placid. ad v. 479. libr. 3. Theb. Statianæ, Alcæus, Arabius Scholasticus, Apollonius Smyrnæus, Erycius, Simonydes, Jul. Hygin. Fab. cap. 224. Aufon. Mosella v. 174. & alii videantur libr. 3. Antiquitatum mearum cap. 2.

Denique *Apollo* in Etruria celebri cultu observatus. Præneſte vetus Epigramma cap. hoc in limine supra allatum. Et maxime in monte Soracte ejus sacra, ut docui libr. 5. infra hoc Opere: de quo pauca dicam. Ejus cognomina discussi plene Mantilla de Fabulis veterum Diis cap. 12. & libr. 2. Antiquitat. Romanar. cap. 7. quæ non exscribo, tu vide. Adde vocatum *Maleoten a Maleo Tusculorum rege*, ut ait Lūctatius Placidius ad v. 224. libr. 4. Thebaid. sed corrige *Tuscorum rege*, ut libr. 2. infra hoc Opere ostendam. Vide & Statium libr. 1. Thebaid. in fine.

Comam ei sacrabant. Non. Marcell. in voce *Cirri*. M. Martial. libr. 1. Epig. 32. Stat. libr. 8. Thebaid. v. 494. Callimach. in hymno Deli v. 296. Xiphilin. in Nerone. Theophrastus Eresius Aristote:is auditor in Ethicis characteribus cap. 57. *Τοιαυτὸς τις ὡς σπεῖλαι ἐπὶ δῶπρον κληθεὶς, παρ' αὐτὸν τὸν καλέσαντα κατακείμενος διατρήσει, καὶ τὸν υἱὸν ἀποκῆραι ἀπαγαγὼν εἰς Δελφούς.* *Homo vera inepte ambitiosus is est, qui ad cœnam vocatus, convivatori studeat assidere: qui filium suum Delpbos adducat, ubi comam ponat.* Censorinus libr. de Die Natali cap. 1. Idque voto composito fiebat. Stat. libr. 6. Thebaid. v. 604. & v. 634. Diemque illum, quo crinem Apollini sacrasent, inter festos semper cole-

colebant. Dio Coccejan. in Augusto libr. 48. Juvenal. Sat. 3. v. 186. Theodoridas vetus Poëta Epigrammaticus libr. 6. Antholog. cap. 23. cuius verba Latinis numeris expressit elegantissime Federicus Morellus Professorum Regionum Parisiis Decanus, optime de literis meritis. Tu vide, neque enim transcribo.

Hic etiam Ἀλεξίκακος, *malorum depulsor*, Theophylattus Simocatta in Dialogo. Accius Æneadis:

Te sancte venerans precibus invicte vocabo,

Portenta ut patriæ populo verruncant bene.

Pacuvius in Pæricea, Afran. Dinor. Aristenet. libr. 2. Epist. 1. & de Diis Averruncis, dixi ad illud Claudiani libr. 1. in Eutrop.

..... peregrina piacula forti

Pellantur longe Latio.

Idem Νόμιμος a peritia rei musicæ. Proclus in Chreistomatheja apud Photium in Biblioth. Cod. 234. Porphyrius in libr. cui *Sol* Inscriptio est. Servius ad Eclog. 5. Apud Hyperboreos in præcipuo ob æquitatem honore erat. Iacius Tzetzes, Pindari Scholiastes, ad Od. 3. Olympic. & ad Od. 10. Pythior. Suid. in voce Ἀΐδαρος Ælian. libr. 2. Var. Histor. cap. 26. De eadem sacris gryphis. Claudian. de 6. Hon. Consul. fufe. Apul. libr. 11. Milefiar. Philostr. libr. 3. Vit. Apollonii. cap. 14. Creditumque, eum leges Lycurgo salutare dictasse. Polyæn. libr. 8. Stratagemat. Δοκεῖ μὲν ἐμοὶ ξηλώδης ἐγένετο Μίνω, καὶ Λυκάργῳ, καὶ γὰρ οὕτω τὰς νόμους, ὃ μὲν παρὰ Διὸς, ὃ δὲ παρὰ Ἀπόλλωνος μάθοντες, ἢ μάθειν φάσκοντες, ἐπέδον αὐτοῖς χρήσασθαι, ὃ μὲν Κρήτιος, ὃ δὲ Λακωνίας. *Mibi videtur quidem Minœm & Lycurgum æmulatus; nam ex iis leges, alter a Jove, alter ab Apolline discens, aut saltem didicisse se profitens, alter Cretensibus, alter Lacedæmoniis, ut his merentur, persuasit.*

Nominabatur etiam a divinandi peritia *Myriceus*. Nicandri Schol. Atque hanc totam divinandi scientiam in Branchum quendam Thessalum transtulit, quem sibi charissimum templo & sepulchro consecravit. Locum apponam M. Varronis de Rebus divinis: *Olus quidam decimus ab Apolline, cum in peregrinatione pranderet in litore, ac deinde proficisceretur, oblivis est filium suum Simerum: qui pervenit in saltum Patronis cuiusdam, & cum esset receptus cum suis pueris, cœpit pascere. Aliquando prehenderunt cygnum, & ipsum veste cooperuerunt: dumque ipsi pugnarent, inter illum munus patri offerret, & essent certamine fatigati, rejecta veste mulierem invenerunt: & cum fugerent, revocati ab ea sunt, & moniti, ut Patroni unice diligeret Simerum puerum. Illi, quæ audierunt, Patroni indicarunt: tunc Patron pro filio suo Simerum nimio dilexit affectu, eique filiam suam ducendam locavit uxorem. Illa cum prægnans ex eo esset, vidit in somnis per fauces introisse Solem, & exiisse per ventrem; ideo infans editus Branchus vocatus est, quia mater ejus per fauces viderat uterum penetrasse. Hic cum in silvis Apollinem osculatus esset, comprehensus est ab eo: & accepta corona virgaque, vati-*

cinari cepit, & subito nusquam comparuit. Templum ei factum est, quod Branchiaden nominatur: & Apollini Phileſio pariter consecrata sunt templa, quæ ab osculo Branchi, sive certamine puerorum, Phileſia nuncupantur. Stat. libr. 3. Thebaid. v. 482.

... . patrioque æqualis honori
Branchus

Terentianus Maurus libr. de Metris:

Hymnum Branchiade Phæbo cantasse, Jovique
Pastorem Branchum, cum captus amore pudico
Fatidicas docuit sortes depromere Pæan.

Commodiani MS. e libr. i. versus, licet corruptos, apponam:

Apollinem facitis cytharædum atque divinum,
Primum de Maja natus in insula Delo,
Pollata mercede postmodum structor, obsecutus
Aomedonti Regi Trojanorum muros eduxit.
Pollucavitque sese, quem Deum seducti putatis:
Pollusibus cuius amor Cassandra flagravat,
Pollus ubi quem lufit virgo, falliturque divinus.
Pollus officio vervecis potuit scire bicordem.
Pollus repudiatus enim discessit inde divinus.
Pollus erravit hunc virgo specie, quam ille deberet.
Pollus illa prior debuerat Deum amavisse,
Pollus ascivens qui Dapnem sic cepit amare:
Pollus tamen insequitur, dum vult violare puellam,
Pollus gratis amat stultus, nec potuit consequi cursu.
Pollus vel, si Deus erat, occurreret illi per auras.
Pollus sub tectis illa prior venit, remansitque divinus.
Pollus fallit vos gens hominum, nam victu tristi fuerunt.
Pollus admeti quoque pavise refertur.
Pollus usibus impositis dum mitteret discum in altum,
Pollus sublapsus non potuit retinere, prostravit amicum;
Pollus limus ille dies fuit Hiacynti sodalis,
Pollus si divinus erat, mortem præcisisset amici.

Porro qui mythologiam, reconditaque de Apolline scire vis, adi opus,
Latina Græcæque eruditione refertissimum, D. Hieronymi Aleandri.

*Quum Scriptor de Diis Etruscis
hoc loco disernerit, hæc anti-
qua afferre monumenta censui-
mus, ut constet plures Deos,
fabulasque cum Græcis, & Ro-
manis Etruscos habuisse com-
munes.*





Bononia In Museo Cospiano





T. Verstraete fecit

Florentie Apud Nob: Com: della Gherardesca





Romæ apud C. V. Franciscum de Ficoronis





Romæ apud C.V. Franciscum de Ficoronis.





Florentiae in Museo S.M.D.Etruriae.






Romæ, apud Ill. et Rev. M. Ant. Ansidei







Florentiae in Musæo S.M.D. Etruriae







NAJZ : JAINA931A2:MI239:J39



V. Frickel

Perusia In Marmore Apud Nobiles De Constanziis

2

---C.E.M.I.D.A.M.A.N.N.I.N.E.E.T.T.




Perusia In Marmore Apud Nobiles De Ansideis. C. M. Joul





Vas Fecile Alt. Pe. I. Vn. VI Florentiae In Museo Mediceo.





Tab. XI.

Vasus Pars Antica Notâ Lit E

Tom. I. pag. 78.




Eiusdem Vasus Pars Postica ~

C. M. f.






Vas Fictile Altum Ped. I. Vn III.




Florentia In Museo Mediceo






Vas Fictile Alham Ped. I Vn III.




Romæ Apud Emi. Card Gualterio

C. M. sculpt.






Vas Fictile Altum Ped. I.



C. M. sculpt.

Romæ Apud Emi. Carl. Gualterio





Vas Fictile Altum Ped. I. Vn VII.




Romæ Apud Emi. Card. Gualterio





Vas Fictile Alam. Pect. Vn. III.



Romæ Apud Emi. Card. Gualterio.







Vas Fictile Altum Red I. Vn. III



Senis Apud C. V. Hadrianum Sani








Vas Fictile. Mus. Fed. I. Vol. III.



Senis Apud C. Hadrianum Sani





Vas fictile Arretij in Museo Equitij Hieronymi Baci fragmentis coagmentatis instauratum pictura alicubi partim deleta. Al. p. III. lunc. 11. et s.






Vas Fictile Altum Ped I Vn VIII



Romæ Apud Emi. Card. Gualterio.







*In Etruria oraculum Tethyos, seu Themidos,
obscurum & perplexum: & quando
oracula siluerunt.*

CAP. XVIII.

ANte Romam conditam fuit celeberrima religione in Etruria *Oraculum Tethyos*. Plutarch. in Romulo paulo post principium: Τηθύος ἐν Τυρρηνίᾳ χρηστήριον. *Tethyos in Etruria Oraculum*: de quo altum apud alios, quod sciam, silentium, neque unquam ab ullo vetusto Scriptore memoratum hoc oraculum valde dignum est admiratione, cum res Italicae florentissimis ingeniis sint omnes decantatissimae. Neque oraculum habuisse *Tethyn* comperi apud ullum alium; quare forte non sit alienum a vera corrigere Plutarchi locum, & pro *Tethyos* substituere *Themidos*: quam correctionem historica fides si non confirmat, saltem probabilem reddit; nam, sexaginta ante bellum Trojanum annis, Evander cum Arcadum classe in vicina Etruria Italiae loca appulit, cujus matrem: Ἑλληνες Θέμιν εἶναι λέγουσι, καὶ Θεοφρόντην ἀποφαίνουσιν, ἃ δὲ τὰς Ῥωμαϊκὰς συγγραφάσας ἀρχαιολογίας τῇ πατρῷᾳ γλῶσσῃ καρμέντων ἀνομάζουσιν, ἔτι δ' ἐν Ἑλλάδι Φωνῇ Θεσπιῶδες τῇ νύμφῃ τένομα, τὰς μὲν γὰρ ᾠδὰς καλῶσι Ῥωμαῖοι κάρμινα. τὴν δὲ γυναῖκα ταύτην ὁμολογῶσι δαιμονίῳ πνεύματι κατὰσχετοῦ γινόμενῃ, τὰ μέλλοντα συμβαίνειν αὐτῇ πλῆθι δι' ᾧδης προλέγειν. *Græci Themim fuisse dicunt, & divino afflatu instinctam: Romanarum Antiquitatum Scriptores, patria lingua Carmentam nominant, Græce Thespiodos vocari posset, nam odas Romani appellant carmina. Hanc mulierem affirmant, demonis spiritu correptam, futura carmine multitudini prædicere solitam. Verba sunt Dionysii Halicarnassei libr. 1. Ἀρχαιολογ. pag. 24. Licet itaque coniicere, Nicotratæ, seu Carmentæ Matris Evandri celebre olim in Latio nomen & oraculum in Tusciam transfisse. Ovid. libr. 3. Fastor. v. 557. plena manu.*

Sunt quibus hæc Luna est, quia mensibus impleat annum

Pars Themim, Inacbian pars putat esse bovem.

Oraculum autem Themidis ante natum Apollinem, aut ipsum Jovem Dodonæum, aut Hammonem celebratissimum laudant certatim auctores. Lactant. Firmian. libr. 1. Divinar. Instit. cap. 11. *Primum in eo, Jove, imprudentia, non Dei providentia, nisi cui Themis futura dixisset, ipse nesciret.* Lucianus Samosatensis non uno loco. Fest. Pomp. libr. 18. in voce *Themis*. Ammian. Marcellin. libr. 21. in principio. *Vaticana verba, quibus numen præesse creditur Themidis.* Hercules Ciofanius Sulmonensis ad libr. 9. Metamorphoseos Ovidianæ pag. 185; Mar-

Martian. Felix Capella libr. 2. *Alii quoque bujus generis homines in divinandi usum, & præscientiam procreati, ut Carmentis in Arcadia, ab effuso per vaticinia carmine memorata.* Locus mendosus facile corrigi potest, si legatur, *ut Carmentis ex Arcadia.* Neque enim nobilis illa vaticinandi peritia in Arcadia, sed in Italia. Vet. Scholiast. Juvenalis ad Sat. 1. v. 82. *A Themide, quæ ante Apollinem responsa dabat.* Theophrastus Scotus MS. ad eundem locum: *Themis Justitie Dea mortalibus oracula olim dabat, ipsumque Jovem instituit, ut legimus apud Sedulium Episcopum.* Opus hoc laudatum Sedulii non extat hodie. Scholiast. Pindari, Ilacius Tzetzes pluribus locis. Poætæ, Sidon. Apollinar. Carm. 9. v. 264.

*Si Lyciæ sapiunt sortes, si nostra volatu
Fata loquuntur aves, doctis balatibus Ammon
Si sanctum sub syrte gemit, si denique verum
Phæbe, Themis, Dodona canis.*

Et Carm. 9. v. 186.

Responsa aut Themidis priora Delphis.

P. Ovid. libr. 1. Metamorph. fab. 7.

*Dic, Themis, qua generis damnum reparabile nostri
Arte sit: & meritis fer opem mitissima rebus.
Mota Dea est, sortemque dedit.*

M. Lucan. libr. 5. Pharsal. v. 82.

. . . cum regna Themis, tripodasque teneret.

Dixi abunde ad illud Cl. Claudiani libr. 1. de Raptu:

Sic cecinit longæva Themis.

Sed ubi loci in Etruria oraculum istud? Forte in luco aliquo, ut libr. 4. M. Varro in Mysteriis: *Primum horrida silent oracula prisca, crepera in nemoribus:* & infra hoc Opere: aut certe Cære. Sidon. Apollinar. loco ultimum laudato:

An sortes Lyciasque Ceritumque

Per sortes enim oraculum significari, vel ignari sciunt. Terentian. Maurus libr. de Metris:

Favidicas docuit sortes deponere Pean.

Q. Ennius in Annalib.

*Ut se edoceret, obsecrans Apollinem,
Quo se vertant tante sortes.*

Et quamquam Servius Honoratus *sortes abusive pro oraculis* interpretetur ad illud Virgilii libr. 7. Æneid.

Non patrio ex adiis sortes:

Tamen constanter apud melioris notæ auctores idem sunt oracula & sortes. Helen. Acron ad illud Horatii in Arte:

. dictæ per carmina sortes

M. Cicero libr. 1. de Divinat. paulo post principium. Sueton. Tiberio cap. 14. L. Apul. libr. 5. Miletiar. *Cui scopula fors addixit, sistite;* idest

ideſt oraculum Apollinis Mileſii. C. Jul. Hygin. Fab. cap. 69. *Adraſtus* memor ſortium ſuarum. Ammian. Marcellin. libr. 14. in fine: *Uranam ſortium temperat*. Pindari Scholiaſt. ad od. 4. Pythior. notavit Joann. Hartungus 3. Decuria ex optimis auctoribus cap. 8. num. 4.

Oracula hæc ambiguo ſenſu, nec ante eventum intelligendo dantur. Scholiaſtes Æſchyli in Prometheo vincto. Martian. Mineus Capella libr. 1. Philolog. *In fanis, quibus vaticinia obliquis fundebantur ambagibus*. Hinc Apollo *Λοξίας*, ab obliquis & incurvis oraculis, ut Phornutus docet, & ejus interpres Jodocus Velareus. D. Synæſius libr. de Somniis. Scholiaſt. Sophoclis. Chryſippus apud M. Tullium libr. 2. de Divinat. *Oracula obſcura & flexiloga*. Poëtæ. Stat. Papin. libr. 1. Thebaid. v. 509.

Salve, priſca fides tripodum, obſcurique reſeſus.

Et libr. 3. Thebaid. v. 614.

*Expectare queam, dum pallida virgo tremendas
Nuntiet ambages.*

M. Lucan. libr. 1. v. 639. Pharfaliæ:

Flexu ſic omnia Tuſcus

Involvens, multaque tegens ambage canebat.

Et libr. 5. v. 225.

Terreat ambiguis fruſtratum ſortibus

Et libr. 6. v. 772.

. . . . tripodes vocesque Deorum

Sors obſcura tenet.

Valer. Flacc. libr. 1. Argonaut.

*Jamdudum longa Minyas ambage, ducemque
Terrificat.*

Et libr. 4. ejusdem operis:

. . . dedit tacitis iterum reſponſa tenebris.

Sil. Italic. libr. 9. Punicor.

*Jamque alter tibi, nec perplexo carmine, coram
Fata cano vates.*

L. Seneca in Oëdipo Act. 2. ſc. 1.

Reſponſa dubia ſorte perplexa latent.

Sequitur deinde ſubinde:

*Ambage nexa Delphico mos eſt Deo,
Arcana tegeve.*

Claudian. libr. 2. in Ruſſin.

*Has canit ambages, occulto fallitur ille
Omne.*

Et libro de Bello Getico:

*O ſemper tacita ſortes ambage malignæ,
Eventuque potens, & noxia vatibus iſiſ
Veri ſacra fides!*

Tom. I.

L

In

In Italia itaque *Themidis* Etruscum oraculum vetustissimum fuit: apud Chaldaeos *Zoroastris*, in quæ scholia extant *Plethonis* & *Pfelli*: aliorum vero, ut *Jovis Dodonæ*, *Apollinis Ismenii*, *Apollinis Clarii*, *Apollinis Milefi*, *Apollinis Pythii*, *Apollinis Sarpedonii* *Seleuciæ*: *Mercurii*, *Hecates*, *Serapidis*, *Æsculapii*, *Trophonii* *Lebadiæ*: *Amphilyti*, *Acarnanis*, *Bacidis*, *Diopithis*, *Xenocleæ*, *Phennidis*, *Phemonoes*, *Peliadum*, & *Sibyllarum* in unum corpus congeffit nuper Joannes *Oplopæus*, quæ vide.

Jam de oraculorum defectu pauca addam, non ignarus a magno purpurato Principe Illustrissimo Cæsare Baronio Cardinale libr. 1. *Annal. Ecclesiast. præoccupatum*. Id quando contigerit, non satis video constare: nec *Plutarchus* eleganti opere, ea super re edito, explicuit, contentus inanes quasdam & aniles rationes investigasse. *Terram nimis effatam*: quod & ante illum *Cicero* libr. 2. de *Legibus* prodiderat: & *maligniores esse homines, quam ut Deorum colloquia responsaque mereantur*, id sensit *Edeſius* apud *Eunapium* *Sardianum*. Denique ei videtur, adeo *sapientum sua secula feracia*, ut *nihil Deorum consilio sit opus*. In quo ridicula est *Philosophi* opera, dum a naturæ principiis causam scrutatur, quæ a solo naturæ Auctore foret desumenda. Neque vero inter *Christianos* scriptores de abolitis cessantibusve oraculis satis convenit; nam quibusdam placet, quinquaginta annis ante natum humani generis assertorem obmutuisse cuncta illa dæmonum & portentosa responsa. *Paul. Oros. libr. 6. cap. 15. Appius Claudius Censorinus, qui jussu Pompeii Græciam tuebatur, jam abolitam Pythici oraculi fidem voluit experiri; quippe ab eo adaucta vates descendere in specum, respondisse fertur de bello consulenti: nihil ad te hoc, Romane, bellum pertinet, Eubææ Cæla obtinebis*. Subdit deinde idem auctor, paucis interjectis: *Cur ergo longe ante imperium Cæsaris, nativitatemque Christi, sicut ipsorum auctores attestantur, abolita fuerat Pythici oraculi fides? Abolita autem ideo, quia contempta. Porro autem quare contempta, nisi quia vel falsa, vel vana, vel dubia? Unde prudenter Poëta præmonuit: (Virgil. 6. Æneid.)*

Inconsulti abeunt, sedemque odere Sibylle.

Siluisse Pompejano hoc bello oraculum, *Ethnici* etiam auctores volunt; nam *Sextus Magni* filius, *Erichtho* magam anxie, non vero oracula consuluit. *Historicos* missos facio: unicus *M. Lucanus* sufficit libr. 6. *Pharfaliæ*, v. 423.

*Qui stimulante metu fati prænosceret cursus
Impatiensque mora, venturisque omnibus ager,
Non tripodas Deli, non Pythia consulit antra,
Nec quæsisse libet, primis quid frugibus atrix
Ore Jovis Dodona sonet: quis noscere fibra
Fata queat, quis prodat aves, quis fulgura cæli
Servet, & Assyria scrutetur sidera cura,*

Ant

Aut si quid tacitum, sed fas, erat.

Atque hæc quidem prima est sententia. Aliis probabilius videtur, non nisi nato Assertore nostro & oracula toto orbe terrarum siluisse, & superstitiosa omnia: Ægypto Deorum statuas corruisse, ut ex Sozomeno libr. 5. Histor. Ecclesiast. cap. 20. colligit Simon Majolus Dier. Canicular. Dialog. 21. quod placuisse video Aurelio Prudentio in Apotheosi:

*Spiritus ille Dei, Deus & se corpore matris
Induit, atque hominem de virginitate creavit.
Delphica damnatis tacuerunt sortibus antra,
Non tripodas cortina regit, non spumat anhelus
Fata Sibyllinis fanaticus edita libris:
Perdedit insanos mendax Dodona vapores:
Mortua jam mutæ lugent oracula Cumæ:
Nec responsa refert Libycis in syrtibus Ammon.*

Menda est in tertio versiculo, quam sic elue, & lege: *Non tripodas Cortina regit*; nam cortinæ ille ad submovendos plebis, aut etiam consulentium oculos tripodem circumdebant, & ab adytis templum discernebant.

Nec Christiani modo, sacrique scriptores prostratam illudentium demonum impietatem, supersticiososque idolorum cultus memoriæ commiserunt in universum sublato, nascente Jesu Christo; sed & Gentiles ipsi gravi indignatione & querela persequuntur: inter quos Strabo Amalianus primas tenet, qui temporibus Tiberii Augusti vixit; is quippe nulla ab oraculis suo ævo responsa reddita, libr. 17. testatum reliquit: & duo acerrimi Christiani nominis hostes idem asseruere, Q. Symmac. Præfetus Urbis, & Q. Optatianus Porphyrius: ille quidem libr. 4. Epist. 33. *Quid si pergat longum tacere? non vides oracula, olim locuta, desisse, nec ullas in antro Cumano literas legi, nec Dodonam loqui frondibus, nec de spiraculis Delphicis ullum carmen audiri?* Alter vero ita canit apud Eusebium libr. 5. Præparat. Evangel. cap. 8. interprete Georgio Trapezuntio:

*Ablata est Pythii vox haud revocabilis ulli;
Temporibus longis etenim jam cessat Apollo,
Clavibus occlusus filet; ergo rite peractis
Discedas patria, & redeas ad limina sacris.*

Aliis ejusdem impietatis affectis Paganis id non fuit obscurum. De Neronis ævo Lucanus libr. 5. Pharsal.

*... multosque obducta per annos
Delphica fatidici reserat penetralia Phœbi.*

Sub Domitiano, & Nerva, Trajanoque, ut plerique probabili ducti ratione credunt: D. Juvenalis Sat. 6. v. 552.

*... credunt a fonte relatum
Ammonis, quoniam Delphis oracula cessant.*

Et eodem seculo Papinius Statius libr. 8. Thebaidos, v. 200.

*An tibi felices lucos miseratus Averni
Rector, & Elysias dedit inservare volucres?
Quidquid es, æternus Phæbo dolor, & nova clades
Semper eris, nullisque diu plorabere Delphis
Hic Tenedon, Cyrrhamque dies, partuque ligatam
Delon, & intonsi solvet penetralia Branchi.
Nec Clarias hac luce fores Didymæaque quisquam
Limina, nec Lyciam supplex consultor adibit,
Quin & cornigeri vatis nemus, atque Molossi
Quercus anbelat Jovis, Trojanaque Thymbra tacebit.*

Imperante Honorio Aug. Cl. Claudianus libr. 2. de Raptu:
Delphica quin etiam fratris delubra tacebunt.

Et de 4. Honorii consulatu, vere oraculorum arguit defectum: adulatorie deinde ea in gratiam Imperatoris denuo locuta innuit:

*Quis vatium discursus erat? tibi corniger Ammon,
Et dudum taciti rupere silentia Delphi.*

Adulatori inquam, & falso ille; nam ubi semel filuerunt oracula, nihil unquam consulentibus postea responderunt, ut fustissime ab eodem Eusebio Cæsariensi probatum invenies. Quo magis mirum videri debet, a Nicephoro Callisto in literas relatum fuisse, Juliano Aug. Apostatæ oraculum redditum: cujus verba, civitate Latina donata a Joanne Lango, adponam ex libr. 10. Histor. Ecclesiast. cap. 29. *Exercitum adversus Persas ducturus, Delphos & Dodonem, qui vates ibi consulerent, misit: & illi non solum bellum, sed etiam victoriam denuntiaverunt; tantum vero a veritate ipsa aberrarunt, quantum postea rerum exitus ostendit. Porro ex responsis ejus unum ad mendacium redarguendam apponam:*

*Nunc Di Deque omnes consurgite, sumite bellum,
Atque fero certum de flumine ferte tropæum:
Dux ego vester ero, Mars sævus belligerator.*

Sunt & alia duo eidem reddita, ut creditur, oracula, quorum istud unum:

*Terrigenum quondam genus sustulit prudens Jupiter,
Inimicissimum beatis, cælestes domos incolentibus:
Romanorum Rex Julianus, Deo similis,
Pugnando, Persarum urbes, & mœnia longa
Bellicosorum vastavit igne, duroque ferro:
Fortiter domuit urbes, & gentes multas:
Quin & Occidentalium virorum, Alamanicum solum
Pugnis crebris capiens, vastavit agros.*

Plura de modo oracula consulendi, deque celebribus totius mundi oraculis dixi in Mantissa de fabulosis gentium Diis.

Etru-

Etruscorum leges primæ, atque politicus status, cum in Italia celebrari primum cæperunt.

CAP. XIX.

UNicum hoc dolendum est, alto silentio involutum, quibus legibus prisca illi & primi Etruriæ incolæ, seu indigenæ, sive advenæ, vixerint; nam qui tam religose Deos colebant, qui tam fortiter bella gerébant, colonias deducebant, populos subjugabant, bonis legibus indubie usi, quas scriptor commisit Aristoteles, ut relatum ab Athenæo libr. 1. Dipnos. pag. 23. sed ille quoque temporis diuturni injuria perierunt. Αριστοτέλης ἐν Τυρρηνῶν νομίμοις, διὰ τῶν Τυρρηνῶν δεσποτῶν περὶ τῶν γυναικῶν ἀνακέμενοι ὑπὸ τοῦ αὐτοῦ ἱματίου. *Aristoteles in Etruscorum institutis: Etrusci cœnant cum mulieribus, sub iisdem aulæis accumbentes.* Sola hæc & unica lex a me erui potuit, quæ convivendi consuetudinem indicat, quam Romani mutuati sunt. Vide infra hoc libr. cap. 24. Siquidem in cœnis uxores habebant gremiis suis impositas. M. Cicero Orat. 2. Catilinaria: *In convivio accubantes, complexi mulieres impudicas.* L. Apul. libr. 6. Milefiar. *Accumbebat summum thorum maritus, Pyschen gremio suo complexus.* P. Scipio Africanus insectans molliem Sulpicii Galli, ut est apud A. Gellium libr. 7. cap. 12. *Qui in convivio adolescentulus cum amatore, cum chiridota tunica inferior accubuerat.* Apul. libr. 1. Milefiar. *Cœnare incipientem invenio. Assidebat pedes uxor & mensa vacua posita.* Male Philippus Beroaldus legit: *Assidebat penes uxor;* nam in maritorum gremiis uxores accubabant, ut dixi. Suet. Calig. cap. 25. & expressius cap. 24. P. Ovid. libr. 1. Amor. eleg. 4. libr. 2. Amor. eleg. 18. libr. 3. Amor. eleg. 2. & Epist. Paridis ad Helenam:

Pœnitet hospitii, cum me spectante, lacertos

Imponit collo rusticus ille tuo.

Rumpor, & invideo: quid nunc tamen omnia narrem?

Membra superjecta cum tua veste fovet.

D. Juvenal. Sat. 2. v. 119.

Signata tabula, dictum feliciter, ingens

Cœna sedet: gremio jacuit nova nupta mariti.

Etru-

*Etrusca lingua, diversa a Latina Græcaque: literæ
Etruscæ, & inscriptiones nonnullæ, quæ non
possunt intelligi: vocabula ex ea varia,
quo fontè: ipsa Romana lingua
sæpe mutata.*

C A P. XX.

SUpereſt de lingua diſcutiendum, qua uſi Etrufci illi antiqui: atque eam quidem nec Latinam, nec Græcam eſſe, nec Volſcam liquet ex iis, quæ proxime adferuntur. Exiſtimant docti *Arameam* fuiſſe origine: & nuper, cum Romæ eruditiffimus Jacobus Bonaventura Scotus, Minimorum Ordini adſcriptus Theologus, Hepburnus, ortu quidem gentis nobilis, ſed virtute nobilior, ſeptuaginta duo Alphabeta Orientalium linguarum edidiſſet, Etrufcum inter illa recensuit. Ego ſane ſuſpicabar, Græcæ fuiſſe originis, quod Tyrrhenos & Pelafgos eandem gentem eſſe animadvertiſſem, & Lemnum Athenasque inhabitari, ut ex Thucydide relatum eſt ab Halicarnafſeo libr. 1. Antiquitat. Accedit, quod Tyrrheni appellantur Pelafgi. Sophocles in Inacho:

Ἰναχος πατὴρ καὶ κρηνῶν πατὴρ ὠκεανῶ
Μέγα πρεσβύων. Ἄργος τε γούνα
Ἥρας τε πάγους, καὶ Τυρρηνόισι Πελασγοῖς.
*Inache pater, ſili fontium patris Oceani,
Qui maximos honores habes in Argivis agris,
Junoſque collibus & Tyrrhenis Pelafgis.*

Hoc ego argumento inducebar, ut crederem, cum Atiaticis hominibus linguam etiam in Italiam migrari; ſed Xanthus Lydius hiſtoricus Antiquitatis, ſi quis alius, peritus, negat ex Lydia unquam in Italiam coloniam deductam: ideoque nec linguam illatam. Omnem dubitationem tollit Dionyſius Halicarnafſeus libr. 1. Hiſtor. Rom. pag. 23. Κοινὸν δὲ ἅμω μεταληφένον γένος ἂν πείθωμαι, πολλοῖς τὲ ἄλλοις, καὶ μάλιστα ταῖς φωναῖς αὐτῶν διηλλαγμέναις, καὶ ἑδερμίαν ὁμοιότητα σωζέσαις τεκμαιρόμενος. *Commune ambarum fuiſſe genus non credo, cum aliis multis argumentis inductus, tum linguarum diverſitate, & quod nulla ſimilitudinis apud eas veſtigia ſuperſint.* Ex his patet, Etrufcam linguam aliam eſſe a Græca, ſive Pelafgica; nunc vero aliam eſſe a Latina docemur ex ejuſdem pulcherrima narratione de Mutio Scævola libr. 5. pag. 298. Διαβαίνει τὸν ποταμὸν, καὶ παραγεννηθεὶς ἐπὶ τὸν χάρακα τῶν Τυρρηνῶν ἐσέρχεται, παρακρησάμενος τὰς φυλάττοντας τὰς πύλεις, ὡς τῶν ὁμοθυῶν τις, ὅπλων τὲ ἔχων φανερόν

φανερὸν ἔχων, καὶ γλῶττι Τυρρηνικῇ διαλεγόμενος, ἦν ἐξέμαθεν ἐπὶ παῖς ὢν, ὑπὸ τροφῇ Τυρρηνίδος τὸ γένος ἐκδιδαχθείς. Fridericus Sylburgius Veterensis vertit: *Ille transmissio fluvio, ubi ad castra Etruscorum pervenit, ingreditur, simulata Tusci specie, deceptis portarum custodibus: quod eo fuit facilius, quod nec ullum telum gestabat propalam, & lingua utebatur Tuscanica, quam puer a nutrice Etrusca didicerat.* Hæc verba: *quod eo fuit facilius,* in contextu Græco non sunt: & frustra, sensu non exigente, videntur addita. Illa vero: ὅπλων τε ἔχων, φανερὸν ἔχων, versio Lapi agnoscit genuina, sicque reddit: *armorum nihil manifestum habens.* Aliis vero placet non genitivus pluralis, sed τῶν ὅπλων ἔκχων, *telum non habens;* sed parum interest, dummodo constet, alio opus ei fuisse idiomate, quam Romano: quod locus elegantissimus probat, dum ait, cum Etruscum sermonem, veluti peregrinum, a nutrice didicisse. Adstipulatur Plutarchus in Publicola: *Ἐπιβελέσας δὲ τὸν Πορσέναν ἀνελεῖν, περισσῆλθεν εἰς τὸ στρατόπεδον Τυρρηνίδα φωνῇ ἐσθῆτα, καὶ φωνῇ χρώμενος ὁμοίᾳ.* Cum constitisset *Porsenam incautum opprimere, veste indutus Tusca, & simili lingua utens, in castra penetravit.* Eadem verbatim Joan. Zonaras Tom. 2. Annal. pag. 19. Idem ex Polyæno clarum est libr. 8. Stratagem. ita enim Justus Vultejus vertit: *Tyrrheni cum Romanis bellum gerebant: Tyrrhenorum Rex erat Porsennas, Romanorum imperator Publicola tertium Consul, Mutius civis Romanus in re militari præstantissimus, interficiendi Porsennæ causa, εἰς τὸ Τυρρηνικὸν στρατόπεδον ἦλθεν, ἐσθῆτα ἔχων Τυρρηνίδα, καὶ τῇ φωνῇ Τυρρηνίζων: in Etrusca castra venit, habitum habens Etruscum, & Etruscum sermonem exprimens.* Tyrrhenos male pro Etruscis translulit; siquidem historici Tuscos eos aut Etruscos appellant; poetæ vero Lydos aut Tyrrhenos. Hanc itaque linguam, præter auctores laudatos, aliam a Romana Latinaque probant vetustissimæ inscriptiones, cum literis Tuscis, tum etiam characteribus Romanis, quæ extant Eugubii in Umbria. (1)

Ita autem se lingua habet, ut ne syllaba quidem intelligi possit. Jam vero de literis aliquid observandum, quas diversas a Latinis Græcisque & inscriptiones testantur, & Perusina quædam tabulæ fidem faciunt, & ibidem urnæ iisdem notatæ: similesque characteres in veteri palatio Florentiæ videntur, ad scalam quandam, in dextro pede statuæ Chymæræ (2) cujusdam, quam Arretio eo translata didici: Literarum istarum meminere Livius & Plinius, ut alii jam præoccuparunt. Plinius quidem libr. 16. cap. 44. *Vetustior autem Urbe in Vaticano ilex, in qua titulus literis æreis Etruscis, religione arborem jam tum dignam fuisse significat.* Et Isidor. libr. 15. cap. 2. *Capitolium Romæ vocatum, eo quod fuerit Romanæ urbis caput summum, alii ajunt, cum Tarquinius Priscus (Superbum, ait Livius, Florus, & alii, ut verear, ne*

erra-

(1) In fine hujus capitis adferuntur Tabulæ omnes Eugubinae.

(2) Vide in fine hujus capitis post Tabulas Eugubinas Chimeræ effigiem cum aliis quibusdam Etruscis monumentis.

erraverit Isidorus) *Capitolii fundamenta Romæ aperiret, in loco fundamenti caput hominis* (Tolonem eum vocat Arnobius libr. 6.) *litteris Tuscis notatum invenit, & proinde Capitolium appellavit.* Verum ut hæc clariora sint, vocabula quædam prisca adscribam, quæ ab Etruscis petita, Romani in usum suum converterunt.

Æsar Deus. Sueton. in Augusto cap. 97. & Dio Coccejan. libr. 56. Hystor. Rom. pag. 675: totidem pæne, quot Suetonius, verbis rem narrat, & ex eo Joannes Xiphilinus verbatim in Augusto pag. 97. Guilelmi Blanci hæc interpretatio est: *Fulmen, quod cecidit in statuam ejus, positam in Capitolio, primam litteram e nomine Cæsaris delevit: ex quo aruspices responderunt, eum centesimo post die participem fore alicujus divinitatis.* Οὐδὲν οἱ μάντις τῇ μετὰ τὸτο (1) αὐτοῦ ἡμέρᾳ θείας τιδὸς μόλρας μεταλήψεσθαι ἔφασαν, τεκμαίρονται, ὅτι τὸ τε φοιχέον ἐκείνου τῶν τῶν ἐκατὸν ἀριθμῶν παρὰ τοῖς Λατίνοις, καὶ τὸ λοιπὸν τῶν ὀνομα θέντων παρὰ τοῖς Τυρρηνοῖς νοῶν. *Idque coniciebant, ex eo quod prima litera ejus nominis (scilicet Cæsar) centum apud Latinos, reliqua pars Etrusco sermone Deum significabat.*

Arimi, Simiæ. Janus Parrhasius in libr. 3. Claudiani de Raptu pag. 43.

Arse vorse, Averte ignem. Verrius Flaccus apud Festum Pompejum libr. 1.

Capra. Hesychius Illustrius Grammaticus.

Κύπρα. Juno. Strabo libr. 5.

Capys, Falco. Serv. ad v. 145. libr. 10. Æneidos.

Capue, cui curvi sunt pedum pollices. Idem ibidem loci.

Itis, Jovis fiducia. Aurel. Macrob. libr. 1. cap. 15. Saturnalium.

Idulis, ovis. Ibidem loci.

Iduare, dividere. Ibid.

Baltheus, cingulum. M. Varro libr. 18. Rer. Humanar. apud Sospitrum Charisium.

Nepos, projector, abliguritor. Fest. libr. 14.

Falantum, sive *Falandum*, cælum. Fest. libr. 6.

Helvacea, genus Lydii ornamenti. Fest. libr. 8.

Hister, ludio. Livius 1. Decad. libr. 7.

Lanista, carnifex. Isidor. gloss. At licet ille primam ejus verbi significationem velit servo publico convenisse; tamen gladiatorum magistrum sic dicti, sive qui gladiatorum familiam alerent. Ita accipiendi auctores. Sueton. Julio cap. 10. cap. 26. in Augusto cap. 42. in Caligula cap. 26. in Domitiano cap. 10. M. Cicero Orat. pro Sylla. Spartian. in Hadriano: *Puerum aut ancillam lenoni aut laniste vendi vetuit.* Jul. Capitolin. Antonino Philos. *Nullus lanista scenicus, nullus arenarius.* Consentiunt veteres glossæ Philoxeni. *Lanista*. Λαυδοτρόφος, μονομαχιστρός.

(1) Post τὸτο desideratur vel numeralis nota ρ', vel numerale nomen ἑκατοσῆ, uti etiam in Dione, qui iisdem verbis hæc eadem narrat, ut notat quoque Sylburgius ad hunc locum.

φες, ἐπίστρεψς μονομάχων. Ammian. Marcell. libr. 19. ad finem: *Qui peritus artium cruentarum, ut lanista ex commerciis libitinae, vel ludii, ex eculeo quæstum captabat.* L. Seneca libr. 10. Controv. 4. *Crudelem rem facit & lanista, nec damnatur reipublice læsæ.* Vide eundem libr. 6. de Benef. cap. 12. fine. T. Livius 3. Decad. libr. 8. *Scipio Carthaginem ad vota solvenda diis, munusque gladiatorium, quod mortis causa patris patrique paraverat, edendum rediit. Gladiatorum spectaculum fuit, non ex eo genere hominum, quos ex lanistis comparare mos est.* Valentinianus & Valens L. 11. C. Theodos. de pœnis: *Neminem de numinis nostri sacrario prodeuntem arena suscipiat, lanista doceat, sæva meditatio & pugnatrice exerceat.* Aurel. Prudent. libr. 22. in Synmach.

..... sedet illa verendis

Vitarum innexis faleris, fruiturque lanistis.

M. Martial. libr. 6. Epigr. 82. Et libr. 11. Epigr. 67. Juvenal. Sat. 3. v. 158. Et Sat. 11. v. 9.

Scripturus leges, & regia verba lanista.

In tot auctoribus nullus est, qui non lanistam pro patre familias gladiatorum usurpet, ut mirum sit nativam verbi significationem oblovisse. Sed ad dictiones Etruscas demum redeo.

Lena, vestis. Fest. libr. 10. Varias autem de hac veste, seu toga duplici opiniones invenies apud Servium in illud libr. 4. *Æneid.* v. 264.

..... Tyrioque ardebat murice lena.

Lucumo, seu *Lucumus*. Rex. Vide supra, ubi fufe de regum variis nominibus actum.

Luceres. nomen tribus. Vide infra, *Taties*.

Mantissa. additamentum, quod ponderi adicitur, sed deterius, & quod sine ullo usu est. Fest. libr. 11. C. Lucilius in Satyris.

..... mantissa obsonia vincit.

Croton. Urbs Tyrrenia. Dionys. Halic. libr. 1. Hist. Rom. pag. 22.

Mantus. Dis pater. Servius ad libr. 10. *Æneid.* v. 198. pag. 585. ubi de Mantuæ origine.

Mastarna. Mons Cœlius. Vetus Inscriptio, quæ Lugduni reperta, cujus fragmentum vide infra libr. 2. cap. 47.

Nativari. factiones esse. Fest. libr. 12.

Neptunus. Deus maris. Scalig. ad M. Varronem.

Rhamnes. nomen tribus. Vide paulo infra.

Subulo. tibicen. M. Varrò libr. 6. de Ling. Lat. Fest. libr. 17. Verbum illud reddendum C. Plinio Juniori libr. 2. Epist. 17. *Adheret dormitorium membrum, transitu interjacente, qui suspensus & tabulatus conceptum vaporem salubri temperamento huc illucque digerit & ministrat.* Doctus alii Codices, quod & Maria Catanæus vidit; *qui suspensus & subulatus subulonibus conceptum vaporem*; notissimum enim est tibicinibus solere fulciri ædificia.

Taties. nomen tribus. Volumnius vetus Poëta apud M. Varro-
nem libr. 4. de Ling. Lat. Erant certe initio crescentis Reipublicæ
tres tantum tribus, Tatienfis, Rhamnenfis, Lucerenfis; licet nonnihil
Festus diverfum tradat libr. 17. in voce *sex Vesta*. *Civitas Romana in
sex est distributa partes, in primos, secundosque, Tuienses, Rhamnes,
Luceres*. Sext. Propert. libr. 4. Eleg. 1.

Hinc Tuiens, Rhamnesque viri, Luceresque coloni.
B. Ovid. libr. 3. Fastor. v. 129.

*Quin etiam partes totidem Tatienfisbus ille,
Quosque vocant Rhamnes, Luceribusque dedit.*

Tyrfes. turres. Halicarnass. libr. 1. pag. 21.

Tiberis. fluvius. Varro libr. 4. de Ling. Lat. pag. 9.

Vadimon. Janus Vertumnus. Myrsilus, Fabius Pictor, Cato in Ori-
ginibus, auctores fuites, & suppositi, apud Mariam Catanzum in C.
Plinii libr. 8. Epist. 20.

Vidua. a viro valde divisa. Macrobi. libr. 1. cap. 15. Saturn.

Vola. oppidum, aut arx; unde *Volaterræ*. Volcæ, Volumnius, Vo-
lumnia, aliaque ejus generis, ut hoc opere dictum, & notat Raphaël Vo-
laterranus, diligens patriæ suæ illustrator, libr. 5. pag. 135. Commentar.

Volcanus. Deus. Jos. Seal. ad Varronem. Atque hæc quidem nomina,
uti a plerisque, quos laudavi, doctis, Tusca habentur; ita de iis,
quæ sequuntur, valde est ambiguum: nisi forte dicamus ab Etruscis
aruspiciam profectam, ideoque videri nomina ad eam spectantia, in-
de etiam petita; quare, quia literatis viris visum ea Tusco fonte deri-
vata, apponam.

Apexabo. Arnob. libr. 7. farcimen, in quo quiddam eminet.
Varro libr. 4. Ling. Lat.

Isicia. Arnob. libr. 7. farcimen ex pice quadam. Isidor. libr. 20.
cap. 2. Paxamus vetus scriptor laudatus ab Athenæo libr. 9. Dipnoso-
phist. pag. 376.

Longano. Arnob. libr. 7. Varro libr. 4. Ling. Lat. farcimen longius,
quam duo hila. Desiderius Heraldus in Adversariis.

Nenia. Arnob. libr. 7. Fest. libr. 12. est etiam farcimen. M.
Plautus.

Consofforem faciam soricina nenia.

Offa penita. Arnob. libr. 7. farcimen ex carne porcina. Fest.
libr. 14.

Polimina. testiculi porcini, qui & *polimenta* apud Festum libr. 14.
Plaut. in Milite glorioso.

Palasæa, seu *plasea*. Arnob. libr. 7. farcimen quoddam.

Africia. Arnob. libr. 7. farcimen ex sanguine hircino.

Gratilla. Arnob. libr. 7. pars hostiæ.

Cratumeum. Arnob. libr. 7. pars extorum in hostiæ.

Fendica. Arnob. libr. 7. pulpamenti quoddam genus.

Tom. I. pag. 91.

TABULÆ
EUGUBINÆ.

五言古詩
卷之四

Quum Dempsterus in hoc Capite de Tabulis Eugubinis mentionem fecerit, operæ pretium erit, ut eruditorum curiositati satisfiat, eas omnes in medium afferre, archetypo similes, diligenterque emendatas. Unam tantum Bernardinus Baldius, binas vero Gruterus, quarum alteram Etruscis, alteram Latinis characteribus exaratas, edendas curarunt; sed quantum a veris differant, facile dignoscere poterunt qui nostras inspexerint; hæ namque respondent in omnibus (præterquam in characterum magnitudine) formis quibusdam, super iisdem Tabulis impressis, quas ad nos jamdiu transmisit Illustrissimus ac Reverendissimus Dom. Sebastianus Pompilius Bonaventuri, Montis Phisconis Episcopus: novissime autem Illustrissimus & Reverendissimus Fabius Mancinforte, Archiepiscopus Neopolitanus, qui ambo Eugubinam Ecclesiam jam gubernarunt.

THE HISTORY OF THE
LIFE OF
JAMES OGLETHORPE
BY
JOHN STURGEON
OF THE
CITY OF LONDON
IN TWO VOLUMES
VOL. II
LONDON
PRINTED BY J. STURGEON
AT THE SIGN OF THE SHIELD
IN THE STRAND
1784

JACOBI TAURELLI

F A N E N S I S.



De Tabulis, Iguvii, sive Eugubii in Theatro repertis.



Æc quicumque venis veterum ad monumenta virorum,
Quæ septem in Tabulis ære notata vides;
Suspendum ignotus ne quem fortasse character
Neve peregrinus fermo diu teneat;
Etruscas dic esse notas, & Lydia verba,
Ante quibus usa est Tuscia Romulidas.
Scilicet antiquis cum fortis Etruria seclis
Crevisset, tenuit jura utriusque maris.
Fluctibus Adriacis, huic Tusca colonia nomen,
Ipseque Tyrrhenis fluctibus ora dedit
Et tenuit pulchra quantum supra æquor, & infra,
Atque etiam a Gallis usque fretum Ausonium;
Unde a Tyrrhenis turres, dictique Tyranni:
Illa domos celsas vox notat, hæc dominos.
Ergo tam longe populo, lateque potenti
Cum sua lingua fuit, tumque elementa sua.
Paulatim linguam sed perdidit alta vetustas,
Romanumque magis perdidit imperium.
Namque ubi Roma potens, rerum & pulcherrima facta est,
Septem arces muro cinxit & una sibi,

Finibus

Finibus extensis Romanas discere voces
Imperat, & Dominos verba Latina sequi.
Sic patrios gens Lyda sonos in secula mille
Desueta ignorat nunc magis atque magis.
Sunt elementa super nostris quæ versibus infra
Scripta, Abrahamæo more legenda damus.
More Abrahame tuo, primus tu namque figuras
Scribendi in medium ponis ab orbe Syro.
Assyria, & Solymus, Janus, Noa vitifer hic est,
Transtulit ad fontes, o Tyberine, tuos.
Forma characterum, numerusque parumper ab illis
Mutati, est idem cursus, & ordo tamen.
Sic etiam Latio Græcos Evandria mater
Deducens, eadem cernitur, atque alia.
Ordine quæque fuit prope par, ductuque notarum
Græcis nec specie, nec numero est similis.
Sed lege jam, Eugubioque vale bona multa precatus,
Virtutum, atque virum quod decora alta colit.




T A B U L A I.

[illegible]



T A B U L A I I.

: 3WV2 : d34d30 : AIV8 : VIV23
 : VdAIZATN3432 : 34142V
 : VYAO37 : VMVD1 : 3KV3 : KATNV0 : VdAIZANDV
 : 21YIVY3234dV : VdV10V : KVN1
 : 39V1 : AIV4N342V : d34d30
 : 42V8 : 2V2d3W : VdV4d8
 : 39341A7 : dV10V : KVN1 : 3KKNWV
 dV10V : W3V : 3dK42 : V4212 : 34KKNWV
 3dK42 : 3KKNWV : dVYNKd34 : 234N7 : V4134
 : AIV431V : WdV4d8 : 234N1 : 2A4dV : W3V
 : AY4V3 : W3W42A : A4V2d3W : A4 : 3KKNWV
 : W3V : 3dK42 : VY39V : Y42d34 : d11 : K42
 : WdV434K : W34A : AY41A : AYV4d38 : A4434K
 : K41V4 : 3d434K : V4V8 : VNV23 : Vd3 : V41d4W
 : V4N34N3 : A43d34 : KVN1 : V4N34N3 : WNVd1
 : VdV43438 : VNV21 : V4N34N3 : 3W4d38 : 4A : KVN1
 234132 : V4N34N3 : V4K438V2 : VNV21 : V4N34N3
 21d4 : 23434 : VdV43438 : V4N34N3 : 4A : 21d4 : 23438
 23438A : 234V4 : V4K438V2 : V4N34N3 : 23438A
 1A : V43 : WNVNV23 : WNVNV4V : 34N34N3 : V4N34N3
 d11 : 3KV3 : V419A : 4AWV42d34 : 134 : 23434K : V4V3
 3d4134V4 : V431V : 34K432 : 3dK42 : V4N34N3 : 34
 : d342Vd4d8 : A43432 : Vd434 : V4N34N3 : WNVd1
 A41V4 : 34V4V : 21A2A4K43 : d342143A : 2143414A
 : V4134 : 4A432 : V414 : A41V4 : d341834
 : 34N34V1 : V431V : 4A432 : W3V : 3KKNWV
 V4N34N3 : 4A432 : V414 : V4N34N3 : 3414V4
 342Vd4d8 : V438A0 : WNV4V : A4V2d3W : A4V1
 d3414V4 : 21A2A4K43 : d342143A : 2143414A
 : 3dK42 : A41V4 : d341834 : A41V4
 W3V : V4138 : A4Vd4 : V4Vd3 : V4138 : 341d38 : A44A
 A434 : A4V1 : 3d343 : V4138 : V4N34N3 : W3434
 V41V4V4 : 3W434 : 3434 : V4K432Vd1 : 4AWV414
 A434V4V4 : V4N34 : WNV4V : 341434 : V4134 : A4Vd4
 3414V4 : 34N34V1 : A4V434 : 3434 : V4K432Vd1



T A B U L A I I I.

[illegible]

:2)EDVARD8 : R188 : VJXJ308
 :R1VA : R1NA1 : R1NA1 : 12 : EDV10889
 :VQ1R08 : R1VA : R1NA1 : 12 : EDV10889
 :VJXJ308 : R1NA1 : R1NA1 : 12 : EDV10889
 :VQ1R08 : R1VA : R1NA1 : 12 : EDV10889
 :VJXJ308 : R1NA1 : R1NA1 : 12 : EDV10889
 :VQ1R08 : R1VA : R1NA1 : 12 : EDV10889

CLAVERNIVR . DIRSAS . HERTI . FRATRV8 . ATIERSIR . POSTI . ACNV
 FARER . OPETER . P. III. AGRE . TLATIE . PIQVIER . MARTIER . ET . SESNA
 HOMONVS . DVIR . PVRI . FAR . EISCVRENT . OTE . A . VI . CLAVERNI
 DIRSANS . HERTI . FRAT^(a)ER . ATIERSIVR . SEHMENIER . DEQVRIER
 FELMNER . SORSER . POSTI . ACNV . VEF . X . CABRINER . VEF . V . PRETA
 TOCO . POSTRA . FAHE . ET . SESNA . OTE . A . VI . CASILOS . DIRSA . HERTI . FRATRV8
 ATIERSIR . POSTI . ACNV . FARER . OPETER . P. VI . AGRE . CASILER . PIQVIER
 MATIER . ET . SESNA . HOMONVS . DVIR . PVRI . FAR . EISCVRENT . OTE . A . VI
 CASILAT . E . DIRSANS . HERTI . FRATEER . ATIERSIVR . SEHMENIER . DEQVRIER^(a)
 FELMNER . SORSER . POSTI . ACNV . VEF . XV . CABRINER . VEF . VMS . ET
 SESNA . OTE . A . VI

(a) Duobus in locis videtur deleta litera ad corrigendam scripturam .

T A B U L A IV.

[illegible][illegible]

8YINLEDE : 4QD8 : 8VDB : 8VDY : VLE7 : 1V13 : 88VLEPDE8 : MNDPI:
TATVW : 88EDMDE8 : 8VLE : VJDA : V2TNV : 1V11 : 8VLE
YB6E : 31 : 2MINV : 8PLE : 2J7J :

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840.

[illegible][illegible]

T A B U L A V.

$\frac{1}{\sqrt{2}} \begin{pmatrix} 1 & i \\ 0 & 1 \end{pmatrix}$

258 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32
 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62
 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92
 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120
 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148
 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176
 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204
 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232
 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260
 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288
 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316
 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344
 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372
 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400
 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428
 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456
 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484
 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512
 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540
 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568
 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596
 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624
 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652
 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680
 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708
 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736
 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764
 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792
 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820
 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848
 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876
 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904
 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932
 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960
 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988
 989 990 991 992 993 994 995 996 997 998 999 1000 1001 1002 1003 1004 1005 1006 1007 1008 1009 1010 1011

T A B U L A V I.



PRE . VERIR . TESENOCIR . BVF . TRIF . FETVMARTE . CRABOVEI . OCRIPER . FISIVTOTAPER . IOVINA . ARVIO . FETV . VATVO . FERINE . FETVPONI
 FETV . TASES . PERSNIMV . PROSESETIR . FARSIO . FICLA . ARSVEITV . SVRVR . NARATV . PVSE . PRE . VERIR . TREBLANIR
 POST . VERIR . TESENOCIR . SIF . FI . LIV . TRIF . FETVFISO . SANSIE . OCRIFER . FISIV . TOTAPER . IOVINA . PONI . FEITV . PERSAE . FETV . ARVIO . FETV
 SVRVR . NARATV . PVSI . PRE . VERIR . TREBLANIR . TASES . PERSNIMV . MANDRACLO . DIFVE . DESTR . EHABITV . PROSESETIR . FICLA
 STRVSLA . ARSVEITV . APE . SOPO . POSTRO . PEPERSCVST . V . ESTISIAEFMEFASPEFA . SCALSIE . CONEGOS . FETV . FISOVI . SANSI
 OCRIPER . FISIV . TOTAPER . IOVINA . ESO . PERSNIMV . VESTISIA . VESTIS . TIO . SVBOCAV . SVBOCOFISOVISANSI . OCRIPER . FISIV
 TOTAPER . IOVINA . ERER . NOMNEPER . ERAR . NOMNEPER . FONS . SIR . PACER . SIR . OCRE . FISI . TOTE . IOVINE . ERER . NOMNE
 ERAR . NOMNE . ARSIE . TIOM . SVBOCAV . SVBOCO . FISOVI . SANSI . ASIER . FRITE . TIOM . SVBOCAV . SVBOCOFISOVI . SANSI . SVRONT
 PONI . PESNIMV . MEFASPEFA . ESO . PERSNIMV . FISOVIE . SANSIE . TIOM . ESA . MEFA . SPEFA . FISOVINA . OCRIPER . FISIVTOTAPER . IOVINA
 ERER . NOMNEPER . ERAR . NOMNEPER . FISOVIE . SANSIE . DITV . OCRIFISI . TOTE . IOVINE . OCRER . FISIE . TOTAR . IOVINAR . DVPVRSVS
 PETVRPVSVS . FATOFITO . PERNE . POSTNE . SEPSARSITE . VOV . SEAVIE . ESONE . FVTV . FONS . PACER . PASE . TVA . OCRE . FISI . TOTE . IOVINE
 ERER . NOMNE . ERAR . NOMNE . FISOVIE . SANSIE . SALVO . SERITV . OCREM . FISI . TOTAM . IOVINAM . FISOVIE . SANSIE . SALVOSERITV
 OCRER . FISI . ER . TOTAR . IOVINARNOME . NERF . ARSMO . VIRO . PEQVO . CASTRVO . FRIF . SALVA . SERITV . FVTV . FONS . PACER . PASE
 TVA . OCRE . FISI . TOTE . IOVINE . ERER . NOMNE . ERAR . NOMNE . FISOVIE . SANSIE . TIOM . ESA . MEFA . SPEFA . FISOVINA . OCRIPER . FISIV
 TOTAPER . IOVINA . ERERNOMNE . ERAR . NOMNEPER . FISOVIE . SANSIE . TIOM . SVBOCAV . FISOVIE . ERITE . TIOM . SVBOCAV . PESCLV
 SEMV . VESTICATV . ATRIPVRSATV . APE . EAM . PVR . DINSVSFPROSETO . ERVS . DITV . ENO . SCALSETO . VESTISIAR . ERVS . CONECOS
 FIRSTV . ENOMEFA . VESTISIASOPA . PVROME . EFVFATV . SVBRASPAHMY . ENO . SERSE . COMOLTV . COMATIR . PERSNIHIMV
 CAPIF . PVRDITA . DVPLA . AITV . SACRA . DVPLA . AITV
 PRE . VERIR . VEHIER . BVFTRIF . CALERSVFETV VOFIONE . GRABOVIE . OCRIPER . FISIV . TOTAPER . IOVINA . VATVOFERINE . FETV . HERIEVINV
 HERIE . PONI . FETV . ARVIO . FETV . TASES . PERSNIMV . PROSESETER . MEFA . SPEFA . FICLA . ARSVEITV . SVRONTNARATV . PVSI . PREVERIR
 TREBLANIR
 POST . VERIR . VEHIER . HABINA . TRIF . FETV . TEFREI . IOVI . OCRIPER . FISIV . TOTAPER . IOVINA . SERSE . FETV . PELSANA . FETV . ARVIO . FEITV . PONI
 FETV . TASIS . PESNIMV . PROSESETIR . STR . VSLA . FICLA . ARVEITV . SVRONT . NARATV . PVSE . VERISCO . TREBLANIR . APE . HABINA . PVR DINSVS
 ERONT . POI . HABINA . PVR DINSVS . DESTRVCO . PERSI . VESTISIA . ET . PESONDRO . SORSOM . FETV . CAPIRSE . PERSO . OSATV . EAM . MANI
 NERTRV . TENITV . ARNIPO . VESTISIA . VESTICOS . CAPIRSO . SVBOTV . ISEC . PERSTICO . ERVS . DITV . ESOC . PERSNIMV . VESTIS . TIOM
 SVBOCAV . SVBOCO . TEFRO . IOVIOCRIPER . FISIV . TOTAPER . IOVINA . ERER . NOMNEPER . ERAR . NOMNEPER . FONSIR . PACER . SI . OCRER . ISITOTE
 IOVINE . ERER . NOMNE . ERAR . NOMNE . ARSIE . TIOM . SVBOCAV . SVBOCO . TEFROIOVIARSIER . FRITETIOM . SVB . OCAVSVBOCO . TEFRO . IOVI . TEFRE
 IOVIE . TIOMESV . SORSVPERSONTRV . TEFRALI . PIHACLV . OCRIPER . FISIV . TOTAPER . IOVINA . ERER . NOMNEPER . ERAR . NOMNEPER . TEFRE
 IOVIE . ORER . OSE . PERSE . OCRE . FISIE . PIR . ORTO . EST . TOTE . IOVINE . ARSMOR . DERSECOR . SVBATOR . SENT . PVSI . NEIP . HERITV . TEFREIOVIE
 PERSETOVER . PESCLER . VASETOMESFPESETOMEST . PERETOMEST . PROSETOMES . DAETOMEST . TOVER . PESCLER . VIRSETO . AVIRSETO . VAS . EST
 TEFRE . IOVIE . PERSE . MERS . ESTESV SORSV . PERSONDRV . PIHACLV . PIHAFI . TEFRE . IOVIE . PIHATV . OCRE . FISI . TOTA . IOVINA . TEFRE . IOVIE . PIHATV
 OCRER . FISIER . TOTAR . IOVINAR . NOME . NERF . ARSMO . VIRO . PEQVO . CASTRVO . FRI . PIHATVFTV . FONS . PACER . PASE . TVA . OCRE . FISI . TOTE
 IOVINE . ERER . NOMNE . ERAR . MOMNE . TEFRE . IOVIE . SALVO . SERIT . VOCRE . FISI . TOTAM . IOVINAM . TEFRE . IOVIESALVOM . SERITV . OCRERFISIER
 TOTAR . IOVINAR . NOME . NERF . ARSMO . VIRO . PEQVOCASTRVOFRI . SALVA . SERITV . FVTV . FONS . ACER . PASE . TVAOCREFISI . TOTE . IOVINE . ERER
 NOMNE . ERAR . NOMNE . TEFRE . IOVIE . TIOM . ESV . SORSV . PERSONDRV . TEFRALI . PIHACLV . OCRIPER . FISIV . TOTAPER . IOVINA . ERER . NOMNEPER . ERAR
 NOMNEPER . TEFRE . IOVIE . TIOM . SVBOCAV . PESCLV . SEHEMV . ATROPVSATV
 PESONDRO . STAFAR . E . NERTRVCO . PERSI . FETV . SVRONT . CAPIRSE . PERSO . OSATV . SVROR . PERSNIMV . PVSESORSV . APEPESONDRO . PVRDINSVS
 PROSESETO . ERVS . DIRSTV ENOM . VESTISIAR SORSALIR . DESTRVCO . PERSI . PERSOME . ERVS . DIRSTVPVE . SORSO . PVRDINSVS . ENOM
 VESTISIAM . STAFIAREM . NERTRVCO . PERSI . SVRVONTERTVS DIRSTV . ENOM . PESONDRO . SORSALEM . PERSOME . PVE . PERSNIS . FVSTIEE
 ENDENDVPESATV . ENOM . PESONDRO . STAFIARE . PERSOME . PVE . PESNIS . FVS . IFE . ENDENDV . PELSATV . ENOM . VASO . PORSE . PESONDRISCO . HABVS
 SERSE . SVBRA . SPAHATVANDERVOMV . SERSITV . ARNIPO . COMATIR . PESNIS . FVSTSERSE PISHER . COMOLTV SERSE . COMATIR . PERSNIMV
 PVRDITO . FVST
 VOCVCOM . IOVIV . PONNE . OVI . FVRFANT . VITLV . TORV . TRIF . FETV . MARTE . HORSEFETV . POPLVPER . TOTAR . IOVINAR . TOTAPER . IOVINA . VATVO FERINE
 FETV . PONI . FETV . ARVIO . FETV . TASES . PERSNIMV . PROSESETIR . FASIO . FICLA . ARSVEITV . SVRONT . NARATV . PVSE . VERISCO . TREBLANIR
 VOCVCOM . COREDIER VITLV . TORV . TRIF . FETV . HONDE . SERFI . FETV . POPVPLER . TOTAR . IOVINAR . TOTAPER . IOVINAR . VATVE . FERINE . FETVARVIO
 FETVHERI . VINV . HERI . PONI . FETV . TASES . PERSNIMV . PROSESETIR . TESEDI . FICLMRSVEITV . SVRONI . NARATV . PVSE . VERISCO . TREBLANIR . ENOOCAR
 PIHOS . FVST . SVEPO . ESOME . ESONO . ANDER . VACOSE . VASETOME . FVST . AVIF . ASERIATVVEROFE . TREBLANOCOVERTV . RESTE . ESONO . FEITV
 PONE . POPLO . AFERO . HERIES . AVIF . ASERIATO . ETV . SVRVRO . STIPLATV . PVSI . OCRER . PIHANER . SVRVONT . COMBIFIATV . ERIRONT . TVDERVSAVIF
 SERITV . APE . ANGLA . COMBIFIANSIVST . PERCA . ARSMATIAM . ANOVHIMV . CRINCATROHATV . DESTRAMESCAPLA . ANOVHIMV . PIR . ENDENDVPONE
 ESONOMF . FERAR . PVFEPIR . ENTELVT . ERE . FERTV . POEPERCA . ARSMATIAM . HABIEST . ERHONT . ASO . DESTRE . ONSE . FERTV . ERVCOM . PRINVTATVRDVR
 ETVTO . PERCA . PONISIA . TER . HABITVTO . ENNOM . STIPLATV . PARFADESVA . SESO . TOTE . IOVINE . SVRVONT . COMBIFIATV . VAPEFE . AVIEGIV . NEIP
 AMBOLIV . PREPA . DESVA . COMBIFIANSI . APE . DESVA . COMBIFIANSIVST . VIA . AVIECLA . ESONOMEITVTO . COMPERACRIS . SACRIS . APEACESONIAME
 HEBETAPE . BENVST . ENOM . TERMNVCO . STAHITVTO . POI . PERCAM . ARSMATIA . HABIEST . ETVRSTAHMV . ESO . ETVRSTAHMV . PISEST . TOTAR
 TARSINATER . TRIFOR . TARSINATER . TVSCERNAHARCER . IABVSCER . NOMNER . FETV . EHESV . POPLV . NOSVE . IER . EHE . ESV . POPLVSOPIR . HABE
 FSME . POPLE . PORTATV . VLO . PVE . MERSEST . FETV . VRV . FIRSE MERSEST . TRIOPER . EHETVRSTAHMV . IFONT . TERMNVCO . COM . PRINVTATIR
 STAHITV . ENO . DEITV . ARIMAHAMO . CATERAHAMO . IOVINVK . ENOCOM . PRINVTATIR . PERAERIS . SACRIS . AMBRETVTOAPE . AMBREFVRENT
 TERNOME . BENVRENT . TERMNVCO . COM . PRINVTATIR ESO . PERSNIMVMO . TASETVR . SERFE . MARTIE . PRESTOTA . SERFIA . SERFER
 MARTIER . TVRSA . SERFIA . SERFER . MARTIER . TOTAM . TARSINATEMTRIFO . TARSINATEM . TVSCOM . NAHARCOM . IABVSCOM . NOME
 TOTAR . TARSINAT . ER . TRIFOR . TARSINATER . TVSCER . NAHARCER . IABVSCER . NOMNER . NERF . SIHITN . ANSIHITV . IOVIEHOSTATV
 ANHOSTATV . TVR SITV . TREMIT . VHONDV . HOLTV . NINCTV . NEPIV . SONITV . SAVITV . PREPLOTATV . PREVILATV
 SERFE . MARTIEPRESTOTA . SERFER . MARTIER . TVRSA . SERFIA . SERFER . MARTIER . FVTVTO . FONER . PACRER . PASE . VESTRA . POPLETOTAR . IOVINAR
 TOTE . IOVINE . ERO . NERV . SIHITIR . ANSIHITIR . IOVIES . HOSTATIR . ANOSTATIR . ERO . NOMNE . ERAR . NOMNE . APE . ESTE . DERSICVRENT . ENO
 DEITV . ETATO . IOVINVR . PORSE . PERCA . ARSMATIAHABIEST . APEESTE . DERSICVST . DVTI . AMBRETVTO . EVRONT . APE . TERMNOME
 COVORTVSO . SVRVONT . PESNIMVMO . SVRVONT . DEITV . ETAIANSDEITV . ENOM . TERTIM . AMBRETVTO . APE . TERMNOME . BENVSO
 SVRVONT . PESNIMVMO . SVRVONT . DEITV . ETAIAS . ENO . PRINVTATVR . SIMO . ETVTOERAFONT . VIA . PORA . BENVSO

ESTE . PERSCLO . AVEIS . ASERIATER . ENETV . PARFA . CVRNASE . DERSVA . PEICLV . PEICA . MERSTV . POEI . ANGLA . ASERIATO
EESTESO . TREMNV . SERSE . ARSFERT . VRE . EHVELTV . STIPL . OASERIAIA . PARFA . DERSVA . CVRNACO . DERSVA
DEICO . MERSTO . PEICA . MERST . A . MERSTA . AVVEI . MERST . A . ANGLA . ESONA . ARFERTVR . ESOANSTIPLATV
EF . ASERIO . PARFA . DERSVA . CVRNACO . DERSVA . PEICO . MERSTO . PEICA . MERSTA . MERSTA . AVEIF . MERSTAF
ANGLAF . ESONA . MEHE . TOTE . HIOVEINEESMEI . STAHMEI . STAHMEITEI . SERSI . PIRSI . SESVSTPOIANGLA
ASERIATO . EST . ERSE . NEIP . MUGATV . NEP . ARSIR . ANDERSISTV . NERSA . COVRTVST . PORSI . ANGLA . ANSERIATO
IVST . SVE . MVIETO . FVST . OTE . PISI . ARSIR . ANDERSESVPDISLERALINSVST
VERFALE . PVFE . ARSFERTVR . TREBEIT . OCRER . PEIHANER . ERSE . STAHMITO . ESO . TVDERATO . ESTANGLVTO
HONDOMV . PORSEI . NESIMEI . ASA . DEVEIA . EST . ANGL . OME . SOMO . PORSEI . NESIMEI . VAPER . SVS . AVIEHCLEIR
EST . EINEANGLVTO . SOMO . VAPEFEAVIEHCLV . TODCOMETVDER . ANGLVTO . HONDOMV . ASAME . DEVEIATODCOME
TVDER . EINE . TODCEIR . TVDERVS . SEIPODRVHPEI . SERITV


TVDEROR . TOTCOR . VAPERSVS . TOAVIECLIR . EBETRAFE . OOSERCLOME . PRESOLIAFE . NVRPHER . VASIRSLOME
SMVRSIME . TETTOME . MILETINAR . TERTIAME . PRACOPACATARVM . VAPERSVSTO . AVIECLIR . CARSOME
VESTISIER . RANDEME . RVFRER . TETTOME . NONIAR . TETTOMESALIER . CARSOME . HOIER . PERTOME . PADELLAR
HONDRA . ESTO . TVDERO . PORSEI . SVBRA . SCREHITOR . SENT . PARFA . DERSVA . CVRNACO . DERSVA . SERITV . SVBRA . ESTO
TVDERO . PEICO . MERSTO . PEICA . MERSTA . SERITV . SVE . ANGLAR . PROCANVRENT . ESO . TREMNV . SERSE
COMBIFIATV . ARSFERTVRO . NOMNE . CARSITV . PARFA . DERSVA . CVRNACO . DERSVA . PEICO . MERSTO . PEICA . MEERSTA
MERSTA . AVEIF . MERSTA . ANCLA . EESONA . TEFE . TOTE . HIOVINE . ESMEI . STAHMEI . STAHMEITEI . ESISCO . ESONEIR . SEVEIR
POPLER . ANFERENER . ET . OCRER . PIHANER . PERCA . ARSMATIA . HABITV . VASOR . VERISCO . TREBLANIR . PORSI . OCRER
PEHANER . PACA . OSTENSENDI . EO . ISO . OSTENDV . PVSI . PIR . PVRETO . CEHEFI . DIASVRVR . VERISCO . TESONOCIR . SVRVR
VERISCO . VEHIEIR

PRE . VERER . TREBLANEIR . IVVE . GARBOVEI . BVF . TREIF . FETV . ESO . NARATV . VESTEIS . TEIO . SVBOCAV . SVBOCO
DEIGRABOVI . OCRIPER . FISIV . TOTAPER . IOVINA . ERER . NOMNEPER . ERAR . NOMNEPER . FOSSEI . PACERSEI . OCRE . FISEI
TOTE . HIOVINE . ERER . NOMNE . ERAR . NOMNE . ARSIE . TIO . SVBOCAV . SVBOCO . DEI . GRABOVE . ARSIE . FRITE . TIO . SVBOCAV
SVBOCO . DEI . GRABOVE . DI . GRABOVIE . TIO . ESVBVE . PERACREIPIHACLV . CREPER . FISIV . TOTAPER . IOVINA . IRER . NOMNEPER
ERAR . NOMNEPER . DEI . GRABOVIE . ORER . OSE . PERSEI . OCREFISIE . PIR . ORTO . EST . TOTEME . IOVINE . ARSMOR . DERSECOR
SVBATOR . SENT . PVSEI . NEIP . ERITV . DEI . CRABOVIE . PERSEI . TVER . PERSCLER . VASETO . EST . PESETOMEST . PERETOMEST
FROSETOMEST . DAETOMEST . TVER . PERSCLER . VIRSETO . AVIRSETO . VAS . EST . DI . GRABO . VIE . PERSEI . MERSEI . ESV . BVE
PERACREI . PIHACLV . PIHAFI . DI . GRABOVIE . PIHATV . OCRE . FISEI . PIHATV . TOTA . IOVINA . DI . GRABOVIE . PIHATV . OCRER
FISIER . TOTAR . IOVINAR . NOME . NERF . ARSMO . VEIROPEQVO . CASTRVO . FRI . PIHATV . FVTV . FOS . PACER . PASE . TVA . OCREFISI
TOTE . HIOVINE . ERER . NOMNE . ERAR . NOMNE . DI . GRABOVIE . SALVO . SERITV . OCRE . FISI . SALVA . CERITV . TOTA . IOVINA . DI
GRABOVIE . SALVO . SERITV . OCRER . FISIER . TOTAR . IOVINAR . NOME . NERF . ARSMO . VEIRO . PEQVO . CASTRVO . ERI . SALVA
SERITV . FVTV . FOS . PACER . PASE . TVA . OCRE . FISI . TOTE . IOVINE . ERER . NOMNE . ERAR . NOMNE . DI . GRABOVIE . TIOESV . BVE
PERACRI . PIHACLV . OCREPER . FISIV . TOTAPER . IOVINA . ERER . NOMNEPER . ERAR . NOMNEPER . DI . GRABOVIE . TIOSVBOCAV
DI . GRABOVIE . TIOESV . BVE . PERACRI . PIHACLVETVR . OCREPER . FISIV . TOTAPER . IOVINA . ERER . NOMNEPER . ERAR . NOMNEPER . DI
GRABOVIE . ORER . OSE . PERSEI . OCRE . FISEI . PIR . ORTOEST . TOTE . IOVINE . ARSMOR . DERSECOR . SVBATOR . SENT . PVSEI . NEIP
HEREITV . DI . GRABOVIE . PERSI . TVER . PERSCLER . VASETOM . EST . PESETOMEST . PERETOMEST . FROSETOMEST . DAETOMEST . TVER
PERSCLER . VIRSETO . AVIRSETO . VAS . EST . DI . GRABOVIE . PERSI . MERSI . ESV . BVE . PERACRI . PIHACLV . ETRV . PIHAFI . DI . GRABOVIE
PIHATV . OCRE . FISI . PIHATV . TOTA . IOVINA . DI . GRABOVIE . PIHATV . OCRER . FISIER . TOTAR . IOVINAR . NOME . NERF . ARSMO . VEIRO
PEQVOC . ASTRVO . FR . I . PIHATV . FVTV . FOS . PACER . PASE . TVA . OCRE . FISEI . TOTE . HIOVINE . ERER . NOMNE . ERAR . NOMNE . DI
GRABOVIE . SALVO . SERITV . OCREFISIM . SALVA . SERITV . TOTAM . IOVINA . DI . GRABOVIE . SALVOM . SERITV . OCRER . FISIER . TOTAR
IOVINAR . NOME . NERF . ARSMO . VIRO . PEQVO . CASTRVOERIF . SALVVA . SERITV . FVTV . FONS . PACER . PASE . TVVA . OCRE . FISI . TOTE
HIOVINE . ERER . NOMNE . ERAR . NOMNE . DI . GRABOVIE . TIOMESSVBVE . PERACRI . PIHACLV . ETRV . OCRIPER . FISSIV . TOTAPER . IOVINA . ERER
NOMNEPER . ERAR . NOMNEPER . DI . GRABOVIE . TIOM . SVBOCAV

DI . GRABOVIE . TIOMESSVBVE . PERACRI . PIHACLV . T . ERTIV . OCRIPER . FISIV . TOTAPER . IOVINA . ERER . NOMNEPER . ERAR . NOMNEPER . DI
GRABOVIEORER . OSE . PIRSEOCREM . FISIEMPIR . ORTOM . EST . TOTEME . IOVINEM . ARSMOR . DERSECOR . SVBATORSENT . PVSI . NEIP
HERITV . DI . GRABOVIE . PERSETVER . PESCLER . VASETOMEST . PESETOM . EST . PERETOM . EST . FROSETOM . EST . DAETOM . EST . TVER
PESCLER . VIRSETO . AVIRSETO . VASEST . DI . GRABOVIE . PIRSI . MERSI . ESV . BVE . PERACRI . PIHACLVETERTIV . PIHAFI . DI . GRABOVIE
PIHATV . OCREM . FISIM . PIHATV . TOTAM . IOVINAM . DI . GRABOVIE . PIHATV . OCRER . FISIER . TOTAR . IOVINAR . NOME . NERFASMO
VIRO . PEQ . VO . CASTRVO . FRI . PIHATV . FVTV . FONS . PACER . PASE . TVA . OCRE . FISITOTE . HIOVINE . ERER . NOMNE . ERAR . NOMNE . DI
GRABOVIE . SALVO . SERITV . OCREM . FISIM . SALVAM . SERITV . TOTAM . IOVINAM . DI . GRABOVIE . SALVOM . SERITV . OCRER . FISIER
TOTAR . IOVINAR . NOME . NERF . ARSMO . VIRO . PEQ . VO . CASTRVO . FRIF . SALVA . SERITV . FVTV . FONS . PACER . PASE . TVA . OCREFISI
TOTE . HIOVINE . ERER . NOMNE . ERAR . NOMNE . DI . GRABOVIE . TIOM . ESV . BVE . PERACRI . PIHACLV . TERTIV . OCRIPER . FISIV . TOTAPER
IOVINA . ERER . NOMNEPER . ERAR . NOMNEPER . DI . GRABOVIE . TIO . COMOHOTA . TRIBRISINE . BVO . PERACNIO . PIHACLO
OCRIPER . FISIV . TOTAPER . IOVINA . ERER . NOMNEPER . ERAR . NOMNEPER . DI . GRABOVIE . TIOM . SVBOCAV . TASES . PERSNIMV
SEVOM . SVRVR . PVDROVITV . PROSESETO . NARATV . PROSESETIR . MEFA . SPEFA . FICLA . ARSVEITV . ARVIO . FETV . ESTE
ESONO . HERI . VINV . HERI . PONI . FETV . VATVO . FERINE . FETV

POST . VERIR . TREBLANIR . SI . COMIA . TRIF . FETV . TREBO . IOVIE . OCRIPER . FISIV . TOTAPER . IOVINA . PERSAE . FETV . ARVIO . FETV
PONE . FETV . TASES . PERSNIMV . SVRVR . NARATV . PVSEPRE . VERIR . TREBLANIR . PROSESETIR . STRVSLA . FICLA . ARSVEITV

T A B U L A VII.



SVRVONT . PESNIMVMO . SVRVONT . DEITV . ETAIAS . ENO . PRINVATVR . SIMO . ETVTO . ERAFONT . VIA . FORA
 BENVSO
 FONDIRE . ABROF . TRIF . FETV . HERIEI . ROFV . HERIEI . PEIV . SERFE . MARTIE . FEITV . POPLVPER . TOTAR . IOVINAR . TOTAPER
 IOVINA . VATVO . FERINE . FEITV . PONI . FETV . ARVIO . FETV . TASES . PERSNIMV . PROSESETIRMEFA . SPEFA . FICLA . ARSVEITV
 SVRONT . NARATV . PVSE . VERISCO . TREBLANIR . APE . TRAHA . SAHATA . COMBIFIANSVST . ENOM . ERVS . DIRSTV
 RVBINE . PORCA . TRIF . ROFA . OTE . PEIA . FETV . PRESTOTE . SERFIE . SERFER . MARTIER . POPLVPER . TOTAR . IOVINAR . TOTAPER
 IOVINA . PERSAIA . FETV . PONI . FETV . ARVIO . FETV . SVRONT . NARATV . PVSI . PRE . VERIR . TREBLANIR . TASES . PERSNIMV
 PROSESETIR . STRVSLA . FICLA . ARSVEITV . APE . SVPO . POSTRO . PEPESECVS . ENOM . PESCLV . RVSEME . VESTICATV . PRESTOTE . SERFIE
 SERFER . MARTIER . POPLVPER . TOTAR . IOVINAR . TOTAPER . IOVINA . ENOM . VESCLIR . ADRI . RVSEME . ESO . PERSNIHIMV . PRESTOTA
 SERFIA . SERFER . MARTIER . TIOM . ESIR . VESCLIR . ADRI . POPLVPER . TOTAR . IOVINAR . TOTAPER . IOVINA . ERER . NOMNEPER
 ERAR . NOMNEPER . PRESTOTA . SEREIA . . SERFER . MARTIER . PREVENDV . VIA . ECLA . ATERO . TOTE . TARSINATE . TRIFO . TARSINATE
 TVRSCE . NAHARCE . IABVSC . NOMNE . TOTAR . TARSINATER . TRIFOR . TARSINATER . TVSCER . NAHARCE . IABVSCER . NOMNER
 NERV . SITIR . ANSIHITIR . IOVIES . HOSTATIR . ANOSTATIR . ERO . NOMNE . PRESTOTA . SERFIA . SERFER . MARTIER . FVTV . FONS
 PACER . PASE . TVA . POPL . TOTAR . IOVINAR . TOTE . IOVINE . EROM . NOMNE . ERAR . ^{NOMNE . ERAR} NERV . SIHITIR . ANSIHITIR . IOVIES
 HOSTATIR . ANOSTATIR . PRESTOTA . SERFIA . SERFER . MARTIER . SALVOM . SERITV . POPLOM . TOTAR . IOVINAR . SALVA . SERITV
 TOTAM . IOVINAM . PRESTOTA . SERFIA . SERFER . MARTIER . SALVO . SERITV . POPLER . TOTAR . IOVINAR . TOTAR . IOVINAR
 NOME . NERF . ARSMO . VIRO . PEQVO . CASTRVO . FIF . SALVASERITV . FVTV . FONS . PACER . PASE . TVA . POPL . TOTAR . IOVINAR
 TOTE . IOVINE . ERER . NOMNE . ERAR . NOMNE . PRESTOTA . SERFIA . SERFER . MARTIER . TIOM . ESIR . VESCLIR . ADRI . POPLVPER
 TOTAR . IOVINAR . TOTAPER . IOVINA . ERER . NOMNEPER . ERAR . NOMNEPER . PRESTOTA . SERFIA . SERFER . MARTIER . TIOM
 SVBOCAVV . PRESTOTAR . SERFIAR . SERFER . MARTIER . FONER . FRITE . TIOM . SVBOCAVV . ENOM . PERSCLV . ESO . DEITV
 PRESTOTA . SERFIA . SERFER . MARTIER . TIOM . ISIR . VESCLIR . ADRI . TIOM . PLENER . POPLVPER . TOTAR . IOVINAR . TOTAPER
 IOVINA . ERER . NOMNEPER . ERAR . NOMNEPER . PRESTOTA . SERFIAR . SERFER . MARTIER . TIOM . SVBOCAVV . PRESTOTAR
 SERFIAR . SERFER . MARTIER . FONER . FRITE . TIOM . SVBOCAVV . ENOM . VESTICATV . AHATIPVRSATV . ENOM . RVSEME
 PERSCLV . VESTICATV . PRESTOTE . SERFIE . SERFER . MARTIER . POPLVPER . TOTAR . IOVINAR . TOTAPER . IOVINA . ENOM . VESCLIR
 ALFIR . PERSNIMV . SVPERNE . ADRO . TRAHVORFI . ANDENDV . ESO . PERSNIMV . PRESTOTA . SERFIA . SERFER . MARTIER . TIOM
 ESIR . VESCLIR . ALFIR . POPLVPER . TOTAR . IOVINAR . TOTAPER . IOVINA . ERER . NOMNEPER . ERAR . NOMNEPER . PRESTOTA
 SERFIA . SERFER . MARTIER . AHAVENDV . VIA . ECLA . ATERO . POPL . TOTAR . IOVINAR . TOTE . IOVINE . POPLER . TOTAR . IOVINAR
 TOTAR . IOVINAR . NERV . SIHITIR . ANSIHITIR . IOVIES . HOSTATIR . ANHOSTATIR . ERO . NOMNE . ERAR . NOMNE . PRESTOTA . SERFIA
 SERFER . MARTIER . SALVOM . SERITV . POPL . TOTAR . IOVINAR . SALVA . SERITV . TOTAM . IOVINAM . PRESTOTA . SERFIA . SERFER
 MARTIER . SALVOM . SERITV . POPLER . TOTAR . IOVINAR . TOTAR . IOVINAR . NOME . NERF . ARSMO . VIRO . PEQVO . CASTRVO . FRIF
 SALVA . SERITV . FVTV . FONS . PACER . PASE . TVA . POPL . TOTAR . IOVINAR . TOTE . IOVINE . ERER . NOMNE . ERAR . NOMNE . PRESTOTA
 SERFIA . SERFER . MARTIER . TIOM . ESIR . VESCLIR . ALFER . POPLVPER . TOTAR . IOVINAR . TOTAPER . IOVINA . ERER . NOMNEPER . ERAR
 NOMNEPER . PRESTOTA . SERFIA . SERFER . MARTIER . TIOM . SVBOCAVV . PRESTOTAR . SERFIAR . SERFER . MARTIER . FONER . FRITE . TIOM
 SABOCAVV . ENOM . PERSCLV . ESO . PERSNIMV . PRESTOTA . SERFIA . SERFER . MARTIER . TIOM . ISIR . VESCLIR . ALFER . TIOM . PLENER
 POPLVPER . TOTAR . IOVINAR . TOTAPER . IOVINA . ERER . NOMNEPER . ERAR . NOMNEPER . PRESTOTA . SERFIA . SERFER . MARTIER . TIOM
 SVBOCAVV . PRESTOTAR . SERFIAR . SERFER . MARTIER . FONER . FRITE . TIOM . SVBOCAVV . ENOM . VESTICATV . AHATIPVRSATV
 VESTISA . ET . MEFA . SPEFA . SCALSIE . CONECOS . FEIV . FISOVI . SANSII . POPLVPER . TOTAR . IOVINAR . TOTAPER . IOVINA . SVRONT
 NARATV . PVSE . POST . VERIR . TESONOCIR . VESTISAR . ERVS . DITV . ENNO . VESTISIA . MEFA . SPEFA . SOPAM . PVROME . EFVRATV
 SVBRA . SPAHAMV . TRAF . SAHATAM . ETV . APE . TRAHA . SAHATA . COVORTVS . ENOM . COMOLTV . COMATIR . PERSNIHIMV . CAPIF
 SACRA . AITV
 TRAHAF . SAHA . TE . VITLA . TRIF . FEETV . TVRSE . SERFIE . SERFER . MARTIER . POPLVPER . TOTAR . IOVINAR . TOTAPER . IOVINA . PERSAEA . FETV . PONI
 FETV . ARVIO . FETV . TASES . PERSNIMV . PROSESETIR . STRVSLA . FICLAM . ARSVEITV . SVRONT . NARATV . PVSE . VERISCO . TREBLANEIR . APE
 PVRDINSIVST . CARSITV . PVFE . ABRONS . FACVRENT . PVSE . ERVS . DERSA . APE . FRVS . DIRSVST . POSTRO . COMBIFIATV . RVBINAME . ERVS
 DERSA . ENEM . TRAHA . SAHATAM . COMBIFIATV . ERVS . DERSA . ENEM . RVBINAME . POSTRO . COVERTV . COMOLTV . COMATIR . PERSNIMV . ET
 CAPIF . SACRA . AITV . ENOM . TRAHA . SAHATAM . COVERTV . COMOLTV . COMATIR . PERSNIHIMV . ENOM . PVRDITOM . FVST
 POSTERTIO . PANE . POPL . ANDIRSAFVST . PORSE . PERCA . ARSMATIA . HABIEST . ET . PRINVATVR . DVR . TEFRVTO . TVRSAR . ESO . TASETVR
 PERSNIHIMVMO . TVRSA . IOVIA . TOTAM . TARSINATEM . TRIFO . TARSINATEM . TVSCOM . NAHARCOM . IAPVSCO . NOME . TOTAR
 TARSINATER . TRIFOR . TARSINATER . TVSCER . NAHARCE . IAPVSCER . NOMNER . NERF . SIHITV . ANSIHITV . IOVIE . HOSTATV . ANOSTATV
 TVRSITV . TREMITV . HONDV . HOLTV . NINCTV . NEPIV . SVNITV . SAVITV . PREPLO . HOTATV . PREVISLATV . TVRSA . IOVIA . FVTV . FONS
 PACER . PASE . TVA . POPL . TOTAR . IOVINAR . TOTE . IOVINE . ERAR . NERV . SIHITIR . ANSIHITIR . IOVIES . HOSTATIR . ANHOSTATIR . EROM
 NOMNE . ERAR . NOMNE . ESTE . TRIOPER . DEITV . ENOM . IVENGA . PERACRIO . TVRSITVTO . PORSE . PERCA . ARSMATIA . HABIEST . ET
 PRINVATVR . HONDRA . FVRO . SEHEMENIAR . HATVTO . TOTAR . PISI . HERIEST . PAFE . TRIF . PROMOM . HABVRENT . EAF . ACERSONIEM
 FETV . TVRSE . IOVIE . POPLVPER . TOTAR . IOVINAR . TOTAPER . IOVINA . SVRONT . NARATV . PVSE . VERISCO . TREBLANIR . ARVIO . FETV
 PERSAEA . FETV . STRVSLA . FICLA . PROSESETIR . ARSVEITV . TASES . PERSNIMV . PONI . FETV

JUN 5 1941

0 0 0 0

PISI . PANVPEIFRATREXS . FRATRVSATIERIER . IVSTEREC . SVESO . FRATRECA . PORTAIA . SEVACNE . FRATROM
ATIERCIO . DESENDVF . PIFI . REPER . FRATRECA . PARSEST . EROM . EHIATO . PONNE . IVENGAR . TVRSIANDV . HERTEI
APPEI . ARFERTVR . ATIERCIR . POPLOM . ANDERSAFVST . SVE . NEIP . PORTVST . ISSOC . PVSEI . SVBRA . SCREHTO . EST
FRATRECIMOTAR . SINS . AN . A . GCC



Tab. XVII.

Tem I pag 92



Ex Acie Alta Ped Rom II Vic VIII Lenon Ped III Florentur In Musae Maduco
3170 MHI Littere In Tibia 2

Reperita Arvety; An 1554. dum adfignatur Arx et hys concurrentur
Vglut. Wit Tem I pag 170



Ex Aere In Museo Mediceo Alt. Vni. V.



*Signum æreum Florentiae in Museo
Nob. de Bonarrotij*



*Signum æreum Romae in Museo Carpi,
Repertum in ditione Carpineae*

Magmenta. Arnob. libr. 7. farcimen ex pulmonibus.

Augmina. Arnob. libr. 7. quod quid sit, quærat, & forte Etruscum non est, nec pleraque ex his alia. Viderint eruditi, mihi aqua hæret.

Sunt quædam etiam voces, quas sine ullo auctore Tuscas esse comminiscitur Annius Viterbiensis, quæ etiam a me hic ponuntur, non quod aliquam illis auctoritatem tribui velim, sed ut incruditi hominis stulta & nihil profutura diligentia vilipendatur.

Bagios. Padua. Apud quem? Anni illiteratissime. Plinius quidem libr. 3. cap. 16. ait *Bodincus* Gallicam esse vocem, & significare *Padum*. Ita tibi urbs fluvius est, & Galli Etrusci.

Picena. Ancona. Non pudet analphabetum hunc incitæ suæ? cum tota regio *Picenum* dicatur, sitque non adeo vetustum nomen, & a *pica*, quæ cum ejus regionis habitatores a *Sabinis* illic properarent, in eorum vexillo coniecit, atque hac de causa *Picenus* nomen accepit; ut ait Paulus Varnefridus libr. 2. de Gest. Longobardor. cap. 19. Ecce nomen nec vetustum, & Latine originis. Vade impudens, & tui similes falle.

Larinum. metropolis. Anni, quid audes sine auctore *Larinum* nobis obtrudere?

Laro. princeps. quia ab aliquo docto percipere potuisses, Reges Etruscos *Lartbes* olim dictos, inde *Caracethes* tibi portentosa fingendi.

Sagi. expiatores: Ubi loci? (1)

Certum sane ex his, lingua propria, nec Romanis intellecta usos Tuscos: ipsique etiam Romani sæpe sermonem patrum mutaverunt, sumptisque aliunde dictionibus ditaverunt; quod a Grammaticis vetustis notatum prætereo, contentus unico Q. Horatii loco in Arte Poëtica:

..... ego cur acquirere pauca
Si possum, invideor? cum lingua Catonis, & Enni
Sermonem patrum ditaverit, & nova rerum
Nomina protulerit?

Fest. libr. 10. in voce *Larne* consulatur, egregia enim habet.

(1) His addi possunt quædam vocabula Tyrrhenorum, seu Tuscorum, quæ ex Hesychio affert Bochartus. Ἀγαλλήτορα, Puer. Δία, Dea Rhea. Αὐγήλας, Aurora Ἀΐλας, Aquila. Ἀΐρακας, accipiter Γρίς, Grus. Γάπας, Vehiculum Βυῖρος, cantharus, poculi genus. Ἀΐταιον, vitis arbutiva, ex aliis auctoribus. Ἰταλός, Taurus Apoll. libr. 2 Tzetz. ad Lycophron & Chil Ποσλάνιον, ferrum aut aes ex Ilia, Aristotel. Μίραβ. Νῆν, hoc est πλανήτης, Ulyxis nomen apud Tyrrhenos. Τζετζες in Lycophron. Καμίλλος, Mercurius, Servius, Macrobius.

*Etrusco sermone usi quatuor populi, & ob id quadruplex
ejus dialectus, Osca, Rhetica, Umbrica,
& Phalisca.*

CAP. XXI.

Etruscam hanc linguam in varias divisam species, pro ratione populorum huic regno subsectorum, jam expediam. Ac primum *Osca linguam* hujus esse dialectum, primus, quod sciam, observo. Fest. libr. 13. Eodem etiam nomine (*Osca*) appellatur locus in agro *Veienti*, quo frui soliti produntur augures *Romani*. Ita ille; unde liquido constat, eosdem esse & *Veientes*, & *Oscos*, qui prius *Opisci* dicebantur. Verrius Flaccus Ennio teste:

... de muris rem gerit *Opiscus*.

Antiquissimum fuisse populum, & suo ævo jam deletum, superflite tamen sermone, tradit Strabo libr. 5. pag. 161. Ἰδιον δὲ τι τοῖς Ὀσκοῖς, καὶ τῶ τῶν Ἀυσονίων ἔθνεϊ συμβέβηκε, τῶν μὲν γὰρ Ὀσκων ἐμλεοιπτότων, ἡ δὲ ἀλεκτος μένει παρὰ τοῖς Ῥωμαίοις. *Peculiare quiddam Oscis & Ausonibus usu venit; nam cum Oscorum gens interierit, sermo eorum apud Romanos restat.* Diserte dixit, linguam superesse; an eandem cum Latina? an diversam? diversam sane, & ad fabulas quasdam scænicas accommodatam docet ibidem Strabo, & ego, ubi de ludis, repeto: & manifeste evincit Titinnii vetustissimi Poëtæ versus fab. 5.

*Qui Osce, & Volsce fabulantur, nam
Latine nesciunt.*

Ex hac etiam quædam vocabula adscribam, fidem factura, quantum a Latino sermone hic distaret.

Casnar, Senex, *Oscorum* lingua. Festus.

Dalivus, Insanus. Santra apud Festum libr. 4. ita glossæ veteres Latino-Græcæ, *Davum* ἄφρονος, & item *Davus* ἄφρων, ἄπειρος.

Famel, Servus. libr. 6. *Famuli origo ab Oscis dependet, apud quos famel servus nominabatur, unde & familia vocata.*

Mamers, Mars. Fest. libr. 11.

Meddix, Magistratus. Fest. libr. 11. Q. Ennius.

Summus ibi capitur Meddix, occiditur alter.

Mamercus, prænomen. Fest. libr. 11. ex Alfio Historico.

Multa, pœna. Fest. libr. 11. ex M. Varrone libr. 1. Epistolicar. quæstion. Vide L. 131. ff. Verbor. significat.

Medixtutibus, Campanus Magistratus. T. Liv. 3. Decad. libr. 4. & alii. In quibusdam editionibus habetur *Medixtuticus*.

Mesius, Mensis Majus. Fest. libr. 11.

Pe-

Petora, quatuor. Fest. libr. 14. & abbreviator ipsius, aut verius detruncator Paulus. Inde *Petorium*, currus quatuor rotarum. Heli-nius Acron ad Horat. libr. 2. Epist. 1. ait *vehiculum esse famularum captivarum*; at Porphyrio: *Vehiculum, quo vehitur familia Regum*. Idem ad Sat. 6. libr. 1. *vulgo carrum dicitur*. Acron ibidem: *Alii carpenta, nonnulli intelligunt carrucas*. Metellus Tegeerfantis Monachus in Quirinalibus.

Ibant in theatrum data

Auro largifui munera Caesaris:

Carrucas ibi gemmeas

Thraces regis equi abripiunt feri.

Errat itaque A. Gellius, qui Valerio Probo scribente ditionem esse Græcam, ipse ex Varrone libr. 14. Ret. Divinar. voluit esse Gallicæ originis libr. 15. cap. 30. cum sit Osca vox, ut jam dictum est, ibidem apud Gellium vitiose scriptum *petorritum*, nam *petorritum*, sive *petorium* dici debet. Horat. libr. 2. Epist.

Ejseda festinant, pileata, pitorita, naves

Et libr. 1. Sat. 6.

..... ducenda petorita

D. Auson. Epist. 1.

Cornipedes rapiant imposita petorita mule.

Et Epist. 14

..... male nota petorita vites.

Pipatio, clamor plorantis. Fest. libr. 14.

Pipit, quicquid. Fest. libr. 14.

Sollum, Solidum, totum. Fest. libr. 17. C. Lucilius Satyr.

Suasæ quoque omnino dirimit non solla dupondi

Sollicuria, in omni re curiosa, ita enim Fest. libr. 17. legendus; male, in omni re curiora.

Solliferreum, teli genus, totum ferreum. Livius apud Festum eod. libr. A. Gell. libr. 10. cap. 25.

Sollers, in omni re prudens. Fest. libr. 17.

Sollemne, quod omnibus annis præstari debet. Fest. libr. 17.

Supparus, veli genus. Varro libr. 4. Ling. Lat.

Veja, plaustrum. Fest. libr. 19.

Ungulus, annulus. Fest. libr. 19.

Utebantur hac lingua tota Campania, Brutia, Salentini. Fest. libr. 2. in voce *bilingues*. Porphyrio ad illud Horatii:

..... Canusini more bilinguis.

Eratque lingua Latina ex aliis mixta. Plut. Romulo, & in Numa pag. 64. & in Marcello. pag. 302.

Etruscæ linguæ secunda species est Rhetica, de qua nihil. Vide Paulum Marulam. Rhetos enim esse Tuscorum prolem, abundantissime habes supra hoc libro cap. 9.

Ter-

Tertia species est *Umbrica*. cujus vox est *Sirebula*. Hostiarum coxendices. Plautus in *Frivolaria*, quæ perit. Fest. libr. 17.

Denique dialectus ultima est *Falisca*, quæ, uti infra dicitur, a gente potentissima nomen habet. Ex ea quoque vocabula nonnulla hæc sunt.

Triatrus, tertium Iduum. Fest. libr. 18.

Sexatrus, Sextum Iduum. Fest. libr. 17.

Septenatrus, Septimum Iduum. Fest. libr. 17.

Decimatrus, post diem decimum Iduum. Fest. libr. 4.

Strupparia, dies festus. Ateii Philologi verba sunt: *Strupus est, quod Græce σπρίον vocatur, & quod Sacerdotes pro insigni habent in capite. Quidam coronam esse dicunt, aut quod pro corona insigne in caput imponatur, quale sit strophium; itaque apud Faliscos diem festum esse, qui vocatur Struppearia, quia coronati ambulent. Hæc lingua per Romanos sublata, Latina inducta, ut ex Poëtæ incerti verbis liquet, quæ vide hoc libr. cap. 1.*

*Quæ decus antiqua longo post tempore lingue
Auxilii male grata mei, male grata laborum
Abstulit.*

Ac de lingua quidem, & literis Etruscis, quod diversæ fuerint a Romana, probant, præter ea, quæ superiori capite sunt dicta, loca hæc T. Livii 1. Decad. libr. 1. in rebus Tulli: *Tullus &c. redire in prælium jubet: nihil trepidatione opus esse: suo jussu circumduci Albanum exercitum, ut Fidenatium nuda terga invadat. Idem imperat, ut hastas equites erigere jubeat: id factum magnæ parti peditum Romanorum conspectum abeuntis Albani exercitus intersepsit: qui viderant id, quod a Rege auditum erat, rati, eo acrius pugnant: terror ad hostes transit; & audierant clara voce dictum, & magna pars Fidenatium, ut qui coloni additi Romanis essent, Latine sciebant. Ecce Etruscos Fidenates narrat, plerisque saltem, Latine scire, argumento claro non omnes. Et sane docebantur Romani literas hæc Etruscas, non minus, quam nunc Græcam Latinamque linguas in omnibus Europæ provinciis pueri discimus. Doceo ex eodem T. Livio 1. Decad. libr. 9. *Tum ex iis, qui aderant, Consul frater, M. Fabium, Cæsonem alii, C. Claudium quidam, matre eadem qua Cos. genitum tradunt, speculatum se iturum est profectus, brevique omnia certa allaturum. Cære educatus apud hospites, Etruscis inde literis eruditus erat, linguamque Etruscam probe noverat. Habeo auctores, vulgo tum Romanos pueros, sicut nunc Græcis, ita tunc Etruscis literis erudiri solitos. Sed propius est vero, præcipuum aliquid fuisse in eo, qui se tam audaci simulatione hostibus immiscuerit. Servus ei dicitur unus comes fuisse, nutritus una, eoque haud ignarus linguae ejusdem. Nec quicquam aliud proficiscentes, quam summatim regionis, quæ intranda erat, naturam, ac nomina principum in populis exceperere, ne qua inter colloquia insigni nota hesitantes, deprehendi possent. Iere pastorelli habitu, agrestibus telis, falcibus gessisque binis armati. Sed neque**

commercium lingua, nec vestis armorumque habitus sic eos texit. Dionys. Halicarnass. libr. 3. pag. 184. Καὶ παιδείας ἀμφοτέρως Ἑλληνικῆς καὶ Τυρρηνικῆς παιδείας. *Utrumque instituit Græcis, atque Etruscis disciplinis.* Ugolin. Verinus libr. 3. Illustrat. Urbis Florentiæ. pag. 35.

*Elfa fuit multis, ut Gbinis, Ponnia sedes,
Ponnia Tuscorum statio celeberrima quondam,
Marmora Tyrrhenis testantur sculpta figuris,
Quæ nunc agricolæ posuere sedilia prælis,
Obruta ruderibus testudo inclusa tegebat,
Temporibus nostris reclusa, & cognita nullis
Litera, quippe notis sculptor signarat Etruscis.*

Hæc lingua antiqua, & populi periere vetusti.

Plurimi est testimonium Plutarchi in Problemat. Romanis pag. 269. quem consule, nam mihi non est ad manum. Errat Isidorus libr. 9. Etymologiar. cap. 1. qui priscam linguam Latinam eam vult fuisse, qua usi sub Saturno, & Jano, Latinam vero eam ait esse, quam sub Latino, & regibus Tusciæ loquebantur, ex qua fuerunt duodecim tabule scriptæ. Quasi vero eadem fuerit lingua, qua Reges Etruriæ, ac Romani uterentur, aut quasi Etrusco idiomate duodecim tabulæ sint scriptæ; docent falsissima esse illa, quæ & superiori capite, & isto a me sunt dicta: neque eget veritas ampliori probatione; sed in aliis plerisque solemne ei scriptori, quamquam sancto, & in disciplinis diligenti, circa res has errare: quod non tam illi, quam barbaro, quo vivebat, seculo imputandum.

Etruscorum politia vetustissima, ac primum singularis eorum peregrinos affectus prosequentium.

CAP. XXII.

Heraclides Ponticus, gravis & antiquus Scriptor, Aristotelis condiscipulus, Platonis auditor, Etruscæ Politicæ quatuor omnino capita recenset aureo illo libro de Politicis, ac primum καὶ τὸς καταλύοντας ξένους φιλέειν. *peregrinos ad se divertentes quovis officio prosequuntur.* Confirmatque Athenæus libr. 3. pag. 123., cuius verba, quia mihi non ad manum, tu consule: & libr. 10. pag. 700. Quod præclarissimum humanitatis argumentum non tam veteres illi Etrusci observabant, quam hodierni studiose colunt: a quibus divitibus peregrinis honor, quantus nullibi terrarum, defertur: pauperibus large commeatus suppeditatur, ut jure mihi dicturus videar, sine ullius assentationis suspicione, in sola Etruria expedire advenam esse. Et sane, sive aula modesta illa, & suo domino simil-

simillima, spectetur, Palatini hic plerique alienigenæ: sive præsidia, regnique munimenta intuearis, primos pilos exteri gerunt: sive largissimis impentis, & singulari liberalitate Musarum adyta, Acaëdemiæque lustres, hic Galli, Hispani, Allobroges, Græci, Scoti primarias tenent, Italæ permixti, cathedras, sine ulla æmulatione, nisi quæ a virtute proficiscatur, & ad Serenissimi Domini obsequium, communemque juventutis numerosæ profectum tendat. Hoc illud est, quod audio lubens apud L. Apulejum libr. 1. Apologiæ: *Non ubi prognatus, sed uti moratus quisque sit spectandum: nec qua regione, sed qua ratione vitam inierit, considerandum est: olivæ & cauponi merito est concessum, olus & vinum ex nobilitate soli commendare, vinum Thasiæ, olus Phtiasum, quippe illa terra alumna multum ad meliorem saporem juverit, & regio fecunda, & celum pluvium, & ventus clemens, & sol apricus, & solum succidum; enimvero animo hominis extrinsecus in hospitium corporis immigranti, quid ex illis addi vel minui ad virtutem vel malitiam potest? quando non in omnibus gentibus varia ingenia provenire?* Unde aurea illa commendatio apud Claudianum libr. 2. de laudib. Stilicon.

..... non obruta virtus
 Paupertate latet, lectos ex omnibus oris
 Evebis, & nunquam meriti cunabula queris,
 Et qualis, non unde satis, sub teste benigno
 Virgatur, egregios invocant premia mores,
 Hinc præscæ redeunt artes, felicibus inde
 Ingeniis aperitur iter, despectaque Musæ
 Colla levant, opibusque fluens, & pauper, eodem
 Nititur ad fructum studio, cum cernat interque,
 Quod nec inops jacet probitas, nec inertia surgat
 Divitiis.

Hæc exempla atrociter contempserunt Athenienses, qui capitali pœna statuta, peregrinos Megarense urbe sua prohibebant. A. Gell. libr. 6. cap. 10. At illam mansuetudinem ab Etruscis præscis Roma ipsa est mutuata, quæ peregrinos eodem quo cives modo fovebat, iisque, ne civium injuriis obnoxii essent, suum Prætorem constituit, cujus habitus rationem pete ab Aurelio Cassiodoro libr. 2. Variar. Epist. 1. & Q. Symmach. libr. 2. Epist. 7. Sidon. Apollinar. Carm. 2. v. 388. & Carm. 5. in limine. Dixi ad illud Claudiani de Consul. Olybrii, & Probini.

Audacem retegis mammam
 Corippus Africanus libr. 1. de laudib. Just. Minor. Num. 15.
*Additis antiquam tendentem brachia Romam,
 Exerto & undam gestantem pectore mammam.*

Etru-

*Etruscorum Politia artes plurimas exercere:
& artifices ipsius Etruriæ Regis
domestici.*

CAP. XXIII.

Hoc etiam caput in Politia Tyrhenorum ponitur ab Heraclide Pontico: *Ετραίων (Τυρρηνοί) τέχνην ἔχοντες ἰαχίδια.* Isti Tusci plurimas habent artes, sive exercent. Eadem hæc transcripta sunt a Julio Polluce, Hadriano Turnebo, & Cælio Rhodigino: & liber tertius hujus operis omnes artium radices & semina, ab Etruscis ad Romanos derivata, clare docet. Sive enim Religionis habeatur cura: aut Regni ornandi administrandique ratio spectetur: seu bellica, seu rustica, seu navalis dignitas occurrat, quicquid in iis magnificum aut gloriosum, id totum Etruscis debetur; sed non attingo, ibi ex professo dicenda. Hoc tantum addo, artifices fuisse in ipsius Regis comitatu & domo. T. Liv. 1. Decad. libr. 5. in principio: *Offendit ea res populorum Etruriæ animos, non majore odio Regni, quam ipsius Regis: gravis jam is antea genti fuerat, opibus superbiaque, quia solemnia ludorum, quos intermiti nefas est, violenter diremisset; cum ob iram repulsa, quod suffragio duodecim populorum alius sacerdos ei prelatum esset, artifices, quorum magna pars ipsius servi erant, ex medio ludicra repente abduxit.*
Nec plura
addo.

*Etruscorum Politia in conviviis, sub eadem veste
cum uxoribus recumbere.*

C A P. XXIV.

Pergit porro Heraclides Ponticus libr. de Politis, agens de iisdem Tyrrenis: πάντες δὲ ὑπὸ τῷ αὐτῷ ἱματίῳ μετὰ τῶν γυναικῶν κατέκυνται, καὶ παρῶσι τῆες: *Omnes sub eadem veste cum uxoribus concumbunt, quicumque tandem adsint.* Præclarum mehercule institutum, quo & humanitas exhibebatur, & æqualitas, optimum societatis vinculum, conservabatur: quam vel præcipuam Republicæ Spartanæ normam loquitur Plutarchus in Lycurgo: & multis allatis probat Nicolaus Cragius libr. 3. de Rep. Lacedæm. Politiam hanc Græci aversati, qui uxores non patiebantur conviviis interesse: Æmil. Probus, seu Cornelius Nepos in præfatione Vitar. Excell. Viror. Unde illud P. Terentii Eunuch. Act. 4. Sc. 1.

Alceus, heus, inquit, puer Pamphylam

*Accerfe, ut delectet hic nos! illa exclamat: minime gentium,
In convivium illam?*

At Romani magno studio hoc ab Etruscis acceptum colebant, ut & eidem mensæ uxores suas adhiberent, & sub eodem cum iis stragulo accumberent. Cicero Orat. 2. Catilinar. *In convivio accubantes, complexi mulieres impudicas.* L. Apul. libr. 6. Milesiar. in epulis nuptialibus Cupidinis & Psyche. P. Scipio Africanus apud A. Gellium libr. 7. cap. 12. C. Sueton. Calig. cap. 25. Videantur & Poëtæ. P. Ovid. libr. 1. Eleg. 4. & libr. 2. Amor. Eleg. 18. Et libr. 3. Amor. Eleg. 2. Et Epist. Paridis Helenæ:

Pœnitet hospitii, cum me spectante, lacertos

Imponit collo rusticus ille tuo.

Rumpor, & invideo; quid nunc tamen omnia narrem?

Membra superjecta cum tua veste fovet.

Ecce enim vestem uxori Menelaum superinjecisse ait: quid apertius? nisi forte ille, ut frequens est & solenne Poëtis, Tuscum & Romanum morem ad Græcos male traduxerit. D. Juvenal. Satyr. 2.

Signatæ tabulæ, dictum feliciter, ingens

Cæna, sedet: gremio jacuit nova nupta mariti,

Qui plura cupis de ritu accumbendi, adi. Antiquit. Rom. libr. 5. cap. 26.

*Etruscorum Politia debitores, qui versuram fecissent,
probo afficere, gestareque pone eos
vacuam crumenam.*

CAP. XXV.

Ultimum hoc ab Heraclide Pontico libr. laudato de Politia Tuscorum refertur: Οταν δέ τις ἀφείλων χρέος μὴ ἀποδιδῶ, παρακαλεθῆσιν οἱ παῖδες ἔχοντες κενὸν θυλάκιον εἰς δυσωπίαν. *Si quis debito obnoxius, solvendo non sit, insequuntur eum pueri, vacuum gestantes marsupium in ejus contumeliam.* Debitores itaque, qui teste Cicerone nomina dicebantur, consentiente Pomponio J. C. scribebantur studiose a rationariis in calendario, quia scilicet fœnus, quod Calendis contraxerant, Idibus solvebant. Helen. Acro, & Porphyrio ad Q. Horatii Epod. od. 2. in fine. Errat Cruquius, qui optimi Grammatici verba corrumpit. Q. Flor. Tertullian. libr. de habitu muliebri in fine. L. Sen. libr. 1. Benefic. cap. 2. & Epist. 13. & Epist. 88. Et in libr. de Remed. Fortuitor. Horat. libr. 1. Sat. 3. & Satyr. 6, Martial. libr. 8. Epigr. 44. Ovid. libr. 2. de Remedio Amoris.

Qui Puteal, Janumque timet, celereſque Calendas.

Ita & illud Corippi Africani interpretor libr. 2. de laudib. Just. Minor. num. 10.

. . . innumera mox advenere catervæ

Fortia centenis portantes brachia libris.

Sed & meminit calendarii vetus lapis Beneventanus. (1)

C. OCTAVIO. C. F

PAL. MODESTO

AUGUR. II. VIR. I. D. QUÆST. II.
PRAEF. FABR. DOMAE. PRAEF.
COH. II. PANNONIOR. PRAEF.
COH. III. ITYREOS. TRIB. MIL.
LEG. III. SCYTHIC. CURAT. REI
P. AECANORUM. ITEM. HONORA
TO. AD. CURAM. KALENDARI
REIP. CANUSINOR. A DIVO. TRA
JANO. PARTHICO. ET. AB. IMP. HA
DRIANO. AUG. HIC. OPUS. QU
DRIGAE. CUM. EFFIGIE. IMP. HADRI

N 2

ANI.

(1) Apud Gruter. pag. 444. n. 5.

ANI. AUG. CITRA. ULLIUS. POSTU-
LATION. ⁽¹⁾ A MUNICIPIBUS
SUIS. OBLATUM. EX. ARGENTI
LIBRIS. DXVII = LIBRIS ∞. AD
JECTIS. AMPLIUS. VIRITIM. PO-
PULO. X. SING. DISTRIBUTIS
DEDICARI. CURAVIT
P. D. D. ⁽²⁾

Si debitor non potuisset, vel potius nollet, die præstituta, calendario huic nomen suum solvendo eximere, apud Romanos lege 12. Tab. creditori permillum, corpus ejus secare, ut dislerit Favorinus apud A. Gellium libr. 20. cap. 1. Et quia illud valde durum videbatur, corpus pro bonis torqueri; idcirco legis illius Græcanicæ durities postea temperata, & tantum bonis jussi cedebant, zona incidebatur, tabernæ seu mensæ publicæ, quæ in foro plerumque, frangebantur, ut exequitur Petrus Gregorius libr. 22. Syntagmat. Jur. capp. 7. 8. 9. & eleganti volumine de *Creditorum jure*, nuper edito, Adamus Abrenethæus Scotus, vir doctissime Græca Latinaque callens, Medicinæ doctor Montpelienfis, ad quem te lectorem remitto. Hoc tantum addo, marsupia e zonis pendula esse o im consuevisse, imo nullas alias crumenas, quam zonas. Vetus Scholiast. Antholog. libr. 7. Epigr. 12. Aristophanes, Antiphanes, Apollodorus apud Julium Pollucem libr. 7. Onomast. cap. 33. num 9. & Rudolphus Gualterus *Sacellum* vertit *σακελιον* C. Sueton. Vitell. cap. 16. L. Apul. libr. 7. Mulesiar. Tiberius Gracchus referente A. Gellio libr. 15. cap. 12. Ulpian. J. C. l. 6. de bon. damnator. Andr. Alciat. libr. 1. Parerg. cap. 40. M. Plaut. in Mercatore, Sc. *Divum*. Symonides vetus poeta libr. 7. Antholog. Epigr. 12. Aristophanes in Thesmophoriazulis apud Pollucem libr. 10. cap. 32. Ælianus apud Suidam in voce *τρωφῆντος*. Hæc zona non lumbos cingebat, sed e collo pendebat. Plaut. Truculento Sc. ult. Et eadem fab. Sc. *Rus mane*.

. homo crumenam

Sibi de collo detrahit.

Et in Epidico Sc. *Fecisti*.

. . . in meo collo tuus pater crumenam collocavit.

Et in Afinaria Sc. *Cur me*

. . . hic istam colloca crumenam in collo plane.

Etru-

(1) Sic legitur in libro, manu ipsius Dempst. scripto; verum Gruterus habet: CVM A. MUNI-
CIPIBVS sed Gronovius libr. primo de Pecun. Vet. cap. 7. τδ cvm delendum putat.

(2) De Curatore Kalendarii Vid. Reines Clafs. I. n. 24. & Clafs. VI. n. 112. & Clafs. XIV.
n. 166. & Notis Cœnotaph Pisan.

*Etruria mater multarum aliarum gentium, Volscorum,
Campanorum, Oſcorum, Opicum, Frontonorum,
Marrucinatorum, Picenorum, Rhetorum,
Euganeorum, aliorumque.*

CAP. XXVI.

Gentem hanc & potentissimam & antiquissimam fuisse, si ea minus probant, quæ diximus, at hoc certe evincet, tot nobilissimos populos ortum suum ad hanc referre. Et de Volscis quidem, quod & originem suam ab Etruscis olim deduxerint, & sub eorundem potestate diu vixerint, disquisivi hoc libro superius cap. 9.

2. De Campanis, præter ea, quæ ibidem loci sunt dicta, Fanusius Campanus MS. libr. 2. de Illustrib. Ital. Famil. cap. 4. *Campani populi sunt prisce, & nobilitate immensa insigniti, qui ab Etruscis descenderunt, a Capy eorum duce: horum municipium est Capua.* Vere & erudite, ut multa alia.

3. Sequitur de Oſcis apud eundem: *Oſci prisce populi ab Etruscis originem ducunt, quorum municipium fuit Pometica civitas.* Vide ea, quæ de Oſcorum lingua, quæ Etruscæ dialectus est, a me sunt exposita hoc ipso libro supra cap. 21.

4. De Opicis hæc apud eundem Scriptorem habentur: *Opici populi antiquissimi, ab Etruscis sumunt originem, & dicti ab Opico eorum duce, de quibus Polybius & Strabo.* Hinc apparet, quanta hujus antiqui Scriptoris fuerit, vel sedulitas, vel sollicitudo, ad ornandam Italiam, maximeque Etruriam.

5. Frontonos ab eadem origine idem deducit, his verbis: *Frontoni ducunt originem a Liburnis, Dalmatis, & Etruscis: & Larinus civitas fuit eorum municipium.* Strabo, Plinius, Appianus Alexandrinus, Livius, Cæsar, & Silius Italicus.

6. Marruccinorum mater eadem Etruria, sic enim Fanucius: *Marrucini ab Etruscis trahunt originem, & horum principale municipium fuit Arria civitas.*

7. Nec Picenos omittit, sed & Tuscorum eos facit coloniam; sic enim eodem libro cap. 7. *Piceni populi sunt nobilissimi & antiquissimi, & ducunt originem ab Etruscis, & dicti a Piceno eorum rege, qui pro armis & insignibus suis asinum aureum in campo cyaneo deferebat, ut narrat Joannes Caram. libr. 6. de Antiquitatibus Orbis.* Horum municipium fuit Picenum civitas, ubi primum sedem constituit. Strabo, Livius, Plinius, Cornelius Tacitus, & Pomponius Mela.

8. De Rhætis in Alpibus positis libro isto supra cap. 9. & plenius libr. 2. infra cap. sed & Fanucius MS. *Rhæti populi a Tuscia ducunt originem, & dicti a Rhæto Lydorum duce*. Sed haud scio, an non erret, quum Rhætus fuerit princeps indigena, qui ex Transapennina Etruria vi Gallicorum armorum expulsum est, ut ibi latius ostenditur, ut mihi sit plane improbabile eum Lydium fuisse, aut Lydorum ducem; ut omittam diu in Etruria confedisse Lydos, deducente Tyrreno Atyos filio, antequam Galli Senones aut in Italiam irruerint, aut bellum cum Etruscis gesserint.

9. De Venetis ipsis, sive Euganeis idem quoque a Fanucio est proditum in hæc verba: *Euganei sunt populi nobilissimi, & magnifici, atque honestissimi, & ducunt originem ab Etruscis nobilibus, quorum fui dux Dardanus Etruscus, quorum metropolis fuit Verona*. Plinius, Lucanus, & Silius.

Hæc quidem ille non indignus laudari liber in charta recenti manuscriptus, quæ & auctores, quos ipse laudat, confirmant, neque ego eos transcribendi otium nanciscor, nec tanti est, ut tempore abutar, cum res sit clara; nihilominus tamen, ut satisfiat plene suscepti operis proposito, confirmabo sigillatim, quæ ab eo obiter tantum attinguntur.

FINIS LIBRI PRIMI.



P R Æ F A T I O

AD LIBRUM SECUNDUM.

PRinceps hæc suscepti operis cura, & quasi scopus, seriem aliquam (nam continuam ne voto quidem sperare poteram) his mille & quingentis annis, quibus jure regio hæc provincia usa est, levi tabella adumbrare: quod ut anxie sum molitus, ita laboriose assequutus mihi videor; nam rara apud Scriptores Latinos Regum Etruscorum mentio, ut quingentis pene annis, quibus gloriose cum Romanis bellarunt, Reges tres tantum nominati reperiantur; sed semper Vejentes, Volaterrani, Fidenates, Clusini, Falisci, Lunenses, Vulsinenses, Perusini, Cæretani, Arretini, Fæsulani, Capenates, Pisani, Pistorienses, Lucenses, Ciminii legantur; cum tamen certum sit, illos populos sub suis Regibus, ea etate & ditibus & potentibus, militasse: quod ego malignitati & hostili Romanorum in Etruscos animo, an rerum peregrinarum imperitiæ tribui debeat, ambigo. Accedebat pestis deterior; nam Joannes Annius & sequaces ita fabulis commentisque portentosis totum hunc

Re-

Regum ornatum obduxerant, ut non minor labor in eruendis veris Regibus deposteretur, quam sollicitudo amentes has affanias eluendi: & utrumque quidem ita præstiti, ut aliquid mihi gnauiter adlaboranti obuenisse gloriæ, quod hactenus eruditos latuit. Et licet illi blenni res præclarissimas inquinauerint, ut ⁽¹⁾ Exampeus amaritudine dicitur Hypanim fluvium corrumpere; dedi tamen operam, ut & gloria Tuscis constaret, & postliminii jure Principes suos Etruria reciperet. Et quamquam sciam, multam esse apud Thebanos ⁽²⁾ positam male pingentibus; tamen ego obsequio excusationem obtendam: & si Reges, parcius quam dignitas majestasve exigebat, tractasse sum visus, ⁽³⁾ do quantum maximum possum, daturus amplius si potuissem.

LIBER

(1) Solinus cap. 20.
Epist. ult.

(2) Cl. Ælianus libr. 4. ποικιλ. cap. 4.

(3) Plin. libr. 3.



Vas Fic. Alt. P. R. I. in Mus. Mediceo

LIBER SECUNDUS

*Etruscorum Regum quadruplex series,
& varia stemmata.*

C A P. I.



IS mille annis & quingentis suo jure liberi Etruriæ Reges, bello juxta ac pace supra omnes finitimos egregie florere; neque tamen una Regum aut familia, aut stemma deprehenditur, sed multiplex ut in aliis principatibus evenire solet. Sed cum nullus ex professo Scriptor de Etruscorum rebus egerit, reliquum est mihi, ut ex Græcis Latinisque auctoribus, qui cum Romanorum res exequerentur, coacti sunt ad Etruscas nonnunquam deflectere, vel ob loci viciniam, vel negotia communia, vel etiam ab his illis tradita memorantes, quod possum, in unum conferam. Existimo itaque, quad. upli. ci serie Reges hos distinguendos, ut prima linea sit *Janigenarum* a *Jano* scilicet, qui primus a diluvio princeps regionem hanc rexit, cujus successores retento nomine diu claruerunt. Secundum stemma erit *Corinthiorum*, qui fabulosis illis Regibus, quos stulta credulitas ob beneficia, virtutisque admiratrix in Deos retulit, successerunt, quorum & nomina & gesta obscura. Tertia series est *Lartium*, qui clariori principatu, ut

Tom. I.

O

pote

pote rebus Romanis viciniore ævo usi, præclara suæ virtutis monumenta reliquerunt. Denique quartus ordo habetur *Lucumonum*, qui terra, marique potentissimi, quingentis pene annis victricia Romanorum arma fregerunt, & velut; soli factorum magnitudini obstantes, spem improbam victorum compreslerunt: nec tam vi externa, quam seditione domestica fracti, ut suis locis patebit, in peregrinam ditionem concesserunt. Et de his ordine suo agam, si prius pauca præmiserò necessaria. Atque hæc stemmata ego nuper in Bando Medicæo complexus, pauculos hic apponam verficulos.

*Janus adest, ratitumque petit solenne quadrantem
Munus, & Etrusco felicia quæque Dynastæ
Exoptat, velletque suis dare dona Kalendis
Congrua, qui ter millenos ex ordine soles
Et placido vidit decurrere secula lapsu,
Dum Samius LUCUMO, dum LAR, CORITUSQUE tenebant
Imperia, & Consul, Cæsarque, ac denique rerum
Libera conditio placuit, jam rursus ad unum
Res rediit, meliorque status, Tyrrhenia MAGNO
Jamdudum subjecta DUCI, præfca illa recludit
Secula, JANIGENIS quæ nobilitata colonis
Egregiam Regni speciem liquere vetusto,
Inque uno TRIPLICES veneratur Etruria REGES.*

Triplices Reges sunt tria illa postrema stemmata, nam primum stemma non tam Regum est, quam Deorum, ut libr. 1. supra videre potes.

*Etruriæ Regum ornamenta & insignia: toga palmata,
sella eburnea, sceptrum seu hasta, corona, corporis
custodes, administratio legum, jus comitia publica
seu conventus indicendi: & nomen Regis aliud
aliquando, quam Principem significare.*

C A P. II.

Sunt qui Etruriam reges habuisse negent, sed tantum optimates quosdam, eo nomine vocatos. Quod fortasse supponit Porphyrio, vetus Grammaticus ad od. 1. libr. 1. Horatii: *Macenatem ait regibus atavis editum, qui nobilibus Etruscorum ortus sit.* Certe ergo Romani cives quosque potentes, Reges appellare solebant. Jun. Moderat. Columella præfat, al libr. 1. de Re Rust. *Au honestius duxerim mercenarii saltatoris mendacissimum aucupium, circumvolitantis limina potentiorum, somnumque regis sui rumoribus inaugurantis?*
neque

neque enim quid agatur intus, servi respondere dignantur. Qua significatione Regis nomen apud M. Martialem invenitur libr. 2. Epigr. 18.

Sum comes ipse tuus, tumidique antecambulo Regis,

Tu comes alterius, jam sumus ergo pares.

Esse sat est servum, jam nolo vicarius esse,

Qui Rex est, Regem, Maxime, non habeat.

Terentius Afer:

Nemo pro meritis gratiam Regi refert.

Parasitus Plautinus in Captivis:

Nam postquam est meus Rex potius hostium.

D. Jun. Juvenalis Sat. 1. v. 136. pro patrono divite videtur usurpare:

Optima silvarum interea pelagique vorabit

Rex horum.

Et Sat. 7. v. 45.

Nemo dabit Regum.

Et Satyra 8. v. 161.

Hospitis affectu dominum, Regemque salutat.

Quin imo potentiam suam rerumque gestarum famam Romani aucturi, quoscumque exercituum, urbiumque externorum duces subegissent, Regum appellatione dignabantur; unde *Rex Arvernorum*, qui re vera Rex non fuit, neque enim in Gallica Historia reperi, Reges habuisse Arvernos. Cæsar libr. 1. de Bello Gallico, & Eutropius libr. 4. *Betulum* Regem memorat, uti & Strabo Amasian. libr. 4. Vetus Inscriptio: (1)

Q. FABIVS. Q. AEMILIANI. F. Q. N. AN. DC
MAXIMVS. PRO. COS. DE. ALLOBRO
ET. REGE. ARVERNORVM. BETULTO. X. K

Hunc alii *Bituitum*, alii *Vituitum*, alii *Βιτω* appellant, ut ad Eusebii Chronicon pag. 136. Josephus Scaliger contendat, falsam esse Inscriptionem, & pro I. literam L. temere sculptam; ita tamen extat in bibliotheca Farnesiana, ut fidem facit Fulvius Ursinus, qui exinde descriptam exhibuit Notis in Comment. Cæsar. pag. 175.

Licet hæc significatio interdum obtineat apud Romanos auctores, tamen de Etrusco Rege id dici non potest, qui vere ut Romæ, ut Macedoniæ, ut Ponti, ut Armeniæ, aliarumque Provinciarum Reges, jus regium habebat; nam & omnia regalia insignia in eo: comitatus sive armigeri custodes, sceptrum, corona, purpurea toga. De satellitio dicam infra hoc libro abunde; nunc videndus tantum Polyænus libr. Stratagemat. ad finem. L. Florus libr. 1. Histor. Roman. cap. 10. *Scævola Regem per insidias in castris ejus aggreditur, sed ubi frustratum circa purpuratum ejus ictum uetur, ardentibus focus inicit manum.* De eadem historia Martialis. libr. 1. Epigr. 78.

O 2

Cum

(1) Apud Gruter. pag. 298. num. 3.

Cum peteret Regem, decepta satellitis dextra

Iniecit sacris se peritura focis.

Corporis itaque custodes sive *σωματοφύλακες* adhibebant aulico comitatu reges isti, neque minus ornatum Regali dignitati parem gestabant, *Sceptrum, coronam, bullam, togam praetextam*. Neque plura Homerus in suis Regibus exigit, *Σκηπτῆρος βασιλεὺς Sceptrifera Rex* ei dicitur libr. 1. Iliad. v. 279. & libr. 2. Iliad. v. 86. & libr. 2. Odyss. v. 23 L. & alibi saepe. Probare ex multis possum, sed maxime ex Festo Pompejo libr. 17. cuius locum truncatum, & lacerum Josephus Scaliger sic restituit: *Sardi venales, hoc est alius alio nequior, ex hoc natum proverbium videtur, quod ludis Capitolinis, qui sunt a vicinis praetextatis, aucto Vejentum fieri solet, in qua novissimus is, qui omnium deterrimus, producit a pracone in medium senex cum toga praetexta, bullaque aurea, quo cultu Reges soliti sunt esse Etruscorum, qui Sardi appellantur, quia Etrusca gens orta est Sardibus ex Lydia; Tyrrhenus enim inde profectus cum magna manu eorum, occupavit eam partem Italiae, quae nunc vocatur Etruria. Qui locus miserrime truncatus, reliquiaeque foedissime corruptae, feliciter ab eo, quem jam laudavi, sic recensitus; nam pro vicinis scriptum erat vicinis, & pro Vejentum diserte, licet nullo sensu, videbatur Valentium. Obiter de Sardibus istis, ludibrio Romae habitis, & per jocum circumductis, M. Cicero libr. 7. Familiar. Epist. 25. fine: *Habes Sardos venales, alium alio nequiores*. Sic illi, ut fortunam regiam insolentissime contemnerent, quendam habitu Regis Etrusci circumferebant. Plutarchus in Problemat. Roman. cap. 53. *Διὰ τὴν τῆς Καπιτωλίου θεᾶς ἄγοντες ἔτι νῦν κηρύττουσι Σαρδιανούς ὄντιους; καὶ γέρον τις ἐπὶ χλευασμῶν προάγεται, παιδικὸν ἐνσφύμενος περιδέραιον, ὃ καλεῖται βούλλαν; ἢ ὅτι Ῥωμαῖοι πολλὴν χρέον ἐπολέμησαν, οἱ λεγόμενοι Οὐρίοι Τυρρήνων, καὶ ταύτην πόλιν ἐσχάτην εἶλε, καὶ πολλὰς ἀρχμαλώτους ἀπεκέρυξε μετὰ τῇ βασιλείᾳ, ἐπισκώπων αὐτὴ τὴν ἡλιθιότητα καὶ τὴν ἀβελτηρίαν; ἐπεὶ δὲ Λυδοὶ μὲν ἦσαν οἱ Τυρρήνων ἐξ ἀρχῆς, Λυδοὶ δὲ μητροπόλεις Σάρδεις, οὗτω τὰς Οὐρίους ἀπεκέρυττον, καὶ μέχρι νῦν ἐν παιδείᾳ τὸ ἔθος διαφυλάττεισι.* Quae Latinis verbis ita sonant: *Cur ludis Capitolinis etiamnum praconis voce proclamant, Sardi-venales venales? & senex quidam ludibrii gratia producit bullam collo appensam gerens puerilem? An quia Vejentes, Etruscorum populus, per longum tempus Romulo bello restiterunt, hancque is ultimam urbem cepit, multosque captivos sub hasta vendidit, una cum ipsorum Rege, fuititiam ejus, & stultitiam deridens? nam Etrusci a Lydis originem trahunt, Lydorum primaria urbs Sardes; ideo Vejentes Sardonorum nomine proclamant, & in hunc usque diem ludicri gratia morem istum observant.* Et quidem de praetexta & bulla aurea, Regum insignibus, vide libr. 3. infra hoc opere, uti & de sella regia, quae ad magistratus Romanos traducta, & curulis ab iis appellata; hic vero nonnihil de sceptro, quo usi illi primitus Reges. Non bacillum fuisse sceptra, ut nunc; sed hastae, atque illae quidem divinis cultae honoribus, puto, ut Reges fortitudinem*

prae

præ se debere ferre significarent, eoque nomine veneratione divina dignos esse. Junianus Justinus libr. 43. *Per ea adhuc tempora reges hastas pro diademate habebant, quas Græci sceptrum dixere; nam & ab origine rerum pro diis immortalibus veteres, hastas coluere, ob cuius Religionis memoriam adhuc deorum simulacris haste adduntur.* De qua re abunde, ut existimo, in Antiquitatibus Romanis disserui. Et δαρῖ, *hasta*, sceptrum vocatur ab Euripide in Hecuba, ut colligit Hadrianus Turnebus libr. 22. Adversarior. cap. 12. & Æschylus apud eundem libr. 8. cap. 16. Divinis itaque honoribus sceptrum colebant, usque adeo ut nullum religiosius iusjurandum fuerit, quam quod per hastam conciperetur. Erasmus in proverbio *Κανέως δόρυ, Canei hasta*; ille enim ad se venientes per sceptrum suum jurare cogeat. Vetus Scholiastes Apollonii libr. 1. Argonaut. quem transcribit Eustathius Archiepiscopus ad libr. 1. Iliados. Ferientes etiam fœdera sceptrum tenebant, & per ea jurabant. Servius Maurus ad libr. 12. Æneid. pag. 677. *Ut autem sceptrum adhibeantur ad fœdera, hæc ratio est, quia majores semper simulacra Jovis adhibebant, quod cum tediosum esset, præcipue cum fiebant fœdera cum longe positis gentibus, inventum est, ut sceptrum tenentes, quasi imaginem simulacri redderent Jovis; sceptrum enim ipse est imperium, unde nunc tenet sceptrum Latinus, non quasi Rex, sed quasi pater patratus.* Virgilius ipse ibidem loci v. 206.

*Ut sceptrum hoc (dextra sceptrum nam forte gerebat)
Nunquam fronde levi fundet virgulta, nec umbras,
Cum semel in silvis ima de stirpe recisum
Maire caret, posuitque comas, & brachia ferro:
Olim arbos, nunc artificis manus ære decoro
Inclusit, patribusque dedit gestare Latinis.*

Quæ omnia verbatim ex Homero transtulit, cujus hæc sunt eadem sententia libr. 1. Iliad. v. 236.

*Ναὶ μὲν τόδε σκήπτρον, τὸ μὲν οὐπότε φύλλα καὶ ῥαῖες
Φύσει, ἐπεδὴ πρῶτα τομὴν ἐν ἄρεσσι λείπονται
Οὐδ' ἀναθλήσει, περὶ γὰρ ῥῆε χαλκὸς ἔλαψεν
Φύλλα τε καὶ φλοῖον, νῦν αὖτε μὲν ἔσσι ἀρχαῖων
Ἐν παλάμῃς φορέουσι δικαστῆται, οἷτε δέμας
Πρὸς Διὸς εἰρύαται, ὃ δὲ τοι μέγας ἔσσεται ὄρκος.
Certe per hoc sceptrum, quod nunquam folia & ramos
Producat, ex quo stirpem suam in montibus reliquit,
Neque revirescet, ferrum enim illud undique delibravit
Foliaque & corticem, nunc vero ipsum filii Achivorum
In manibus gestant iudices, quique leges
A Jove custodiunt, hoc tibi magnum erit iuramentum.*

Eadem exprimere voluit Valerius Flaccus libr. 3. Argonautic.

*Hanc ego magnanimi spoliū Didymaonis hastam,
Quæ neque jam frondes virides, neque proferet umbras,*
Ut

*Ut femel est avulsa jugis, ac matre perempta
Fida ministeria, & auras obit borrida pugnās,
Testor.*

In apice Romani Aquilam constituebant, expansis alis, eaque dignitate triumphantem honorabant. Juvenal. Sat. 10. v. 46.

Da nunc & volucrem, sceptro quæ surgat eburno.

Atque hoc gestamen fuisse Regum Etruscorum aperte Dionysius Halicarn. libr. 3. Αρχιολογίας pag. 195. Καὶ μετ' ὀλίγου ἡμέρας ἔ λόγους αὐτῷ μόνον φέροντες ψιλὰς, ἀλλὰ καὶ σύμβολα τῆς ἡγεμονίας, οἷς ἐκόσμων αὐτοὶ τὰς σφετέρους βασιλεῖς, κομίζοντες, ἐφωσύνοντε χρύσειον καὶ θρόνον ἐλεφαντίνον, καὶ σκήπτρον αἰετὸν ἔχον ἐπὶ τῆς κεφαλῆς χιτῶνάτε πορφυρῆν χρυσόσημον, καὶ περιβάλλαιον πορφυρῆν ποικίλον, οἷα Λυδῶν τε καὶ Περσῶν ἐφόρον οἱ βασιλεῖς. Legati post paucos dies non nuda tantum verba afferentes, sed & principatus insignia, quibus Reges suos ornare consueverunt, coronam auream, & sellam eburneam, sceptrumque in summitate habens aquilam, & purpuream tunicam auro distinctam, purpureumque amiculum varium, qualia Lydorum atque Persarum reges gestarunt. Eadem sane & Lydorum Regum, & a Lydis Etruscorum oriundorum fuisse ornamenta ex hoc libro constat. Et de Porfena Rege idem Auctor libr. 5. pag. 303. Ἡ δὲ τῶν Ρωμαίων βουλὴ μετὰ τὴν ἀπαλλαγὴν τῶν Τυρρηνῶν συνελθούσα ἐψηφίσατο Πορσίνῳ μὲν πέμψαι θρόνον ἐλεφαντίνον, καὶ σκήπτρον, καὶ ἐφωσύνον χρύσειον, καὶ θριαμβικὴν ἐσθῆτα, ὑφ' ἧς οἱ βασιλεῖς ἐκοσμοῦντο. Senatus post discessum Regi mittendam in Etruriam decrevit sellam eburneam cum sceptro, coronamque auream, & triumphalem vestem, quali Reges ornari solebant. Missa itaque a Romano Senatu ornamenta Regia Porfena, non quidem, quod ea dignitate ab eo donari eum videri posset, erat enim Rex antea; sed quia is mos erat Senatui, ut sua quoque triumphantium ornamenta in bene de se meritos conferret, ut scribit idem Halicarnasseus libr. 3. pag. 196.

Alii tamen principes non aquila insignitum sceptrum, sed atrati vomere, ad agriculturæ, ut puto, commoda extollenda. Pierius Valerianus libr. 48. Hieroglyph. pag. 513. nullo auctore laudato.

Eo magis non desino mirari, Servium Honoratum, tanti iudicii, tantæque eruditionis Grammaticum, tam pudendo errore lapsum, ut sic scriberet ad libr. 8. Aeneid. pag. 517. Regni coronam, insigne, non revera coronam, quam Tusci Reges nunquam habuerunt. Mirandum hoc (inquam) non tam ob auctores laudatos, quam ipsius Virgilii auctoritatem, qui hæc clare:

..... o Meonia delecta juvenus,
Flos veterum, virtusque virum, quos justus in hostem
Fert dolor, & merita accendit Mezentius ira:
Nulli fas Italo tantam subungere gentem,
Externos optate duces, tum Etrusca resedit
Hoc acies campo, monitis exterrita divum.
Ipse oratores ad me, regnique coronam

Cum

Cum sceptro misit, mandatque insignia Tarcon,

Succedam castris, Tyrrbenaque regna capeſſam.

In ſequentibus tamen aliter idem ſentit Servius, & quaſi a ſeipſo diſſentit: *Mandat insignia, aut mittit insignia, ideſt omnia ornamenta regalia, aut re vera ipſe Tarcon oratores ad me miſit, coronamque cum ſceptro Regni.*

Tertia ratio, eaque validiſſima eſt, quod ut alii Reges, & maxime Aſſyriorum & Perſarum, & ſeculis poſterioribus Francorum, certis tantum diebus, nec tamen promiſcue, populo ſe oſtendebant; ita Etruriæ Reges ſemel tantum in menſe ſubditos admittere, quo auguſtior eſſet, ut puto, majeſtas, Aurel. Macr. Saturn. libr. i. cap. 15. Ideo autem minor pontifex numerum dierum, qui ad nonas ſupereſſent, calando prodebat, quod poſt nonam lunam oportebat nonarum die populares, qui in agris eſſent confluere in urbem, accepturos cauſas feriarum a Rege ſacrorum, ſciturosque, quid eſſet eo menſe faciendum, unde quidam hinc exiſtimant nonas dictas, quaſi nova initium obſervationis, vel quod ab eo die ſemper ad idus novem dies putentur: ſicut apud Tuſcos none plures habebantur, quod hi nono quoque die regem ſuum ſalutabant, & de propriis negotiis conſulebant. Nævius Poëta in Lupo, ſed corrige in Ludo:

Vel Vejens Regem ſalutat jube

Albanum milium, comitem ſenem

Sapientem contra redboſtis Menalus.

Locus eſt depravatus. Putarem rectius legi:

Vel Vejens Regem ſalutat tuba per

Albanum Mulium.

Militaris enim mos principes ſuos tubis machinarumque exploſionibus ſalutare, & concuſſis armis alacritatem profiteri. Claudian. in 4. Hon. Conſul.

Senſit adorantes galeas, redditque ferocem

Vagitum lituis.

Et de 6. Honorii Conſulatu:

Una omnis ſubmiſſa pbalanx, tanteque ſalutant

Te dominum galeæ.

Quartum denique argumentum eſt Reges in Etruria veros fuiſſe, non tantum magiſtratus, potuiſſe illos ad ſanum Voltumnæ conventum indicere omnium popularium, cum libuiſſet, uti libr. i. ſupra habes; quod ad nullum niſi ad regem pertinere, quis eſt, qui non videat? Eleganter Sext. Propert. libr. 4. Eleg. 11.

Et Veii veteres, & Volſcum regna fuiſtis,

Et veſtro poſita eſt aurea ſella foro.

*Janus, primus Etruriæ Rex, statim a diluvio Noë:
 uxor ei Venilia; ideo ei primitiæ omnium sacrificio-
 rum oblatæ: primus sacra ad aras fieri docuit:
 nummos percussit: agriculturam docuit: fœde-
 ribus præest: bifrons, & quadrifrons: belli
 ac pacis præses: lauru nova ineunte
 anno coronatus: Indigena.*

C A P. III.

Hoc quoque quintum argumentum sit, Regum successio, quo-
 rum primum certum est *Janum* fuisse. Sed quis ille fuerit,
 nimium curiose quidam investigarunt: inter quos *Opusculum*
 est *Petri Leonis Casellæ*, quo inutili labore, de *Crana*, *Ve-*
sta, *Jano*, *Sabatio*, *Corito*, futilibusque aliis penitenda opera disferit.
 Nec mitius insanit *Thomas Fazellus* de reb. Sicul. poster. Decad. libr.
 1. pag. 220. qui pæne non est tanti, ut nominari hic debeat; cum
 omnia ex *Annio* in suum opus transcripserit. Auctor *Theatri Genea-*
logici Tom. 4. eum vult *Nohemum* esse; sed ridiculum illud, qui
 enim in *Italiam* ille deflexit? cum sacre literæ contradicant. Ego
 certe, ut *Nohemum* non esse, ac ne potuisse quidem dici contendo;
 ita aliquem a *Nohemi* nepotibus primis, qui mundum incoluerint,
 & post diluvium restauraverint, existimo, vel hoc argumento, quod
Janus primas sacrificii cujuslibet deorum partes accipiat: & no-
 tum ex sacra pagina, *Nohemum* aræ a se structæ holocausta adole-
 visse. *Claudius Marius Victor Massiliensis* *Commentarior. in Gene-*
sin libr. 3.

*Talia mente gerens, venturaque secula cernens,
 Non prius officii quicquam servatus inire
 Constituit, quam sacra Deo, laudesque rependat,
 Gratesque evaso referat discrimine Noë.
 Mox niveo sacra exurgunt altaria saxo,
 Agnovitque hæc prima recens altaria mundus.*

D. *Alcimus Avitus Archiepiscopus Viennensis* libr. 4. *Sacror. Carmin.*
 cap. 18. ex *Genesis* cap. 8.

*Ante tamen justus jubeat quam sparsa vagari
 Singula de septem, quæ dudum claudere munda
 Curavit, natis pariter nuribusque vocatis,
 Cespitem constructa disponens immolat ara,*

Accen-

*Accendens sanctum bis primum altaribus ignem.
Plurima dum magnis adolentur corpora flammis,
Et numerosa levat præpinguem victima fumum,
Suavis odor tetigit lætum trans æthera cælum,
Primaque purgati suscepta est hostia mundi.*

Sic itaque, quia Janus Italos suos, aut verius populares Etruscos aras erigere, hostias adolere docuit, effectum, ut nullum sacrum institui, peragive posset, cujus exordium non fieret a Jano, ut infra hoc capite expediam. Hic vero Regem eum fuisse est probandum. Prætextatus apud Aurelium Mactrobium libr. 1. Saturnalium cap. 7. Regionem istam, que nunc vocatur Italia, regno Janus obtinuit. Servius Maurus ad libr. 8. Æneid. pag. 506. Saturnus Rex fuit Crete, quem Jupiter filius bello pepulit: hic fugiens a Jano Rege, qui urbem habuit, ubi nunc Janiculum est, susceptus est qui regnabat in Italia: quem cum docuisset usum vinearum, & falcis, & humaniorem victum, in partem est admissus imperii. Gottofridus Viterbientis in Pantheo Chronicor. parte 4. pag. 117.

*Italie tunc Saturnus regnabat alumnus,
Primus erat Janus, sed Rex fuit ille secundus,
Tertius est Picus Rex, probitate prior.
Saturnus statuit, super æquora vela moveri:
Denarios posuit, commercia rite mereri:
Ipse prior clypeos militis arte regit.
Navibus Italiam prior hic ornasse putatur,
Ædificans Sutrium, dum vivit, ibi dominatur,
Triticeum semen primus in urbe serens.
Saturnus natum latuisse Jove recitatur,
In Sutrio latuit, Latium locus ille vocatur;
Illud enim Latii nomen ab inde fuit.*

Verfum nonum corrige:

Triticeum semen primus in orbe serens.

Levis notæ adjectio ultimum quoque versum meliorem meo judicio faciet:

Illud enim Latii nomen ab inde fuit.

Uxor ejus fuit Venilia, quod a nullo notatum. P. Ovid. libr. 14. Metamorph. v. 333.

Ille colit Nympham, quam quondam in colle Palati

Dicitur ancipiti peperisse Venilia Jano.

In quolibet sacro præfatio ab eo, ut dixi, incipiebat. Arnob. libr. 3. Cont. Gent. Atque ita per vos Dei nomen eraditur, quem in cunctis antepontis precibus, & viam vobis pandere Deorum ad audientiam creditis. Xenon Rer. Italicar. libr. 1. rationem reddit historicam: Quod Janus in Italia primum templa Diis fecerit, & ritus instituit sacrorum, ideo in sacrificiis præfationem meruit perpetuam. M. Tull. libr. 2. Nat. Deor.

Cumque in omnibus rebus vim haberent maximam prima & extrema, principem in sacrificando Janum esse voluerunt, quod ab eundo nomen est ductum, ex quo transitiones perviae Jani: foresque in liminibus profanarum aedium januae nominantur. Fest. Pomp. libr. 3. in voce chaos, eadem, sed expressius: Unde Janus detracta aspiratione nominatur, ideo quod fuerit omnium primus, cui primo supplicabant, velut parenti, & a quo rerum omnium factum putabant initium. Poëtae passim. M. Martial. libr. 8. Epigr. 8.

Principium des, Jane, licet velocibus annis,

Et revoces vultu secula longa tuo.

Te primum tua ibura rogent, te voce saluent,

Purpura te felix, te colat omnis bonor.

Secundus versus significantius, *renoves vultu*. In tertio, MS. *te vota saluent*. Et libr. 10. Epigr. 28.

Annorum, nitidique, sator pulcherrime, mundi,

Publica quem primum vota precesque canunt.

P. Ovid. libr. 1. Fastor. v. 173. ex Arnobii loco laudato:

... cur, quamvis aliorum numina placem,

Jane, tibi primum ibura merumque fero?

Ut possis aditum per me, qui limina servo,

Ad quoscumque velis, inquit, habere Deos.

Hic primus etiam in Italia nummum percussit, in cujus una parte caput geminum fuit, in altera navis, ad significandum Saturni classe in Italiam adpulsum. Gottofridus Viterbiensis supra hoc capite laudatus. P. Victor Afer, ut vult doctissimus Andreas Schottus: *Istum etiam usum signandi eris, ac monetæ in formam incutiendæ, ostendisse traditur, in qua ab una parte caput ejus imprimereitur, altera navis, qua vectus illo erat; unde hodieque aleatores, posito nummo, apertoque, optionem collusoribus ponunt, enuntiandi, quid putent subesse, caput aut navim, quod nunc vulgo corrumpentes navi andi dicunt*. Ovid. libr. 1. Fastor. v. 228.

Multa quidem didici, sed cur navalis in ære

Altera signata est, altera forma duplex?

De hoc signandæ monetæ Etruscorum seu Jani invento, dicam libr. 3. hoc opere infra, uti & de agricultura, & vineis curandis, quæ omnia a Jano Etrusci acceperunt, & Romanis concesserunt, utilia certe Reip. administrandæ instrumenta.

Janum certe Principem bisfrontem, vel quadrifrontem effinxerunt. Rationem hanc a Servio Mauro pete ad libr. 7. Æneid. pag. 476. *Sacrarium hoc (scilicet Jano) Pompilius fecerat circa imum Argileum, juxta theatrum Marcelli, quod fuit in duobus brevissimis templis, duobus autem propter Janum bisfrontem: postea captis Phaleris civitate Tuscie inventum est simulacrum Jani cum frontibus quatuor, propter quod in foro transitorio constitutum est illis sacrarium aliud (lego constitutum est*

est illius sacrarium, de Jano enim sermo) quod novimus hodieque quatuor portas habere. Janum sanè apud aliquos quadrifrontem esse, non est mirum; nam alii dici eum dominum volunt, in quo ortus est & occasus. Horatius:

Matutine pater, seu Janè libentius audis.

Alii anni totius, quem in quatuor tempora constat esse divisum; anni autem esse Deum illa res probat, quod ab eo prima pars anni nominatur, nam a Jano Januarius dicitur. Quidam Janum Eanum dicunt ab eundo, eumque esse Martem, & quod apud Romanos plurimum potest, ideo primum in veneratione nominari. Alii Janum aërem credunt: & quia vocis genitor habeatur, idcirco mandari ei preces nostras ad Deos perferendas. Alii Janum mundum accipiunt, cujus caule ideo in pace clausus fuit, quod mundus undique clausus est belli tempore: aperiuntur ad auxilium petendum, ut pateant nam quasi mundo duas ei facies dederunt, orientis & occidentis, quod jam supradictum est: alii quatuor, secundum quatuor partes mundi. Idem ad illud Virgilii libr. 12. *Æneid.* pag. 677.

Latoneque genus duplex, Janumque bifrontem.

Janum rite (Janum bifrontem) invocatur, quia ipse faciendis fœderibus præst; namque postquam Romulus & Titus Tatius in fœdera conveniunt, Jano simulacrum duplicis frontis effectum est, quasi ad imaginem duorum populorum: legimus tamen Janum etiam quadrifrontem fuisse, unde Martialis ait:

Et lingua pariter locutus omni.

nam omnis de duobus non dicimus.

Potest denique credi bifrons Janus, quod sapientis sit principis meminisci præterita, & futuris prospicere; quadrifrons vero, ad quatuor elementa exprimenda. Isidor. libr. 8. *Etymologiar.* cap. 11.

Quid attinet hic dicere, quod est vulgatissimum, tantam Jani Regis fortitudinis opinionem, animis Italorum ingenitam, ut eum belli pacisque arbitrum unicum æstimarent, ideo templum ejus, pace per universum orbem parta, claudi solebat; indicoque bello rursus aperi? L. Florus epitomastes Livii libr. 4. Servius Maurus ad illud libr. 1. *Æneid.*

Aspera tum postis mitescent secula bellis.

Cl. Claudian. de 6. Hon. Consul.

*. . . perpetuisque immoto cardine claustris
Janus bella premens, læta sub imagine pugne
Armorum innocuos paci largitur honores.*

Idem de summa Stiliconis auspiciis parta felicitate libr. 2. de ejus laudibus:

*. . . nullus Boreæ metus, omnis & Austri
Ora filet, cecidit Maurus, Germania cessit
Et Janum pax alta ligat.*

Semel hujus templum Numa Rex clausit: iterum Lutatius Catulus, icto cum Pœnis fœdere, Coss. M. Atilio, T. Manlio. Paul. Orosius libr. 4. cap. 10. L. Florus libr. 2. Histor. Rom. cap. 3. Tertio sub Augusto bellis civilibus longo duodecim annorum bello sopitis. Dio Coccejanus libr. 51. in actis anni 725. Freculphus Lexoniensis Tom. 1. Chronicor. libr. 7. cap. 16. *Ab oriente in occidentem, a septentrione in meridiem, ac per totum Oceani circum, cunctis gentibus una pace compositis, Jani portas tertio Augustus tum clausit, quas ex eo, per duodecim pene annos quietissimo semper obsecratas otio, ipsa etiam rubigo consignavit: nec prius unquam nisi sub extrema senectute Augusti pulsata Aibientisum seditione, & Draconum commotione patuerunt.* Locum corruptum sic restituere potes, congruo historiis illius ævi sensu: & *Dacorum commotione patuerunt; quorum tunc mota arma, non minoribus animis, quam bellandi pertinacia.* Virgil. libr. 2. Georg.

Aut conjurato descendens Dacus ab Istro.

Otto Frisingensis libr. 3. cap. 3. Chronicor. Vellejus Paterculus libr. 2. Histor. Rom. *Tertio Augusto principe certe pacis argumentum Janus Geminus clausus dedit.* C. Sueton. in Augusto cap. 22. Benemenutius de Rambaldis libr. Augustali: *Reliquum solus cum magna pace & tranquillitate orbis, clauso templo Jani, egit.* Q. Horat. libr. 4. od. ult.

Janum Quirini clausit.

Et libr. 2. Epist. 1.

. . . totum confecta duella per orbem,

Claustraque custodem pacis cobibentia Janum.

Templum illud quadratum erat. Pierius Valerian. libr. 49. Hierogl. pag. 528. Duas fores habebat, uti & ipsa Janista una biformis, seu duas habens facies. Flavius Blondus libr. 1. de Roma triumphante. Seu quod per Janum mundum significarent, cujus due præcipue partes Oriens & Occidens; sive denique, quod in bellum proficiscens Imperator, de reducendo salvo exercitu curam habere unicam debet. Allusum ad hoc a M. Valerio Flacco libr. 5. Argonaut.

. . . . aut sanguinei magna ostia belli.

P. Virgil. libr. 7. Æneid.

Sunt gemina belli portæ.

Papin. Statius libr. 5. Thebaid. v. 145.

Lunatumque putes agmen descendere, ubi arma

Indulget pater, & sævi movet ostia belli.

Hic Consules Romani inaugurabantur, & insignia magistratus decedentes exuebant, novi induebant, qui ob id dicuntur annum aperire. Ulpian. J. C. L. 20. ff. de petition. hæreditat. Sidon. Apollin. Carm. 2.

Annum pande novum Consul vetus.

Claudian. libr. 2. in Eutrop.

. . . insanum gemino proclamat ab axe,

Eunuchumque vetat fastis accedere Janus.

Ideo-

Ideoque laurea nova singulis Calendis Januariis coronabatur; quod de posterioribus temporibus intelligendum; nam primitus, *non in Januario, sed Calendis Martiis* id fieri solitum, ut liquet ex narratione Aurelii Macrobii libr. 1. Saturn. cap. 12. quod *mutare virides laureas veteribus dixit* C. Julius Solinus Polyhistor. cap. 3. Ovid. libr. 3. Fastor.

*Laurea flaminibus, quæ toto perstitit anno,
Tollitur, & frondes sunt in honore novæ.*

D. Aufon. in Caesaribus:

Ter dominante Tito cingit nova Laurea Janum.

Sidon. Apollinar. Carm. 2. in principio statim;

*. tuque o cui Laurea JANE
Annua debetur, reliqua torpere soluto
Quavis fronde comas, subita nec luce paveſcas
Principis.*

Idem Carm. 7. in principio.

*. jam nocte biformes
Anceps JANE comas, duplicique accingere lauru.*

Denique Janum esse Etruscæ originis, non vero advenam, quod imprudentes quidam falso existimavere, vel unicum hoc convincit argumentum, quod nullibi terrarum, nisi in Italia, coleretur; male itaque Draco Corcyreus Græcum eum facit. P. Ovid. libr. 1. Fast. v. 88.

*Quem tamen esse Deum te dicam, JANE biformis?
Nam tibi par nullum Græcia nomen habet.*

*Etruriæ Regina Cameſes, a Jano in partem regni
assumpta: soror ejus & uxor.*

CAP. IV.

Eodem seculo Janus & Cameſes imperarunt; sed hic jure hæreditario, ista in partem principatus tantum a Jano assumpta, eo penitus more, quo Romanos scimus Augustos participes imperii sui fecisse, quos successioni destinassent. Cujus rei testes sunt Protarchus Trallianus, & Hyginus antiquissimi duo Scriptores, ut retulit Macrobius Theodolius libr. 1. Saturnal. cap. 7. Regionem istam, quæ nunc vocatur Italia, regno Janus obtinuit, qui, ut Hyginus, Protarchum Trallianum secutus, tradit, cum Cameſe æque indigena terram hanc ita participata potentia possidebat, ut Regio Cameſene, oppidum Janiculum vocitaretur: post ad Janum solum regnum reductum est, qui creditur geminam faciem prætulisse, ut quæ ante, quæque post tergum essent intueretur: quod procul dubio ad prudentiam regis so-

ler-

tertiamque referendum est. Draco Corcyraeus libro de Lapidibus, eam fuisse *sororem Jani* asserit apud Athenaeum libr. 15. pag. 692. quem vide. Nugarum plaustra plena apud Thomam Fazelum in reb. Sicul. poster. Decad. libr. 1. pag. 220.

*Etruria Rex Tiberinus, Jani, lapidibus occisi, filius:
filiae quatuor, Camefene, Clisibene, & Canenis,
Pico Latinorum Regi nupta: quarta
ignoratur.*

C A P. V.

TRanquillum admodum & quietum fuit Jani regnum, usque adeo ut totus in vitae civilis moderationem, agroique honesto studio colendos, ferocem populum ad mansuetam morum regulam traducere incubuerit; quare praecipuum ei habuit Numa Pompilius honorem, primumque anni mensiem ab eo Januarium dixit. Plutarch. Problem. Roman. pag. 274. Et cum multis annis feliciter imperasset, monstrato rusticis vino, ab iis fuit interceptus, quod infuso vini succo ebrii, venenum ab eo sibi datum existimarent; ideoque publica rabie armati, lapidibus eum obruerunt, eodem Plutarcho referente. Quare quam vetustum fuerit id genus poenae, ex eo liquet: quam frequens, breviter aperiam. Parthenius elegans auctor Eroticon cap. 21. περιέγραφο τὴν ἐρασίαν καταλεῖσαι τὴν πόλιν. *Exhortatus est milites, ut puellam lapidibus obruerent.* Claud. Aelian. libr. 5. Var. Hist. cap. 19. ὅντων Ἀθηναίων βάλλον αὐτὸν λίθοις, *cum Athenienses jam parati essent eum lapidibus obruere.* Polyæn. libr. 1. Stratag. Sophocles in Antigone, Philostratus in heroicis, & libr. 1. de vita Sophistarum, in Lolliano: praecipuum jam elegantissimum Joannes Meursius. Et liquet apud Hebraeos idem invaluisse: clare in Actis Apostolorum cap. 7. de Stephano Protomartyre. Vincentius Bellouacensis in Speculo Historico: *Romae gladiatorio ludo celebrato, Telemachus monachus increpans populum, attentius spectaculis inbiantem, lapidatur a populo.* Quae ille indubie petiit ex Theodoro libr. 5. Histor. Ecclesiast. cap. 26. Et M. Aurelio Cassiodoro libr. 10. Histor. Tripartitae cap. 11. L. Apul. libr. 1. Milesiar. *Publicitus indignatio percubuit, statutumque est, ut in eam die altera severissime saxorum jaculatione vendicaretur.* Interpres historiae Apollonii Tirii Latinus: *Tunc cives rapuerunt Strangulionem, & Dionysidem, atque extra civitatem trahentes, lapidaverunt.* M. Fab. Quintilian. Declamat. 12. *Populus quoque impuni-*

punitum nefas sine lapidibus præteribit? Romulus Amaseus interpres Paulaniæ Latinus in Arcadic. pag. 259. Incerti nominis poeta apud Parthenium, & recitat Ant. Delrio in L. Senecæ Troadem pag. 431. L. Seneca non uno loco. C. Petronius in Satyrico. Abdias Babylo-
nius libr. 1. Histor. Apostolicæ, si tamen non est opus spurium. Æl. Lamprid. in Alexandro Severo. Æl. Spartian. in Pescennio Nigro. Appian. libr. 4. Beller. civil. pag. 431. Videantur a me laudati libr. 8. Antiquitat. Romanar. cap. 24. Hippolytus Thebanus, cujus in Scriptoribus Ecclesiasticis meminit D. Hieronym. in Chronico. Ἀποβύλησαντες αὐτὸν. *Lapidibus eum obruerunt.* Xenophon docet, apud Græcos hoc supplicium locum habuisse libr. 1. de Expedit. Cyri minoris pag. 258. Poetæ meminerunt certatim. D. Aufon. Eidylo 7.

..... *crimen ob illud*

Timon Palladii olim lapidatus Athenis.

Lycophron in Cassandra.

Ἵπερβόλου ἀραῖσιν ἡρετισμένη

Κρύψαι κύπας τις χερμάδων ἐπιμυβρία.

Convitiis maledictis irritato

Occultabit quoddam tegmen lapidum diluvio.

Ita Gulielmus Canterus vertit: legibus metricis sic adstrinxit Josephus Scaliger:

Convitiis percitorum injuriis

Abscondet imber saxeus manu alium.

P. Ovid. in Elegia de Nuce:

Nux ego juncta viæ, cum sim sine crimine vita,

A populo saxis prætereunte petor.

Obruere ista soles manifestos pœna nocentes,

Publica cum lentam nunc capit ira moram.

Idem libr. 13. Metamorph. fab. 2.v. 565.

Clade sui Thracum gens irritata tyranni,

Troada telorum lapidumque incessere jactu

Cæpit.

Joan. Tzetzes Chiliad. Historiar. 11. cap. 260.

Πρὸς τὰς λυμένους τρέχοντες μίσει τῷ Ἀθηναίων

Μικρὸν ἂν διεχρήσαντο τὸν Πλάτωνα τοῖς λίθοις.

Ad portus currentes odio Atheniensium

Ferme occidissent Platonem lapidibus.

Ab ingrato itaque & beneficii immemore populo, Rex optimus Janus hunc in modum sublatus est: cui succellere *Janigenæ*, uti a Cæsare & Augusto sequentes omnes Imperatores Cæsares Augustique dicti, ita a Jano *Janigenæ* Reges Etruriæ: quorum quidem ordo, regna, & gesta in obscuro; persequar tamen, ut in tantis tenebris facem prætulisse videar, & quod certius videbitur, adducam.

Jano successit filius, ex Camesena, *Tiberinus*, qui tertius Etruriæ Rex

Rex habebitur. Servius Maurus ad libr. 8. *Æneid.* pag. 506. *Alii Tiberinum Jani & Camefene filium, ibi in bello periisse tradunt.* Hic patri, inhumaniter a suis perempto, parentalia instituit, omnesque, quos potuit, honores adjecit: & quia pater Etruriam in duodecim populos divisisset, ut fufe dicitur libr. 4. hoc opere infra, monumento ejus duodecim aras adjecit: vel certe, quia in anno, ab eo ordinato, sint duodecim menses. Pier. Valerian. libr. 49. Hieroglyphic. pag. 527. Nec de eo quicquam præterea compertum.

Filiæ etiam Jano quatuor fuerunt, eamque ob causam, ut nonnullis placet, quadrifrons ipse effictus. Idem Pierius libr. 22. pag. 325. quarum natu maxima *Camefena* a matris nomine appellata: secundam volunt susceptam ex eadem uxore Camefe Perrheba, quam Plutarchus in Problematis Romanis, nimium favens genti suæ, Græcam facit, uti & ipsum Janum advenam, non vero *ἀντιχθονία*, indigenam, quod nos falsum supra abunde docuimus: hanc *Clitbenem* vocat Draco Corcyreus, libro de Lapidibus apud Athenæum libr. 15. pag. 692. quem consule. Aliæ duæ filiæ, ex Venilia alia, & secunda uxore, ut puto, sublatæ, quarum una penitus latet, neque ab ullo, quod sciam, memoratur: alteram clarissimam fabulæ poëticæ faciunt, nomine *Canentem*: quam vocatam ita, fortassis non fuerit alienum a vero credere, quod vaticinandi peritia inclaruerit; oracula enim omnia versu reddebantur, & ob id *Canens* idem est ac *Sacerdos*, oraculi interpres. Vide, quæ superiori libro cap. 18. de Themide vel Carmenta dixi. Utcumque sit, hæc Pico, Latinorum Regi, nupta deprehenditur; ita enim ipse Picus, a Circe sollicitatus, apud P. Ovidium libr. 14. *Metamorph.* fab. 7. v. 377.

... ille ferox ipsamque precesque repellit:
Et Quæcumque es, ait, non sum tuus: altera captum
Me tenet, & teneat per longum comprecor ævum.
Nec Venero externa socialia fœdera ledam,
Dum mibi Janigenam servabunt fata Canentem.

Hactenus Janus, filiusque regnarunt. Subjungam alios, qui circa illa rudia tempora regali etiam dignitate in Tuscia emicuerunt.

*Etruriae Rex quartus Vertumnus, sive Vadimon,
& ipse Janigena.*

CAP. VI.

ETruriae Deum *Vertumnum* fuisse, sive *Vortunum*, docui supra hoc opere libr. 1. cap. 15. Regem fuisse, & Principatum post Jani filium tenuisse, abunde probat Antonius Fanentis ad libr. 6. Fastorum Ovidii. Idem putatur cum *Vadimone*. Raphaël. Mapphæus Volaterranus libr. 16. Commentarior. pag. 481. Sunt, qui plenas nagis paginas implent, ut *Vertumnus* modo *Janus*, modo *Nobemum*, modo *Zoroastrem* obtrudant: quorum deliramenta non est tanti, ut velim refellere. Supra omnes insigniter delirat Thomas Fazelus de reb. Siculis posterior. Decad. libr. 1. pag. 220. Adscribam tamen Ænææ Galletti Emporionensis locum e libr. 2. Histor. Universal. principio:

*Postquam clade nefas terre purgavi aquarum
Illuvieque sator populos subvertit iniquos,
Vertumnus, prolemque jubet descendere cimba,
Uxoresque nova gravidandas semine gentis,
Vota dabat, cultumque Dei, ritusque docebat
Agricolam sobolem, mira que propagine latus
Reddiderat saga Gordiæo vertice terra
Cultores Gallos numerosa prole redemptor,
Oenotrius, Noa, Vertumnus, seu priscus Ogyges,
Janus, & heroës divino semine creti,
Præbuit Oenotrius terræ vineta Lyæi,
Expressit, vinumque bibit, divoque liquore
Ebrius ac nudus jacuit, genitale Camejes
Fertile compressit Stygia temerarius arte.*

Ut hæc ab Joanne Viterbensi Annio sint inventa, est tamen verum, *Vertumnus* præclaro exemplo principatum tenuisse, & arbores frugiferas, maximeque pomiferas primum ferere monstravisse, ut libr. 3. hoc opere invenies; ideo fingitur, *Pomonam Deam* in uxorem duxisse. Non peregrinæ stirpis, seu advenam illum, sed indigenam loquitur Sextus Propertius libr. 4. Elég. 2.

*Tuscus ego, Tuscis orior, nec pœnitet inter
Prælia Volsinos æseruisse lares.*

Diversas ei formas vetustas affinxit; quod prudentis sit Regis, in omnia se subditorum commodis & solatiis componere. Propertius ibidem. Ludov. Ariost. in Supplementis ad Rolandum suum Ode 1. Tom. 1.

Q

lucu-

luculenter describit, & Ovidius libr. 14. Metamorph. fab. 16,

*O quoties habitu duri messoris aristas
Corbe tulit, verique fuit messoris imago!
Tempora sæpe gerens sæno religata recenti,
Defectum poterat gramen versasse videri.
Sæpe manu stimulos rigida portabat, ut illum
Jurares fessos modo disjunctis juvencos.
Falce data frondator erat, vitisque putator:
Induerat scalas, lecturum poma putares:
Miles erat gladio, piscator arundine sumpta.*

Quæ omnia aperte significant, Vertumnus agriculturæ admodum studiosum, quæ eo quidem sæculo, cessante bellorum rabie, sola & honorabat, & ditabat. Romam vero, & per totam Italiam fama ejus viventis delata, egregios meruit honores: defuncto etiam patrio ritu, apotheosis instituta: & post multa secula, a Lucumone Galerito, seu, ut verius existimo, a Cælio Vibenna Volaterrano templum Romæ structum, ubi summa veneratio ei habita, usque adeo, ut alter Genius putaretur: & versatili inconstantiq; ingenio homines, irato Vertumno natos dicerent. Horatii interpretes ad libr. 2. Sat. 7.

*Jam mæchus Romæ, jam mallet doctus Athenis
Vivere, Vertumnis, quotquot sunt, natus iniquis.*

Et quia Jani filio in regno successerat, templa statuasque prope Janum Romæ ei erexerunt, ea fori Romani parte, qua librarii stabant, & bibliopolæ. Helenius Acron ad Q. Horatii libr. 1. Epist. ult. hæc scribit: *Vertumnus & Janus Dii sunt, qui præsent rebus ementium & vendentium, ante quorum templa erant loca, in quibus cum ceteris rebus etiam libri venales erant: per deos autem etiam loca significat.* Porphyrio & ipse vetus ejusdem Poëtæ Scholiastes: *Vertumnus Deus est vertendarum rerum, hoc est vendendarum & emendarum, qui in vico thurario sacellum habebat. Janus quoque scilicet vicus est, a Jano Genio appellatus, qui in eo arcum sibi habet consecratum, per quos deos signat loca, in quibus cum ceteris rebus etiam libri venales erant.* Locus corruptus facile potest restitui, si legatur: *a Jano gemino appellatus.* Janum autem Geminum dicebant ob duas facies, cum quibus depingebatur, uti supra est demonstratum. Eadem Christophorus Landinus: videatur & Lævinus Torrentius, pius & doctissimus vir, ad eum locum, & ad libr. 2. Sat. 7. Ipse Horatius Epist. 20. libr. 1.

*Vertumnus Janumque liber spectare videris,
Scilicet ut prostes Sorsorum pumice mundus,
Odisti claves.*

Acro idem ad Sat. 7. libr. 2. *Vertumnus Deus est, qui præest mentibus humanis, a vertendo: hic quondam Romæ colebatur: alii Deum Tiberis volunt, qui verterit ejus alveum: aliter Vertumnus dicitur Deus, qui præest sensibus, ab eo quod mutet cogitationes humanas, & vertat; scribitur*

tur itaque multiformis. Interjectis aliquot de eo pulchra: *Quotquot, ideo dixit, quia is Deus positus erat in multis locis civitatis, fere enim omnibus municipiis Italiæ consecrabantur ejusmodi simulacra, quibus ambigui vultus essent, prout dedissent eis habitum, ita in diversas facies numinum verterentur. Quare de utroque Deo paræmiæ, ut: Vertumno inconstantior; de mutabili mente homine. Desider. Erasmi. Chiliad. 2. Cent. 2. Adag. 74. Et Ather Janus, de prudenti, & sagaci. Idem Chiliad. 4. Cent. 2. Adag. 93.*

*Etruscorum Rex quintus Aunus
Janigena.*

CAP. VII.

Hunc quartum, ut puto, Etruriæ Regem erui ex uno loco Sili Italici libr. 5. Punicor. statim in principio:
*Cæperat Etruscos occulto militie colles
 Sidonius ductor, perque alta silentia noctis
 Silvarum anfractus cæcis infederat armis;
 At parte e læva restagnans gurgite vasto
 Effigiem in pelagi lacus exundabat, inertii,
 Et late multo fœdabat proxima limo,
 Que vada Janigenæ regnata antiquitus Auno,
 Nunc volvente die Tbrafimeni nomina servant.*

Meminit alibi idem Poëta libr. 3. Punicor. *Auni.*

Apenninicolæ regnator filius Auni.

Ex quibus constat, Etruriæ Regem fuisse, quam cingit, &, ut ita dicam, mediam propugnat Apenninus, ut infra hoc Opere libr. 4. doceo.

Etruscorum Regum Catalogus.

CAP. VIII.

Quia varia est, & perplexa Etruriæ Regum series & successio, nec tam veritati historicæ innixa, quam inutilium fabularum involucris obscurata, fœdataque; idcirco priusquam ad secundum stemma pergam, operæ pretium duxi, elenchum Etruscorum Regum hic inferere, ex Auctore Theatri Genealogici, Tomo 4. Sic itaque ille auctor:

1. *Janus, qui est Noe dictus, terram filiis, & nepotibus distribuit, anno mundi millesimo septingentesimo quinquagesimo nono.* Delirium apertum, Janum Etruriæ Regem velle facere, ac eundem Nohemum: qui nec venit in Italiam unquam, nec venisse potuit; sed figmentum agnosco Joannis Annii Viterbiensis. Annum certe, quo Janus regnare cœpit, vult probabilius Raphaël Volaterranus libr. 13. Commentarior, pag. 371. incidisse in mundi conditi annum ter millesimum octingentesimum octuagesimum. Vide Jacobi Gordonii Scoti religiosi viri, Societatis Jesu presbyteri Chronica.

2. Delideratur.

3. Idem non nominatur ab eo.

4. *Cam filius, qui & Camises Camisema, idest infans est dictus, & Saturnus, & Zoroaster.* Zoroastrem, Saturnum, & Camum ferrem æquo animo confundi, nisi imperitissimi bonarum literarum homines Reges Tusciæ eos facerent. Et quis unquam Zoroastrem, Bactrianorum vetustissimum Principem, in Etruriam appulisse, aut regnasse probatus Scriptor prodidit? Saturnum certe a Jano hospitio exceptum Poëtæ canunt: quod ut verum sit, Latii ille, non etiam Tusciæ Rex habetur. De quo nihil dicendum. Unicus Commodianus MS. sufficit, qui libr. 1. hæc scribit:

*Saturnusque senex, si Deus, Deus quando senescit?
 Vt si Deus erat, cur natos ille vorabat
 Terroribus actus? Sed quia Deus non erat ille,
 viscera natorum rabie monstrosa sumebat.
 Rex fuit in terris, in monte natus Olympo;
 Nec divinus erat, sed Deum sese dicebat.
 Venit inops animi, lapidem pro filio sorsit.
 Sic Deus evasit, dicitur modo Jupiter ille.*

Filios ab se devoratos ipse negat apud Lucianum in Saturnalibus statim

tim in principio; sed affirmant plerique Veterum. Mercurius Trifmegistus apud Lactant. libr. 1. de Fals. Rel. cap. 11. & passim Poëtæ. Nonnus Panopolitanus libr. 21. Dionysiac. v. 249. & libr. 24. ejusdem operis v. 236. Is, quod filios devoraret, a Jove cum Titanibus catenatus fingebatur, & tantum suis festis, hoc est Saturnalibus solvebatur: quod ideo fabulose excogitatum, quod tempus in se redeat, Isacius Tzetzes in Lycophronem: & tardissimus sit motus stellæ Saturni. Lucian. loco laudato, & in libr. de Saltatione Arnob. libr. 4. Palladas vetus epigrammatarius Græcus libr. 1. Anthol. cap. 69. L. Seneca Herc. Furent. Act. 4. Sc. 1. Stat. libr. Sil. ult. & libr. 8. Thebaid. v. 44. Martial. libr. 3. eleg. 29. Valer. Flaccus libr. 3. Argonaut.

... fundo veluti cum Cæus in imo

Vincula Jovis, fractoque trabens adamante catenas

Saturnum, Tityumque vocat.

Dixi ad illud Claudiani libr. 1. de Raptu.

... Saturni veteres laxabo catenas.

Quam de catenis fabulam ad motus illius, ut jam monui, tarditatem trahunt. L. Seneca libr. 7. Natural. Quæstion. cap. 29. Lucianus libr. de Astrologia. Christophorus Rufus libro de Autaxegematis. Macrobius libr. 1. in Somn. Scipionis cap. 19. & ex Apollodoro Verrium Flaccum reprehendit libr. 1. Saturnal. cap. 8. quos consule. Ipse vero ante fugam in Italiam ad Janum usus est Titanum opera, de quibus hæc Commodianus MS. libr. 1. Num. 19. sed corruptissime:

— itanas vobis Tutanos dicitis esse,

— mmites tacitos sub culmine vestro rogatis.

— ot lares, ediculas, simulacra ficta Titano.

— doratis enim stulti malo leto defunctos

— on legem ipsorum legentes, non ipsi loquuntur.

— t Deos audetis examine dicere fusos.

— olveritis eos magis in vascula vobis.

Eum cum Belo Deo Assyriorum confundunt, Ado Viennens. Chronic. parte 2. Assyriorum Regnum & Sicyoniorum nascitur; sed primus in Assyriis regnavit Belus, quem quidam Saturnum existimant. Ex eo Florentius Vigornienfis Monachus Chronicor. cap. 16. Assyriorum & Sicyoniorum regnum exortum est, quibus præfuit Belus, quem quidam Saturnum existimant. Gravis & pudendus error, neque enim unquam sub eodem principe Assyrii & Sicyonii. Lutat. Placid. ad libr. 3. Thebaid. Statianæ v. 286. Gottofridus Viterbientis Chronicor. parte 4. pag. 121. consulatur. Servius Honoratus ad libr. 1. Æneid. in fine: Primus (de Belo loquitur) Rex Assyriorum, ut supra dictum est, quos constat Saturnum, quem eundem & Solem dicunt, Junonemque coluisse: quæ numina etiam apud Afros postea culta sunt, unde & lingua Punica Bal

Deus

Deus dicitur; apud Assyrios autem Belduitur, quadam sacrorum ratione, & Saturnus, & Sol. Alii hunc Belum Saturni temporibus regnasse, ejusdemque Dei hospitem fuisse tradunt. Hoc ipsum Silius Italicus libr. 1. Punicor. innuit:

*Urbe fuit media sacrum genitricis Elysæ
Manibus, & Tyrius patria formidine cultum,
Quod taxi circum, & piceæ squalentibus umbris
Abdiderant, calique arcebant lumine templum.
Hoc sese, ut perhibent, curis mortalibus olim
Exuerat regina loco: stant marmore mæstæ
Effigies, Belusque parens, omnisque nepotum
A Belo series.*

Adelmus Scotus libr. 1. de laud. Virginit. pag. 608.

*Hic quoque destruxit Beli delubra nefandi
Flaminibus scelerum mortis discrimina passus.*

Claudiani locus male affectus e libr. 1. de laudib. Stilicon.

*Thuris odorati cumulis, & messe Sabæa
Pacem conciliant aræ, penetrabilibus ignem
Sacratum rapuere adytis, rituque juvencos
Chaldeo stravere Magi: Rex ipse micantem
Inclinat dextra pateram, secretaque belli
Et vaga testatur volventem sidera mitbram.*

In MS. meo optimæ notæ tertius versus erat:

*. ignem
Secretum rapuere adytis.*

In quinto versu idem MS. Codex diserte:

. secretaque Beli.

Sed ad Catalogum intermissum redeo, & figmenta Annii persequor.

5. *Subatius Saga Jani pronepos, qui & Saturnus Caspius est dictus, & Coritus, idest Rex, creatus est, obiit anno mundi 2000.*

6. *Cravus Razennus Coritus, idest Rex, a Jano patre senissimo creatus anno mundi 2001. vixit Rex annis 61.*

7. *Arnuus filius, obiit anno mundi 2102. regnavit autem annis 40.*

8. *Tages filius, dictus Malottages, idest responfor & vates, regnavit annis 41. De eo infra pluribus agetur.*

9. *Sicanus filius, a quo Sicania, idest Sicilia dicta, regnavit annis 30. Hunc nemo, nisi Annius in catalogum Regum Etruscorum posuerit, licet in Italia quædam gesserit.*

10. *Evakii Lycii, quos Gygantes appellant, Italiam oppræsserunt annis 37. Quid ad Etruriæ Reges Gygantum in Italia tyrannis? sed Annio res novæ erant dicendæ, pro more suo.*

11. *Osiris, qui dictus est Jupiter a jurando, & Apis, & Serapis, idest sanctus & justus, regnavit annis 10. Prodigium est Annio, nisi omnes celebriores gentium quarumcunque Deos Etru-*

riæ

riæ collocaverit. Et quis, te docuit, Ægyptiorum numina, quæ Romæ, nisi post sexcentelimum annum ab urbe condita, non fuerunt, in Tusciam migrasse? Deinde, ut verum id sit, unde, & quo præceptore didicisti, Apim, & Serapin *sanctum & justum* significare? Alii historici omnes: & mythologi cum grammaticis, ut disserui libr. 2. Antiquitat. Romanar. cap. 22. at Annius, ut novas inauditasque doctis historias comminisci solet, ita & novam grammaticam condere non dedignabitur.

12. *Lestigo, qui ab Hercule post decennale bellum, quod Lestrigonum dictum est, occisus, regnavit annis 33.* Mirum sane mihi, quod non & Cyclopas Lestrigonibus adjunxerit, quos in Tuscia collocare amentia est.

13. *Libius, cognomento Hercules, idest totus pellitus, vel Arno, idest Leo celebris; regnavit annis 30.* Totum hoc Annio debemus, Herculem Libyum idem esse ac *pellitum*, & Regem illum fuisse Etruriæ. Quo tempore? quibus annalibus? quo auctore?

14. *Tusius, vel Tuscus filius, obiit anno mundi 2316. regnavit annis 34.*

15. *Albeus filius, obiit anno mundi 2336. regnavit annis 20.*

16. Desideratur.

17. Etiam deficit.

18. *Camboblascon, vel Janus Junior, obiit anno mundi 2409. regnavit ann.*

19. *Tasius filius, cognomento Etion obiit ann. 2458. regnavit ann. 49.*

20. *Coryban filius, siue Ban, qui Cornetum urbem condidit, obiit ann. mundi 2499. regnavit ann. 41.* Pulchra series, Curetes etiam Corybantes pro Regibus Etruriæ complexa!

21. *Tyrrhenus, vel Toræbus, tanquam successor Dardani, qui ipsi regnum cessit, obiit anno 2549. regnavit vero ann. 51.* O magnum Toræbi honorem, qui excluso patre meruit regnare! Sed cur non Dardanus etiam inter Etruriæ Reges, cum Toræbo regnum cesserit? Hæc argui possunt, & penitus convinci ex iis, quæ dixi supra hoc opere libr. 1. cap. 3.

22. *Tarcon priscus filius, obiit anno mundi 2582. regni vero 34.*

23. *Abas, vel Abios, vel Abantes, obiit anno mundi 2598. regni 15.* Hic uni Regi tria nomina affingit!

24. *Olanus, qui Olanum urbem, Mediolanum dictam, condidit, obiit anno mundi 2621. regni 23.*

25. *Veibenus, quasi Vejorum filius, obiit anno mundi 2669. regnavit ann. 48.*

26. *Oscus ab insigni serpente, qui lingua Etrusca Oscan dicitur, obiit anno mundi 2686. regnavit annis 17.* Ubi loci hoc proditum?

27. *Tarcon II. qui Cacum in Labyrinthum conjecit, obiit anno mundi 2730. regnavit ann. 44.*

28. *Tiberinus, idest injurator, Pelasgos Italia pepulit, obiit anno mundi 2765, regni 35.* Videatur supra hoc libro cap. 5.

29. *Mezentius, dictus Agillus, obiit anno mundi 2782. regnavit ann. 17.*
 30. *Tarcon III. obiit anno mundi 2805. regnavit ann. 23.* Mira diligentia hic Annii tres Tarchontes Reges deprehendit, cum ne unus quidem inter Reges, nisi egre, sit reponendus.

31. *Ocnus Bianor, filius Tiberini & Mantua vaticica, qui Mantuam edificavit, obiit anno mundi 2854. regnavit ann. 49.*

32. *Pipinus obiit anno 2910. regnavit ann. 56.* Antea Assyrii, Sicyonii, Ægyptii, Græci principes, Asiaticique Reges in Etruriam sunt ab Annio translati, nunc etiam Galli eodem jure veniunt; sed cur, Anni, Pipino Regi Carolus Magnus filius non succedit?

33. *Nicius Fesulanus Nicæam urbem condidit, obiit anno 2957. regnavit ann. 47.*

34. *Piseus obiit anno mundi 3009. regnavit ann. 52.* Hic Annii sine ullis annalibus, aut monumentis, annos unicuique regi assignat.

35. *Tuscius Junior obiit anno mundi 3048. regnavit ann. 39.* Perge Anni.

36. *Annus, vel Anius, obiit anno mundi 3073. regnavit vero ann. 25.*

37. *Felsinus, qui Felsinam, hodie Bononiam, condidit, obiit anno mundi 3106. regnavit ann. 33.* Quam bene sine abaco Annii supputat!

38. *Bon, sive Bonus, qui Felsine in Bononia nomen mutavit, obiit anno mundi 3134. regnavit ann. 28.* Quam certa annorum digestio!

39. *Atrius, qui Atrie nomen dedit, obiit anno mundi 3161. regnavit ann. 27.*

40. *Martius obiit anno mundi 3179. regnavit ann. 18.* Unde hæc, Anni.

41. *Etalus obiit anno mundi 3209. regnavit ann. 30.* Hæc quis, præter Annium, excogitavit?

42. *Cælius (anno ejus tertio cæpit Roma edificari) obiit anno mundi 3230. regnavit ann. 21.*

43. *Galeritus Lucumo obiit anno mundi 3250. anno urbis condite 38. regnavit ann. 21.*

44. *Lucius, Lucumo Lucam urbem condidit, anno mundi obiit 3275. U. C. 63. regnavit ann. 25.*

45. *Cibitius Tuscus obiit ann. mundi 3358. U. C. 145. regnavit ann. 82.* Vivacem! Principem, aut verius liberalem & munificium annorum Annium!

46. *Lucumo Clusinus obiit anno mundi 3395. U. C. 183. regnavit ann. 38.*

47. *Rhætus, qui Rhætis in Alpibus nomen dedit, obiit anno mundi 3415. U. C. 203. regnavit ann. 20.* Vide libr. 1. supra hoc opere cap. 9. ubi fuse de Coloniis a Rhæto in Alpes ductis actum.

48. *Hyellus Tuscorum Lartes, obiit anno mundi 3456. U. C. 244. qui annus fuit fuga Tarquinii insignis: regnavit ann. 41.*

49. *L. Porfena Clusinus obiit anno mundi 3514. U. C. 302. regnavit ann. 58.*

50. *Volumnius, a Cornelio Cossu occisus in pugna anno mundi 3529. U. C. 318. regnavit ann. 16. Mirum sane, Annio tandem venisse in mentem, ut Reges legitimos nominaret.*

51. *Eques Tuscus, Tuscorum vel Etruriæ Rex, obiit anno mundi 3576. U. C. 364. regnavit ann. 46. Annius legerat apud poëtas, Propertium, & Martialem, Mæcenatem Equitem Etruscum vocari; ideo statim Eques Tuscus Etruriæ Rex fuit.*

52. *Livius Fidenas obiit anno mundi 3624. U. C. 412. regnavit ann. 48.*

53. *Elbius Cæsus a Q. Fabio Rutiliano anno mundi 3656. U. C. 444. regnavit ann. 32.*

54. *Tyrrhenus regnum Romanis dedit, & finem regno imposuit anno mundi 3682. U. C. 470. regnavit ann. 26. Hæc quam sint falsa, & ab Annio somniata, vel grammaticorum pueri norunt; neque enim Tyrrenus quisquam eo seculo Rex fuisse legitur Etruriæ, nec regnum Romanis, ut ille ait, dedit, neque regno suo cessit unquam Rex ulius Etruriæ; sed ad Vadimonis lacum cruento certamine fusus Q. Ælius Volturrenus, seu Volaterranus, regno pariter ac vita exutus est, ut Livius abunde describit; & ego suo loco plenè disserui. Subjungit deinde insulsissimus idem Theatri Genealogici Auctor ex eosdem Joanne Annio sex alios Reges scilicet,*

55. *Titum.*

56. *Volturrenum.*

57. *Cecinnam Volturrenum.*

58. *Menippum.*

59. *Menodorum.*

60. *Mæcenatem.*

Ut semel dicam, e sexaginta hisce Regibus, veri & legitimi tantum octodecim: atque illi neque rebus, nec tempore, nec nomine, ut oportuit, ab illo descripti: ceteri omnes commentitii, & sine ulla annalium aut historiarum auctoritate, suppositi: quidam etiam ex aliis longinquis gentibus ridicule translati. Sed missa hæc facio.

Catalogus alter Etruscorum Regum.

CAP. IX.

Alia Regum Tuscorum nomenclaturam suppeditavit mihi, ex Hieronymi Bardi Florentini, viri pii & diligentis Chronico, Reverendiss. D. Raphaël Roncionius Archipresbyter Pisanus, patricia quidem gente illustris, sed eruditione longe clarior. In eo itaque opere Reges Etruriæ triginta tres hoc ordine recensentur:

1. Mezentius.
2. Tarcon.
3. Ocnus Bianor.
4. Pipinius.
5. Nicius. Is est Fæfulanus.
6. Piseus.
7. Tuscus Junior.
8. Amnus.
9. Felsinus.
10. Bonus.
11. Arrius. Puto, Atrius scribere voluit.
12. Marfyas.
13. Etalus.
14. Cœlius. Hic est Vibennus.
15. Galeritus Lucumo.
16. Cibitius.
17. Lucumo Clusinus.
18. Rhætus.
19. Hiellus.
20. Porfena Clusinus.
21. Tolumnus Vejentanus.
22. Æquus Tuscus.
23. Lucius Fidenas.
24. Turrenus.
25. Titus.
26. Voltorrenus.
27. Cæcinna.
28. Menippus.
29. Menodorus.
30. Mæcenas.
31. Sejanus.

32. Scenninus.

33. Vitus Ferentinus.

Plerique sane istorum vel ex Annio Viterbiensi desumpti, vel non Reges fuerunt; sed tantum optimates, Etruria oriundi, aut ut summum, a Regibus priscis Etruriæ orti, ut suis locis dicitur,

*Etruscorum Regum secundum stemma: Coritus
Rex, Filius Jovis, pater Jasii & Dardani,
qui Trojam in Asia condidit: urbs
& mons in Etruria eo nomine.*

CAP. X.

TAnigenarum Principum, quos subditorum amor inter Deos numeravit, quibusque merita insignia divinitatem pepererunt, successores leguntur Coriti Reges, ut ex Catone observavit Petrus Gregorius Tolofas libr. 18. Syntagmat. Jur. cap. 2. num. 19. Horum etiam, non minus quam Janigenarum, obscura gesta, & veluti longævæ antiquitatis submersa tenebris, ut potero, eruam. 1. Primus hujus stemmatis censetur *Coritus Rex*, de quo Servius in libr. 3. *Æneid.* pag. 275. *Jasius & Dardanus fratres fuerunt, Jovis & Electræ filii: vel, ut quidam volunt, Dardanum de Jove, Jasium de Corito procreatum, de cujus nomine & mons & oppidum nomen accepit: postea Jasium dicitur Dardanus occidisse. Hi tamen fratres cum ex Etruria proposuissent sedes externas petere, profecti, & Dardanus quidem contracta in Troja juventute Dardaniam urbem condidit, a quo Trojanorum origo crevit; Jasius autem Samothraciam cepit, & ibi liberum locum imperio tenuit. Alii dicunt, utrumque ex Corito Jovis filio procreatos, & sicut dictum est, relicta Italia profectos, sed Jasium Samothraciam imperio tenuisse, Dardanum vero in Phrygiam pervenisse, ibique auxilio fuisse Teucro Scamandri filio, qui tum finitimas gentes bello subigebat, filiamque ejus duxisse in matrimonium, & post mortem soceri regnum adeptum, Dardaniam Trojanam regionem ab suo nomine appellasse. Græci & Varro Humanarum Rerum, Dardanum non ex Italia, sed ex Arcadia, urbem Pheneo, oriundum dicunt. Locus egregius, in quo duo præclara ad tantæ gentis gloriam illustrandam: Coritum Regem Jovis filium habitum; quod de Alexandro Macedone & aliis notant historici, eximiæ nobilitatis & summæ prudentiæ fuisse argumentum: alterum, Dardanum Trojæ auctorem, Etrusci Regis filium, & Tuscum fuisse; quo quid magnificentius excogitari potest? De eodem Corito idem*

Servius Maurus ad libr. 3. Æneid. v. 170. *Quidam autem de Corito, inquit, banc fabulam tradunt. Dardanus cum equestri prælio ab Aboriginibus pulsus galeam perdidisset; propter quam resistens, & in audaciam suos reducens, victoriam adeptus est; tum ob rem feliciter gestam, oppidum, ubi galeam amiserat, condidit, cui Corito nomen indidit, eo quod Græce Coris galea dicitur, vel Coritum montem, in quo Coriutus Tusciæ Rex sepultus est. Regum sepulturas in montibus primis solere dedicari, alibi hoc libro docui. Ipse Virgil. loco laudato:*

*Surge age, & hæc letus longævo dicta parenti
Haud dubitanda refer, Coritum, terrasque require
Ausonias.*

Idem doctissimus Grammaticus ad libr. 7. Æneid. pag. 458. *Jupiter cum Electra Atlantis filia, Coriti Regis Italiæ uxore, concubuit; sed ex Jovis semine natus est Dardanus, ex Coriti Jafius: Dardanus profectus in Phrygiam, Ilium condidit: Jafius vero Thraciam tenuit, ubi est Samos, quam hic Samothraciam nominavit. Virgil. loco eodem v. 205, tanquam de re vetustissima sub persona Latini:*

*Atque equidem memini (fama est obscurior annis)
Auruncos ita ferre senes, his ortus ut agris
Dardanus, Idæas Phrygiæ penetravit in urbes,
Threiciamque Samon, quæ nunc Samothracia fertur.
Hinc illum Coriti Tyrrhæna a sede profectum
Aurea nunc solio stellantis regia cæli
Accipit.*

Denuo idem Servius Honoratus ad libr. 9. Æneid. pag. 534. in ipso principio: *Coriti autem, inquit, montis Tusciæ, quia, ut diximus, nomen accepit a Corito Rege, cum cujus uxore concubuit Jupiter, unde natus est Dardanus. Ipse Poëta ibidem loci v. 7. de Æneæ post fœdus cum Etruscis sacrum initum, in Tusciam profectu:*

*Æneas urbe, & sociis, & classe relicta
Sceptra Palatini, regnumque petivit Evandri,
Nec satis, extremas Coriti penetravit ad urbes,
Lydorumque manum collectos armat agrestes.*

Iterum Servius idem Honoratus ad libr. 10. Æneid. pag. 610. pulchre sane: *Coritus est & Tusciæ civitas, & mons, & Dardani pater Rex, unde ad quosvis potest referri de finibus Coriti. Dixerat Maro v. 718.*

*Venerat antiquis Coriti de finibus Acron
Grajus homo.*

A Principe itaque mons, & civitas nomen duxit. Servio toties laudato, & sæpius laudando teste ad libr. 3. Æneid. pag. 270. *Dardanus Jovis filius, & Electræ, profectus de Corito civitate Tusciæ, primus venit ad Trojam. Idem est corruptus ad libr. 1. Æneid. pag. 196. nam cum Virgilius dixisset:*

Italiam quero patriam.

doctissimi Grammatici sunt hæc: *Hoc est Corinthum, Tuscia civitatem, unde Dardanus fuit.* Corrige manifesto sensu, & ex dictis legere non dubita: *Hoc est Coritum, Tuscia civitatem.* Par error in eodem hæsit ad libr. 7. *Æneid.* pag. 458. *Coriti, oppidum & mons dicti a Rege Corinthi, ut putantur a quibusdam, patre Dardani bis sepulto dicti.* Restitue facili negotio, & lege: *a Rege Coriti.* Sic poetæ intelligendi. D. Juvenal. Sat. 8. v. 64. de monte, ubi equi generosi nascebantur, uti & Dionys. Halicarnass. libr. 1. pag. 12.

At venale pecus Coribi posteritas.

Ubi turpiter lapsus Vetus Scholiastes, qui in Achaja locum eum esse interpretatur, quem constat in Etruria poni. Rutil. Numatian. libr. 1. Itiner. ad finem.

*Qualis nunc Decii Lucilli nobile pignus
Per Coriti populos arva beata regit.*

Sil. Italic. libr. 4. Punicor.

*Ergo agitur raptis præceps exercitus armis
Lydorum in populos, sedemque ab origine præci
Sacratam Coriti, junctoque a sanguine avorum
Meonios Italis permixta stirpe colonos.*

Idem libr. 5. Punicor.

*An Corvine sedet, clausum se consul inerti
Ut teneat vallo, Pænus nunc occupet alios
Arreti muros, Coribi nunc diruat arcem,
Hinc Clusina petat?*

Pudet, pigetque adferre, quæ in Pseudoberoso leguntur libr. 5. De florat. Histor. quam Annii pro magni Berosi scriptis supposuit: *Prisci Reges eligebant sibi successores in regno, quos vocabant Coritos, hoc est Jones vel bastatos, ita Sabatius Saga creatus Coritus a Jano, Hercules Tuscum e Janigenis creavit sibi Coritum, Morges filius Itali creavit Coritum sibi cognatum suum Cambolassionem.* O quæ monstra successorum! De Coritis Regibus audiendus Joann. Tzetzes Histor. Chiliad. 4. cap. 4.

Παῖς τῶν Κοριτῶν ὁ πάνσοφος ἕκτος
Puer Coritorum sapientissimus ille.

*Catalogus tertius Etruscorum Regum, a duobus
aliis paulo diversus.*

C A P. XI.

CUm hæc scriberem, incidi in historiam Bononiensem, Italice scriptam mediocri fide, & exacta diligentia a R. P. Cherubino Ghirardacchio Augustiniano Bononiensi; in ea statim in limine Regum Tuscorum series quædam erat, quam non indignam hoc loco censui. Sic itaque verba ipsius sonant Latine:

1. Tiberinus, a quo nomen suum Tiberis, prius amnis Albula, sumpsit, incepit regnare anno mundi 2736. ante natum assertorem humani generis annis 1225. regnavit ann. 30.
2. Ocnus Bianorus filius posthumus Regis Tiberini, huius, quem Jani filium supra docui, incepit regnare anno mundi 2785. ante natum Christum ann. 1176. obiit natus ann. 99. regnavit ann. 70.
3. Pipinus incepit regnare anno mundi 2855. ante salutiferum partum ann. 1106. regnavit ann. 56.
4. Nicius incepit regnare anno mundi 2911. ante partum Virginis ann. 1050. regnavit ann. 37.
5. Piseus incepit regnare anno mundi 2948. ante Salvatorem natum ann. 1013. regnavit ann. 52.
6. Tuscus Junior incepit regnare anno mundi 3000. ante Deipara partum ann. 961. regnavit ann. 39.
7. Amnus incepit regnare anno mundi 3039. ante gratiam ann. 922. regnavit ann. 25.
8. Felsinus incepit regnare anno mundi 3064. ante Verbum Incarnatum ann. 897. regnavit ann. 33.
9. Bonus incepit regnare anno mundi 3097. ante salutem partam ann. 864. regnavit ann. 28.
10. Atrius incepit regnare anno mundi 3125. ante Christi adventum ann. 836. regnavit ann. 37.
11. Marsyas incepit regnare anno mundi 3152. priusquam Christus nasceretur ann. 809. regnavit ann. 18.
12. Etalus incepit regnare anno mundi 3170. ante Virgineum partum ann. 791. regnavit ann. 31.
13. Cælius incepit regnare anno mundi 3200. antequam Virgo pareret ann. 761. regnavit ann. 21.
14. Galeritus Lucumo incepit regnare anno mundi 3222. ante Christi adventum ann. 739. regnavit ann. 20.

15. Lucius Tuscus incæpit regnare anno mundi 3242. ante Virginis partum 719. regnavit ann. 25.

16. Cibitius incæpit regnare anno mundi 3267. ante Virginem matrem factam ann. 394. regnavit ann. 82.

17. Lucumo Clusinus incæpit regnum anno mundi 3321. ante datam salutem ann. 360. regnavit ann. 38.

Hucusque ille historiæ suæ convenienter recensuit Etruriæ Reges, & nos suis locis exequemur.

*Etruscorum Regum stemma tertium: dicti illi Larthes
& Larthenianum Regia: iidem Claræ & Magni
appellati: non a Laribus sumptum nomen:
qui Lares, & Lar, seu Lars primus
ex ea familia: opima spolia a
Cornelio Cossio oblata.*

CAP. XII.

HÆc tertia est vetustissimorum Etruriæ Regum linea, adeo ut pro quolibet Rege *Lar* dicatur, & horum Regia diu *Laribemianum* vocata reperitur, ut est dicendum libr. 5. hoc opere infra: cujus quidem civitatis, ut multarum aliarum, nulum vestigium superest. Hoc nomen fuisse Regum plurium, inferius aperietur; nam & *Lars*, seu *Lar Porfena*, & *Lars* sive *Lar Tolumnius*, ille Clusinorum, hic Veientum Rex; quin imo putavere quidam, *Lar* quemlibet Regem significare. Hadrian. Turnebus libr. 18. Adversar. cap. 1. *Lar*, quod nomen sæpenumero legimus, adeo ut in prænomen abierit, videtur Ducem significare, vel Regem; nam *Ausonius Viridomarum Gallorum Ducem*, quem interfecit *Marcellus*, cuique opima spolia detraxit, *Aremoricum Lartem*, idest Gallicum ducem appellat, ab *Aremoricis* populis Gallie, quos multi *Aremoricos*, quam *Armoricos* vocare malunt. D. Ausonius in Monosyllabis:

Tertia opima dedit superatus Aremoricus Lars.

P. Quidius in epigrammatis, quæ penitus perierunt, nisi *Priapeja* illa obscæna, quæ circumferuntur incerto auctore, ejus sint:

Larte ferox caso Cossus opima tulit.

Priscianus Cæsariensis grammaticus libr. 5. *Lar si familiaris est, facit Laris, si Tolumnii Porfene, Lartis*. Sed locus est indubie corruptus; neque enim ullus Rex *Tolumnius Porfena*, sed duo sunt, octuaginta

annorum spatio ætatibus disjuncti, atque hic Clusinis, ille Vejentibus imperans, ut dixi. Franciscus Robortellus, reprehensio gravius Carolo Sigonio, locum bene restituit libr. 1. Emendat. cap. 26. *Lar, si familiaris est, facit Laris, si Tolumnii & Porsenæ, Lartis*. Vult enim antiquus grammaticus, Regum Etruriæ hoc nomen fuisse, ostendere & duos illos, magnis rebus cum populo Romano gestis, claros, ex hac familia, seu verius appellatione ista insignitos; veluti in Francia Meringenæos, aut Meronæos, Capetos, Valesios, ac Barbonios gentilitia Regum nomina scimus, in Scotia Comineos, Bruleos, Stuartos loquuntur Annales, hæreditario jure imperia sortitos; ita in veteri illa, nec unquam nisi obiter memorata Regum Etruscorum successione, quidam Janigenæ, quidam Coriti, nonnulli Lartēs, ac demum alii Lucumones appellati. Ad inceptum de Lartē sermonem regredior.

Valer. Max. libr. 10. *Lar Lartis prænomen est, sumptum a Laribus, Tusculum autem creditum est prænomen esse, fuitque Consul Lar Herminius cum T. Virginio Tricostō*: Ex quo loco liquet & Romam hoc cognomen, sive prænomen migrasse, fuisseque apud Tuscos magnæ dignationis vocabulum. Addam & Caroli Sigonii verba libr. de Nominibus Romanis: *Lartis prænomen, ut tradit Valerius, a Laribus sumptum est; Tusculum autem ante creditum est esse, fuitque Consul Herminius, idem fere Charisius, & Priscianus* (verba supra sunt posita) *& Servius in 6. Aneidos, Lar Tolumnius a Cossō occisus, a loco dictus est; fletur autem Lar Lartis. Et Livius libr. 4. Datturos, quod Lar Tolumnius dedisset. Et Cicero Philippica 9. Lar Tolumnius Vejentum Rex. De Larte Porsena Dionysius libr. 5. Quod autem Herminii consulis fuerit, ut ait Valerius, id ex Dione libr. 6.* (atqui triginta quatuor primi libri Dionis desiderantur, malignitate, ut credo, Joannis Xiphilini, qui in Epitomen redegerat, sed hoc est apud Halicarnassum libr. 11. pag. 729.) quoque cognoscitur; a quo ita anno tercentesimo tertio scribitur *λάρος Ἑρμίνιος, & a Diodoro λάρινος Ἑρμίνιος*. Ex his autem intelligi potest, quam vere scripserint quidam in libris de nominibus, ita postquam in Urbem migrarunt Sabini, duplicari nomina ceperunt, ut Numa Pompilius, Servius Tullius; Lares Porsena, quamvis hoc nomen Etrusculum fuerit, in quo prænominē, Lartēs, sciendum, veteres, eo veluti prænominē usos. Servius interpres Virgilianus ab oppido dictum putat: iidem Plutarchus in Publicola existimavit, qui tamen *λαέρτης* scribit, sed male. Hec illi; quam autem vere, ipsi viderint, neque enim Lartēs Porsena duobus tantum nominibus usus est; cum ex Tolumnii gente fuerit, Charisio, quem antea nominavi, auctore: nec Lartēs in recto casu dicitur, sed Lar, quod superioribus testimoniis comprobatur: nec Servius ab oppido Lartem dictum ait, sed a loco: nec item Plutarchus ullo in libro, nedum in Publicola, ab oppido dictum ait; neque enim est in Plutarcho *λαέρτης*, sed *λάρος*; inquit enim *ἐκάτευσεν, λάρων Πορσίνων, cum sit legendum ex Dionysio τὸν λάρων Πορσίνων*. Cur igitur hoc illi dixerunt? quia interpretem legerunt, qui ita ver-

vertit; supplex ad Laërtem Porſenam confugit; illi vero in Græcis libris verſati, quicquid in Græco Codice eſſe deberet, intelligentes, illud, quod non erat, eſſe affirmarunt. Hæc Sigonius, qui alios reprehendit, ipſe jure potiori redarguendus; nam neque Porſena ex Tolumnii gentē, cum corruptus ſit Codex Charifi, ut & Prifciani, & copula interpoſita utriuſque grammatici verba legenda ſunt: & ſi verum ſit utrumque ex gente Tolumnia, tamen Tolumnius Vejentium Rex multis annis poſt Porſenam fuit; ideoque Tolumnius ex gente Porſenæ, non Porſena ex gente Tolumnii debere dici videretur. Et plura Porſenæ nomina fuerunt, ſcilicet *Magnus* & *Claras*. Plutarch. Publicola pag. 105. Et Joann. Tzetzes Chiliad. Hiſtoriar. 6. cap. 39.

Λάρτις Πορſένιος Τυρράννης, ἢ Κλάρις, ἢ Πορſένιος,

Lartes Porſenna Etrufcus, aut Claras Porſenna.

Utrumque itaque prænomen ei assignat, *Lartis* & *Clare*. Dionyf. Halicarnaſſ. libr. 5. pag. 293. eundem *Magni* cognomento inſignitum comperio: & Rex Etrufcorum Porſena Magnus dictus. Silius Italicus libr. 8. Punicor.

... antiquus Romanis mœnibus horror

Cluſinum vulgus, cum Porſena MAGNE jubebas

Nequicquam pulſos Roma imperitare Superbos.

Quis primus fuerit eo nomine, qui Regnum Etruriæ occupaverit, haud facile dixerim: antiquiorem Porſena liquet, quia ejus familiari ſeu gentilitio *Lartis* nomini adjecta alia duo, *Claras* & *Magnus*, ut ſcilicet ab aliis *Lartibus* diſtingueretur. Servius Honoratus ad libr. 6. Æneid. pag. 445. *Hic Lartem Tolumnium Tuſcorum Regem a loco dictum occidit, & ſecunda poſt Romulum opima ſpolia revocavit.* De quibus optimis ſpoliis abunde Tiraquellus in Alexandrum ab Alexandro libr. 1. Genial. Dier. cap. 140 & infra hoc libro ex profeſſo agitur.

Lartis nomen, quod Etruriæ Regum fuit, ante Porſenam, ſimplex fuit, dicebaturque *LAR* Rex Etrufcorum; a quo poſteri *Lartes* dicti. Errat Valerius Maximus, qui ſupra hoc capite a *Laribus* derivari putat, cum ſit vocabulum Etrufcum; tamen ne lector diligentiam noſtram deſiderare poſſit, de *Laribus*, in rudiorum tironum gratiam, pauca ſubjungam. *Lares* certè non Romani modo, ſed & Ægyptii habebant. Macrob. libr. 1. cap. 19. Saturn. Et domi quiſque ſuæ *Lararium* hædinis pellibus contectum, laneiſque coronis ornatum quotidie colebat. Æl. Lamprid. Alexandro Severo. Cujus origo inde profluxit, quod nulla alia parentibus ſepulchra filii designarent, quam ſub foco domi. Florens Tertullianus libr. de Reſurrect. Carn. *ſcilicet quod apud majores olim homines in domibus ſuis ſepeliebantur.* Quod poſtea lege lata prohibitum narrat Iſidorus libr. 15. Etymologiar. cap. 111. *ne fetore ipſo corpora viventium contacta inſicerentur.* Servius Honoratus ad illud libr. 5. Æneid. pag. 364.

Præterea ſi nona diem mortalibus alnum

Tom. I.

S

Au-

Aurora extulerit.

Et ad illud libr. 6. *Æneid.* pag. 408.

Sedibus hunc refer ante suis.

Apud majores (ut supra diximus) omnes in suis domibus sepeliebantur. Unde etiam umbras larvas vocamus; nam dii penates alii sunt. Unde ortum est, ut Lares colerentur in domibus. Ex hac consuetudine derivatum est, ut domus pro sepulchro ponatur. M. Valerius Probus libello de Notis. D. M. *Domus mortuorum*. L. 4. C. de sepul. viol. Constantinus Aug. qui sepulchra violant, domos, ut ita dixeris, defunctorum. Vetus marmoris fragmentum.

AETERNAS. SINE. FINE. DOMOS.
MORS. INCOLIT. ATRA.
PERPETUOSQUE. LENIS. POSSI-
DET. UMBRA. LARES.

Et *Lar familiae pater* apud M. Plautum in prologo *Aululariae*: dictusque *Præstes*, quod domui præset. P. Ovid. libr. 5. *Fastor.*

Præstitibus Maja Laribus venere Calende.

Illis Diis domesticis, tanquam familiae custodibus, pueri puberes facti, sumpta virili toga, bullas, quas nobilitatis & pueritiae argumenta gestabant, suspendere solebant. Porphyrio. Vetus Grammaticus ad illud Horatii libr. 1. Sat. 5.

non donasset jamne catenam

Ex voto Laribus armum

Pseudo-cornutus ad illud A. Persii Satyr. 5.

Bullaque succinctis Laribus donata pependit.

Milites post emerita stipendia & ipsi arma sua illis dicabant. Ovid. libr. 4. *Trist. Eleg.* 7.

Miles ut emeritis non est satis utilis armis,

Ponit ad antiquosque tulit arma Lares.

Denique quidquid carum videbatur, iis consecrabatur. Liv. 4. Decad. libr. 4. *Pennarius Laribus suspendit molles pilas, reticula, strophia.* Haud dubie Livius est imitatus illud M. Varronis in Satyra Sesequi Ulyssæ apud Nonium:

Suspendit Laribus marinas molles pilas

Reticula, & strophia.

Sed quæ nam illæ marinæ pilæ locum puto esse depravatam, legendumque:

Suspendit Laribus myrrhinas molles pilas.

Ara, inquam, illis focus erat! M. Cato de Re Rust. cap. 143. Helcnius Acro ad Oda. Epodon Horatii. Atque hi vel privati erant, vel publici, privati sive domestici. L. Apulejo significantur libr. de Deo Socratis: *Qui pacata & quieta numine domum possident.* Sueton. Calig.

Calig. cap. 5. C. Salustius in Catilinaria. Tertullian. Apologet. cap. 13. Plutarch. Problemat. Roman. cap. 51. Publici vero, & urbani, & compitalitii, & viales dicti. Ovid. libr. 5. Fastor.

Stant quoque pro nobis, & præsumt manibus urbis.

M. Lucan. libr. 1. Pharsal. ad finem.

..... urbisque labores

Testatos sudore Lares.

Marial. libr. 3. Epigr. 31.

Urbanique tenent prædia culta Lares.

Hos Turnebus libr. 29. Adversarior. cap. 13. putat *Hostilios* dici; quod hostes submoveant, domumque ab incurfu hostili tueantur. Fest. Pomp. libr. 8. Sext. Propert. libr. 3. Eleg. 2.

Hannibalemque Lares Romana sede fugantes.

Uti domibus, urbibusque præesse credebantur, ita & viis; unde *viales* illis nomen, & *compitales*. Plaut. in Mercatore Act. 5. Sc. 2.

Vos Lares viales, ut me bene juvetis.

Arnob. libr. 3. Contr. Gent. C. Plin. libr. 36. cap. 27. M. Valer. Maxim. libr. 1. cap. 6. Fl. Eutrop. libr. 1. Histor. Rom. L. Seneca libr. 3. Controv. 9. Ascon. Pædian. in Pisonianam. Sueton. Augusto cap. 31. M. Cicero libr. 7. ad Atticum Epist. 7. Junius Philargyrius ad libr. 2. Georgicon v. 381. D. Aufon. Eidyll. 25.

Et nunquam certis redeuntia festa diebus,

Cum sua per vicos compita quisque colit.

P. Ovid. libr. 2. Fastor.

..... geminosque parit, qui compita servant,

Et vigilant nostra semper in æde Lares.

Nævius poëta antiquissimus in Tunicularia, apud Festum:

Theodorum compellas, qui aras compitalibus

Sedens in cella circumtectas tegesibus

Lares ludentes peni pinxit bubulo.

Sed satis. qui plura de his cupis, vide, præter criticos, Antiquitates meas Romanas, & maxime libr. 4. cap. 9. Ego ad Reges digredior.

Etruscorum Regum quartum stemma, qui Lucumones dicti: illi dominabantur, cum Romani Etruria sunt potiti: vini usum Gallos docuerunt, jisdemque Italiam invadentibus duces fuerunt: per contumeliam Lucumo idem atque insanus; pro quolibet tamen Principe dicebatur.

CAP. XIII.

Quartum istud est, atque ultimum Regum Etruscorum stemma, qui Imperio exuti, regionem suam regnumque viderunt Romani juris factum. Hos enim patrio vocabulo *Lucumones* appellabant, hoc est Reges, sive opulentia potentes, ut hæc T. Livii 1. Decad. libr. 1. verba innuere videntur: *Anco regnante, Lucumo vir impiger, ac divitiis potens, Romam commigravit, cupidine maxime, ac spe magni bonoris, cujus adipiscendi Tarquiniis, nam ibi quoque peregrina stirpe oriundus erat, facultas non fuerat. Damarati Corinthus filius erat, qui ob seditiones domo profugus cum Tarquiniis forte confedisset, uxore ibi ducta, duos filios genuit. Nomina his Lucumo, atque Aruns fuerunt: Lucumo superfuit patri bonorum omnium hæres: Aruns prior quam pater moritur, uxore gravida relicta, nec diu manet superstes filio pater, qui cum ignorans nurum ventrem ferre, immemor in testando nepotis decessisset, puero post avi mortem in nullam sortem bonorum nato, ab inopia Egerio nomen inditum, Lucumoni contra omnium hæredi bonorum, cum divitiæ jam animos facerent. Ex quibus patet alienigenæ & peregrinæ stirpis homini, sed tamen divitiis præpotenti, nomen Lucumonis fuisse concessum, quod haudquaquam privatum erat, sed Regiæ, & tunc quidem dominantis, aut certe paulo post principatum adeptæ, familiæ nomen. Eodem sane modo, quo in Gallis, Italia, Scotiaque contingere videmus, ut viris bello aliisve artibus claris Reges suum stemma, & gentilitia insignia in virtutis præmium gestanda donent; sic Gallorum lilia, Scotorum Leonem plerique nobiles ferendi jus habent; ita exulibus iis, & in Etruria sedem figentibus, Lucumonum nomen est concessum, quod & ipsorum Regum ea tempestate fuit, uti paulo infra aperietur. Potentes etiam quique in Tuscia, & optimates, regnique procures sic appellati. Censorinus libello de Die Natali cap. 4. in fine: *Nunc vero ea licentia poetica processit libido, ut vix auditu ferenda confingat, post hominum memoriam progeneratis jam gentibus, & urbibus conditis, homines**

mines a terra diversis modis editos, ut in Attica fertur regione, Erichthonius ex Vulcani semine homo ortus, & in Colchide vel Boetia confusus anguis dentibus armati partus: e quibus mutuo inter se necatis pauci superasse dicuntur, qui in conditu Thebarum Cadmo fuerunt adiumento: nec non in agro Tarquinienfi puer dicitur divinitus exortus, nomine Tages, qui disciplinam cecinerit extispicii, quam Lucumones Etruriæ potentes excrisperunt. Servius Maurus, unus fide ac diligentia omnes criticos ac grammaticos longe superans, ad illud P. Virg. libr. 2. Æneid.

Vulneraque illa gerens, quæ circum plurima, muros

Accepit patrios.

Quia, ut Homerus dicit, in Hectorem extinctum omnes tela jecerunt, more majorum, unde est:

..... bissex thoraca petitum,

Perfossam locis

propter duodecim populos Tusciæ, duodecim enim Lucumones, qui Reges sunt lingua Tuscorum, habebant. Et rursus idem ad illud libr. 5. Æn. pag. 384.

Tres equitum numero turma.

Rem Romane militiæ suo intulit carmini; nam constat primo tres partes fuisse populi Romani: unam Tatienſium a Tito Tatío duce Sabinorum, jam amico post fœdera: alteram Rhamnetum a Romulo: tertiam Lucerum, quorum, secundum Livium, & nomen, & causa in occulto sunt. Varro tamen dicit, Romulum dimicantem contra Titum Tatium, a Lucumonibus, id est Tuscis, auxilia postulasſe; unde quidam venit cum exercitu, cui recepto jam Tatío, pars urbis est data, a quo in Urbe Tuscus dictus est vicus. Horatius:

..... ac Tusci turba impia vici;

Ergo a Lucumone Luceres dicti sunt. Idem ad illud libr. 8. Æn. pag. 516.

Sed tibi ego ingentes populos, opulentaque regnis

Jungere castra paro.

Ingentes populos non sine causa dixit; nam Tuscia duodecim Lucumones habuit, id est Reges, quibus unus præerat. Laudat deinde versum ex libr. 10. Æneid. a me paulo infra citandum. Denuo idem ad illud libr. 10. Æneid. pag. 585.

Gens illi triplex, populi sub gente quaterni.

Mantua tres habuit populi tribus, quæ & in quaternas Curias dividebantur, & singulis singuli Lucumones imperabant, quos in tota Tuscia duodecim fuisse manifestum est, ex quibus unus omnibus imperat; hi autem totius Tusciæ divisas habebant quasi præfecturas, sed omnium populorum principatum Mantua possidebat. Quod de Coloniis, trans Apenninum ductis, est intelligendum; siquidem quot Cis Apenninum erant civitates Etruriæ, tot trans eundem montem positi erant, docui libr. 1. hoc opere cap. 9. Denique de Lucumonibus idem grammaticus ad illud libr. 11. Æneid. principio:

Telaque trunca viri, & bissex thoraca petitum

Perfossamque locis.

1) Horat. libr. 2. Sat. 3.

Duodecim vulneribus appetitum, quia, ut supra diximus, totius Tusciae populus in duodecim partes fuit (deest aliquid, forte divisus) ut

Gens illi triplex, populi sub gente quaterni, qui singulis Lucumonibus parebant. Hi Græcis dicuntur Λουμόμωνος nomine, ut apud Plutarchum in Camillo pag. 135. & pag. 136. ubi narrat Lucumonem, qui illi ὡνὴρ ἐπιφανὴς, καὶ φύσει μὲν ἂν ποιητὴς Τυρρηνός. *clarus vir Tuscus, neque sua natura improbus*, vocatur, vini usum Gallis primum ostendisse, cum ex Etruria eo, Aruntis pupilli sui corrupta uxore, confugisse, & iisdem gentibus, Italiam invadentibus, ducem fuisse. Aliis Scriptoribus Græcis sunt diversa ratione dicti; nam non Λουμόμων, sed Λοκόμεων habetur apud Dionysium Halicarnasense lib. 2, pag. 104. & sequenti. Et nos infra, ubi de Lucumone Galerito.

Hoc nomen Regium, magnitudine gestorum inclitum, Romani hostiliter corrumpere nitentes, quod iis solemne non tam armis, quam contumeliis in gentes devictas fœvire, *Lucumones* interpretati sunt *insanos*. Fest. Pomp. lib. 10. *Lucumones quidam homines ob insaniam dicti, quod loca, ad qua venissent, infesta facerent*. Clare improbitatem & insolentiam Romanorum indicat, qui Regum Etruscorum nomine abusi, quos bello superare non poterant, sinistra fama traducebant; & quia infesta Romanorum loca armis faciebant, insanos ideo eo nomine compellabant, quasi virtus insania esset. Sic fortunæ illi benignitate blandiori insolescentes, Gallos & Cimbro carnifices, Getas servos, Libes pedissequos, Samnites gladiatores dicebant. Certe tamen, ne Lucumo bonum & legitimum Regem significaret, efficere non potuerunt. Sidonius Apollinar. lib. 5. *Epist. Temperat Lucumonem sua Tanaquil*. Chilpericum non insanum, sed miræ bonitatis Regem significat, ut est apud Gregorium Turonensem lib. de Vit. Patr. cap. 1. Errat ergo Joseph. Scal., qui lib. 2. Aufoniar. Lect. cap. 12, hoc solo loco Sidonii adductus, quem falso interpretatur *tritum in ore vulgi vocabulum in homines insanos & intractabiles*; quin imo Lucumonis & Tanaquillis nomine probissimos conjuges principes denotare voluit. Vide Jo. Savaronis in laudatum Sidonii locum notas. Ac ne bene Aufonii versum Epist. 4. intelligunt vulgo. Hadrian. Turneb. lib. 2. Adversar. cap. 23. non videtur in bonum Codicem incidisse, dum legit;

Stillito decies si cor purgeris aceto,

Antyciramque bibas Samii Lucumonis acumen.

Melius in aliis editionibus:

Anticipesque tuum Samii Lucumonis acumen.

Vult enim principem virum sedulo Pythagoræ disciplinæ vacare; nam Lucumonis nomine Regium stemma, Samii appellatione Pythagoricam philosophiam indicat, ut recte censet Pierius Valerianus lib. 41. Hieroglyphicor. in principio. Purgari autem se solebant philosophiæ incubituri, quo paratam sapientiæ mentem corpus quoque deterfum non modo non moraretur, sed impensius adjuvaret. Vide

exem.

exempla Carneadis, & Zenonis apud Hadrianum Turnebum libr. 6. Adversarior. cap. 17.

Denique pater Tarquinii Prisci Lucumo appellabatur, quod nomen peregrinum in Romanum fuit permutatum. Aurel. Macrob. libr. 1. Saturnal. cap. 6. ut nulli dubium esse possit, quin jam tum a condita Roma celebre id nomen fuerit.

*Etruscorum Rex Fontus, Jani filius, in
Deos relatus.*

C A P. XIV.

Post stemmatum discretionem, ad ipsos Reges revertor. Ac primum reperio Etruriæ Regem Fontum fuisse, & ipsum Jani filium, ut credibile videri cuilibet perspicaci possit, Janum primum Regem: secundum ab eo Camelsen Jani sororem; ac uxorem, ac deinceps in partem Imperii adscitam, ut supra hoc libro cap. 4. docui: tertium ordine hunc Fontum paterni maternique regni heredem ac successorem: de quo Arnob. libr. 3. Cont. Gent. *Incipiamus ergo solemniter ab Jano & nos patre, quem quidam ex vobis mundum, annum alii, Solem esse prodidere nonnulli. Quod si accipiemus, ut verum sit, sequitur, ut intelligi debeat, nullum unquam fuisse Janum, quem ferunt Cælo atque Hecate procreatum, in Italia regnasse primum, Janiculi oppidi conditorem, patrem Fonti, Vulturni generum, Juturnæ maritum.* Hic quoque, quod res rusticas, & fontium per agros derivandorum rationem excogitavit, inter Deos receptus, divinisque honoribus cultus creditur, vocatusque Fontinalis Deus, ut ab erudito Turnebo libr. 16. Adversarior. cap. 11. proditum est. M. Plaut. Stich. Sc. Agite, ite foras:

Quid istuc est provincie? St. utrum Fontali,

An Libero imperium te inhibere mavis?

Corruptum trochaicum versum lege:

Quid istud est provincie. St. utrum Fontinali

An Libero

Sic locum istum e Mineo Felice Martiano Capella libr. 2. de Nupt. Merc. & Philolog. intelligo. *Impietas, idest Pluton, quem etiam Ditem Vejovemque dixerunt, ipsam quoque terram, quæ hominibus invia est, refertur longævorum chori, qui habitant silvas, nemora, lucos, fomes, ac fluvijs, appellanturque Panes, Fauni, Fones, Satyri, Silvani, Nymphæ; Fauni, Fatuæque vel Fautuæ, vel etiam Fana, a quibus Fana dicta, quod soleant divinare; hi omnes post prolixum ævum moriuntur, ut homines,*

sed

sed tamen & præsciendi, & incurfandi, & nocendi habent præsentissimam potestatem. In ora Renati Fragrii editionis erat sic asteriscis notatus locus, ut appareret facile esse corruptum; nam pro *Fones*, erat diserte scriptum, *Foni*, unde lego *Fonti*, unico elemento inserto. *Fantuum* vero Deam reperio apud Saxonem Grammaticum Histor. Danicæ libr. 1.

Salu librantur Furie, glomerantur iisdem

Larvæ, quas finis Fantua juncta premit.

Hinc apud Romanos, qui & Jano & Vortuno, sive Vertumno divinos honores decreverant, Fontum quoque celebrantes, dies sacra erat, quam *Fontinalia* dicebant. Vetus Calendarium III. Eid. Octobr. FONT. N. P. *Fontinalia, nefastus primo.* Meminere & grammatici. M. Varro libr. 4. de Ling. Lat. *Fontinalia a fonte, quod is dies ferie ejus, ab eo autem tum & in fontes coronas jaciunt, & puteos coronant.* Sed quid, si Varro quoque librariorum incuria depravatus? & inducor, ut putem legendum: *Fontinalia a Fonto*: & probabilis est conjectura, quod peculiari cuidam Deo res omnes subessent, a cujus Dei nomine ferie vocarentur, ut Vulcanalia, Confualia, Vortumnalia, quæ à Vulcano, Confo, & Vortumno appellationes sortiebantur. Fest. Pomp. libr. 6. simpliciter tantum: *Fontinalia fontium sacra.*

*Etruscorum Rex Anius, raptorem filie persequens,
in Aniene demersus: Anii fluvii duo: ab hoc
Anniorum, seu Antoniorum genus: Latinus,
Rex Latii, ejus nepos: & de raptu
Virginum pauca.*

C A P. XV.

Vetustissima hujus Etruriæ Regis est memoria, quem nonnulli *Annium* imperite, & ipsi minime mali, sed hominum ineptissimos, & scurriliter in bonis literis ludentes secuti, appellavere. Rem totam, lepidissimamque de Anio nostro historiam narrant Aristides Milefius, & Alexander Polyhistor. libr. 3. Italicorum apud Plutarch. in Parallelis pag. 315. (1). Ἀνίος δὲ τῶσων βασιλεὺς ἔχων θυγάτηρα ἑταίρου Σαλίου παρθένου ἐτήρη, Κάθητος δὲ ἐκ τῶν ἐπισήμων ἰδὼν τὴν παρθένου παίζουσαν ἡρώδη, καὶ μὴ σέγων σὺν ἑρωτῇ, ἤρπασε, καὶ ἦγεν εἰς Ῥώμην, ὃ δὲ πατὴρ ἐπιδιώξας, καὶ μὴ συλλαβὼν ἦλθετο εἰς τὴν Παρεσσίαν ποταμὸν, δὲ Ἀνίων μετανοήσας, τῇ δὲ Σαλίᾳ συγγενέμενος, Κάθητος ἐπαίσατο Λατίων καὶ Σάλιον, ὅρ' ὅν δι' εὐγενέστατοι κατήγον, τὸ γένος ὡς Ἀρι-

[1] Editionis Lutetiae Parisior. 1614.

ὡς Ἀριστέδης Μιλήσιος καὶ Ἀλέξανδρος ὁ Πολύσιπος ἐν τρίτῳ Πρακτικῶν. *Annius Etruscorum Rex, cum haberet filiam eleganti venustate, nomine Saliam, virginem eam custodivit, Catbetus autem primi nominis homo, cum ludentem eam vidisset, amore captus atque victus rapuit, Romamque adduxit: pater insecutus cum non assequeretur, in profluentem se salu dedit* (ita interpres Guilielmus Xylander, male; nam oportebat sic vertisse: *in profluentem Parensium fluvium*) qui ab eo est dictus Anio: Catbetus ex Salia Latinum ac Salium procreavit, nobilissimarum auctores prosapiarum. Hec Aristides Milesius, & Alexander Polyhistor. libro tertio Italicorum. Unicum est dolendum, tempus tam clari facti non esse expressum. Antiquissimum certe esse, vel ex eo constat, quod Annii nepos ex filia Salia Latinus fuerit, a quo Latium postmodo sit nominatum. Isidor. libr. 9. cap. 1. Quod autem dicat Romam profugisse, prolepsis est, hoc est locum, ubi postea Roma est ædificata: vel certe ex opinione Græculorum hæc sunt a Græculis scripta, qui a Græcis, multis ante Romulum annis, volunt Romam esse conditam, ut facile ex Plutarchi Romulo in principio, & Festo Pompejo libr. 16. in voce *Romam*.

Annius Rex itaque Parensii fluminis nomen mutavit, ut Anio vocaretur: meminerunt grammatici, Priscianus Casariensis, P. Consentius, Sospater Charisius libr. 1. Martianus Capella libr. 3. de Nupt. & geographi, Strabo Amasianus libr. 5. pag. 162. & pag. 164. Plinius libr. 3. cap. 5. Vibius sequester libello de fluminibus. Alii etiam: Sidon. Apollinar. libr. 1. Epist. 5. *Anienis cerula*. Plinius junior libr. 8. Epist. 17. *Anio delicatissimus annium*. Ad quem locum Maria Cataneus. Historici, Dionys. Halicarn. libr. 3. pag. 161. Ἀνίων ποταμὸν vocat, ejusque cursum idem describit libr. 5. pag. 305: Sed & poetæ. M. Lucan. libr. 1. Pharsal. v. 582. fuit enim in ejus ripa Marii sepulchrum:

Tollentemque caput gelidas Anienis ad undas

Agricolæ fracto Marium fugere sepulchro.

Horat. libr. 1. Od. 7.

Qua præceps Anio & Tiburni lucus, & uda

Mobilibus pomaria rivis.

Silius Italic. libr. 1. Punicor.

Qua patet acceptis Anienis ditior undis

In pontum flavo descendit gurgite Tibris.

Et libr. 12. Punicor.

Sulfureus gelidus qua serpit leniter undis

Ad genitorem Anio labens sine murmure Tibrim:

Papin. Stat. libr. 1. Silv. 5. v. 24.

Quas præceps Anien, atque exceptura natatus

Virgo juvat.

Et eodem libr. Silv. 3. v. 71. Anienem vocat:

Illis ipse antris Anienus, fonte relicto.

Tom. I.

T

Nisi

Nisi dicamus, ut Tibridis Tiberinus est Genius, ita & Anienis erit Anienus, quod & verum. Sest. Propert. libr. 4. Eleg. 7.

Ramosis Anio, qua pomifer incubat arvis.

Virgilius libr. 7. Æneid.

... gelidumque Anienem, & roscida rivois

Hernica saxa colunt.

Flavius Blondus putat hodie *Teverone* vocari, sed vix est, ut assentiar nam auctores laudati eum a saxosis rupibus in subjectam planitiem cadentem describunt, ideo hodie ab incolis *Cascata* appellatur. Dirimit Sabinos a Latio, & Marforum agros alluit, ut jure mihi dubium oriatur, quomodo Anniius ex Etruria fugientem Cathetum (cum ille Romam jam occupasset, nec posset ejus celeritatem æquare, qui sequebatur) non assequens, in Anienem se præcipitaverit, qui ab altero, ex Etruria euntibus, Romæ est latere, ut videri possit, prius eum Romam, quam Anienem debuisse pervenire; sed ego nunc primum doceo in Etruria alium esse Anienem, diversum ab illo, qui in Latio. Pomponius Mela libr. 2. de situ orbis cap. 4. *Ardea, Laurentum, Ostia, citra Tiberim, in hoc latere sunt, ultra, Pyrgi, Anio, Castrum novum, Graviscæ, Cosa:* quod male feriati quidam ad Anienem in Latio traduxerunt; sed faciunt, quod facere solent.

Ab hoc Anno Rege credibile est Anniorum Romanorum splendidissimam familiam originem ducere, cujus meminit Martialis libr. 7. Epigr. 47. quam demiror omissam a Richardo Streinnio Barone Schuparzenavii, maxime cum tot ex ea patricii, ut sunt, *Annius Cornicula, Anniius Fustus, Anniius Libo, Anniius Macer, Anniius Severus*, ac demum *Annius Verissimus, & Anniius Verus*, a quibus Imperatores *Antonini* utrumque stemma trahunt, ut fuscè Julius Capitolinus, & Æl. Spartianus describunt.

Pauca de raptu virginum hac occasione subjungam, non ignarus alteri operi convenire. Raptus itaque duplex, unus consuetus formularisque, atque omnibus nuptiis adhibitus, ab isto facto fortassis initium sumens, a Romuli exemplo manasse credunt, qui Sabinas raperat: alter est raptus, legibus prohibitus, de quo jurisconsulti passim. Raptus ille primus boni ominis gratia fiebat, ut scilicet sponsus ex sponsa rapta generaret liberos; quales Cathetus hic noster ex Salia, vel quales primi Quirites ex Sabinis, quibus, ut neque molere, neque coquere cogerentur, concessum. Plutarch. in *Quæstionib. Roman.* pag. 284. sic enim raptas in omni honore & observantia habebant. Jacobus Renardus *Commentatio* in Leg. 12. Tabular. *Quo quidem tempore ea videtur fuisse matrimonii contrahendi ratio, ut usu quisque virginem ex gremio matris, aut ex proxima necessitudine vi simulata raptam, non aliter suam faceret, quam Romana pubes Sabinas olim virgines suas usu fecerit, id omnino mihi visus est voluisse Festus. Rapi simulatur virgo ex gremio matris, aut si ea non est, ex proxima neces-*

necessitudine, cum ad virum trahitur, quod videlicet ea res feliciter Romulo cessit. Formam hujus imaginarii raptus nusquam melius ab alio, quam a L. Apulejo expressam reperies, cujus hæc sunt libr. 4. Milesiar. ubi sic puella die ipso nuptiarum rapta, abductaque a prædonibus: *Tunc suo me gremio mater infelix tolerans, mundo nuptiali decen-ter ornat, mellisque suavis celebriter ingestis, jam spe futura libera-rum votis anxius propagabat; cum in rptionis subita gladiatorum impe-tus ad belli faciem seiciens, nudis & incertis mucronibus coruscans, non cædi, non rapinæ manus afferunt, sed denso conglobatoque cuneo cubicu-lum nostrum invadunt protinus: nec ullo de familiaribus nostris repu-gnante, ac ne tantillum quidem resistente, me miseram, exanimem, sævo pavore trepidam, de medio matris gremio rapuere.* Addit deinde alium locum ex Tertulliano libr. de Spectaculis, quem vide, neque exscribo. Atque ita virgo rapiebatur, ut ne limen quidem domus paternæ cam tangere paterentur. Servium consule in Eclogam Virgilii 8. & Plutarchum Problemat. Roman. cap. 29. Hinc illud M. Lucani libr. 2. Pharsal. de Nuptiis Catonis:

Tralata vetuit contingere limina planta.

Hæc de antiqua solemnique virginum rapiendarum consuetudine. Erat & alius raptus, qui legibus interdictus, de quo Edictum est Constantini Aug. legg. 1. 2. 3. C. Theodosiano de Raptu Virginum, vel Viduarum, ubi sic Anienus vetus Interpres: *Si cum parentibus puella nihil quisquam ante definiat, ut eam suo conjugio debeat sociare, & eam vel invitam rapuerit, vel volentem, si raptori puella consentiat, pariter puniantur; si quis vero ex amicis, aut familia, aut fortasse nu-trices puellæ consilium raptus dederint, aut opportunitatem præbuerint rapiendi, liquefactum plumbum in ore & in faucibus suscipiant, ut merito illa pars corporis concludatur, de qua hortamenta sceleris ministrata no-scuntur; illæ vero, quæ rapiuntur invite, quæ non vocibus suis de raptu reclamaverint, ut vicinorum, vel parentum solatio adjute, liberari pos-sint, parentum suorum successio denegetur: raptori convicto appellare non liceat, sed statim inter ipsa discussionis initia, a iudice puniatur: quod si fortasse raptor cum puellæ parentibus paciscatur, & raptus ultio paren-tum silentio fuerit prætermisus, si servus ista detulerit, Latinam percipiat civitatem: si Latinus fuerit, civis fiat Romanus: parentes vero, qui rap-tori in ea parte consenserint, exilio deputentur; qui vero raptori solatia præbuerint, sive viri, sive feminae, ignibus concrementur.* Harmenopus libr. 6. Eclog. 58. Leonis Aug. Novell. 35. & Nov. 143. Jul. Clarus sententiar. §. 5. Estque raptus crimen publicum, ut definit Paulus J. C. L. 4. ff. nox alib. & Lex unica Justiniani C. de Raptu Virgin. Et disquirat Petrus Gregorius Tolofas libr. 36. Syntagmat. Jur. cap. 9. ex Paulo Grillando, & Abbate Panormitano. Ubi de legibus di-versarum gentium Salica, Bojariorum, & Draconis. Et ego multa dixi ad illud Claudiani libr. 2. de Raptu.

. . . crimenque feri raptoris acerbat.

Et ad illud de Bello Gildonico:

*Instat terribilis vivis, morientibus heres,
Virginibus raptor, thalamis obscenus adulter.*

*Etruscorum Rex Debeberis, & ipse Tiberi
demersus.*

C A P. XVI.

Hunc etiam Principem, ut scimus Vejentibus, idest Etruriæ toti, cujus primis illis seculis amœnissimi secessus Veiis habebantur, imperasse, ita quid rerum bello paceque gesserit, quamdiu regnaverit, ex qua ferie Regum Etruscorum fuerit, ac demum quo tempore floruerit, in incerto est; nam cum nullus dato studio res Tuscas scriptis consignaverit, & Romani rebus eorum immorentur, quamdiu cum suis conjunctæ sint, relinquitur nuda tantum memoria, quæ diligentius eo recolenda est, quo fortissimus populus majori fortunæ acerbitati patuit. Igitur M. Varro libr. 4. de Ling. Lat. *Tiberis. quod caput extra Latium, sic inde quoque nomen effluit in Linguam nostram, nihil Latinum, ut quod oritur e Samnio Vulturnus, nihil ad Latinam Linguam; at quod proximum oppidum secundum mare ab eo Vulturnum, ad nos jam Latinum vocabulum, ut Tiberinus, nam & Colonia nostra Vulturnum, & Deus Tiberinus. Sed de Tiberis nomine anceps est historia; nam & suum Etruria, & suum Latium credit. Fuerunt, qui a vicino regulo Vejentum Dehebri dixerint, appellatum primum Debebrim. Sunt, qui Tiberis priscum nomen Latinum Albulam vocatum literis tradunt, posterius propter Tiberinum Regem Latinorum mutatum, quod ibi interierit, nam hoc ejus, ut tradunt, sepulchrum. Magna sane obscuritas, altæque antiquitatis latebræ, quando & ipse Varro tam vetustam Dehebris Regis memoriam testetur, ut nihil certi constitui posse videatur; tamen, ne non vero similia adferret, primum hujus fluvii nomen ait esse *Albula*, secundum *Dehebris*, tertium denique *Tibris*. Hic Rex etiam Debeberis in aliis codicibus est.*

Etruscorum Rex Tiberis, qui ei fluvio tertium nomen dedit, vel Tiberinus Albanorum Rex.

CAP. XVII.

EThic Etruria Rex reliquit id tantum posteris suis certi, regnasse se; sed quando, quomodo, & quamdiu, ne Oedipus quidem, aut Apollo divinarit. Meminit hujus Festus Pompejus libr. 18. *Tiberis fluvius dictus a Tiberino Rege Albanorum, quod in eo cecidisset: vel Tiberis a Tiberi, Rege Tuscorum.* Accedit Servius Maurus ad illud libr. 8. *Æneid. pag. 490.*

*Tuque, o Tibri, tuo genitor cum flumine sancto
Accipite Æneam.*

Tiberim vero alii a Rege Aboriginum dictum volunt (hoc est Etruscorum, ut ostendebam plene libr. 1. hujus operis cap. 7.) qui juxta dimicans interemptus est: alii ab eo Rege, quem Glaucus Minois filius in Italia interemit: alii, inter quos & Livius, ab Albanorum Rege, qui in eum cecidit. Idem rursus ad illud eodem libro pag. 506.

*Tum Reges, asperque immani corpore Tybris,
A quo post Itali fluvium cognomine Tybrim
Diximus, amisit verum vetus Albula nomen.*

TYBRIS. Hic Tuscorum Rex fuit, qui juxta hunc fluvium pugnans cecidit, & ei nomen imposuit: vel alius, ut quidam volunt, a Glaucō, Minois filio, occisus est. Licet igitur hunc diversum Tiberim a Tybri facere, & quamvis pertinax grammaticorum opinio Tiberim potius, quam Tybrim dicendi invaluerit; tamen promiscue hæc possunt usurpari. Visum est autem aliis, non a Tiberi Rege Etruriæ, sed a Tiberino Albanorum Rege nomen fluvio huic datum; ut auctores supra proxime laudati asserunt, & T. Livius 1. Decad. libr. 1. ubi de successione Regum Albanorum: *Pax ita convenerat, ut Etruscis Latinisque fluvius Albula, quem nunc Tiberim vocant, finis esset. Silvius deinde regnat Ascanii filius, casu quodam in silvis natus. Is Æneam Silvium creat: is deinde Latinum Silvium: ab eo colonia aliquot deducta, prisca Latini appellati. Mansit Silvium postea omnibus cognomen, qui Albæ regnarunt: Latino Alba ortus, Alba Atys, Aty Capys, Capy Capetus, Capeto Tiberinus, qui in trajectu Albula amnis submersus, celebre ad posteros nomen flumini dedit. Eadem P. Ovid. libr. 4. Fastor. principio:*

*Cumque patris regnum post hunc Tiberinus haberet,
Dicitur in Tusce gurgite mersus aquæ.*

Etru-

*Etruscorum Rex Tybris, & ipse flumini nomen indidit:
ab Argonautis occisus: varia ejus
fluvii nomina.*

CAP. XVIII.

TANI filium Tiberinum, five Thiberinum Etruriæ Regem imperasse ex Cap. 4. hujus libri supra patuit, a quo & nomen fluvio illi celeberrimo inditum nonnulli credidere. Dehebrim, five Deheberim alium ab illo Varro quoque supra fidem fecit, nec cum eo eundem Tiberim Regem fuisse est existimandum. Atque ab iis quidem quartus hic, affini sane aliis nomine, Etruriæ Rex distinctus videtur; quippe Servius Honoratus, superiori capite laudatus: *Aut alius, ut quidam volunt, a Glaucio Minois filio interceptus: & ibidem loci: alii volunt ipsum Regem latrocinatum esse circa hujus fluminis ripas, & transeuntibus crebras injurias intulisse; unde Tiberis quasi ὕβρις (contumelia) dictus est, ἀπὸ τῆς ὕβρεως, idest ab injuria, amabant majores, ubi aspiratio erat θ ponere.* Idem ad illud libr. 3. Æneid. pag. 298.

*Si quando Tybrim, vicinaque Tybridis arva
Intraro.*

Tybrim fluvium, pro quo Regem ipsum posuit Tybrim, qui in hunc cecidit fluvium, & ei nomen dedit, nam antea Albula dicebatur, ut ostendit in septimo Virgilius. Alii volunt non Tybrim cecidisse, sed Tiberinum Regem Albanorum, a quo Tyberis dictus est. Ut autem Tybris dicatur, hæc ratio est. Quodam tempore Syracusani, victores Atheniensium, ceperunt Syracusis ingentem hostium multitudinem, & eam caesis montibus fecerunt addere munimenta civitati; tunc auctis muris etiam fossa intrinsecus facta est, quæ flumine admissio repleta, munitiorem redderet civitatem. Hanc igitur fossam per hostium pœnam & injuriam factam, Ybrim vocaverunt ἀπὸ τῆς ὕβρεως (a contumelia) postea profecti Siculi ad Italiam, eam tenuerunt partem, ubi nunc Roma est, usque Rutulos & Ardeam, unde est, (1) fines super usque Sicanos, & Albulam fluvium ad imaginem fosse Syracusane, Tybrin vocaverunt, quasi ὕβρις (contumeliam) ut (2) effigiem Xanthi Trojæque videtis. Circa Syracusas autem esse fossam, nomine Ybrin, Theocritus meminit. Nimia est hæc Servii diligentia, nomen Tybris a Syracusanis, Latii incolis, derivantis: convenientius & rei majestati, & dignissimorum scriptorum fidei aptius ad Tybrin Etruriæ Regem appellationem referri; raro quippe evenire videmus, ut peregrini locis

(1) Virgil. Æneid. libr. 11. v. 317. (2) Virg. idem Æn. libr. 3. v. 497.

locis celebrioribus nomina imponant, vel si victoris jure imponi ab iis ea contingat, ea indigenarum usus in patria vocabula convertere solet.

Quando hic Tybris vixerit, objeritque, videor deprendisse, ante bella Thebana Trojanaque ejus regnum floruisse; nam Servius eum a *Glauco Minois filio occisum* scribit proxime supra: & fuit hic *Glaucus Argonauta*, navisque fabricator, qui solus in navali cum Etruscis prælio ex Argonautis non fuit sauciatus, ut Scriptor vetustissimus testatur Possis Magnesium libr. 3. Amazonidis, apud Athenæum libr. 7. Dipnosophist. pag. 296. Ut Regis ipsius interitus, cladesque ab Argonautis accepta indicio sunt manifesto & Tuscos veteres ante Romanos Græcosque, adeoque ante bellum Trojanum rei navalis peritos: & maris dominos etiam a Græcis auctoribus celebrari, qui nihil unquam veris aliarum gentium laudibus addunt; sed res clarissimas vel maligne occultant, vel ut suam gloriam augeant, vero minores faciunt; quare minus mirum, si Serenissimi Magni Etruriæ Ducis triremes etiam hodie communis Christiani nominis hostis Turca tantopere extimescat, quas & causa pia, & invictum Principis auspiciam, & fortissimorum equitum virtus incredibilis, ac denique hæreditarium mari imperandi jus, jam a duobus annorum millibus quingentisque longa fortitudine confirmatum, formidabiles reddunt. Sed si plura de conflictu illo inter Etruscos & Argonautas videre cupis, consule libr. 1. hoc opere cap. 9.

Ad Tybrin redeo, cujus hæc nomina fuere: *Albula*, *Debebris*, *Tiberinus*, *Tiberis*, *Tybris*, a Regibus Tusciæ desumpta: jam & arcana, & tantum in sacris enuntianda: *Rumon*, *Edes*, *Seces*, Lævinus Torrentius ad Horat. libr. 1. Od. 22. & ista, *Serra*, *Tarentum*, aliaque de quibus libr. 4. infra hoc opere cap.

*Etruscorum Rex Æolus, insulis etiam vicinis imperans:
filiam ad mortem compellit, quod a fratre suo
gravida esset facta: ejus nepos Ulysses: habi-
tabat in insulis frequentius, unde vento-
rum Rex creditus: & an nuptiæ inter
fratrem sororemque apud alios,
quam Persas, validæ.*

CAP. XIX.

Ridiculum foret hic de Æolo Poëtarum figmenta repetere, quæ passim legentibus occurrunt: nec mythologiam hic tractamus, contenti admonere, & lectorem docere, Æolum illum decantatissimum ventorum Regem Etruriæ imperasse: & quia multum navali præsidio ea ætate hæc Regio pollebat, ideo consensus omnium pæne Scriptorum insularem facit, ut infra dicitur. Huic filii sex, totidemque filiæ apud Homerum libr. 10. Odyss. in principio, quo ventorum potentia in duodecim anni menses significatur, nam agri, qui fruges prodixerint abundanter, feminæ sunt, qui steriles, ventisque depopulantibus inutiles manserunt, virorum speciem gerunt; ut est libello de Nat. Deor. Phœnuti. Sed Plutarchi apponam verba ex libr. Parallelor. pag. 312. ex Softrato libr. 2. Rerum Etruscarum: Ἀΐολος ὁ τῆς Τυρρηνίας καὶ τῶν κατὰ Τυρρηνίαν βασιλεὺς, ἔαχεν ἑξ Ἀμφιδέας θυγατέρας ἑξ, καὶ ἵσας ἄρρενας, Μακάρεὺς ὁ δὲ νεώτατος ἔρωτι ἔφθαρε μίαν, ἣ δὲ παιδίον ἐκύησεν, ἐμπεσῶσα δὲ καὶ ξίφοις πεμφθέντος ὑπὸ τῷ πατρὶ, ὄνομα ἔνινασα ἑαυτὴν διεχρήσατο, ὁμοίως δὲ καὶ ὁ Μακάρεὺς. ὡς Σώκρατες ἐν δευτέρῳ Τυρρηνικῶν. *Æolus Etruriæ & vicinorum locorum Rex, ex Amphithea filias sex totidemque filios sustulit: eorum natu minimus Macareus cum sororum una corpus miscuit: ea cum puerulum peperisset, misso a patre ad prolem necandam ense, impium hoc rata, interfecit seipsam; idem fecit Macareus. Adductum ex Softrati libro rerum Etruscarum secundo.* Festus ita se habet in libro cum MSS. collato, ab eruditissimo Henrico Schrimgero Scoto; at in vulgatis editionibus hæc verba καὶ τῶν κατὰ Τυρρηνίαν, & locorum circa Etruriam, desiderantur: & tamen nihilominus interpres pleno sensu reddiderat, ac si nihil defuisset. In Codice Vulcobii erat Ἀΐολος τῶν κατὰ Τυρρηνίαν ὁ βασιλεὺς: *Æolus Rex regionum circa Etruscos.* Hic est ille Macareus, Æoli ventorum Regis filius, ad quem inter Heroidas Ovidianas Canace soror scribit Epist. 11.

Dextra

Dextra tenet calamum, strictum tenet altera ferrum,

Et jacet in gremio charta soluta meo.

Hæc est Æolidos fratri scribentis imago,

Sic videor duro posse placere patri

Hunc eundem esse Æolum, quem Poëtæ ventorum dominum, pro-
mum, & Regem esse finxerint, idem Ovidius loco laudato innuit:

Imperat ben venis, tumida non imperat ira,

Possidet & vitiis regna minora suis.

Scilicet est aliquid cum sævis vivere ventis,

Ingenio populi convenit ille sui.

Ille Notus, Zephyroque, & Scitonio Aquiloni

Imperat, & pennis, Eure proterve, tuis.

Fuisse vero eundem Etruriæ Regem, atque insulas illas, in quibus
habitabat, Etruscæ ditionis olim habitas, significat Valerius Flaccus
libr. i. Argonaut.

Interea medio sævus permissa profundo

Carbasa, Pangæa Boreas speculatus ab arce,

Continuo Æoliam, Tyrrhenaque tendit ad antra

Concitus.

Fabulæ originem, & licentiæ poëticæ occasionem habes apud M. Var-
ronem referente Servio Mauro ad libr. i. Æneid. pag. 171.

Nimborum in patriam, loca facta forenibus Austris,

Æoliam venit.

Novem autem insulæ, quæ sunt circa fretum Ciliciæ, vocantur Æoliæ,
ab Æolo Rege, Hippotæ filio, licet propria nomina habeant, unde Virgi-
lius ait Æoliam Liparem. Poëtæ quidem fingunt, hunc esse Regem vento-
rum; sed, ut Varro dixit, Rex fuit insularum, ex quarum nebulis & fu-
mo Vulcaniæ insulæ prædicens futura flabra ventorum, ab imperitis visus
est ventos in sua potestate retinere. Locus est valde corruptus, sed ta-
men facilis est restitutio; quid enim Æolo Regi Etruriæ cum Cilicia,
quæ in Asia? Lege itaque novem insulæ, quæ sunt circa fretum Siciliæ;
quod & Geographi testantur. Pomponius Mela libr. 2. cap. ult. C.
Jul. Solinus Polyhist. cap. 12. Numero septem sunt (insulæ Æoliæ)
Liparæ nomen dedit Rex Liparus, qui eam ante Æolum rexit: alteram
Hieram vocaverunt, ea præcipue Vulcano sacrata est, & plurimum colle
eminentissimo noctu ardet: Strongyle tertia, Æoli domus, vergit ad Solis
exortum, minime angulosa, quæ flammis liquidioribus differt a ceteris:
hec causa efficit, quod ex ejus fumo potissimum incolæ præsentiscunt, qui
nam flatus in triduo portendantur, quo factum, ut Æolus Rex ventorum
crederetur. Et diligenter hoc est adnotandum, Æoli Regiam Stron-
gylem esse, quæ scilicet & major, & portuosior habeatur. Eadem,
quæ illi, repetit Strabo Amasianus, & ad historicam fidem Æolique
Regnum fabulas poëticas revocat libr. i. Geograph. pag. 14. & pag.
16. ex Polybio, ubi Ἀῖολον ταμίαν τῶν ἀνέμων appellat, Æolum promum

ventorum. Quin imo primus ille certam de ventorum origine ac differentiis doctrinam condidit. C. Plin. libr. 7. cap. 56. *Ventorum rationem Æolus Hellenis filius condidit*: & libr. 3. cap. 9. idem: *Tertia Strongyle, a Lipara mille pass. ad exortum Solis vergens, in qua regnavit Æolus, quæ a Lipara liquidiore flamma tantum differt: a cujus fumo, qui nam flaturi sint venti, in triduum predicere incolæ traduntur; unde ventos Æolo paruisse existimatum*. De hac Æoli Regia Strongyle Corn. Sever. libr. de Ætna:

Insula, cui nomen facies dedit ipsa rotunda.

Eodem plane modo, quo Phaliscorum, Volaterrarum, Vejentum, Clusinatorum, Fidenatum, aliarumque urbium Reges dicebantur, qui revera totius Etruriæ populis imperarent; ita insularum Rex dicitur a quibusdam Æolus, quod in insulis frequentius, quam in continenti sedem haberet, uti nonnullos Reges Neiiis, alios Volaterris Regiam sibi statuisset compertum est; cum tamen non illi tantum civitati, cui præessent, & a qua nomen fumerent, imperarent, sed omnibus aliis Tusciæ civitatibus, & populis.

Delectatum certe Æolum insularum potius amenitate, quam continentis, ipsa illa insulis novem, quas dixi, nomina imposita testantur, quas creberrime historici laudant. Plutarchus in Camillo pag. 133. τὰς Ἀἰόλου νῆσους, *Æoli insulas* refert. Et in libro de Exilio pag. 603. Καὶ τῶν ἐπιφανῶν ἀνδρῶν νῆσων ἕκαστον φασὶ τοῦ Θεοφιλέστατου Αἰόλου, τῶν σοφώτατον Ὀδυσσεύα, τὸν ἀνδρείστατον Ἀλέκτορα, τὸν φιλοξενώτατον Ἀλκίνοον. *Ac de illis viris habitasse in insulis ajunt, diis charissimum Æolum, sapientissimum Ulyssen, fortissimum Ajacem, hospitalitatis laude clarissimum Alcinoon*. Has insulas, Æolo parentes, Geographi novem faciunt nonnulli, at septem tantum alii, inter quos Serv. Honor. ad libr. 8. Æneid. pag. 515.

Hæc pater Æoliis properat dum Lemnius oris.

Vulcania una est de septem Æoliis, in quibus Æolus regnavit. Strabo libr. 2. pag. 84. Et libr. 6. pag. 177.

Sed & duo Æoli ævo heroico celebrati, & poetæ confundunt: unus *Hippote* filius, & ipse eam ob causam *Hippotades* appellatus: alter *Hellenis* filius, ut ex Plinii libr. 7. cap. 56. docebam superius. Uter Rex Etruriæ fuerit, incertum; nisi dicamus, quod non est incredibile, utrumque Etruriæ, insulisque finitimis imperasse. Et de insulis iis Etrusciæ ditionis agam libr. 4. infra hoc opere.

Æoli hujus sex filii fuere, quorum natu minimus, ut jam supra indicatum, Macareus dicebatur: alii obscuriores, præter *Sisyphum*, & ipsum carminibus poetarum nobilitatum. De pena ejus apud inferos, vide mythologos: mihi satis erit ostendisse eum Æoli filium, Ulyssisque patrem fuisse, ut Ulysses ille, Sapientiæ typus ab Homero propositus, sit nepos ex filio Regis Etruriæ. Servius Honoratus ad libr. 6. Æneid. pag. 427.

Hortator scelerum Æolides.

ÆOLIDES. Ulysses, quia ubique talis inducitur, nam Anticlia filius est, quæ ante

ante Laërte nuptias clam cum Sisypho, Æoli filio concubuit, unde Ulysses natus est. Quam spurii generis ignobilitatem eidem obiicit Ulyssi Ajax apud Ovidium libr. 13. Metamorph. fab. 1.

Frater erat, fraterna peto, quid sanguine cretus

Sisyphio, furtoque & fraude simillimus illi

Inferis Æacides alienæ nomina gentis?

Canacæ filia: suæ Æolus præcepit, filium sibi a fratre suo Macareo genitum interimeret, quod re vera illicitus esset, & veluti naturæ repugnans fratris cum sorore concubitus; unde illa Canaces apud eundem Ovidium verba:

Cur unquam plus me frater, quam frater amasti,

Et tibi non debet quod soror esse, fui?

Et licet Homerus loco laudato velit duodecim Æoli filios suis totidem filiabus matrimonio junctos; tamen falso accusat Ovidium erroris Domitius Calderinus, cum enim Sostratus apud Plutarchum supra laudatus excusat, ac tueretur. Certe ergo quarundam gentium hic mos, ut pater filiam, matrem vero filius impleteret. Minucius Felix in Octavio: *Ius est apud Persas misceri cum matribus: Ægyptiis & Athenis legitima sororum connubia.* Quam legem Semiramis tulisse fertur, Paul. Oros. libr. 1. cap. 4. Id quoque Thebis invaluerat Oedipi exemplo, nataque inde bella, clades, internecionemque civium & principum narrat sua Thebaide Statius ac Homerus libr. 11. Odyss. v. 264. & sequentibus. Et plurima exempla miseriarum, quas pertulere temeratores pudicitia: sororum suarum, aut matrum, de Teleo & Harpalyce, Parthenius elegantissimus Scriptor Eroticôn cap. 13. de Perianthro & matre ab eo corrupta: idem cap. 17. de Bassiano Caracalla & Julia matre Spartian. in eo. De Nerone & Othone Augustis Joann. Xiphilin. Epitome. His mos fuit Ægyptiorum, & Persarum, ut dicebam, Strabo libr. 15. non uno loco. M. Junianus Justinus libr. 41. D. Clemens Recognition. 9. Bardasanes libr. de Fato, & ex eo Eusebius libr. 6. Preparat. Evang. cap. 8. M. Lucan. libr. 4.

Nascitur Arsacides, cui fas implere parentem.

Et Athenienium id esse institutum, jam dicam, si prius Catulli Epigramma posuero 88.

Nascatur Magus ex Gelli, matrisque nefando

Concubitu, & discat Persicum aruspicium;

Nam Magus ex matre & gnato nascatur, oportet,

Si vera est Persarum impia Religio.

Jam vero morem esse Atheniensium, ut sorores uxores ducant, Æmilius Probus, seu Cornelius Nepos in præfatione Vitarum, & in vita Cimonis scribit, falso haud dubie; nam ut verum est, Cimodem Elpinicem in uxorem duxisse, ita nec illud negari potest, eo solo crimine in exilium actum. Suid. in voce *Cimon*, & in verbo *ἑτερονομία*. cui adstipulatur Androcides Orat. Alcibiad. Sed hæc sane probabilior est opinio, Phocili-

Μηδὲ κασιωνήτης ἀπὸ τρόπων ἔλθε μὲν ἑυνήν.

Ne stratum vetitum genitale sororis inito.

Et ratio hæc a J. C. elegans assignatur, ne gradus cognationis intereant, & nomina affinitatum confundantur, quibus vel maxime Res publica stat. Vide Paulum Lancelotum. P. Ovid. libr. 10. fab. 9.

Ultra autem sperare aliquid potes impia virgo?

Nec quod confundas & jura & nomina sentis?

Tunc eris & matris pellex, & adultera patris,

Tunc soror nati, genitrixque vocabere fratris?

Sibi tamen eadem ex legibus Perlarum, & Ægyptiorum, suæque libidini patrocinator:

Felices, quibus ista licent, humana malignas

Cura dedit leges, & quod natura remittit,

Invida jura negant; gentes tamen esse feruntur,

In quibus & nato genitrix, & nata parenti

Jungitur, & pietas geminato crescit amore.

Non sum ignarus, licet ante bellum Trojanum Etrusci Reges sororis fratrisque mixtionem prohibuerint, atque adeo lex divina humanaque id ipsum præscribant, licuisse tamen imo necessum fuisse proximas ducere. Fortunatian. libr. 1. Rhetoric. *Lex est, orba proximo nubat, vel si eam noluerit in matrimonium ducere, dei decem millia.* Quæ lex ab Atheniensibus ortum habet. Ulpianus Sophista in Demosthenem non uno loco, & Jul. Pollux libr. 6. Onomast. cap. 3. Terentius in Phormione:

Lex est orba, qui sint genere proximi

Eis nubat, & illos ducere eadem hæc lex jubet.

Idem in Adelphis:

. . . hæc virgo orba est patre,

Hic meus amicus illi genere est proximus,

Hinc leges cogunt nubere hanc.

*Etruscorum Rex Liparus, Æoli decessor, successorve:
& ipse insulis delectatus.*

CAP. XX.

Æ Olum Etruscorum Regem Liparus antecessit, vel ei successit; quare si illum ponimus, ut est ponendus, in Regum Tuscorum nomenclatura, hunc excludere non possumus, cum eidem Regno uterque præfuerit. C. Plin. libr. 3. cap. 9. *Lipara cum civium Romanorum oppido, dicta a Liparo Rege, qui successit Æolo, antea Melogonis; vel Meligunis vocitata, abest*
duo-

duodecim millibus passuum ab Italia, ipsa circuitu paulo minori. Ergo Plinius Liparum Regem Æoli successestem diserte facit; alii vero Æolum post Liparum regnasse contendunt, inter quos Julius Solinus Polyhistor. cap. 12. *Liparæ nomen dedit Rex Liparus, qui eam ante Æolum rexit.* Hanc ditionis fuisse; etiam heroico ævo, Etrusca, probant hæc Strabonis libr. 6. Geograph. Εἰς δὲ ἐπὶ τὰ μὲν τὸν ἄριθρον, μεγίστη δὲ ἡ Λιπᾶρα Κνιδίων ἄποιος, ἐγγυλάτω τῆς Σικελίας κεμένη, μετὰ γε τὴν Θέρμισσαν. ἐκαδέτω δὲ πρότερον Μελιγυνίς. ἡγήσατο δὲ καὶ εὖλα καὶ πρὸς τὰς τῶν Τυρρηνῶν ἐπιδρομὰς, πολλὸν χρόνον ὥλεσεν, ὑπὸ καὶ ἔχουσα τὰς νῦν λεγομένας Λιπαράων νήσους. *Septem sunt numero Insule Æoliæ quarum maxima est Lipara, Cnidiorum colonia, Sicilia proxima, secundum Thermissam, antiquitus Meligunis dicta. Hæc & classem duxit, & longo tempore Tyrrhenorum incursionibus resistit, sub se habens reliquas Liparæorum.* Si diu resistit, at tandem domita jugum accepit, fuitque horum duorum Regum sedes, & non dubito quin & aliorum; sed iniquitate vetustatis plura scire, cum etiam quæ certissima eo ævo habentur, fabulas admixtas habeant, prohibemur. Callimachus ait in hymno Vulcani, famulos ejus in ea esse, & officinam. Fuit autem hic *Liparus Ausonis filius*, ut Eustathius scripsit. Callias item libr. 10. de rebus Agatoclis. De hujus insulæ situ, rebus gestis, feracitate, dicam libr. 4. infra hoc Opere.

Etruscorum Rex, aut verius Imperator Meleus, toti Italiæ imperabat.

CAP. XXI.

Admonuit horum duorum Regum Æoli ac Lipari mentio, ut non tam continentes Italiæ terras huic Regno, diceremus subjectas, sed & insulas quoque adjacentes ab utroque latere, mari supero inferoque, ut jam non tam Regis nomen, quam Imperatoris tantæ magnitudini conveniret; siquidem tota Italia ditioni & principatui Etruscorum subjacebat, ut libr. 1. hoc opere supra cap. 9. abunde est dictum: itaque rerum gestarum magnitudini parem honorem metientes, sub hæc eadem, ut est credibile, Trojana tempora pro Rege, cujus nomen a Jano, usque in diem manserat, Imperatorem creaverunt Meleum. Lucatius Placidius vetustissimus Papini Statii interpres, idemque doctissimus grammaticus ad libr. 6. Thebaid. v. 402. *Tubam significat, quam Meleus Tyrrhenorum Imperator primus invenit, a qua opinione nec Virgilius discrepat, cum dicit:*

Tyrrhenisque tubæ mugire per æthera clangor.

Nec plura de eo alibi comperta mihi. At de inventione tubæ, vide quæ disquiro libr. 3. hoc opere, infra cap. 67.

Etru-

*Etruscorum Rex Rhetus, coloniam in Germaniam
trans Alpes duxit: Vina Rhetica,*

C A P. XXII.

EJusdem potentiae judices & testes sunt non populi modo propinqui domiti, urbes vicinae in societatem acceptae, aut jugo subjectae, verum etiam & colonia ab iisdem hisce Etruscis extra Italiam deducta, qualis est ista, cujus auctor est Rhætus Rex. M. Juvian. Justin. libr. 20. *Iis autem Gallis causa in Italiam veniendi, sedesque novas querendi, intestina discordia, & assidue domi offensiones fuere, quarum tadio, cum in Italiam venissent, sedibus Tuscos expulerunt,* (paulo post & ipsi expulsi, aut extincti, ad unum omnes regione, quam injuria occupassent, suis vetustis possessoribus cessere, ut alibi hoc opere docetur) & Mediolanum, Comum, Brixiam, Veronam, Bergomum, Tridentum, Viciniam condiderunt: Tusci quoque, Duce Rheto, avitis sedibus omisiss, Alpes occupavere, & nomine Ducis, gentem Rhetorum condiderunt. Quis ergo ferat supinitatem Iliori libr. 14. cap. 4. *Rhetia, quod sit juxta Rhenum.* Disce sapere, & noli in re tam clara cæcutire. Eandem hanc deductionem perstringit tacito Rhæti nomine T. Livius 1. Decad. libr. 5. ut libr. 1. supra cap. 9. ostendunt posita ejus verba. C. Plin. libr. 3. cap. 20. *Incolæ Alpium multi populi, sed illustres a Pola ad Tergestis regionem, Secusses, Subocrini, Atali, Menocaleri, juxtaque Carnos quondam Taurisci appellati, nunc Norici: his contermini Rhæti & Vindelici, omnes in multas civitates divisi. Rhætos Tuscorum prolem arbitrantur, a Gallis pulsos, duce Rheto.* Neque quisquam terreat, quod Justinus & Plinius Ducem, non vero Regem, appellent Rhætum; mos enim ille receptus, ut in deducendis coloniis, copiisque in hostem ducendis, non Regum, sed ducum valeat appellatio. Sic Homero Reges Græci raro aliter, quam ἡγεμόνες, Duces, vocantur: & Agamemnon ipse ἡγεμὼν, Dux, ea ratione, audit apud eundem. Regem fuisse certum est. Ivo Carnotensis MS. libr. de undecim Regionibus. *Rhæti in ipsis Alpium faucibus siti, medii sunt inter Germanos & Italos, moribus & lingua Italis propriiores: originem suam, ad hunc usque diem, ad potentissimos Italia Etruscos referentes, a quorum Rege Rheto, Gallorum viribus ex Apennini vallibus fugato, nomen habere gloriantur.* Manent etiamnum hodie quædam tam vetustæ originis vestigia; nam Ratzuus arcem quandam antiquissimam dicunt, ut notat Joannes Camers in Solini cap. 34. de qua re latius Ægidius Tschudius, & Sebastianus Munsterus.

Sunt qui æstimarent, omnes Alpinas gentes uno nomine Rhætos dictos,

dictos, nam Acro Helenius, & Porphyrio, maximi nominis grammatici, *Rheti Vindelici* legunt conjunctim: & Goropius Becanus libr. 9. Originum id inlinuat: & Servii Mauri verba confirmant ad illud Virgili libr. 1. *Aeneid.* pag. 186.

*Illyricos penetrare sinus, atque intima tutus
Regna Liburnorum.*

Ideo tutus, quia *Rhetii Vindelici ipsi sunt Liburni, severissimi admodum populi, contra quos missus est Drusus.* Errat deinde idem auctor, cum contra omnes geographos ab Amazonibus ejus gentis originem repetit; quin & in probatissimis Horatii codicibus ita legitur libr. 4. Od. 4.

*Videre Rheti bella sub Alpibus
Drusum gerentem Vindelici....*

Isti sui juris usque ad Augusti tempora manserunt, a quibus bello petiti, ut narrat L. Florus libr. 4. cap. 12. & auspicio ejus quidem, sed ductu Drusi & Tiberii privignorum suorum subegit. Dio Coccejan. libr. 54. pag. 614. Albinovanus Peto Consolat. ad Liviam:

Rhenus & Alpina valles. &c.

Horat. libr. 4. Od. 14.

*Major Neronum mox grave praelium
Commisit, immanesque Rhetos
Auspiciis pepulit secundis.*

Quare reperitur *Fulvius Bajus Dux Rhetici limitis*, apud Fl. Vopiscum in Aureliano pag. 314. & Bonofus *Dux etiam Rhetici limitis* ab eodem dicitur pag. 364. Plura dico ad illud Claudiani libr. de Bello Getico.

Prominet Hercinie confinis Rhetia silva.

Et ad illud de 4. Hon. Consul.

*Aspera nubiferas qua Rhetia porrigit Alpes
Pergit.*

Vinum hic laudatissimum, ea praecipue nascens parte, qua Italiam respicit. Strabo Amalianus libr. 4. pag. 142. Καὶ ὅγε Ρῥαιτικὸς οἶνος τῶν ἐν ταῖς Ἰταλικαῖς ἐπαυνυμένων ἐκ ἀπολέπειται δοκῶν, ἐν ταῖς τούτων ὑπερβαῖς γίνεται. *Vinum Rheticum nascitur, quod laudatis Italiae vinis non videtur cedere.* Meminit Plin. libr. 14. cap. 2. cap. 3. cap. 6. & Jun. Moderat. Columella libr. 3. Rei Rust. cap. 2. ubi *Reticam* sine diphthongo & aspiratione scribit, quod & lapides veteres agnoscunt, varia peregrini nominis etymologia. Hoc vinum Cato immodice laudat in libris, quos scripsit ad filium: contra impensius Catullus vituperat, ut a Servio Honorato est observatum ad illud Virgil. libr. 2. Georg. pag. 100. quo Poëta nec Catoni adversari vult, nec fidem Catullo adimere; ideo:

..... quo te carmine dicam

Rhetica? nec cellis ideo contende Falernis.

Martial. libr. 14. Epigr. 100.

Potasti testa Rhetica vina mea.

Esru-

*Etruscorum Rex Malæottus, prope Volaterras habebat
Regiam: in Græcia obiit, incertum quo exitu.*

CAP. XXIII.

HUnc etiam, ut plerisque alios Reges, mihi debet Etruria, incredibili seu Romanorum Scriptorum odio, seu novercantis fati acerbitate infeliciter vexata, ut cum nulla gens clarior fuerit factis, nulla minorem sui gloriam literarum monumentis consignatam ostendere possit. De eo Strabo Amasianus libr. 5. pag. 156. Εἰς δὲ τῷ μεταξύ τόπος ἐστὶ καλούμενος Πηγισάλλα. ἰσχυρίζεται δὲ γενέσθαι τὸτο βασιλεῖον Μαλακώτου Πελασγῶ, ὃν φασὶ δυνάστευσαντα ἐν τοῖς τόποις μετὰ τῶν συνοίκων Πελασγῶν, ἀπελθεῖν ἐνθενδε εἰς Ἀθήνας. *Inter hæc (prope Volaterras, ut docet ipsa sequela & contextus locorum) est locus vocatus Regis-Villa, quam narrant olim Historica veritate fuisse Regiam Malæoti Pelasgi, quem dicunt iis in locis (scilicet Cossa, Graviscis, Volaterris, Populonio) cum accolentibus deducti,que a se Pelasgis supremo principatu functum, inde Athenas migrasse.* Ita locum verti, nam vulgata versio & manca est, & in nonnullis indoctissime falsa; ut cum omittit τόπος ἐστὶ, est locus: & cum vertit δυνάστευσαντα qui habitavit, incitiam suam prodidit; est enim ἀπὸ δυνάστεως, quod est *Regia potentia impero*. Malæottum hunc, sive Malæotum (ita enim codices variant) quæ causa Italia Etruriaque sua excedere compulerit, non comperi, sive seditione suorum pulsus, sive coloniarum in Græcia deducendum dux, aliis discutiendum relinquo: satis habens admonuisse & antiquissimo seculo Etruriæ imperasse, & unum ex alienigenis Regibus habendum, si non primum, saltem non longe a primo. De adventu Pelasgorum in Etruriam dixi libr. 1. supra hoc opere cap. 5.

*Etruscorum Rex Etruscus, filius Herculis,
genti nomen dedit.*

CAP. XXIV.

HUnc, ut certum est, Regio titulo præfuisse toti genti, ita perplexum est & anxium, advena ne, an indigena: quo ævo imperaverit: quandiu, & quibus moribus rexit Etruscos: ac denique quando & ubi obierit: quæ vel ætatis longissime incuria scire negavit, vel majorum negligentia ad nos deferri prohibuit. Hoc unum modo constat, ab eo Etruriam appellatam. Isidor. libr. 14. cap. 4. Etymologiar. Alii Etruriam ab Etrusco principe dictam putant. Servius Maurus ad libr. 10. Æneid. v. 164.

Quæ manus interea Tuscis comitetur ab oris

Ænean.

Sed Etruria dicenda est ab Etrusco principe. Ivo Carnotensis MS. libr. de undecim Europæ provinciis: Etrusci populi indigenæ, in bello fortes, in pace pietati deduissimi, ab Etrusco Herculis filio nominati, qui cum patre ex Hispania in Italiam trajiciens, genti illi præfuit, Regisque munus gloriose obivit, quod nomen antea habuerit, ignoratur, ea provincia. Indigenas certe eos habitos probant hæc Dionysii Halicarnasæi libr. 1. pag. 24. Κινδυνεύουσι γὰρ τοῖς ἀνηθέσι μᾶλλον εὐκρίτα λέγειν, μηδὲν ἀφ' ἑαυτῶν, ἀλλ' ἐπιχώριον τὸ ἔθνος ἀποφαίνοντες. Quare vereor, ne verisimilior sit eorum oratio, qui non advenam esse, sed indigenam hanc gentem asseverant.

Jam vero illud de Hercule, ejusque filio, nescio unde ille haurire potuerit, nisi forte, quia vulgaverat fabula, Herculem, Geryonis bobus ereptis, in Italiam venisse, & fortem quamlibet gentem vetustas Hercule credi voluit ortam, quasi plane omnis ab illo Deo fortitudo esset. Nam quod Hieronymus Henningius fingit Theatri Genealogi Tom. 1. pag. 652. somnio non multum absumile est. Et quid de tam inutilium nugarum auctore Annio Viterbiensi dicendum? qui cum rudiores suæ nugacitati credere posse existimasset, doctiores etiam decipere tentavit. Illi ergo, si Diis placet, *Hercol* quasi totum pellitum dici volunt, & *Loabim*, idest *flammigerum*, & *Arino*, sive *Arno*, quod significat Aramæo idiomate *Leonem celebrem*. Et quasi infantiæ non esset fatis, de ejus uxore Echidna præclara ostentant, ac ab iis, quæ initio attulerant, cognominibus resiliences, *Libycum* vocant *Herculem*, qui & Colonias in Etruria deduxerit, & vallem Arni stagnantem aquis ficcaverit; cum tamen ego ostendam

Tom. I.

X

libr.

libr. 4. hujus operis, tempore belli Punici secundi stagnasse eam nondum siccata. Sed hanc fabulam refellit Vincentius Borghinus libr. de Origine Florentiæ pag. 14.

*Etruscorum Rex Tuscus, & ipse nomen genti
indidit.*

C A P. XXV.

UTi de Etrusco Etruriaque actum a me abunde libr. 1. supra cap. 1. hoc opere; ita de Thusco & Thuscia, sive Tusco & Tuscia capite sequenti tractatum. Servius Maurus ad libr. 1. Æneid. v. 71. *A Tyrrheno quodam, qui submersus fuit in mari, quod Tusciam alluit, ejus filius Tuscus, a quo fuit Tuscia*, Fest. Pompejus libr. 18. *Tusci a Tusco Rege, filio Herculis, sunt dicti*. Ivo Carnotensis MS. libr. de undecim provinciis Europæ: *Tusci vel a tbure, vel etiam a Rege Tusco nominati videntur*. In hoc quoque debachatur Joannes Annius, & post ipsum Hieronymus Henningius pag. 654. eum a Tanaide a patre revocatum, Janigenis Coritum creatum, filium suum Galatheim, ex Gallis traductum cum colonis, in Siciliam misisse, sine ullo auctore comminiscitur. Sed ego pergo.

Hunc *Tuscum*, ut ego probabiliter existimo Laberius Mimosgraphus opere celebravit; nam apud Nonium in voce *mestas* Laberius in Tusco laudatur, eademque vox corrupta in voce *luculentitatem* cap. 2. num. 510. *Laberius in Tucce*, sed rescribe in Tusco. Et eodem capite num. 93. Laberii in Tusco hæc sunt:

Bipedem, bliteam, belluam.

Etru-

*Etruscorum Rex Tyrrhenus, sive Toræbus: ex Lydia,
sive Meonia in Italiam trajiciens: Tyrrheniam
regionem nominavit.*

CAP. XXVI.

AB Etrusco Rege Etruria dicta est, a Tusco Rege Tuscia, ac tertio a Tyrrhenio etiam Rege appellationem tota provincia sortita est, ut libr. 1. hoc opere supra cap. 3. dicebam. Verrius Flaccus apud Festum Pompejum libr. 18. *Turrhenos Etruscos appellari solitos, ait Verrius, a potente duce Lydorum Tyrrbeno.* Servius Honorat. ad libr. 1. Æneid. v. 71. *Fortè autem recessit Tyrrhenus a fratre suo Lydo.* Vide locum, & ad libr. 2. Æneid. v. 781. & ad libr. 8. Æneid. v. 478. C. Plin. libr. 3. cap. 5. Strabo Amasianus libr. 5. Geograph. pag. 151. ubi Hercule & Omphale progenitum Tyrrhenum docet, quorum omnium verba reperies loco laudato posita. Jul. Solinus cap. 8. Polyhistoris corrigendus: *Quis ignorat Tyrrhenos a Tyrrhenio Lydiæ Rege dictos?* Ille non erat Lydiæ Rex, sed Lydiæ Regis filius, ut ex cosmographis, historicisque satis liquido constat; itaque legendum censerem: *a Tyrrbeno Lydo, Rege dictos*, ut sit verum, Regem illum Etruriæ factum, verum non indigenam fuisse, sed Lydum & advenam. Fanucius Campanus MS. libr. 2. de Illustribus Italiæ Familiis cap. 2. *Tyrrbeni a Tyrrbeno quodam Atyos filio, qui relicta Meonia in Italiam se contulit, & in ora maris inferi consedit, ac horum municipium fuit civitas Cariara.* Hæc ultima ab indocto ævo desumpsit vir aliquin non indiligens; neque enim Cariaram ullam civitatem nominant Geographi, ut indoctum commentum jure videri possit: Dionys. Halicarnasæus libr. 1. non uno loco, sed quod huc facit, præcipue pag. 24. Tyrrhenos inquit, ὀνομάσθαι δ' ὑπὸ Ἑλλήνων αὐτὸ τῇ προσήγορίᾳ ταύτῃ ἔδεν καλῶν, καὶ διὰ τὰς ἐν τύρρηνον οἰκήσεις, ἢ ἀπ' ἀνδρὸς δυνατός. *Hoc autem nomine a Grævis esse appellatos nihil vetat, vel propter domicilia turrita, vel ab aliquo præpotenti principe.* Hunc Regem Antiphanes Poëta celebravit, fabulamque ab ejus nomine *Tyrrhenum* sive *Τύρρηνον* vocavit, e qua quædam laudat Athenæus libr. 6. Dipnosoph. pag. 240. & libr. 7. pag. 329. Et Axionicus Comicus ἐν Τύρρηνικῷ citatur in *Tyrrhenico*, quæ fabula, ut probabiliter judicari potest, Etruscam rem referebat: versus ex ea reperies apud eundem Athenæum libr. 6. pag. 244. Hunc Regem & *Turrbenum*, & *Tyrrhenum*, & *Toræbum*, & *Torybum* appellavere, auctore vetustissimo scriptore Xantho Lydo Historico, referente Halicarnasæo loco laudato.

*Etruscorum Rex Rasena, & ipse advena,
oriundus Maonia.*

CAP. XXVII.

Hic est unus ex Græcis principibus & advenis Pelasgis, qui huic regno incolis admixti præfuerunt. Ejus mentio apud Dionysium Halicarnass. libr. 1. pag. 24. Αὐτὸν μὲντοι σφῆς αὐτοὺς ἀπὸ τῶν ἡγεμόνων τῆς Πασένας, τὸν αὐτὸν ἐκείνῳ τρόπῳ ὀνομάζει. *Ipsi vero se a ducum quodam Rasena, eodem quo ille modo nominant.* Ex quo loco, nili sit corruptus, colligendum videtur, Etruscos olim quoque *Rasenas* vocatos a Rege Rasena, quem ille more militantium ἡγεμόνα *Ducem* appellat, more probis scriptoribus recepto: monebam supra. Ovidius de Augustis:

Quæ nunc sub Phœbo ducibusque palatia fulgent.

Fridericus Sylburgius putat ab isto, Ravennam urbem conditam, ab eoque tracto nomine, dictam *Ravennam*, quasi *Rasenam*: quod commentum, quia probis caret auctoribus, ridendum verius, quam sequendum. Quam autem a vero etiam aberrat Joannes Annius, dum Tuscos *Rasenos*, & *Razenos*, & *Razennos* nominat, omnia ad Aramæam linguam referens, quasi Pelasgi, quorum e numero unus Rasena erat, non sua, sive Græca lingua, sed Anniana, hoc est Aramæa, fuissent usi, & quod mirandum magis, invenit sequaces!

*Etruscorum Rex Nicus Fesulanus, qui vel ei
civitati nomen dedit, vel ab ea nomen
suum accepit.*

CAP. XXVIII.

Sequentes Reges indubie tempora Heroica, & adventum in Italiam Æneæ præcefferunt. Quos, quia eorum nonnullos parum idoneis scriptoribus regnasse comperi, leviter perstringam. Hieronymus Rubeus libr. 1. Historiæ Ravennat. pag. 5. *Nam quod ad ducis nomen spectat, id Mantue aliquot post annis accidit, ab Ocno Bianoro, cognomento Mantua, Fesulis a Nicio Fesulano, Pisis a Piseo, Bononiæ a Bono, Hadria ab Hadrio, qui cum Tuscorum Reges essent, eas urbes condiderunt, & de suo nomine vocarunt, ut Manethon;*
 & re-

& reliqui veteres auctores memoria prodiderunt. Nisi auctorem laudasset Manethonem, cetera probabilia viris doctis videri potuissent; sed omnem fidem elevat spurii illius, & ab Annio suppositi fragmenti nomen. Hoc sane non gravate admitto, Reges Etruriæ potuisse vel urbes condere, vel conditis mutare nomina, in iisque sedem Principatus figere: hinc *Ælium Volaterranum, Lucium Fidenatem, Porfennam Clusinum, Tolumnium Vejentem* apud probatissimos scriptores reperi-mus sic appellatos ab urbibus, in quibus totius Regni sedem stabili-erant. Sic itaque Nicius hic cognomentum Fæsulani obtinuerit, quod Fæsulis potissimum oblectaretur; neque enim refert, an ille a civitate inclyta, an civitas ab eo appellationem fortiaur. Hujus Regis nullus inter antiquos, quod sciam, meminit, ideoque mihi sus-pectus: inter recentiores plerique, licet obscuro omnes, & Hierony-mus Henningius, Theatro Genealogico Tom. I. loco toties laudato: Joannes Lucidus Samotheus libr. 6. de Emendat. tempor. cap. 8. di-gnus mehercule doctore Annio discipulus; Hieronymus Bardus, vir probus & Religiosus, sed incautus, qui in sua Chronologia & hunc Regem, & pleraque alia ab Annio mutuatus: Cherubinus Gherar-daccius Bononienlis, cetera diligens, nisi frontem historiæ patriæ his commentis inquinasset; quin, quod magis mirum, addunt isti, Ni-cium regnasse annis 21.

*Etruscorum Rex Piseus, originis & ipse Græcanica,
tubæ æneæ inventor: a celeberrima civitate
Pisis nomen habet.*

CAP. XXIX.

SEd & hic primis seculis, cum adhuc agreffi essent nudique in-genio Etrusci, in Italiam adpulit, eamque inferi maris oram occupavit, quæ tunc erat fertilissima, postea rerum gestarum gloria toto orbe celebratissima est habita. Meminere ejus ii-dem moderni Scriptores, quos superiori capite advocavi: & præterea inter veteres, cujus in his rebus maxima merito fides est, C. Plinius libr. 7. Natural. Histor. cap. 56. Invenisse inquit, *Æneam tubam Pi-seum Tyrrhenum* volunt, & tamen nos & hoc libro, & libr. 3. cap. 67. infra hoc opere docemus, Meleum imperatorem Etruscorum inve-nisse tubam; ut sit frivolum & temerarium duobus principibus assi-gnare, quod uni tantum convenit; sed responderi potest, tubam quidem Meleum excogitasse, sed non æream, quæ soli Piseo Etrusco debetur. Quod autem eum Tyrrhenum appellat Plinius, puto de prin-cipa-

cipatu intelligendum; nam gente & domo Tuscum fuisse non comperi.

Eundem hunc idem Plinius capite laudato ad finem celebrat, sed corruptus: *Antea ex prora tantum, & puppi pugnabatur, rostra addidit Piseus, Tyrrheni anchoram*. Verum corrigendus locus, & cum hac distinctione legendus: *rostra addidit Piseus Tyrrhenus & anchoram*. De qua re etiam libr. 3. hoc opere infra.

Idem hic Princeps est clarissimus venationis artibus; nam proditum est, ait Plinius eodem capite, *Pisum venabula* invenisse.

Sive itaque a Pisis Eliacis nomen habuerit, sive a Pisis Etruscorum, celeberrima & maxima Etruriæ urbe, ut est apud Polybium libr. 2. pag. 104. sive eidem civitati nomen dederit, parum interest; hunc modo constat, ante Æneæ in Italiam adventum Tusci imperasse, idque seculis multis, quod libr. 5. cap. 1. dicitur.

Licet Plinius cum Tyrrhenum dicat, tamen Græcicæ stirpis, saltem peregrinæ credibilis reor. Servii Honorati monet auctoritas, qui ad libr. 10. Æneid. pag. 583. *Alii Pisum Celtarum Regem fuisse, Apollinis Hyperborei filium, & cum Samnitibus bellum gessisse, a quorum Regina, quæ post conjugis mortem in regnum successerat, receptum in Etruria oppidum suo nomine condidisse*. Sic igitur Piseus hic noster, more aliorum Principum, fiet filius Apollinis, Rex Celtarum, sive Gallorum, Rex Samnitium, & Rex Etruscorum. Per eundem etiam Principem volunt in ditionem Corsicam Insulam acceptam, piratis grassantibus mare liberatum: quod neque omnino improbabile, quia res ipsa videtur suffragari: neque penitus assentiendum, quod probatis auctoribus res careat. Æneas Gallettus libr. 5. Histor. Universal.

..... Tyrrhena pondera Piseus
Excipit, huic Cygnos Phocensibus insula pulsus
Subditur, hic pelagi piratis verberat undas,
Tuscaque vexabat procures discordia Regna
Ener vans.

*Etruscorum Rex Alesus, sive Alesus, sive Halesus,
Græcus & ipse.*

CAP. XXX.

Hunc Regem etiam vetustissimum ipsæ de eo fabulæ, & superans historiarum memoriâ fama divulgat; sed nec nomen omnes eodem scribunt modo: quibusdam est dictus *Alesus*, aliis *Halesus*, non nullis placet *Alesus*, sed parvo discrimine, & puto diversos. Servius Honoratus ad libr. 8. *Æneid.* pag. 503. *Quidam etiam dicunt Salios a Morrio Rege Vejenianorum institutos, ut Alesus Neptuni filius eorum carmine laudaretur, qui ejusdem Regis familiæ auctæ ultimus fuit.* Ex quo loco, quam vetusto seculo hic imperaverit, dijudicari facile potest, cum in ejus honorem Saliorum sacra sint excogitata, quæ diu ante Trojam everfam, & appulum *Æneæ* in Italiam celebrari solita constat. Ejus meminit Fr. Leander Alberti in Italici sui descriptione pag. 418. Illum Neptuni filium facit, more rudioris illius ævi, quo præclaros quosque principes Deo natos aliquo, aut in Deum versos credula gentilitas sibi persuadebat.

Eum Vejentum Regem fuisse, Servii verba supra posita evincunt, qui ait Morrium ultimum Regis illius Alesi familiæ habitum, de quo nihil, quod addam præterea, in præsentiarum habeo.

*Etruscorum Rex Halesus gente Argivus, Faliscos,
& Alsum, civitates condidit, & a suo
nomine vocavit.*

CAP. XXXI.

HAlesum hunc ab Aleso superiori diversum, vel ex eo esse liquet, quod ille Neptuni filius, antequam Salii, Herculis Martisque Sacerdotes essent inventi, Vejentibus præfuit: hic Agamemnonis filius, cæso patre matris scelere, in Italiam trajecit, & non Vejos incoluit, sed Faliscos Alsumque civitates postea clarissimas condidit: eique forte nomen a *flumine Haleso*, cujus celebre in Græcia nomen, Colophonem alluentis, ut meminit Pausanias, & ante illum C. Plinius libr. 5. cap. 29. Servius ad libr. 7. *Æneid.*

Æneid. pag. 479. *Æquos, Faliscos Halesus condidit. Hi autem immutato H. in F. Falisci dicti sunt, sicut, febris nunc dicitur, quæ ante hebris dicebatur.* Virgil. libr. eodem pag. 480.

*Hic Agamemnonius Trojani nominis hostis
Curru jungit Halesus equos, Turnoque feroces
Mille rapit populos.*

Ubi Servius eum vel Agamemnonis comitem, vel filium asserit. Fortem ille operam contra Trojanos Æneamque navavit. Idem Poëta libr. 10. Æneid.

*..... occurrit Halesus
Auruncæque manus.*

Et paucis interjectis ibidem:

*..... sed bellis acer Halesus
Tendit in adversos, seque in sua colligit arma.*

Atque ille a Pallante, Evandri filio, peremptus, interiit, ut sequentibus describitur ibidem loci versibus. Faliscorum ille conditor. P. Ovid. libr. 3. Amorum Eleg. 13.

*Argiva est pompe facies, Agamennone cæso
Et scelus & patrias fugit Halesus opes.
Jamque pererratis profugus terraque marique
Mœnia felici condidit alta manu.
Ille suos docuit Junonia sacra Faliscos
Sint mihi, sint populo semper amica suo.*

Ab eo itaque & nomen Colonia impositum, quod video adnotasse Hadrianum Turnebum libr. 22. cap. 3. & Raphaëlem Volaterranum libr. 33. Commentarior. pag. 1030. & simul sacra Junonis ex Græcia in Etruriam intulit; quare summa veneratione Juno a Vejentibus, & Faliscis colebatur, ut adnotabam libr. 1. hoc opere supra cap. 17.

Ab eodem etiam Rege Alsum, validam & bellicosam civitatem, conditam volunt. Petrus Marfus observavit. Sil. Italic. libr. 8. Punior.

*Nec non Argolico dilectum nomen Haleso
Alsum.*

*Etruscorum Rex Tarcon, Græcus ex Meonia, primo
præfectus Tyrrheni tantum, mox ipse Rex factus:
frater Tyrrheni vel filius: civitates duode-
cim struxit: nomen suum Tarquiniis
indidit: Cortonæ habitavit.*

CAP. XXXII.

Gente & domo hic Græcus, Tyrrheni Regis ex Lydia sive Meonia in Etruriam adpellentis comes, & expeditionis socius, operibusque publicis ab eodem Principe præfectus, quo paulo post extincto, ipse Regni fastigio admotus, Etruriam structis civitatibus impensius exornavit; a quo duodecim urbium, sive populorum Etruscorum initia defluxere, quæ tam celebri claroque apud posteros nomine vel virtus fovit, vel fortuna protexit. Raphaël Mapphæus Volaterranus libr. 5. Commentarior. pag. 124. Strabo Amasian. libr. 5. pag. 151. Οἱ Τυρρῆνιόι τοίνυν παρὰ τοῖς Ῥωμαίοις Ἑτρώσκοι καὶ Τῆσκοι προσαγορεύονται, ὃ δ' Ἐλλήνες οὕτως ὀνόμασαν αὐτοὺς ἀπὸ τοῦ Τυρρῆνός τοῦ Ἀτῆος, ὃς φασὶ, τὸ πάλαιος ἐκ Λυδίας ἀποίκους δεῦρο, ἀπὸ γὰρ λιμῆ καὶ ἀφορίας ὃ Ἀτῆς εἰς τῶν ἀπογόνων Ἡρακλέους καὶ Οὐμφάλης δυοῖς παῖδων ἑκ τῶν κλήρω Λυδῶν μὲν κάτεχε, τὸν δὲ Τυρρῆνόν τὸν πλείων συσάλας λαόν, ἐξέσθαιεν. ἑλθὼν δὲ τὴν χώραν ἅψ' ἑαυτοῦ Τυρρῆνιον ἐκάλεσε, καὶ δάδεκα πόλεις ἔκτισεν, διὰ κίσην ἐπιστήσας Τάρκωνα, ἃς οὐ Τάρκωνία ἢ πόλεις, ὃ διὰ τὴν ἐκ παίδων σύνεσιν πολλὸν γεγενῆσθαι μυθεύουσι. Latine sic sonant: Tyrrheni ergo a Romanis Etrusci & Tusci nominantur, Græce sic appellantur a Tyrrheno Atys filio, qui eo coloniam ex Lydia duxerit; fame enim & sterilitate coactus Atys, unus ex Hercule & Omphale prognatis, de duobus filiis, alterum nomine Lydum detinuit forte, alterum Tyrrbenum cum majore populi parte amandavit. Is, cum in Italiam venisset, regionem a suo nomine Tyrrheniam nuncupavit, & duodecim urbes condidit, præfecto rei Tarconte, a quo Tarquiniis urbi nomen est. Hunc, quod a pueris saperet, canum natum fabulantur. De ejus canitie plene Eustathius ad Homerum libr. 2. Iliad. quo figmento nihil aliud significare voluerunt, quam illum insigni rerum politicarum industria experientiaque eruditum, optimum Etruriæ statum legibus ordinasse, quas quidem & Romani ab iis, quibus eas Tarcon tradiderat, populis post multa secula petierunt; ut ad finem libr. 3. hoc opere infra doceo. Meminit non uno loco hujus Servius Maurus ad libr. 6. Æneid. pag. 403. Graja ab urbe, propter Evandrum, qui eum in Tusciam missurus ad Tarcontem est.

Itum hætenus existimarunt privatæ fortis hominem a Tyrrheno

Tom. I.

Y

duo.

duodecim civitatum condendarum in Tuscia præfectum tantum fuisse; sed ego eum Tarchonem, seu Tarconem more Græco, Tyrrheni filium, probò esse ex istis Servii ejusdem ad libr. 10. Æneid. pag. 583. ex Catone in Originibus. *Cato Originum, qui Pisas tenuerunt, ante adventum Etruscorum negat sibi compertum, sed inveniri Tarchonem Tyrrbeno oriundum, postquam eorundem sermonum.....ceperit Pisas condidisse, cum ante regionem eandem Teutones quidam Græce loquentes possederunt.* Locum esse corruptum certo constat, vel ex illis, *Cato Originum, deest scilicet, vel primo, vel secundo, vel aliquid simile; deinde lege: inveniri Tarchonem Tyrrbeno oriundum.* Idem certe probatissimus grammaticus, ut in re parum sibi comperita, variat ad illud eod. libr. pag. 585.

Fatidicæ Manius & Tusci filius amnis.

Alii a Tarchone Tyrrheni fratre conditam (Mantuanam) dicunt. Ut duodecim itaque celebratas Etruriæ civitates Tyrrheni Regis vel frater, vel filius Tarchon condidit, ita & Mantuæ ortum ad eundem antiquitas traxit. Hujus Regnum in Pici Latinorum Regis tempora rejiciunt scioli, sed impudenter, nam antiquior longe Picus. Æneâs Gallettus tamen libr. 4. Histor. Universal.

Inde tenet Picus Latiae fastigia sedis

Sole viam quarto metiente per æthera, Tarcon

Sistitur Etrusco solio.

Sed verius est, illum regnasse; cum in Italiam quadringentis pæne annis ante Romam conditam venisset Æneâs, frequens ejus quippe apud Maronem mentio, nisi alius sit Rex eodem nomine, quod non est omnino improbabile. Igitur libr. 8. Æneid.

Haud procul hinc Tarco & Tyrrheni tuta tenebant

Castra locis.

Et libr. 10. Æneid.

Admonet, admiscetque preces, baud sit mora, Tarcon

Jungit opes.

Et sæpius eodem libro:

.....speculatus litora Tarcon

Et libr. 11. Æneid. Æneâ æqualem eum facit, ubi in funere Pallantis:

Jam pater Æneas, jam curvo in litore Tarcon

Constituere pyras.

Memorabilem vero ejus virtutem describit ibidem loci Poëta paulo post:

Tyrrbenum genitor Tarconem in prælia seva

Suscitat, & stimulis baud mollibus incitat iras.

Ergo inter cedes, cedentiaque agmina Tarcon

Fertur equo.

Et paucis interjectis:

Tollitur in cælum clamor, cunctique Latini

Con-

*Convertere oculos, volat igneus equore Tarcon
Arma virumque ferens, tum summa ipsius ab hasta
Defringit ferrum, & partes rimatur apertas,
Qua vulnus letale ferat.*

Denique luctuosam pugnam Latinis ex felici certaminis eventu colligit ibidem post pauca:

*Haud aliter prædam Tiburtum ex agmine Tarcon
Portat ovans, ducis exemplum, eventumque secuti
Meonide incurrunt.*

Ac ne eum quis præfectum tantum, non etiam Regem dicere possit, clare Virgilius libr. 8. Æneid.

*Ipsè oratores ad me, regnique coronam
Cum sceptro misit, mandatque insignia Tarcon,
Succedam castris, Tyrrbenaque Regna capeßam,*

Regia ejus fuit Cortonæ. Sil. Italic. libr. 8. Punic.

*Leßos Care viros, leßos Cortona superbi
Tarcontis domus.*

*Etruscorum Rex Felsinus, a quo Bononia structa
Felsina est appellata.*

CAP. XXXIII.

HUnc non posuissẽ inter Etruriæ Reges, nisi me Plinii auctoritas permovisset; nam quicquid Joannes ille Anniius, eumque secuti Hieronymus Henningius Tom. 1. Theatri Genealogi, Joannes Lucidus Samotheus libr. 6. de Emen-dat. tempor. cap. 8. Cherubinus Gherardacchius in historiæ Bononiensis initio, Hieronymus Bardius Florentinus in Chronologia, alii-que pro vera historia obtrudunt, ego quisquiliis merasque burras du-co. Leander Alberti in descriptione Italiæ pag. 323. & multis se-quentibus: & nos obiter quædam libr. 1. hoc opere cap. 9. & Servii Mauri ad libr. 10. Æneid. pag. 585. corrupta in hanc rem, quæ infra cor-rigentur hoc libr. cap. 36. ubi pro *Felsina, Celsina*, & pro *Bononia, Bona* leguntur. C. Plin. libr. 3. cap. 15. in descriptione octavæ regionis: *Intus Colonia, Bononia, Felsina vocitata; cum princeps Etruriæ esset.* Locum esse depravatum liquido constat, tantum enim abest, ut caput seu princeps Etruriæ esset Bononia, quin ne in Etruria quidem dici po-terat, quippe extra Apenninum & Macram fluvium latissimæ Etruriæ terminos lita. Corrigo igitur locum: *Bononia, Felsina vocitata, cum Principis Etruriæ esset Regia; ut sit verum coloniam eam esse Etrusco-*

rum, & Principes in ea, tamquam amœnissima statione, degere solitos; nisi forte dicamus duplicem Etruriam, ante Romana in eam provinciam illata arma: unam trans Apenninum, Macra & Tiberi fluminibus clausam: aliam cis Apenninum, cujus princeps haud gravate potuerit esse Bononia: & nunc ex duodecim illis urbibus, a Tuscis in Gallia Cisalpina ductis, sola ea superest, tantæ potentiae, tantarumque virtutum seu monumentum, seu trophæum.

Etruscorum Rex Bonus, sive Bon, fabulosus: nomen Bononiæ, non ab eo, sed a Boiis desumptum.

C A P. XXXIV.

Iste non ideo huic nomenclaturæ inferitur, quod putem, eum vera unquam fuisse, sed ut inscitia Annii Viterbiensis, & sequentium, qui cum nunquam vel limine tenus bonarum artium studia attigissent, tamen ex Aramæa illa sua lingua, & suppositiis Metasthene, Berofo, Catone, Manethone, Xenophonte, ac Sempromio, videri volebant omnium disertissimi, atque adeo talibus nugis bene de patria se meritos credebant, cum nobilitati ejus frivolis suis commentis non parum offecissent. Illi itaque Felsino Regi Bonum, sive Bon successisse docebant, & nomen civitatis mutasse, dixisseque Bononiam: & quod magis mihi mirum, annum addunt, quo regnaverit, scilicet a mundo condito 3097. ante partum salutiferum annis 864. Hujus Regnum, ut aliorum ab Annio confictorum, celebrat Ænæas Gallettus libr. 5. Histor. Universal.

Inde novæ Bonus ætatis primordia Tusce

Illustrat, Janique lares splendore tiaræ.

Errant isti literiones improbi, qui Bononiam a Bono Etruriæ Rege dictam credi volunt, cum sit a Boiis, qui cum tractum Galliæ Cisalpinae diu tenuerunt, testibus Livio & Polybio, primum *Bojonia* & postea *Bononia* appellata, paulum nomine, ut fieri solet, immutato: quod exequitur in Annalibus Bojorum Joannes Aventinus, & indicat Raphaël Mapphæus Volaterranus libr. 4. Commentarior. pag. 118. Hadrianus S. R. E. Cardinalis S. Chrysogoni in Itinere Pontificis Julii 2. ubi sic:

Urbs antiqua, ingens, Etruscis Regia quondam

Felsina, tum Boiis fato irruentibus impar

Accepisse novum fertur Bojonia nomen;

Verum ubi sunt Boi Romano milite pulsi,

Barbariem excussit, cæpiusque Bononia dici.

Etru-

*Etruscorum Rex Hadrius, Civitati Hadriæ, sive Atriæ
aut Adriæ nomen dedit.*

CAP. XXXV.

Hunc, non ii modo, quos toties vituperavi, nomenclaturæ Regum Tuscorum inferunt, sed & probabilis suadet ratio, hunc & Etruscis imperasse, & nomen urbi illi celeberrimæ Adriæ, sive Atriæ imposuisse, ut libr. 4. hoc opere infra dicam. Hieronym. Rubeus Hist. Ravennat. libr. 1. *Nam quod ad ducis nomen spectat, id Mantuæ aliquot post annis accidit, ab Oeno Bianoro, cognomento Mantua, Fesulis a Nicio Fesulano, Pisis a Piseo, Bononiæ a Bono, Hadriæ ab Hadrio, qui cum Tuscorum Reges essent, eas urbes condiderunt, & de suo nomine vocarunt.* Hic dictus fuit, sicut urbs ea præclara & antiquissima, sive Atrius, sive Adrius, seu Hadrius: unde & Hadriani Augusti familia & nomen, quod aliis post eum Antoninis familiare ac veluti gentilitium fuisse lapides demonstrant & marmora vetusta: variat quoque ea scriptura apud Strabonem, Antonini Itinerarium, seu verius Scoti, uti suo loco expedietur. Æneas Gallettus libr. 5. pag. 122.

Atrius inde gerit Tusci vestigia regni.

*Etruscorum Rex Ocnus, sive Hocnus, Anenus Bianor,
Mantuæ conditor, cujus sepulchrum non
longe urbe erat.*

CAP. XXXVI.

Verum hunc, & sine dubio legitimum Etruriæ Regem fingunt illa literarum propudia cognomento fuisse Mantuam dictum, quod inter reliqua eorum deliria ponendum. Certe eum, ut Regem Ænææ tempore Etruriæ, fortem Trojanis navasse operam & Virgilius scribit, & commemorat Aurelius Macrobius libr. 5. Saturnal. cap. 15. Servius Honoratus ad Eclog. 9. in fine: *BIANORIS hic est, qui & Hocnus dictus est, de quo ait in decimo; laudat deinde versum infra citandum. Conditor Mantuæ dictus Bianor autem est, quasi animo, & corpore fortissimus, ἀνδρὸς βίαις καὶ ἀντοπείῃς.*

pens. Apparet autem ex sermone pastorum eo loci, extra urbem Bianoris conditoris sepulchrum fuisse; ita enim:

Hinc adeo media est nobis via, namque sepulchrum

Incipit apparere Bianoris: hic, ubi densas

Agricole stringunt frondes.

Ejusdem grammatici verba doctissima, & ab alto vetustatis eruta situ adponam in libr. 10. Æneid. pag. 585. OCNUS. *Is est Avenus, quem in Bucolicis Bianorem dicit hic Mantuam dicitur condidisse, quam a matris nomine appellavit, nam fuit filius Tyberis & Mantus Tycheæ Thebani vatis filia, quæ ad Italiam post parentis venit interitum. Alii Mantos filiam Herculis vatem fuisse dicunt: Hunc Ocnus alii Aulestis filium, alii fratrem, qui Perusiam condidit, referunt: & ne cum fratre contenderet, in agro Gallico Celsenam, quæ nunc Bona dicitur, condidisse, permisisse autem exercitui suo, ut castella munirent, in quorum numero Mantua fuit. Alii a Tarchone Tyrrheni fratre conditam dicunt: Mantuam autem ideo nominatam, quod Etrusca lingua Mantum Ditem patrem appellant, cui etiam cum ceteris urbibus & banc consecravit. Et paucis interjectis ibidem loci: DIVES AVIS. Majoribus præpotens, & bene dives avis, quia non ab Ocna, sed ab aliis quoque condita sit; primum namque a Thebanis; deinde a Tuscis, novissime a Gallis, vel (ut alii dicunt) a Sarsinatibus, qui Perusiam confederant. Depravatus insigniter locus; nam neque civitas in Italia ulla, quæ Celsina primum, Bona deinde vocaretur, neque si qua fuisset, altum adeo inter Geographos silentium foret. Restituendus itaque nitore suo doctissimi grammatici locus: Et ne cum fratre contenderet, in agro Gallico Felsinam, quæ nunc Bononia dicitur, condidisse. Quem locum tot Italos ab illustranda sua patria laudem scriptis quærentes fefellisse, aut subterfugisse miror. Vide quæ cap. 33. hoc libro supra dicta sunt de Felsino Rege, & Felsina colonia Tuscorum.*

Jam vero auxilia Æneæ, strenuamque operam idem Rex Ocnus præstans a Virgilio inducitur loco laudato; sed Virgilius, inquit ibidem Servius, miscet novam & veterem Etruriam, ut utriusque principatum patriæ suæ assignet, cum alioquin Mantua ad hæc auxilia pertinere non debeat, quod Æneas nulla a Transpadanis auxilia postulaverit, cum omnis exercitus adversus Mezentium uno loco confederit, & propterea putatur Poëta in favorem suæ patriæ hoc loquutus, ut de hac sola trans Padum pro Ænea venire auxilia adversum Mezentium facit, & quod nec populorum nomina, nec Lucumonum retulerit. Ex quibus clarum est ex mente Servii Bianorem Anenum tempore adventus Æneæ in Italiam non regnasse, ac multo minus bello illi interfuisse, quod cum Latinis ab eo & Rutilis gestum est. Secus vero Poëta:

*Ille etiam patriis agmen ciet Ocnus ab oris
Fatidicæ Mantus, & Tusci filius amnis,*

Qui

Qui muros matrisque dedit tibi, Mantua, nomen,
 Mantua dives avis, sed non genus omnibus unum,
 Gens illi triplex, populi sub gente quaterni
 Ipsa caput populis Tusco de sanguine vires.
 Hinc quoque quingentos in se Mezentius arinat
 Quos patre Benaco velatus arundine glauca
 Mincius infesta ducebat in agrora pinu,
 It gravis Auletes centenaque arbore fluctum
 Verberat assurgens, spumant vada marmore verso.
 Hunc vebit immanis Triton, & cœrula concha
 Exterrens freta, cui laterum tenuis hispida nani
 Erons hominem præfert, in pristinis desinit alvus,
 Spumea semifero sub pectore murmurat unda
 Tot lecti procures ter denis navibus ibant
 Subsidio Troje.

Quem locum ideo longiorem adscripsi, ut ostenderetur a Gallia toga-
 ta Æneam & petiisse auxilia, & obtinuisse. Denique hujus principis
 Regnum, ut aliorum præclara facinora Annii sequaces corruerunt,
 portentosa quæque de eo commiscens, quod tutorem habuerit Me-
 zentium, quod suo tutori jam pubes factus bellum intulerit, ut nuga-
 tor ille Æneas Gallettus libr. 4. vult. pag. 73.

. Tuscoque favente senatu
 Hic tutor datur imperii Mezentius Ocnus.

Et eodem libr. pag. 81.

. dilabitur arce
 Effugiens patrum sevos Mezentius angues,
 Nobilis Imperii Tiberini jussibus Ocnus
 Tarconti datur exsomni custodia rerum.

Quem ideo advoco, non quod putem eum, ad res has ferias, & gra-
 ves advocari; sed quia, ubi res probata est idoneis auctoribus, prole-
 tario hoc teste uti nihil nocet.

Etruscorum Rex Mezentius, Cærite Regiam habebat: pactus vina Latina Turno in Æneam auxiliatus est: Latinum Aboriginum Regem & Æneam interfecit, & ab Ascanio ejus filio interemptus: crudelia supplicia excogitavit: contemptor divum dictus: Imperator etiam vocatus: in exilium a suis pulsus.

CAP. XXXVII.

EO jam devenimus securitatis, ut sub adventum in Italiam Æneæ florentissimum fuisse Regnum Etruriam constet, quo tempore Mezentius regnabat, Agyllæ, sive Cærite degens, atque exinde toti provincie imperans. Sed audiendi Historici. Trogus Pompejus, & ex eo M. Junianus Justinus libr. 43: Æneas ab Illo, Troja a Græcis expugnata, in Italiam venit, statimque prælio exceptus, cum in aciem exercitum eduxisset, & ad colloquium vocatus, tantam admirationem sui Latino præbuit, ut in societatem Regni reciperetur, & Lavinia in matrimonium data, ei gener adscisceretur: post hæc commune utriusque bellum adversus Turnum Rutulorum Regem, propter fraudatas Lavinie nuptias fuit, in quo & Turnus & Latinus interierunt; igitur cum Æneas jure victoriæ utroque populo potiretur, urbem ex nomine uxoris Lavinia condidit. Bellum deinde adversus Mezentium, Regem Etruscorum gessit, in quo cum ipse occidisset, in locum ejus Ascanius filius successit. Sed paulo diversa his apud T. Livium statim in limine magni operis: Bello deinde Aborigines Trojanique simul petiti, Turnus Rex Rutulorum, cui pacta Lavinia ante adventum Æneæ fuerat, prælatum sibi advenam egre ferens, simul Æneæ Latinoque bellum intulerat; neutra acies leta ex eo certamine abiit, victi Rutuli, victores Aborigines Trojanique ducem Latinum amiserunt: inde Turnus Rutulique diffusi rebus, ad florentes Etruscorum opes, Mezentiumque eorum Regem confugiunt, qui Cære opulento tum oppido imperitans, jam inde ab initio minime letus novæ origine urbis, & tum nimio plus satis tutum quam esset attolis, rem Trojanam crescere ratus, baud gravate socia arma Rutulis junxit. Longa deinde narratione exitum illius belli narrat, quam vide. Summa est, Æneam acie interfectum in Deos relatum, terminos utrique genti Tiberim positum, quæ ex eo repetit Antonius Coccius Sabellicus Ennead. 1. lib. 7. pag. 146. Cn. Egnatius

tius Veratius, & Ælius Tubero in Origine gentis Romanæ, dissentiunt ab utroque, Livio Trogoque: *Æneam occiso Turno rerum potitum, cum adhuc irarum memor Rutulos bello persequi instituisset, illos sibi ex Etruria auxilium, Mezentii Regis Agylleorum adscivisse, ac imploravisse, pollicitos, si victoria paria foret, omnia, quæ Latinorum essent, Mezentio cessura.* Sed nec concordia his omnino prodit Dionysius Halicarnasseus libr. 1. pag. 52. ubi post Latinum quatuor annos explevit Æneas: Πτόλοϊ τε γὰρ ἐκ πολλῶν στρατεύουσιν ἅπαντες πρὸς αὐτὸν, καὶ σὺν αὐτοῖς βασιλεὺς Τυρρήνων Μεσέντιος δέσας περὶ τῶν αὐτῶ χωρῶν. *Rutuli universi oppidatim arma contra eum sumpserunt, & una Etruscorum Rex Mesenius, timens suæ ditionis oppidis.* Ab eo appellatur *Mesemius*, qui aliis est *Mezentius*. Uti apud eundem libr. 2. pag. 81. Hanc ejus in Æneam Trojanosque cum Aboriginibus fœderatis expeditionem Virgil. libr. 7. *Æneid.*, quamquam nonnihil ab historicis differens, memorat;

*Primus init bellum Tyrrhenis asper ab oris
Contemptor Divum Mezentius, agminaque armat.
Filius huic juxta Lausus, quo pulcbrior alter
Non fuit, excepto Laurentis corpore Turni:
Lausus equum domitor, debellatorque ferarum,
Ducit Agyllina nequicquam ex urbe secutos
Mille viros, dignus patriis qui letior esset
Imperiis, & cui pater haud Mezentius esset.*

Cere, ut ait Livius supra, aut urbs *Agyllina*, ut Maro vult, illi Regia, quod confirmat Cornificius apud Festum libr. 13. in voce *Oscillum*: *Latinus Rex eo prælio, quod ei fuit adversus Mezentium, Caritum Regem, nusquam apparuerit, judicatusque sit factus Juppiter Latiaris.* Itaque per sex eos dies feriatos liberos, servosque requirere cum, non solum in terris, sed etiam qua videretur cælum posse adiri per oscillationem, velut imaginem quandam vite humane, in qua altissima ad infimum, interdum infima ad summum effertur. Quo loco non tantum Carite Regiam habuisse Mezentium, Cornificii verbis docemur, sed & ab eodem, Latinum, Aboriginum Regem, interfectum, quod præclarum fortitudinis ejus argumentum.

Causam belli, ab eo in Æneam Latinumque suscepti, timor dicitur fuisse, ne crescentes opibus illi, vicinam ipsius ditionem affligerent. Livius & Halicarnasseus supra laudatis locis; sed alia a Varrone apud C. Plinium traditur libr. 14. cap. 12. *M. Varro auctor est, Mezentium, Etruriæ Regem, auxilium Rutilis contra Latinos tulisse, vini mercede, quod tum in agro Latino fuit.* Verba Ovid. sunt libr. 4. *Fastor.*

*Turnus, an Æneas Latia gener esset Amata
Bellum erat. Etruscas Turnus adorat opes.
Clarus erat, sumptisque ferox Mezentius armis,
Et vel equo magnus, vel pede major erat.*

Quem Rutuli Turnusque suis adsciscere tentant
Partibus; hæc contra dux ita Tuscus ait:
Stat mihi non parvo virtus, mea vulnera testor,
Armaque, quæ sparsi sanguine sæpe meo.
Qui petis auxilium, non grandia divide mecum
Premia, de lacubus proxima musta tuis
Nulla mora est operæ: vestrum dare: vincere nostrum
Quam velit Aeneas ista negata mihi!
Annuerant Rutili: Mezentius induit arma,
Induit Aeneas, alloquiturque Jovem:
Hoslica Tyrrheno vota est vindemia Regi,
Jupiter, e Latio palmitè musta feres.
Vota valent meliora, cadit Mezentius ingens,
Atque indignanti pectore plangit humum.
Venerat Autumnus calcatis sordibus uvis,
Redduntur merito debita vina Jovi.
Dicta dies hinc est Vinalia.

Hoc festum, Vinalia dictum, rustici post tempora Mezentii collocant in honorem Jovis, cui vinum, aut saltem vini primitias votas Mezentius sibi vindicare volebat, ut Festus libr. ult. innuit: eratque is dies 10. Kalend. Majas, ut est in veteri Calendario, vel 9. Kalend. Majas, ut scribit Plinius libr. 18. cap. 29. Vinumque hoc *calpar* dicebatur, & *sacrima*, quod Jovi offerebatur: deinde boni ominis gratia, dicebant inde bibentes: *Vetus novum vinum bibo, veteri novo morbo medeor.* Proclus & Joannes Grammaticus Græcos hoc festum *πιδολύια* vocare scribunt, licet in mensem Januarium illud rejiciant. Sed ad historicam de Mezentio relationem revertor.

Tuscum simpliciter Servius Maurus facit libr. 10. *Æneid.* pag. 609. *Liguria autem coheret Tusciæ, de qua fuerat Mezentius.* Sacrilegum autem eundem describit ad librum eundem pag. 608.

At Jovis interea monitis Mezentius ardens
Succedit pugna.

Novimus sacrilegum esse Mezentium, novimus quoque Jovem etiam exhortatum esse alios Deos, ut a bello desisterent, & dixisse: Rex Jupiter omnibus idem. Quomodo ergo procedit, At Jovis interea monitis? Dicimus primo Jovem justitiæ favere, non partibus; quod si est, jure Mezentium in Turni locum facit venire, ut justum prælium inveniat, ne una pars penitus sit a ducibus destituta; quod autem dicitur: sacrilegum Jupiter admonere non debuit, non admonet ut vincat, sed ut possit perire, illud etiam frustra queritur, quemadmodum numini obedire sacrilegus potuerit, cum Mezentium Jupiter non aperte moneat, sed iniciat tale desiderium, unde est:

..... Dii ne hunc ardorem mentibus addunt
Euryale? an sua cuique Deus sit dira cupido?

Cur autem sacrilegus, aut divum contemptor dicendus sit, & habendus Me-

Mezentius, non exprimit Servius; sed causa est elegans apud M. Catonem libr. 1. Originum, apud Aurel. Macrob. libr. 3. Saturn. cap. 5. in hæc verba: *Adeo autem omnem pietatem, quæ in sacrificiis, quæ Diis oblata sunt, posuit, ut propter contrariam causam, Mezentium vocaverit contemptorem Deorum, non ut Aspro videtur, ideo divum contemptor dictus est, quod sine respectu Deorum in homines impius fuerit; alioqui multo magis hoc de Busiride dixisset, quem longe crudeliorem, illaudatum vocare contentus est.* (libr. 3. Georgicon in principio) Sed veram hujus contumacissimi nominis causam, in primo Originum Catonis libro diligens lector inveniet; ait enim, Mezentium Rutilis imperasse, ut sibi offerrent, quas Diis primitias offerebant, & Latinos omnes similis imperii metu ita rovisse: *Jupiter si magis tibi cordi est, nos ea potius tibi dare, quam Mezentio, uti nos victores facias; ergo qui divinos honores sibi exegerat, merito dictus est a Virgilio contemptor Deorum; hinc pia illa insultatio sacerdotis* (libr. 11. pag. 619. Æneid.)

... hæc sunt spolia, & de Rege superbo

Primitiæ, manibusque meis Mezentius hic est.

ut nomine contumaciæ, cujus penas luit, raptas de eo notarent exuvias. Non absimilia apud Plutarchum deprehendi Problemata. Roman. pag. 275., ubi Μεζέντιος Τυρρηνίων ἑπταετής vocatur, *Mezentius Etruscorum Imperator*. Quod imperatoris nomen nescio, an alibi de Rege Etruscorum ullo positum inveniat, præter quam de Meleo, ut supra hoc libro expositum cap. 21. Et forte more id Romano possit dictum videri, qui Reges & imperatores promiscue usurpant, quoties exercitui imperant; unde primum *Imperatorum* nomen defluxisse omnes sciunt, & ego aliquoties supra hoc libro adnotavi.

Ejusdem Mezentii epitheton perpetuum apud Virgilium est *Contemptor Deum*, & Servius semper *sacrilegum* interpretatur, ut libr. 8. Æneid. pag. 486. *Bona electio personarum ad delectum habendum, unus eques bonus, idest Messapus mittitur: alter pedes egregius contemptorque deorum Mezentius; quis enim justius, quam sacrilegus contra pios & præpararet bellum, & gereret?* Et libr. 10. Æneid. pag. 614. ubi Poëta:

... si qua est ea cura remitto.

Aut more illo dixit, quod solet (sed legendus locus levi mutatione, uno elemento dempto, quo solet) sepulchram ad ipsa cadavera non pertinere, licet umbris, sicuti in sexto dicitur, prosit, si qua est ea gloria, signat. Item de Pallante (libr. 11. Æneid.) vano mœsti comitamur honore. Aut certe si qua est cura Mezentio, hoc est patri sacrilego, qui Superos Inferosque contemnit? Porro Christiani sacrilegum pro Idololatra usurpabant. Ilidor. libr. 5. cap. 26. Petr. Chryolog. sermon. 18. Innumeris Diis serviebant sacrilega servitute. Pancg. Maximiani. D. Cyprian. Sermon. 5. Sidon. Apollinar. libr. 8. Epist. 6. notat Savaro.

Aspro, vetusto scriptori, videbatur, uti supra ex Macrobio relat-

tum, Mezentium contemptorem Deorum ita dici, quod supra modum in homines crudelis esset, inaudita ac prorsus nefanda suppliciorum genera commentus, ut vivos mortuis illigatos, foetore cadaverum eos scelestè immaniterque confectos extingueret: quæ poena ab eo primum diro exemplo excogitata, adeo ut Mezentii supplicium diceretur. Jul. Capitolin. in Opilio Macrino: *Reddidit etiam Mezentii supplicium, quod ille vivos mortuis illigabat, & ad mortem cogebat longa tæbe confectos, unde etiam in Circo, cum favor publicus in Diadumenum semper fuisset acclamatum:*

*Egregius forma juvenis, cui pater baud
Mezentius esset.*

Corruptus cento ex duobus hemistichiis Virgilianis libr. 7. Æneid., cui sic redactò in formam, & sensus constabit, & aperte favor ille pronior in Diadumenum, Macrini filium, ostendetur.

Egregius forma juvenis

Dignus, cui pater baud Mezentius esset.

Victum autem proelio Æneam a Mezentio, neque unquam postea comparuisse, & acie Latinum priori prælio ab eodem Mezentio interfectum scribunt, non modo historici supra laudati proxime, sed & Festus libr. 9. in voce Indiges. Hoc nomine ab Ascanio Æneas appellatus est, cum pugnans cum Mezentio nusquam apparuisset. Ipse idem ille, instar centum testium, Servius ad libr. 4. Æneid. pag. 353. ubi deserta, & furore accensa Dido, Æneæ inter alia dira, hoc quoque imprecatur;

Sed cadat ante diem.

Cato dicit, juxta Laurolavinium, cum Æneæ socii prædas agerent, prælium commissum, in quo Latinus occisus est, fugit Turnus, & Mezentii auxilio comparato renovavit prælium, qui quidem victus est ab Æneæ; Æneas autem in ipso prælio non comparuit, Ascanius vero postea Mezentium interemit. Alii dicunt, quod Æneas victor cum sacrificaret super Numicum fluvium lapsus est, & ejus nec cadaver apparuit; inde dicit: mediaque inhumatus arena, postea dictus est inter Deos receptus. Quidam eum, cum adversus Aborigines pugnaret, exsanguinem dicunt repertum. Utrumque sit, sive in acie cum Turno pro Latino dimicans, interiit, sive cum Aboriginibus concurreret, extinctus est Æneas, certe a Mezentio eum interemptum constat; sunt enim Aborigines Etrusci, quorum Rex eo ævo potentissimus fuit Mezentius. Vide libr. 1. supra hoc opere cap. 7.

Crudelitatem hanc Mezentii describit Virgilius libr. 8. Æneid.

*Haud procul hinc saxo incolitur fundata vetusto
Urbis Agyllina sedes, ubi Lydia quondam
Gens bello præclara jugis insedit Etruscis:
Haud multos florentem annos Rex deinde superbo
Imperio, & sevis tenuit Mezentius armis,*

Quid

*Quid memorem infandas cædes, quid facta tyranni
 Effera? Dii capiti ipsius, generique reservent.
 Mortua quin etiam iungebat corpora vivis
 Componens manibusque manus, atque oribus ora;
 Tormenti genus, & sanie, taboque fluentes
 Complexu in misero longa sic morte necabat*

Hoc vero supplicii genus, ut Servius refert pag. 517. Cicero in Hortensio non Mezentii tantum, sed Tuscorum fuisse inventum asseverat; sed vincit aliorum auctoritas, qui eum ob tantam diritatem a suis civibus in exilium pulsum loquuntur. Virgilius loco proxime laudato:

*At fessi tandem cives infanda furentem
 Armati circumstant, ipsumque domumque:
 Obtruncant socios, ignem ad fastigia jactant:
 Ille inter cædes Rutilorum elapsus in agros
 Confugere, & Turni defendier hâspitis armis:
 Ergo omnis furis surrexit Etruria iustis,
 Regem ad supplicium præsentî Marte reposcunt.*

Atque ipse Mezentius hanc sui exilii acerbiter in Lausii filii funere deplorat apud eundem Poëtam ad finem libr. 10. Æneid.

*Tantane me tenuit vivendi, nate, voluptas,
 Ut pro me hostili paterer succedere dextra
 Quem genui? tua ne hac genitor per vulnera servor
 Morte tua vivens? heu nunc misero mihi demum
 Exilium infelix, nunc alie vulnus adactum.
 Idem ego, nate, tuum maculavi crimine nomen
 Pulsus ob invidiam solio, sceptrisque paternis,
 Debueram patriæ pœnas, odiisque meorum:
 Omnes per mortes animam fontem ipse dedissem.*

Æneas Gallettus libr. 4. Histor. Universal.

*Ansonia Laribus Tusca Mezentius urbe
 Savitia dum jura hominum, ritusque Deorum
 Verteret, offensas Itale contraxerat urbis.
 Hunc spretoque Deos, cædesque suumque cruoris
 Utrique procures diris cruciatibus omnes
 Torquendum solio tradunt, dilabitur arce
 Effugiens patrum sævos Mezentius angues.*

Hic ut Æneam acie superatum interemit, ita ab Julio Ascanio Æneæ filio duello peremptus est. Servius idem ad libr. 1. Æneid. pag. 188. ex M. Catone: Secundum, inquit, Catonem, hoc habet historie fides. Æneam cum patre ad Italiam venisse, & propter invasos agros, contra Latinum Turnumque pugnavisse, in quo prælio perit Latinus, Turnum postea ad Mezentium confugisse, ejusque fretum auxilio bella renovasse, quibus Æneas Turnusque pariter rapti sint, migrasse postea in Ascanium & Me-

& Mezentium bella, sed eos singulari certamine dimicasse, & occiso Mezentio Ascanium Julium captum vocari a prima barbe lanugine, quæ ei tempore victoriæ nascebatur. Sciendum est autem, hunc primo Ascanium dictum ab Ascanio Phrygiæ flumine, ut transque sonantem Ascanium: deinde Ilium dictum a Rege Ilo, unde & Ilium, postea Julum occiso Mezentio. Hoc gestum cum ad Mezentium ad subsidia imploranda Turnus confugit, nam illud plerique probæ notæ auctores post mortem Latini Regis contigisse volunt. Servius idem consulatur ad illud libr. 10. Æneid. pag. 576.

Tyrrbenamve fidem.

Certum tamen est, Virgilium non secundi, quod cum Ænea gestum est, belli, sed primi ducem facere, & veluti societatis initæ principem; ita enim libr. 8. Æneid. principio.

... ductores primi Messapus & Ufens,
Contemptorque Deum Mezentius, undique cogunt
Auxilia.

Et quam vere ab eo hoc dicatur, historicos sit penes fides. Sed nec ab Ascanio probabile est occisum Mezentium, quum Dionysius Halicarnassensis libr. 2. pag. 81. diversum videatur dicere: καὶ ἐν χρόνῳ ὅπῃ Τυρρηνῶν, ὃς ἦγε βασιλεὺς Μεζέντιος, ἐπολεμῆτο καὶ ταχέως ἦν. *Quo tempore arcē obsidebatur, & bello petebatur ab Etruscis, quos Rex Mezentius ducebat;* de Ascanio Æneæ filio loquitur. Accedit, quod Virgilius ab ipso Ænea interfectum cum scribat, non facturum, si probabili conjectura hanc gloriam Ascanio dare potuisset; fortem autem eo bello navatam operam, strenueque in partes studium nec suum laudaturus Æneam tacere, aut dissimulare potuit summus Poëta; quippe libr. 9. Æneid.

*Parte alia horrendus visu quassabat Etruscam
Pinum, & fumiferos infert Mezentius ignes.*

Et Arcentis filius ab eo postea eodem libro dicitur peremptus:

*Stridentem fundam positis Mezentius armis
Ipse ter adducta circum caput egit habena
Et media adversi liquefacto tempora plumbo
Diffidit.*

Animosi vero hujus & descriptionem, & cum Ænea pugnam lege libr. 10. Æneid.

*At vero ingentem quatiens Mezentius hastam
Turbidus ingreditur campo*

Vide sequentia. Ad finem deinde ejusdem libri mors ejus, post virilem cum Ænea congressum, describitur.

Denique nomen hujus est apud Servium Maurum valde corruptum libr. 1. Æneid. ad finem pag. 219. nam cum in Didonis convivio dixit:

Primaque libato summo tenuis attingit ore,

Sub-

subdit ille: *Usque ad labra, & verecundiam Regina ostendit, & morem Romanum; nam apud majores nostros non utebantur vino, nisi sacrorum causa, certis diebus. Denique femina, quæ sub Romulo vinum bibit, occisa est a marito, Mezentius absolutus, id enim nomen marito: sic Granius Lucianus cæne suæ. Errat ille, quisquis est Granius Lucianus; neque enim ea ætate quisquam Mezentius dicebatur. Corrigendum est igitur: Mæcennius absolutus. Certe enim is, qui tempore Romuli uxorem, quod vinum bibisset, fuste dolii interfecit, Egnatius Mæcennius dicebatur, ut est apud Plinium libr. 14. cap. 13. & Mæcennius vocatur a Florente Tertulliano Apologet. cap. 6. ab aliis vero Egnatius Metelius habetur, ut apud Valerium Maximum libr. 6. cap. 3. tit. 9. Quod autem feminis Romanis in totum vino fuerit abstinendum, scribunt idem libr. 2. cap. 1. M. Cato Orat. de Dote. apud A. Gellium libr. 10. cap. 23. Vide varia a Cælio Rhodigino in hanc rem notata libr. 18. Antiquar. Lætion. & libr. 28. cap. 5. Cicero libr. 3. de Republica apud Nonium in voce *Temetum*. Quare & osculandi eas mos introductus, & cellæ vinariæ claves ablata, ut Polybii verba docent, laudata a nobiliss. Petro Victorio libr. 24. cap. 7. Sed de diverticulo in viam.*

*Etruscorum Rex Asylas, Æneæ tempore bello
clarus: Augur: Regia ejus Pisis.*

CAP. XXXVIII.

P Ergo ad alios Etruriæ Reges, qui sub ea regnabant tempora, quibus Ilio exciso, Trojanorum reliquias Æneas in Italiam intulit, atque tunc non tota quidem Etruria uni, ut videtur, parebat Regi, sed post Mezentii exilium, in dynastias divisa, singulis populis rectores suos, sive Reges assignabat: quorum hic Asylas unus, spectatæ quidem virtutis, qui Regiam Pisis habebat, ut vidit, adnotavitque Aurelius Macrobius libr. 5. Saturnal. cap. 15. & Virgilius libr. 10. Æneid.

*Tertius ille hominum Divumque interpres, Asylas,
Cui pecudum fibræ, cæli cui sidera parent,
Et linguae volucrum, & præsagi fulminis ignes,
Mille rapit densos acie, atque horrentibus hastis,
Hos parere jubent Alphææ ab origine Pise
Urbs Etrusca solo.*

Hunc ergo ut sacrorum præfulem Poëta describit, quo intelligitur eo seculo Reges fuisse Sacerdotes, saltem Augures, quorum inventio & digni-

dignitas ab Etruscis Romam migravit, ut libr. 3. infra hoc opere cap. 1. dicitur. Adjuvat meam conjecturam, qua fugato ob crudelitatem Mezentio, Asylum in ejus locum successisse a Pisanis surrogatum dixi, Servius Maurus ad locum laudatum: *Quasi & Turno & Aeneæ præstet auxilium; nam illi Lausum fugientem secuti sunt: hi vero communi odio & consilio totius civitatis in Mezentium arma commoverunt.* Ex quibus videri posset Regnum, quod sub Mezentio unum erat, in varias præfecturas, sive minora regna dissectum. Hujus autem Asylæ fortitudinem celebrat libr. 9. Æneid. idem:

. Chorineum sternit Asylas.

Et libr. 11. Æneid.

. . . Princeps turmas inducit Asylas.

Sed maxime libr. 12. Æneid.

*Tyrrhenusque ruit variis exercitus armis
Haud secus instructi ferro, quam si aspera Martis
Pugna vocet, nec non mediis in millibus ipsi
Ductores auro volitant, ostroque decori,
Et genus Assaraci Mnestheus, & fortis Asylas,
Et Messapus equum domitor, Neptunia proles.
Urque dato signo spatia in sua quisque recessit,
Desigunt tellure hastas.*

Nec multo post eodem libro;

*Et Messapus equum domitor, & fortis Asylas,
Tuscorumque phalanx.*

*Etruscorum Rex Abas, strenuus bello, Aeneæ auxiliatus
contra Rutilos: Regia ejus Populonium, aut
Ilva Insula: occisus a Lauso.*

C A P. XII.

Hic quoque bello Latino Etruscoque Rex illustris sub adventum Aeneæ in Italiam, & foedus cum Etruscis initum, habetur: & suspicor unum ex Regibus illis, qui, fugato, atque ob truculenta supplicia, Regni sui jure prohibito Mezentio, successerunt, sive jure suo & vere Regio usuri, an vero temporaria tantum potestate imperaturi, liquido in tantæ antiquitatis tenebris affirmare non possum: hoc unum exploratum est, validam eum ex Populonio & Ilva insula manum duxisse. Aurel. Macrob. libr. 5. Saturnal. cap. 15. Ut nulli dubium esse possit, quin Regia ejus vel Populonii fuerit, vel in Ilva insula. Virgilius libr. 10. Æneid. *torum* appel-

appellat, quod Martis epitheton esse solet, Servius exponit pag. 582. *fortem, asperum, terribilem.*

*Una torvus Abas, huic totum insignibus armis
Agmen, & aurato fulgebat Apolline puppis,
Sexcentos illi dederat Populonia mater
Expertos belli juvenes; ast Ilva trecentos
Insula.*

Ex quibus laus armorum, bellicæ fortitudinis, & pietatis accumulatur, qui Apollinem navium præsidem habebat; erat enim mos, ut navigantes aliquem sibi Deum itineris veluti præfulem destinatum in navigio adornarent, colerentque, qui tutela dicebatur, ut libr. 3. infra hoc opere dicam.

Jam si percontemur Annium & sequaces, ei cognomentum *Lumenonis* assingent, & quindecim annos regnasse affirmabunt: impudentissime nullis auctoribus, nisi somniis suis confisi, totam Antiquitatis seriem confundent, & illius cohortis coryphæus, Joannes Lucidus Samotheus libr. 3. cap. 3. infulse, ut cetera omnia, de hoc disquirat.

Cum Abas egregiam pro Ænea operam contra Turnum Rutilofque navasset, a Lauso, Mezentii filio, est peremptus. Virgil. loco laudato. Ubi, *obstantem, fortiter pugnantem* interpretatur Servius oppositum.

*At non cede viri tanta perterrita Lausus
Pars ingens belli, sunt agmina: primus Abantem
Oppositum interimit, pugnae nodumque moramque.
Sternitur Arcadiæ proles, sternuntur Etrusci.*

Et ultimo versu diserte liquet, Abantem ex eorum Principum stemmate fuisse, qui ex Arcadia Carmentam sequuti Evandrumque, in Etruria confederunt, & in unam cum iis gentem coaluerunt, uti libr. 1. supra hoc opere cap. 6. docui. Quamquam peregrinæ originis, nihil tamen vetat, quin inter Reges locum habere debeat. Sed ad alios pergo, si prius imperitissimi bonarum artium Æneæ Galletti verbum posuero, qui libr. 3. Histor. Universal. hæc de eo:

Tuscia cum tellus Tusco succumbit Abanti.

O lepidum caput! Virgilio est *Arcadiæ proles*, tibi vero *Tuscus*; sed unde hæc? a doctore, inquires, Annio: bene habet, vir magnus es.

*Etruscorum Rex Massicus, bello Trojano Rutiloque
interfuit: strenuus manu: Cossæ Regia illius:
a monte sic dictus.*

CAP. XL.

INter egregios Italiæ principes, auxiliorumque Æneæ duces Massicus Etruriæ Rex jure locum meretur, quem in nomenclatura Etrulci exercitus navalis primum posuisse Virgilium constat ex libr. 10. Æneid. ubi hæc Servius Maurus pag. 582. *Massicus ærata princeps, inter auxilia accipiendum; nam Æneæ prima est navis, & licet sit catalogus, idest inscriptio, in quo enumerantur hi, qui de Tuscia venerunt, invenit tamen aliquam varietatem, quod hos cum navibus venisse commemorat, cum in septimo Turni socios per terram venisse memoraverit: sane sciendum, amare Virgilium ducibus Italis dare nomina vel fluviorum vel montium; ut ergo supra Almonem & Aventinum commemoravit, sic nunc Massicum dicit; nam Massicus est mons, unde & Massicum vinum dicitur; plerique tamen nolunt proprium nomen esse, sed appellativum, dicentes Osinium esse Massicum Regem, nam paulo post dicturus est:*

Qua Rex Clusinis advectus Osinius oris;

& nunc dicit:

... qui mœnia Clusi.

Multi alium Massicum, & alium Osinium esse voluerunt. Quibus Servii verbis colligo, duos montes Massicos esse, unum in Etruria, ut hic dicitur, & paulo post idem Servius, Clusinum autem est oppidum juxta Massicum, quod in Etruria condidit Clusius Tyrrheni, sive Telmachus Ulyssis: & alterum in Campania, nam in libr. 7. Æneid. Virgilius, & Servius Honoratus pag. 480.

... vertunt felicia Phœbo

Massica qui rastris.

Hunc Regem, comitantemque eum exercitum libr. 10. Æneid. sic describit Poëta:

*Pandite nunc Heliconæ Deæ, cantusque movete,
Quæ manus interea Tusci comitetur ab oris
Ænean, armetque rates, pelagoque vehatur.
Massicus ærata princeps secat æquora Tigri,
Sub quo mille manus juvenum, qui mœnia Clusi,
Quique urbem liquere Cossas, queis tela sagittæ,
Corytisque leves humeris, & letifer arcus.*

Non defuerunt, qui istum Regem ab Osinio non distinxerint, ut patet ex Servii verbis supra laudatis, & dicetur capite sequenti; sed certo duo sunt Reges, nam hic Cossæ sive Cossæ Regiam habuit, Osinius vero

vero Clusii, uti dicitur. Uterque sane eidem bello interfuit; sed nec Virgilius omnino, nec ulli alii scriptores, quo mortis genere extincti sint, commemoraverunt: idque vitio vertit Aurelius Macrobius libr. 5. Saturnal. cap. 15. Virgilio: *Sed Maro noster anxietatem hujus observationis omisit, nam & in catalogo nominatos, præterit in bello, & alios nominat ante non dictos. Sub Massico duce mille manus juvenum venisse dixit, qui mœnia Clusi, quique Cosas liquere: deinde Turnus navi fugit, qua Rex Clusinis advectus Osius oris: quem Osius nunquam antea nominavit, & nunc ineptum est, Regem sub Massico militare: præterea nec Massicus nec Osius in bello penitus apparent. Sed & illi, quos dicit, fortemque Gyan, fortemque Serestum, pulcher quoque Equiculus, & Mavortius Hæmon, & fortissimus Umbro, & Virbius, Hippolyti proles pulcherrima bello, nullum locum inter pugnantium ægmina, vel gloriosa vel turpi commemoratione mernerunt. Male itaque Virgilius fortissimos principes, & tot armatorum strenuos duces in acie præterivit, quos in auxiliorum catalogo numeravit, neque sane magna belli gerendi ratio non penes eos fuit, qui & pugnacissimis imperarent, & gloriosum longe lateque nomen diffudissent,*

*Etruscorum Rex Osius, Æneæ in Turnum auxiliator:
Regiam habuit Clusi: mors ejus, uti & superioris,
a Virgilio male præterita.*

CAP. XLI.

INter Etruscorum Regum auxilia Æneæ præstita clarum hujus Osius, Etruriæ Regis, in primis est nomen; qui tamen in catalogo non ponitur a Virgilio: quod mirum mihi videtur, nisi forte non cum Æneæ venisse eum, sed incepto jam certamine supervenisse dicamus, quod non est improbabile; neque enim verisimile est, Regem, si una in bellum profectus fuisset, silentio prætereundum, cum obscura etiam non urbium aut regionum populorumque nomina, sed & privatorum hominum ab eo ibi celebrentur, quod in Virgilio ab aliis, tanquam error gravis, notatum est. Frustra sunt illi, qui Osius & Massicus putant eundem esse Regem, cum capite superiori Aurelii Macrobii verba contrarium asseveraverint, & plerique veteres historici, quos laudatos comperi a Servio Mauro ad libr. 10. Æneid. pag. 607. *Osius, ipse est, quem supra Massicum dixit; ergo, ut supra diximus, Osius proprium est, Massicus appellativum, licet possit fieri, ut duo nomina unius sint, ut Numa Pompilius, Alexander Paris, Numanius Remulus. Alii volunt, non eundem esse Massicum, quem Osius;*

nam duas civitates supra commemorat, Clusium & Cosam: & tradunt potuisse fieri, ut hic Osinius Rex quidem unius de memoratis fuerit civitatibus, sed sub imperio Massici egerit; nam & Rhamnetem & Romulum, quos in ducum ordinem non numeravit, Reges fuisse dixit. Alii hunc postea κατὰ τὸ αὐτοφύκτον volunt venisse, quia in catalogo ejus non meminit. Virgilius sic ejus loco laudato meminit, dum Turnum ipsius navi fugientem inducit:

*Forte ratis celsi conjuncta crepidine saxi
Expositis stabat scalis, & ponte parato,
Qua Rex Clusinis advectus Osinius oris,
Huc se se trepida Aeneæ fugientis imago
Coniicit in latebras, nec Turnus segnior instat,
Exuperatque moras, & pontes transiit altos.
Vix proram attigerat, rumpit Saturnia funem,
Avulsamque rapit revoluta per æquora navem;
Illum autem Aeneas absentem in prælia poscit.*

Quamdiu hic regnaverit, aut quo fati morbove casu interierit, nec apud probatos reperi Scriptores, nec cum Annio, aliisque sui similibus figmenta puerilia comminisci lubet: sufficiat mihi in tanta antiquitatis taciturnitate nomina nuda Regum Etruriæ ostendisse: alii plura & potiora præstabunt.

*Etruscorum Rex Morrius, ex gente Neptuni, & Alæsi
Regis, Veiis Regiam habuit: Saliorum
sacerdotum auctor.*

CAP. XLII.

HAstenus quidem de Regibus Etruriæ, qui sub Aeneæ in Italiam appulsum, vel toti provinciæ, vel ejus tantum parti imperarunt, rudi Minerva dictum, supersunt alii nonnulli, quos nec factis, nec temporibus certo distinguere possum, tanta est vetustatis caligo, tanque atrox tam claro populo illata injuria, ut nullus ex professo res gestas sit executus. Morrium tamen Regem antiquissima memoria Etruriæ fuisse constat, & Veiis Regiam fixisse, & per Alæsum, sive Halelū, de quo supra, a Neptuno genus traxisse, & ultimum stirpis illius Principem habitum: denique & Salios, neque Marti, neque Herculi, sed Neptuno, uni ex suis majoribus, instituisse. Servius Maurus ad libr. 8. Æneid. pag. 503. *Salii sunt, qui tripudiantes aram circumbant, saltabant autem ritu veteri armati, post victoriam Tiburtinorum de Volscis. Sunt autem Salii Martis & Herculis,* quo-

quoniam Caldei stellam Martis Herculem dicunt, quos Varro sequitur, & Tiburtes Salios etiam dicaverant. Quidam hos a saltu appellatos tradunt, quos alii a Numa institutos, ut arma ancilia portantes saltarent, ergo bene a saltu appellati. Horum numerum Hostilius addidit (malim legere auxit; est enim dicendi genus insolens horum numerum addere) nam duo sunt genera Saliorum, sicut in Saliaribus carminibus invenitur, Collini & Quirinales a Numa instituti, ab Hostilio vero Pavorii & Pallorii instituti. Habuerunt sane & Tusculani Salios ante Romanos. Alii dicunt Salium quendam Arcadem fuisse, qui Trojanis junctus, hunc ludum in sacris instituerit: nonnulli tamen hos a Dardano institutos volunt, qui Samothracibus. Diis sacra persolverent: quidam etiam dicunt, Salios a Morrio Rege Vejentanorum institutos, ut Alafus Neptuni filius eorum carmine laudaretur, qui ejusdem Regis familie aucte ultimus fuit. Huc usque ille: & putarem corrigendum insuper locum, claro sensu, & sequentibus omnino congruenti: Habuerunt sane & Tuscani Salios ante Romanos: tu videris, lector; mihi enim perplacet, non de Tusculanis loqui eum, de quibus nihil in sequentibus, sed de Tuscanis, qui Tusci sunt, libr. 1. supra hoc opere cap. 2. & id Morrii allata historia confirmat, atque etiam Dardani, qui Etruriæ Regis filius, ut Samothracia sacra excogitavit, ita & Salios potuit invenisse; ut libr. 3. infra hoc opere cap. 8. habetur. Qui sint autem Salii, quo honore, sacrificandique ritu, discussi & loco jam laudato, & facile aliunde peti quæcumque huc spectant, possunt: plenissime Dionysius Halicarnassensis libr. 2. pag. 129. & pag. 130. Hoc tantum obiter hic addendum, ut Salios a Morrio Etruriæ Rege in Neptuni honorem & Alafi inventos a saltu appellaverunt, ita & Francos eodem nomine dictos deprehendimus: non a Sala, Salia, Salo, Sale, ut Joannes Savaro doctissimus adnotabat. Ammian. Marcellin. libr. 17. Petit primas omnium Francos, eos videlicet, quos consuetudo Salios appellavit. Sic in notitia utriusque Imperii, quæ a Scoto conscripta est, frequenter Sallii, & Sallii Gallicani; sed est legendum Salii & Salii Gallicani. Hinc ævo barbaro Salicus, ut apud Carolum Magnum libr. 4. Capitularii cap. ult. Neque tamen omnes Franci Salii, sed quædam eorum gens, quod saltu, quantum legisse me reminiscor, pugnam inibant; nam eodem loco Sidonius Apollinaris & Francum, & Salium memorat Carm. 7. v. 241.

*Cursum Herulus, Chanus jaculis, Francusque natatu,
Sauromata clypeo, Salius pede, falce Gelonus.*

Ubi pede pro peditatu noviter dictum. Jornand. libr. de Reb. Getic. cap. 50. Svenum pede, Hunnum sagitta præsumere, Alanum gravi, Herulum levi armatura aciem instruere, ita fiet, ut quemadmodum Galli veteres equitatu celeberrimi habebantur, ita Franci Salii, qui sub Theodosio Hispano, Gallias trajecto Rheno, anno salutis 420., Joanne Serrano auctore, occupavere, peditatu præfignes fuerint: quod video

video prodidisse nobilissimum Benedictum de Acoltis Aretinum libr. 3. de Bello sacro.

Neque plura de Morrio apud quemquam alium auctorem deprehendi.

Etruscorum Rex Clusius, Tyrrheni Regis filius: Clusii conditor: filii Regum etiam Reges dicti.

C A P. XLIII.

INvenio Tyrrheni filium Clusium, oppidi Clusii celeberrimi conditorem, Etruriæ Regem fuisse; sed quo seculo, quidve nobile clarumque gesserit, Oedipus sit oportet, qui velit divinare. Ac ne quis ille fuerit Tyrrhenus, satis liquido mihi exploratum; existimo tamen eum esse, qui ex Lydia coloniam deducens, & mari vicino infero, & regioni nomen dedit, ut libr. 1. supra hoc opere dictum cap. 3. atque etiam hoc ipso libro. Servius Honor. ad libr. 10. *Æneid.* pag. 582. *Mænia Clusi, pro Clusi, nam Clusium dicitur, est & dictum per Syneresin. Clusium autem est oppidum juxta Massicum, quod in Etruria condidit Clusius Tyrrheni, sive Telemachus Ulyssis.* Finit & hoc cognomentum Jani, ut non gravate ab eo alii etiam Etruriæ Reges cognomina sua sumplisse existimem. P. Ovid. libr. 1. Fastor.

Nomina ridebis, modo namque Patulcius idem,

Et modo sacrificio Clusius ore vocor.

Regum filii, obiter adnotandum duxi, & ipsi Reges appellati, & filiae Regum, Reginae; unde vetustissimi moris apud quasdam gentes quædam etiamnum hodie reliquæ & vestigia, ut filii Principum, Ducum, Comitum, Baronum, sint Principes, Duces, Comites, Barones, & maxime in Germaniis, aliquoties observatum a Gregorio Turo-nensi historico, ut illa ferebat ætas, elegante, & maxime libr. 3. cap. 22. *Histor. Francic.* & libr. 4. cap. 13. & libr. 10. cap. 15. Unde Marculfus libr. 1. *Formular.* cap. 39. *filius Regis Rex:* ubi politissimi & amœnissimi ingenii Hieronym. Bignonius. Servius Maurus ad *Eclogam* 3. Virgilianam in fine: *Regum autem nomina, non quasi Reges ipsi fuerunt, sed quia Regum filii, ut:*

*Magnum Reginae sed enim miseratus amorem,
cum de Ariadna diceret, Pasiphaë Regine filia.* Rursusque idem ad libr. 1. *Æneid.* v. 277.

. donec Regina Sacerdos

Marte gravis.

Regina (inquit) *Regis filia, abusive, more poetico.* Eo ritu Poëta. de Dejadamia Papin. Stat. libr. 2. *Achilleid.* v. 671.

Obsta-

Obstupuit tantis Regina exterrita monstis.

Claudian. libr. de laudib. Serenæ filia Theodosii Augusti:

Vile putas donum, solitam consurgere gemmis

Et rubro radiare mari, si floribus ornes

Reginæ Regina comas?

Et in Epigrammate de muneribus Honorio Imperatori missis, de eadem:

Regina contenta modum servare serena.

Et dixi pluribus ad illud ejusdem in Epithal. Honor. & Mariæ:

Hos Mariæ cultus, hæc munera nostra precamur

Reginæ Regina feras.

Sic itaque & Clusum Tyrreni filium, & Lausum Mezentii, & Aruntem Porcenæ Etruriæ Reges dicere possumus, quamquam re vera non regnaverint duo ultimi; nam Lausus ab Æneâ, ut est libr. 10. Æneidos apud Virgilium, Aruns a Bruto primo Consule interfecti sunt.

*Etruscorum Rex Propertius: Volaterris Regia ejus
erat: Capenos condidit: Populoniâ coloniam
deduxit: Veientes juxta fœdere.*

C A P. XLIV.

Hic antiquissimo ævo Etruriæ imperavit, sed id certo affirmare non possum, quippe cum altum sit apud historicos eos silentium, a quibus subsidium peti debeat; hoc tamen de eo certi juris est nobis, Volaterris Regiam habuisse, Capenam urbem, Capenosque populos posuisse ac fundasse, Populoniâ etiam coloniam deduxisse. Servius Maurus ad libr. 7. Æneid. pag. 479. LUCOSQUE CAPENOS. *Hos dicit Cato Veientum condidisse auxilio Regis Propertii, qui eos Capenam, cum adolevissent, miserat; unde & porta Capena, quæ juxta Capenos est, nomen accepit.* Liqueat ergo, eum fundasse celebrem eam civitatem, quæ nomen portæ indidit, quam postea Camænarum appellarunt. Meminit Ivo Carnotensis MS. libr. de undecim Europæ regionibus: *Volaterra prima in Etruria urbs condita est centum annis ante Trojam, sed incertum quo auctore: multis postea seculis reparavit Pertius Rex, & ab hostibus defendit.* Erratum librarii tolle, & lege: *multis postea seculis reparavit Propertius Rex.* Fecellit operas Persii nominis ambiguitas, quem ævo Domitiani celebrem Satyricum, & Volaterris oriundum sciebant; ideo facilis error fuit incautis a Propertio Rege Volaterrano, in Persium notiozem Satyricum item Volaterranum. Hic Rex etiam coloniam Volaterris Populoniâ

Ioniam deduxit. Idem Scriptor MS. libr. laudato: *Populonia Colonia Volaterranorum a Rege Propertio deducta, portu commoda, ac florens opibus*. Hoc ipsum Servius Honoratus ait libr. 10. *Æneid.* pag. 582. licet de Propertio Rege nihil: & nos infra hoc opere libr. 4. plura.

Etruscorum Rex Vejentus, vel Vejis nomen dedit, vel ab eo oppido accepit: Capenam in Latium coloniam deduxit: & de porta Capena quædam obiter.

CAP. XLV.

Cœvum istum Propertio fuisse liquet, sed quo uterque seculo vixerit, quærendum censeo: hoc solum liquido patet, antiquissimam clarissimamque civitatem Vejos semper fuisse, tot Regum domicilium, tot exercituum matrem, tanta opulentia, tam munito situ, tam superbis ædificiorum insanorum substructionibus, ea denique cœli solique amœnitate, ut in expugnatam victor populus etiam lare suo nativo relicto commigrare deliberarit. Hæc vero potest videri a Vejento isto condita; sæpe enim conditorum nomina urbes fundatæ fortiuntur, ut Alexandriæ octodecim ab Alexandro dictæ civitates, si fides Eustathio & Stephano: Edinburgus Scotiæ metropolis ab Edino conditore: Londinum Angliæ Regia a Luddo; ut apud Guilielmum Cambdemum Principem fetialium in Anglia, & virum multa eruditione: tot Juliæ, tot Augustæ, per omnes provincias, potentiam Julii Cæsaris Dictatoris, & Octaviani Augusti loquuntur: & ne tam multis rem obviam probem, exempla sunt domestica in Etruria, in qua *Pisæus*, *Nictus*, *Hadrius* civitatibus, quas vel condiderant, vel lapsas restauraverant, nomina indiderunt. Sic probabiliter adducor conjectura, ut Vejentem urbem populumque credam a Vejo & originem, & nomen accepisse; utcumque certe vel Catone auctore, *Capeni* populi ultra Tiberim ab eo deducti, unde & Lucus Camænarum, & *porta* celeberrima civitatis *Capena* ab eodem oppido nomen habebat, quæ hodie mutato nomine *porta S. Sebastiani* vocatur, quia initium erat Appiæ viæ, ut est apud Bart. Marlianum libr. 1. Topogr. Urb. cap. ult. Sed Catonem audiamus referente Servio Mauro ad libr. 7. *Æneid.* *Lucos Capenos, hos dicit Cato Vejentum condidisse, auxilio Regis Propertii, qui eos Capenam cum adolevissent, miserat; unde & porta Capena, quæ juxta Capenos est, nomen accepit*. Plura de hoc Rege non reperi, de quo indubie multa ille Cato in Originibus suis, quæ gravi literarum jactura interierunt.

Capē-

Capena porta memoratur a veteri Juvenalis Scholiaste Satyr. 3. v. 10. *Stetit expectans rhedam, ubi solent jurare proconsules, in via Appia ad portam Capenam, id est ad Cumenas, madidam ideo, quia supra eam aquæductus est; quem nunc appellant arcum stillantem; primum enim usque ibi fuerunt portæ, quæ porta Capena vocabatur.* Locum corruptum corrige, id est ad *Camenas*; nam vicus Camænarum in vicinia erat. Asconius Pædianus, qui Virgilio fuit familiaris, idemque mendum in Codice Julii Frontini hæserat libr. 1. de Aquæduct. non multum a principio, ubi *Cumena* pro *Camena*. Juvenal. Satyr. 3. princ.

..... *ejectis mendicat silva Camænis.*

Non longe inde ædes Martis extra muros. T. Liv. 4. Decad. libr. 8. *Viam silice sternendam a porta Capena ad Martis ædem locaverunt.* Fêst. Pompon. libr. 11. *Manalem lapidem vocabant peiram, quæ extra portam Capenam juxta ædem Martis.* Sext. Propertius libr. 4. Eleg. 3.

Armaque cum tulero portæ vicina Capenæ

Subscribam.

P. Ovid. libr. 6. Fastor.

Lux eadem Marti sacra est, quem prospicit extra

Appositum testæ porta Capena viæ.

Huic adhærebat aquæductus. Vetus Scholiastes, & Frontinus proxime laudati. Juvenal. Sat. citata in limine:

Substitit ad veteres arcus, madidamque Capenam.

Martial. libr. 3. Epigr. 47.

Capena grandi porta qua pluit gutta

Initium, inquam, ab hac porta viæ Appiæ, quæ in Latium ducebat.

D. Paulin. Nolæ Episcopus S. Felicis Natali 3.

Roma Petro Pauloque potens rarefcere gaudet

Hujus honore Dei, portæque ex ore Capenæ

Millia profundens ad amica mœnia Nolæ

Demittit duodena decem per millia denso

Agmine, consertis longe latet Appia turbis.

Hæc etiam adeo celebris, ut cum Augustus urbem in quatuordecim regiones divideret, porta Capenæ esset prima. Sext. Rufus, P. Victor, & ad eos Onufrius Panvinus, Guidus Pancirolius.

De urbe Capenæ, & fluvio eodem nomine dicam infra libr. 4. hoc opere.

*Etruscorum Rex Lucumus, seu Lucumo, cognomine
Galeritus, Romulo tulit suppetias: tentoria
invenit: forte Lucam condidit.*

C A P. XLVI.

Ventum est tandem ad Romuli & urbis conditæ tempora, hoc est ad annum bis millesimum Regni Etruriæ: nec feliciores ideo futuri, quia ad res Romanas devenimus; ea enim gens quingentis pene annis non vexata modo, sed & interdum ab Etruscis obtrita, & æmulationis studio accensa, & prolatandæ gloriæ propriæ avida, de Etruscis, eorumque rebus parce atque invidiose, suæque tantum æstimationi profutura aut dixit, aut scripsit. Usque adeo ut, cum Romulum, novæ urbis parentem, fuisse Veientes ac Fidenates magno studio scribant Plutarchus in vita illius, Fl. Eutropius libr. 1. L. Florus libr. 1. cap. 1. Liviusque; nemo tamen eorum Regis nomen commemorare aut hujus aut illius populi est dignatus, indigniusne, an malignius, nescias. At ego existimo, Regem tunc ex familia *Lucumonum* aliquem fuisse, ut videre potes supra hoc opere cap. 13. hujus libri, tibi multa sunt dicta.

Et si conjecturæ locus relinquatur, hic fuit Lucumus, cognomento Galeritus, ut inventæ ab eo galeæ usus exprimeretur. De qua re lege, quæ hoc opere infra libr. 3. invenies. Sext. Propert. libr. 4. Eleg. 1.

Prima Galeritus posuit prætoria Lygmon

Magnaue pars Tatïo cura erat inter oves.

Sed vitiosa omnino lectio, & in meliorem sic reformanda:

Prima Galeritus posuit prætoria Lucmo.

Hunc Pythagoricæ philosophiæ sacris initiatum, eique scæte pronius additum describit Pierius Valerian. libr. 41. Hieroglyph. in limine.

Strenuam postea Romulo navavit operam, adeo ut nihil sine ejus ductu gestum bello, paceve, nam & tribubus, quæ initio tres tantum erant, Luceres, Rhamnes, Tatienfes, nomina indidit: & *Luceres* quidem, ut ait Junius Gracchanus apud M. Varronem libr. 4. de Ling. Lat. a *Lucumone* nomen sunt sortiti. Quod repetit Servius Maurus: *Luceres a Lucumone sunt dicti*, ad libr. 5. Æncid. pag. 384.

Tres equitum numero turma.

Cumque bellum a Sabinis indictum vix ferret Romulus, inito cum Etruscis fœdere, ἡκε δὲ αὐτῷ Τυρρήνων ἐπιμαρτίαν ἰκανὴν ἔργων ἐν Σαλονίᾳ πύ-
λεως ἀνὴρ δραστέριος, καὶ τὰ πολέμια ἔργα διαφανῆς Λακέρμων ὄνομα, φίλος δ' ἐπὶ
πολλῶν

πρὸς γερῶνός. *auxilium validum adduxit, e Solonio Etrusca urbe, vir strenuissimus & operibus bellicis clarus, nomine Lucumo, nuper in amicitiam cooptatus.* Verba sunt Dionysii Halicarnassei libr. 2. pag. 104. Quare ob hanc fortitudinem Romulus urbem cum eo partitus est, & jura nuper conditæ civitatis communicavit, ut non magis prima illa incrementa, operæ & fidei Tuscorum, quam Romanorum virtutibus, debeantur, si vera fateri volumus. Vide caput sequens. An Lucam urbem condiderit, videbitur infra libr. 5. hoc opere.

Etruscorum Rex Cælius Veibennus, Romanis Regibus auxiliatus: Cælio monti nomen dedit: Tuscum vicum Romæ suis civibus implevit, sive Lucumo id præstitit, sive Porsena.

CAP. XLVII.

P Rincipem istum nec uno modo scribunt, nec uno omnes tempore regnasse volunt, nec cur Romam migraverit, plane consentiunt: Primum *Cæle Vibenna* vocatur a C. Tacito libr. 4. Annal. & consentit vêtus Inscriptio Lugdunensis; quæ & tabula (1) Claudiana: a M. Varrone est Cælius Vibennius dictus libr. 4. Ling. Lat. Καίλιος, *Cælius* apud Dionysium Halicarnasæum libr. 2. pag. 104. Denique *Cælen* & *Vibennam* duos fratres facit Festus libr. 18. Hunc auxiliatum cum ingentibus copiis Romulo voluere Varro loco jam laudato: *In Suburrana Regionis parte princeps est Cælius mons, a Cælio Vibennio Tusco, duce nobili, qui cum sua manu dicitur Romulo venisse auxilio contra Sabinum Regem: hi, post Cælii obitum, quod nimis munita loca tenerent, neque sine suspitione essent, deducti dicuntur in planum: ab eis dictus Vicus Tuscus, & ideo ibi Vortunnum stare, quod is Deus Etruriæ.* Consentit huic Halicarnasæus, quem loco citato vide: & Festus libr. 3. in voce *Cælius*. Hisque concors Servius ad libr. 5. Æneid. pag. 184. ex auctoritate M. Varronis: *Varro dicit, Romulum dimicantem contra Trium Tatium, a Lucumonibus, idest Tuscis, auxilia postulasse; unde quidam venit cum exercitu, cui recepto jam Tatius pars urbis est data, a quo in urbe Tuscus dictus est vicus.* Ille quidam non fuit alius, quam hic noster Cælius Vibennius Rex. Alii eum in suppetias Tarquinio Prisco venisse contendunt, inter quos est C. Tacitus libro citato: *Haud fuerit absurdum tradere, montem eum antiquitus Querquetulanum cognomento fuisse, quod talis silvæ frequens fecundus-*
Bb 2 que

(1) Apud Grut. pag. 502.

que esset: mox Caelium appellatum, a Cae Vibenna, qui dux gentis Etruscae, cum auxilium appellatum duxisset, sedem eam acceperat a Tarquinio Prisco, seu quis alius Regum dedit; nam Scriptores in eo dissentiunt. Cetera non ambigua sunt, magnas eas copias per plana etiam & foro propinqua habitavisse, unde Tuscum vicum e vocabulo advenarum dictum. Quibus verbis non obscure demonstrat, non Romulo, sed Tarquinio suppetiatum venisse Caelium, consentiente tabula Claudiana: (1)

..... Servius. Tullius. si. nostros.
sequimur. captiva. natus. Ocrefia. si. Tuscos. caeli. quondam. Vi
vennae. sodalis. fidelissimus. omnisque. ejus. casus. comes. post.
quam. varia. fortuna. exactus. cum. omnibus. reliquiis. caeliani.
exercitus. etruria. excessit. montem. caelium. occupavit. & a. duce. suo.
caelio. ita. appellatus. mutatoque. nomine. nam. Tusce. mastarna.
ei. nomen. erat. ita. appellatus. est. ut. dixi. &c.

Neque sane certa adventus in Latium hujus Regis apud plerosque causa traditur; nam varia fortuna exactum gente sua ex tabula liquet, & forte popularium subditorumque pulsus seditione, ut supra de Mezentio est probatum. Alii fama rerum a Romulo gestarum accitum, ut tantae gloriae particeps foret. Nonnulli denique auxilii ferendi gratia Etruria egressum, certius meo iudicio, partem civitatis nuper conditae a collega Romulo accepisse docent: eamque a vocabulo gentis Tuscae dictam vicum Tuscum. Alexander Neapolitan. libr. 2. Genial. Dier. cap. 18. & omniscius Andreas Tiraquellus ibidem. Et Poëtae M. Accius Plaut. Curcul. Act. 4. Sc. 1.

In Tusco vico, ibi sunt homines, qui sese ipsi venditant.

Horat. libr. 2. Sat. 3. v. 229.

..... Tusci turba impia vici.

Licet a reliquiis copiarum Porfennae Regis hunc vicum nomen accepisse velit Festus Pompejus libr. 18. *Tuscus vicus Romae est dictus, quod ibi habitaverunt Tusci, qui resedente ab obsidione Porfena remanserunt.* Favere videtur Porphyrio, vetus Horatii interpres: *Impia turba, quia in patriam redire voluit.* Denique a Lucumonis Regis, de quo supra, militibus nomen volunt nonnulli ei datum: in quibus est Sext. Propert. libr. 4. Eleg. 2. ubi sic Vertumnus, seu Vortumnus:

At tu, Roma, meis tribuisti premia Tuscis,

Unde hodie vicus nomina Tuscus habet.

Tempore quo socii venit Lucomedius armis,

Atque Sabina feri contudit arma Tati;

Vidi ego labentes acies.

In

(1) Apud Grut. pag. 502.

In hoc vico lenones & meretrices prostabant. Helenius Acro ad locum Horatii laudatum; non tamen lupanaria, sed tectiora scorta; nam fornices publici meretricum in Suburra. Verum hæc alias.

*Etruscorum Rex Menalus: Regia ejus Veii: Novius
vel Nævius poëta, fabula Lydus.*

CAP. XLVIII.

Hunc Etruriæ Regem, unus, quod sciam, e tot Latinis Græcisque scriptoribus, nominat, Nævius poëta antiquissimus in *Lupo*; sic enim illius fabulæ inscriptio in vulgatis codicibus, in aliis habetur: *Novius in Ludo*; quare censetur restituendam Novio sive Nævio fabulæ epigraphen, & pro *Ludo* legendum *Lydus*, quo nomine fabulam dedit Magnes Possidonius apud Julium Pollicem libr. 7. Onomast. cap. 33. quæ forte de Lydis Tyrreno duce in Tusciam profectis scribebatur. Sic itaque Novius vel Nævius apud Festum libr. 16. in voce *redbofire*:

Vel Vejens Regem salutet jube

Albanum Milium, comiter senem

Sapientem contra redbofire Menalus.

Nec quicquam de eo ulterius dico.

Etru-

Etruscorum Rex Olenius Calenus, idem augur, Regesque omnes Etruriæ sacerdotio præditi, & aliæ gentes hoc imitati: Olane ostium seu rivus Padi ab eo dictum: Mediolanum non sumpsit nomen ab illo.

CAP. II.

Hic est ille Etruriæ Rex, qui celeberrimo a vaticinandi augurandique peritia nomine parvo, tunc regnabat, cum Tarquinius Superbus fundamenta templi Jovis in Capitolino monte jacens, hominis reperit caput, ad quod prodigium legati missi in Etruriam procurandum. Verba C. Plinii eleganter historiam narrantis apponam libr. 28. cap. 2. *Cum in Tarpejo fodientes delubro fundamenta, caput humanum invenissent, missis: ob id a Senatu legatis, Etruriæ celeberrimus vates Olenus Calenus præclarum id fortunatumque cernens, interrogatione in suam gentem transferre tentavit, scipione prius determinata templi imagine in solo ante se: Hoc ergo dicitis Romani, hic templum Jovis optimi maximi futurum est? hic caput invenimus? constantissima Annalium affirmatione, transiturum fuisse satum in Etruriam, ni præmoniti a filio vatis legati Romani respondissent: non plane hic, sed Romæ inventum caput dicimus. Eandem verbosissime narrat Dionysius Halicarnasæus historiam libr. 4. pag. 257. Cujus verba Latine sic sonant: Hoc viso Tarquinius jussit operas fissionem intermittere, accitisque regionis ejus vatibus, scitabatur, quid sibi vellet hoc prodigium: quibus nihil explicantibus, & ad Etruscos ejus professores scientiæ Regem relegantibus, perconclatus ex iis, quis nam apud Etruscos clarissimus esset ostentorum interpret, ubi id didicit, legatos ad eum mitti civium lectissimos. Hi cum ad conjectoris domum venissent, forte fortuna incidunt in adolescentem quendam egredientem, cui cum exposuissent, se Romanos esse legatos, qui vatem convenire cupiant, rogassentque, ut se ad illum deduceret, respondit adolescens: pater, inquit, meus est, quem convenire cupitis; nunc occupatus est nonnihil, sed licebit vobis post modicam dilationem accedere: interim mihi, qua de causa veniatis, dicite, ita fiet, ut a me præmoniti caveatis, ne quid in rogando peccetis per imperitiam; est enim non minima divinationum pars recta interrogatio. Placuit id legatis, & indicaverunt prodigium. Ille interposito brevi silentio: audite, inquit, Romani, prodigium hoc vobis pater interpretabitur nihil mentiens, id enim vati nefas est; ceterum quæ dicenda vobis sunt, & quæ ad*

ad interrogationes respondenda, ne quid peccetis aut fallatis, id enim vestra interest prænoscere, ex me discite. Post denarratum prodigium, dicit se non satis exacte percipere, quid dicatis: & circumscribet certum terræ spatium baculo; deinde dicit: hic est Tarpejus mons, & pars ejus orientalis hæc est, hæc occidentalis, hæc septentrionalis, hæc opposita, quibus baculo demonstratis, scitabitur ex vobis, in qua nam harum partium caput inventum sit. Quid igitur vos respondere moneo? in nullo eorum locorum, quos ille interrogans indicavit baculo, inventum prodigium, sed Romæ visum apud vos in Tarpejo tumulo. Hanc si responsum observaveritis, nec ab illo seducti fueritis, intelligens fata transferri non posse, quid sibi velit prodigium interpretabitur vobis, nihil dissimulans. Hæc edocti legati, postquam a sene, otium nato, accersiti sunt, introgressi exposuerunt vati prodigium: quo argutante, & circulares primum, deinde alias rectas lineas in terra describente, & per singulas regiones de inventione rogante, nihil perturbati legati, eandem observabant responsum, ut erant a vatis filio præmoniti, semper nominantes Romam & Tarpejum tumulum, & postulantes ne interpres usurparet sibi id signum, quod iis portenderetur, sed quam rectissime, atque iustissime edideret; tum vates non valens signum intervertere, nec sibi usurpare augurium, sic eis locutus est: referte, Romani, vestris civibus, esse in fatiis, ut locus, in quo id caput invenistis, fiat caput totius Italiæ. Quæ licet non nominent Olenium, vel Olenum Calenum, de alio intelligi non possunt, ex Plinii verbis proxime laudatis; obiter tantum a T. Livio ea portenti interpretatio descripta ad finem libr. 1. Decad. 1. Quod autem putem, eundem fuisse Regem, inducor, quod ad suam gentem trahere fata destinasse dicatur, quod de privato non esset dicendum: deinde, sibi ne usurparet id signum obtestantur, quo Regia majestas exprimi videtur: denique iidem Reges apud Etruscos & Vates erant, ut supra hoc libro de Afyla cap. 38. dictum: & infra Porfena fulmina evocat cap. sequenti: & ex sacerdotum collegio eligi folere Etruriæ Reges, irrefragabile extat testimonium T. Livii 1. Decad. libr. 5. in principio: Cum ob iram repulsæ, quod suffragio duodecim populorum alius sacerdos ei prælatus esset, de Rege Vejentum loquitur, qui victus ab alio sacerdote, ne prius Regnum adipisceretur, fuerat. Vide locum.

Ab Etruscis credibile est & alios populos hunc morem mutuatos, ut Regem putarent non tantum satellitio armisque stipandum, quantum religiosa in Deos observantia armandum; ideoque Romani principes, (petito a Romulo exemplo, ut liquet ex Ennii versibus libr. 1. de Divinat. apud Cicronem, quos recitat Petrus Crinitus libr. 10. Honest. Discipl. cap. 9.) semper auguralem dignitatem sibi concedi impensius optabant: idque Ægyptiorum receptum legibus Mercurius Trismegistus confirmat: & veteres Gallorum populos, nullo Regi, nisi sacerdoti, paruisse, docet Joannes Picardus quatuor libris de Celtopædia,

pædia, non magni quidem illis momenti, sed tamen in quibus hoc, quod ambio, probetur. De aliis P. Virgil. libr. 3. Æneid.

*Rex Anius, Rex idem hominum, Phœbique sacerdos,
Vitis, & sacra redimitus tempora lauru
Occurrit.*

Servius Honoratus pag. 268. Sane majorum hac erat consuetudo, ut Rex esset etiam sacerdos vel Pontifex, unde hodieque Imperatores dicimus Pontifices. Et libr. 9. Æneid.

*Rhamnetem aggreditur, qui forte tapetibus altis
Extractus, toto prostrabat pectore somnum,
Rex idem, & Regi Turno gratissimus augur.*

Ab hoc Olane, sive *Ὠλάνη*, ut est apud Polybium libr. 2. Padi seu ostium, seu rivus ab eo deductus, nomen accepit. Plin. libr. 3. cap. 16. *Auget ibi Padum Vatrenus amnis ex Forocorneliensi agro. Proximum inde ostium Caprasia, dein Sagis, dein Volane, quod ante Olane vocabatur: omnia ea flumina, fossasque primi Asagi fecerunt Tusci, egesto amnis impetu per transversum in Atraniorum paludes, quæ septem maria appellantur, nobili portu oppidi Tuscorum Atriæ, a quo Atriatum mare ante appellabatur, quod nunc Adriaticum.* Locus abunde monstat, nomina ea Etrusca esse, & gentem illam Tuscorum antiquitus fuisse coloniam; sed qui sint *Asagi Tusci*? fateor me ignorare. Hujus meminere Annius, & sequaces. Æneas Gallettus libr. 4. 54.

*Annus erat quartus, Latii Vulcanus habenas,
Suscipit Olanus Tuscas.*

Quin imo Hieronymus Henningius Tom. 4. Theat. Genealog. Joan. Lucidus, alique ejusdem notæ scriptores ab isto Mediolanum conditum, & nominatum volunt, clarissimæ civitatis mentientes conditorem; nam ex Livio notum est 1. Decad. libr. 5. *Ambigari Celtarum Regis filium Bellonesum, fusis acie Tusci, qui eum tractum incolebant, Tarquinio Prisco Romæ regnante, urbem eam condidisse.* Adi Gaudentium Merulam libr. 3. de Cisalpinorum Gallorum antiquitat. cap. 12. At ab Olatio Rege Mediolanum dictum, quid ni ergo ab illo condita sit? O stupidi! imo vero quasi *Media amnium*, quod in planitie roseida sita sit, appellata est, L elemento, ad vitandum hiatum, inserto. Bonaventura Castillioneus libr. de Gallor. Insubr. Antiq. Sedib. non multum post principium. Varia ejus nomina, nam & *Alba*, & *Pentibecia*, si nonnullis fides, est dicta; sed & a Maximiano Herculo Aug. *Herculeæ*: Zacharias Lilius in Orbis Breviario, & *Melana*: Gottofred. Viterbienfis in Pantheo:

Urbs Melana potens.

Nec minus *Insubria* ei nomen; nummus argenteus M. Valerii Messalæ, certe Insubrum est opus. Plin. libr. 3. cap. 17. Denique quod *lanatus* ibi inventa ab Insubribus Gallis, *Mediolanum* appellatum, frequentior est opinio, certiorque; neque enim Catonis illa spuria fragmenta audio,

audio, quæ a Medo Infubrum Duce nomen trahunt, cum nusquam ille
 a quoquam celebretur auctore; consultius ergo a *lanata* sue nomina-
 tam dicemus cum Andrea Alciato in Emblematis. Isidor. libr. 15.
 Etymologiar. cap. 1. Ea reperta, dum fundamenta jacerentur. Joan.
 Brodæus libr. 2. Miscellaneor. cap. 26. Et Poëtæ. Erricus Monachus
 libr. 5. de vita S. Germani:

*Ultiora petens claram deferitur ad urbem,
 Quam Mediolanum fertur dixisse vetustas,
 Fama ferit, quamquam fame non creditur omni,
 Quondam intestinis flagrans quod Gallia bellis,
 Expulerit proprios violento Marte colonos
 Sedibus a propriis, Latio qui forte coacti
 Hanc construxerunt collatis stipibus urbem
 Dicentes medio factum de nomine lanum,
 Quod cum prima novis struerent fundamenta muris
 Lanæ sus media perhibetur parte reperta.*

Sidon. Apollinar. libr. 7. Epist. 17.

*Rura paludicole temnis populosa Ravennæ,
 Et quæ lanigera de sue nomen habet.*

Plura, & forte non aspernanda dixi ad Cl. Claudiani de Nupt. Ho-
 nor. & Mariæ:

*Continuo sublime volans, ad mœnia Gallis
 Condita, lanigeræ suis ostentantia pellem
 Pervenit.*

Sic enim recte, cum vitiosissime in vulgatis codicibus legatur:

*Continuo sublime volans ad mœnia Gallis
 Condita lanigeris, ovis ostentantia pellem
 Pervenit.*

*Etruscorum Rex Porsena, vel Porsenna, ex familia
Lartium: dictus Lars, Claras, Magnus: Clusii
Regiam habebat: bellum Romanis intulit ad re-
ducendos Tarquinius: Horatii, Scaevola, Cle-
lia eo in bello virtus: pacem cum Romanis,
fœdusque iniit: Augur: magnificentissime
in Labyrintho a se condito sepultus.*

CAP. I.

TAm ad annum urbis Romæ conditæ ducentimum quadragesi-
mum quartum descendimus, quo exactis ob impotentiam, mo-
rumque feritatem Tarquiniis, status Reipublicæ est mutatus, &
substituti duo Consules, cum Porsennæ Clusinarum, hoc est Etru-
scorum Regis virtuti confusus, & consanguinitati, regressum tenta-
tat Tarquinius. Sed audiendi more nostro historici. T. Liv. 1. De-
cad. libr. 2. *Jam Tarquinius ad Lartem Porsenam Clusinum Regem persua-
derant. Porsena tum Regem esse Romæ, tum Etruscæ gentis Regem, am-
plum Tuscis ratus, Romam infesto exercitu venit, non unquam alias ante
tantus terror senatum invasit, adeo valida res tum Clusina erat, magnum-
que Porsennæ nomen. Castra posuit in Janiculo. Præter Historicos, D.
Augustin. libr. 2. Civit. Dei cap. 18. Sidon. Apollinar. Carm. 5. v. 66.*

*Sed melius quæ terror abit, jam vincere restat
Si pugnas, ut victa soles, Porsenna superbum
Tarquinium impingens complevit milite Tusco
Janiculum.*

Claudian. libr. 1. in Eutrop.

*Hoc mihi Janiculo positis Etruria castris
Profuit, & fluvio tantum Porsenna remotus?*

Dicitur autem Claras, Lar, sive Lars, & Magnus, quæ supra hoc li-
bro cap. 12. dicta non repeto. Videatur Plutarchus in Publicola pag.
105. Halicar. libr. 5. pag. 293. Et promiscue Porsena, vel geminato
N. sæpius Porsenna. Utriusque exempla: de prima, Q. Horat. libr.
Epod. od. 16. principio:

Minacis aut Etruscæ Porsena manus.

Martial. libr. 1. Epigr. 22.

*Urere quam potuit contempto Lucius igne,
Hanc spectare manum Porsena non potuit.*

I. M. T. Et

Et libr. 14. Epigr. 98.

Lautus erat Tuscis Porsenna fœdilibus.

Posterius probatur Virgilio libr. 6. *Æneid.* ad finem, & aliis plerisque auctoribus:

*Nec non Tarquinium ejectum Porsenna jubebat
Accipere.*

Potentissimus hic habebatur omnium Italiæ Regum ea tempestate. Joan. Zonar. Tom. 2. *Annal.* pag. 19. ejus verba posita sunt meis ad Claudianum *Commentariis* libr. de bello Gildonico:

..... *Porsenna reducat.
Tarquinius.*

Tunc illa miracula emicuerunt fortitudinis: Horatius Cocles, Mucius Sævola, Clælia virgo. L. Flor. libr. 1. cap. 10. Plutarchus non uno loco; sed quia non est ad manum codex, tu vide eum in Publicola, loco proxime laudato, & libr. de Fortuna Romanor. pag. 371. & in Parallel. pag. 250. & eodem opere pag. 365. & chronographos omnes. L. Senecam libr. 8. *Contror.* 4. Fontem & originem belli narrat Dionysius Halicarnassæus libr. 5. pag. 293. Ἀνὴρ ἀνδράδης καὶ διεφθάρμενος τὴν γυνάμην ὑπὸ τοῖς πλάτῃς, καὶ ἀρχῆς μεγίστης, καὶ χρημάτων ἀφορίας ὑπέλαβεν ἔχων καλὰς καταλύσαι τὴν Ῥωμαίων ἀρχὴν, παλαιτέρην ἢ τοῦτο βυλόμενος, καὶ προῆπεν ἀποτοῖς τὸν πόλεμον. Homo arrogans, & inflatus divitiis, amplissimoque imperio, & pecuniarum vi, ratus se nactum præclaram occasionem subvertendi Romanorum imperii, quod jam antea animo destinaverat, bellum eis indixit. Non itaque tantum, ut consanguineis suis Tarquiniis opitularetur, bellum istud cum Romanis suscepit, gessitque, sed ut æmulum & propinquum imperium extingueret, quod ægre in eam magnitudinem excrescere jam pridem censebat, ut & ipsi, & aliis omnibus Italiæ principibus, si non periculo & exitio, at certe terro-ri esse posset: totum deinde bellum multis paginis sequentibus idem describit.

Urbem irrupturo, in ponte Sublicio solus Horatius Cocles restitit. Servius Maurus in libr. 8. *Æneid.* pag. 526. Cum non susciperetur Tarquinus, consulit se ad Porsennam Regem Tusciæ, qui pro Tarquinio cum ingentibus copiis capto Janiculo, & illic castris positis, Romam vehementer obsedit: & cum per sublicium pontem, hoc est ligneum, qui modo lapideus dicitur, transire conaretur, solus Cocles sustinuit hostilem impetum, donec a tergo pons solveretur a sociis: quo soluto se cum armis precipitavit in Tiberim, & licet læsus esset in coxa, tamen ejus fluentia superavit; unde est illud ab eo dictum, cum ei in comitiis coxæ vitium obii- ceretur: per singulos gradus admoneor triumphi mei. Valer. Maxim. libr. 3. cap. 2. tit. 1. Cicero non uno loco. Suid. in voce ἀκολύμ. Ob quam magnitudinis recordationem statua publica est donatus, cujus meminit C. Plinius libr. 34. cap. 5. & cap. 6. & libr. 36. cap. 15. Claudian. libr. 1. in Eutrop.

Hoc meruit vel ponte Cocles, vel Mucius igne?

Et de 4. Honorii Consulatu;

*Vel solus quid fortis agat, te ponte soluto
Opposuit Cocles, Mutii te flamma docebit.*

Et de 6. Honorii Consul.

*Obiice non hesit fluvii, sic ille minacem
Tyrrhenam labente manum pro ponte repellens,
Trajecit clypeo Tibrim, quo texerat urbem
Tarquinio mirante Cocles, mediisque superbum
Porfennam respexit aquis.*

Virgil. libr. 8. Æneid.

... pontem auderet quod vellere Cocles.

Mucius deinde Scævola, cum a Porfenna, Rege Etruscorum, urbem gravi ac diutino bello urgeri (verba sunt Valerii Maximi libr. 3. cap. 3. tit. 1.) egre ferret, castra ejus clam ferro accinctus intravit, immolantemque ante altaria conatus est occidere. Dixi libr. 1. supra hoc opere cap. 20. Polyænus Stratagemat. libr. 8. pag. 556. L. Seneca Epist. 24. libr. de Provid. cap. 3. & libr. 7. Benefic. cap. 14. Flor. Tertullian. ad Martyres, & libr. de Anima cap. ult. Memior, si non de ipsis cruciatibus corporis & gloriari & gaudere sola consuevit; respice ad Mucii animam, cum dextram suam ignibus solvit: Ita intelligendum illud Cassii Heminae libr. 2. Historiar. apud Nonium cap. 4. num. 88. censuit sese Regem Porfennam occidere. Hic quum Mucius vocaretur, dextra manu adulta dictus est Scævola, quia Græci *qualis levam* vocant. Eccl. libr. 10. quare & qui Græcis sunt dicti Scævole, putantur Latinis Levini. Carolus Sigonius. Poète M. Manil. libr. 1. Astronomic.

... necnon & Scævola trunco

Nobilior.

Sidon. Apollinar. Carm. 2.

*... Rex idem denique morte
Admonitus scribe, didicit sibi bella moveri;
Non solum cum bella forent: mox pace petita
In regnum rediit, non tam feriente fugatus,
Quam flagrante viro steterat; nam corde gelata
Scævola, & apposito dextram damnaverat igni,
Plus felix peccante manu, cum forte satellites
Palleret constante reo, tormenta que capti
Is fugeret, qui tortor erat.*

Et Carm. 22. v. 80.

*Inter Publicolas ferociore
Trunco Mucius eminet lacerto.*

Claudianus proxime supra laudatus. Martial. libr. 1. Epigr. 22. libr. 8. Epigr. 30. & libr. 10. Epigr. 25.

*In matutina nuper spectatus arena
Mucius.*

Silius

Silius Italicus ambitiose describit libr. 8. Punicor:

Ducit avis pollens, nec dextra indignus avorum

Scævola, cui dira celatur laudis bonora

Effigie clypeus: flagrant altaribus ignes:

Tyrrhenum valli medio stat Mucius ira

In semet versa, sævitque in imagine virtus.

Tunc ichi specie ruere acri in bella magistro

Cernitur, effugiens ardentem Porfena dextram.

Neque vero hæc tam rara, tamque stupenda fortitudo, caruit dignis præmiis; nam & agro publico est donatus. Fest. libr. 11. *Mucia prata trans Tiberim, dicta a Mucio, cui a populo data fuerant; pro eo quod Porfennam, Etruscorum Regem, sua constantia ab urbe dimovit: & ad amicitiam populi Romani hostem Regem virtutis admiratione pellexit.* Joan. Tzetzes Chiliad. Historiar. 6. cap. 39.

Λάρας Πορσέννας Τυρρηνός, ἢ Κλάρας γὰρ Πορσέναις

Κατὰ τῆς Ρώμης ἦν χωρὶν στρατεύματι μεγάλη

Μάκιος δὲ Ρωμαῖος τῆς γενναίας στρατιότης,

Ὅπλα καὶ σχῆμα Τυρρηνῶν ἡμφιέσμενος τότε

Χωρεῖ κατόπισθε, κατ' αὐτῶν, κτείνῃ Πορσέναν θέλων.

Συγκατημένα τούτῳ δὲ τότε τῇ γραμματέως,

Ὅς ἦν τῇ γλώσσῃ Τυρρηνῶν Κλάσιος κελήμενος.

Ἀμφιγνοῶν ὁ Μάκιος τῆς βασιλεὺς τυγχάνει

Ἀπέκτανε τὸν Κλάσιον ἀπὸ τῆ βασιλείας.

Ὡς συσχέδοντα τῶτον δὲ ἀνέκρινε Πορσέναν

Τίποτε τῶτο δέδρακα, τί προπαθὼν ἐκ τῶτα;

Οὐ Τυρρηνός, ἐβόησε, Ρωμαῖος δὲ τυγχάνει

Ἀλλὰ τε τριακόσιοι ἑκατομῶν μοι τὴν γυνάμην

Σὲ νῦν θηράσιν ἀνέλεθ'· τῶτα ψευδῶς δ' ἐρήκει.

Τῆς δὲ χειρὸς τῆς δεξιᾶς αἰς τῦρ ἐμβαλεμένης

Ἀπὸς ὅς ἄλλον πᾶσχευτος, ἔβλεπε πρὸς Πορσέναν

Τῶτα δ' ἀπόντος, πρὸς ἡμᾶς τί ἀπενῶς προσβλέπεις,

Ἐφ' ἡτὸ, πῶς πεπλάνημαι, καὶ σὲ μὲν ἐκ ἀνείλων

Ἀπὸ δὲ σὺ ἀπέκταναι ὃν ἔδοξα Πορσέναν.

Εἰπόντος τῇ Πορσένῃ δὲ, γενήσῃ νῦν μὲ φίλος.

Ὁ Μάκιος ἀντέλεξεν, ἃ γέγονη σὺ Ρωμαίων.

Θαυμάσας ὁ Πορσέννας δὲ τῆς ἀρετῆς τὸν ἄνδρα

Φίλος Ρωμαῖος γίνεται, καὶ πάντα τὰ τῆς μάχης.

Qui versus Politici curiosi scriptoris, ac mediocriter in rebus Romanis versati, pro ævo eo, quo scripsit, sic possunt Latine reddi:

Lar Porfenna Etruscus, aut Clarus Porfenna

In Romam proficiscebatur cum exercitu magno;

Mucius autem Romanus quidam generosus miles,

Armis atque habitu Tyrrhenorum indutus tunc

Vadit speculator in eos occidere Porfennam volens;

Con-

*Consedente autem cum hoc tunc scriba,
 Qui erat lingua Etruscorum Clusinus vocatus,
 Dubitans Mucius, quis Rex esset,
 Interfecit Clusinum pro Rege.
 Ut comprehensum autem hunc interrogavit Porfenna:
 Cur nam hoc fecisti? quid ante passus ab hoc?
 Non Etruscus, clamavit, Romanus autem sum,
 Alique trecenti similes mei mente
 Te nunc venantur occidere, hoc falso autem dixerat;
 Manu autem dextera in ignem injecta,
 Ipse velut alio patiente prospiciebat Porfennam.
 Hoc autem dicente: ad nos cur inconveneris prospicis?
 Dixit: eo quod errarim, & te quidem non occiderim;
 Pro te autem occidi, quem putabam Porfennam.
 Dicente autem Porfenna: fies nunc mihi amicus;
 Mucius contra inquit: si fias tu Romanis.
 Admiratus Porfennas ob virtutem virum,
 Amicus Romanis fit, atque desistit a pugna.*

Cum autem tam obstinate protraheretur bellum in tantam autem obsi-
 dionis necessitatem populus venerat (verba sunt Servii Honorati ad libr.
 8. Æneid. pag. 526.) ut etiam obsides daret, ex quibus Clælia, inventa
 occasione, transiit Tiberim, & Romam reversa est, redditaque rursus
 est, pacis lege eam Porfenna repetente, qui admiratus virtutem puellæ,
 dedit ei optionem, ut cum quibus vellet, rediret: illa elegit virgines, quæ
 injuriæ poterant esse obnoxia; unde Porfenna hos quoque miratus, concessit,
 & rogavit per literas populum Romanorum, ut ei aliquid virile decer-
 neretur: cui data est statua equestris, quam in sacra via bodieque con-
 spicimus. Valer. Maxim. libr. 3. cap. 2. tit. 2. Quam cetera virtutem
 gratiorem commendatioremque reddit ætatis consideratio; erat enim
 puella illa impubes, nec duodecimum attigerat annum, ut ex Sili
 carmine infra laudando constabit. De his obsidibus intellige ea Clau-
 dian Aug. verba apud G. Tacitum libr. 11. Annal. ubi præcipuas na-
 scentis Imperii calamitates recenset: Scilicet Volsci & Equi nunquam
 adversam nobis aciem struxere? capti a Gallis sumus, sed & Tusci obsi-
 des dedimus, & Samnitium jugum subiivimus. Statuam vero ei positam
 memorat & C. Plinius libr. 34. cap. 6. Poëtæ. Virgil. libr. 8.

Et fluvium ruptis innaret Clælia vinclis.

Silius Italic. libr. 3. Punicor.

*Illæ est, quæ Tybrim, quæ fregit Lydia bella,
 Nondum passa marem, quales optabat habere
 Quondam Roma viros, contemptrix Clælia sexus.*

Claudian. libr. 1. in Eutrop.

... attonitam tranavit Clælia Tiberim.
 Et libr. de laudib. Serenæ:

Præscia

*Præficia fatorum Tanaquil, rediensque per undas
Clelia Tibrinas.*

Pactæ sunt induciæ anno tertio post expulsos Reges, hoc est anno Urbis ducentesimo quadragesimo septimo; nam Reges Tarquinii exclusi, ut ex omnibus chronologis clarum est, anno 244. & tamen obsessa aliquot tantum mensibus Roma, siquidem secundo solum post regifugium anno Porfenna causam cognatorum Tarquiniorum suscepit; unde duplex error inhæsit codicibus Pauli Orosii libr. 2. cap. 5. *Anno post urbem conditam CCLXIII. Brutus primus apud Romanos consul.* Sed numerus, a librario turbatus, restituatur facili negotio: *Anno post urbem conditam CCXLIII.* Sequitur deinde eodem capite: *Porfenna Rex Etruscorum, gravissimus Regii nominis suffragator, Tarquinium manu ingrens, tribus continuis annis trepidam urbem terruit, conclusit, obsedit: & nisi hostem, vel Mucius constanti urendæ manus patientia, vel virgo, Clelia admirabili transmeati fluminis audacia, permovissent; profecto Romani compulsi fuissent vel perpeti aut captivitatem, hoste insistente superati, aut servitutem, recepto regi subiecti.* Error, inquam, est; neque enim tribus annis continuis urbem obsidere potuit, qui secundi anni fine tantum, ut admitterentur Tarquinii, per legatos petierat, & ante finem tertii anni, soluta obsidione non liberaverat modo urbem bello, sed & opulentis illis suis castris donavit, usque adeo ut quotannis *Auclio* habeatur bonorum *Porfennæ*. Clare pro me contra Orosium est Fl. Eutropius libr. 1. *Histor. Roman.* *Secundo quoque anno iterum Tarquinii, ut reciperetur in regnum, bellum Romanis intulit, auxilium ei ferente Porfennâ Rege Tusciæ, & Romam pene cepit.* Tertio anno post Reges exactos, Tarquinii, cum suscipi non posset in regnum, neque *Porfenna*, qui pacem cum Romanis fecerat, auxilium præstaret, *Tusculum se contulit.*

Fœderis hujus cum *Porfenna* iniiti conditiones parum æquæ Romanis erant, sed tamen attritis jam viribus necessariæ, ut obsides patricos, & impuberes darent, staturos se transactæ paci, ut agrum *Vejentibus* ademptum restituerent, atque omnibus ditionis Etruscæ, quas belli jure occupassent, possessionibus cederent. Hæc sane *Livius* & *Dionysius*, qui agrum receptum *ἐν τῇ πόλει* septem pagos vocat libr. 5. pag. 301. sed & alia habetur & durior quidem conditio, quam tacentibus historicis, ex ipsius fœderis verbis licebit elicere, recitante *Plinio* libr. 34. cap. 14: *In fœdere, quod expulsis Regibus populo Romano dedit Porfenna, nominatim comprehensum invenimus, ne ferro, nisi in agricultura, uterentur.* Dura certe lex paciscendi, & probrosa, quam tamen & Romani a *Tuscis* sibi imponi sunt passi, & in alias gentes devictas exercuerunt. *L. Flor.* libr. 2. cap. 3. de *Liguribus*: *Itaque cum diu multumque illuderent, saltu, viis, latebris, Deceates, Oxybii, Euburates, Ingauni, tandem Fulvius latebras eorum ignibus sepsit: Babius in plana deduxit: Posthumius ita exarmavit, ut*

vix reliquerit ferrum, quo terra coleretur. Quod monstrat egregiam Porfennæ Tuscorumque potentiam eo seculo. Sed pergo. Hujus belli apparatus non male Silius Italicus descripsit libr. 10. Punicor.

... sed enim solum indignata superbi
 Ut sceptrâ exegit, confestim ingentia bella
 Clusina venere domo, si Porfenna fando
 Auditus sibi, si Cocles, si Lydia castra.
 Ille ope Mæonia, & populo succinctus Etrusco,
 Certabat pulsos per bella reponere Reges,
 Multa adeo nequicquam ausi, prestique tyrannus
 Janiculum incumbens, ubi mox jam pace probata
 Compressere odia, & posuim cum fœdere bellum,
 Obsidibusque obstricta fides mansuescere corda
 Nescia, prob Superi! & nil non immitte parata
 Gens Italum pro laude pati, bis Clælia senos
 Nondum complebat primævi temporis annos,
 Una puellarum Laurentum, & pignora pacis,
 Inter virgineas Regi transmissa catervas.
 Facta virum fiteo, Rege hæc, & fœdere, & annis,
 Et fluvio spretis, mirantem interrita Tibrim
 Tranavit, frangens undam puerilibus ulnis,
 Cui si mutasset, sexum natura, reverti
 Forfan Iyrrhenas tibi non licuisset in oras,
 Porfenna.

Hunc principem Sacerdotem fuisse, atque auguria publica exercuisse, pro more recepto in Etruria, ut Sacerdotes tantum regnarent, & supra dixi, & probat locus C. Plinii libr. 2. cap. 53. Extat *Annalium* memoria, sacris quibusdam & precationibus vel cogi fulmina, vel impetrari: vetus fama est Etruriâ impetratum, Volsinios urbem, agris depopulatis, subeunte monstro, quod vocavere Voltam, evocatum & a Porfenna suo Rege. Qui locus egregius est, nam & sacerdotio præditum augurali demonstrat: & non tantum Clusio imperasse, sed & toti Etruriæ; ibi quippe Volsiniorum Rex vocatur, & sæpe ab Historicis Clusinus Rex audit, qui scilicet toti imperans Etruriæ, Regiam suam Clusii habebat, ubi & vivo domicilium, & defuncto tumulus.

Denique, ut semel finiam, sepulchri sui magnificentia facile peregrinos quosvis principes vel æquavit, vel superavit. Ex M. Varrone scribit Plinius libr. 36. cap. 13. & ex utroque Simon Majolus *Dier. Canicular.* Dialogo 23. Extantque adhuc vestigia ejus, cum Cretici Italicique nulla vestigia essent, namque & Italicum (Labyrinthum) dici convenit, quem fecit sibi Porfenna, Rex Etruriæ, sepulchri causa, simul ut externorum quoque Regum vanitas superaretur ab Italis; sed cum excedat omnia fabulositas, utemur verbis ipsius M. Varronis in expositione ejus. Sepultus est, inquit, sub urbe Clusio, in quo loco monumentum reliquit

quit lapide quadrato, singula latera pedum lata tricenum, alta quinquagenum, inque basi quadrata intus Labyrinthum inextricabilem, quo si quis introire properet sine glomere lini, exitum invenire nequeat. Supra id quadratum pyramides stant quinque, quatuor in angulis, in medio una, in imo latæ pedum septuagenum quinum, altæ centum quinquagenum, ita fastigiata, ut in summo orbis æneus & petasus unus omnibus sit impositus, ex quo pendeant excepta catenis tintinabula, quæ vento agitata, longe sonitus referant, ut Dodonæ olim factum, supra quem orbem quatuor pyramides insuper singulæ extant, altæ pedum centenum, supra quas uno solo quinque pyramides, quarum altitudinem puduit Varronem adicere. Fabule Etruscæ tradunt eandem fuisse, quam totius operis, & adeo velsana dementia quesivisse gloriam, impendio nulli profuturo: præterea fatigasse Regni vires, ut tamen laus major artificis esset. Singula volans percurram. Primum miror, Plinium sua ætate, hoc est sub Domitiano, ante annos mille quingentos, asseverasse, Clusini illius Labyrinthi nulla restasse vestigia, cum etiamnum hodie non obscura extare (1) a fide dignis accipiam, & majora quidem certioraque, quam ipsius tam opulentæ civitatis. Pyramides in sepulchris Regum & optimatium constitui solitas, erigique, docui alibi libr. 3. cap. 70. hoc opere. De orbe æneo, five mundi imagine, Principum in manibus capitibusque poni solita, ab Augusto sumpto exemplo, & ante eum a Porcenna hoc nostro, aliquid in *Bando Etrusco* dixi, & Isidorus libr. 17. Etymologiar. cap. 3. Tintinabula ejus exemplo Regis in Italia domuum privatarum portis destinari solebant. Sueton. Augusto cap. 91. & viri docti ad eum locum: & est liber Hieronymi Magii, & auctuarium Thomæ Sigeti Scoti de Campanis seu tintinabulis, quorum præterea usus in triumphis, ut est apud Joannem Zonarum Tom. 2. Annal. pag. 32. & in sacris Cybeles, ut multis allatis expedivi libr. 2. Antiquitat. Romanar. cap. 4. Denique ducendi ad supplicium capitale, revinctis a tergo manibus, campanam seu Nolam e collo pendulam gerebant, occurrentes admonituri, ne noxii pollutique & morti destinati hominis contractu contaminarentur. Testis M. Accius Plautus in Pseudolo Act. 1. Sc. 3.

Tom. I.

Dd

Etru-

(1) Optime Plinius; allucinantur vero illi, qui cuniculos quosdam sub ipsamet civitate Clusina latentes, Labyrinthi vestigia esse arbitrati sunt, quum constet ex ipsis Varronis verbis sepulchrum Porcennæ extra Clusium in planicie fuisse, & in ejus quadrata basi Labyrinthum extitisse.

*Etruscorum Rex Galeromondus, de quo nihil præter
nomen est certi, ac ne illud quidem
valde certum.*

CAP. LI.

Qui familiæ Serenissimæ Vicecomitum Mediolanensium Historiam scriptis mandavere, *Galeromondi Etruriæ Regis* mentionem fecere; sed quis ille Rex, quando regnaverit, quid bello aut pace gesserit, ubi Regiam suam fixerit, quo denique seculo obierit, ab iis non est traditum: neque ego certo inquirere possum, quod historici illi non sint mihi ad manum. Sed ego cum Francisco Sanfovino libr. de Illustribus Italiæ Familiis pag. 9. putarem, totam illam stemmatis *Viscontiorum*, seu *Vicecomitum* narrationem, si non penitus fabulosam, at certe fœda scribentium adulatione corruptam. Nam quod Anglum Trojanum faciunt gentis suæ auctorem, delirium est; cum neque Homerus, Dares Phrygius, Dycis Cretensis, ac ne Virgilius quidem, cum omnes celebres Trojanos nominasset, ullius *Angli* nomen prodiderint: deinde tot seculorum decursu vix potuisset fieri, ut inter Græcos Latinosque auctores tantorum Principum non aliquis mentionem iniecisset, maxime cum tot & tam crebræ occasiones fuerint, non familiis modo intereuntibus, sed & urbibus, regnis, atque Imperiis, ut mirum videri debeat, in tam multiplici rerum decursu, nusquam Angli Trojani, aut successorum deprehendi, non dicam gesta, sed nudum nomen. Alii Ascanii filium hunc Anglum faciunt, majori insania; nam quomodo Ascanii filium Infubres occupantem, Virgilius, Liviusque, & alii præterissent? quorum unicus hic erat scopus, ut familiæ Juliæ magnitudinem, etiam mendaciis augerent, tantum abest, ut vera subtraherent. Denique ipsæ spectam ejus rei fidem faciunt tot nomina ignota, nusquam ab alio audita, aut alibi lecta, ut mihi quidem subeat cogitatio, ingeniosis mendaciis dapravatam veritatem; nam qualia sunt hæc nomina (nam ab Ascanii eo filio, usque ad annum salutis 384. hoc est pæne octingentis annis cessat series) *Maximianus Rex, Alionus Comes Italiæ, Galvagnus, Perideus, Milo, Guido, Otto, Berengarius, Orlandus, Ugo, Folco, Obyzzius, Faccius, Irprandus, Abidus, Filofocus, Filus, Pune-cius, Elimacus, Albanicus, Semebondus, Galeromondus, Rachimus, Briginus, Brumisedus, Feleranandus, Bridomanus, & Lucius*. Quæ omnia nomina sapiunt adulantium potentibus Principibus mendacia; nolui tamen non describere, ne lector diligentiam culparet. Vide & Hieronymum

nymum Henningium Theatro Genealog. pag. 1112. Prudentius auctor Chronicorum de Brunforte MS. pag. 49. *Ab Eliprando initium deducit, qui singulari certamine Baverium Othonis Imperatoris nepotem superavit, & ob id a Mediolanensibus vocatus, pater patriæ est dictus.* Fanucius Campanus MS. libr. 3. Illust. Ital. Fam.

Etruscorum Rex Tolumnius, male ab aliis Volumnius dictus, cognomento Lar, seu Lars: Veis habuit Regiam: Legatos Romanorum, qui sacrosancti donisque honorari debebant, interfecit: a Cornelio Cossio duello interfectus: spolia opima de eo Jovi Feretrio relata: caput abscissum, & gestatum lancea.

CAP. LII.

Anno Urbis Romæ conditæ trecentesimo decimo quinto (inquit Fl. Eutropius libr. 1. Histor. Roman. alii 325^{to} anno, Joannes Stadius, & Stephan. Pighius) Fidenates contra Romanos rebellaverunt: auxilium his præstabant Veientes, & Rex Vejentium Tolumnius, quæ ambæ civitates tam vicine Urbi sunt, ut Fidenæ septimo, Veientes decimo octavo milliario absint. Hunc cognomento Lartem sive Larem dictum, satis probatum existimo a me supra hoc ipso libro cap. 12. quod non repeto, quippe properandum ad alia.

Nonnulli imperite hunc Volumnium appellant, inter quos sunt Lappus, Cruferius, & Xylander interpretes Plutarchi in vita Romuli pag. 27. & in Marcello pag. 302. utroque enim loco historiæ series suadet de hoc nostro Tolumnio Rege, non de quoquam Volumnio ea, quæ ibi scribuntur, intelligenda: & textus Græcus Τολύμνιον Τυρρηνῶν βασιλέα, Tolumnium Etruscorum Regem præfert. Decepti fuere illi, ut existimo, quod sæpe Volumnios, Volumnias; Voltunas, Volcas, Voltas, nomina Etrusca legissent; itaque facile fuit nominum vicinia eos decipi.

Hujus Regia Veii & Fidenæ fuere, quamquam discordia inter historicos levicula, dum descivisse a Romanis Fidenates volunt, auxiliantibus Veientibus; cum alii prodant, occisos Romanorum legatos, non Veis, sed Fidenis a Larte Tolumnio: quod refert T. Livius 1. Decad. libr. 4. *In horum magistratu Fidenæ colonia Romana ad Lartem Tolumnium Vejentium Regem, ac Veientes defecere, majus additum defectioni scelus, C. Fulcinium, C. Julium Tullum, Sp. Nautium, L. Roscium,*

Dd 2

Legat-

Legatos Romanos, causam novi consilii querentes, jussu Tolumnii interse-
cerunt. Levant quidam Regis facinus; in tesserarum prospero jactu vocem
ejus ambiguum, ut occidi jussisse videretur, a Fidenatibus exceptam, cau-
sam mortis legatis fuisse: rem incredibilem; interventu Fidenatium no-
vorum sociorum consulentium de eade ruptura jas gentium, non aversum
ab intentione lusus animum, nec deinde in horrorem versum facinus,
propius est fidem obstringi Fidenatium populum, ne respicere spem ullam
ab Romanis posset, conscientia tanti sceleris voluisse. Atrox hoc igitur, &
dirum factum sua non caruit excusatione, dum legatos injussu Regis
interemptos, ac eo infcio jugulatos voluit. M. Tull. Philippica 9. Lar-
tes Tolumnus Rex Vejentum quatuor legatos populi Romani Fidenis in-
teremit, quorum statuae in rostris steterunt, usque ad nostram memoriam:
justus honor; bis enim majores nostri, qui ob Rempublicam obierant, pro
brevi vita diuturnam memoriam reddiderunt. Vide viros doctos locum
illum exponentes.

Contra jus gentium violati legati, atrocius Tolumnii Regis fa-
 ctum ubique proclamarunt; illi quippe & sacrosancti habebantur, vio-
 larii sine summo piaculo non poterant; & muneribus honorifice do-
 nati, solebant dimitti. Contra vero contumeliose habiti legati, dira
 civitatibus excidia concivere. De Tyro Alexandri legatis caelis Cur-
 tius libr. 5. de bello Tarentino, L. Florus libr. 1. Histor. Roman. cap.
 18. de bello Illyrico idem Historicus libr. 2. cap. 5. Erant illi, inquam,
 jure gentium inviolabiles. Vide, quæ vir doctus Tiliobroga notat ad
 Terentium pag. 342. & pag. 632. Hegelippus libr. 1. Excidii Hiero-
 solymitani cap. 32. Æmilius Probus sive Cornelius Nepos in Pelopi-
 da: *Legationis jure tectum se arbitraretur.* Et lege Julia de vi publica
 tenetur, si quis Legatum offenderit. Ulpian. J.C. l. 7. ff. eod. tit. *Neque*
impediri aut contineri poterant, ne cum responso reverterentur. Gregor.
 Turon. libr. 7. Hist. Franc. cap. 32. Demosthenes Philippica 4. &
 Ulpianus sophista. Multa ex Athenæo, Diodoro, Herodoto, Cicero-
 ne, & Justino, Plinioque utroque, & aliis disquirat Petrus Gregorius
 libr. 35. Syntagmat. Jur. cap. 4. Poëtæ. Stat. Papin. libr. 2. Thebaid.

. . . sanctum populis per secula nomen
Legatum, insidiis tacitaque invadere fraude
Apparat.

Coripp. African. libr. 3. de laud. Justin. minor. num. 7.

Quantum est legatis concessa licentia fandi,
Tantum legatos animo decet esse modesto:
Et rerum probitate graves, quique ordine possint
Scire, locis humiles quibus, & quibus ora superbi
Expediant.

Ideoque usu gentium etiam barbararum, & consensu probatum, Lega-
 tos discedentes benevole compellare, donisque, quæ *Lautia* diceban-
 tur, honoratos dimittere. Fest. Pomp. libr. 4. in voce *Dacrimas*. Item

Dau-

Dantia, quæ Lautia dicuntur, & dantur Legatis hospitii gratia. Joann. Zonar. Drungarius Tom. 2. Annal. pag. 50. Heliodor. Æthiopicen libr. 9. pag. 493. Plutarch. Apophthegmatis Dionysii pag. 176. Luitprandus Ticinensis in sua ad Byzantinos legatione pag. 103. Carolus Magnus libr. 2. Capituli cap. 16. Salvian. Massiliensis libr. 5. de Providentia: *Veniunt plerunque novi nuntii novarum epistolarum, a summis sublimitatibus missi, qui commendantur illustribus paucis, ad exitum plurimorum, his decernuntur nova munera.* M. Cato Orat. de sua innocentia: *Cum essem in provincia legatus, quamplures ad prætores & consules vinum honorarium dabant, nunquam accepi, nec privatus quidem.* L. ult. C. Theodos. ne damna provincialibus infligantur, *munuscula sunt appellata, ut notat egregius Savaro ad Sidonii Apollinaris libr. 5. Epist. 7. Gaufridus Monachus libr. 4. Histor. pag. 86.*

Atque ditat legatum muneribus.

Corippus African. loco proxime laudato supra:

*En scultor nostra servire paratus in aula
Legatos nobis, & plurima munera mittit,
Quos contra ingratos defendimus.*

Neque certe, nisi rupta pace, dissolutoque fœdere mos unquam revertentes Legatos indonatos dimittere. Æmil. Prob. in Hannibale, seu Cornelius Nepos: & dixi ad Cl. Æliani libr. 1. Var. Histor. cap. 22. P. Virgil. libr. 7. Æneid. v. 155.

*Centum Oratores angusta ad mœnia Regis
Ire jubet, ramis velatos Palladis omnes,
Donaque ferre viro.*

Et eodem libro v. 244.

*Dat tibi præterea fortune parva prioris
Munera.*

Censebanturque Legatis impensa, quasi ipsis Regibus data, qui eos mississent. Idem libr. 11. Æneid. v. 281.

*Munera, quæ patriis de me portastis ab oris
Vertite ad Æneam.*

Corippus loco laudato, ubi sic Avarum & Caganis Regis legati ad Justinum Minorem Aug.

*..... sanctus quæ præbuit ille,
Vos etiam præbere decet, si fœdera pacis
Intemerata tibi, si mavis pacta manere:
Debita quærenti transmittite munera Regi.*

Occisi a Tolumnio Legati, domi statuis ad perpetuitatem gloriæ donati fuere. Livius loco proxime laudato: *Legatorum, qui Fidenis caesi erant, statue publicæ in rostris posite sunt.* M. Cicero loco etiam proxime supra citato. C. Plin. libr. 34. cap. 6. principio. *Inter antiquissimas sunt Tulli Cæli, L. Roscii, Sp. Nautii, C. Fulcinii in rostris, a Fidenatibus in legatione interfectorum: hoc a populo Romano tribui solebat*
inju-

injuria cesis. Hos alio ordine recenset Livius paulo ante laudatus, & qui hic *Tullus Caelius* dicitur, & ab aliis *Tullus Claelius*, a nonnullis etiam *Titus Claelius*, Livio est *C. Julius Tullus*. Turpissime certe hic lapsus est vir alioqui doctus Jacobus Dalecampius; qui ad hunc Plinii locum, veluti quippiam novi, aut alia exempla allaturus: *Hoc etiam tributum*, (inquit) *fuit legatis cesis a Tolumnio Rege Vejentum*. Atqui iidem sunt, quos jam eo loco Plinius nominavit, ut nihil sit opus hoc tamquam supernumerarium exemplum recensuisse; sed virum diligentem alias in errorem induxerat Cicero, qui & ipse Philipp. 9. rem quidem graviter narraverat, nomina occisorum tacuit, quæ ab uno, quod sciam, Livio ponuntur.

Nec Tolumnius Rex diu inultum facinus tulit, nam Cornelius Cossus, Consul, ut quibusdam Criticis placet, vel Tribunus tantum militaris, ut verior habet frequentiorque opinio, duello provocatum necavit. Vide Contarenum, & Stadium in L. Flori libr. 1. Histor. Roman. cap. 12. T. Livius libr. laudato: *Erat tum inter equites Tribunus militum A. Cornelius Cossus, eximia pulchritudine corporis, animo ac viribus par, memorque generis, quod amplissimum acceptum, majus auctiusque reliquit posteris. Is cum ad impetum Tolumnii, quacumque se intendisset, trepidantes Romanas videret turmas, insignemque eum Regia habitu, tota acie volitantem cognovisset: hiccine est, inquit, raptor fœderis humani, violatorque gentium juris? Jam ego hanc mactatam victimam, si modo sanctum quoquam in terris esse Dii voluerunt, Legatorum Manibus dabo. Calcaribus subditis, infesta cuspide in unum fertur hostem, quem cum ictum equo dejecisset, confestim & ipse hasta innixus in pedes se recepit, asurgentemque ibi Regem umbone resupinat, repetitumque sepius cuspide ad terram affixit: tum exangui detracta spolia, caputque abscissum victor spiculo gerens, terrore cæsi Regis hostes fudit.* Antiquissimum fuisse duelli ritum & ex Homero doceri potest, & eleganti nuper opere edito Joannes Rualdus vir. eruditus ostendit, ad quem te, lector, remitto. Contendunt quidam opima spolia non potuisse nisi a duce duci detrahi, ideoque summum exercitus imperium penes Cossum, alioquin nec ab illo opima spolia rite dedicari. Contra Varro opima spolia definit, quæ manipularis etiam miles hostium duci eripuisset: & videtur hanc controversiam Servius Maurus dirimere ad illud 6. Æneid.

. . . . aut te, Cosse, relinquat.

Cossus Tribunus militum consulari potestate fuit: hic Regem Tuscorum Lartem Tolumnium a loco dictum occidit, & secunda post Romulum spolia opima revocavit. Locum habeo mendi suspectum; nam quid sibi illa volunt, a loco dictum? deinde censerem legendum, *spolia opima renovavit.*

Atque hoc factum maximis ducum Romanorum gestis comparant scriptores. Valer. Maxim. libr. 3. cap. 2. tit. 4. *A Romulo proximus Cornelius Cossus, eidem Deo spolia consecravit, cum magister equitum ducem*

ducem Fidenatium in acie congressus interemisset : magnus initio hujusce generis inchoate gloriæ Romulus, Cossus quoque multum acquisitum est, quod Romulum imitari valuit. Maligne sane, ut pleraque alia, adulator ille foedissimus, cujus vilitatis etiam me interdum pudet, cum Tolumnium Regem debuisse, satis habuit Ducem Fidenatium dicere. Prudent. περὶ τελευτῶν, in hymno D. Laurentii:

Non turbulentis viribus
Cossi, Camilli, aut Caesaris,
Sed Martyris Laurentii
Non incruento prælio
Armata pugnavit fides.

Spolia itaque opima, id est ampla, sive, ut ex lege veteri militari Numæ Pompili, duci cæso detracta, Jovi Feretrio, vel Marti, dedicavit cæso Rege Etruriæ Tolumnio: de quo ritu dixit Andreas Tiracuellus ad Alexandri Neapolitani libr. 1. Genial. Dier. cap. 14. & Servius Honoratus ad illud Virgilii libr. 6. Æned. pag. 440.

. . . insignis spoliis Marcellus opimis.

Possumus, & quod est melius, secundum legem Numæ hunc locum accipere, qui præcepit prima opima spolia Jovi Feretrio debere suspendi, quod jam Romulus fecerat: secunda Marti, quod Cossus fecit: tertia Quirino, quod fecit Marcellus. L. Flor. libr. 1. Histor. Rom. cap. 12. ad finem. Spolia de Tolumnio Larte Rege reposita. Mamercus Æmylius Dictator apud Livium libr. 4. Decad. 1. Se quoque eundem Dictatorem Mamercum Æmylium esse, qui ante Vejentium Fidenatiumque adjunctis Fatijs ad Nomentum exercitus fuderit, & magistrum equitum A. Corneliū eundem in acie fore, qui priori bello tribunus militum, Larte Tolumnio Rege Vejentium in conspectu duorum exercituum occiso, spolia opima Jovis Feretrii templo intulerit. Silius Italicus libr. 5. Punicor.

Est, ait, hoc certare tuum, quis opima volenti

Dona Jovi portet Feretro suspensa cruento?

Interdum vero idem est opimum, quod optimum. Apulejus sæpe in Mileliis, & Critici notarunt ad Q. Horatium. Gregor. Turon. libr. 2. Histor. Francor. cap. 7. Provinciarum opima depopulati. Sidon. Apollinar. Carm. 5. v. 184.

Bellorophontais insultaturus opimis.

Hanc Tolumnii Regis Etruriæ mortem, spoliaque cadaveri detracta, ac Feretrio suspensa describit eleganter Sextus Propertius libr. 4. Eleg. 11. quæ apponam libens, quia monomachiam continent:

Cossus at insequitur Vejentis cade Tolumni,
Vincere tum Vejōs posse laboris erat.
Necdum ultra Tiberim belli sonus, ultima præda
Nomentum, & capte jugera pauca Coræ.
Et Veii veteres, & tunc vos regna fuistis,
Et vestro posita est aurea sella foro.

Nunc

*Nunc intra muros pastoris buccina lenti
 Cantat, & in vestris ossibus arva metunt.
 Forte super porta dux Vejus astiuit arcem
 Colloquiumque sua fretus ab urbe dedit.
 Dumque aries murum cornu pulsabat abano,
 Vineaque inductum longa tegebat opus;
 Cossus ait: forti melius concurrere campo,
 Nec mora sit, plano sistit uterque gradu.
 Dii Latias juvere manus, defecta Tolumni
 Cervix, Romanos sanguine lavit equos.*

Quod dicat defectam Tolumnii cervicem, & Livius supra hoc capite laudatus, Cossum caput Regi abscidisse & gestasse dicat, admonet ritus vetustissimi; solebant enim ducum victorum cadavera capitibus spoliare, & truncum tantummodo relinquere. Crebra in historiis hujus indignitatis mentio: *Cassii caput ad Antonium delatum.* Jul. Capitolin. in Anton. Phil. Idem in Maximino Juniore ad finem. *Missa etiam Romam capita sunt eorum.* Et apud Q. Curtium libr. 7. *Parmenionis caput ad Alexandrum portatur.* Et Augustus Bruti caput Romanam misit. Sueton. in eo cap. 13. *Didius Salvius Julianus ex tanta damnatorum more decollatur ceruice,* ut ait Paulus Diaconus libr. 10. Supplem. Eutrop. Valer. Maxim. libr. 9. cap. 4. tit. 3. *Caput ejus abscindere, & per urbem pilo suffixum ferre sustinuit.* Et cap. 9. tit. 1. *Caput Elvii circa rogam Caesaris jaculo affixum ferret.* Æl. Spartian. Fecen. Nigro: *Hujus caput circumlatum pilo.* Ammian. Marcellin. libr. 22. Histor. *Juliani ad eos mitteret caput perduellis ingrati.* Et alter Marcellinus Comes Indict. 5. Chronic. *Caput Anthenodori in Isauria capti Tharsum civitatem allatum, pro portis bastili fixum extabuit.* Servii omitto testimonium ad libr. 9. Æneid. v. 464. notatque id bello sacro usurpatum non uno loco Benedictus Accoltus Aretinus, elegans Scriptor mehercule, & Curtii Rufi imitator. Sic Poëtae intelligendi, Sil. Italic. libr. 17. Punicor.

Servili fers ora ducis suffixa veruto

M. Lucan. libr. 8. Pharsal. v. 680. de Pompei capite:
*Cæsaries comprehensa manu est, Pharioque veruto
 Dum vivunt vultus, atque os in murmura pulsant
 Singultus animæ, dum lumina nuda rigescent
 Suffixum caput est.*

Virgil. loco laudato:

*Quin ipsa arrectis, visu miserabile, in bastis
 Præfigunt capita, & multo clamore sequuntur
 Euryali & Nisi.*

Cornelius Severus in Epitaphio Ciceronis, laudante L. Seneca Suaforia 6.

Oraque magnanimum spirantia pene virorum

In rostris jacuere suis.

Silius Italicus iterum libr. 2. Punicor.

*Nondum iræ posita, celsa nam figitur hasta
Spectandum caput.*

Et libr. 7. Punicor.

Ora rapit gladio, præfixaque cuspide portas.

Et libr. 15. in fine:

*Tum Nero procera sublimia cuspide portans
Ora ducis cæsi.*

Claudian. libr. 2. in Ruffinum, ut historicos Græcos, barbarosque, ac Latinos passim talia memorantes omittam:

*Nec minus assiduis certant elidere saxis
Prodigiale caput, quod jam de cuspide summa
Nutat, condigna veniens ad mœnia pompa.*

Ad hunc ergo modum Regi Tolumnio ludibrium illatum, ut caput amputaretur, ne totus funerari posset; sed hoc leve in eo populo, qui huic tantum incumbere videbatur, ut dignitatem imminueret Regum, quos & catenatos in triumphis præferri volebat, & in carcere etiam captivos jam, & supplices, contra jus gentium, humanitatemque omnem, barbara prorsus ac ferina diritate, injecto cervicibus laqueo, strangulabant.

*Etruscorum Rex anonymus, Veiiis obsessis in urbe ea
creatus: discordia Tuscorum causa cur in Roma-
nam ditionem transfirent, nunquam supe-
randi, si fideles ad invicem fuissent.*

CAP. LIII.

DOmesticos pæne hostes, certe quotidianos, sæpe victos acie Vejos, tandem statuit populus Romanus excindere penitus, & delere, ratus faciliorem de tota reliqua Etruria victoriam sibi polliceri, si caput vicinum & maxime infectum aggressi essent, hoc est antiquissimam Italiæque munitissimam urbem, ut loquitur Fl. Eutropius libr. 1. Histor. Rom. ad finem, expugnassent. Itaque arcta obsidione clausa, nec facile cum aliis Etruriæ civitatibus communicatura, ut decus suum usquequaque tueretur, Regem creavit Vejentum civitas, cujus nomen siletur a Tito Livio, qui 1. Decad. libr. 5. statim in limine ita scribit: *Pace alibi parta, Romani Veique in armis erant, tanta ira odioque, ut victis finem adesse appareret.* Co-
Tom. I. Ec mitia

mitia utriusque populi longe diversa ratione facta sunt. Romani auxere Tribunorum militum consulari potestate numerum: octo, quot nunquam antea creati, M. Amylius Mamercus ierum, L. Valerius Potius tertium, Ap. Claudius Crassus, M. Quintilius Varus, M. Julius Tullus, M. Posthumius, M. Furius Camillus, M. Posthumius Albinus: Veientes contra tedio annuæ ambitionis, quæ interdum discordiarum causa erat, Regem creavere. Ecce malignum factum; nam octo Romanorum Tribunorum ad suam, ad familiarum, ad totius Reipublicæ gloriam ponit, unius Veientum Regis nomen obliqua invidia subtrahit, nisi forte & ipse ignorabat parum curiose in acta publica relatum hostis Principis nomen. Sed pergit Livius: *Offendit ea res populorum Etrurie animos, non majore odio Regni, quam ipse Regis: gravis jam is antea genti fuerat opibus superbiaque, quia solemnia ludorum, quos intermitti nefas est, violenter diremisset, cum ob iram repulsæ, quod suffragio duodecim populorum alius sacerdos ei prælatum esset, artifices, quorum magna pars ipsius servi erant, ex medio ludico repente abduxit.* Ex quibus non est obicuum deducere, omnium duodecim populorum suffragio, non unius aut alterius civitatis arbitrio Regem Etruriæ solitum creari: deinde ludos publicos atque anniversarios ipsius auctoritate edi solitos; nam & ludos esse inventum Etruscorum dicam infra hoc opere libr. 3. cap. 42. sed & illud etiam nos docet hic locus, e sacerdotum collegio more Etrusco excitos, qui regnum administrarent: quod & supra quoque animadversum hoc libro. Denique Regia familia constabat, ut plurimum, artificibus; quare gens ea φιλοτέχνος graviter audit ariiū amans, ut supra expositum libr. 1. cap. 22.

Pergit porro Livius: *Gens itaque ante omnes alias eo magis dedicata religionibus, quod excelleret arte eas colendi, auxilium Veientibus negandum, donec sub Rege essent, decrevit: cuius decreti suppressa fama est Veitis propter metum Regis, qui a quo tale quid dictum referretur, pro seditionis cum principe, non novi sermonis auctorem habebat.* Vesaniū hoc & amens decretum Etruriam divulsam atque in factiones divisam exarmavit primum, ac demum Romanis possidendam tradidit. Cruenta illa sunt, quæ idem habet 1. Decad. ejusdem libr. 4. nam concilio totius gentis ad fanum Voltunnæ indicto, habitisque gentis comitiis, bellum tanto majore, quam proximo conatu apparatus est, quanto plus erat ab omni Etruria periculi, quam a duobus populis fuerat. Ea res aliquanto expectatione omnium tranquillior fuit; itaque cum renuntiatum a mercatoribus esset, negata Veientibus auxilia, jussosque suo consilio bellum initum, suis viribus exequi, nec adversarum rerum querere socios, cum quibus spem integram communicari non sint. Itaque non semel tantum negatum, sed sæpius Veientibus auxilium liquet; unde apud eundem Livium illa consultatio libr. 5. *Cum, id quod nunc offendit Etruscis, Rex creatus Veitis spatio mutari interposito possit, vel con-*
sen-

sensu civitatis, ut eo reconcilient Etruriae animos, vel ipsius voluntate Regis, qui obviare Regnum suum, saluti civium nolit. Ac ne sic quidem licebit nomen ejus Regis audire, qui offendiculo toti Etruriae, suaeque civitati ultimo fuit exitio; cum ejus solius odio pertinacissime suppetias submittere reliqui populi undecim recusarent, quo & florentissimum Regnum paulatim labefactatum, & per partes, quia simul non poterat, sub jugum missum, discordia civica expugnatum, quod hostium viribus erat inaccessum.

Meminit etiam eodem libro hujus Regis, sed multis interjectis: *Inferitur huic loco fabula, immolante Rege Vejentum, vocem aruspicias dicentis, qui ejus hostiae exta prosecuisse, ei victoriam dari, exauditam in cuniculis.* Sed feralem hanc dissentientium civium discordiam causam fuisse, cur Etrusci a Romanis vincerentur, indicat Anonymus Poëta, ubi sic ipsa Etruria:

*Imposui leges populis, & nomina ponto
Inferno & Supero, missos auxique colonos
Imperiumque Italos trans fines, fœdera natis
Dum servata meis; sed me discordia præceps
Romuleæ domitam genti servire coëgit.
Quæ decus antiquæ longo post tempore linguae
Auxilii male grata mei, male grata laborum
Abstulit.*

Et certe non aliam causam, cur ipsa etiam Roma ceciderit assignatur, quam civilis sanguinis cupido, ut, præter historicos, exequuntur C. Petronius in animosa illa belli civilis Pompejani descriptione, M. Annæus Lucanus sub principium libr. i. Pharsaliæ, & Horatius libr. Epod. od. 16. ut jure exclamet Virgilianus pastor:

*. en quo discordia cives
Perduxit miseros.*

*Etruscorum Rex Cilnius, Aretii Regiam
habuit.*

C A P. LIV.

Mæcenatē omnes Scriptores Regio stemmate ortum scribunt, puto non alio, quam *Cilniorum*, quæ domus opulenta, potens, ac Regia, etiam ante bellum Punicum primum, & adventum Hannibalis in Italiam, hoc est anno 536. urbis conditæ, quo hæc de quodam illius profapæ principe Silius Italicus libr. 7. Punicor. in limine:

*Ocyus accitum captivo ex agmine poscit
Progeniem, ritusque ducis dextraque labores
Cilnius Arreti Tyrrhenis ortus in oris
Clarum nomen erat, sed læva adduxerat hora
Ticini juvenem ripis, fususque ruentis
Vulnere equi, Libycis præbebat colla catenis.*

Idque ita esse, conjectura sola ex auctoritate Livii docuerat Justus Lipsius libr. 1. Antiquar. Lection. cap. 22. Confirmatur ex C. Tacito libr. 6. Annal. non multum a principio: *Ceterum Augustus bellis civilibus, Cilnium Mæcenatē equestris ordinis, cunctis apud Romam atque Italiam præposuit.* Huc etiam pertinet ejusdem Augusti Octaviani ad C. Mæcenatē hunc epistola apud Aurelium Macrobiū libr. 2. Saturnal. cap. 4. *Vale, mel gentium Vejorum & Medulæ, ebur ex Etruria, lacer Aretinum, adamas supernas, Tiberinum margaritum, Cilniorum smaragde, jaspis figulorum, berille Porfense.* Ita tamen hæc vera sunt, ut utriusque auctoris locus fuerit antea fœde corruptus; nam in Taciti codicibus vulgatis, non *Cilnium* legebatur, sed *Cillinium*: & in Augusti epistola erat, non *Cilniorum*, sed *Cilneorum*. Gentilitium autem hoc nomen non tam Regum *Cilniorum* videtur fuisse, quam *Mæcenatium*, quibus plerisque hoc vice cognominis impositum, primus eruit vir literatissimus Onufrius Panvinus, & ex eo Critici plena manu, Sigonius, Muretus, Lævinus Torrentius, Dionysius Lambinus, quorum diligentiam tu, tiro, consule, & profice. Andr. Schottus Soc. Jesu vir literatiss. libr. de Oratorib. Huic Cilnio, ut & Mæcenatibus, domus seu Regia erat Arretium, ut ex Silii Italici loco laudato clarum est, & pluribus hoc opere a me probabitur, præsertim capite sequenti.

*Etruscorum Rex Mæcnas, quadringentis annis ante
vulgatum illum Mæcenatem, Augusti familiarem,
& Musurum altorem: Arretii ejus Regia:
Mæcnates alii a Rege: & plu-
ra de literatorum
alumno.*

C A P. LV.

Mæcenatem Etruriæ Regem faciunt Annius, Hieron. Hen-
ningius, Joann. Lucidus, Hieron. Bardus, & alii illius fa-
rinæ homines: atque eum quidem, qui Augusto fuit fa-
miliaris, volunt sceptrum gessisse, cum ante ea tempora,
ut ex initio libr. 4. infra hoc opere dilerte liquet, trecentis annis Re-
ges in Etruria esse desiissent, decepti illi turpiter nominum errore,
Nam certum est, ante bellum Punicum secundum, Regem in Etruria
eo nomine fuisse; quippe de Mæcenate quodam, Cannensi pugna ab
Hannibale occiso, Sil. Italic. libr. 10. Punicor. principio, indicat Mæ-
cenatem illum olim sceptris Etruscis nobilitatum: & Petrus Mar-
sus ibidem:

Occidis & Tyrio super inguina fixe veruto

Mæcnas, cui Mæonia venerabile terra

Et sceptris olim celebratum nomen Etruscis.

Atque hi duo eo nomine diu ante Augustum floruerunt, quorum
prior Rex Etruriæ, alter Cannensi acie interfectus.

Tertius Mæcnas cognomento *Messius*, de quo C. Plinius libr. 28.
cap. 6. *Jam & sermoni parci multis de causis salutare est, triennio Mæ-
cenatem Messium accepimus silentium sibi imperavisse, a convulsione red-
dito sanguine.* Ita editio Jacobi Dalecampii. Sed quis hic Mæcnas?

Quartus hoc nomine *Aulus* cognomento dictus, quantum ex fra-
gmento marmoris colligere licet, quod asservatum in ædibus D. Ar-
cangeli de Bisdominis Patricii, ac J. C. Aretini, communicavit juve-
nis nobilis & studiosus Cosmus Ricciardus Aretinus.

.....

..... A. MOECENAS. RE &

..... DECVR. Q. ARRET. VIT

..... LICINIOS. EXILIO. RES

..... T LR. COL

.....

Quin-

Quintus Mæcenas est *Lucius*, litteratorum parentis ac patroni pater, ut, indicat hæc vetus inscriptio, asservata in ædibus D. Hadriani Fusconii Episcopi Aquinatis.

LIBERTORVM. ET. LIBERTARVM.

C. MÆCENATIS.

L. F. POM.

POSTERISQVE. EORVM. ET. QVI. AD. ID.

TVENDVM. CONTVLERVNT.

CONTVLERINT.

Denique ultimus illius Regii stemmatis est *Cajus Mæcenas*, a quo studioforum promotores fautoresque dicuntur Mæcenates; nam & Propertium, & Horatium, & Tuccam, & Varium, & Virgilium miris affecit beneficiis, mutuamque ab iis consecutus est gratiam, nominisque æternitatem. Hunc alii *Cilniæ* gentis faciunt, ut capite superiori dictum, & Fulvius Ursinus docet: alii Cinciæ, ut Manutius: nonnulli Hæliæ, ut Antonius Augustinus libr. *Indice priorum nominum Pandectarum juris*. M. Martialis libr. 8. Epigr. 58.

Sint Mæcenates, non deerunt, Flacce, Marones,

Virgiliumque tibi vel tua rura dabunt.

Et libr. 11. Epigr. 4.

Et Mæcenatem si mihi Roma daret.

Et libr. 1. Epigr. 108.

Otia da nobis, sed qualia fecerat olim

Mæcenas Flacco, Virgilioque suo.

Hujus patrem volunt Menodorum, avum Menippum, atavum vero *Cecinnam* fuisse: & illum regnare incepisse eodem anno, quo principatum, victo Antonio, arripuerit Augustus, & maxime ille Jo. Lucius, quo nihil insulsius Sol vidit, post Musas natas; sed utrumque ineptum & falsum; erat enim ei pater *Lucius*; & tantum abest, ut Regiam dignitatem, quæ eo ævo nulla in Etruria esse poterat, affectaret, quin ne unquam extra ordinem suum equestrem attolli voluit, cum sæpe ei Augustus ultro supremos honores obtulisset. Fanucius Campan. MS. libr. 5. Illustr. Ital. Familiar. pag. 110. *Mæcenati viro Augustali valde fuit acceptus Propertius*. Vir Augustalis & honoribus summis urbicis perfunctus. Ipsi vero cognomen *Cajus*. Lapis proxime supra positus de patre evincit: alter in hortis Colotianis sic ei prænomen adstruit.

PERMISSV. C. MÆCENATIS.

Et

Et alter in ædibus Atilii Delphinii. (1)

CURTIA. D. L. PRAPIS
CVI. PARS. DIMIDIA. HVIVS
MONIMENTI. CONCESSA. EST. AB
C. MAECENATO. HELIO. SIBI. ET
P. CVRTIO. SP. F. COL
MAXIMO. FILIO. ET
TI. IVLIO. AVG. L. GLYCONI
ET. SVIS. POSTERISQVE. EORVM

Manfisse autem pertinacia quadam modesta in ordine equestri, loquuntur omnes pene historici. Vell. Patercul. libr. 2. Histor. Roman. *Quippe vixit angusti clavi pene contentus, nec majora consequi non potuit, sed non tam optavit.* Sic locus ille legendus; augustum enim clavum equitum esse gestamen, ut Senatorum latus sit clavus, docet Georgius Buchananus Scotus apud Hadrianum Turnebum, libr. Adversar. cap. 2. Et Sext. Propert. libr. 3. Eleg. 7.

Intra fortunam qui cupis esse tuam.

Martial. libr. 10. Epigr. 73.

*Qua non Fabricius, sed vellet Apicius uti,
Vellet Mæcenas Caesarianus eques.*

Et libr. 8. Epigr. 56.

*Risisti Tusci eques, paupertatemque malignam
Reppulisti.*

Est sane verum, hunc C. Mæcenatem deduxisse a Regibus Etruscorum genus suum, & puto Aretinum gente fuisse. Andreas Schottus, Soc. Jesu, vir doctiss. libr. de Oratoribus a Seneca laudatis Controv. 12. in fine. Quod suadet epistola Augusti, nuper laudata, & viri docti id censuerunt. Domitius Calderinus Comment. in Catalecta Virgiliana: *Mæcenas natus erat ex nobili stirpe ac Regia Aretinorum.* Raphaël Volaterran. libr. 17. Commentarior. pag. 516. *Mæcenatem, equestris ordinis, Etruriae Regibus ortum, & Horatius & Propertius auctores sunt, Aretini suum faciunt.* Sive Aretinus sit domo, quod mihi quidem indubitatum hactenus fuit, sive Volaterranus, sive Vulsinienis, seu denique Clusinus, quod nonnulli suspicantur, affectu verius patriæ suæ, quam ratione ducti; certum sane est illud, ab antiquissimis Tuscorum Regibus ei genus deductum. Albinovanus Pedo in Elegia illa pulcherrima de obitu Mæcenatis, quam quidam Virgilio assignavere:

*Regis eras genus Etrusci, tu Caesaris almi
Dextera, Romana tu vigil urbis eras.*

Horat. libr. 1. od. 1.

Mæcenas, atavis edite Regibus.

Et

(1) Apud Grut. pag. 614. 11.

Et libr. 3. od. 29.

*Tyrrhena Regum progenies, tibi
Non ante verso lene merum cado
Cum flore, Mæcenas, rosarum, &
Pressa tuis balanus capillis
Jamdudum apud me est. . . .*

Et libr. 1. Sat. 6.

*Non quia, Mæcenas, Lydorum quicquid Etruscos
Incoluit fines, nemo generosior est te:
Nec quod avus tibi sit maternus, quodque paternus
Olim qui magnis legionibus imperitarint.*

Sext. Propert. libr. 3. Eleg. 7.

Mæcenas eques Etrusco de sanguine Regum

Martial. libr. 12. Epigr. 4.

*Quod Flacco, Varioque fuit, summoque Maroni
Mæcenas atavis Regibus ortus eques.*

Hoc summe, familiariter usus est Augustus Octavianus, usque adeo ut ejus fidem ab illo principe impensius commendatam scribat L. Seneca libr. 6. de Ben. cap. 32. neque omnem in admonendo libertatem concederet. Dio Coccejan. libr. 55. fusc. & in paucis amicitiam ejus coluerit. P. Victor in Octaviano: *In amicos fidus extitit, quorum præcipui erant ob taciturnitatem Mæcenas, ob patientiam laboris modestiamque Agrippa.* Quod notat Pierius Valerianus libr. 29. Hieroglyph. in fine. Eumque urbi & Italia præposuit, ut docent Taciti verba allata initio hujus capituli, & Albinovanus etiam supra *vigilem Urbis* vocat, hoc est *præfectum urbi*. Vell. Patercul. libr. 2. Histor. Tunc *urbis custodiis præpositus C. Mæcenas, equestris, & splendido genere natus, vir, ubi res vigiliam exigeret, plane exsomnis, providus, atque agendi sciens, simul vero aliquid ex negotio remitti posset, otio ac mollius pene ultra feminam fluens.* Sic eum legendum, non ut in vulgatis ineptissime: *equestri & splendido genere natus* neque enim, ut jam probatum, genus illi fuit equestre, sed Regium. Incidit gravis controversia inter Helenium Acronem, & Porphyriionem, veteres magnæque notæ grammaticos; prior sic: *EDITE REGIBUS; quoniam dicitur duxisse originem ab Etruscis Regibus, & contempsisse Senatoriam dignitatem, & mansisse semper in equestri ordine.* Bene ille, & ceteris concors; at malignius, vel certe imperitius posterior: *EDITE REGIBUS; quod nobilibus Etruscorum ortus sit.* Annus autem, quo Urbi Italiaeque eum præposuit Augustus, fuit Urb. C. septingentesimus decimus octavus, dum bellum Siculum gereretur. Dio Coccejan. libr. 49. Denique, ut semel cum Petronio dicam, ille Augusti *τὸ ΠΑΝΤΑ*, adeoque *dextera*, ut inquit Peto; nam fidissimos vocabat vetustas dexteras. Martial. libr. 11. Epig. 70.

Lydia dicebar domino fidissima dextra.

Stat.

Stat. Papin. libr. 5. Silv. 1.

Vidi alia propius, propiusque accedere dextra.

Sic putant quidam legendum in Corippo Africano libr. 1. de laud. Justiniani minoris num. 2.

Et Thomas Lybice nutantis dextera terre.

C. Lucilius apud Nonium cap. 2. num. 304. in hymnis Epodis, quem locum indicavit politissimus vir D. Pettus a Thoma J. C. Castrensis, suaderet tamen locum illum legi debere, ut in Commentariis meis ibi est explicatum:

... nutantis destina terre

Nam Lucilius:

Sine eugio ac destina.

Sed ad Mæcenatem revertor, quem vita solutum, ac mollem, nimiumque tenerum Paterculus supra taxavit: gemmarumque amatorem immodice loquuntur Plinius libr. 37. cap. 1. et Seneca Epist. 93. Epist. 115. & incescit amanter ipse Augustus, tanquam oleo madentem, balsamo delibutum, cinnamatum, apud Suetonium cap. 86. ubi viri docti plura: & eum criminatur L. Seneca, tanquam discinctum & solutum, Epist. 93. Juvenal. Satyr. 7.

... vestem

Purpuream, teneris quoque Mæcenatibus aptam.

Alioquin illi clarum erat, & scriptis nobile ingenium; nam & plurima scripsisse perhibetur, & vivacis acuminis indicia fecisse; quare & Plinius ejus utitur auctoritate, ut ex indice libr. 32. Naturalis Historiæ constat: & *Dialogos* citat Solipater Charisius: & *Carminum* libri ab eodem laudantur Grammatico, in quibus Epitaphium Horatii, quod libr. 3. infra hoc opere cap. 28. reperies: & *Prometheus* ejus est opus apud L. Senecam Epist. 19. qui eum magni facit: & hic versus ei adscribitur, dignus fane tam amœni ingenii fama:

Nec tumulum curo, sepelit Natura relictos.

Denique continua eum febre laborasse, nec triennio supremo vite ullo horæ momento contigit somnus, ut narratur a C. Plinio libr. 7. cap. 51. quod singulare fane mihi, ac pæne incredibile videtur, nec facile consentiet Aristoteles libr. περὶ ἀγρυπνίας, de insomnio, eas naturam homini vires concessisse, ut triennio infomnis vivere possit. Obiit autem anno Urbis conditæ septingentesimo quadragesimo sexto, ut refert Dio Coccejanus, hoc est viginti sex annos post præfecturam Urbis gestam. Vir cetera felix, nisi Augustum instituisset hæredem, qui nimia hortos ipsius domumque frequentandi licentia, Terentiam uxorem, morosam alioqui, & tam amœno marito indignam feminam, corruerat. Sed ego porro infesto. Hujus Mæcenatis libertus fuit Aquila, quo, teste Dione libr. 55. ubi de morte Mæcenatis agit, ipse Mæcenatæ usus est ad docendum. Notas a se excogitatas & ejus meminit Iliodorus Orig. libr. 1. cap. 21. inter auctores, qui notarum collectaneis Novas notas adjecerunt.

Tom. I.

Ff

Etru-

*Etruscorum Rex Ælius Voltorrenus, sive Volterranus,
sub quo ad lacum Vadimonis fractæ penitus vires
Etruscorum, ut nullus post eum Etruriæ
Rex reperitur.*

CAP. LVI.

Hunc Regem Latino nomine *Ælium* more Romano *Volturrenum* a Regia sede, quam Volaterris habebat, meminit Joannes Maria Cataneus Comment. in Epist. 20. libr. 8. Plinii Junioris: *Interea res ad Vadimonis lacum in Etruria gesta, ubi Etruscorum res fractæ sunt, Ælio Volturreno Regum Etruscorum ultimo ibidem cæso.* Quod ille a Pseudocatone illo est mutuatus. Certe tamen constat, nullum unquam atrocius certamen commissum, ut describitur a T. Livio 1. Decad. libr. 9. qui fatali illa sua seu gloriæ Tuscorum odio, seu rerum peregrinatum imperitia, Regem superati exercitus non nominat, magno tamen apparatu rem inter gentes validas gestam depingit: Nam cum Umbrorum exercitu acie depugnatum est, fusi magis, quam cæsi hostes, quia captam acriter non tolerarunt pugnam, & ad Vadimonis lacum, Etrusci lege sacrata coactio exercitu, cum vir virum legisset, quantis numquam ante alias copiis, simul animis dimicarunt, tantoque irarum certamine res gesta est, ut a neutra parte emissa sint tela, gladiis pugna cæpit, & acerrime commissa ipso certamine, quod aliquandiu anceps fuit, accensa est, ut non cum Etruscis toties victis, sed cum aliqua gente nova videretur dimicatio esse. Nihil ab ulla parte movetur fugæ, cadunt antesignani, & ne nudentur propugnatoribus suis signa, fit ex secunda prima acies, & ab ultimis subsidis cietur miles, adeoque ad ultimum laboris ac periculi ventum est, ut equites Romani omisso equis, ad primos peditum per arma, per corpora evaserint. Ea velut nova inter fessos acies, turbavit signa Etruscorum. Vix ullum prælium majori virtute, aut magis timenda pertinacia gestum apud historicos Romanos deprehendo, ut jure bellicosissima gens, civilibus distracta odiis, sibi que discors, memorabilem, antequam vinceretur, ederet pugnam, ægreque, aliis imperare solita, jam alteri pareret. Et pergit Livius porro: *Secuta deinde impetum eorum, utcumque affecta fuerat cetera multitudo, tandemque perrumpit ordines hostium; tunc vinci pertinacia cæpta, & averti manipuli quidem, & ut semel dedere terga, etiam certiores capeffere fugam.* Ad hunc modum parva victoria, & concludit: *Ille primum dies, fortuna veteri abundantes Etruscorum fregit opes: casum in acie quod roboris fuit: castra eo impetu capta dire-*

direptaque. Supererant tamen factio, ingensque belli apparatus prope Perusiam, quod paucis interjectis narrat idem Livius: Eodem anno cum reliquis Etruscorum ad Perusiam, que ipsa induciarum fidem ruperat, Fabius Cos. nec dubia, nec difficili victoria dimicat: ipsum oppidum, nam ad moenia victor accessit, cepisset, ni legati dedentes, urbe exissent. Præsidio Perusie impositio, legationibus Etruriæ amicitiam petentibus, præ se Romam missis ad Senatum, Consul præstantior etiam, quam Dictator victoria triumphans Urbem est invehctus. Ac ne sic quidem Regis Etruriæ eo tempore meminit, cum duplici acie uno eodemque anno Etruriæ vires fractas affirmat, hoc est ann. U. C. septuagesimo quarto supra quadringentesimum, ut libr. 4. pluribus dicitur: legationes etiam memorat, urbemque Perusiam deditam prodit, cum tamen nec urbes Etruriæ præcipue dedi, nec legati missi omnino, nec dimicari sine Regia auctoritate, idest auspiciis, si non ductu, facile omnes sibi persuadebunt, qui Regiam apud Tuscos potestatem, ex cap. 2. hujus libri superius demonstratam, perpenderit. Et cum in omnibus triumphis solitum sit Reges ductos nominari, cum toties de Etruria sit triumphatum, nullius tamen Etruriæ Regis nomen, neque in Tabulis Capitolinis, neque apud ullum historicum reperitur: quod, an ab hostili in Etruscos animo, an vero ab imperitia rerum exterarum, an utroque, haud facile dixerim: illud certe apud omnes in confesso est, Regem tum suum, cum subderetur Romanis armis, Etruriam habuisse: tu videris, lector.

Etruscorum Regum toto hoc libro descriptorum, vera, legitima, & genuina nomenclatura.

CAP. LVII.

1. **T**Anus statim a diluvio, non alienigena, ut volunt Græci, sed indigena.

2. Camefes Regina, Jani uxor, & ab eo in partem Regni adscita, post eum defunctum regnavit.

3. Tiberinus, Jani filius, parentibus successit, huic lapidibus ab ebriis rusticis occiso, illi fato suo functæ.

4. Vertumnus, sive Vertunus, agriculturæ magis, quam belli studiosus.

5. Annus & ipse ex stirpe Jani, ideo Janigena appellatus.

6. Coritus, incertum quo genere, & videtur alienigenam fuisse.

7. Lar, sive Lars, primus stemmatis tertii Rex.

8. Lucumo, sive Lucumus, primus Rex quarti stemmatis

9. Fontus, Jani filius, & ipse ex prima Janigenarum linea.

Ff 2

10. An-

10. Annius, raptorem filiae Salæ insequens, in Anienē fluvio de-
mersus.
11. Deheberis, sive Dehebris, primus, qui Veis sedisse memoratur.
12. Tiberis, nomen Tiberi, in eo submersus, indidisse fertur.
13. Tybris & seculo, & Regno a priori longe distinctus.
14. Æolus, qui non in continenti, sed in insulis habitavit, seu Hip-
potæ, seu Hellenis, seu Neptuni filius, Rex ventorum creditus,
15. Liparus, & ipse insulis simul, ac continenti imperans.
16. Meleus Imperator dictus, non Etruscus ortu, sed Græcus.
17. Rhæus, coloniarum in Alpibus deductor, bella cum Gallis
varia fortuna gessit, Regiam habuit in Gallia Cisalpina,
18. Malæottus, seu Malæotus, primus, quod sciam, Volaterris sedit.
19. Etruscus, a quo genti nomen, a fortitudine Herculis filius di-
ctus.
20. Tuscus, sive Thuscus.
21. Tyrthenus, seu Toræbus Mæon, ex Lydia in Etruriam advena.
22. Rasena.
23. Nicius Fæsulanus.
24. Piseus.
25. Alæsus, sive Alesus, aut Halæsus, genere quidem Græcus, ju-
re Regni hic potitus.
26. Halæsus alter, Argivus ortu, Faliscos hic condidit.
27. Tarchon, seu Tarcon Mæonius, frater vel filius, vel comes
tantum Tyrtheni, duodecim civitates condidit.
28. Felsinus, Bononiæ conditor.
29. Bonus.
30. Hadrius, seu Atrius.
31. Ocnus, seu Hocnus, cognomento Bianor, Mantuæ deductor,
Aulestis filius.
32. Mezentius, Cærite Regiam habuit, dictus etiam Imperator.
33. Afylas, sacerdos simul & Rex, Pisis Regiam habebat.
34. Abas, Populoniæ ejus Regia, aut in insula Ilva.
35. Massicus, a monte Etruriæ dictus, Regia illius Cosa, sive Cosa.
36. Olinus, ut quatuor præcedentes, ex sacro fœdere Æneam
adjuvit contra Rutulos, ejus Regia Clusium.
37. Morrius, Saliorum auctor, ultimus Rex stirpe Neptuni apud
Etruscos: Veii Regia.
38. Clusius, Tyrtheni filius, Clusium vel condidit, vel reparavit.
39. Propertius, Capenam in Latio coloniam condidit: Volaterris
Regia.
40. Vejentus, & ipse coloniæ Capenæ deducendæ socius.
41. Lucumus Galeritus, Romulo tulit auxilium, tentoria invenit.
42. Cælius Veibennus, Cælio monti Romæ nomen dedit: Vola-
terra Regia ejus.

43. Menalus: Regia Veii.
 44. Olenius Calenus, five Olanus, sacerdos simul & Rex.
 45. Porfenna, seu Porfena, cognomento Magnus, Lar, & Claras dictus, triennio obsedit Romam, pacem cum Romanis fœdusque pepigit, Tarquiniorum causa deserta.
 46. Galeromondus, ex Insubria Principatum Etruriæ invasit.
 47. Tolumnius, male Volumnius; violatis Romanorum legatis, a Cornelio Cosso Tribuno militum duello occisus.
 48. Anonymus, creatus a Vejentibus obsessis, paulo ante excidium Urbis.
 49. Cilnius, Aretii Regia.
 50. Mæcenas, quadringentis, ut minimum, anni, ante C. Mæcenatem, Urbis Romæ præfectum, Equitem, & Augusti Octaviani familiarem.

*Etruscorum Reges fictitii, & commentitii, explosi omnes,
 & reprehensa inscitia literionum, qui amenter
 fabulas pro historiis obtruserunt,
 ultimo seculo.*

CAP. LVIII.

Venio nunc ad literarum propudia, & carcinomata, quorum scurrilibus nugis male apud eruditos audit Etruria: & ne lector quicquam possit desiderare, retrimenta bonarum artium non pigebit referre: atque hi quidem Reges, si diis placet, Anniani, in duplici sunt differentia: quorum primi ne per somnium quidem in Italia unquam pedem intulerunt: alii clari fuerunt in Etruria viri, florentibus Romanorum opibus, maximo apud suos, mediocri Romæ loco, nunquam tamen ad Regiæ dignitatis apicem conscendere. Ac primum ab amentibus fabulis incipio.

Tyrea, quæ & Aretia, idest terra, unde Aretium Tusciæ, Vesta Magna, & Cybele Magna, hoc est Regina sacrorum, nominata est. Somnia sunt hæc; nam Cybelem quidem Phrygiam esse Deam, five Pessinuntiam, indeque Romam migrasse constat; at Reginam Etruriæ, & Aretii conditorem, auctoremque; nec divinari per somnium, nisi a mente captis potest. Et tamen præclaram hujus Mythologiam nuper edidit Petrus Leo Cassellas sub titulo: *De primis Italiae Colonis, & Tuscorum origine*; cujus libri me pudet. Si tamen curiosus lector vult de ea plura noscere, adeat L. Apul. libr. 11. Miles. & Antiquit. Rom. libr. 2. cap. 4. & ad illud Claudiani libr. 1. de Raptu Proserpinæ:

Post-

*Postquam visa Ceres, mugitum tympana frenant,
Conticere chori, Corybas non impulit enses,
Non buxus, non ara sonant, blandique leones
Submisere iugas.*

Jam vero *Japbet, Atlas, Maurus, Japetus*, unus idemque Rex Etruriæ, jam *Gomer, Comerus, Gallus, Ascbenes, Ripbat, Thogorma, Ocbus, Elisa, Tarsis, Tubal, Tarracon, Javal aut Javan, Kibim, Dodamin, Hesperus, Leucaria, Andromeda, Plejon, Roma, Sicorus, Siculus, Morges, Galathea, septem Plejades, Romanessus, Siceleus, Lusus*, Reges omnes aut Reginas Etruriæ hos fuisse, cum nullus neque historicus, neque mythologus unquam meminerit, quis non subtilitatem, acumen, Anniique industriam miretur? Dico serio, sunt hæc per se admiranda:

Sed velut Harpyæ, Gorgones, aut Furia,

Et quasi non parum esset eruditionis Annianæ fastidium tot ignota & commentitia nomina legisse, subtexitur alia nomenclatura, quæ veluti secundum Regum stemma dici potest. Et en, lector, hic agmen ducit *Sem*, dein *Cham*; post longo ordine *Typhæus, Oceanus, Thetis, Cranus, Crana Helerva, Lud, Aram, Alan, Auson, Sais, Arnus, Noegla, Rhea, Canaan, Phenix, Phut, Chus, Olyris, Isis, Tages, & Malottages, Nimbrot, Sabatius, Gygantes Enakii, Barzanes, Curitis, Anitinus, Aruntius, Pherentius, Sabus, Sabellus, Janus Junior, Aëtbra, Libyus, Leabis, Hercot, Flammiger, Hipbran, Dodarim, Galates, Hispanus*, ac denique *Hispanus*:

Nomina sunt ipso pene timenda sono.

Neque satis adhuc visum sapientissimis Annianis; sed addunt insuper non minus portentosa, ut a cælo, terra, mari, inferis, fabulisque omnibus excussis, Etruriæ dent Reges, quales sunt isti: *Anubis, Neptunus, Orus, Libera, Proserpina, Lestrigo, Phorcus, Porcus, Rhodus, Antæus, Maurita, Scylla, Euryalis, Stemo, Dagutus, Medusa, Tinga, Sophax, Tospiades, Diodorus, Araxa, Ecbidna, Agathyrsus, Gylbon, Scythia, Pencinus, Tussus, Galateus, Aliens, Blascon, Abotynus, Tyle, Veyinza*. Omnes Coriti Janigenum in Italia. Sed parce, lector, parce, quæ est humanitas, exorbitavi, sed volens, ne Etruriæ Reges ex optimis auctoribus deducens, viderer Annii & sequacium fabulas non vidisse, & sprevisse.

Sequuntur denique & alii Reges, quorum catalogum adduxi hoc libro supra cap. 8. & refutavi; sed nihil unquam satis mihi dixisse videor, ut Meletides istos & bliteos in ordinem redigam. Et jam ad alia illius farinæ pergo.

*Etruscorum Rex nullus unquam Cecinna, sed clari
plerique, & equestri dignitate ornati,
Volaterrani cives.*

CAP. LIX.

Nonnullos audiverant bardi isti Etruria oriundos, claro fuisse Romæ nomine, & insignibus gestis cognitos: hos statim Regibus Etruriæ per summam impudentiam inferendos censuerunt: quorum in numero jure merito habendi sunt cives Volaterrani *Cecinna*, sive, ut aliis placet Criticis, & maxime Raphaëli Mapphæo nobilissimo ac doctissimo Volaterrano libr. 4. Commentarior. pag. 429. *Cecina*, ubi eos per N. simplex vult scribi, sicuti *Arminos*, *Porcinos*, cognomenta Romana omnes sciunt. Eos a flumine accepisse nomen contendunt, quod *Cyro* & *Cambyse* Persarum Regibus contigit, quibus fluviorum nomina sunt imposita; nam Cyri amnis, præter Cosmographos, meminit Xenophon. libr. 7. *Pædiæ* pag. 191. & Cambyse flumen apud Agathiam Scholasticum libr. 4 sic & *Cecinarum* familiam ab amne, qui non procul Volaterris abest, nomen traxisse suspicantur. Ut ut est, certe equestri dignitate plerique ex ea nobilitati.

1. Aulus Cecina familiaris Ciceronis, ut ex epistolis ad invicem scriptis constat, ab eodem post bellum civile Pompejanum in causa hæreditaria de fundo Axie defensus, luculenta oratione, quæ hodie extat contra Sextum Ebutium, & apparet post bella civilia scriptam ex iis verbis: *Quod is deteriore jure esset, quam ceteri cives, propter incommodum Volaterranorum, calamitatemque civilem.* Partes Pompejanas contra C. Cæsarem fovit, unde ad eum M. Cicero libr. 6. Familiar. Epist. 5. *Et natura rerum est, & is temporum cursus, ut non possit ista tibi aut ceteris esse diuturna, neque hære in tam bona causa.* Nec contentus partes sequi Pompejanas, scripsit etiam virulentum & dicacem contra Cæsarem librum. Eodem loco Cicero: *Liber tuus & lectus est, & legitur a me diligenter, & custoditur diligentissime.* Ipse A. Cæcina eodem libro Epist. 7. exilium sibi ob illum librum indictum haud obscure denuntiat: *Cum præsertim adhuc styli penas dem, qua quidem in re singulari sum fatus, nam cum mendum scripturæ litura tollatur, stultitia fama mulietur, meus error exilio corrigitur, cujus summa criminis est, quod armatus adversario maledixi.* C. Sueton. Julio cap. 75. Alique Cecinna criminossimo libro, & Pindolæ carminibus maledicentissimis,

mis laceratam existimationem suam civili animo tulit. Civiliter quidem Cæsar & clementer injurias suas ultus est, cum ex lege 12. Tab. mors in libelli famosi auctorem decerneretur. Scipio apud Ciceronem libr. 4. de Republica referente. D. Augustino libr. 20. Civit. Dei cap. 9. Nostræ duodecim tabule cum perpauca res capite sanxissent, in his banc quoque sancendam putaverunt, si quis activasset, sive carmen condidisset, quod infamiam faceret flagitiumve alteri. Horat. libr. 2. Satyr. 1. fine:

*Si mala condiderit in quem quis carmina, jus est
Judiciumque.*

Et libr. 2. Epist. 1.

..... quin etiam lex

Pœnaque lata, malo quæ nollet carmine quemquam

Describi

Cæsar tamen victor simpliciter Pitholao, Cecinæque, libellorum in se famolorum auctoribus ignovit, Catoni etiam parciturus, si ille clementiam experiri, quam mori maluisset. A. Hirtius libr. de Bello Africano. *L. Cæsar subito se ad genua projecit, vitamque sibi nec amplius quicquam deprecatur: cui Cæsar facile, & pro sua natura, & instituto concessit, item Cecinæ, Cetejo, P. Atio, L. Cella patri, & filio, M. Epipio, M. Agninio, Catonis filio, Damaspique liberis.*

Hunc Aulum magistrum quadrigarum vocat Plin. libr. 10. c. 24. hoc est veredariorum præfectum, sive qui cursibus itinerum publicis præessent, qui a Persis inventi *Astandæ & Parasangæ* dicti. Suidas, & disquirat Guidus Pancirolius in Notit. Imp. docuit etiam hirundines, animal indocile. Verba sunt Plinii: *Cecina Volaterranus equestris ordinis, quadrigarum dominus, comprehensas in urbem secum auferens, victorie nuntias amicis mittebat, in eundem nidum remeantes, illito victorie colore.* Simile quid narrat Albertus Krantius libr. 1. Vandal. cap. 7. in obsidione Dunæ urbis.

Fuit hic A. Cecina doctissimus, variaque scripsit, ut *Epistolas, librum in Cæsarem*, de quibus diximus; sed & *librum querelarum suarum.* Cicero libr. 6. Epist. 6. *Et librum de procurandis fulguribus, in quo facundus, nisi a rebus Ciceronis recessisset,* ait L. Seneca libr. 2. Nat. Quest.

2. Cecina, Octaviani Augusti scriba.

3. A. Cecina alter *Consularis vir*, quem Titus Imperator *ad cœnam vocatum, ac vix dum triclinio egressum confodi jussit.* Sueton. Tito cap. 6.

4. A. Cecina tertius dux Vitellianus ad Bebricum feliciter contra Othonianos dimicavit, cum Imperator ipse Viennæ in Gallis esset, neque per se bellum gerere, aut suo ductu auderet: ubi parta victoria ludos parat, editque præsentem Vitellio, ut fusissime C. Tacitus libr. 2. Historiar. Non tamen dissimulem, hunc Aulum esse patria Vicen-

tinum,

tinum, ut appareat, non omnes Cecinas Volaterranos fuisse. Idem Tacitus libr. 3. Historiar. in limine.

5. Cecina Severus sententiam dicit de ara, Ultioni statuenda. Idem Tacitus libr. 3. Annal. & legem rogat, ne magistratum in provinciam proficiscentem uxor comitetur, Eodem loco.

6. A. Cecina curator exercitus inferioris. Tacit. libr. 1. Annal. qui donatur insignibus triumphalibus. Idem libr. 2. Annal. post principium.

7. Licinius Cecina patrem habuit prætorium virum, qui se opio interemit in *Hispania Bajuli* (sed lege *Bilbili*) cum valetudo impatientis odium vitæ fecisset, ut loquitur Plinius libr. 20. cap. 18.

Denique quam clara hæc fuerit familia, loquitur *liber memorabilium Italiae* MS. in quo hæc sunt apud Fanucium Campanum libr. 4. de Illustr. Ital. Famil. MS. *In Volaterrana urbe Etruriæ, nobilissima ac illustrissima, sunt familiae, atque illæ antiquissimæ, ut sunt: familia nobilis Cecinarum, ex nobili prosapia, ac illustri Romana orta, quæ in lucem edidit A. Persium Poëtam, & Linum Pontificem Maximum.* Duo illa, quæ tanquam prima ab eo Scriptore in familiæ istius laude collocantur, sunt mihi suspecta: primum familiæ Cecinarum ortum esse Roma; & deinde D. Linum, & Persium Satyricum ex illa esse; sed viderint hodierni Cecinæ, nam & familia etiam num hodie nobilitate sua viget: & sunt duo studiosissimi, & ad bonas artes nati, mihi familiares, Bernardus, & Aulus Cecinæ.

*Etruscorum Rex non fuit Ælius Sejanus, sed tantum
magna apud Tiberium Augustum auctoritate;
sed postea, majestatis reus, cum liberis
& amicis misere interiit.*

CAP. LX.

Hunc etiam Anniani historici inter Reges Etruscos collocant, & viginti tribus annis ajunt regnasse; cum tamen nullus Rex in Etruria jam annis trecentis & amplius fuisset. Sed ne frustremur lectorem, sic res se habet. Velleii Paterculi libr. 2. Histor. Rom. verba ponam: *Sejanum Alium principe equestris ordinis patre natum, materno vero genere clarissimas, veteresque, & honoribus insignes complexum familias.* Etruscum vero, atque adeo Vulsinensem loquitur C. Tacitus libr. 4. Annal. in principio: *Genitus Vulsiniis, patre Sejo Strabone equite Romano, & prima juventa C. Caesarem, Divi Augusti nepotem, sectatus.* Si quis autem velit, quæ de eo præcipua & sparsa traduntur colligere, & simul componere, hæc fere reperiet. Initio fortunæ suæ blandientis, Drusum, Augusti privignum rexit, Liviamque ejusdem Drusi corruptit, maritum vero veneno tollit: postea Drusianæ familiæ, ac Germanici domus potentiam aperte impugnat: Tiberium in Agrippinam subinde violenter armat, adeo ut cum omnia splendida in eum transferret Augustus Tiberius, & Senatus in fœdissimas adulationes erumperet, serviliterque ei magis magisque in dies submitteret, ut libertis ejus & janitoribus innotescere pro magnifico foret, & Blæso avunculo in honorem ejus triumphalia ornamenta decernerentur, statuæ in foro ipsi speciosissimis titulis erectæ. Cum sic crevissent dignitates, ut nihil posset iis addi, suspectus esse incœpit Tiberio, Capreis agenti: qui missa Romam per Nævium Sertorium Macronem epistola verbosa apud Senatum accusavit, condemnarique fecit, ut copiosissime exequitur Dio Coccejanus libr. 58. Statuæ deinde dejectæ, conflatæque, in cadaver omne genus contumeliæ irrogatum: in amicos omnes, fautores, & clientes diriter favitum, ut ibidem, & apud Tacitum libr. 6. Annal. & Sueton. in Tiberio cap. 55. & Tragedia Anglica expressit amœnissimi vir ingenii Benjaminus Jhonsonus Anglus, quem, dispaream, nisi Musæ ament. Juvenal. Satyr. 10. v. 58.

*... descendunt statuæ restinque sequuntur;
Ipsas deinde rotas bigarum impacta securis
Cecidit, & immeritis caduntur crura caballis:*

Jam

*Jam stridunt ignes, jam foliibus atque caminis
Ardet adoratum populo caput, & crepat ingens
Sejanus.*

Et paucis post:

*Pone domi lauros, duc in Capitolâ magnum
Creiatumque bovem, Sejanus ducitur unco
Spectandus: gaudent omnes.*

Quam prope ad Principatum accesserit, indicant ea, quæ apud Saty-
ricum sequuntur:

*. idem populus, si Nurtia Tusco
Favisset, si oppressa foret secunda senectus
Principis, hac ipsa Sejanum diceret hora
Augustum.*

FINIS LIBRI SECUNDI.



Clusij Apud N. V. Lactantium Nardi.



PRÆFATIO

AD LIBRUM TERTIUM.

H*Æc Etruscorum inventa, atque ingeniose excogitata, multiplicem variarum rerum usum, tot opificia, dedi operam, ut confirmarent Auctores selectissimi; alioquin enim fabulæ simile potuisset videri, in tanta nobilium ingeniorum etiam Etruscorum luce, alienigenam, & plane peregrinum, tanta eruisse e situ, & ipsius Antiquitatis veluti gremio producta monumentum Mundo publicasse. Neque dubito, quin grata sint hæc omnibus sinceri & candidi ingenii Tuscis: aliorum censuram, ac multo minus invidiam susque deque habeo, quamquam nec hæc tanti esse fateor, ut invidiam merere debeant.*

LIBER




Vas Fic. Alt. Vnc. VIII. Roma Apud Em. Car. Gualterio

LIBER TERTIUS

*Etruscus Tages invenit divinationem per auguria:
libros de ea scripsit, qui Acherontici dicti:
Augurum dignitas & collegium: Chri-
stianis interdicta.*

C A P. I.



TRUSCI, jam olim φιλοτεχνος, artium amantes, a Diodoro Siculo dicti, ob insignem in rebus inveniendis solertiam, & virtutis studium supra omnes eo seculo rudi mortales; ideo de eorum inventis, ac opificiis, deque iis rebus, quæ in usu apud eos fuerant, hoc libro exequar, ac primum a sacris ducam initium. *Divinatio per auguria* a Tuscis inventa primum, ac exulta; licet Græci contra nitantur, ejusque auctorem velint esse *Telego-*

num. Suidas in voce Τηλέγονος; aut *Melampodem*. Apollodorus Atheniensis libr. 2. Biblioth. aut *Amphiaræum*, Homer. libr. 15. Odyss. Jul. Hygin. fab. cap. 73. cap. 128. Papin. Stat. libr. 1. Thebaid. v. 399. & Luciat. Placidius ibidem:

..... non docte futuri.
Amphiaræ vides.

Utrum-

Utrumque conjunxit Sidonius Apollinaris Carm. 9. v. 194.

Nec quos Amphiaræus, aut Melampus.

Lege Gasparis Penceri de Divinatione opus eruditum: dixi ad Ælianum libr. 2. Var. Histor. cap. 31. meminit Aristoteles libr. 9. Histor. Animal. cap. 31. & laudat Plato in Phœdro, & Xenophon libr. 2. Pædiæ in principio; et de Expedit. Cyri libr. 6. pag. 373. quas inanes nugas refellunt Petrus Sanflorius Montepellulanus libr. Histor. Rer. Memorab. pag. 240. & Wimpina libr. de Divinat. capp. 3. 4. 10. ad doctissimum Martinum Delrio Disquisition. Magicar. libr. 4. Section. 2. qui satisfaciet,

Indubitatum tamen est, ab Etruscis Tarquiniensibus artem hanc inventam: adscribam locum Ciceronis e libr. 2. de Divinat. *Ortum videamus aruspicine, sic facillime, quid habeat auctoritatis, judicabimus. Tages quidam dicitur in agro Tarquiniensi, cum terra araretur, & sulcus alius fuisset impressus, extitisse repente, & eum assatus esse, qui arabat. Is autem Tages, ut in libris dicitur Etruscorum, fertur puerili specie visus, sed senili fuisse prudentia. Ejus aspectu cum obstupisset bucculus, majoremque clamorem cum admiratione edidisset, concursum esse factum, brevique tempore totam in eum locum Etruriam convenisse, tum eum plura locutum, multis audientibus, qui omnia ejus verba exceperint, literisque mandaverint; omnem autem ejus orationem eam fuisse, qua aruspicine disciplina contineretur: eam postea crevisse rebus novis cognoscendis, hæc accepimus ab ipsis, hæc scripta conservant, hunc fontem habent discipline. Num ergo ad hæc refellenda opus Carneade? num Epicuro? Estne quisquam ita desipiens, qui credat, Deum exaratum, an hominem? Si Deum; cur contra naturam in terram abdiderit, ut patefactus aratro lucem aspiceret? quid? idem non ne poterat Deus hominibus superiore ex loco tradere? Si autem homo Tages ille fuit, quonam modo potuit terra oppressus vivere? Unde porro potuit illa, quæ docebat alios, ipse didicisse? Sed ego insipientior, quam illi ipsi, qui credunt ista, qui quidem contra eos tamdiu disputem. Vetus autem illud Catonis admodum scitum est, qui mirari se agebat, quod non rideret aruspex, aruspice cum vidisset. Concors est Ammiani Marcellini locus e libro 21. Historiar. *Auguria, & auspicia non volucrum arbitrio futura nescientium colliguntur; neque enim hoc vel insipiens diceret; sed volatus avium dirigit Deus, ut rostrum sonans, aut prætervolans pinna, turbido meatu vel levi, futura præmonstret; amat enim benignitas numinis, seu quod merentur homines, seu quod tangitur eorum affectione, his quoque artibus prodere, quæ impendent. Extis quoque pecudum intemi fatidicis, in species converti sœti innumeras, accidentia sciunt, cujus discipline Tages quidam monstrator, ut fabulantur, in Etruria partibus emeruisse subito visus e terra. Joan. Saresberienfis libr. 1. Policrat. cap. 12. Aruspiciam quoque in extorum inspectione viget, quam artem Tages quidam dicitur invenisse. Arnob. libr. 2. Cont. Gent. Musica ceteræque artes omnes, qui-**

quibus vita est extructa & expolita communis, cum hominibus nata sunt, & non potius nuper, quin imo paulo pane ante agitari, intelligi, celebrarique cœperunt, antequam Tuscus Tages oras. contingeret luminis, quisquam hominum sciebat, aut esse. noscendum condiscendumque curabat in fulminum casibus, aut extiorum quid significaretur in venis? Martian. Capella libr. 2. de Nupt. Merc. & Philolog. Tages fulcis emicuit, & ritum statim gentis sypuunque monstravit. Et libr. 6. Etruria Regio tam indigenis *Æneæ* federe, quam remediorum origine atque ipsius *Tagetis* exaratione celebrata. Servius Maurus ad libr. 2. *Æneid.* ad finem pag. 259. *Tusci* autem a frequentia sacrificii dicti sunt, hoc est ἀπὸ τοῦ θύου constat, namque illic a *Tage* aruspiciam repertam. Ita Poëta passim, M. Tull. in *Urania*, ut habetur libr. 1. de *Divinat.*

Nunc ea Torquato quæ quondam & consule Cotta
Lydius ediderat Tyrrhenæ gentis aruspex.

M. Lucan. libr. 1. *Pharsal.* v. 635.

Sed venient majora metu, Dii visa secudent,
Et fibris sit nulla fides, sed conditor artis
Finxerit ista Tages.

P. Ovid. libr. 15. *Metamorph.* fab. 47.

Indigenæ dixerunt Tagem, qui primus Etruscum
Edocuit gentem casus aperire futuros.

Papin. Stat. libr. 5. *Sil.* 2. in principio:

Rura meus Tyrrhena petit, saltusque *Tagetis*
Crispinus.

Hanc auguralem scientiam, aut verius vanitatem Romani usque adeo excoluerunt, ut nullum majorem honorem aut gesserint cupidius, aut majori dignitate exercuerint. Nam cum alii honores, annui plerumque essent, iste cum vita tantum finiretur; quare *Q. Fabius Maximus* sexaginta tribus annis auguratum gessit. C. Plin. libr. 7. cap. 48. eo tamen discrimine; ut quidam majores, alii vero minores, hoc est publici ex patriciis, privati ex plebeis designati. Vetus Inscriptio. (1)

M. MAECIO. MEMMIO. FVRIO. BALBVRIO
CAECILIANO. PLACIDO. C. V.

PONTIFICI. MAIORI. AVGVRI. PV
BLICO. P. R. QVIRITIVM. QVINDECIM
VIRO. SACRIS. FACIVNDIS. CORREC
TORI. VENETIARVM. ET. HYSTRIÆ
PRÆFECTO. ANNONÆ. VRBIS
SACRÆ. CVM. IVRE. GLADIÛ. COMITI
ORDINIS. PRIMI. COMITI. ORIENTIS
ÆGYPTI. ET. MESOPOTAMIAE. IVDI
CI. SACRARVM. COGNITIONVM

Tom. I.

Hh

TER-

(1) Apud Grut. pag. 433. n. 4. Neapoli.

DE ETRURIA REGALI

TERTIO. IVDICI. ITERVM. EX. DE
LEGATIONIBVS. SACRIS. PRAE
FECTO. PRAETORIO. IVDICI
TERTIO. CONSVLI. ORDINARIO
PATRONO. PRAESTANTISSIMO
REGIO. PALATINA
POSVIT.

Atque hi quidem appellabantur *publici augures populi Romani Quiritium*, ad distinctionem *privatorum*, sive *Imperatoriorum*; nam Augusti *domesticos* habebant augures, qui pro sua salute excubarent, & auspicia captarent. Vetus altera Inscriptio sic confirmat. (1)

D. M.
CN. IVLI. CN. FIL
DOMATI. PRISCI
EX. EQVO. PVBLIC
ADIVTORIS
HARVSPICVM
IMPERATORIS
PONTIFICIS
ALBANI.

Habuerunt porro aruspices Romæ splendidum collegium, cujus apud historicos frequens mentio. Cicero Philipp. 2. *Quod enim ipse me augurem a toto collegio expetiturum Cn. Pompejus & Q. Hortensius nominaverunt; neque enim licebat a pluribus nominari.* Vetus item Inscriptio. (2)

COLLEGIVM
AVGV RV M. AVCTORE
IMP. CAESARE. DIVI
TRAIANI. PARTHICI. F
DIVI. NERVAE. NEPOTE
TRAIANO. HADRIANO
AUG. PONTIF. MAX. TRIB
POT. V. COS. III. PROCOS
TERMINOS. POMERII
RESTITVENDOS. CVRAVIT.

Ad Tagem redeo, qui celebratur etiam a Censorino libr. de Natali Die cap. 4. in fine. *Nec non in agro Tarquinienſi puer dicitur divinitus exaratus, nomine Tages, qui disciplinam cecinerit extispicii, quam Lucumo-*

(1) Apud Gruter. pag. 304. num. 5. (2) Gruterus pag. 198. n. 1. Romæ ante Domum Caſiam in cippo.

cumones tum Etruriae potentes excripserunt. In hominem ex gleba mutatus fingitur. P. Ovidius loco proxime supra laudato: in qua fabula ita legitur:

Fatalem glebam motis aspexit in arvis.

At in MSS. Codicibus paulo aliter:

..... mediis aspexit in arvis.

Hujus Tagis præceptum unum erat, ut caput asini præsepibus ruri affigeretur, quo amuleto putabant villæ incommoda, & maxime fascinum, arceri. Joann. Britannic. ad Juvenalis Sat. II. v. 96.

..... parvis frons area lectis

Vile coronati caput ostendebat aselli.

Jun. Moderat. Columella libr. 10. de Re Rust.

Hinc caput Arcadici nudum cute fertur aselli.

Tyrrhenus fixisse Tages in limite ruris.

Etrusci istam augurandi gloriam miris modis excoluerunt, ut omnes populos longe ea superasse videantur. Dixi ad illud Claudiani de 4. Hon. Consul.

Chaldei stupere Magi, te sensit Etruscus

Augur.

Nec tantum præcepta hujus artis Tusci tradidit Tages, sed & scriptis consignavit. Furius Fulgentius libello de Vocibus antiquis ad Chalcidum, in voce *præsemina*, citat *Tagetem in aruspiciis*. Et peculiari nomine *Etrusca disciplina*, ut infra expediam, divinandi peritia vocatur, quam complexus est Labeo quindecim voluminibus, eodem Fulgentio auctore; in voce *Labeo*. Inde & *libri Etrusci*, quibus tota ea scientia, & arcana auguriorum contenta. Cicero proxime supra laudatus. Et in Orat. de aruspicum responsis: *Habent Etrusci libri certa nomina, quæ in id genus civium cadere possunt, deteriores, repulsos, quos jam audietis, hos appellant.* Ovid. libr. 2. Fastor.

Augur: erat nomen longis intercidit annis:

Nuper ab Etrusca venerat exul humo.

Sed & *Chartæ Etruscæ* eadem illa monimenta audjunt. Cicero idem libr. 1. de Divinat.

Tum quis non artis scripta ac monimenta volutans

Voces tristificas chartis promebat Etruscis.

Idem libri *Acherontici* dicti, ob terrorem, quem ex iis responsa deprompta incutiebant, sive quia Deorum Inferorum sacra continerent. Arnob. libr. 2. Cont. Gent. *Neque quod Etruria libris in Acheronticis pollicetur, certorum animalium sanguine certis numinibus dato, divinas animas fieri, & a legibus mortalitatis educti.* Servius Maurus ad libr. 8. Æneid. pag. 511.

Nec pater omnipotens Trojam; nec fata vetabant

Stare, decemque alios Priamum superasse per annos.

Notandum, quod hic *Jovem a fatiis separet, cum alibi jungat, ut, sic fata*

Deum Rex sortitur, sed hanc imminentium majorem dilationem, Etrusci libri primo loco a Jove dicunt posse impetrari, postea a fatiis; unde & hic sic ait: Nec pater omnipotens, nec fata vetabunt; atqui supra ait, debita. Sed sciendum, secundum aruspicina libros, & sacra Acherontia, quæ Tagetis composuisse dicitur, fata decem annis, quadam ratione differri, quod nunc dicit Vulcanus potuisse fieri. Libri isti Acherontici non minori apud Etruscos dignatione asservabantur, quam apud Romanos Sybillini, & rebus dubiis responsa petebantur.

Decretum Gratiani Causa 26. quæst. 5. cap. 1. & cap. 5. Concil. Ancyran. cap. 24. Concil. Laodic. cap. 36. Concil. Toletan. 4. cap. 28. Burchard. libr. 10. cap. 19. Wimpina libr. de Divinat. cap. 4. Franc. Picus libr. 6. Prænot. cap. 4. vetitum illud genus sortilegii ostendunt. Halitgarius Episcopus Camerac. libr. 4. cap. 27. *Auguriis vel incantationibus servientem a conventu Ecclesie separandum.*

*Etruscorum inventum Divinatio per aruspicinam:
Tagetis discipulus Bacchetis: peritissimi in
Etruria aruspices: in vitis etiam.*

CAP. II.

EAdem illa Tagetis disciplina auguria complectebatur, & *aruspicinam*, hæc ex avium motu, esu, garritu, volatu, ut notissimum est, hanc in extorum inspectione positam. A Tagete vero *Bacchis* quidam totam hanc scientiam accepisse, & scriptis consignasse ferebatur. Furius Fulgentius libello ad Chalcidium de Vocabulis antiquis in ditione *Labeo*, Etruscam ait disciplinam libris quindecim complexum esse *Labeonem*, quæ volumina *Tagetis & Bacchetidis* appellaverit. Aruspicinam autem deberi Tuscis, auctores plerique superiori proxime capite laudati, docent. Adde Sidonium Apollinarem Carm. 7. v. 54.

*Quid rogo bisseño mibi vulture Tuscus aruspex
Portendit? jaciens primæ cur mania genti
Ominibus jam celsa fui, dum collis Etrusci
Fundamenta jugis aperis mibi, Romule pauper?*

Isidor. libr. 14. cap. 4. *In Tuscia aruspicinam dicunt esse repertam.* Paul. Merula in Fragm. Ennii pag. 71. Et Strabo Amasian. libr. 5. Geogr. pag. 152. Eadem leges apud Cl. Claudianum libr. 1. in Eutrop.

*Fulmineos solers Etruria consulat ignes,
Immensumque nefas fibris exploret aruspex
Quæ nova portendunt superi.*

Hinc

Hinc aruspices Tusci in præcipuo semper honore habiti, ut libr. 4. infra hoc opere: ubi de *Fasulis*. Vellejus Paterc. libr. 2. Histor. Rom. *Juvenis specie excellens, nec dum duodevicesimum transgressus annum, immunisque delictorum paternorum, Fulvii Flacci filius, quem pater legatum de conditionibus miserat, ab Opinio interemptus est, quem cum aruspex Tuscus amicus fientem in vincula duci vidisset: quin tu hoc potius, inquit, facis?* Suidas in voce Σύλλας, *Sylla*, hæc scribit: ὅτι ἐπὶ τῷ Σύλλᾳ τῷ ὑπαίτῃ ὁ ἐμφύλιος Ῥωμαίων ἀμφότῃ πόλεμος. ἐπιστημὴν δὲ τὴν ἰὼν μελάνθων κακῶν φορὰν λίβις φησι, καὶ Διόδωρος. ἐξ ἀνεφέλῃ τῷ ἄερος καὶ αἰθρίας πολλῆς ἥχρον ἀκυστήνῃ σάλπιγγος, ὅξυν ἀποτενύσεως καὶ θρηνηδὴ φθόγγον. καὶ τὰς μὲν ἀκάστευτας ἄπαιδας ἔαφρονες ὑπὸ δέους γενέσθαι. τὰς δὲ τυρρήνων μάχης μέγαβόλῃν ἰσχυροὺς καὶ μελαινόμασιν ἀποφρίνοσθαι σημαίνειν τὸ τέρας. εἶναι μὲν γὰρ ἀνθρώπων ὁκλῶν γένη, διαφέρουσα τοῖς βίοις καὶ τοῖς ἡδέσιν ἀλλήλων. ἐκάστῳ δὲ ἀφωρίσθαι χρόνον ὑπὸ τῷ θεῷ, συμπεριλαμβανόμενον ἐνιαυτῷ μεγάλῃ περιόδῳ. ἡς γὰρ πρῶτα περιόδος τελευτῶσης καὶ ἑτέρας ἐνστάμενης κινεῖσθαι ἢ σημεῖον ἐκ γῆς ἢ ἑρᾶν θραμβάσαν ὃ δὴλον εὖθις τοῖς τὰ τοιαῦτα σοφοῖς γίνεσθαι ἵτι καὶ τρόποις ἄλλοις καὶ βίοις ἀνθρώποις χρωόμενοι γενέσθαι, καὶ θεοῖς ἡτίον τῶν προτέρων μέλλουσαι. *Sylla* consule bellum civile Romanorum exarst, cujus calamitatem prodigiis esse denuntiata *Livius* & *Diodorus* tradunt; sudo enim & admodum sereno cælo clangorem tube auditum esse acuto & lugubri sono, quo omnes, qui audivissent, attoniti fuerint præ metu; Tyrrhenos autem aruspices mutationem generis & Reipublicæ id portentum significare pronuntiasse. Octo enim hominum genera esse, & vitæ & moribus inter se differentia, unicuique vero esse præfinitum tempus a Deo, quod magni anni circuitu absolvetur; itaque priore circuitu desinente, & altero instante, cieri portentum aliquod in cælo aut terra admirabile, quo huiusmodi arcanorum peritii statim intelligant, homines & moribus aliis, & alia vitæ ratione præditos, quique Deo minus, quam superioris curæ sint, extitisse. Hæc est illa vetus Etruscorum Theologia: hæc artis præcepta, a *Tagete* & *Bacchete* percepta, quibus tanta veneratio etiam a Romanis habita, ut nihil publice privatimque molirentur, Tusci non consultis aruspibus. A. Gell. libr. 4. Noct. Atticar. cap. 5. *Aruspices ex Etruria acciti. Tiberius Graccus apud Ciceronem* libr. 2. de Natur. Deor. *Ita ne vero ego non justus, qui & consul rogavi, & augur, & auspicato, an vos Tusci ac barbari auspiciorum populi Romani jus tenetis, & interpretes esse comitiorum potestis?* Idem libr. 2. de Divinat. *Inspiciamus, si placet, exta primum; persuaderi igitur cuiquam potest, ea quæ significari dicuntur extis, cognita esse ab aruspibus observatione diuturna? ecquam diuturna ista fuit? aut quam longinquo tempore observari potuit? aut quomodo est collata inter ipsos, quæ pars inimici, quæ pars familiaris esset, quod fixum periculum, quod commodum ali-quod ostenderet? an hæc inter se aruspices Etrusci, Elii, Ægyptii, Pæni contulerunt?* Et eodem libro aliquot paginis interjectis, originem a *Tagete* commemorat: quæ verba, quia mirifice huc conducunt, ad-

scri-

scribam: *Quæ est igitur natura, quæ volucres, hæc & illuc passim vagantes, efficiat, ut significant aliquid, & tum vetent agere, tum jubeant, aut cantu, aut volatu? cur autem aliis a dextra, aliis a leva, datum est avibus, ut ratum auspicium facere possint? quomodo, autem hæc, aut quando, aut a quibus inventa dicemus? Etrusci tamen habent exaratum puerum auctorem disciplinæ suæ; nos quem? Attiumne Navium?* &c. Initio sane, non nisi Reges & Principes aruspicinam hanc tractabant; nam & Senatorum filii quotannis in Etruriam decem mittebantur, ad tantæ scientiæ arcana perdiscenda; sed nec plebei ea poterant imbui disciplina, aut inaugurari, ut libr. 1. supra hoc opere cap. 9. dictum: *Eaque non Romani modo excellebant, sed & Lycii, & ex his præcipue illi, qui Teloneßum oppidum incolebant; ut narrat diligens historicus Arrianus Nicomediensis libr. 2. de gestis Alexandri, & Cicero libr. 1. de Divinat. Postea tamen & in pagis & vicis omnibus aruspices quæstuosam sordide artem exercebant, dictique ob id Vicani; notat Adrianus Turnebus libr. 5. Adversarior. cap. 23. Q. Ennius ad finem libr. 1. de Divinat. & ego in Licitatione professorum:*

*Non vicanos aruspices, non de circo Astrologos,
Non Isiacos conjectores, non interpretes somnium;
Non enim sunt ii aut scientia aut arte divini;
Sed superstitionis vates, impudentesque barioli,
Aut inertes, aut insani, aut quibus egestas imperat:
Qui sibi semitam non sapiunt, alteri monstrant viam:
Quibus divitiis pollicentur, ab his ipsi drachmam petunt:
De his divitiis sibi deducant drachmam, reddunt cetera.*

*Etruscorum inventum observatio fulminum, & expiatio:
Bigois Nymphæ libri, & scripta de ea re: Cæli in
partes sedecim divisio: Jupiter fulgurator;
alii Dii fulminum præsides: bidental
locus conditi fulminis.*

C A P. III.

IN disciplina Tagetis & Bacchetidis fulmina pertractabantur, eorumque natura, & religio expiandi accurate explicabatur. *Bigois* cujusdam Nymphæ libri recensentur a Servio ad 6. *Æneid.* pag. 402. *Qui libri in templo Apollinis servabantur: nec ipsi tantum, sed & Martiorum, & Bygois Nymphæ, quæ artem scripserat fulgurarum apud Tuscos. Quæ hæc sit Dea, aut Nympha, alii inquirant:*
ego

ego non legi, quod sciam. Claudian. proxime superiori capite laudatus. M. Cicero libr. 1. de Divinat. *Etruria de cælo tacta scientissime animadvertit, eademque interpretatur, quid quibusque ostendatur mon- stris atque portentis.* Sidon. Apollinar. Carm. 5. v. 261,

*Sidera Chaldeus, novit si gramina Colchus,
Fulgura si Tuscus.*

Et Carm. 9. v. 189.

*Nec quæ fulmine Tuscus expiato
Septem numina querit ad bidental.*

Ex hac Tuscorum scientia divinatrice, Cælum in sedecim partes divi- debant, paulo secus, quam Romani, qui artem ab illis petierant, ut disquirat L. Seneca multis libr. 2. Natur. Quæstion. cap. 32. cap. 41. cap. 45. cap. 50. quæ non excribo hic: tu vide, & plene totam hanc differentiam percipies. C. Plin. libr. 2. Histor. Natural. cap. 53. *Extat Annalium memoria, sacris quibusdam & precationibus vel cogi fulmina, vel impetrari. Vetus fama Etruriæ est impetratum, Volsinios urbem agris depopulatis, subeunte monstro, quod vocavere Voltam. Evocatum & a Porfena suo Rege.* M. Cicero libr. 2. de Divinat. *Atque hac extispicum divinatione sublata, omnis aruspicina sublata est; ostenta enim sequuntur & fulgura, valet autem in fulguribus observatio diuturna, in ostensis ratio, plerumque conjectura adhibetur. Quid est igitur, quod observatum est in fulgure? Cælum in sedecim partes diviserunt Etrusci: facile id quidem fuit, quatuor, quas nos habemus duplicare: post idem iterum facere, ut ex eo dicerent, fulmen ex qua parte venisset. Primum id quid inte- rest? deinde quid significat? Non ne perspicuum est ex prima admiratio- ne hominum, quod tonitrua jactusque fulminum extimuisse, credidisse, ea efficere rerum omnium præpotentem Jovem? itaque in nostris Commen- tarius scriptum habemus, Jove tonante, fulgurante, comitia populi habere, nefas. Sed qua id ratione Etruscorum Acheronticis libris id sit expres- sum: & quomodo a Jove, aut ab aliis Diis fulmina dicantur emitti, docet multis L. Seneca locis jam citatis, uti & de fulminum multi- plici differentia: & ex eo transcripsit Simon Majolus, pius & erudi- tissimus vir, & obiter C. Plin. libr. 2. cap. 52. *Tuscorum literæ novem Deos emitte fulmina existimant, eaque esse undecim generum; Jovem enim trina jaculari. Romani duo tantum ex iis servare, diurna attribu- entes Jovi, nocturna Summano. Fuit autem Summanus Pluto, seu Ma- nium Deus.* D. Augustin. libr. 4. Civit. Dei cap. 23. *quasi summus Manium.* Martian. Capella libr. 2. *Factus fulminum vocabant Etrusci manubias, quas ita vanissime distribuebant, venire eos dicentes a supe- rioribus sideribus Saturno, Jove, Marte, sed præcipue Jove, qui colluctan- tes inter se, nimium Saturni humorem, & immodicum ardorem Martis, medius ipse prorumpere cogit: Jovis fulmina mitiora esse tradunt, Saturni læva & execrabilia, Martis cremantia. Itaque Jovis fulmen afflare tan- tunt, levique injuria ledere, Saturni punire ac perimere, Martis accen- dere;**

dere; unde trifurca quoque fulmina appellata nonnulli censent. Alexand. ab Alexan. Neapolitanus libr. 5. Genial. Dier. cap. 13. Abstrusus & illud, quod fulguralibus Etruscorum libris continebatur, ut docet Hadrianus Junius libr. 5. Animadversor. cap. 16. *Ex undecim manubii novem Diis traditis Jovis esse tres.* Vide reliqua: pudet nihil profuturas nugas tandiu retractare, & anilibus fabellis immorari.

Jovem hunc Etruscum descripsi supra hoc opere libr. 1. cap. 17. eum *Elicium*, quod ab fulguratoribus eliceretur, Latini appellarunt: Græcis est *Καταιβάτης*. Jul. Pollux libr. 9. Onomast. cap. 5. *Τὰ μέντοι ἐνηλύσια ὄντως ἀνομιάζετο εἰς ἃ κατὰσχέθει βέλος ἐξ ἄραν, καὶ τὸν Δία, τὸν ἐπ' αὐτῷ καταιβάτην ἔλεγον, περιερχόμενα δὲ τὰ ἐνηλύσια ἀφαιρῶσα ἂν ἔπαιε.* Ita legit hunc locum Paulus Leopardus libr. 7. Emendation. cap. 11. ut notat Wolfgang. Seberus. *Et in ingressu quidem sic vocaverunt, in qua cælitus demittitur fulmen, quod & incutere, & ferire, & immittere dixerunt, & Jovem in eo existentem, descensorem, ambitum autem ingressus, intactum nominabis.* Ubi male Rudolphus Gualterus *Jovem* interpretatur *Descensorem*, quem *Elicium* debuisset transulisse, ex Arnobio libr. 5. in principio, Plutarcho in Numa, Livio 1. Decad. libr. 1. in Tullo Hostilio, & P. Ovidio libr. 3. Fastor.

Elicium Cælo te, Juppiter, unde minores

Nunc quoque te celebrant, Eliciumque vocant.

Elicium hunc Jovem Etrusci fulmen manu dextra tenentem effingebant. Homer. libr. 11. Iliad. v. 182. allusisse videtur; sinistra vero sceptrum, atque illud quidem e cupressu. Jamblichus libr. de vita Pythagoræ cap. 28. *Κυπαρίσσιον γερονέαι τὸ τῷ Διὶ σκήπτρον, ἢ δ' ἄλλων τινῶν μυσικῶν λόγον.* *Jovis sceptrum e cupressu extitisse, vel aliquam aliam mysticam rationem.* Apponam Commodiani MS. e libro 1. Cont. Ethnicos versus, quorum hæc Epigraphe.

DE FULMINE IPSIUS JOVIS AUDITE.

Uicitis, o stulti, Jovis tonat: fulminat ipse,
Et si parvulitas sic sensu, cur annis ducentis
Huistis infantes; numquid & semper eritis?
Aersa in maturum infantia non capit ævum
Tusius: puerilis ætas cessit, sic & corda recedant.
Ivoribus virilibus consilia vestra debentur.
Insipiens ergo Jovem tonitruare tu credis:
Natus hic in terris, lacte caprino nutritur;
Ergo si illum devorasset Saturnus
In istis temporibus, quis pluebat illo defuncto?
Presertim si mortali patre deus nasci credatur,
Saturnus in terris senuit, & defecit in ipsis.
Illum non aliquis prophetavit ante prænasci:

Ael si tonat ipse, lex ab illo lata fuisset.
 educunt historiae per vates conspectae.
 Ie autem in Creta regnavit, & ibi defecit.
 omnipotens vobis factus Alcmenes amator:
 Oivos ipse modo similiter amaret, si viveret ille:
 Iimpuros oratis, & dicitis esse caelestes.
 Ssemine mortali natos de gigantibus illis;
 Auditis, & legitis natum in terra fuisse;
 Unde bene meruit corruptor ascendere caelum?
 Uddicitur & fulmen Cyclopes illi fecisse;
 Immortalis enim habuit a mortalibus arma:
 Tot reum criminibus, parricidam quoque suorum
 Ex auctoritate vestra contulistis in alium.

Unde vocatur tonans, fulminator, fulgurator, fulgerator. Scriptores
 utriusque linguae omitto, Inscriptionibus vetustis contentus. Janus
 Gruterus pag. 21, n. 5. & sequentibus.

IOVI. FVLGVATO
RI. ARA.

Marmor oblongum in Colle Quirinali.

ARAM. IOVIS. FVLGE
 RATORIS. EX. PRECEP
 TO. DEORVM. MON
 TENSIVM. VAL. CRES
 CENTIO. PATER. DEORV
 OMNIVM. ET. AVR. EXV
 PERANTIVS. SACERDOS
 SILVANI. CONFRATIBVS
 ET. SORORIBV. DEDICA
 VERVNT.

Aliud etiam marmor Romae ad D. Petri Basilicam.

DEO. FVLGVRATORI
 ARAM
 ET. LOGVM. HVNC
 RELIG
 EX. HARVSPIC. SENT
 Q. PVBLICIVS. FRONT
 POS. ET
 D. D.

Interamnæ est & Inscriptio huic referenda:

IOVI

FVLMIN. FVLG. TONANTI

RVSTIVS. L. F. AEPIO. PONT

EX. S. C. DEDICAVIT.

Ultima Inscriptio videtur venisse in mentem Luciano Samosatensi in Timone statim in principio: quem locum, quia mihi non ad manum, consule. Ita Poëtæ. Auëtor incertus Priapejorum:

Fulmina sub Jove sunt.

Nonnus Panopolitanus libr. 2. Dionysiacæn. v. 385. Cl. Claudian. libr. 2. de Laud. Stilicon.

*Eiberei patris exemplo, qui cuncta sonoro
Concutiens tonitru, Cyclopum fulmina differt
In scopulos & monstra maris.*

Ex hac Etrusca disciplina reliquiæ fulminis, si reperiri potuissent, terræ mandabantur. Vetus Scholiast. Juvenalis ad Sat. 6. v. 585.

Atque aliquis senior, qui publica fulgura condit.

Aruns ille sacerdos, seu aruspex Etruscus apud M. Lucanum libr. 1. Pharsal. v. 604.

*Dumque illi effusam longis anfractibus urbem
Circumeunt, Aruns dispersos fulminis ignes
Colligit, ac terra tacito cum murmure condit,
Datque locis nomen.*

Nomen hoc *bidental*, a bidente scilicet hostia ibidem cæsa, antequam locus sepiretur; nefas enim erat illum pedibus calcari. Cornelius Fronto Vetus Grammaticus: *Bidental locus fulmine tactus, & expiatus ove; bidentes enim oves appellantur.* Recte sane, sed cum adjectione, quæ duos annos non superaverint. Pleudocornutus ad A. Persii Sat. 2. *Loca de celo tacta, funesta & violata putabamur.* Aliter paulo Paulus Diaconus in glossis MS. *Bidental, locus de celo bis tactus.* Fest. Pomp. libr. 6. in voce *fulguritum*, & libr. 13. in voce *obstitum* ex Cloacio & Ælio Stilone: & libr. 14. in voce *pura vestimenta.* Artemidor. Daldian. libr. 2. Onecirocrit. cap. 8. A. Persius loco laudato:

*An quia non fibris ovium, Ergennaque iubente
Triste jaces lucis, evitandumque bidental.*

Q. Horat. in Arte Poëtica:

*..... an triste bidental
Moverit incestus.*

Et ex eadem scientia fulgurali Etrusca putabantur loca fulmine tacta, non impura modo, sed & parum casta, sive impudica: notat Hadrianus Turnebus libr. 25. Adversarior. cap. 14. Idem Horatius libr. 1. Od. 12.

gium, accerfebantur ex Etruria vates, qui expiationem publicam peragerent. M. Lucan. libr. 1. Pharsal. v. 584.

*Hec propter placuit Tuscos de more vetusto:
Acciri vates, quorum, qui maximus eva
Arans, incoluit deserta menia Lune,
Fulminis edocius motus, venasque calentes
Fibrarum, & matas errantis in aëre penne.*

D. Juvenal. Sat. 13. v. 64.

*Prodigiosa fides, & Tuscis digna libellis,
Quaque coronata lustrari debeat agna.*

Valerius Maximus, proxime supra laudatus, excipit M. Tullii locum ex Oratione de Haruspicum Responsis: Ego vero habeo primum auctores ac magistros Religionum colendarum majores nostros, quorum mihi fuisse tanta sapientia videtur, ut satis superque prudentes sint, qui illorum prudentiam, non dicam assequi, sed quanta fueris perspicere possunt: qui ritas solemnesque ceremonias, pontificatu, rerum bene gerendarum auctoritates, augurio, factorum veteres prædictionis Apollinis, Vatum libris, portentorum explanationes, Etrusca disciplina contineri putaverunt: quæ quidem tanta est, ut nostra memoria primum Italici belli funesta illa principia, post Syllani Cimæique temporis extremum pene discrimen, tum hanc recentem urbis inflammandæ, delendique imperii conjurationem, non obscure nobis paulo ante prædixerunt. Servius Maurus ad libr. 8. Æneid. pag. 508. Quidam dicunt, cum Capitolii, ubi nunc est, fundamenta jacerentur, caput humanum, quod Olli diceretur, inventum, quo omnes sollicitatos conditores misisse in Tusciam ad haruspicem illius temporis nominatum. Hoc ipsum omnibus pene paginis apud T. Livium reperies 1. Decad. libr. 1. Accepisse id augurium læta dicitur Tanaquil, perita, ut vulgo Etrusci, celestium prodigiorum mulier. Et eodem libro inferius: Caput humanum integra facie aperientibus fundamenta templi dicitur apparuisse: quæ visa species haud par ambages, arcem imperii eam, caputque rerum fore portendebat: idque ita cecidere Vates, quique in urbe erant, quosque ad eam rem consultandam ex Etruria acciverant. Et eodem iterum libro, pauculis interjectis, sequitur: Hec agendi portentum terribile visum; anguis ex columna lignea elapsus, cum terrorem fugamque in Regiam fecisset, ipsius regis non tam subito pavore perculit pectus, quam auxiliis implevit curis. Itaque cum ad publica prodigia Etrusci tantum Vates adhiberentur, hoc velut domestico exterritus visu, Delphos, ad inclitum maxime in terris Oraculum, mittere statuit. Ejusdem Decadis libr. 5. Prodigia interim multa nuntiari: quorum pleraque, & quia singuli auctores erant, parum credita spectaque: & quia hostibus Etruscis, per quos ea procurarent, haruspices non erant, in unum omnium curæ versæ sunt. Locus eximius, unde constat, nulla Romæ potuisse portenta dari, nisi per Etruscos: quod usque adeo invaluit, ut vel senis cujusdam Vejantis cavillationi, tanquam peritissimi auguris haruspici-

haruspicide consilio Romani crediderint; ut ibidem loci de lacus Albani emissionem docet Livius.

Quo ritu ex Etrusca disciplina monstra hæc consueverunt haruspices expiare, non est difficile invenire apud probatos auctores: in quo hæc tria, ut plerumque, observata: ut majoribus & lætentibus hostiis sacrificia fierent Diis, quos iratos putarent: ut indiceretur supplicatio ad Deorum læsorum pulvinaria. T. Livius 3. Decad. libr. 2. statim in principio. Q. Symmachus libr. 1. Epist. 43. *Impendio angor animi, quod sacrificiis multiplicibus, & per singulas potestates sæpe repetitis, nec dum publico nomine, Spoletinum piatur ostentum; nam & Jovem vix propitiavit oclava mactatio, & Fortuna publica multijugis hostiis nequicquam undecimus honor factus est. Quo loci simus, intelligis: nunc sententia est, in cætum vocare collegas: curabo, ut scias, si quid remedia divina promoverint.* Tertium genus credebatur expiationis, monstrum ipsum (hoc est τὸ ἔργον διδρασκόντες καὶ ἔρεπον ζῶντος ποσὶν, ut ait glossographus Philoxenus, quippiam hominis habens, & alterius animalis formam) comburere; mactare, in altum mare deportare, ut ex libello Julii Obsequentis, quem cultissimum de Prodigiiis scripsit, non uno loco observari potest. Cl. Claudian. libr. 1. in Eutrop. in principio:

An morbi ventura lues? an nulla colono

Responsura seges? que tantas expiet iras?

Victima? quo diras jugulo placabimus aras?

Consule lustrandi fasces, ipsoque litandum

Prodigio: quæcumque parant hoc omine fata,

Eutropius cervice luat.

Itaque Etrusci haruspices Pontificibus expiationem imperabant, quibus & illi morem gerebant. Lucan. libr. 1. v. 588. ubi Aruns Tusculus:

Monstra jubet primum, quæ nullo semine discors

Protulerat Natura, rapi, sterilique nefandos

Ex utero fetus insausis urere flammis.

Mox jubet, & totam pavidis a civibus urbem

Ambiri, & festo purgantes menia lustris.

Longa per extremos pomeria cingere fines

Pontifices.

Quid discriminis vero sit inter monstrum, portentum, prodigium, ostentum, Grammatici consulendi sunt, Nonius Marcellus, Festus Pompejus, Isidorus Hispalensis, Donatus in Terentii Eunuchum Act. 4. Sc. 3. quos non excipio hoc loco. Id modo satis est huic instituto admonuisse, nullam videri differentiam inter ea; cum omnia ad Etruscam disciplinam, (1) ut expiarentur, spectabant.

Etru-

(1) Hanc Etruscorum circa monstra disciplinam innuere fortasse videtur antiqua hæc Urnula Etrusca, cujus imaginem hic cernis.



Perusia In Marmore Apud Nobiles De Constanziis

V.F. Scul.



*Etruscorum Inventum Cerimoniae, illaeque dictae
Etrusca disciplina, Etrusca ars, maximeque
circa prodigia procuranda occupata.*

CAP. V.

Ritus solemnes ab haruspicibus auguribusque servatus, & Pontificibus praescriptus Romanis, *Cerimonie* dicebantur, a *Cære* Etruriae oppido. Fest. Pomp. libr. 3. *Cerimoniarum causam, alii ab oppido Cære dictam existimant, alii a caritate dictam judicant.* Dionysius Gotthofredus J. C. acutissimus, & variae lectionis, a prisca dictione *Cere*, quod *sanctum* significat, derivari nomen in suis ad Festum notis docet: paulo aliter, quam quisquam doctorum, qui *Cere* quasi *Kαίρε*, *salve*, appellatum contendunt: de qua re alibi libr. 4. infra hoc opere disseretur. Aliam rationem refert Masurius Sabinus apud A. Gellium libr. 4. cap. 9. *Masurius autem Sabinus in Commentariis, quos de Indigenis composuit: Religiosum, inquit, est quod propter sanctitatem aliquam remotum ac sepositum a nobis est: verbum a relinquendo dictum, tanquam ceremoniae carendo.* Locus est corruptus; quis enim ille de Indigenis liber? Corrige igitur manifesto sensu: in *Commentariis, quos de Indigetamentis composuit*; sunt enim *indigetamenta* veluti Catalogus rerum ad sacra aptarum: quo nomine L. Flacci liber laudatur a Cenforino libr. de Die Natali cap. 2. Sicque Masurii Sabini liber fuerit procul dubio de vocabulis ad sacra & Religionem. Sed redeo ad sermonem de procuratione fulminum, & prodigiorum intermissum, & pergo porro.

Ex praecepto haruspicum Tuscorum prodigia Romae expiata, ut dixi. Dio Coccejan. libr. 37. *Τάτε ἄλλα ἐξεδύοντο τοῖς μάντεσι πεδόμενοι. Reliqua prodigia secundum praecepta haruspicum procurata.* Et mirum sane, cum idem scriptor luculentus variis in locis prodigia commemoret, nullibi, nisi hic, eorum procurationem retulisse: puto, quia haruspicum auctoritas aeo illo abolita, quae olim summo in pretio. Diodor. Sicul. libr. 5. Bibliothec. pag. 316. *Γράμματά τε καὶ φυσιολόγιαν ἐξεπύνησαν ἐπὶ πλάσσειν καὶ τὰ περὶ τὴν κεραυνοσκοπίαν μάλιστα πάντων ἀνθρώπων ἐξαργύραυτο: διὸ καὶ μέχρι τῶν νῦν χρόνων οἱ τῆς δικομένης σχεδὸν ὅλης ἡγούμενοι θαυμάζουσι τε τὰς ἀνδρας, καὶ κατὰ τὰς ἐν τοῖς κεραυνοῖς διοσημίας τῶτοις ἐξηγηταῖς χρόνται.* Literis vero, & imprimis *Naturae perscrutationi plurimum studii impenderunt, fulminum considerationi praecunctis mortalibus intenti summopere*; quapropter hac etiamnum aetate totius prope orbis moderatores hos viros admirantur, & prodigiorum per fulmina & ostentorum

torum interpretibus utuntur Tyrrheni sive Etrusci. Aureum testimonium de excellentia Tuscorum, quæ etiam Diodori ævo, hoc est ad Augusti imperium invaluit.

Cerimonie ista *ars Etrusca* vocatur, & *disciplina Etrusca*. M. Cicero libr. 6. Familiar. Epist. 6. Ammian. Marcellin. libr. 23. fusissime: cujus locum, quia non est mihi ad manum, tu consule. Festus Pompejus libr. 18. *Tages nomine, Genii filius, Jovis nepos, puer dicitur disciplinam haruspicii dedisse duodecim populis Etruriæ.* Atque, ut semel dicam, quicquid ad Religionem; aut res sacras pertinebat, id omne *Etruscam disciplinam* appellabant Romani; quia jam tum ante Romam conditam non minus cultu Deorum, quam bellica virtute insignes habebantur Tusci: eaque de causa Numa Rex nullum Deum tanti, ac Janum fecit; quia ille primus Italos docuisset, & bene de Diis sentire, & eosdem reverenter colere. Plutarch. in Problemat. Roman.

Etruscorum inventis accensendus mos orandi manibus supinis, & stando.

CAP. VI.

Modus orandi Deos a ritualibus Etruscorum libris etiam petendus est; nam ex ea disciplina precaturi ante omnia in ipso templi ingressu vertebant se se: postea facie in orientalem mundi plagam obversa, recti in pedes, aut verius pedum primores digitos erecti, supinas manus ad cælum tollebant: quæ singula sunt probanda. Ac primum, quod se verterent C. Sueton. in Vitellio cap. 2. *Idem miri in adulando ingenii, primus C. Cæsarem adorari ut Deum instituit, cum reversus ex Syria non aliter adire ausus esset, quam capite velato, convertensque se, deinde procumbens.* Adulatorios hos in Vitellio Cæsare gestus carpit C. Tacitus libr. 6. Annal. Dio Coccejan. libr. 58. L. Seneca libr. 4. Natural. Quæstion. cap. 1. *Adulandi Plancus artifex ante Vilium maximus: locum corruptum ita restitue, & lege: ante Vitellium maximus.* Sed ad rem nostram idem Suetonius in Vespas. cap. 7. *Hic cum de firmitate imperii capturus auspiciam, ædem Serapidis, summois omnibus, solas intrasset, ac propitiato multum Deo, tandem se convertisset, verbenas, coronasque, ac panificia, ut illic assolet, Basilides libertus obtulisset.* C. Plin. libr. 28. cap. 2. *In adorando totum corpus circumagimus.* Posidonius de moribus Celiarum apud Athenæum libr. 4. consulatur. Notat Obertus Gifanius & Petrus Pithæus libr. 1. Adversarior. cap. 7. Ratio autem, cur se

se converterent, totumque corpus circumagerent, hæc putabatur: vel ut cœlestes motus, cœlorum mundique vertigines exprimerent: vel ut nihil in orbe hoc inferiori stabile ac firmum, sed omnia veluti rota versatili in gyrum agi, vertique significarent. Cœl. Rhodigin. libr. 12. Variar. Lection. cap. 2. Pythagoras in symbolis, observante Jacobo Dalechampio, Medico & Critico doctissimo. Ita Poëtæ. T. Lucret. libr. 5. Rer. Natur.

*Nec pietas ulla est, velatum sæpe videri
Vertier ad lapidem, atque omnes accedere ad aras,
Nec procumbere humi prostratum, & pandere palmas
Ante Deum delubra.*

P. Ovid. libr. 3. Fastor.

*Atque aliquis modo trux, visa jam vertitur ara,
Vinaque dat tepidis farraque salsa focis.*

Et libr. 5. Fastor. idem:

*Cumque manus pure fontana perluit unda,
Vertitur, & nigras accipit ore fabas.*

Sext. Propert. libr. 2. Eleg. 16.

*Ante tuos quoties verti me perfida posses,
Debitaque occultis vota iuli manibus?*

Idem libr. 3. Eleg. 6. corrupte legitur hoc pacto:

*Quæ mulier gravida jactat conivina lingua,
Et Veneris magnæ volvitur ante pedes.*

Joann. Passeratius, Doctor Regius, quem ego Parisius, res Antiquarias eruditissime profitentem, audivi, ex MS. corrigit, & legit:

Et Veneris magnæ vertitur ante pedes.

Versio hæc ad imaginem cœli fiebat *hæc de hæc*, ad dextram. M. Plaut. Curcul.

..... quo me vertam nescio.

Non eo sensu deinde, sed per jocum respondetur:

Si Deos adoras, dextroversum censeo.

Valer. Flacc. libr. 8. Argonautic.

*Inde, ubi sacrificas, cum conjuge venit ad aras
Æsonides, unaque adeunt, unaque precari
Incipiunt, ignem Pollux, undamque jugalem
Prætulit, & dextrum pariter referantur in orbem.*

Huc trahunt illud Virgilii libr. 4. Æneid.

Aut ante ora Deum pingues spatiantur ad aras

2. Ad orientem se convertabant, ut Andreas Tiraquellus, & Barnabas Brissonius multis observarunt, quæ non exscribo hoc loco. Virgil. libr. 8. Æneid.

*Surgit, & ætherei spectans orientia Solis
Lumina, rite cavis undam de flumine palmis
Sustulit, & tales effundit ad æthera voces.*

Tom. I.

Kk

3. To-

3. *Toto deinde corpore erecti stabant*, quo gestu Deorum magnitudinem, suamque in precando alacritatem ac sedulitatem exhibebant. Martial. libr. 12. Epigr. 77.

*Multis dum precibus Jovem salutat
Stans summos resupinus usque in unguis
Æthon in Capitolio.*

4. *Manus denique supinas tollebant*. Servius ad libr. 4. Æneid. pag. 326. MANIBVS SVPINIS, juxta rationem; nam Inferos demissis ad terram manibus invocamus, ut Homerus inducit. Altheam matrem Meleagri, manibus in longum porrectis, ut alibi ipse: passis de litore palmis: Cælestes leva ad cælum, ut modo, & alibi: Duplices tendens ad sidera palmas. Corrige aperto & necessario sensu: Cælestes levatis ad cælum. Ipse Poëta ibidem loci:

*Dicitur ante aras, media inter numina divum
Multa Jovem manibus supplex orasse supinis.*

Pierius Valerianus libr. 35. Hieroglyphic. pag. 365. In Etruscis quoque institutis hoc gestu manuum ad preces utebantur, neque non in devotendis civitatibus, evocandisque diis, cumque Jovem dicebant, manus ad cælum sustollebant. In nummo Gordiani palmæ expansæ cujusdam parvæ icunculæ cum Inscriptione PIETAS AVGVST. Helen. Acron, & Porphyrio grammatici ad Q. Horatii libr. 3. od. 23. *Supinas manus*, supplices interpretantur. Ipse Lyricus:

*Cælo supinas si tuleris manus
Nascente luna, rustica Phidyle.*

C. Petron. in Fragm. Satyrici in bello civili:

*Hesperie campos late prospexit, & ambas
Intendens cum voce manus ad sidera, dixit.*

Virgil. libr. 3. Æneid.

*Corripio e stratis corpus, tendoque supinas
Ad cælum cum voce manus.*

Hic habitus est orantis Deos superos: in sacris vero, aut votis Deorum inferorum terram manibus pulsabant, ut jam ex Servio didicimus. Scholiastes Eschyli, & Scholiastes Sophoclis, Eustathius ad libr. 9. Iliad. v. 564.

Πολλὰ δὲ καὶ γαῖαν πολυφόβῳν χερσὶν ἄλσιν
Κικλήσκουσ' Ἀΐδην, καὶ ἐπαίνην Περσεφόνειαν,
Πρόχην καθεζομένην.

*Multum & terram multa nutrientem manibus pulsabat,
Invocans Plutonem, & gravem Proserpinam,
In genua confidens.*

Papin. Stat. libr. 1. Thebaid. v. 54.

*... crudum ac miserabile vitæ
Supplicium ostentat cælo, manibusque cruentis*

Pulsat

*Pulsat inane solum, sēvæque ita voce precatur:
Dii somes animas, angustaque Tartara panis
Qui regitis. &c.*

*Parentalia Tanitii Etrusci, causa hereditatis nata:
exequiæ anniversariæ: cenotaphium:
Romuli matrix.*

CAP. VII.

TUsci cujusdam nomine *Tanitii* hereditas in causa fuit, ut a Romulo parentalia statuerentur, ut C. Licinius Macer libr. 1. Historiar. Romanar. prodidit, referente Aurelio Macrobio libr. 1. Saturnal. cap. 10. *Fausuli conjugem Acam Larentiam, Romuli & Remi nutricem esse confirmat. Hanc regnante Romulo, Tanitio cuidam Tusco diviti denupiam, auctamque hereditate viri, quam post Romulo, quem educasset, reliquit: & ab eo parentalia, diemque festum, pietatis causa, statutum.* In aliis editionibus, non *Tanitius*, sed *Caruius* appellatur. Parentalia autem, ut a Tanitii hereditate excogitata primum, ita a Numa mirum in modum aucta. Plutarch. in vita ejus. Ovid. libr. 2. Fastor. plenissime. Anniversaria hæc celebritas ad tumulos vacuos fieri solita; quare *κενοτάφιον*, *cenotaphium* vulgo audit. Andreas Alciatus, & alii plerique critici, sed maxime eruditissimus Barnabas Brissonius. *Æl. Lampridius in Alexandr. Cenotaphium in Gallia, Romæ sepulchrum amplissimum meruit.* C. Suetonius Claudio cap. 1. *Exercitus honorarium ei tumulum excitavit. Tumulus honorarius nihil aliud est, quam Cenotaphium, scilicet sepulchrum corpore vacuum.* C. Julius Hyginus in Fabulis: *Fecit in Illo Priamus cenotaphium Paridi.* Dio Coccejan. libr. 55. de obitu Drusi, privigni Augusti, *κενοτάφιον* diserte vocat: & Pausanias in Messeniæ de Aristomene *κενὸν μνημα*, *vacuum monumentum.* Flavius Vopiscus in Florianò: *Horum statua fuerunt Interamnæ duæ, pedum tricenum ex marmore, quod illic eorum cenotaphia constituta sunt.* Palemon in Glossis: *Funus imaginarium, fuisse exponit tumulum sine corpore.* Suidas in voce *Κενοτάφιος*. Sopater in Commentar. Hermagoræ. C. Tacit. libr. 1. Annal. & doctor meus Justus Lipsius, doctrinæ immensæ, judicii summi. Servius Maurus ad illud Virgilii libr. 3. *Æneid.*

*Solemnes tum forte dapes, & tristia dona
Ante urbem in luco, falsi Simoëntis ad undam
Libabat cineri Andromache, manesque vocabat*

*Hecoreum ad tumulum, viridi quem cespite inanem,
Et geminas, causam lacrimis, sacraverat aras.*

Meminere & J. C. Ulpian. l. 6. §. ult. ff. de Relig. & sumptib. funer. Si cenotaphium sit, posse hoc venire dicendum est. Florentinus J. C. lib. 7. Institutionum, *νεκρὰ ἐφ' ὧν* reddit inane sepulchrum. l. 42. ff. eod. tit. Marcianus J. C. lib. 3. Institutionum: Cenotaphium quoque magis placet esse locum religiosum, sicut testis est ea in re Virgilius, ut habetur l. 6. §. ult. ff. divil. rer. & qualit.

Nutrix hæc Romuli Acca Larentia, nomen dedit Larentalibus feriis, quæ mense Decembri celebrari notius est, quam ut dici debeat. Ceterum hæc, quia parum pudicæ vitæ, ideo a lupa Romulum nutritum fama erat, quod sic prostitutas vocarent. Historicos omitto. Isidor. lib. 10. Etymologiar. Lactant. Firmian. lib. 1. cap. 20. Poëtæ passim. D. Ausonius Epigr. 25.

*Credo, quod illi nec pater certus fuit,
Et mater est vere lupa.*

Martial. lib. 1. Epigr. 35.

Abcondunt spurcas hæc monumenta lupos.

Eam ob causam postribula impudicarum lupanaria audiebant, quæ non tantum in litoribus, verum etiam in fornicibus sepulchrorum, in itineribus publicis; quare *devium scortum* dictum eleganter ab Horatio lib. 2. od. 11. Eruditus Savaro ad Sidonium Apollinarem lib. 9. Epist. 6. Q. Catull. Epigr. 35.

Omnes pueri, & semitaria mæche,

Martial. lib. 3. Epigr. 91.

Admittat inter bustnarias mæchas.

Non desunt tamen gravi nomine scriptores, qui veram belluam fuisse Romuli nutricem velint: C. Plin. lib. 8. cap. 17. Joann. Saresburiensis lib. 1. Policratici cap. 13. Jul. Hygin. Augusti libertus in Fabulis cap. 252. Junianus Justinus corruptus lib. 38. *Ipsi ferunt conditores suos lupæ vulneribus alitos.* Ita Gryphiana editio, & Patiensensis; sed corrige: *Lupæ uberibus alitos.* Poëtæ M. Tull. lib. 1. Divinat.

*Hic silvestris erat Romani nominis alitrix
Bellua.*

Aur. Prudent. in Romani Martyris agone:

*Antiquitatem Romuli, & Mavortiam
Lupam renarras.*

Sidon. Apollinar. Carm. 2. v. 119.

Præbuit intrepido mammas lupa feta Quirino.

Et Carm. 5. in principio:

*..... videas hic fusa metallis
Antra Rheæ, fætamque lupam.*

Sext. Propert. lib. 2. Eleg. 6.

Nutritus duro, Romule, lacte lupa,

- Et libr. 3. Eleg. 8. Idem:
Eductosque pares silvestri ex ubere Reges.
- Et libr. 4. Eleg. 1.
Optima nutricum nostris lupa Martia rebus
Qualia creverunt mania lacte tuo?
- Ejusdem libri Eleg. 4.
... quem non sine matris honore
Nutrit inhumanæ dura papilla lupa.
- Martial. libr. 2. Epigr. 75.
A nostra pueris parcere disce lupa.
- Ovid. libr. 2. Fastor.
Lacte quis infantes, nescit crevisse ferino?
- Claudian. libr. de Bello Getico:
Nutricemque lupam Romæ.
- Et Paneg. de Consul. Olyb. & Prob.
Hinc patrius Mavortis amor, partusque notantur
Romulei, post annis inest, & bellua nutrit.
- Atque adeo statuam ei belluina specie erigebant Romæ, & in omnibus Italiæ municipiis. Fest. libr. 18. in voce *Ruminalis*. Et C. Plin. libr. 15. cap. 18. Gestus autem lupæ erat, ut pendentibus ab uberibus suis puerilis reclinata cervice adblandiretur. Servius Honoratus Maurus ad libr. 8. Æneid. vers. 632. Vetus Scholiastes Juvenalis ad v. 104. Sat. 11.
Romuleæ simulacra fere mansuescere jussæ.
- Sidon. Apollinar. Carin. 5. in clypeo Romæ ipsius:
... fetamque lupam, quam fauce relecta
Blandiri quoque terror erat, quamquam illa vorare
Martigenas & picta timet.
- Ex Virgilio indubie mutuatus libr. 8. Æneid.
... illam tereti cervice reflexa
Mulcere alternos, & corpora fingere lingua.
- Plura de Parentalibus, verisque sepeliendi ritibus vide libr. 5. Anti-quitat. Roman. cap. ult.

*Etruscorum inventum Salii sacerdotes: Samothracum
sacra: ii postea ad Martem & Herculem a Romanis
traducti: Præsul: amptuare, redamptuare:
cæne Saliæres ex decimis: polluctus: scy-
phus Herculanæus ad sacra: axamen-
ta: cbori Saliorum duo.*

C A P. VIII.

QUemadmodum cæremonias colendi Deos Etrusci primi Ita-
los docuerunt, ita & sacerdotes primi iidem Diis institue-
runt. Servius Maur. ad libr. 8. *Æneid.* pag. 503. *Salii sunt,
qui tripudiantes aras circumibant: saltabant autem ritu veteri
armati, post victoriam Tiburtinorum de Volscis. Sunt autem Sa-
lii Martis & Herculis, quoniam Chaldei stellam Martis Herculem di-
cum, quos Varro sequitur: & Tiburtes Salios etiam dicaverant. Quidam
hos a saltu appellatos tradunt, quos alii a Numa institutos, ut arma an-
cilia portantes saltarent, ergo bene a saltu appellati. Horum numerum
Hostilius addidit; nam duo sunt genera Saliorum, sicut Saliaribus carmi-
nibus invenitur: Collini & Quirinales a Numa instituti: ab Hostilio vero
Pavorii & Pallorii instituti. Habuerunt sane & Tusculani Salios ante
Romanos. Alii dicunt Salium quemdam Arcadem fuisse, qui Trojanis
iunctus, hunc ludum in sacris instituerit. Nonnulli tamen, hos a Dardano
institutos volunt, qui Samothracibus Diis sacra persolverent. Quidam
etiam dicunt, Salios a Morro Rege Vejentorum institutos, ut *Alexus Ne-
ptuni filius eorum carmine laudaretur, qui ejusdem Regis familia aucla
ultimus fuit* (1). Ex hisce dissentientibus sententiis duæ ortum Salio-
rum Etruscis tribuunt: prima *Vejentum* principi: altera *Dardano*, qui
& ipse Regis Etruriæ filius erat, quique cæremonias Deorum Samo-
thraciorum instituit, quibus nihil in veteri de Diis disciplina illu-
strius continetur, ut sequenti capite diceretur. Salios hosce Numa,
ad custodiam *Anciliorum* excubare voluit. Plutarch. in Numa. Quod
festum erat V. Nonas Martii. Vetus Calendarium Romanum. Aldus
Manutius libr. 2. Quæsit. per Epistol. Polemon & Critolaus, vetustis-
simi auctores, in varia sententia videantur apud Festum Pompejum
libr. 17. in voce *Salios*. Ovid. Fast.*

.... *qua-*

(1) Hoc magis elucet ex antiqua sculptura in achate in Museo Magni Ducis Etruriæ apud
Maffæum ad gemmas Leonardi Augustini par. 3. tabul. 80. ubi cernere licet duos Sa-
lios ancilia ferentes, additis nonnullis Etruscis literis.

... quare cœlestia Martis

Arma ferant Salii, Mamuriumque vocent.

Dionys. Halicarnass. libr. 2. Antiquitat. pag. 130. Καὶ ἔστιν ἕως τῆς πομπῆς ἡγεμόνες καλούμενοι πρὸς αὐτῶν ἐπὶ τῆς παιδείας τῆς ὑπὸ Λυδῶν ἐξευρηθεῖσαι δοκίμης Λυδίωνες. *Suntque hi pompe ductores, & ex ludicro, a Lydis, ut videtur, invento, Ludiones appellantur.* Sic ille concludit totum de Saliorum institutione sermonem. Unde appareat a Lydis, hoc est Etruscis, originem suam eos traxisse. D. Juvenal. Sat. 2. v. 124.

Arcano qui sacra ferens nutantia loro

Sudavit clypeis Ancilibus.

Antiquissimo ergo ritu *Alesi* sacerdotes erant Salii, ut ex Servio proxime supra didicimus: tum Martis ex institutione Pompilii Regis. T. Livius 1. Decad. libr. 1. in Numa, & in Tullo Hostilio. Tum demum ad Herculem traducti a Virgilio libr. laudato:

Tum Salii ad cantus incensa altaria circum

Populeis adsunt evincti tempora ramis.

Quod Evangelus Virgilio vitio vertit, sed Prætextatus cum tuetur ex auctoritate M. Terentii Varronis Rer. humanar. libr. 11. Chaldaeorum disciplinæ, Octavii Herfenii, Antonii Eniphonis, & Ennii, ut recitat Macrobius libr. 3. Saturnal. cap. 12. Chori duo saltantes carmina illa solemnia proferebant: unus erat *juvenum*, ut fusissime Halicarnass. loco proxime supra laudato: Virgil. loco etiam citato, alium chorum *senum* facit:

Hic juvenum chorus, ille senum.

Carmina hæc laudes Deorum continebant, quæ *axamenta* veteri vocabulo dicebantur. Fest. Pomp. libr. 1. Fueruntque hæc *carmina Romane poëtice initium*, in quæ condidit *interpretationem Ælius*, homo in *Latinis literis exercitissimus*. Varro libr. 4. de Ling. Lat. Quod inventum & scriptum putatur a Numa Pompilio Rege, ideo obscurissimum genus loquendi habebatur. Horat. libr. 2. Epist. 1.

Jam Saliare Numæ carmen canit.

Versus isti a Diis nomina sumebant, in quorum honorem scripti, ut *Jovialis*, quod Jovis facta, *Junonii*, quod Junonis, *Minervii*; quod Minervæ, *Apollinii*, quod Apollinis laudes continebant, ut notavit Hadrianus Turnebus libr. 22. Advers. cap. 25. Glossæ veteres Philoxeni tamen generaliter omnes eos versus ad Herculem trahunt: *Axamenta*, is inquit, ἄρχος ἐπὶ θυσιῶν Ἡρακλέους, *versus in sacrificiis Hercules*. Ad horum sacrificiorum pertinet solemnitatem locus M. Ciceronis libr. 5. Epistolar. ad Atticum, Epist. 12. ubi *strues Salinarum* legitur, pro quo *strues Saliorum* legendum; nam extruebantur ingentes ignes ad sacrificium Herculis peragendum. Qui Salii hisce præerat, *Magister*, *Præfectus*, & *Præsul* interdum nominabatur, qui chorum incipiebat, & modum saltandi ceteris præscribebat, quod & illi obsoleto vocabulo, exprimebant, ut alia omnia; dicitur enim *Præsul amptuare*: cho-

chorus deinde, sive qui sequebantur undecim, motu ei respondebat idonco, quod voce sacra est *redamptuare*. Lucilius:

Præsul ut amptuat, inde & volgu' redamptuat olli.

Denique Romano ritu hi omnes duodecim patricii erant, & lautissimis epulis accumbabant, ut *Saliæres cæna* pro opiparis in proverbium cesserint. Flor. Tertullian. Apolog. cap. 39. *Saliis cænaturis creditor evit necessarius, Herculanarum decimarum, & polluctorum sumptus tabellarum supputabunt.* Franc. Zephyrus Florentinus Paraphrastes: *Quid Salii? nonne suas cænas tanto instruunt sumptu, ut principibus publicanorum decumanis, Herculis decimas locare cogantur? Unde & opiparæ humioresque epula Saliæres vulgo vocantur.* Quem Tertulliani locum putarunt aliter legendum, & pro *polluctorum*, substituendum *pollinctorum*; sed male, nam *polluctus* libamentum ex decimis aræ Herculis impositum. Varro libr. 4. Ling. Lat. Plautus in Rudente:

Ut decumam partem ex voto Herculi polluceam.

Convivio isti seu cænæ capacissima pocula adhibebantur, quæ *Herculanei scyphi* dicti, cujus meminere Macrobius libr. 5. Saturnal. cap. 21. Plutarchus in vita Alexandri ad finem. Q. Curtius libr. 10. Athenæus libr. 11. & libr. 12. Dipnosophist. abundantissime. L. Seneca Epist. 83. Cicero Actione 6. in C. Verrem, Nicetas Choniates historicus insignis, ubi de Camatero Logotheta: quorum omnium verba posita vid. libr. 5. Antiquitat. Romanar. cap. 30. Virgilius libr. 8. *Æneid.* & ad eum locum Servius Honoratus:

Et facer implevit dextram scyphus.

*Etruscorum inventum Samothracia Deorum sacra,
& quæ illa: Dii magni, boni, potentes.*

C A P. IX.

SAcra etiam Samothracia ab Etruscis originem ducunt, ut superiori capite ostendi, instituta scilicet a *Dardano Corinthe Regis Etruriæ filio*, ut libr. 2. dictum cap. 10. Q. Flor. Tertullian. Apolog. cap. 7. *Cum vel ex forma omnibus mysticus silentii fides debeat, Samothracia & Eleusinia reventur.* Idem libr. de Spectacul. cap. 8. *Columnas sessias a sementationibus, messias a messibus, turelinas a iurelis fructum sustinent: ante has tres aræ, trivis Diis parent, magnis, potentibus, valentibus, eosdem Samothracas existimant.* Fest. Pomp. libr. 17. in voce *Salios*. M. Varro libr. 4. Ling. Lat. *Terra enim & cælum, ut Samothracum initia docent, sunt Dii magni, & bi, quos dixi multis nominibus; nam neque quas Ambrastra ante portas statuit, duas viri-*

viriles species abenias, Dei magni, neque, ut vulgus putat, hi Samothracæ Dii, Castor & Pollux; sed his mas & femina, & hi quos augurum libri scriptos habent sic, Divipotes: & sunt pro illis, qui in Samothrace θεοὶ δυνατοί, hæc duo, cælum & terra, quod anima & corpus. In quibusdam editionibus hæc verba: quas Ambrosia ante portas statuit: aliter paulo, quas Imbrasia; sed corrige, quas Samothracia; de illius enim gentis sacris & initiis sermo hoc loco. Nigidius Figulus, diligens Antiquitatis illustrator, libr. 19. de Diis, Cornelius Labeo libr. de Diis: Penatibus, ad Apollinem & Neptunum traducunt. Sed M. Varro Rer. Humanar. libr. 2. ad Dardanum Etruscum initiorum horum & Sacrorum inventionem refert, quibus Demarathus Corinthius, & filius ejus Tarquinius, gente Tusculus, initiati fuerint. Cassius Hemina eodem Samothracas Deos & Penates apud Romanos esse censet, scilicet θεὸς μέγας, θεὸς χρηστὸς, θεὸς δυνατός, Deos magnos, Deos bonos, Deos potentes; quæ omnia tria volunt Virgilium expressisse variis in locis. libr. 5. Æneid.

Cum sociis natoque Penatibus & magnis Diis

Hic Magnos Deos libr. 1. Bonos Deos expressit:

Adsit lætitiæ Bacchus dator, & bona Juno.

Denique potentes, sive, ut Tertullianus ait, valentes Deos describit. libr. 8. Æneid.

..... dominamque potentem

Supplicibus supera votis.

Eosque omnes intelligi putant ab eodem libr. 2. Æneid.

Sacra suosque tibi commendat Troja Penates.

Nam eos Dardanus in Asiam ex Samothracia, Æneas vero ex Asia in Italiam transfulisse censetur. Macrobi. libr. 3. Saturnal. cap. 4. Dionys. Halicarnass. libr. 2. Antiquitat. Romanar. pag. 127. Idemque curiosa indagine investigat, qui nam illi sint ex Callistrato historico, & ex antiquarum fabularum collectori Satyro, & Aratino, omnium poetarum antiquissimo, quorum placita consule apud eundem libr. 1. pag. 55. Servius Honoratus ad libr. 3. Æneid. in principio pag. 262. Alii Deos magnos Cælum ac Terram putant, ac per hoc Jovem & Junonem, Dii Penates a Samothracia sublati, ab Ænea in Italiam advecli sunt, unde Samothracæ cognati Romanorum esse dicuntur: quos inter cetera ideo Magnos appellant, quod de Lavinio translati Romam, bis in locum suum redierint; quod Imperatores in provincias ituri, primum apud eos immolabant, quod eorum nomina nemo sciat, quod præsentibus sentiantur. Vide quæ sequuntur. Nemo tam doctè, nec tam accurate de istis disseruit: & hoc sane præclarum, Romanos Imperatores iis sacra instituere solitos, priusquam in provincias proficiscerentur. Quin & præcipua illi dignatione Romæ, adeo ut iusjurandum nullum efficacius haberetur, quam quod per illos concipiebatur. Juvenal. Sat. 3. v. 144.

..... jures licet & Samothracum

Tom. I.

L1

Et

Et nostrorum aras.

Imaguncule horum, dum primum transferrentur, *lignee*, postea *statue ferree*, ut Halicarnasseus libr. 1. loco laudato, quo illud plerique doctorum trahunt T. Lucretii libr. 6.

Exultare etiam Samothracia ferrea vidi.

Templorum apud Etruscos usus antiquissimus. Templi variae significationes, quæ plerique populi aspernati: jure belli non sunt sacra, sed pro libidine victorum polluebantur.

C A P. X.

Templa quoque Diis iidem Etrusci antiquitus erexerunt (1). Pollio. Vitruvius libr. 4. Architect. cap. 7. *De Tuscanis rationibus ædium sacrarum* epigraphe est; deinde ordine suo fabricam exequitur: tanta autem Tuscorum in templis condendis solertia & dignitas erat, ut Romani eos advocarent ædes sacras structuri, quorum opera uti possent. Tit. Livius 1. Decad. libr. 1. ad finem. *Intentus Tarquinius perficiendo Templo Capitolino, fabris undique ex Etruria accitis, non pecunia solum ad id publica usus est, sed operis etiam ex plebe.* Erat autem templorum Tuscorum *forma rotunda*, qualem describit Halicarnasseus libr. 4. pag. 259. Εποίηθη δ' ἐπὶ κρητὶδος ὑψηλῆς βεθνηκὸς ἐκλάπλεθρος τὴν περίοδον, διακοσίων ποδῶν ἔγγυσα τὴν πλευρὰν ἔχων ἐκάστω. ὀλίγον δ' ἔτι τὸ διαλλάττον ἔυροι τις ἀντὶς τοῦ ὑπεροχῆς τῷ μήκους παρὰ τὸ πλάτος, ὅδ' ὕλων πεντεκαίδεκα ποδῶν. *Fundatum est in alta crepidine, octo jugerum ambitu, ducentis ferme pedibus patens per latera singula, exigua longitudinis, & latitudinis differentia; latitudinem enim a longitudine non totis quindecim pedibus superari compertis.* Xenon historicus vetus libr. 1. Rerum Italicarum refert apud Macrobi. libr. 1. cap. 9. Saturn. *Janum in Italia primum Diis Templo fecisse, & ritus instituisse sacrorum.*

Sed variae sunt significationes. 1. *Templum est cæli regio.* Jacobus a Cruce. Bononiensis Annotation. in Ovidium. Septimius poeta in hymno Jani, ut scripsit Victorinus Rhetor:

Cui referata mugium aurea se cæli Tempia.

Licet Terentianus Maurus libr. de metris non *templa* legat, sed *claustra*. Multus est in hac significatione T. Lucretius Carus libr. 1.

... nec cæli lucida templa.

Et

(1) Etruscos templa erexisse ostendunt etiam picturæ ex vasibus desumptæ, & hic appositæ.



Vas Fictile Alum. Ped II Vn VI



C. M. sculpt.

Romæ Apud Enn. Card Gualterio



Vas Fictile. Alt. Ped. III. In Museo Mediceo



Pars Postica

V. Franceschini scul.






Figura depictæ in antica uasis antecedentis not. lit. A

A. Equus et capistrum coloris albi

B. Partes nudee huius figuræ sicuti earum, quæ sunt in Tab. xxxii. coloris carnei. Chlamys rubei coloris; galea flaua, cuius pars anterior, buccula et crista, et hasta et corona in dextra, albæ, globus in uertice hastæ rubeus. Parmula et gladius suspensi albis uitis flauis coloris, sed gladius magis saturi. Huius uasis et alterius Tab. xxxii. figuræ deorsum delineatæ sunt in fundo nigro: cedicula uero et ornamenta per totum uas, nigro, flauo alboque coloribus uarie dispositis: depictæ, et figurarum et ornamentorum partes lineis nigris uel subnigris distinguuntur et in umbris colores magis saturi adhibiti sunt.




Tab. XXIX.

Tom. I. pag. 266.



Figura Superioris Varii Notati Litera A Hinc Inde Depicta

V. Franc.chini scul.



Vas Fictile Alt. Ped. IV

In Museo Mediceo

Paro Antica


Vit. Franc. d'Ani. Joub.



Idem Vas B Ex Parte Posteriori

Pin. 1. 1. 1. 1. 1.





Figurae in parte antica eiusdem Vasis. B

Figurae A. Chlamys spadicea, pileus, capilli, barba et bacillus albi, gladius flavi coloris.

Figurae B. pallium flavi coloris, capilli et barba albi sub iussu coloris: uittae ad brachium et ad summum pectus et hasta rubrae. Sella et subsellium col. flavi. Puluillus et regula in fronte subsellii rubri coloris.

Figurae C. Chlamys alba bulla adstricta, rubri coloris, capilli flavi, corona alba, hasta alba, in aspicula et in una parte flaua, petasus post humerum albus. Pendent ab epistulio dypeus et galea ad formam pilei, dypeus coloris albi, gladius flavi cum uittis albis quo ad caetera uid. descript.

Tab. XXIX.





Tab. XXXIII.

Tom. I. pag. 266.



Picturae In Latere Sinistro Eiusdem Varii B

Vin. Franceschini scul.





Tab. XXXIV

Tom. I. pag. 266.



Picturae In Latere Dextero Eiusdem Vasis B

Vin. Franc. 1780.





Tab. XXXV

Tom. I pag. 266.



Figurae In Operculo Eiusdem Variæ B

Vin. Brancichini 1734



Et libr. 2. Idem:

Id rursus cæli rellatum Templa receptant.

Et rursus libr. 5.

Per cæli volvunt passim se immania Templa.

Fest. Pomp. libr. 11. in voce *Minora templa*. Q. Ennius in Annalibus:

*Quamquam multa manus ad cæli cæcula Templa
Tendebam lacrimans.*

2. *Templum* est quilibet *locus clausus*, etiam profanus, nec augurio consecratus. Janus Parrasius in quæstis Epist. 57. Fest. Pomp. libr. 3. in voce *contemplari*. M. Varro libr. 6. Ling. Lat. *Curia Hostilia Templum est, & tamen sanctum non est*. Hoc est, *quidquid patis, bastis, aut aliqua re simili claudi potest*, Templi nomen meretur. Servius Maurus ad libr. 4. *Æneid*. v. 199.

*Templa Jovi centum latis immania regnis,
Centum aras posuit.*

3. Nomine templi significare solent *sepulchrum*; nata inde veteribus superstitione, ut cippi seu tumuli amicorum morte obitorum pro templis religiose colerentur, ut ostendit Clemens Alexandrinus in Protreptico, Lilius Gyraldus Ferrariensis Syntagmate de Diis gentilibus 17. Non. Marcell. cap. 6. num. 92. intelligendusque Virgilius eo sensu libr. 4. *Æneid*. v. 457.

*Præterea fuit antiquo de marmore Templum
Conjugis antiquæ.*

4. Denique *Templum* est Deo consecratum *ædificium* (de quo Rudolphi Hospiniani Tubingensis ingens est volumen) hinc scite *Penates hominum sunt, Deorum Templa*. Luctatius Placidius ad v. 643. libr. 1. Thebaidos Statianæ. Artemidor. Daldian. libr. 3. Onerocritic. cap. 63. & libr. 4. cap. 39. & libr. 5. cap. 1. Jul. Pollux libr. 1. Onomast. cap. 1. num. 22. Et de causis orandi in templis Deos Flavius Blondus varie discutit libr. 1. de Roma Triumphante. Corrigendi quidam Scriptores. D. Agobardus Lugdunensium Archiepiscopus, coætaneus Carolo Magno, in obitu Caroli & Ledradi Episcopi.

Hic dum basilicas Deo dicatas

Et Chris subeunt veneranda Templa.

Maculam sic elue, & lege:

Et Christo subeunt verenda Templa.

P. Ovidius libr. 2. Fastor. vitio etiam infectus, ubi hæc ad Augustum scribit:

Cetera ne simili caderent labefacta ruina,

Cavit sacra provida cura ducis.

Sub quo delubris sentitur nulla senectus,

Nec satis est homines, obligat ille Deos.

Templorum positor, templorum sancte repertor,

Sit superis, oro, mutua cura tui.

Non potest fane Augustus esse templorum repertor; cum ante illum & templa, & eorum ornamenta essent in honore; corrigendus itaque:

Templorum positor, Templorum sancte refector.

Ratio ex C. Suetonio in Augusto cap. 40. petatur: *Ædes sacras, aut incendio consumptas, aut vetustate collapsas, refecit.* Eginartus, seu verius Kynehardus Scotus, Caroli Magni Cancellarius, in ejus vita: *Ædes sacras tamen ubicumque in regno suo vetustate collapsas comperit, pontificibus & patribus, ad quorum curam pertinebant, ut restaurarentur, imperavit. Quem locum, ut solet, ex Suetonio ille mutuatus est.*

Etruscus itaque Janus primus in Italia templa excogitavit: extra Italiam vel Pelasgus, vel Thessalus, vel Eleutherus, vel Phoroneus, vel Otrita Amazon, vel Lycaon Diis fana constituerunt, ut scribit C. Julius Hyginus fabular. cap. 225.

Neque vero omnes gentes consenserunt, ut Dii Templis structis colerentur, atque, ut exclamat Arnob. libr. 5. Cont. Gent. *Non omnibus Diis Tempia devota.* Et *Coronidi Deæ* nullum fanum Sicyonii erexerunt. Plutarch. & Pausan. in Corinthiac. Et eorum exemplo Athenienses *Clementiam* sine fano colebant, nec statuam ei dedicabant, sed in aperto luco aram adorabant. Claudian. libr. de Bello Gildonico:

..... *sentibus aram*

Et proprium miseris numen statuistis Athenæ

Stat. Papin. libr. 12. Thebaid. v. 493.

Nulla autem effigies, nulli commissæ metallo

Forma Deæ, mentes habitare, ac pectora gaudet.

Perseæ Tempia respuebant, quod *majestatem Solis*, quem venerabantur, putarent *nullis tectorum angustiis coercendam*. Strabo libr. 15. sive, ut loquitur M. Tull. libr. 2. de Legib. *non esse parietibus includendos Deos, quibus omnia deberent esse patentia ac libera, quorumque hic mundus omnis Templum esset ac domus.* Quod institutum ex doctrina Magorum profectum, Laërt. libr. 1. Est & locus Herodoti apud B. Brissonium libr. 2. de Regio Persar. Princip. pag. 216. Quare in Græciam cum numerofo exercitu irrumpentes *Templa omnia vastarunt*. Maxim. Tyrius ferm. 38. ob id eos *Diis hominibusque invisos* appellat Alconius Pædanius in Act. 2. Verrin. quod *Diis dedita Tempia ruinis ac ignibus delevissent*; ut loquitur apud Q. Curtium Rufum libr. 3. Alexander. Solisque Deliaci templo, ac Ephesino pepercerunt, quod Soli, & Lunæ, quos ipsi colebant, sacra ea essent. Scholiastes Aristophanis in Pacem. Neque deinde vastata ea Tempia Græci restaurare deinceps voluerunt, *ut hostilis impietatis & barbaricæ truculentie monimentum maneret*. Pausan. Phocic. quo nomine præsertim Jones præ aliis Græciæ populis laudati. Isocrat. in Paneg.

Et licet sacrum esset Templorum jus, ut libr. 2. Antiquitat. Rom. cap.

cap. 2. ostendi; tamen jure belli, non minus quam profana, victori cedebant, licet Alexander Macedo, *Thebis captis, sacris pepercerit, agros reliquos in prædam dederit*. Arrian. libr. 1. de Gest. Alexandri; nam & *reverentia iis summa debetur*. Salvian. Massiliensis libr. 3. de Provid. Dei. Id memorabili exemplo Agesilaus præstitit. Xenophon libr. 4. Græcar. *Jus belli*, ut dixi, plenam potestatem in ea faciebat. Balthazar Ayala Belgicorum exercituum quæstor. Unde illud Jctorum celebre, *capta ab hostibus desinere sacra aut religiosa esse*. Paulus J. C. l. 4. ff. de sepul. violat. Pomponius J. C. l. 36. ff. relig. & sumpt. Heliodorus Emefenus Phoenix cultissimus auctor libr. 8. Æthiop. *captivi sunt πολέμου νόμου belli lege*. M. Cicero libr. 2. in Rullum. Ex Trogo Pompejo Junianus Justinus libr. 31. Liv. 1. Decad. libr. 2. Curt. libb. 4. 5. 7. 8. Q. Symmachus libr. 1. Epist. 64. videantur a me laudati, aut correpti in Antiquitatib. Ita poetæ. Statius libr. 12. Thebaid. v. 561.

*Non querimur casos, hæc belli jura vicesque
Armorum.*

Horat. libr. 4. od. 4.

*Vastata Penorum tumultu
Fana Deos habuere reotos.*

Valer. Flacc. Argonautic. libr. 5.

*..... an Martia Templa
Intemeranda minus, tacitus mihi lucus, & agger
Quod rudis & sola colimur frigentibus umbra.*

Pet. Apollonius Collatius Excidii Hierosolymitani libr. 1.

*Nil superest, tandem veteri nisi lege relicta
Crudeles iterum Templum spoliare Quirines.*

Et eodem libro post:

*Magnus & banc domuit, Templique in limina victor
Irruit, hicque suos jussu stabulare jugales.*

Et libr. 4. de Tito urbe potito:

*..... nam parcere sacro
Ille loco, saltemque urbis monumenta manere
Una cupit.*

Aurel. Prudent. libr. 2. in Symmach.

*Ab quoties ductor Macedum fortissimus altos
Templorum cineres victis cumulasset Amyclis.*

Ultimus hic, & posterior verius & corruptus est, & historiæ repugnat; quid enim Alexandro cum Spartanis? Optime MS. restituit:

Templorum cineres victis cumulavit ab Indis.

Nec non mendo non vacat Silius Italicus libr. 13. Punic.

*Ne flammam tædæque velint, ne Templa sub uno
In cinerem transisse rogo.*

Viderunt plerique erratum, sed pauci potuerunt ei mederi. Lege ex MS. Franc. Modii Novantiquar. Læction. Epist. 62.

In cinerem traxisse rogo.

M. Lucan. libr. 1. Pharsal. v. 381.

Si spoliare Deos, ignemque immittere Templis

Numina miscebit castrensis flamma Monetæ.

Et iratus Cæsar apud eundem libr. 5. v. 304.

Non illis urbes, spoliandaque Tempia negasset,

Tarpejamque Jovis sedem.

Nobilissimum est & historicum exemplum de Templo Hierosolymitano, bis a Romanis, capta urbe, profanato, devastatoque, primum a Pompejo Magno, iterum a Tito Vespasiani filio. Pompejus quidem *Templum reseat, jure victoris, non devotione supplicis*, ut loquitur D. Augustinus libr. 18. Civitat. Dei cap. 44. & ante illum C. Tacit. libr. 5. Historiar. & post eundem Otto Friulingensis libr. 2. Chronicor. cap. 46. Et de legatione Philonis Judæi sub Tiberio Aug. idem libr. 3. Chronicor. cap. 13. & Hegefippus libr. 5. Excid. Hierosolymit. cap. 46. si tamen auctor non est spurius, quod probabilius mihi.

A Tito vero idem Templum captum, directum, incensum, historiar. profanæ. Dio Coccejanus diligentissimus libr. 66. Histor. Roman. Contigit hæc clades anno postquam conditum fuerat *millesimo octuagesimo nono*. Ado Viennens. Ætate 6. Chronicor. pag. 115. aut *millesimo centesimo secundo*. Paul. Oros. libr. 7. cap. 9. sed id tamen delecturus flevit Titus. Constantin. Manasses Chronicor. pag. 55. quod se videret unicum puniendis Judæis a Deo destinatum. Michaëlius Glycas Annal. part. 3. pag. 334.

*Apud Etruscos aræ Deorum: sepulchris appositæ:
in Comædiis: morituri eas amplectebantur: im-
munitatem præstabant: eas juraturi tene-
bant: dedicatio: fluvii erectæ.*

CAP. XI.

A pud Etruscos aræ Deorum in usu erant, ut clarissime patet ex Livio, egregium Mutii Scevolæ facinus referente libr. 2. Decad. primæ: qui etiam Mutium sic inducit loquentem ad Porſenam, qui minitabundus extorquere ab eo volebat, quæ nam illi a Romanis infidiæ pararentur: *En tibi, ut sentias, quam vile corpus sit iis, qui magnam gloriam petunt, dextramque accenso ad sacrificium foculo inicit: quam cum velut alienato ab sensu torreret animo, prope attonitus miraculo Rex, cum ab sede sua proſiliisset, amoverique ab altaribus juvenem jussisset &c.* Valerius Max. quoque libr. 3. cap. 3. eandem historiam narrans altare in castris fuisse commemorat: *Quum a Porſena Rege Etruscorum urbem nostram gravi ac diutino bello urgeri ægre ferret, castra ejus clam ferro cinctus intravit: immolantemque ante altaria conatus est occidere.* Videndus est etiam Sextus Aurel. Victor de Viris Illustribus cap. 12. *Accepta potestate, in castra Porſennæ venit, ibique purpuratum pro Rege, deceptus occidit. Apprehensus, & ad Regem pertractus, dexteram aris imposuit.*

Q Fabius Pictor apocriphus libr. 1. refert, Janum aras primum intulisse in Etruriam: quod quidem valde verosimile videtur (quamvis scriptor hic sit suppositus) nam Janus templa Deorum, & alia ad sacrificia pertinentia in hanc Regionem invexit (1).

Ad sepulchra erigi solitæ. Hieronym. Magius observat; unde in Apotheosi illa mystica Cæsaris sub persona Daphnidis apud Virgilium Eclog. 5.

*..... en quattuor aras
Ecce duo tibi, Daphni, duoque altaria Phæbo.*

Et libr. 3. *Æneid.* vittatas eas aras funebres indicat:
*Aggeritur tumulo tellus, stant manibus aræ
Ceruleis mæste vittis.*

Et

(1) Quod ara fuerit in castris Porſennæ, cui manum imposuerit Scevola, consentiunt gemme antiquæ apud Leonardum Augustinum, & in additionibus Maffæi par. 4. n. 9. & 10. Usus ararum apud Etruscos evincunt plura anaglypha in urnulis sepulchralibus, quorum icones in hoc ipso opere alibi afferuntur, ex quo etiam patere videtur, ab Etruscis adhibitas fuisse in funebribus gladiatorum ludis.

Et libr. 5. Æneid. in anniversariis exequiis collocatas docet:

..... *mæstasque sacravimus aras.*

Et de Hectore Andromache uxor libr. 3. Æneid.

Et geminas, causam lacrimis, sacraverat aras.

In comædiis agendis *aræ* etiam in scæna erigebantur *duæ*; sed eo discrimine, ut in comædia *Apollini dextra ara* esset vota; *sinistra* vero ei *heroi, Deorum*, aut illi *Deæ*, in cujus honorem ludi celebrarentur, seu *parentalia*, aut *funebria sacra*. At in tragædia *dextra ara* erat dicata Baccho. At Olympiodorus comediarum etiam Bacchum facit præfidem: cujus verba habes apud Franc. Lindenbruchium, licet Donatus in Andriam Terentii Act. 4. sc. 3. contradicat. *Ex ara, scilicet Apollinis, quem Ἀπόλλων Menander vocat, aut quod Apollini comædia dicata est, in cujus honorem aram constituiebant comædiani celebrantes; Apollini ergo comædia, Libero patri tragædia est sacra.* Ipse Terentius:

Ex ara hinc sume verbenas tibi.

Quia scilicet aræ Apollinis *verbene* impositæ, ut Bacchi *bedere*. Jul. Scaliger libr. 1. Poëtices cap. 21.

Easdem *aras* morituri jubebantur amplecti. quod a nullo vidi adhuc observatum. C. Plin. libr. 35. cap. 10. *Timantibi vel plurimum affuit ingenii; ejus enim est Iphigenia, oratorum laudibus celebrata, qua stante ad aras peritura, cum mæstos pinxisset omnes &c. patris ipsius vultum velavit.* T. Lucret. libr. 1. Rer. Nat.

*Aulide quo pacto Triviai virginis aram
Ipbianaſai turparunt sanguine fæde
Ductores Danaum dilecti.*

Vel ut ex Prisciano Cæsariensi legunt:

Ipbianaſæo, turparum sanguine.

L. Sen. in Herc. Furente Act. 2. sc. 3. ubi Lycus Megaram interfecturus:

*Conjugia quoniam pervicax nostra abnuis,
Regemque terras, sceptrum quid possint, scies,
Complectere aras, nullus eripiet Deus
Te mihi.*

Virgil. libr. 2. Æneid. v. 255.

..... *vos aræ ensesque nefandi
Quos fugi, vitæque Deum quas hostia gessi.*

Q. Horat. libr. 2. sat. 3.

*Tu cum pro vitula statuas dulcem Aulide natam
Ante aras, spargisque mola caput, improbe salsa.*

Ad aras confugientes immunitatem, & asylum consecuti censebantur.

Cicero Orat. post reditum in Senatu. *in aram Tribunatus confugere.*

L. Flor. libr. 2. Hist. Rom. cap. 12. de Samothracum religiosi aris. Ad

aras confugientes eas amplectebantur. Lutatius Placidius ad libr. 12.

Thebaidos Statianæ v. 481. Terent. Heautontimerumeno Act. 5. sc. 2.

Nec te admisce, nemo accusat, Syre, te, nec tu aram tibi

Nec

Nec precatorem paravis.

Stat. loco laudato:

*Sic sacrasse loco commune animantibus ægris
Perfugium.*

Ovid. libr. 4. Eleg. 5.

Unica fortunis ara reperta meis.

Et libr. 2. de Ponto, Eleg. 8.

Vos eritis nostra portus & ara fuge.

Vos ego complectar, Geticis si cingar ab armis:

Utque meas Aquilas, vestra ego signa sequar.

Et libr. 2. Æneid. Hecuba cum natis ad aram Hercæi Jovis, velut locum religione tutum, confugit:

Hic Hecuba, & nata nequicquam altaria circum

Precipites, atra ceu tempestate columbe,

Condense, & Divum amplexæ simulacra tenebant.

Origo hujus ritus habetur ex Martiano Augusto, Callistrato J.C. dissertatione Cæstii apud Tacitum libr. 3. Annal. Æmilio Probo, sive Cornelio Nepote in vita Pausanias, & in vita Timothei, Plutarcho in vita Cimonis, quos laudavi libr. 1. Antiquitat. Romanar. Regione Urbis. 1. Euripid. in Hecuba:

Αλλ' ἴθι νῆκος, ἴθι πρὸς βῆκος

Sed vade ad templum, vade ad aras.

Confugium illud desperato statu rerum, & deplorata vitæ conditione. Virgil. libr. 2. Æneid. v. 574. de Helena:

..... *atque aris invisâ sedebat.*

Ab aris sine piaculo & sacrilegio nemo avelli poterat; ideo Pyrrhus ille Virgilianus vituperatur libr. 2. Æneid. v. 550.

..... *altaria ad ipsa sedentem*

Traxit, & in multo lapsantem sanguine nati.

Si tamen magni alicujus sceleris reus quis fuisset, igne admoto cogebatur aram deferere. Scholiastes Euripid. in Hecuba apud Hadrianum Turnebum libr. 9. Adversarior. cap. 12. M. Plaut. Rudente Act. 3. sc. 4. ubi sic Labrax:

Mibi non liceat ancillas meas

De Veneris ara abducere.

Dæmones deinde respondent:

Ego dabo ignem.

L. Seneca Hercule furente v. 505.

Congerite silvas, templa supplicibus suis

Injecta flagrent.

Aut certe, si ignem admoveere nollent, obstructis vallis, fame enecabantur. Claud. Ælian. libr. 9. Var. Histor. cap. 41. Idemque jus statuis Principum concessum. l. 17. ff. ædilit. edict. L. Seneca libr. 1. Clement. cap. 18. C. Sueton. Tiberio cap. 53. & est a viris doctis observatum.

Tom. I.

Mm

Aras

Aras tenebant juraturi, quasi religione interposita vera dicturi, testesque Deos sibi facturi. Æmil. Prob. aut Cornel. Nepos in vita Hannibalis. Cicero pro L. Cornelio Balbo. M. Junian. Justin. libr. 24. Aurel. Macrob. libr. 3. Saturnal. cap. 2. Brissonius eruditissime in Formulæ probavit. Virgilius libr. 12. Æneid. inducit foedus ferientes Principes, arasque tenentès; ut & Ludovicus Ariostus in Rolando suo od. 38. qui meo judicio magnus Poëta. Vetus Scholiastes Juvenalis ad v. 89. Sat. 13.

Atque ideo intrepidi quæcumque altaria tangunt.

Idem ad Sat. 14. v. 219.

Falsus erit testis, vendet perjuræ summa

Exigua, Cereris tangens aramque pedemque.

Hinc Aristophanes:

Οἶον ἔτε παῖδες, ἔτε παῖς, ὅθ' ἄρκος μέλει.

Quibus nec ara, nec fides nec juramentum manet.

Sil. Italic. libr. 1. Punicor. iusjurandum Hannibalis describens:

Stant aræ cælique Diis.

Et paucis interjectis subiungit:

Hanc mentem iuro nostri per numina Martis,

Per manes, regina, tuos.

Sequitur, ut de dedicatione pauca proponam: & quia alias fufe discussi, hic antiquis Inscriptionibus ero contentus: quarum una extat Pærovione (1).

PRAESTITI. IOVI S.

TRIB. COH. X. PRAETOR
CVLTOR. NVMINIS. IPSIVS
PROFICISCENS. AD. OPPRI
MENDAM. FACTIIONEM
GALLI. IVSSV. PRINCIPIS
SVI. ARAM. ISTAM. POSVIT

Altera est in Bavaria, ut refert Wolfgangus Lazius libr. 6. Commentarior. Reip. Rom. cap. 1. (2)

IVNO. R. ET. MINER. SAC
GENIO. COH. III. BRIT. ARAM
T. FL. FELIX. PRAEF. EX
VOTO. POSVIT. L. M
DEDICAVIT. KAL. DEC.
GENTIANO. ET
BASSO. COS.

Deni

(1) Apud Grut. pag. 22. num. 1. (2) Apud Grut. pag. 24. num. 7.

Denique aræ fontibus & fluminibus, qui Deorum cultu honorabantur, erectæ reperiuntur, quæ forte *gramineæ* audiunt, de quibus Hadrian. Turneb. libr. 11. Adversar. cap. 1. C. Plin. nepos libr. 8. Epist. 8. & Claudius Minos notavit. Erigi illæ solitæ vel in ipso mari, vel in ripa. Prioris testis Virgilius libr. 1. *Æneid*.

Saxa vocant Itali, mediis quæ in fluctibus aras.

Posterioris D. Aufonius Epist. 9. ad Paulinum;

Culpabam properos adverso flumine cursus.

Quis fuit ille dies? non annus longior ille est,

Attica quem docti collegit cura Metonis

Desertus, vacuis, solisque exerceor aris.

Ad alia properandum.

*Apud Etruscos sacrificia: Instituta ea initio tenuia,
far, lac, libum: postea litatum hostiis animalibus,
etiam ablegminibus, majoribus, minoribus, au-
ratis cornibus, albis, nigris, homine,
animantibus, omnibus, nisi piscibus.*

CAP. XII.

Sacrificia omnia Diis propitiandis Tuscorum Rex Janus instituit, ut ex Xenone apud Macrobius libro hoc, capite decimo dictum est. Addendus Strabo Amasianus libr. 5. Geogr. pag. 521. a quo inter præclara ejus gentis inventa, *ιερωτικῶν* sacrificia reponuntur. Locum integrum alibi habes, nec repeto. Initio certe ea omnia erant valde tenuia, scilicet pro populorum, ea ætate, paupertate, inopiaque: lar, far, aut ut summum, libum; & ubi ditissimæ gentes, thurea acerra contentæ. Vet. gloss. Philoxeni. *acerra*, *αἰσχροπία*, quæ aliis *ara*, aliis censetur *arcula thuraria*: quæ passim ab aliis peti possunt. Poëtæ passim. Ovid. libr. 3. Fastor.

Farraque dat tepidis, libaque salsa focis.

Micam vocant Salii in arcano suo carmine. Alb. Tibull. libr. 4. principio:

Parvaque cælestes placavit mica, nec illis

Semper inaurato taurus cadit hostia cornu.

Fest. Pomp. libr. 16. in voce *mola*, & in schedis Ursinianis. Optime omnium, ut solet, C. Plin. libr. 18. cap. 2. ex Hemina Cassii auctoritate: *Numa instituit fruge Deos colere, & mola salsa supplicare, atque, ut auctor est Hemina, far torrere, quoniam tostum cibo salubrius esset.*

id uno modo consecutum, statuendo, non esse parum ad rem divinam, nisi tostum. Quare cum primi hominum libo, farre, hordeique tantum primitiis Deos placandos censuissent, dicti ideo κρηττότεροι. Et licet mutati ab opulentiori seculo mores, tamen in plerisque sacris vetustatis frugalitas pertinaciter observata. Idem Plinius libr. 18. cap. 8. *Et hodie sacra prisca, atque natalium pulte fritilla conficiuntur.* Et in præfatione divini sui operis, idem: *Verum & Diis lacte rustici, multæque gentes supplicant, & mola tantum falsa liant, qui non habent ibura, nec ulli fuit vitio Deos colere, quoquomodo posset.* Sed hoc inter sacra, & cultum Deorum intererat, hominesque frugibus vescentibus, quod ea molitæ erant, sive fræ, quæ diis oblatæ; quum hominum elui ante molas inventas, integræ destinarentur; plures notarunt ex Theophrasto, sed optime Hadrianus Turnebus libr. 7. Adversar. cap. 13. licet interdum more Latino fruges integræ, Græcis ἐλαι, sive ἐλοχύται in sacrificiis locum haberent. Videndi Interpretes Virgiliani ad illud libr. 4. Æneid.

*Ipsa mola, manibusque piis altaria juxta,
Unum exuta pedem vinculis, in veste recincta
Testatur moritura Deos.*

Crescente in dies gentium opulentia, animalibus hostiis litari cœptum, sed ita, ut semper in primorum & tenuium sacrorum recordationem, mola falsa caput hostiæ aspergerent. L. Seneca in Thyeste Act. 4.

*Et mæsta vitta capita purpurea ligat,
Non ibura desunt, non sacer Bacchi liquor,
Tangensque falsa victimam culter mola.*

Horatii Scholiastæ ad libr. 3. od. 23. consulantur:

Farre pio & saliente mica.

Virgil. libr. 12. Æneid.

Dant fruges manibus falsas.

Alb. Tibull. libr. 3. Eleg. 4.

At vatum in curas hominum genus, omina noctis

Farre pio placant, & saliente sale.

Atque hostiis quidem adhuc vivis aspersa mola falsa: mactatis vero pinguedo addita, quo facilius arderent. A. Persius Sat. 2.

Tot tibi cum in flamma junicum omenta liquecant.

Homer. libr. 2. Iliad. v. 422. Eustathius ibidem:

Αὐτὰρ ἐπεὶ ῥ' εὗξαντο, καὶ ἐλοχύτας προβάλλοντο,

Αἵ ῥ' ἔρυσαν μὲν πρῶτα, καὶ ἔσφαξαν, καὶ ἔδειραν

Μηρούς τ' ἑξέταμον, κατὰ τε κνίσσῃ ἐκέλευσαν.

Quæ totidem verbis Latinis sic reddere poteris:

Sed postquam oraverunt, & molas projecerunt;

Cervicem primum reflexerunt, & jugularunt, & excoriarunt,

Femoraque absciderunt, & pinguedine coopernerunt.

Q. Ca-

Q. Catull. Epigr. 88.

Gnatus ut accepto veneretur carmine divos,

Omentum in flamma pingue liquefaciens.

De promiscuo victimarum quarundam, imo & quarumlibet usu, sanis, tabidisque, Q. Flor. Tertullian. Apolog. cap. 13. *Volo & vestros ritus recensere: non dico, quales sitis in sacrificando, cum enecta & tabiosa quæque mactatis, cum de optimis & integris supervacua quædam truncatis capitula & ungulas, quæ domi quoque pueris vel canibus destinassetis.* Vult ergo Tertullianus ex optimis hostiis nihil Diis oblatum, nisi ablegmina, sive partes illas viliores & extremas, cum reliquis sacerdotes vescerentur.

Erant autem unicuique numini suæ hostiæ propriæ: de qua re Andreas Tiraquellus libr. 3. cap. 12. ad Geniales dies Alexandri ab Alexandro. Hoc tantum hic noto, quascumque hostias fuisse vel *minores*, vel *maiores*: & postremas has, gravioribus de causis, potentioribusque Diis solere offerri, dictæque *animales*. Trebati libr. 1. de Religionibus apud Macrobius libr. 3. Saturnal. cap. 5. quibus & cornua inaurabantur. L. Seneca libr. 1. Benefic. cap. 6. Plin. libr. 33. cap. 3. T. Liv. 3. Decad. libr. 5. in quibus Decemviri Apollini bove aurata, & duabus capris auratis, Latonæque bove aurata, sacra Græco ritu facere asseverant. Fest. Pomp. libr. 1. in dictione *Apollinares*. Tertullian. libr. de Corona Milit. cap. 12. *Hunc tibi bovem Jupiter cornibus auratis decoratum vovemus esse futurum.* Juvenal. sat. 6.

... auratam Junoni cede juvencam.

Valer. Flacc. libr. 1.

... dabis auratis & cornibus igni

Colla pater.

Et libr. 3. Argonautic.

Ibat agens lectas aurata fronte bidentes.

P. Ovid. libr. 7. Metamorph.

... indutaque cornibus aurum

Victima, vota facit.

Et libr. 10. Metamorph. fab. 8.

... blandis induta cornibus aurum

Conciderant icte nivea cervice juvencæ.

Virgil. libr. 9. Æneid.

Et statuam ante aras aurata fronte juvencum.

Martial. libr. 9. Epigr. 43.

Felix tunc ego, debitorque voti

Casurum tibi rusticas ad aras

Ducam cornibus aureis juvencum.

Aurel. Prudent. *περ. seqv.* in Romani agone:

Huc taurus ingens fronte torva & bispida

Sertis revinctus, aut per armos floreis,

Aut

*Aut impediis cornibus deducitur:
Nec non & auro frons coruscat hostia,
Setasque fulgor bractealis inficit.*

L. Seneca in choro Oedipi:

Aureo taurus rutilante cornu.

Distinguebantur etiam victimæ secundum Deos ipsos, quibus oblatae; nam Diis superis *albæ*, inferis *nigræ* convenire credebantur; quod multis variorum scriptorum locis a me probatum in Antiquitatibus Romanis libr. 4. cap. 9. hoc loco non repeto.

Denique & quadrupedes, & serpentes, & aves solitæ immolari, ac ne homines ipsi ab illa ferali clade immunes; nam Carthaginenses Junonem immolato homine placabant, fuscè describit Silius Italicus: Dianam Scythæ, Teuthatem Galli, sed & ipsi Romani Saturnum: ac ut semel dicam, soli inter animantes liberi pisces. Et ratio hæc Theologica assignatur a Simone Majolo Dier. Canicular. Dialog. 9. quod cum ceteris animantibus maledictionem ii non accepissent, & in aqua illi vivant; cum tantum terra & ejus cultores ei maledictioni fuerit subjecta: quod aperte probat caput septimum Geneleos, & D. Augustinus libr. 1. de Mirabilibus Scripturæ cap. 4. (1)


Apud Etruscos artificium & usus statuarum Deorum, & virorum fortium; inviolabiles, & religiosæ: fœtiles aut lignæ: in foro eminenti loco poni solitæ.

C A P. XIII.

AD cultum Deorum non mediocri momentum contulere statuarum, præclarum in iis recolendis, magnumque & pæne necessarium opus, quod & ab Etruscis excogitatum. Flor. Tertullian. Apologet. cap. 25. *Esti a Numa concepta est curiositas superstitiosa, nondum tamen aut simulacris, aut templis res divina apud Romanos constabat, frugi religio, & pauperes ruius, & nulla Capitolia certantia cælo, sed temeraria de cespite altaria, & vasa adhuc Samia, & nidor ex illis, & Deus ipse nusquam; nondum enim tunc ingenia Græcorum, atque Tuscorum fingendis simulacris urbem inundaverant. Quem locum suggessit mihi literis suis elegantissimis Illustriss. D. Balduinus de Monte Simoncello, avita nobilitate, scriptisque disser-*

(1) Damus hic Sacrificiorum imagines, desumptas ex urnularum Etruscarum anaglyphis. Ad sacrificia ejusdem gentis spectant quoque patere, quas apposuimus in fine cap. 17. libr. 1. & quam apponimus hoc loco. Præterea apud eandem gentem in usu fuisse sacras pompas, quæ sacrificia comitabantur, nos docere videtur pictura Vasis Mediceæ, hic etiam appolita, & quam adferimus infra cap. 93.







Peruice In Marmore Apud Nobiles De Constantzi

V. F. S. C. S. C.



Peruice In Marmore Apud Nobiles De Constantzi

V. F. S. C. S. C.





Florentia in Musæo S. M. D. Etruriae





Vas Fictile Altum Ped. IVn. III.



Florentina In Museo Mediceo

F.A.L. Scul.



fertissimis clarissimus. Addendi Porphyrio vetus grammaticus ad Q. Horatii libr. 2. Epist. ult. *Tyrrbena sigilla, Tuscana, apud Tuscos in primo Italia ex marmore signa processerunt.* Ipse Horatius ibidem loci:

Gemmas, marmor, ebur, Tyrrbena sigilla, tabellas, Argentum, vestes Getulo murice tinctas.

C. Plin. libr. 34. cap. 7. *Signa quoque Tuscanica per terras dispersa, quæ in Etruria faciliata non est dubium. Deorum tantum putarem ea fuisse, nisi Metrodorus Scepsius, cui cognomen a Romani nominis odio inditum est, propter duo millia statuarum Volsinios expugnatos obiiceret: mirumque mihi videtur, cum statuarum origo tam vetus in Italia sit, lingnea potius aut fictilia Deorum simulacra in delubris dicata, usque ad devictam Asiam, unde irrepserit & luxuria.* Ex laudatis auctoribus colligo, ortum statuarum in Italia Tuscis deberi, non etiam extra Italiam; nam & in Græcia prius illæ fortassis fuerint, apud quos inclaruerint Saurus Samius, Crato Sicyonius, Cleanthes, Theodorus Milesius, Dædalus, & ejus discipulus Eudys, Theodorus, Thelocles, Idictæus, Angelio, Smilides, Phidias, & Praxiteles: quos omnes extulit Plinius, & æterno memoriæ sano dedicavit, libro laudato. Hinc deceptus Athenagoras, omnem artis statuariæ elegantiam Græcis tantum deberi in Apologetico pro Christianis pronuntiat.

Ex iisdem proxime laudatis etiam patet, statuarum alias fictiles, alias marmoreas, easque ab Etruscis inventas, fuisse, alias aureas, alias carneas, alias argenteas, alias denique æreas, ut paulo infra dicetur. Sed & quasdam Deorum in honorem, nonnullas in virorum fortium perpetuam memoriam erigi consuevisse. Sidon. Apollinar. libr. 5. Epist. 5. Et libr. 8. Epist. 2. Q. Symmachus libr. 10. Epist. 25. *Ut viri memorabiles monumentorum diuturnitate, posterorum oculis commendarentur.* Ammian. Marcellin. libr. 14. Histor. *Quidam eternitati per statuas se commendari posse affirmantes, eas ardentes affectant, quasi plus præmii ex figmentis æneis, sensibus carentibus, adepturi, quam ex honeste recteque factorum conscientia.* Quam alii efficacem retinendæ æternitatis, famæque consequendæ rationem putabant, historicus Græculus jure deridet. Neque enim primis illis seculis Deorum ulla simulacra, nisi fictilia. M. Varro libr. 1. de Vita Populi Romani: *Hæc ædis, quæ nunc est, multis post annis facta fuit, quia omnia regis temporibus delubra parva facta sunt, ut in cetero cultu quæ sunt consentanea, quæ sint paupertina sine elegantia atque castimonia.* Quid inter hos Joves interfit, qui ex marmore, ebore, auro nunc sunt, potes animo advertere, & horum temporum divitias, & illorum paupertates. Nec Romani solum hi mores, sed & Græci. Pausan. Corinthiacis ubi de Apollinis Lycii statua.

Utrumque certe non minor statuis istis, quam Diis ipsis reverentia deberi censebatur, atque adeo inviolabiles habebantur. Marcianus Heracleota in Carmine Geographico v. 694.

Lati-

Ὡς τὴν μὲν ἱστορίαν δυσσεβήματι
 Πρᾶξαι περὶ Δήμητρος λέγουσ' ἀγαλμα, καὶ
 Πληγῇ κεραυνωθέντα δαίμονιαν θανέν.

Latinis verbis eleganter donavit Federicus Morellus, Professorum
 Regiorum Parisiensium Decanus:

*Ex his Jafiona facinus impium
 Signum in sacratum patrafse Cereris asserunt,
 Et celitus misso interemptum fulmine.*

Ut sacra quadam veneratione Deorum statuæ, ita & Principum semper cultæ, dixi alibi hoc opere. Ex ære illæ. L. Seneca libr. 6. Natural. Quæst. cap. 29. *Cur ergo aliquis ad hoc stupet, quod æs unius statuæ, nec id solidum quidem, sed concavum ac tenue, disruptum est?* Et statua Antonio Mula Medico ære collato ponitur. Sueton. Augusto cap. 59. Aurelius Cassiodorus libr. 7. Variar. Epist. 44. Statuarum enumerat materiam, æs, plumbum, marmora. Poætæ. Virgil. libr. 6. Æneid.

*Excudent alii spirantia mollius æra,
 Credo equidem ducent viros de marmore vultus.*

Claudian. Consul. Theodori in ipso limine:

*..... populumque clientem
 Publica mansuris testantur vocibus æra.*

Et libr. 3. de laudib. Stilic. ubi plura:

Ob sacrum, quod in ære colis.

Corrigendus ejusdem locus corruptus in præfatione belli Getici:

At prior effigiem tribuit successus amaranam.

Oraque patricius nostra dicavit bonor.

Ex MS. meo legendum, quod & MS. Stephani Claverii confirmatur:

At prior effigiem tribuit successus abenam.

Sidon. Apollinar. Carm. 8.

Ulpia quod rutilat porticus ære meo.

Sed & aureæ argentæque quoque statuæ sub Imperatoribus Dio Coccejan. libr. 52. & libr. 53. imo eo usque luxus processit, ut nullæ Imperatoribus nisi aureæ statuæ locarentur: quod deplorat in panegyrico Theodosii Latinus Pacatus Drepanius. Solebant autem statuæ istæ erigi in porticibus, in balneis, in arcis, in Capitolio, in compitis, in Campo Martio, sed maxime loco fori valde conspicuo. Cassiodor. libr. 8. Variar. Epist. 2. Sueton. libr. de clar. Grammat. cap. 17. Sidon. Apollinar. Carm. 9.

Et carus popularitate Princeps

Trajano statuum foro locavit.

Idque fiebat in provincia, a municipali magistratu impetrato loco. Pomponius J. C. l. 14. ff. de condit. & demonstrat. Paulus J. C. l. 2. ff. de loco publ. fruend. At in civitate ipse Princeps id faciebat. Pli-nius Junior libr. 1. Epist. 17. atque id *misso libello*. L. Apul. libr. 3. Floridor. Claudian. præfatione proxime laudata:

An-





Reperta prope Perusiam
circa Pilam et dono data
Cosmo I. M. D. E.
Felix Ciani Paradosa etc. et Memorie etc.
impressit Perusia An. 1631. 1638.

Ex A. et Alta Ped. Rom. VI. Vic. II.
Florentiae apud G. M. Etrusci Ducem.

C. M. C.

Littere Sculptae
Sunt in Lumbo,
Vertis inferiore

ΑΥΤΗΝ ΕΝ ΤΗ ΜΕΤΕΩΡΟΛΟΓΙΑ
ΤΗΝ ΕΝ ΤΗ ΜΕΤΕΩΡΟΛΟΓΙΑ
ΤΗΝ ΕΝ ΤΗ ΜΕΤΕΩΡΟΛΟΓΙΑ
ΤΗΝ ΕΝ ΤΗ ΜΕΤΕΩΡΟΛΟΓΙΑ





ΑΙΙΟΙΥΑΥΙΙ:ΜΤΘΗΙ8:ΙΜ

Litteræ Etruscae Incise Sunt In Tergo
Florentiae Ex Aere Abt. Ped. I. Vnc. III. In Museo Mediceo

Vas. Fran. Joub.






MM. 7711677. JNAJ: MA) ODAJ: IMAJ: JNAJ:

Volaterris In Marmore Alt. Ped. III. Vnc. XI. Apud Nobiles De Maffei.

Vin Fran. Scud





In Marmore Alt. Ped IV Apud
Stufa In Suburbano Prope

Nobil Della
Florentiam

V A I O D A V A N A J I M
N I O V A J V A O O M V V
: V I M

Annuat his princeps, titulum poscente Senatu.

De ornamentis statuarum, & minio, quo diebus festis inungebantur, de jure asyli iis concessio, qui ad eas fugissent, alibi commodius. (1)

Etruscorum inventum Idola: aut, ut aliis visum, Serubus, aut Syrophanes, aut Cham ea excogitavit: aut Græci, aut Ninus: eorum varietas, & vanitas ἱδωλῶν, *sive* ἱδωλῶν *a Poëtis dici.*

CAP. XIV.

UT Statuarum fuere artifices Etrusci, ita & Idolorum. Cæl. Rhodigin. libr. 29. cap. 24. *Quin etiam quisquis hujus argumenti inventor extitit primus, cum religione profecto videntur produisse. Sunt qui Etruria hoc contribuant.* Teophantus Monachus Scotus MS. ad D. Juvénalis sat. 15. in principio. *Tuscia, mater omnis impietatis, & superstitionis, & templa in falsorum Deorum honorem erexit, & Idola in iis collocavit. Ejus deinde exemplo tota Europa misere infecta, diis demonum cultui adhæsit: sed diu ante Romam, adeoque etiam ante Ægyptum, quæ serius monstra sua transtulit in Italiam.* Virgil. libr. 8. *Æneid.*

Omnigenumque Deum monstra,

Et de inventione Idolorum huc usque ille. Alii primum Idolum volunt Ignem fuisse. Ludovicus Cario in Chronico notavit: & ante idolum Scriptores Ecclesiastici. Socrates libr. 7. Histor. Ecclesiast. cap. 8. Theodoretus libr. 5. Hist. Ecclesiast. cap. 39. Historia Tripartita libr. 10. cap. 30. Suidas in voce Κάκωτος. Gregor. Turonens. libr. 4. cap. 33. Agathias Scholasticus libr. 2. de Bello Getico: apud quos omnes templa ideo *Pyrea* sive πυρά dicuntur, quod Deum haberent *Iguem*. Sidon. Apollinar. Carm. 2. v. 85.

*..... juratur ab illis
Ignis & unda Deus.*

Inventor autem hujus Idoli *Cham* fuisse legitur. Marius Victor Maffi-
liensis libr. 3. in Genesin:

*..... Cham servo e semine natus,
Mole & mente gigas, Babylonica sceptrâ gubernans,
Persarumque animos capiens venator iniquus,*

Tom. I. Nn. A ve-

(1) Tuscanici fortasse operis multa adhuc simulacra, & sigilla in Musæis supersunt: hæc asserimus tantum ea, quæ literæ Etruscæ iis adscriptæ aperte demonstrant ab Etrusco artifice confecta fuisse.

A vero domini cultu traduxit ad Ignem.

Altera opinio est tantæ vanitatis, auctores fuisse Græcos. Tertullian. Apologet. cap. 25: superiori capite laudatus. Aurel. Prudent. περὶ τέφρων. in Romano Martyre:

Sed pulchra res est forma in ære sculptilis:

Quid imprecabor officinis Græciæ,

Quæ condiderunt genibus stultos Deos?

Forceps Myronis, Polycleti malleus,

Natura vestrum est, atque origo Celitum.

Quarto graves quidam, nec contemnendæ auctoritatis viri ad Syrophphanem eorum inventionem rejiciunt. D. Fulgentius libr. 1. Mythologicon ex Diophante Lacedæmonio libr. 14. Antiquitatum. Syrophphanes Ægyptius, substantia familiaque locuples, filium genuit, quem voluit enormis substantiæ successorem, ineffabili, ultra quam paternitas exigebat, affectu erga filium deditus: isque dum adversis fortune incurſibus raperetur, patri crudele geminae orbitatis dereliquit elogium, & ut posteritati perpetuale suffragium denegasset, & substantiæ propaganda subitam interceptionem obiceret. Quid igitur faceret aut secunda paternitas, hac sterilitate damnata, aut felix substantia in successione curata? Parum erat non habere quod habuit, nisi etiam esset, qui abtineret, quod reliquit. Denique doloris angustia, quæ semper inquit necessitatis solatium, filii sibi simulacrum in edibus constituit: dumque tristitia remedium quaerit, seminarium potius doloris invenit, nesciens, quod sola sit miseriarum medicina oblivio; fecerat enim ille, unde luctus resurrectionis in dies acquireret, non in quo luctus solatium inveniret. Denique Εἰδωλον dictum est εἰδωδῶνον, quod nos Latine species doloris dicimus; namque universa familia in domini adulationem, aut coronas plectere, aut flores inferre, aut adorationem simulacro succendere consueverat. Egregia hæc, & prædicanda.

Quinta sententia est Suidæ, asserentis Idolorum inventorem fuisse Seruchum quendam: in quam sententiam ivit etiam Constantinus Manasses, cujus hæc sunt e MS. Augustissimi Britanniarum Regis bibliothecæ, & suppeditavit eruditus juvenis Græce Latineque doctus Petrus Goldmanus Scorus:

Σερὺχ δὲ πρῶτος ἤρξατο χρεῖσθαι γλυπτοῖς καὶ στήλαις

Ὁ γδοος ὡν ἀπόγονος τῷ Νῶε τῷ δικαίῳ.

Οὗτος αὖν πρῶτος ὁ Σερὺχ, τιμὴν τῆς παλαιτέρης

Ὡς ἀγαθῶν ἐφευρετὰς ὡς σχυροῦς ἐν μάχαις

Ὡς τῆς σοφίας ἀρχηγός, ὡς ἐμπεροποχέμενος

Εἰκόνας κατεσκεύαζεν, ἀγάλματα καὶ στήλας

Ὡς δὴθεν εἰς ἀνάμνησιν καλῶν τῶν ἐξ ἐκένων,

Ὅπερ οἱ γινόντες μὴ πολλοὶ τῶν μεταγενεστέρων,

Μὴ κατασχοράζοντο Σερὺχ τῆς διανοίας,

Ὡς περ θεὸς ἐτίμησεν τὰς στήλας τὰς ἀνύχους,

Καὶ προσεκύνησαν γλυπτοῖς ἀνθρώπων χειροκμήταις,
 Εὐτεῦθεν εἰς ἀλλόκοτον θρησκείαν ἐκτραπέντες
 Θρησκείην ἐπενόησαν ἄλλοι θεοῖς ἄλλοιαι.
 Αἰγύπτιοι δ' ἐξώκειλαν πάντων τῶν ἄλλων πλεον
 Καὶ τὴν θρησκείαν ἤγαγον ἄχρι καὶ τῶν γελόων.
 Εὐτεῦθεν ἐσεβάσθησαν αἰδύρους, καὶ πιθήκας
 Ἵβεις, καὶ τράγους, βόας τε, κύνες, καὶ προκοδάλης,
 Καὶ τ' ἄλλα προσωχθίσματα τῆς σφῶν φρένος βλαβέαις.

Quos quidem versus politicos sic verbatim pæne reddere potes: *Primus* autem Seruchus uti sculpsitlibus & statuīs cæpit, octavus e justī Noë posteris. Nimirum hic Seruchus honorem priscis deferens, tanquam rerum præclararum inventoribus, tanquam in præliando fortibus, tanquam principibus sapientiæ, tanquam belli peritis, imagines, simulacra, columnas extruxit, velut ad memoriam benefactorum ab iis profectorum: quod non intelligentes posterorum plerique, non recte accepta Seruchi sententia, statuas inanimas, ceu Deos coluerunt, & sculpsitliba mortalium facta manibus adoraverunt. Inde peregrinum ad cultum cum deflexissent, alii Deos alios excogitarunt, quos venerarentur. Magis autem quam ceteri alii exorbitarunt Ægyptii, & usque ad ridiculas res superstitioni esse perrexerunt. Hinc factum, ut feles, & simias coluerint, ibides, & hircos, bovesque, canes, crocodilos, abominationes alias ab errore mentis profectas.

Sexto denique quibusdam placuit, Ninum illum Regem antiquissimum Idolorum primum cultorem facere: quem & D. Augustinus *Χρόνον* Saturnum interpretatur. Unius Gottofredi Viterbiensis locum adscribam necessarium ex Chronicorum Parte 4.

*Idola terrigenis referam quis condidit olim,
 Regna coli, cur jure poli, voluere coloni,*

Expedit exponi pro ratione boni.

*Dum moreretur homo Belus Rex in Babylone,
 Filius ipsius Ninus dum regnat honore,*

Mentis in ardore fata paterna dolet.

*Patris ad effigiem fit regia grandis imago,
 Quæ fuit in reliquis primæva maligna propago,*

Idola nam peperit de quibus actor ago.

*Nomen habet Beli, nimio venerata favore:
 Servit ei regio, dat munera, placat adore;*

Sic patris effigiem Ninus honore fovet.

*Quisquis in imperio meruit proscriptus haberi,
 Aut aliquas pœnas potuit peccando mereri,*

Ante pedes belli stans, bene salvus erat.

*Hujus ad exemplum veterum censura parentum
 Defunctis patribus sic erigit Idola centum,*

Et simili more semper honore fovet.

Idola fingentes per climata, per regiones,

Nn 2

Per

*Per varias linguas variabant Idola nomen,
Sicut & antiqui fama vocare solent.
A Belo dixere Bacbal, lingua variatur:
Belzebus, & Balabum, seu Belfegor inde vocatur,
Sic variabat atrum nomen imago patrum.
Indeque falsorum data sunt responsa Deorum:
Idola sic fuerant habitacula Demoniorum,
Decipiunt populum, decipiuntque solum.
Versus in errorem sic idola mundus adorat:
Mundus eos putat esse Deos, veneratur, honorat,
Nulla creatoris iussa vel acta sonant.
Inde fit, ut quod Roma suis utens simulacris,
In summis fervare suis solet Idola sacris,
Et reveretur eos, dum putat esse Deos.
Quomodo Romana potuit sapientia falli,
Sub specie lapidis, vel ligni, sive metalli?
Non alios miror despicisse viros.*

Versus decimus quintus corruptus est; sed facilis cura, si legas:

Ante pedes Beli stans, bene salvus erat.

Versus item vigesimus primus mendosus, quem sic restitue manifesto sensu:

Sicut & antiqui fama vocare solent.

Idolum certe quid sit, describit, & unde nomen defumatur, docent eleganti volumine D. Cyprianus, & Isidorus Hispalensis libr. 8. Etymolog. cap. 8. verbatim transcribens Florentem Tertullianum libr. de Idololatria cap. 3. qui ibidem loci multiplicem usum, & varietatem exponit: *Neque enim interest, an plastes effingat, an cælator exculpat, an pbrygio detexat, quia nec de materia refert, an gypso, an coloribus, an lapide, an ære, an argento, an filo formetur Idolum.* Porro nonnulli a dolo, facto rei divinæ & cœlesti majestati, etymologiam deducunt; sed quam bene, ipsi viderint; cum convenientibus nomini rebus aptius ab εἶδος, seu forma fuerit deducenda. Utcumque certe, Ποῆτις juxta Εἰδωλον atque Εἰδωλον usurpatur, qui & ipsi acerbissime eorum graves pudendosque cultus execrantur: & observat, licet rem parvi momenti, Menradus Moltherus. Aurel. Prudent. περὶ σεραυ.

Nunc monstruosus Idolis

Imponis Imperj jugum.

Et eodem opere:

Stabunt & vera innoxia

Que nunc habentur Idola.

Et in Romani Martyris agone:

Intrare servis Idolorum ac Dæmonum

Sanctam salutis non licet nostræ domum.

Arator Diaconus in Acta Apostolorum libr. 2. fine:

Idola

Idola tot Romæ mundo collecta subacta:

Cœlius Sedulius Episcopus Scotus cultior iis libr. 1. Paschalis Operis in principio:

*Quid lapides, atque æra coli, quid fana profanis
Proderit, aut mutis animas damnare metallis?*

Et eodem opere ad finem:

*Quis furor est, quæ tanta animos dementia ludit,
Ut volucrem, turpemque bovem, tortumque draconem
Semibominemque canem supplex homo pronus adores?*

Et paucis interjectis ibidem loci:

*Ligneæ ligna rogas, surdis clamare videris,
A mutis responsa petis.*

Commodianus MS. libr. 1. Cont. Gent. num. 2.

*I*n lege præcepit dominus cæli, terræque marisque:
*Z*olite, inquit, adorare Deos inanes.
*D*e manibus vestris factos ex ligno vel auro,
*I*ndignatio mea ne vos disperdat ob ista.
*D*eus ante Moysen rudis, sine lege morata,
*Z*esciensque Deum, morientes Deos orabant,
*V*d quorum effigies faciebant Idola vana,
*T*ranslatis Judeis Dominus de terra Egypti
*I*mposuit legem postmodum, & ista præcepit
*O*mnipotens, sibi soli deservire, non illis.
*D*e resurrectione quoque docetur in ipsa,
*E*t spe, fortunatum rursus in ævo vivendi,
*I*dola si vana relinquuntur, neque colantur.

Aurel. Prudent. libro toties laudato:

*Condigna vestris sensibus
Coli iubetis numina,
Excisa fabrilis manu,
Cavis recocta follibus,
Quæ voce, quæ gressu carent,
Immota, cæca, elingua.*

*Etruscorum inventum Religio, & modus urbem condendi:
ea fuit, vomere aereo arare, taurum candidum
vaccae albae jungere, quod in evertendis
civitatis observatum: isque ritus
Etruscus dictus.*

C A P. XV.

Religioſe, captatiſque auguriis urbem condere primi mortales omnes, ſaltem Italos, Etrufci docuere. M. Varro libr. 4. de Ling. Lat. *Oppida condebant in Latio, Etruſco ritu, multa, i. d. e. junctis bubus, tauro & vacca, interiori aratro circumgebant ſulcum: hoc faciebant religionis cauſa die auſpicato, ut foſſa & muro eſſent munita: terram unde excalperant, foſſam vocabant, & introrſum factum, murum: poſtea quod fiebat orbis, urbs: principium, quod erat poſt murum, pomerium dictum, ejusque ambitu auſpicia urbana finiuntur. Cippi pomerii ſtant & circum Ardeam, & circum Romam; quare & oppida, quæ prius erant circumducta aratro, ab orbe & urbo, urbes: & ideo colonia noſtra omnes in literis antiquis, ſcribuntur urbes, quod item condita, ut Roma, & ideo colonia ut urbes conduntur, quod intra pomerium ponuntur. Locus clariffimus, quo docemur omnem religionem in condendis urbibus ab Etruſcis proſectam. Quod & Plutarchus confirmat in Romulo pag. 23. Ρωμύλος ὠκίε την πόλιν ἐκ Τυρρηνίας μεταπεμψάμενος ἀνδρας, ἱεροῖς τισιδεσμοῖς καὶ γράμμασιν ὑφηγουμένοις ἐκαστα καὶ διδάσκοντας ὥσπερ ἐν τελετῇ. Romulus condidit urbem, ad quod excivit Etruſcos, qui velut in myſteriis, ut quidque faciendum erat caerimoniis quibusdam & ſcriptis præſcripſerunt, docueruntque. Quæ ſi vera ſunt, falſus Plinius, qui Cecropem urbem primam condidiſſe vult: nec verax Homerus, qui id Phoroneo adſignat: Ægyptiique decepti, qui Dioſpolim omnium urbium apud ſe primam fuiſſe volunt. Strabo libr. 17. niſi Etruſci primas in Italia urbes condidiſſe dicamus, quod & verum eſt. Ex hac Etruſca diſciplina cautum, ne quis urbem condere aggredereſſet, prius quam captaret auguria, deorumque voluntatem exploraret. Jul. Solin. Polyhiſtor. cap. 2. *Auſpicato fundamenta murorum jecit.* M. Cicero libr. 1. Divinat. *Hujus urbis parens Romulus, non ſolum auſpicato urbem condidiſſe, ſed etiam ipſe optimus augur fuiſſe traditur.* Servius Maurus ad v. 136. libr. 3. Æneid.*

Connubiis arviſque novis operata juventus.

Et ad illum v. 780. libr. 6. Æneid.

. . . vident, ut gemina ſtent vertice criſte?

Pru-

Prudent. in Romani martyris agone :

*Quod Roma pollet auspicio condita,
Jovi statori debet, & Diis ceteris.*

Q. Ennius apud Isidorum libr. 15. Etymologiar. cap. 2.

His nata auspiciis illa inclita Roma.

Idem apud M. Varronem libr. 3. de Re Rustica cap. 1. & Suetonium in Augusto cap. 7.

*Septinginti sunt paulo plus minus anni
Augusto augurio postquam inclita condita Roma est.*

Idem apud Tullium libr. 1. de Divinat.

*Curantes cura cum magna, concupientes
Regni, dat operam simul augurio, auspicioque
Huic Remus auspicio se devovet.*

Claudian. libr. de Bello Getico : ubi ipsa Roma de se :

*Si mea mansuris mernerunt menio nasci
Juppiter, auspiciis, si stant immota Sybille
Carmina.*

Arabatur deinde, Dionys. Halicarnass. libr. 1. pag. 75. Καλέσας Ἐπαιθας
πρὸς τὸν ἀπαδείχθέντα τόπον, περιγράψαι τετράγωνον σχῆμα τῷ λόφῳ, ὅθεν ἄρρενος
ἄμα θυλεία ζευχθέντος ὑπ' ἄροτρον ἐλκύσας ἀύλακα δημοῖα, τὴν μέλλουσαν ὑποδέξασθαι τὸ
τάχος, ἐξ ἧς Ῥωμαῖοις τὸτο τῆς περιαρρώσεως τῶν χωρίων ἐν δικαιοῖς πόνεωι παραμένει.
Convocatis in destinatum locum omnibus, circumscrisit collem figura
quadrangula, junctis ad aratrum bubus, mare ac femina, ductoque sul-
co perpeius, unde Romanis hic mos circumarandi loca in condendis ur-
bibus durat. Poëta in hunc sensum passim. Sil. Italic. libr. 13. Punic.

*Hoc agreste Capys donum, cum mænia fulco
Signaret, parvæ jam tum deceptus amore
Nutrierat.*

Q. Ennius in Andromeda apud Festum Pompejum libr. 19. in voce
urnat. Et libr. 14. idem Festus Sulcum primigenium vocat. Ovid. libr.
4. Fastor.

*Apta dies legitur, qua mænia signet aratro,
Festa Palis suberunt, inde movetur opus.*

Virgil. libr. 5. Æneid.

*. . . urbem designat aratro
Sortiturque domos.*

Et libr. 7. Æneid.

*. . . ipse humili designat mænia fossa,
Moliturque locum.*

Mapphæus Vegius in supplemento Æneidos Virgilianæ :

*Æneas urbem curvo designat aratro,
Fundabatque domos, & amictas aggere fossas.*

Vomer, quo arabant, erat æreus : quod, nullo auctore laudato, ut
folet, notavit Cælius Rhodiginus libr. 29. Variar. Antiquar. Lætion.
cap.

cap. 6. in principio. Sed id prodidit Carminius, *curiosissimus & doctus* vir, ut loquitur Aurelius Macrobius libr. 5. Saturnal. cap. 19. Hæc itaque Carminii sunt libr. 2. de Italia verba: *Prius itaque & Tuscos aeneo vomere uti, cum conderentur urbes, solitos, in trajectibus eorum sacris invenio, & in Sabinis ex ære cultros, quibus Sacerdotes tonderentur*. Plutarchus loco proxime supra laudato: Ο δὲ δικισης ἐμβαλὼν ἀρότρον χαλκὴν ἦναι, ὑποζεύχας δὲ βῆν ἄρρενα καὶ θήλειαν, αὐτὸς μὲν ἐπάγχα περιελάνων αὐλάκα βαδῶν τοῖς τέρμασι. *Conditor. aratro æreum vomerem adjungit, junctisque bobus, mare & femina, ipse circum lineamenta profundum inducit fulcum*. Aratrum vero ipse conditor tenebat. Si tamen, ut in Carthagine condenda, Babylone, aliisque civitatibus contigit, *mulier ponende urbis auctor fuisset, id muneris penes architectos relinquebatur*; ut loquitur Servius Honoratus ad illud Virgilii libr. 1. Æneid.

Instant ardentes Tyrii.

Aratrum qui dirigebat, laciniam togæ in humerum dextrum rejiciebat, seseque cingebat, vel quia ille sacris operantium erat habitus, atque opus illud inter sacra numeratum: vel ut commodius sŕivam tenere posset: vel denique ut multitudinem civium togato, hoc est pacifico studio, fovendam ostenderent, neque solum bellicis artibus civitates vigere, sed multo magis pace florere. M. Manil. libr. 4. Astronom.

rituque Gabino

Mœnia succinctus, curvo describit aratro.

Boves duo tantum esse poterant, iique albi coloris, & sexus disparis, puto, ut lætitia numerosæ sobolis proventu denotaretur, matrimonii-que ratio haberetur, quod legitimum inter marem & feminam Respublicas auget ac tuetur. Ovid. libr. 4. Fastor.

Ipse tenens sŕivam, designat mœnia sulco,

Alba jugum niveo cum bove vacca tulit.

Exteriori aratri parti taurus, interiori vero vacca jungebatur. Servius Maurus ad libr. 4. Æneid. pag. 326.

..... cui litus arandum

Cuique loci leges dedimus.

Et quoniam *unumquodque eodem modo definit, & solvitur, quo cæperat*; ut verbis utar Ulpiani J. C. l. 30. ff. Reg. Jur. & Pauli J. C. l. 295. ff. eod. aratro circumducto, ut condebantur urbes, ita evertiebantur aratione. Servius loco proxime laudato, notatque Cælius Rhodiginus libr. 7. Antiquar. Lectio. cap. 18. & libr. 14. cap. 5. Modestinus J. C. l. 21. ff. quib. mod. Usufr. amitt. *Si usufructus civitati legetur, & aratrum in ea ducatur, ut p̄sa est Carthago, civitas esse definit, ideoque quasi morte cessat habere usumfructum*. Et sicuti consul, prætor, aut tribunus consulari potestate, aut quilibet alius exercituum Romanorum imperator, dum coloniam deduceret, aratro muros designabat; ita in coloniis, municipiisque delendis, penes eundem potestas erat. M. Lucan. libr. 7. Pharsal.

Sar-

Sarmaticumque premet succintus Consul aratrum.

Helenius Acron ad Horat. libr. 1. od. 16. *Hec consuetudo fuit condendis, atque evertendis urbibus, ut aratro fieret. Ipse Poëta:*

..... urbibus ultime

Stetere cause, cum perirent

Funditus, imprimeretque muris

Hostile aratrum exercitus insolens.

Alludunt Poëtæ. P. Ovid. Epist. 1. Heroidum:

Nunc seges est, ubi Troja fuit, refecandaque falce

Luxuriat Phrygio sanguine pinguis humus.

Virgil. libr. 3. Æneid. principio:

Et campos, ubi Troja fuit.

Denique, quemadmodum civitas dicitur habere usumfructum, ita & vivere, senescere, florere, mori, eodem, quo homines, more. Vetus Poëta Græcus apud Petrum Fabrum Saviorianum libr. 1. Semestr. cap. 9. Et alius anonymus in Anthologia libr. 1. cap. 90.

Τὴν πόλιν δι νίκης. πρότερον ζῶσαν· κατέσφηκεν

Ἡμεῖς δὲ ζῶντες τὴν πόλιν ἐκφέρομεν.

Hanc civitatem mortui prius vivam reliquerunt,

Nos vero vivi civitatem efferimus.

*Etruscorum inventum Pomærium: & ipsum
locus consecratus.*

CAP. XVI.

EX ejusdem Etruscæ disciplinæ præscripto, & inventione Pomærium profluxit, idest locus sacer, augurioque inviolabilis, intra & extra descriptam fossam. M. Varro, initio capitis præcedentis laudatus, & Plutarchus etiam eodem, quo ibi exposui, loco: ποιμήριον, ὑπὲρ τεύχεος, καὶ μετὰ τεύχος. Pomærium post muros, & prope muros. Quo loci Romulum ea religione a Tuscis ordinasse docet. Nec sane ulla civitatum extra Italiam Pomæria habuit, claro argumento a religiosa Etruscorum observatione id tractum. Elegans est locus T. Livii 1. Decad. libr. 1. in rebus Servii Tullii. Aggere, & fossis, & muro urbem circumdat, ita pomærium profert. Pomærium, verbi solam vim intuentes, post mænium interpretantur esse. Est autem magis circa murum locus, quem in condendis urbibus, quondam Etruscæ, quæ murum ducturi erant, certis circa terminis augurato consecrabant, ut neque interiori parte ædificia mænibus continuarentur, quæ nunc vulgo etiam conjungunt: & extrinsecus puri aliquid ab humano cultu pateret

Tom. I.

Oo

Soli.

soli. Hoc spatium, quod neque babitari, neque arari fas erat, non magis quod post murum, quam quod murus post ipsum, Pomærium Romani appellarunt. Et in urbis incremento semper, quantum mœnia processura erant, tantum termini hi consecrati proferebantur. Ut res tota clarior sit, neque amplius, quin hoc sit inventionis Tulsanicæ, dubitari a doctis possit, unum Q. Fabii Pictoris libr. 1. de Aureo Seculo locum apponam. Vinum & far primus illos docuit Janus, ad sacrificia verius & religionem, quam ad esum; primus enim aras, & Pomæria, & sacra docuit. De quo auctore, & si eum genuinum non credam; tamen ne quid Lector desideraret, filuisse eum nefas duxi, qui in hoc saltem operi huic nostro prodesset, quod ab aliis probatis scriptoribus dignisque fide, dicta approbasset.

Pomærium vero hoc proferre ii tantum poterant, qui Rempubli-
cam agris ab hostibus captis auxissent. Fl. Vopisc. in Aureliano. C.
Tacit. libr. 12. Annal. *Mox pro fortuna Pomærium auctum.* Nec id in-
consultis auguribus. Messalla libr. 1. de Auspiciis. Et Elis Grammati-
cus in veteri Commentario, apud A. Gell. libr. 13. cap. 14. Et licet
Numa nihil novo regno adiecisset, tamen protulit pomærium. Dio-
nyf. Halicarnass. libr. 2. Huc pertinet Tabulæ æneæ fragmentum, in
qua Romæ ad Lateranensem ædem privilegium hoc Vespasiani reper-
tum⁽¹⁾.

*Utique. ei. fines. pomerii. proferre.
promovere. cum. ex. republica. censebit.
Esse. liceat. ita. uti. licuit. Ti. Claudio.
Caesari. Aug. Germanico.*

Vetus etiam marmor Romæ, ad D. Lucæ effossum, huc quadrat⁽²⁾:

TI CLAVDIVS
DRVSI F. CAISAR
AVGVSTVS GERMANICVS
PONT. MAX. TRIB. POT.
VIII. IMP. XVI. COS. III.
CENSOR. P. P.
AVCTIS. POPVLI. ROMANI
FINIBVS. POMERIVM
AMPLIARIT. TERMINARIT Q.

Terminabatur autem Pomærium cippis quibusdam, ut ex M. Varro-
nis verbis supra capite præcedenti laudatis liquet. Et docent antiquæ
Inscriptiões apud Onufrium Panvinium. Prima⁽³⁾.

C. MAR-

(1) Apud Grut. pag. 244. (2) Apud eund. pag. 196. n. 4. (3) Apud eundem pag. 196. n. 1.

C. MARCIUS. L. F. L. N.
 CENSORINVS.
 C. ASINIVS. C. F. GALLVS.
 COS
 EX. S. C. TERMIN.
 A. R. PROX. PED. XLV.

Et alia extra portam Flaminiam reperta (1):

IMP. CAESAR. DIVI. F.
 AVGVSTVS
 PONTIFEX. MAXIMVS
 TRIBVNIC. POTEST. XVII.
 EX. S. C. TERMINAVIT
 R. PROX. CIPP. PED. CLXVIS

Tertia reperta non longe Tiberi, in hæc verba (2):

C. MARCIUS. L. F. L. N.
 CENSORINVS. ET. C. ASI
 NIVS. C. F. GALLVS. COS
 EX. S. C.

FIN. POMER. TERMIN.

(1) Apud Grut. pag. 196. n. 3. (2) Apud eund. pag. 196. n. 2.

*Etruscorum inventum fossa muniendis urbibus,
quæ & ipsa consecrata.*

CAP. XVII.

MUnimentum urbium, sive fossam, mœnibus adjectam, invenerunt etiam Etrusci, docent M. Varronis verba cap. 15. supra a me laudata. Plutarch. in Romulo pag. 23. ubi ait, eum ab Etruscis edoctum, ut Etrusco riu fossam describeret: βέδρος γὰρ ὡρύγη περὶ τὸ νῦν Κορίνθιον κινδωτερὴς. In comitio fossa est rotunda circumducta. Adscribam Latina, quæ ibidem loci sequuntur verba, brevitatis ergo. In eam fossam primitias detulerunt omnium, quæ de more, ut bonis natura, utebantur ut necessarii: postremo ex qua quisque advenerat regione, ejus terræ portiunculam collatam, eo conjecterunt, & commiscuerunt: fossam hanc eodem, quo totum nomine, Mundum vocaverunt. Sane ex Etrusco ritu nihil aliud est fossa hæc, quam fulcus, qui aratro circumducto, ut jam decui superius, imprimebatur. Servius Maurus ad libr. 7. Æneid. pag. 455. Nec adeo fuisse veterem morem fossis mœnia includere innuit P. Ovid. libr. 1. Metamorph.

Nondum præcípites cingebant oppida fossæ.

De quibus, qui plura cupis, adi ad Fl. Vegetii de Romana Militia opus elegans, & Justi Lipsii doctoris quondam Lovanii mei libros Poliorceticon, qui omnia huc spectantia te docebunt. Ego ad alia pergo.

*Etruscorum inventum muri urbium: & ipsi sacra
religione erecti: ampliari, reficique ab
imperatore soliti.*

CAP. XVIII.

SEquitur in Varrone cap. 15. supra laudato, muros ab eadem disciplina Etrusca ortos. Plutarch. in Romulo pag. 23. Verba Latina, quia propero, ne duplicato labore majus opus excre-
scat, hæc sunt: Ubi portam designare visum est, vomere exem-
pto, atque aratro sublato, spacium relinquunt, unde totum habent Etru-
sci murum, præter portas, sacrum; nam eas si ducerent sacras, religio-
sum esset necessaria & impura in urbem recipere & exportare. Quæ
accu-

accuratius in Problematis Romanis repetit cap. 27. tu vide locum: M. Cato in fragmentis: *Captato augurio qui urbem novam condebat, tauro & vacca arabat: ubi arasset, murum faciebat: ubi portam volebat esse, aratrum tollebat, & portam vocabat.* Quomodocumque ergo muri posterioribus turriti, ornati, pinnati fuerint, prima certe sua exordia, secundum hos auctores, ab Etruscis habuerunt: neque audio indoctissimum Polydorum Virgilium, qui libr. 3.^a de Rer. Invent. cap. 9. Thrasionem omnium primum contendit muros fecisse.

Etrusci, ut fossam urbis vocabant *Mundum*, ex Plutarcho proxime superiori adducto capite; ita & Cælum eleganter *Mundi mœnia* dixerunt. Notat Obertus Gifanius in Indice Lucretiano. Ipse T. Lucretius libr. 1.

..... extra .

Processit longe flammantia mœnia mundi.

Et eodem libr. ad finem. Et libr. 5.

Lunamque efficerent, & magni mœnia mundi.

Imitatus est M. Manilius libr. 3. Astronomic.

Cum tantas strueret moles per mœnia mundi.

Muros hos, seu mœnia, non magis quam pomerium, nemo nisi imperator exercitus, aut magistratus, qui Rempublicam auxisset, aut transferre, & alio loco erigere, aut reparare poterat. Videnda Inscriptio vetus apud Gruterum pag. 165. n. 1.

De hac murorum urbis Romæ, per Stiliconem Augustorum tutorem, & utriusque militiæ præfectum, restauratione, Toimius libr. 2. Histor. & alii, quos omitto, Poëtis contentus: Cl. Claudian. de 6. Honorii Consulatu:

..... addebant pulchrum nova mœnia vultum

Audito perfecta recens rumore Getarum,

Profecitque opifex decori timor, & vice mira,

Quam pax intulerat, bello discussa senectus,

Erexit subitas turres.

D. Paulin. Nolæ Episcopus Natali 4.

..... fidant legionibus illi

Perfugioque parent reparatis mœnia muris.

Etruscorum inventum sacrum Nuptiale, quod porco fiebat, auspiciis præviis.

C A P. XIX.

Religiosa Etruscorum inventa claudet hic sollemnis, sacerque Nuptiarum apparatus, quo nullus illustrior, aut in Italia, ut puto, vetustior. M. Terentius Varro libr. 2. Rei Rust. cap. 4. *A Suillo enim genere pecoris immolandi initium primum sumptum videtur, cujus vestigia, quod initiis Cereris porci immolantur: & quod initiis pacis, fœdus cum feritur, porcus occiditur: & quod Nuptiarum initio antiqui Reges, ac sublimes viri in Etruria in conjunctione nuptiali, nova nupta, & novus maritus primum porcum immolant. Prisci quoque Latini, & etiam Greci in Italia idem sacrificasse videntur; nam & nostræ mulieres, & maxime nutrices, naturam, quæ femine sunt, in virginibus appellant porcum, & Greci χοῖρον, significantes esse dignum insigni nuptiarum. Ex quibus certum, primam hostiam ex Etrusca disciplina fuisse porcam, eamque Cereri immolatam: vel quod illa Dea Nuptiis præsit. Calvus antiquus Poëta:*

*Et leges sanctas docuit, & chara jugavit
Corpora conjugis, & magnas condidit urbes.*

Multa invenies libr. 2. Antiquitat. Romanar. annotata a me cap. 11. vel certe, quia animal illud frugibus sit valde inimicum. Ovid. libr. 1. Fastor.

*Prima Ceres avide gavisa est sanguine porcæ,
Ultæ suas merita cæde nocentis opes.
Nam sata vere novo teneris lactentia succis
Eruta setigera comperit ore suis.*

Ex hoc fonte defluxit, ut porcum immolarent initiandi sacris ejus Deæ, qui ideo mysticus dictus, aut mystica hostia. Alb. Tibull. libr. 1. Eleg. 10.

*At nobis arata lares depellite tela,
Hostiaque a plena mystica porcus bara*
Qui locus in plerisque corruptissimus est, legiturque:
Hostiaque a plena rustica porcus bara.

Sed doctior convenientiorque est prima lectio, quæ debetur eruditiss. Hadriano Turnebo libr. 29. Adversar. cap. 32. Posteriorem tamen lectionem secuti sunt Achilles Statius Neapolitanus, & Lævinus Torrentius ad Horat. libr. 3. od. 23. Et de Eleusine Cereris sacris abunde dixi ad Claudianum libr. 1. de Raptu Proserpinæ statim in principio. Porca eadem Laribus immolata juxta ac Ceteri. Sext. Propert. libr. 4. Eleg. 1.

Par-

Parva saginati lustrabant compita porci.

Horat. loco laudato:

*Si thure placaris, & horna
Fruge Lares, avidaque porca.*

Et libr. 2. Sat. 3.

..... immolet equis
Hic porcum Laribus.

Ex eadem Etrusca disciplina porcus immolari solitus in faciendis fœderibus; unde Grammatici deducunt *fœdus* a porca *fœde* mactata. Festus Pompejus libr. 6. in voce *fœdus*, & Isidorus libr. 18. cap. 1. Servius Maurus ad libr. 1. Æneid. pag. 172. *Fœdus autem dictum, vel a Fœcialibus, qui olim fœdales dicebantur, idest Sacerdotes, per quos fiunt fœdera: vel a porca fœde, hoc est lapidus occisa; sed corrige, & lege lapidibus occisa.* Et ad libr. 8. Æneid. pag. 525. *Fœdera, ut diximus, dicta sunt a porca, fœde & crudeliter occisa; nam cum ante gladiis configeretur, a Fœcialibus inventum, ut silice feriretur, ea causa, quod antiquum Jovis signum lapidis silicini putaverunt esse. Cicero fœdera a fide putat dicta; sed hujus porcæ mors optabatur ei, qui a pace resisset: falso autem ait, porca; nam ad hoc genus sacrificii porcus adhibebatur.* Forma universa fœderis ita graphice a T. Livio descripta est in rebus Tulli Hostilii 1. Decad. libr. 1. ut nihil possit addi; in fine hæc sunt: *Si prior defexit publico consilio, dolo malo, tu illo die, Jupiter, populum Romanum sic ferito, ut ego hunc porcum hodie feriam: tantoque magis ferito, quanto magis potes pollesque.* Id ut ita dixit, porcum saxo silice percussit. Vide locum ipsum.

Porcum hunc non prius sponsus sponsæque mactabant, quam ex Etrusco ritu auspicia fuissent legitime captata, & renuntiata. Valer. libr. 2. cap. 1. *Apud antiquos, non solum publice, sed etiam privatim nihil gerebatur, nisi auspicio prius sumpto: ex quo more Nuptiis etiamnum interponuntur auspices, qui quamvis auspicia petere desierint, ipso tamen nomine veteris consuetudinis vestigia usurpant.* Quæ ille, ut pleraque alia a Cicerone mutuatus est libr. 1. Divin. *Quod in nuptiarum auspiciis declarant, qui re omisa, nomen tenent.* Et in Orat. pro A. Cluentio. *Nubit genero socrus, nullis auspiciis, nullis actoribus.* Frequentissima ejus ritus mentio apud probatos Scriptores, observatioque C. Tacit. libr. 11. de Nuptiis Silli & Messalinæ: *Prædicta die adhibitis qui obsignarent, velut suscipiendorum liberorum causa convenisse, atque illam audisse auspicum verba, subiisse, sacrificasse apud Deos, discutitum inter convivæ, oscula, amplexus, noctem denique actam licentia conjugali.* Idem libr. 15. Annal. in Nuptiis Neronis principis, & Pythagoræ exoleti. *Paucos post dies uni ex illo contaminatorum grege, cui nomen Pythagoræ fuit, in morem solemnium conjugiorum denupsit, inditum Imperatori flammeum, misit auspices duos.* C. Sueton. Claudio cap. 26. *Quam, cum comperisset, supra cetera flagitia, atque dedecora, C. Silio etiam nupsisse, dote inter auspices*

spices consignata, supplicio affecit. Q. Symmach. libr. 4. Epist. 14. *Cum filios nostros jugali fœdere sociare vellemus, primum super hoc magnificentiam tuam meditatio nostra consuluit, ut capti felicitis auspiciam a parente publico sumeretur.* Ubi Symmachus auspiciam pro Nuptiis usurpat. Idem libr. 6. Epist. 3. *Sororem Poppæam olim viro maturam, te auspice, in manum optat accipere.* Critici Servii Mauri ad libr. 1. & libr. 6. *Æneid.* verba alibi posuere, quæ non excrigo. Vetus Scholiastes D. Juvenal. ad Satyr. 10. v. 336. *Auspices solebant Nuptiis interesse.* Vetus marmoris cujusdam Gallici fragmentum, quod adscribam, quod co & coemptio & faces Nuptiales, & deductio domum contineantur.

COS. AVG. PVB. CLAVDIO
QV AES. AER. ANTONINAM
VOLVNIAM. VIRGINEM. VO
LENT. AVSPICIB. A. PARENTIBVS
SVIS. COEMIT. ET. IIII. FAG.
IN. DOM. DVX.

Ita & Poëtæ Latini intelligendi. Cl. Claudian. libr. 1. in Ruffin.

..... *hac auspice tæda*
Oëdipodem matri, natæ junxere Thyentem.

Et libr. 2. in Ruffin.

..... *dilecta hic pignora certe,*
Hic domus, hic proprium tædis genialibus omen.

Et in Epigrammatis de laude Serenæ:

Atque utinam sub luce tui contingeret oris
Conjugis in castris, vel folio generi,
Optatum celebrare diem, me jungeret auspex
Purpura, me sancto cingeret aula choro.

Et libr. 2. de Raptu ad finem:

..... *tangesque cubile*
Omina perpetuo genitalia fœdere sancit.

Sic ex MS. meo reposui, cum antea legeretur:

Omnia perpetuo genitalia fœdere sancit.

L. Apul. libr. 1. Milefiar. *Vix effatum, me statim familiares omen nefarium execrati, raptis cujusque modi telis prosequuntur.* Pessime antea legebatur: *familiares omnes nefarium execrati.* Et in libro de Deo Socratis idem scriptor corruptus in eadem dictione: *quum præterea si omnia observitaret;* sed legendum est omnino: *si omnia observitaret.* Ita legit cultissimus Josias Mercerus ad Aristenætum libr. 1. Epist. 3. *Omina igitur sunt Nuptialia auspicia, & ut in genere dicam, rerum futurarum, seu bonarum, seu malarum signa.* Ut prodidit Lucatius Placidius ad libr. 6. *Tdebaidos Statianæ* v. 932. in qua voce plerique auctores corrupti, ut ostendi libr. 3. *Antiquitat. Romanar.* cap. 8. In hisce capitan-

ptandis auguriis apud Romanos *optimum augurium ab accipere circo*, ut verbis utar C. Plinii libr. 10. cap. 8. at in Etrusca disciplina principatum tenebat *Aquila*, cujus volatu illa gens regebatur, observavit Porphyrius philosophus libr. 3. *περὶ ἀπορχῆς*, & ex eo Isaacus Casaubonus ad Lampridii Severum. Præsides hisce auspiciis sive auguriis *Pilumnus & Picumnus*. M. Varro referente Nonio Marcello cap. 12. Iterum audiendi Poëtæ, Martian. Capella libr. 1. de Nupt. Merc. & Philolog. princ.

*Connubium Divum componens Calliopæa
Carminis auspicio te probat annuere.*

Et eodem libro ad finem:

*Jungantur paribus, nam decet, auspiciis,
Et nostris cumulent astra nepotibus.*

Corruptus est prior versus imperitorum librariorum incuria, ut frequenter alias, qui pentametrum putarunt, cum sit Alclepidiacus; sed levi opera corrigi potest, si legatur:

Jungantur paribus, nam decet, auspiciis.

M. Plaut. *Casina* in fine prologi:

Ulro ibit nuptum, non manebit auspices.

L. Seneca *Medæa*:

Per ego auspicatos Regii thalami rogos.

Et ead. *Traged.* in choro *Act.* 1.

*Et tu qui facibus legitimis ades
Noctem discutiens auspice dextera.*

Et in *Troade Act.* 4. sc. 1.

*Quicumque Hymen funestus, ille tabilis,
Lamenta, cædes, sanguinem, gemitus habens,
Et auspice Helena dignus.*

M. Lucan. libr. 2. *Pharsal.* de Martiæ & Catonis Nuptiis:

Junguntur taciti, contentique auspice Bruto.

Virgil. libr. 1. *Æneid.*

*..... primisque jugarat
Ominibus.*

Et libr. 4. *Æneid.* de Nuptiis Didonis & *Æneæ*:

*Dis equidem auspibus reor, & Junone secunda
Huc cursum Ithacas vento tenuisse carinas.*

Dos deinde in manus auspicum consignabatur. Tacit. libr. 11. *Annal.* supra laudatus hoc capite. Veteres glossæ Philoxeni pag. 80. *Dos* *φερνή*, *προίξ*, & ibidem *dotale strumentum*, lege *instrumentum προικῶν*, *dotanda*, *προικιζομένη*. & pag. 387. *ἀποδομικὴ προίξ*, ἢ *παρὰ τῷ πατρὶς δεδομένη profectitia dos*. Non legi alibi tam belle dotis profectitiæ naturam explicatam. Obiter quædam P. August. Morlana Lentinus Emporio Ju-

ris pag. 82. Qui plura de Nuptiarum antiquo ritu, Romanaque consuetudine cupis, non erit operæ, ut puto, pœnitendæ, ea consulere, quæ scripsi libr. 5. Romanar. Antiquitat. cap. 37. (1)

Janus apud Etruscos Monarchiam invexit: perfectissimus regnandi status: Regis elevatio in clypeo.

C A P. XX.

Sicse habent sacra Etruscorum inventa, qui altissimas superstitionis suæ radices olim egerunt: sequuntur Regalia. Itaque cum gentes omnes, ac maxime Itali, ferina quadam conditione, totaque vita longe ab humanitate remota, ævum agerent, reperiuntur est Italiæ conditionem misertus Janus, Etruriæ indigena, qui primus Regiam Majestatem stabilivit, mansuramque posteris transmisit. Arnob. libr. 3. Cont. Gent. Incipiamus ergo solemniter a Jano & nos patre, quem quidam ex vobis Mundum, Annum alii, Solem esse prodidere nonnulli; quod si accipiemus, ut verum sit, sequitur, ut intelligi debeat, nullum unquam fuisse Janum, quem ferunt Cælo atque Hecate procreatum, in Italia regnasse primum, Janiculi oppidi conditorem, patrem Fonti, Vulturni generum, Juturnæ maritum. Ex quibus verbis clarissime liquet, Janum primum omnium in Italia regnandi optimum statum, sive Monarchiam instituisse: ad quam si Etruria longo jam veluti postliminii jure, tot vexata seditionibus, solida pace fundata redierit, id non tam fortunæ omnia volenti, quam incredibili Serenissimorum Medicæorum virtuti, & sanctitati adscribendum. Jam vero Monarchiam longe præstantissimum imperandi genus esse, & Democratiæ furori tumultuantis plebeculæ subjectam, & Aristocratiam libidine paucorum Republicam exhaurire, in confesso est, & civitates eas dominandi formas secutæ, magno suo malo edocæ loquuntur, cum ab uno capite facilius in omnia membra impérium demandetur, & minori invidia premantur populi, qui facilius ab uno, quod cupiunt, quam a multis, videntur consecuturi. Ideo Reges sunt in Jovis tutela, non minus quam milites in Martis esse potestate crediti. Callimachus Hymno Jovis. Sed hæc extra orbitam meam, & disputat docte Fr. Junius Quæstionum Politicarum parte 1. Unici Homeri testimonium sufficiet, & Eustathii Archiepiscopi judicium libr. 2. Iliad. v. 204.

OUK

(1) Hic apponenda duximus duo monumenta, ex quibus apparet, Etruscos in Nuptiis dexterarum conjungere, faciesque adhibere solitos fuisse, ac nonnulla Numina Nuptiarum præsidēs reputasse.



Vrta Fictilis Clusii Inprospectu Templi Coenobitarum S. Francisci



Clusij In Vrta Fictilis . Apud C.V. Antonium Bottarelli Sozzi .



Οὐκ ἀγαθὸν πολυκαιρανίη, εἰς καίρανος ἔστω
 Εἰς βασιλεὺς, ὃ ἔδωκε Κρόνῳ παῖς ἀγκυλομήτεω
 Σκηπτῶν τ' ἠδὲ θεμιστῶς,

*Non est bonum multorum dominatus, unus Dominus esto,
 Unus Rex, cui dederit Saturni filius versuti*

Sceptrumque & jura

Exemplum Jani postmodum secuta alia Italia, & totius mundi habitabilis gentes; nam si verum est, quod multi tradunt, sexagesimo, aut, ut summum, centesimo post diluvium Noë anno Janum vixisse, pauca erunt in toto orbe terrarum regna, Etruria antiquiora. Sic & Romani primis ducentis quadraginta quatuor annis Reges habuere: quibus exactis, tanto odio flagravat, tantæque subjectum invidiæ nomen Regis fuit, ut nullum gravius crimen Cæsari objectum, quam quod Rex esse voluerit; & tamen Cajus Caligula, ut narrat Suetonius in eo cap. 22. *Non multum abfuerit, quin statim diadema sumeret, speciemque principatus in Regni formam converteret.* Quod post eum Aurelianus Augustus cupide affectavit. Fl. Vopisc. in illo. Appianus & Synæsius ab Isaac Casaubono, viro docto, in hoc laudati. Tum vero iterum in contumeliam idem illud nomen est versum, & Reges per contemptum *ῥήγας* vocarunt. Procop. libr. 1. de Bello Gotthico.

Illud denique de Regibus addendum, electos, aut ut frequentius, jure succedentes hereditario, consuevisse clypeo imponi, humerisque attolli militum, ut ab omnibus visi agnosci possent, & adorari. Jul. Capitolin. in Gordiano: *Propere venum ad oppidum Tysdrum, inventusque senex venerabilis, post jurisdictionem jacens in lectulo, qui circumfusus purpura, humi se abiecit, & delectans, elevatus, & imperatorem se appellari passus est.* Idem in Maximo & Balbino: *Inter hec Gordianus Cæsar sublatu a militibus, imperator est appellatus.* Nicephorus Gregoras non uno loco, & video præoccupatum ab erudito Petro Pithæo libr. 2. Subticivor. cap. 6. Curopalates, sive Georgius Codinus libr. de Offic. aulae Constantinop. *Νέος βασιλεὺς ἐπὶ σκουταρίου καθεδρὸς ἐπαί-
 πεται εἰς ὕψος.* *Novus imperator scuto insidens, in altum attollitur.* Nicephorus Choniates in Alexio Emanuelis filio. Zonaras Drungarius in Justiniano. Ammian. Marcellin. libr. 20. *impositus, Julianus a Gallicanis militibus, scuto pedestri, & sublatius eminens, populo silente, Augustus renuntiatus, jubebatur diadema proferre.* Pulcherrimum habes exemplum apud Nicephorum Callistum libr. 4. Cassiodorus videtur mendosus libr. 10. Epist. 31. *Judicamus parentes nostros Gothos inter procinctuales gladios, more majorum scutorum supposito, regalem nobis contulisse, Deo præstante, dignitatem.* Hæc est in vulgatis pæne omnibus Codicibus lectio, sed corrige, *more majorum scuto supposito.* C. Tacit. libr. 4. Histor. *Impositusque scuto, more gentis Caninefatium, & sustinentium bumeris vibratus, dux eligitur.* Poëtæ. Claudian. de 4. Hon. Consul.

At mox cum solita miles te voce levasset.
 Corrige, & fidenter lege:

At mox cum solito miles te more levasset.
 Corippus African. num. 5. lib. 2. de Reb. Justin:
Quatuor ingentem clypeis sublimibus orbe
Attollunt lecti juvenes, manibusque levatus,
Ipse ministrorum supra stetit.

Etruscorum inventum insignia Regni, seu Principatus:
obiter de Diademate Regio.

C A P. XXI.

MAjestatem hanc Regiam a se inventam, & veluti pro seculi illius rudis conditione, nudam, inermemque, insignibus iidem Etrusci decorarunt, & presidii terrore cinxerunt. Q. Symmachus libr. 3. Epist. 11. *Non silebo alterum munus opusculi tui, quo priscam Rempublicam civitatis hujus ex libro Græco in Latinum transtulisti: arma a Samnitibus, insignia a Tuscis, leges de lare Lycurgi, & Solonis sumpseramus: tuus nobis post hæc addidit labor peregrina monimenta, quæ jam senescunt. Nunc vero civitas nostra populorum omnium parens facta est: docere potest singulas antiquitates suorum.* Hæc qualia ornamenta Regia, aut insignia fuerint, partim vide libr. 2. cap. 2. hujus operis, partim in sequentibus hoc ipso libro dicitur. Et quoniam Suetonius, proxime laudatus, dixit, Caligulam voluisse se Regem profiteri, sumpto diademate; hic pauca de eo. Usus scribitur illo omnium Romanorum Principum primus Aurelianus Augustus. Pub. Victor in eo. Nam maximam affectatæ tyrannidis opinionem incurrit Cæsar Dictator, quod a Collega suo M. Antonio *Diadema* voluerit *capiti suo imponi*. Narrat Suetonius cap. 79. Et Cassiodorus in Chronico Consulari. Erat enim externorum magis Principum, quam Romanorum gestamen, quod *purpureum Persis* scribit libr. 6. Curtius, esse *distinctum albo*. Et ea de causa Tacitus libr. 6. Annal. *Albentibus spumis in modum diadematis sinuare orbes* dixit. Ex quibus apertum puto, nihil aliud esse Diadema, quam vittam vericolem, seu tæniam cingendo capiti, licet sciam Heliogabalum *gemma diademate* voluisse uti, ut ab Ælio Lampridio in ejus vita proditum est; illa enim bellua omnia miscebat, cum Romano more nudum esset Diadema. Juvenal. Sat. 8. v. 259. & Satyr. 13. v. 105. Artemidorus videatur libr. 1. Oneirocriticon cap. 18. Sidon. Apollinar. carm. 2. princip. Sil. Italic. libr. 16. Punicor.

Indui-

Induitur chlamydem, regnique insigne vetusti.

Gestat læva decus, cinguntur tempora vitta

Albenti, ac lateri de more astringitur ensis.

Dixi ad illud Claudiani de 3. Hon. Consul.

Et sacro ornatus meritis diademate crines.

Et ad illud libr. 2. de laudib. Stilicon.

Nam domus hæc utroque petit diademata sexu.

Et ad illud de Nupt. Honorii & Mariæ:

Accipe fortunam, generis diadema resume.

Illud tamen addendum hic, moris fuisse olim, ut nobiliores defunctos aurea corona insignirent; quod ex Cicerone in Oratione pro Q. Flacco, & ex Aristophane, genere scriptisque clarissimus Petrus Victorius observavit libr. 11. Variar. Lect. cap. 7. & præcipuè Reges, Corippus Africanus libr. 1. num. 13. & de omni regio cultu Ælianus Var. Lect. libr. 12. cap. 64. Diadema etiam imponebatur novi Imperatoris capiti. Idem libr. 2. num. 6. gestabatque illud idem, cum Legatos mittebat. Idem libr. 3. num. 7. Sed & dum consulatum inibant Principes, Diadema induebant. Idem libr. 4. num. 3. quem vide, nec enim otium excribendi.

*Nobiles Romani se ab Etruscis originem ducere gloria-
bantur: Nobilitatis discretio, & nota, scilicet bulla,
aurea illa: Laribus suspendebatur: plebei,
& libertini lorum gestabant.*

CAP. XXII.

MAjestatem sic institutam, armatamque sequitur nobilitas, quæ iisdem Tuscis auctoribus prodiit. Pseudocornutus, aut quilibet vetus Grammaticus ad A. Persii Satyr. 3. v. 27. *Stemmata quod Tusco. An oporteat te arrogantia inflatum dissilire, quod in aliquo nobili Tusco stemmate, millesimus a magno auctore numereris, & ramum aliquem ac lineam successionis a genealogico in stemmate numeratus obtineas?* Et paucis lineis interjectis, apud eundem sequitur: *Tusco autem dixit, quod nobiliter in Etruria natus est, vel quod Tusci fuerunt nobiles apud antiquos.* Thomas Farnabius Anglus in eundem locum: *Nobilissima & antiquissima Romane familie ex Etruria ortum habuerunt.* Ipse Persius:

Hoc satis? an deceat pulmonem rumpere ventis

Stemmata quod Tusco ramum millesime ducis?

Nec sane fatis erat nobilitatis fundamenta jecisse Etruscos, nisi iidem
eam

eam a plebejo ordine & ignobilium conditione separassent, discrevissent-
que, nota addita, qua a nobili plebejus internosci posset. Ea autem
fuit bulla, quam Etruscis deberi non est dubium. Vide quæ supra hoc
opere libr. 2. cap. 2. discussi, ubi bullam inter Regum Etruscorum
ornamenta & insignia poni docui:

..... quis enim tam nudus, ut illum

Bis ferat, Etruscum puero si contigit aurum? (1)

Macrobi. libr. 1. Saturnal. cap. 6. *Sed postea Tarquinius Demarathi Corin-
thii exulis filius Priscus, quem quidam Lucumonem vocitatum ferunt, Rex
tertius ab Hostilio, quintus a Romulo, de Sabinis egit triumphum:
quo bello filium suum, annos quatuordecim natum, quod hostem manu per-
cussisset, & pro concione laudavit, & bulla aurea prætextaque donavit,
insignis puerum ultra annos fortem præmiis virilitatis & honoris; nam
sicut prætexta magistratum, ita bulla gestamen erat triumphantium, quam
in triumpho præ se gerebant, inclusis intra eam remediis, quæ crederent
adversum invidiam valentissima. Hinc deductus mos, ut prætextæ & bulla
in usum puerorum usurparentur ad omnia & vota conciliandæ virtutis,
& similis, cui primis in annis munera ista cesserunt. Alii putant eundem
Priscum, cum is statum civium solertia providi principis ordinaret, cul-
tum quoque ingenuorum puerorum inter præcipua duxisse, instituisseque,
ut patricii bulla aurea cum toga, cui purpura prætextitur, uterentur,
dumtaxat illi, quorum patres curulem gesserant magistratum: ceteris ve-
ro, ut prætextæ tantum uterentur, indultum; sed usque ad eos, quorum
parentes equo stipendia iusta meruissent. Sive igitur notam hanc nobi-
litas Etrusci ante Romam conditam instituerint, sive Romæ Rex Tar-
quinius Priscus, gente & domo Etruscus, parum refert; utroque enim
modo sequitur ab Etruscis ejus rei inventionem profectam. Quod &
C. Plinius testatur libr. 33. cap. 1. *Sed a Prisco Tarquinio omnium
primo filium, cum in prætextæ annis occidisset hostem, bulla aurea donatum
constat, unde mos bullæ durat.* Meminit C. Suetonius in Tiberio cap.
6. quem locum vide. Et eleganter L. Apulejus libr. de Dogmate Pla-
tonis: *Auri tantum, quantum puer nobilitatis insigne gestavit.* Quod &
Etruscum morem usurpans Virgilius ad nobiles pueros Trojanos tradu-
xit libr. 5. Æneid.*

..... it pectore summo

Flexilis obtorti per collum circulus auri.

M. Plautus Rudente sc. *Serio ædopol.* fine:

Et bulla aurea est, pater quam dedit mihi natali die.

Triumphantes itaque ex prima Tuscorum consuetudine, ante Tarqui-
nium Priscum, bullam gestabant, cui remedia contra fascinum inclu-
debant, ut ex loco Macrobbi laudato liquet: quod miror omissum a
Leonardo Vairo Beneventano, qui tres libros de fascino scripsit, ma-
xime

(1) Videat Lector, in figura pueri, quam hic asserimus, præter armillas, & pedisceleides,
bullam de collo pendentem.

Tab. XXXXV.

Tom. I. pag. 302.



Vin. Franceschini Scud.

81 EBLEM # E.C. 2 HMM V.C. 1 E 6

Ex Aere Alt. Pe. I. Peruviae Apud Nobiles de Grozianis

xime cum de fascino currui triumphantium subiecto appensoque ex Joanne Zonara in Camilli Triumpho notare potuisset. Habebat cordis effigiem forma bullæ, ut se tum dignos majoribus suis pueri nobiles ingenuique intelligerent, *si corde valerent*, cujus imaginem quandam gestarent. Ascon. Pædian. in 3. Verrin. Plutarch. Problem. Rom. cap. 101. E pectore illa pendeat. Virgil. loco jam laudato. Et Sext. Propert. libr. 4. Eleg. 1.

Mox ubi bulla rudi demissa est aurea collo.

Quia in pectore locus erat consilii, ideo pectori admotam illam præferebant, quo aliquando consilii publici capaces se exhiberent. Andreas Tiraquellus in Alexand. ab Alexand. libr. 2. Genial. Diet. cap. 25. Horat. libr. 1. Epist. 4.

Non tu corpus eras sine pectore.

M. Plaut. Milite Act. 3. sc. 1.

Quique sapit pectus.

Idem in Epidico Act. 2. sc. 2.

Sapit hic pleno pectore.

Nec tantum ingenuorum bulla fuit gestamen, sed & in statuis visebatur, quæ nobilibus positæ, *bullatæ* dicebantur. Teste Valerio Maximo libr. 3. cap. 1. in principio, de Æmilii Lepidi statua.

Ut nobilium jus erat bullam ferre, ita libertini loro ab iis discerni solebant. Macrobi. loco laudato: *Ex quo concessum, ut libertinorum quoque filii, qui ex iusta dumtaxat matrefamilias nati fuissent, togam prætextam & lorum in collo pro bullæ decore gestarent*. Vetus Scholiastes D. Juvenalis Sat. 5. v. 164. *Antiquitus nobilium pueri bullas aureas habebant, pauperum de loris, signum libertatis*. Ipse Satyricus:

Vel nodus tantum, & signum de paupere loro.

Effluxit hinc mos, ut pueriliter agentem senem dicamus *bulla dignum*, quasi repuerascentem, juxta proverbium *δὲ παῖδες γέροντες*, *bis pueri senes*. Idem Scholiastes ad v. 34. Satyr. 13. videatur, & Joannes Britannicus ad Satyram 14. principio.

Hanc bullam Diis suis domesticis egressi pueritiæ annos, sumptaque virili toga ingenui dedicabant. Porphyrio vetus Grammatic. ad libr. 1. Sat. 5. Horatii. *Ad Lares pueri generosi, egressi pueritiæ annos, bullam auream suspendere consueverant*. Et tot imagines circa Lararium, quot pueri bullam deposuissent: erantque illæ imagines ex ligno, cum fervorum essent ex lana. Fest. libr. 14. in voce *pila*. Helenius Acro consulatur ad laudatum Horatii locum. Asconius Pedianus ad Oratorem pro Cornelio, principio. Cornutus ad Satyram 5. A. Persii:

Bullaque succinctis Laribus donata pendit.

Horatius libr. 1. Sat. 5.

*..... donaſſet jamne catenam
Ex voto laribus*

Cele-

*Celerés a Tusco Celere appellati: Trofsuli, ab oppido
Etrusco dicti: item Flexibuli, aut
Flexamines.*

C A P. XXIII.

E Questrem ordinem a Celere quodam Etrusco Romulus *Celeres* vocavit, quod cum plerique Historicorum tacuerint, docet nos Joannes Tzetzes Chiliad. 9. Historiar. cap. 293.

Κέλλερας ὀνομάζουσι τὰς ταχυνὺς Ῥωμαῖοι

Ἐκ τινὸς Κέλλερε Τυρρήνῃ, ὃν Κέλλερα ἔφην.

Λέγουσι γάρ, ὡς κτίζοντος τὴν Ῥώμην Ῥώμῳ

Ῥεμῷ ὁ ταῦτ' ἀδελφὸς, τὸ κτίσκειν διαπαίζων.

Πολλάκις ὑπερῆλλατο τὴν τάφρον κτιζομένην

Ῥίπται δ' ὑπερβαλλόμενοι, καὶ θνήσκουσι κατὰ ἐκείνην.

Celeres nominant veloces Romani

Ex quodam Celere Tyrrheno, quem Celerem dixi.

Dicunt enim, quod condente Romam Romulo

Remus hujus frater structuram deridens,

Sepe transilivit fossam conditam.

Cadit autem transiliendo, & moritur in illa.

Hunc certe ex Etruria cum aliis Etruscis vocatum ad tradendam condendæ civitatis religionem significat Plutarchus in Romulo pag. 27. fuisseque fabricæ toti præpositum narrat Halicarnasseus libr. 1. pag. 74. Et in ejus honorem trecentos Equites institutos, qui ab ipsius nomine *Celeres* appellarentur, auctor idem ex Valerio Antiate tradidit libr. 2. pag. 86. Sunt qui dicant hujus ministerio Remum interfectum. Livius 1. Decad. libr. 1. Ovid. libr. 4. Fastor.

. retro Celer occupat ausum

Ille premit duram sanguinolentus humum.

Loco laudato Tzetzes, cujus hæc Latina sunt:

Alii vero Celerem Etruscum, velocissimum admodum,

Qui occiso hoc fugit statim in Etruriam:

A quo Romani Celeres omnes veloces vocant.

Equites iidem a Trofsulo, Etruriæ civitate, etiam & ipsi Trofsuli dicti, Pseudocornutus ad v. 96. Sat. 1. Persii. Et disputat Justus Lipsius libr. 2. Elector. cap. 1. Et doctissime Theodorus Marcilius Professor Regius Parisiensis. Fest. Pomp. libr. 18. L. Seneca Epist. 76. & Epist. 87. C. Plin. libr. 33. cap. 2. M. Varro in Satyra Sefquiulyffe. *Itaque tum equum mordacem & calcitronem horridus miles, virque vitabat,*
nunc

nunc eruunt Trossuli nardo nitidi, vulgo Attico talento equum. Quod hic dicat, nardo nitidi, Nonius Marcellus Trossulos quali Torosulos dictos existimat. A. Persius loco citato:

Trossulus exultat tibi per subsellia levis.

Tertio iidem equites *Flexibula*, aut *Flexumenes* vocati reperiuntur ex Junio Gracchano. Quin etiam ipsum Equitem nomen saepe variatum est certum, in his etiam, qui ad Equitatum irabebantur. Celeres sub Romulo Regibusque appellati sunt, deinde *Flexumenes*, postea Trossuli, cum oppidum in Tuscis citra Volsinos passuum 9. M. sine ullo pedium adjuvamento cepissent: idque duravit ultra C. Gracchum, Junius certe, qui ab amicitia ejus Gracchanus appellatus est, scriptum reliquit his verbis. Quod ad Equestrem ordinem attinet, antea Trossulos vocabant, nunc Equites vocant, ideo quia non intelligunt Trossulos nomen quid valeat, pudet eo nomine appellari. De Equestri dignitate, censu, equo publico, transvectione, decariis, judiciis selectis iis commissis, jure aureorum annulorum, quod ipsorum proprium erat, censoria in eos potestate & nota, in Antiquitatibus Romanis multa dixi. Vide libr. 1. cap. 17.

*Etruscorum inventum secures, & fascēs: Vetuloniarum
inventi dicuntur tolli: varius pro dignitate
eorum numerus submitti.*

CAP. XXIV.

Post Regiam majestatem, nobilitatemque ab Etruscis profectam, sequuntur jura Magistratuum & ornamenta. L. Flor. libr. 1. Histor. Roman. cap. 5. Neque pace Tarquinius, quam bello promptior, duodecim namque Tusciae populos frequentibus armis subegit, & inde Fasces, trabeas, curules, annuli, phalerae, paludamenta, praetexta, inde quod aurato curru quatuor equis triumphatur, togae pictae, tunicaeque palmatae, omnia denique decora & insignia, quibus imperii dignitas eminet. Servius Honoratus ad illud Virgilii libr. 8. Aeneid. pag. 517.

Ipse oratores ad me regnique coronam.

Cum sceptro misti, mandatque insignia Tarchon,

Succedam castris, Tyrrhenaque regna capeſſam.

Alii insignia pro fascibus, qui ad Romanos a Tuscis translati sunt. Diodor. Sicul. libr. 5. Biblioth. pag. 316. Τότε περὶ τῆς ἡγουμένης στρατῆγους ἀξίωμα κατεκύρωσαν περιδέντες τοῖς ἡγουμένοις βαβδάχους, καὶ δίφρον ἐλεφάντινον, καὶ περιπόρφυρον τήβεννον. Summis exercituum ducibus hoc ipso majestatem conciliarunt, quod lictores & sellam curulem ex ebore totamque purpura

Tom. I.

Qq

pra-

præstam illis addidere. Fasces hos & secures, non omnes a Tarquinio Prisco institutos volunt, sed plerique ab ipso Romulo, qui tamen ab Etruscis eos sit mutuatus. T. Livius n. Decad. libr. i. Jura condidit, quæ ita sancta generi hominum agresti fore ratus, se se ipse venerabilem insignibus imperii fecisset, cum cetero habitu se augustiorem, tum maxime lictoribus duodecim sumptis fecit. Alii a numero avium, quæ augurio regnum portenderant, eum secutum numerum putant. Me haud pœnitet eorum sententia esse, quibus & apparitores, & hoc genus ab Etruscis finitimis, unde sella curulis, unde toga prætexta sumpta est, numerum quoque ipsum dictum placet; & ita habuisse Etruscos, quod ex duodecim populis communiter creato Rege, singulos singuli populi lictores dederunt. Sive itaque Romulus, sive Tarquinius Priscus horum auctor fuit, certe & hic, & ille inventionem Tuscis debuit. Dionys. Halicarnass. libr.

3. pag. 195. Ὡς δὲ τινες ἱστοῦσι, καὶ τὰς δώδεκα πελέκας ἐκόμισαν αὐτῷ, λαβόντες ἐξ ἐκάστης πόλεως ἓνα, Τυρρηνὸν γὰρ ἔθος ἑδίκα, ἐκάστου τῶν κατὰ πόλιν βασιλέων ἓνα προηγεῖσθαι βασιλοφύρου. ἅμα τῇ δέσμῃ τῶν ῥάβδων πέλεκυν φέρονται, εἰ δὲ κοινὴ γίνοισι τῶν δώδεκα πόλεων στρατὸν, τὰς δώδεκα πελέκας ἐν παραδίδοσθαι τῷ λαβόντι τὴν αὐτοκρατορὰν ἀρχὴν, εἰ μὲν ἅπαντες γε συμφέρονται τοῖς ταῦτα λέγουσιν, ἀλλὰ παλαιότερον ἔτι τῆς Ταρκυνίης βασιλείας πελέκας, δώδεκα πρὸ τῶν βασιλέων φέρεσθαι φασί. καταστῆσαι δὲ τὸ ἔθος τῷτο Ῥωμύλον εὐθὺς ἅμα τῷ παραλαβεῖν τὴν ἀρχὴν, οὐδὲν δὲ καλεῖται τὸ μὲν ἔθρημα Τυρρηνῶν εἶναι, χρῆσθαι δ' αὐτῷ πρώτου Ῥωμύλου παρ' ἐκείνων λαβόντα, κομισθῆναι δὲ καὶ Ταρκύνιον σὺν τοῖς ἄλλοις κόσμοις βασιλικῶς καὶ τὰς δώδεκα πελέκας. Quæ verba sic Latine sonant. *Sunt qui prodant, allatas ei etiam duodecim secures, singulas a singulis populis missas: Etruscorum enim mos fuisse videtur, quamque civitatem suo Regi lictorem unum addere, qui cum virgarum fasce securim illi præferret: quoties vero communis duodecim esset populorum expeditio, duodecim secures ei traderentur, cujus esset imperium in exercitum. Non tamen omnes Scriptores his assentiuntur, quandoquidem ajunt, ante Tarquinii regnum secures Regibus præferri solitas, fuisseque hoc institutum Romulæ, mox ex quo principatum adeptus sit; nihil tamen vetat Etruscorum id esse inventum, primumque ab illis mutuatum Romulum. Præclarum optimi scriptoris testimonium, præclarus locus, quo non modo certo scimus ab Etruscis inventionem profectam, sed & solitos fasces sive virgas securi circumdari, Obiter quædam Dominicus Floccus, qui falso putabatur Ffestella, libello de Magistratibus Romanis.*

Et quidem ne ullus sit dubio relictus locus, docet nos Silius Italicus libr. 8. Punicor. Vetulonix fasces inventos, quæ celeberrima civitas Etruriæ erat; sic enim ille:

*Meoniceque decus quondam Vetulonia gentis,
Bissenos hæc prima dedit præcedere fasces,
Et junxit totidem tacito terrore secures:
Hæc altis eboris decoravit honore Curules,
Et princeps Tyrio vestem prætexuit ostro.*

Et

Et licet frequentius secures fascibus includi solerent; tamen interdum ad terrorem eximendum, alter consulum duodecim fasces solos, alter vero duodecim secures nudas præferri sibi voluit, ut narrat plene Halicarnasseus libr. 5. principio. Erant hi fasces omnium Romanorum magistratum inigne, non in urbe modo, sed in provinciis; quare non amplius, *quam sex fasces* lex concedit Proconsuli. Ulpian. J. C. libr. 20. ad legem Juliam & Papiam. Q. Flor. Tertullian. libr. de Idololat. cap. 18. *Unius Collegii insignia fasces & purpuram gestant.*

Adeo solemniter erat fascium usus, ut tollere fasces sit idem, ac magistratum inire. Æthicus præfatione Coimographiæ: *Cum Consulatus sui fasces erigeret.* Majoriani Aug. novella de ortu & imperio D. Majoriani. *Suscepti feliciter consulatus ereximus fasces.* Poëtæ. Claudian. Paneg. de Consul. Olibrii & Proбини:

*Unanimes fratres junctos stipante senatu
Ire forum, strictasque procul radiare secures,
Atque uno bijuges tolli de limine fasces.*

Stat. libr. 1. Silv. 1. v. 178.

*Hunc & bisseos, sic indulgentia pergat
Præfulis Ausonii, cernes atrollere fasces
Ante diem.*

Sidon. Apollinar. Carm. 2. principio:

*Auspicio & numero fasces, Auguste, secundos
Erige.*

Non tantum ad ornamenta magistratum hi fasces, sed etiam ad improborum coërcitionem; nam minora crimina virgis, majora vero securi plectebantur; cum ea ætate, ac ne sexcentis annis post Urbem conditam usus ullus gladii esset; ut multis a me ostensum est in Antiquitatibus Romanis, nec hic repeto. Aurel. Cassiodor. libr. 5. Variar. Epist. 21. *Alii honores habeant & terribiles fasces, tibi vitæ humane gratissimi videntur militare custodes.* Vetus Scholiast. D. Juvenal. Sat. 8. v. 134.

*Si frangis virgas sociorum in sanguine, si te
Delectant hebetes lasso lictore secures.*

Claudian. præfat. ad libr. 2. in Eutrop.

*Scindere nunc alia meditaturn ligna securi,
Fascibus & tandem vapulat ille suis.*

Pro dignitate magistratus, quem quis gerebat, numerum securium fasciumque habebat, alius alio pauciores; nam supremum Reipublicæ caput, puta Dictator, Appian. Alexand. libr. 1. Bellor. Civil. pag. 412. aut Decemvir scribendis legibus viginti quatuor fasces præ se agebant: minimi vero magistratus, scilicet Ædiles, duos tantum; Consules vero semper duodecim. L. Sen. libr. Brevit. Vit. cap. 7. Et libr. de Tranquill. cap. 1. & libr. 3. de Ira cap. 31. Flor. Tertullian. Advers. Valentinian. cap. 16. Martial. libr. 8. Epigr. 65. & libr. 9. Epigr. 43. & alibi

frequentissime alii. Proconsoles vero in provinciis tantum sex, ut & Prætores Q. Symmach. libr. 7. Epist. 1. *Fasces præturæ tuæ in eum annum feliciter proferendos.* Et libr. 8. Epist. 70. *Urbanæ præturæ fasces filius meus Symmachus Kalendis Januarii sortietur.* Et libr. 9. Epist. 22. *Nuntio filium meum, si favor divinus arriserit, prætorios fasces anno ineunte sumpturum.* Et libr. 1. Epist. 1.

*Auroræ in populis Regum prætoria rexi,
Si fasces prætura tacet, tu respice fastos.*

Corruptus M. Martialis locus libr. 11. Epigr. 99.

*Non Consulatus ipse, non Tribunatus,
Sævique fasces, & superba clamor
Licitoris abiget virga basiatorem.*

Corrige ex MS. Cod. & lege versu secundo:

Senique fasces.

Præbant lictores hisce fascibus magistratus, Augustas, Virginesque Vestales, ut ab aliis est cumulate observatum; ut juberent populum cedere, neque magistratui occurrere. C. Plin. libr. 7. cap. 30. verba pete ex cap. sequenti. Quod si minor magistratus majori occurrisset, submittebat minor fasces, veluti eum deveneraturus, & de via decedebat, eleganter narrat Dionysius libr. 8. in rebus Coriolani pag. 516. Quod autem in victoria solenni *laureati* essent *fasces*, abunde alibi exposui.

*Etruscorum inventum licitor, seu apparitor: ab officio
dignior unus alio: januam intraturo
magistratu percutiebat.*

C A P. XXV.

EOrundem Tuscorum inventum est licitor, qui a variis officii generibus, quandoque *mutius*, interdum *viator*, mox & *accensus* appellabatur. Florus, Diodorus, Livius, Halicarnasæus, Silius Italicus superiori capite laudati. Adde Strabonem Amasianum libr. 5. Geogr. pag. 152. Ubi enumerantur Etruscorum inventa ex MS. Henrici Scrimgeri Scoti affinis mei, vir sua ætate literarum Græcarum eruditissimus, cujusque scrinia Casaubonus compilavit, & ingrato silentio diffimulavit. Hæc itaque is habet: *ῥάβδοι καὶ πελέκαι καὶ σάλπιγγες, καὶ ἱεροπόλοι καὶ μαυρίκη καὶ μυτικὴ ὅση δημοσίᾳ χρῶνται Ῥωμαῖοι.* *Fasces, secures, tubas, sacrificia, divinationem, & musicam, qua publice utuntur Romani.* Macrobi. libr. 1. Saturn. cap. 6. cujus verba pete ex cap. 27. infra hoc opere & libro, Hos inter magistratuum ornamen-
ta

ta reponunt Aurel. Prudent. in Romani agone:

*Hæc ipsa vestra dignitatum culmina
Quid esse censes? nonne cursim transeunt
Fasces, secures, sella, prætextæ, togæ,
Licitor, tribunal, & trecenta insignia,
Quibus tumetis, moxque detumescitis?*

Silius Italic. libr. 10. Punicor.

*Non aquilæ, non signa viris, non consulis altum
Imperium, non subnixæ licitore secures.*

Valgius Rufus libr. 2. de Qualitis per Epistolam, a ligando nomen deductum putat, quod idem olim licitoris, ac nunc carnificis sit munus. Unde illud Cassiodori ad licitorem libr. 11. Epist. 40. *Ama ferrum splendidum, non cruentum.* Sed Tiro Tullius Ciceronis Libertus apud A. Gellium libr. 12. cap. 3. a lino, vel licio derivat, quod liciis lineis essent adstricti, qui magistratibus ministrarent. Phædrus Tiberii Aug. libertus libr. 3. fab. 1.

*Cui tunica ex humeris linteo peluso
Erat districta, cirris dependentibus.*

Huc pertinet lex duodecim Tabularum *De furto per lancem & licium*; nam magistratum inquisitum rem furtivam præbant apparitores, licio alte cincti. Lud. Charondas & Theodorus Marcilius notarunt.

Erat autem inter licitores dignitas quædam, uti mihi persuadeo, si non ea, quæ esset inter magistratus, at certe ea major, quæ inter servos: & sicuti Pontifex Maximus, Vestalis Maxima frequenter in antiquis Inscriptionibus, & apud Suetonium, ita & *primum licitorem* dici existimo, qui ceteros digniore quodam gradu superaret: & sic censuit Franc. Robortellus libr. 2. Emendation. cap. 20. Favet locus Ciceronis Epist. 1. libr. 1. Epistolæ ad Q. Fratrem. *His rebus nuper C. Octavius jucundissimus fuit, apud quem primus licitor fuit, tacuit accensus quoties quisque voluit dixit, & quamdiu voluit.* Eodem modo & *proximus licitor*, forte qui secundum a primo locum occuparet. Valer. Maxim. libr. 2. cap. 2. tit. 4. *Ne quis se inter Consulem, & proximum licitorem, quamvis officii causa una progredieretur, interponeret.*

Hic ingressuro magistratu, domum aliquam publicam aut privatam, fascibus januam percutiebat, veluti dominum admoniturus eo magistratum Populi Romani adventare. C. Plin. libr. 7. cap. 30. *Cn. Pompejus, confecto Mitridatico bello, intraturus Posidonii sapientia clari domum, fores percuti a licitore de more vetuit, & fasces licitorios janue submisit is, cui se Oriens Occidensque submiserat.* Stat. Papin. libr. 1. Silv. 2. v. 46.

*. . . hic mecum dum fervent agmine pestes
Atriaque, & multa pulsantur limina virga.*

M. Mar-

M. Martial. libr. 8. Epigr. 65.

*Bissenos jubet en redire fasces
Noto Consule, nobilique virga
Vatis Castalii domum sonare.*

Plura de lictoribus dixi ad illud Claudiani de 6. Honor. Consul. in fine (1):

*..... desuetaque cingit
Regius auralis fora fascibus Ulpia lictor.*

*Etruscorum inventum trabea, & quorum esset gestamen:
clavata, seu clavis distincta: fibulata.*

C A P. XXVI.

AB iisdem Etruscis inventam trabeam, auctor est L. Florus loco supra citato libr. 1. cap. 5. Ugolin. Verinus libr. 1. de Illustratione Urbis Florentiæ MS.

*Regibus expulsis Romana potentia crevit,
A Tusci fasces victis, bissexque secures,
Et trabeam, & sellam, Consul Romane, petisti.*

Servius Honoratus ad libr. 7. Æneid. pag. 457. togam augurum interpretatur de cocco & purpura. Flor. Tertullian. libr. de Idololatr. cap. 18. Prætexta quoque, & trabea, & laticlavi, & fasces, & virgæ præferuntur. Et quia augures ab Etruscis excogitati, credibile est ornamentum istud cum ipsa augurum dignitate crevisse; crescente deinde Romana potentia, quintuplex fuisse trabea reperitur, auguralis, Regia, consularis, senatoria, & equestris: de quibus Wolfgang. Lazius libr. 2. Commentarior. Reip. cap. 3. & abundantissime libr. 8. idem cap. 5. quem non exscribo. Videntur certe sequiori ævo omnes togas Imperatorum eo nomine appellasse, cum tamen trabea multo brevior esset toga; nam ut Claudianum omittam passim, Corippus African. libr. 4. de Laudib. Justinii Minoris num. 1.

Egrediens sacra princeps trabeatus ab aula.

Eodem libr. num. 2.

Conscendit Princeps trabea succinctus avina.

Et ibidem. num. 3.

*Incessit latus præclara in veste Senatus,
Pars trabeis, pars compta togis.*

Erat

(1) Principem virum Etruscum, lictoribus fasces deferentibus stipatum, representat hic cippus ex lapide indigena. In fascibus non apparent secures, temporis forte injuria detrictæ.



Ara Seu Cippus Rotundus Ex Lapide Arenario Cinericio Alt. Ped. IV Apud Nob. Della Stufa In Suburbano Prope Florentiam

Vin. Franzolini scul.



Erat itaque vestis Phrygio opere curiose elaborata, aureisque trabibus, ut videtur, distincta, unde illi nomen. Nugatur Isidor. libr. 19. cap. 24. quod eam sic vocatam vult a *transbeando*. Inclinate deinde Imperio promiscuus usus trabæ; nam & saga quoque trabeata Trebellius Pollio vocat in Gallienis: *Quid ergo sine trabeatis sagis tanta esse non potest Respublica?* Hinc *trabeata* imagines apud Sidonium Apollinarem libr. 1. Epist. 6. Pseudocornutus ad A. Persii Sat. 3. v. 26. *Trabea erat togæ species ex cocco & purpura, qua operiti nobiles Romanorum initio procedebant.* Ex hoc quoque more profluxit, ut trabea pro ipso Consulatu sumatur. Idem libr. 5. Epist. 5. *Cui procul dubio statuas dederant lieræ, si trabæ non dedissent.* Latinus Pacatus Drepanius panegy. Theodosii: *pastores irabeati*; idest primi Romanorum frugi Republica magistratus, quos constat, rusticos, pastores, aut agricolas fuisse. Consule eruditissimum Joannem Savaronem ad Sidonium suum. In hac veste acu majorum effigies delineatæ videbantur; quare *trabealis molem metalli*, dixit idem Sidonium Apollinaris Carm. 2. in principio. Claudian. libr. 2. de Laudib. Stilicon.

..... gremioque rigentia profert
Dona, grapes auro trabæas, insigne Minervæ
Spirat opus, rutilis hic pingitur aula columnis,
Et sacros Mariæ partus Lucina dolores
Solatur.

Vide locum. Corippus African. libr. 1. de Laud. Justin. Min. num. 15.

Et tulit intextam pretioso murice vestem,
Justinianorum series ubi tota parentum
Nexo auro insignita fuit, gemmisque corusca.
Illic barbaricas flexa cervice phalanges,
Occisos Reges, subjectasque ordine gentes
Picior acu tenui multa formaverat arte.

Eadem hæc vestis *clavata*, a clavis, quibus distinguebatur, intertextis. Ulpian. l. 23. ff. aur. & argent. leg. Unicum tantum Juvenalis locum e Satyr. 16. corrigam:

Cum duo crura babeas, offendere tot caligatos
Millia clavorum.

Legendum ex MS. meo optimæ notæ:

..... offendere tot caligas, tot
Millia clavorum.

Rectissime indubie, nam caligis militaribus & calceis, non minus quam trabæis, clavi illi suffixi. Idem Sat. 3. v. 249.

Calceor, & in digito clavus mihi militis hæret.

Fibulis etiam erat adstricta trabea. Fl. Vopisc. in Carino, & in Aureliano: *Concessit militibus fibularum aurearum usum.* Trabell. Pollio in Claudio: *Fibulam auream cumacum Cypream unam.* Locus certe corruptus est; tu corrige: *Fibulam auream cum acu Cypria unam.* Ita legit &

& ex Rabbiniis, & Callimacho explicat Isaacus Casaubonus. Fibulis hilce gemmæ & uniones ingentis pretii addebantur. Unde illud Ælii Spartiani in Adriano: *Sive auro balneum sumeret, sive gemmis fibulas stringeret.* Ulpian. J.C. libr. 44. ad Sabinum. Leo Aug. Constitut. Plin. libr. 33. cap. 1. Virgilius, Martialis, Juvenalis passim, quos non excrimo. Antholog. libr. 4. cap. 12. Epigr. 3. Stat. Papin. ad eum morem libr. 7. Thebaid. v. 657.

*Et rubet imbellis Tyrio subtegmine thorax
Brachiaque in manicis, & pille vincula plantæ,
Carbasique sinus, & fibula rasilis auro
Tenariam fulva mordebat jaspide pallam:*

Magis ad res Romanas apposite Corippus libr. 1. de Laudib. Justinii Minoris num. 4.

*Substricloque sinu vestis divina pependit,
Poplite fusa tenus, pretioso candida limbo,
Cesareos humeras ardenti murice texit
Circumsusa chlamys, rutilo quæ ornata metallo
Principis exerta vincebat lumina dextra.
Aurea juncturas morsu perstrinxit adunco
Fibula, & a summis gemmæ micuere catenis.*

*Etruscorum inventum sella curulis: & ipsa Regum
primo, mox magistratuum patriciorum.*

C A P. XXVII.

INter Regia insignia Etrusci ad majestatem sui Principis prædicandam instituerunt sellam curulem ex ebore, ut L. Florus disertè testatur libr. 1. Histor. Roman. cap. 5. & multis docui libr. 2. supra hoc opere cap. 2. Macrobi. libr. 1. Saturnal. cap. 6. *Tullus Hostilius, Rex Romanorum tertius, debellatis Etruscis, sellam curulem, lictoresque, & togam prætextam, atque pictam, quæ insignia magistratuum Etruscorum erant, primus, ut Romæ haberentur, instituit.* Servius Honoratus ad libr. 11. Æneid. pag. 637. *Sellam Regni, trabeamque insignia nostri. Romanorum Imperatorum insigne sella curulis & trabea, nam diadema aliarum gentium Reges non habebant.* Error certissimus, & pudendus Servii, alioquin tam docti & gravis scriptoris. Ego enim multis ostendi, cap. 21. penes aliarum a Romanis gentium Reges fuisse diadematis jus: postea vero, ut omnia alia ornamenta, ab Etruscis mutuata, ita hanc Romani magistratuum suorum insigne esse voluerunt. Q. Symmach. libr. 1. Epist. 95. *Fortunati curulem tuam lato agmine per-*

persequuntur. Sed & diverforum illa, nam *sella pretoris* meminit Tacitus libr. 4. Annal. Fabius Quintilianus libr. 6. Institution. Oratoriæ. cap. 3. & Ulpian. J.C. l. 1. ff. de postuland. & *sella ædilium curulium* apud Valerium Maximum libr. 2. cap. 1. Livium 1. Decad. libr. 9. ad finem, adstipulante Lucio Pisone libr. 3. Annalium, ut refert A. Gellius libr. 6. cap. 9. Esse autem cum lictoribus & fascibus securibusque inventum hoc Vetulonix, Silius Italicus libr. 8. Punicor. auctor est.

Bisenos hæc prima dedit præcedere fasces,

Et junxit totidem tacito terrore secures,

Et princeps Tyrion vestem prætexuit ostro.

Hæc eadem pugnas accendere protulit ære.

De consulari curuli frequentius probati auctores. Savaro ad Sidonium libr. 8. Epist. 6. & Epist. 8. Carm. 2. v. 209. Corippus non uno loco. Stat. Papin. libr. 1. Silv. 2. v. 181.

... purpureos habitus, juvenique curule

Indulgebat ebur.

Ex ebore elaboratam, ex Dionysio Halicarnasseo non uno loco dixi supra hoc opere. In triumphali pompa usum ejus etiam receptum, adnotavi in Antiquitatibus Roman. libr. 10. Addendus Joannes Tzetzes Chiliad. 13. Historiar. cap. 461.

Τὴ τῇ θριαμβικῇ πάντα τὰ κερυλία δίφρου.

Triumphalis omnia curulis sella. (1)

Etruscorum inventum anuli, ferrei, aurei, Thynici, Samothracii, Regum, legatorum, matronarum, equitum, advocatorum, poetarum: cur læva ferrentur: utensilia eis clausa.

CAP. XXVIII.

Regiam majestatem anulo a Tuscis insigniri solitam, locus supra adductus L. Flori libr. 1. cap. 5. Histor. Roman. satis indicat: eumque ex religiosa causa in lævæ digito, minimo proximo, gestabant, uti arcani Etruscorum ritus demonstrabant. Quod miror a Georgio Longo, custode Bibliothecæ Ambrosianæ, prætermisum, opere *de Anulis Signatoriis Antiquorum*; cum alibi eo in opere multa sint curiosa, multa a me, suppresso nomine, transcripta, nisi & ille ex iisdem auctoribus eadem potuit, quæ ego, excerptisse.

Tom. I.

Rr

Aurel.

(1) Sella curulis antiquam, & veram formam, qualis apud Etruscos fuerit, forte habes ex pictura in vase fictili Eminentissimi Gualterii post cap. 36. hujus libri 3.

Aurel. Macrob. libr. 7. Saturnal. cap. 13. ex Attejo Capitone, juris Pontificii petito. *Qui cum nefas esse sanciret, Deorum formas insculpi anulis, eo usque processit, ut & cur hoc digito, vel in hac manu gestaretur anulus, non taceret: Veteres, inquit, non ornatus, sed signandi causa, anulum secum circumferebant; unde nec plus habere, quam unum, licebat: nec cuiquam, nisi libero, quos solos fides decerneret, quæ signaculo continetur; ideo jus anulorum famuli non habebant. Imprimebatur autem sculptura materiæ anuli, sive ex ferro, sive ex auro foret, & gestabatur, ut quisque vellet, quacumque manu, quolibet digito: postea, inquit, usus luxuriantis ætatis signaturas pretiosis gemmis capiti insculpere, & certatim hæc omnis imitatio lacescit, ut de augmento pretii, quo sculpendos lapides parassent, gloriarentur; hinc factum est, ut usus anulorum exemplius dextere, quæ multum negotiorum gerit, in levam relegaretur, quæ otiosior est, ne crebro motu & officio manus dextere pretiosi lapides frangerentur. Electus autem leva manu digitis minimo proximus, quasi aptior ceteris, ut commendaretur anuli pretiositas; nam pollex, qui nomen, ab eo quod pollet, accepit, nec in sinistra cessat, nec minus quam tota manus semper in officio est; unde & apud Græcos ἀντιχειρ, quasi manus altera vocatur: pollicis vero vicinus, nudus & sine tuitione alterius apppositi videbatur; nam pollex ita inferior est, ut vix radicem ejus excedat: medium, & minimum vitarunt, tamquam ineptos, alterum magnitudine, brevitate alterum: & electus est, qui ab utroque clauditur, & minus officii gerit, & ideo servando anulo magis accommodatus. Hæc sunt, quæ lectio Pontificalis habet: unusquisque, ut volet, vel Etruscæ, vel Ægyptiæ opinionem sequatur: Quem locum longiorem ideo adscripsi, quia hæc esset ex Pontificalibus cæremoniis sententia deprompta, quam Cæcinnæ Albinus Etruscæ opinionem interpretatur; ideo quia omnis Pontificum Romanorum eruditio ex Etruscis esset petita. Aliam rationem adducit Appion in libris Ægyptiacis apud A. Gellium libr. 10. Noct. Atticar. cap. 10. Initio ferrei omnes Romæ anuli, nec multo post tempore Senatus aures accepit. C. Plin. libr. 33. cap. 1. Ovid. libr. 4. Trist.*

Ferreus assiduo consumitur anulus usu.

Juvenal. Sat. 11, v. 129.

Anulus in digito quod ferreus.

Quod & Samothracum gestamen, qui & ipsi a Tuscis ritus omnium suorum Sacrorum hauserant; Turnebum scio, jam præoccupasse libr. 20. Adversarior. cap. 2. Flor. Tertullian. libr. de habitu muliebri cap. 5: *Nam & anuli ferro sunt.* Isidor. libr. 19. cap. 13. *Samothracius aureus est, sed capitulo ferreo, a loco ita vocatus.* Plinium Obertus Gi-phanius, & alii adduxerunt. T. Lucret. libr. 5. Rer. Nat.

*Exultare etiam Samothracia ferrea vidi,
Et ramenta simul ferri furere intus abenis
In scaphis.*

Aurei

Aurei deinde fieri cœperunt, iidemque Thynicii appellati, a loco, ubi frequentior eorum usus. Isidor. loco laudato. *Tinius purus est, primum in Bithynia fabricatus, quam olim Tinam vocabant; sed corrige: Thynicus purus est.* Postea Flaccum citat, non sine mendo insigni; sunt enim versus C. Mæcenatis in obitum Flacci Horatii, qui & ipsi ab eo portentose ponuntur: *Lugente mea vita nec Smaragdus, Berillosque, mi Flacce, nec nitentes per candida margaritas quero, nec cortinalis me perpolibit anulus, nec Jaspis lapillus.* Monstra hæc, & prodigia sic eluc, & expia, redditus sic versibus:

*Lugent te mea vita, nec smaragdus
Berillus quoque, Flacce, nec nitentes
Nunc per candida margarita quero,
Nec quos Thynica lima perpolivit
Anellos, nec Jaspis lapillos.*

Ut igitur ferrei anuli in Samothracia, ita aurei in Thynia, quæ appellata Bithynia. Claudian. libr. 2. Eutrop.

Thyni Thraces erant, quæ nunc Bithynia fertur.

Unde descendit *jus aureorum anulorum*. C. Plinius Junior libr. 8. Epist. 6. Omitto, quod *Pallanti servo prætoris ornamenta offeruntur, quippe offeruntur a servis: mitto, quod censent, non exhortandum modo, verum etiam compellendum ad usum aureorum anulorum; erat enim contra majestatem Senatus, si ferreis prætorius ueretur.* Hoc jure, ut quibusdam placet, in ingenuitatem transibant. Asconius Pædian. vel ut aliis magis videtur, equestri honore donabantur. Modestinus J.C. *Χρυσῶν δακτυλίων δίκαιον, aureorum anulorum jus* vocat. l. 14. ff. de Excusat. a Justiniano Aug. *Jus anulorum* audit sine adjectione, Novella 74. Ad titulum in Pandectis de *jure aureorum anulorum*.

Erat & quoddam tertium genus anulorum, quod neque ferreum, neque aureum, sed inauratum. Petronii elegans est locus in Satyrico pag. 78. *Habebat etiam in minimo digito sinistræ manus anulum grandem subauratum, extremo vero articulo digiti sequentis, minorem, ut mihi videbatur, totum aureum, sed plane ferreis veluti stellis ferruminatum.* Ad quem locum Joan. a Woneren, & Georgius Erhardus consulantur. Ille itaque, ut jam dixi, morem illum indicat, anulos sinistra gestandi, uti & Q. Flor. Tertullian. libr. de hab. mulieb. cap. ult. *Et sinistra per singulos digitos de singulis saccis ludit; hoc est, tanta est copia anulorum, ut patrimonium vix ad ornandam sinistram sufficiat.* Silius Italic. libr. 8. Punicor. in fine:

*O dolor! hoc etiam superi vidisse jubetis
Congesto lævæ quodcumque avellitur auro
Metitur Latias victrix Carthago ruinas.*

Et libr. 11. de anulis, Carthaginem ab Hannibale post Cannensem pugnam missis:

Testes hi stragis, quos signum illustre superbis

Rr 2

Mos

*Mos leva gestare viris, tum funditur ante
Ora admirantum præfulgens anulus auro,
Datque fidem verbis baud parvo insignis acervo.*

Gestamen hoc initio Regum erat, nec temere aliorum; nam & Reges morituri anulum illum suum, veluti imperii certum pignus successoribus dabant. Q. Curt. libr. 10. Alexander *destratum anulum digito Perdice tradidit* jam moriturus. Et simile quid narrat Lucius Seneca apud Suetonium, Tiberio cap. 73.

Secundo Legati, ad exterarum gentes missi eo, veluti honoris sui insigni afficiebantur. C. Plin. libr. 33. cap. 1. *Longo certe tempore ne Senatuum quidem Romanum habuisse aureos manifestum est; siquidem his tantum, qui legati ad exterarum gentes iuri essent, anuli publice dabantur, credo, quoniam ita exterorum honoratissimi intelligebantur, neque aliis, nisi mos fuit, quam qui ex ea causa publice accepissent.* Inter privilegia itaque legatorum, de quibus dixi ad Corippum de Laudib. Justin. minor. num. 7. erat & anulorum jus.

Tertio Matronarum gestamen anuli habiti, atque ideo in mundo muliebri repositi. Ulpian. J.C. l. 25. §. ornamentum. ff. de aur. & argent. legat. Atque illi quidem initio *ferrei*, ut Plinius loco laudato: *vel eburnei, vel electrini*, ut auctor aliquis vetus apud Suidam prodit in voce *ἐλεφάντινοι, eburnei*. Postea vero aurei, dicebanturque *pronubi*. Flor. Tertullian. Apologet. cap. 6. *Video & inter matronas, atque prostibulas nullum de habitu discrimen relictum. Circa feminas quidem etiam illa majorum instituta ceciderunt, quæ modestiæ, quæ sobrietati patrocinabantur; quum aurum nulla norat, præter unico digito, quem sponsus oppignerasset probulo anulo.* Ille vult, aureum fuisse; at Plinius ferreum, sine gemma. Alii notarunt. Trebell. Pollio in Macrino. D. Juvenalis Sat. 6. v. 27.

. digito pignus fortasse dedisti.

Quarto, Equestrem ordinem per anulum omnes sciunt, a Senatorio & plebeo discretum: quod quomodo intelligendum, ab aliis disputatum acerrime, & jam pridem discussum. Plinius loco toties laudato. Vet. Scholiast. Juvenal. ad Sat. 7. v. 89. Sueton. Vitell. cap. 12. Britannicus ad Juvenal. Sat. 11. v. 41.

*Talibus a dominis post cuncta novissimus exit
Anulus, & digito mendicat Pollio nudo.*

Quinto, Advocati inter fori ornamenta & anulum solebant magni pretii gestare; quare M. Fab. Quintilianus libr. 11. cap. 2. ait, *anulum inter agendum in foro translatum aliud atque aliud significare.* Satyrice & amare Juvenalis Sat. 7. v. 144.

. conducta Paulus agebat

Sardoniche, atque ideo pluris quam Cossus agebat.

Sexto, Poetæ, agone Scholiastico, seu Albano, seu Capitolino victores, corona lemniscata, & anulo donabantur, veluti equestris ordinis honore digni. Idem eadem Satyr. v. 88.

Ille

Ille & militiæ multis largitur honorem

Semestri vatum digito circumligat auro.

Denique Signatorios omnes cives cujuscumque conditionis habebant in quibus ad libitum sculpebant Deos, principes, amicos, quidlibet aliud: eaque Græci *σημαῖα*, ut est apud Hesychium, Illustrium vocabant: & notavit diligentissimus Joannes Meurfius ad Lycophronem. Consule Andream Tiraquellum ad Alexandrum ab Alexandro libr. 3. Genial. Dier. cap. 26. Cœlium Rhodiginum libr. 6. Antiquar. Lætion. cap. 12. Franc. Juretum ad Symmachi libr. 1. Epist. 12. L. Senec. Epist. 13. fin. Epist. 22. fine. Fl. Vopiscus in D. Aureliano fin. *Uxori & filię anulum figillaritium quasi privatus instituit.* Unde liquet non virorum modo signatorios fuisse anulos, sed & feminarum: & Græcorum, non tantum Romanorum. Alexander Macedo apud Curtium Rufum libr. 7. *Signum ejus, Philotæ, in potestate meâ est.* Ovid. libr. 9. Metamorph. fab. 11.

Protinus impressa signat sua crimina gemma.

Usque eo vilitatis processit hic anulorum figillaritiorum usus, ut *vilissima utensium* eo obsignarent, ut loquitur. C. Tacitus libr. 2. Annal. & Doctor meus eruditissimus J. Liplius, qui & hujus anuli formam ponit: ad quæ alludunt Poëtæ. Martial. libr. 9. Epigr. 89.

Nunc signat meus anulus lagenam.

M. Plautus. Casina Act. 2. sc. 1. princ.

Obsignate cellas, referte anulum ad me.

Et in Persa Act. 2. sc. 3.

*... triparcos homines, vetulos avidos, aridos
Bene admordere, qui salinum servo obsignat cum sale.*

*Etruscorum inventum phaleræ: bellicus
ornatus: consularis.*

CAP. XXIX.

INter Regum Etruscorum ornamenta & phaleræ locum habuerunt, ab iis inventæ. L. Flor. libr. 1. Histor. cap. 5. Itaque phaleræ sunt ornamenta ducum militantium, vel, ut loquitur Nonius Marcellus cap. 18. *ornamenta belli.* Salust. Jugurthin. *Ac sibi restitui & bastas, vexillum, phaleras, aliæque militaria dona.* Ex quo liquet loco, inter dona militaria & phaleras consuevisse militibus dari in fortitudinis præmium. Solinus Polyhist. cap. 6. Suetonius in Augusto, laudati a Godefrisco Stennechio ad libr. 2. Vegetii, item & nummus ibidem Trajani, qui mire huc facit. Vetus Lapis.

DONIS

DONIS. DONATO. A. DIVO
 TRAIANO. AVG
 TORQVIBVS. ARMILLIS
 PHALERIS. BELLO. PARTHICO.

Juvenal. Sat. 16. fine:

Ut lati phaleris omnes, & torquibus omnes.

Virgil. libr. 9. Æneid.

*Euryalus phaleras Rhamnetis, & aurea bullis
 Cingula.*

Pseudocornutus ad A. Persii Sat. 3. v. 30.

Ad populum phaleras.

Anonymus Poëta apud D. Hieronymum Epist. de Just. Monachi:

Respicere ad phaleras, & nomina vana Catonum.

Regum itaque initio gestamen phalerae, postea militum fortium; sed
 & *Consulares Phalerae* dicuntur ab Aurelio Cassiodoro libr. 6. Variar.
 Epist. 20. Savaro doctiss. ad Sidonium libr. 4. Epist. 9. Postea tamen,
 ita usu volvente ab ipsis hominibus ad equos translatus hic ornatus.
 L. Apul. libr. 10. Milefiar. Superabatque ea luxuria fidem, additis auro
 pretiosissimisque gemmis. Achilles Tattius libr. 3. de Clitophonte &
 Leucippe pag. 72. L. Seneca Epist. 80. Ægidius Maserius ad Valerii
 Flacci Argonaut. libr. 6. pag. 93. Apollonius libr. 1. Excidii Hiero-
 folymitani. Dixi ad Epigramma Claudiani *de phaleris equi Regii*:

Dumque auro phalerae, gemmis dum fræna remident.

Et de 6. Honor. Consul.

Turbantur phalerae.

*Etruscorum inventum paludamenta, quorum gestamen
illa more Romano: dicta & chlamys
eadem vestis.*

CAP. XXX.

AD bellicum apparatus spectat paludamentum, quod inter Etruscorum inventa reponit L. Florus libr. 1. Histor. Roman. cap. 5. Bellicum fuit ipsius Regis gestamen. Isidorus libr. 19. cap. 24. Salustius Crispus libr. 3. Historiar. *Eodem tempore Lentulus duplici acie locum editum multo sanguine suorum defensus, postquam ex sarcinis paludamenta adstari, & delectæ cohortes intelligi cæpere.* Sed ut reliqua omnia ornamenta, a Tuscis accepta, Regumque tantum majestati debita, Romani ad suos transtulere Magistratus; ita & hoc eodem jure translatum voluere. Sext. Aurel. Victor. in Caligula, Cæsarum vestem fuisse scribit *indutus aureo paludamento.* Et Tacitus libr. 12. de Claudio idem confirmat. De Juliano Ammian. Marcell. De Septimio Severo Herodian. libr. 3. notati a Wolfgango Lazio libr. 8. Commentar. cap. 11. Pleraque a me dicta ad illud Claudiani de 6. Honorii Consulatu:

*... & ducibus circumstipata togatis
Jure paludatæ jam curia militat aule.*

Eandem vestem chlamydem dici, Nonius ait. Æl. Spartian. Adriano. *Ingentia dona accepisset, atque inter hæc auratas quoque chlamydes.* Jul. Capitolin. in Pertinace Aug. *Purpureasque chlamydas Græcicas, atque castrenses.* Trebell. Pollio in Gallienis. *Cum chlamyde purpurea, gemmatisque fibulis & aureis Rome visus est.* Eratque hæc Principum initio, mox Senatorum, tum deinde & omnium magistratuum patriciorum promiscue. Aurel. Cassiodor. libr. 6. Variar. Epist. 15. & Epist. 21. Et libr. 12. Epist. 7. L. 1. C. Theodos. *Quo habitu uti oporteat intra urbem.* Gregor. Turonens. libr. 2. Histor. Franc. cap. 38. Et plerumque paludati, sive chlamydati imperatores, etiam statuis politis. Stat. Papin. libr. 1. Silv. 1. de Domitiani statua:

*It tergo demissa chlamys, laus ense quieto
Securum.*

Sic Poëte audiendi. Virgilius frequenter maxime libr. 3. *Æneid.* & Servius ibi:

Dat Phrygiam Ascanio chlamydem.

Corippus Africanus libr. 1. de Laudib. Justin. Minor. num. 4.

Cæsareos humeros ardenti murice textit

Cir-

Circumsusa chlamys.

Claudian. libr. 2. de Laudib. Stilic. ubi multa dixi:

*Quin & Sidonias chlamydes, & cingula baccis
Aspera, gemmataeque togas, viridesque smaragdīs
Loricās, galeasque renidentes hyacinthis,
Gestatoque patri scapulis radiantibus enses,
Et vario lapidum distinctas igne coronas
Dividis ex aequo.*

*Etruscorum inventum praetexta: quae vestis,
& quorum abolla dicta.*

C A P. XXXI.

Praetextam ab Etruscis, ad ornandam Regum suorum majestatem, antiquissimo seculo diu ante Romam conditam loquitur non modo L. Florus libr. 1. Histor. Rom. cap. 5. sed & alii magnae notae Scriptores id ipsum testantur. C. Plin. libr. 8. cap. 48. Praetextae apud Etruscos originem invenere. C. Lucil. libr. 1. Satyrarum:

Praetexta, & tunicae Lydorum opus sordidum omne.

Sil. Ital. libr. 8. Punicor.

*Maoniaeque decus quondam Vetulonia gentis
Bisenos haec prima dedit precedere fasces,
Et junxit totidem tacito terrore secures,
Et princeps Tyrio vestem praetexuit ostro.
Haec eadem pugnas accendere protulit aere.*

Aurel. Macrob. libr. 1. Saturnal. cap. 6. Tullus Hostilius, Rex Romanorum tertius, debellatis Etruscis, sellam curulem, lictoresque, & togam pictam, atque praetextam, quae insignia magistratuum Etruscorum erant, primus, ut Romae haberentur, instituit; sed praetextam illo seculo puerilis non usurpabat aetas; erat enim, ut cetera, quae enumeravi, honoris habitus; sed postea Tarquinius Demarati Corinthii exulis filius Priscus, quem quidam Lucumonem vocitatum ferunt, Rex tertius ab Hostilio, quintus a Romulo, de Sabinis egit triumphum: quo bello filium suum, annos quatuordecim natum, quod hostem manu percusserat, & pro concione laudavit, & bulla aurea praetextaque donavit, insigniens puerum ultra annos fortem, praemiis virilitatis, & honoris. Nam sicut praetexta magistratuum, ita bulla triumphantium erat gestamen. Vide quae sequuntur Dionys. Halicarn. libr. 4. pag. 268. Consularia ornamenta, seu verius regalia enumerat: Θρόνον ἐλεφαντίνον, & λευκὴν ἐσθῆτα περιπόρφυρον, & τὰς προηγούμενους, &c.
δάδε-

δώδεκα πελάγας: *Sellam eburneam, hoc est curulem, & albam togam purpura prætextam, & lictores, & duodecim secures.* Æl. Lamprid. in Alexandro Severo: *Prætextam & pictam togam nunquam nisi Consul acceperit, & eam quidem, quam de Jovis templo sumptam alii quoque accipiebant, aut prætores, aut Consules: acceperit prætextam etiam cum sacra faceret, sed loco Pontificis Maximi, non Imperatoris.* Qui locus docet & Imperatores, & Consules, & Prætores, & Pontifices Maximos uti prætextâ consueville. Claudian. de 6. Hon. Consul.

Communem majore toga signabitur annum.

Sed Romano usu prætextâ præcipue puerile erat gestamen, ut exequitur Macrobius loco laudato. Levinus Torrentius ad Horat. Epod. Od. 5.

Per hoc inane purpure decus precor.

Atque ea posita, togam virilem inducunt. Catullus Epigr. 63. Lucan. libr. 7. principio. Persius Sat. 5. M. Cicero libr. 5. ad Atticum Epist. 21. libr. 6. Epist. 1. libr. 9. Epist. ult. libr. 10. Epist. 8. Horat. libr. 1. Od. 36. Sueton. Augusto cap. 8. A. Gell. libr. 18. cap. 4. M. Martial. libr. 1. Epigr. 114. Vocataque hæc toga virilis a Persio loco citato *umbo candidus*, quod sit velut clypeus adversus reprehensiones. Cœl. Rhodigin. libr. 14. Antiquar. Lection. cap. 16. Sumptaque ea, summa erat libertas, quare & libera dicta. P. Ovid. libr. 4. Trist. Eleg. 10.

Liberior fratri sumpta mibique toga est.

Offerebatur toga hæc solemnî die, deducto in forum tirone, seu prætextato, ut jam a viris doctis est observatum, & dixi ad illud Claudiani de 6. Consul. Hon.

Romano puerum gaudens offerre favori.

T. Liv. 5. Decad. libr. 5. fin. Sueton. Aug. cap. 96. Symm. libr. 2. Epist. 42. Ferebatur supra tunicas. M. Tullius de suppliciis: *Sententiæ dicende loco, sellam curulem, jus imaginis ad memoriam, posteritatemque prodendam, togamque prætextam.* Plura alii.

Eadem hæc veitis *abolla* appellata, putantque vulgo, militarem esse vestem. Nonius Marcell. cap. 14. num. 9. Pallium interpretatur Hadrianus Turnebus libr. 27. Adversarior. cap. 15. non recte; nam certum est, togæ genus quoddam fuisse, sed forte figura aut colore ab aliis togis distinctum. Vet. glossar. Philoxeni. *Abolla, toga, ἰσάριον.* Vetus Scholiast. Juvenalis ad Satyr. 3. v. 115. *Abolle, quasi majoris togæ.* Estque tam philosophorum, quam militum. Satyricus ipse:

... atque audi facinus majoris abolle.

Satyr. 4. v. 77.

*Currite, jam sedit, rapta properabat abolla,
Pegasus.*

Servius ad libr. 5. Æneid.

... duplicem ex humeris rejecit amictum.

Martial. libr. 4. Epigr. 53. & libr. 8. Epigr. 48.

Nescit, cui dederit Tyriam Crispinus abollam.

Tom. I.

Ss

Erru-

Etruscorum inventum calcei militares, qui & Tyrrheni dicti: & crepidæ: fasciis ligari.

C A P. XXXII.

HOc quoque militiæ præstiterunt Etrusci, ut calcei militibus alii atque in communi usu ceteris hominibus essent. Julius Pollux libr. 7. Onomastic. cap. 22. Τυρρηνικά τὸ κάττωμα ξύλων, τετραδάκτυλον, οἱ δ' ἑκάστης ἐπὶ χροσσι, σανδάλιον γὰρ ἦν, ὑπόδησε δ' αὐτὸ Φειδίας τὴν Ἀθηναίαν, ἐκάλουν δ' αὐτὰ Τυρρηνουργή. τὰς μὲντοι Τυρρηνικάς ὁ σαφρὸς μάθης:

Ποικίλος μάθης λύδιον κακὸν ἔργον.

Quæ sic Latine sonant: *Tyrrhenici calcei, quorum solea lignea, quatuor digitorum latitudinis, lora autem inaurata, erat autem Sandalium: hoc Phidias induit Minervam, & bos quidem Tyrrhenicos vocabant. Tyrrhenicorum Sappho dixit lorum:*

Lorum varium, Lydium malum opus.

Servius Honoratus ad illud Virgilio libr. 8. *Æneid. pag. 515.*

Consurgit senior, tunicaque inducitur artus

Et Tyrrhena pedum circumdat vincula plantis.

Tyrrhena vincula, Tusca calceamenta, & dicit crepidas, quas primo habuere Senatores, post equites Romani, nunc milites. Alii calceos Senatores volunt, quia hoc genus calceamenti a Tuscis sumptum est. Vetus Scholiastes Juvenalis ad v. 14. Satyræ ultimæ: Darupis militibus calceamenta dixit. Corrigendum est: pro ipsis militibus. Ipse Poëta:

Bardaius iudex datur hæc punire volenti

Calceus, & grandes magna ad subsellia suræ

Legibus antiquis castrorum.

Æl. Lamprid. in Alexandro. Epistola Aureliani Aug. apud Fl. Vopiscum in eo. *Milites arma terfa, ferramenta Samiata babeant, & calciamenta fortia.* Clavis quibusdam ferreis compacti erant, ut milites in eodem vestigio, defixis in terram clavis, immobiles consistere possent, neque facile loco suo propelli. Ut discimus ex eleganti narratione Fl. Josephi libr. 7. Belli Judaic. cap. 3. quam historiam repetiit Egesippus, si ille libri illius auctor est, libr. 5. de Excid. Hierosolymit. cap. 30. Hinc & *calciarium* pro donativo. Paulus J.C. l. 3. ff. offic. præfect. vigil. & l. 2. ff. alim. & cib. legat. Ulpian. l. 8. ff. de Transactionib. C. Sueton. Vespas. cap. 8. *clavatumque* a C. Tacito dicitur libr. 3. Historiar.

Calcei isti crepidæ etiam dicti, & ideo inter res peregrinas illi habiti calcei, creditique a Græcis Romam translati, cum tamen Servius diser-

diserte supra proxime laudatus, Tuscis eorum inventionem attribuat. Suetonius, Seneca, Martialis, Persius, Juvenalis, & alii consulantur.

Lora istis, sive ansas assignat Sappho, quæ Virgilius vincula appellavit. Usum illum Homerus novit libr. 2. Odyss. principio. Hieron. Magius libr. 3. cap. 3. Poëtæ M. Manil. libr. 5. Astronomic.

Et pedibus niveis fulserunt aurea vincla.

Alb. Tibull. libr. 1. Eleg. 6. & Eleg. 8. Sidon. Apollinar. Carm. 2. v. 402. Et libr. 8. Epist. 11. Livius Andronicus vetustissimus Poëta apud Terentianum Maurum libr. de Metror. Generib.

Et jam purpureo furas include cotburno.

Ex quo Virgilius libr. 1. Æneid.

Purpureoque alte furas vincire cotburno.

*Etruscorum inventum calcei senatorii: dimidiatæ
lunæ figuram adsutam illi habebant: ansulis
stricti: coloris nigri: patricii dicti.*

CAP. XXXIII.

Etruscæ inventionis est calceus senatorius. Servius Maurus Honoratus ad libr. 8. Æneid. pag. 515.

Et Tyrrhena pedum circumdat vincula plantis.

Quem vide capite superiori. Erat autem dimidiatæ lunæ efigies adsuta: & ideo quod folis patriciis eos ferrè liceret, patricii nominabantur. Vetus Inscriptio in marmore Ariminensi⁽¹⁾.

C. MARIVS. COS. VII. TRIB. PLEB.
Q. AVG. TIB. MIL. EXTRA
SORTEM. BELLVM. CVM. IV
GVRTHA. REGE. NVMDIAE
GESSIT. EVM. CAEPIT. TRIVM
PHANS. IN. SECVNDO. CON
SVLATV. ANTE. CVRRVM
SVVM. DVCI. IVSSIT. TER
TIVM. COS. ABSENS. GREA
TVS. EST. ILL. TEVTO
NORVM. DELEVIT. EXERC
TVM. V. COS. CIMBROS. FV
DIT. EX. ILLIS. ET. TEVTO

SS 2

NIS.

(1) Idem Dempst. Libr. 5. cap. 36. Antig. Roman. Paralip. ad Rosinum hanc affert inscriptionem; at Gruterus pag. 436. n. 3. eam aliter refert.

NIS. ITERVM. TRIVMPHANS
REMP. TVRBATAM. SEDI
TIONIBVS. TRIB. PLEB. ET
PRAETOR. V. QVI ARMATI
CAPITOLIVM. OCCVPAVE
RANT. VI. COS. VINDICA
VIT. POST. LXX. ANNVM, PA
TRIA. PER. ARMA. CIVILIA
PVLSVS. ARMIS. RESTITV
TVS. EST. VII. COS. FACTVS
EST. DE. MANVBIIS. CIM
BRIS. ET. TEVTONICIS
AEDEM. HONORI. ET. VIRTVTI
VICTOR. FECIT. VESTE
TRIVMPHALI. CALCEIS. PA
TRICIIS.

Adstringebantur hi calcei quibusdam loris, ut superiori capite dixit unanimis veterum scriptorum consensus. Adde Festum libr. i. in voce *amenta*. Achill. Tatius libr. i. de Amoribus Clitophontis & Leucippes. *Corolla iis in capitibus erant, crines per humeros effusi, pedes vinculis exuti, crura vestibus, zonaque genu tenus succinctis nudata*. Sic se Latina verba habent, Græca ad manum non sunt ⁽¹⁾. C. Petron. Satyrico. *Atque alius tunicam meam lacerat, alius vincula calciamentorum resolvit ac trahit*. C. Plin. libr. 9. cap. 35. notatque Janus Douza, vir genere scientiaque nobilis. P. Terentius in Heautontimorumenno. *Detrahere soccos*. M. Plautus Epidico. *Soccos adimere pedibus*. Et in Captivis: *compedes adimere*. M. Varro libris Logistoricis, eo, cui titulus Cato: *Mibi puero modica fuit unica tunica, & toga, sine fasciis calciamenti, equus sine ephippio, balneum non quotidianum, alveus rarus*. Idem in Satyra Menippea flexibula: *Domo exeo, intro, & pedes corrigiis compedio*. Poëtæ. Ovid. libr. 3. Metamorph.

Vincla duæ pedibus demunt.

Et libr. 2. Fastor.

*Nec quisquam invita faciet bene vincula plantæ
Pallade.*

Et libr. 5. Fastor.

Surgit, habent gemini vincula nulla pedes.

Quare in sacris expiatoriis solvebantur hæc ansæ, aut vinculorum corrigiæ. Virgil. libr. 4. *Æneid.* de Didone magicis sacris operante:

Unum exuta pedem vinclis.

Valer.

(1) Græca verba non omnino Latinis respondent, sed ita se habent: Στέφανοι περὶ τοῖς μετώποις διαδύμενοι, κόμην κατὰ τῶν ὤμων λελυμένην, τὸ σκέλος ἅπαν γεφυρωμένον, τὸ γὰρ ζῶσµα μέχρι γόνατος ἀνέλλε τὸν χιτῶνα.

Valer. Flacc. libr. 3. Argonaut.

Ducit & ad fluvios, & vincula solvere monstrat

Prima pedum.

Distinguebantur hæc calciamenta ab aliis, quod ea, quæ Principes gestabant, quæque Tzangæ, aut Zancæ dicebantur, purpurei essent coloris, haberentque non lunæ effigiem dimidiatæ assutam, sed aquilam. Dixi multis ad Corippum Africanum libr. 2. de Laud. Justin. Min. n. 4.

Purpureo suræ resonant fulgente cothurno,

Cruraque puniceis induxit Regia vinculis,

Partibica Campano dederat quæ tergora fugo.

Mulierum vero albi, at Senatorum nigri. M. Cicero Philip. 3. *Aperitam curiam vidit post Cæsaris mortem, mutavit calceos, pater conscriptus repente factus est.* Juvenal. Sat. 7.

Appositam nigra lunam subtexit alute.

Q. Horat. libr. 1. Sat. 6.

..... nigris medium impedit crux

Pellibus.

Cristophorus Landinus, *apud antiquos non nisi nobiles nigris calceis utebantur.* Vide Martialem libr. 7. Epigr. 32. Joan. Zonaras Tom. 3. *Annal.* ubi de Servio Tullio Romanorum Rege, Calcei isti mullei dicti. Fest. Pomp. libr. 11. in voce *mulleos*. M. Cato libr. 7. *Originum.* *Qui Magistratum curulem cepisset, calceos mulleos allucinatos, ceteri perones.* Titinius poeta in *Setina*:

..... jam cum mulleis

Tè ostendisti, quos tibiatim calceas.

*Etruscorum inventum cothurni, sive calcei tragici:
iidem & venatorii.*

CAP. XXXIV.

Hoc quoque genus calciamenti a Tuscis profectum. Ovid. libr. 3. Amor. Eleg. 1.

Læva manus sceptrum late regale tenebat,

Lydius apta pedum vincla cothurnus erat.

Erat certe cothurnus præcipue tragædorum, ut foccus comicorum. L. Apul. libr. 3. Floridor. *Joca non infra foccum, seria non usque ad cothurnum.* C. Plin. libr. 37. cap. 2. *Quod miror in tanta gravitate cothurni.* Fallitur Isidorus libr. 19. *Etymologiar.* cap. 34. qui putat *solis tragædis* eum convenire, cum & *virginum*, ut altiores viderentur, & *viatorum*, ut a luto defenderentur, fuerint gestamen cothurni: quod in *Antiquitat. Roman.* dictum hic non repeto. Poëtæ. Ennod. Tici-
nen. præfat. 8. libr. 1. cærm.

Nec

Nec mea grandifono flammentur corda cothurno.
Terentian. Maurus libr. de Metris:
Et qui cothurnis Regios actus levant.

Sidon. Apollinar. libr. 8. Epist. 11.
Soccus ferre cave, nec ut solebat
Laxo pes natet altus in cothurno.

M. Manil. libr. 5. Astronom.
Quin etiam tragico præstabit verba cothurno.

Claudian. de Consulatu Manlii Theodori ad finem:
..... *qui pulpita socco*
Personat, atque alie gradiuntur majore cothurno.

*Volumnius Tuscas tragœdias scripsit: primus apud
Græcos tragœdus; item & apud Romanos:
& Poëta Tuscus sub Augusto.*

C A P. XXXV.

Diu, antequam tragœdiæ nomen Romæ fuisset auditum, quidam Volumnius, poëta Tuscus, tragœdias scripsit; ut quemadmodum ludos scenicos ab Etruscis illi sunt mutuati, ita quoque & tragicum apparatus ab iisdem mutuatum videri potest. M. Varro libr. 4. de Ling. Lat. *Ager Romanus primum divisus in partes treis, a quo tribus appellatae Tatiensium, Rhamnium, Lucerum: nominatae, ut ait Ennius, Tatienses a Tatio, Rhamnenses a Romulo, Luceres, ut ait Junius, a Lucumone. Sed omnia hæc vocabula Tusca, ut Volumnius, qui tragœdias Tuscas scripsit, dicebat.* In MS. Bibliothecæ Farneſianæ, non Volumnius legebatur, sed Volnius, inepte, ut opinor; Volumnii enim plerique in Etruria, & Deus Volumnius, seu Volumnus, & Dea Volumna, ut libr. 1. supra hoc opere ostendebam cap. 15. (1) & *Vola* arcem, lingua Etrusca antiquissima significabat. Eod. libr. cap. 20.

Volumnius igitur tragœdias Tuscas scripsit, antequam Etruria ditionis fuisset Romanæ, quo tempore ne literas, nedum tragœdiæ usum Roma sciebat; nam P. Ovidius Naso primus in ea gente ad normam Græcorum tragœdiam revocavit, Medeamque dedit, quam immodice extollit Quintilianus libr. 1. Institut. Oratoriar. cap. 1. Ipse meminit loco proxime laudato:

Alte-

(1) Gelenius ad cap. 53. libr. 2. Plinii sic habet: Tusci terram vocabant *Volam*; inde *Volta* terrigena bellua.

*Alera me sceptro decoras, altoque coturno,
Jam nunc contracto Magnus in orbe sonor.*

Et libr. 2. Amor. Eleg. 18.

*Sceptra tamen sumpsi, curaque tragædia nostra
Crevit, & huic operi quamlibet aptus eram.*

Risi Amor, pallamque meam, pictosque coturnos,

Sceptraque privata tam cito sumpta manu.

Paulo post Varius in eodem stadio decurrit. Martial. libr. 8. Epigr. 18.

Et Vario cessit Romani laude coturni.

Quod autem ante illos, Accius & Pacuvius in tragædia clarissimi, nominentur a Fabio Quintiliano ubi supra, qui tamen longe Ovidium Variumque ætate superarunt, intelligendum est, non de tragædiis ab iis scriptis, sed Latina lingua donatis; deinde, ut verum sit tragædias non vertisse, sed etiam composuisse, certe imperfecta eo ævo fuit illa politionis literaturæ species, quam sub Augusto, illi, quos nominavi, duo eam absolverint, ornaverintque. Pseudocornutus ad A. Persii Satyr. 1. v. 76.

*Est nunc Brisæi quem Venosus liber Acci,
Sunt quos Pacuviusque, & verrucosa moretur
Antiopa.*

Non desunt, qui ad Græcos tragædiæ originem referant, cujus antiquissimus usus singulis annis in Lænæis, Dionysiis, Panathenæicis, & Chytris ostenderetur quadruplici fabula. Suid. in voce τετραλογία. Alii, inter quos Donatus in prologo Adelphor. Terentii, Homerum auctorem faciunt: *Qui omnis poetica largissimus fons, tragicis carminibus exempla præbuit, & velut quadam operum suorum lege præscripsit, Iliadem instar tragædiæ, Odyseam ad imaginem comædiæ fecisse monstratur.* At Plato contentus est ad Athenienses trahere, in Minoë. Diogen. Laërt. in Platone libr. 3. in fine. Anonymus Poëta libr. 1. Anthologiæ cap. 57. Epigr. 22. *Εὐρην, invenit*

Εὐτέρπη τραγικῶν χωρὶς πολυχηέα φωνήν.

Euterpe tragici chori multisonam vocem.

Sunt etiam qui Sufarionem Rullum tantæ rei inventorem faciant, ut Donatus. Frequentior tamen celebriorque sententia est, a Thespî inventum hoc mansisse. Suid. in voce Θέσπης. Scholiast. Aristophanis. Horat. in Arte Poëtica:

Ignotum tragice genus invenisse Camæna

Dicitur, & plaustris vexisse poemata Thespis,

Quæ canerent agerentque peruncti facibus ora.

Nec aliqui ad Eupolim id referre dubitarunt. Diomedes Grammaticus, Pet. Nannius Alcmarianus annotabat; quamquam ille non tam tragici carminis, quam comici auctor est censendus. Quintilian. libr. 10. cap. 1. Q. Horat. libr. 1. Sat. 4. principio: Aristoteles libr. de Re Poëtica consulatur. Jul. Scalig. libr. 1. Poëtices cap. 6. quos non exscribo.

Fuit

Fuit alius Poëta Tuscus, sub Augusto clarus. Ovid. libr. 4. de Ponto Eleg. ult.

Quique sua nomen Phyllide Tuscus habet.

Etruscorum inventum triumphus, & ejus pompa sive apparatus: triumphus & triumphus: alii populi ante Romam conditam triumphabant.

C A P. XXXVI.

Etrusci triumphandi ritum Romanis communicarunt. L. Florus libr. 1. Hist. Roman. cap. 5. *Neque pace Tarquinius, quam bello promptior, duodecim namque Tusciae populos frequentibus armis subegit, & inde fasces, trabes, curules, annuli, pbalerae, paludamenta, praetexta: inde quod aurato curru quatuor equis triumphatur: toga picta, tuniceque palmata, omnia denique decora & insignia, quibus imperii dignitas eminet.* Accedit Strabo Amalianus libr. 5. Geogr. pag. 152. *Εὐκλαμστε δ' οὖν τὴν Τυρρήνιαν καὶ αὐτοὺς, καὶ ὁ πατὴρ πρότερον, ὁ μὲν εὐτορίᾳ δημιουργῶν τῶν συνακολυθησάντων ὕκοθεν, ὁ δὲ ταῖς ἐκ τῆς Ρώμης ἀφορμαῖς. λέγεται δὲ καὶ ὁ θριαμβικὸς κόσμος, καὶ ὑπατικὸς, καὶ ἀπλῶς ὁ τῶν ἀρχόντων ἐκ Ταρκενίων δεῦρο μετενεχθῆναι, καὶ ῥάβδοι, καὶ πελέκεις, καὶ θεῶν ἀγάλματα, καὶ (1) ῥάβδοιχοι, καὶ σάλπιγγες, καὶ ἱεροποιῖαι, καὶ μαντικὴ, καὶ μουσικὴ ὅση δημοσίᾳ χρῶνται Ῥωμαῖοι.* Exornarum Etruriam tum hic, tum prius pater: hic quod opificibus domo (Corintho) ipsum comitatis abundaret: ille, quod Roma ad eam rem facultates suppeditaret. Traditum est ornatum triumphalem ac consularem, adeoque omnium Magistratum a Tarquiniis Romam fuisse translatum, nec non fasces, secures, & Deorum statuas, & lictores, & tubae, & sacrificia, & divinationem, & musicam, qua publice uiuntur Romani. Videtur Strabo triumphandi apparatus ad Romanos quidem a Tuscis venisse significare, sed & illos a Graecis hausisse: quod non potest mirum videri in Graeculo, impensius patriae suae encomiis favente. Nam verius Appianus Alexandrinus, facundus olim Romae advocatus, & verax historicus, antiquiorem multo facit triumphum apud Etruscos inventionem, scilicet mille annis & amplius ante Romam. In bello Punic. pag. 35. *Αὐτὰ δ' ἤρηνται τὰ στρατηγὰ ῥάβδοιχοι Φοινικῆς χιτῶνας ἐνδοδουκότες, καὶ χορὸς κισσαριῶν τε καὶ τιτυριῶν, ἐσμιμήματα Τυρρήνικης πομπῆς, περιεζωσμένοι τε καὶ σεφάνην χρυσὴν ἐπικείμενοι. Ὡσα τε βαίνουσιν ἐν τάξει μετὰ ᾠδῆς, καὶ μετὰ ὀρχήσεως. Λυδοὺς αὐτοὺς καλεῖσιν, ὅτι οἱμαί Τυρρήνικοι Λυδῶν ἄποικοι.* Vertit non incommode Franciscus Beraldus. *Ipsum lictores paludarii praecedunt imperatorem, & chorus cytharistarum ac satyrorum, Etru-*

(1) In editione Casauboni verba: καὶ θεῶν ἀγάλματα, καὶ ῥάβδοιχοι non apparent.

Etrusco more cinctorum, ornatorumque coronis aureis, cum cantu & cum tripudio, Ludiones ipsi vocant, ideo, opinior, quia Etrusci Lydorum coloni sunt. Non placet tamen, quod χιτώνες φοινίκες ἐνδεδυκότες vertat *Lictores paludati*, qui nunquam paludamento, quod sciam, uli reperiuntur, cum is habitus Ducum tantummodo esset, ut cap. 30. supra hoc libro adnotabam. Melius forte *tunicati*, nam χιτώνα *tunicam* dixit Interpres vulgari Homeri Iliad. libr. 3. v. 57. & forte ideo in triumpho lictores tunicati, quasi molliem exprobraturi hostibus eo habitu, qui non erat militaris. A. Gell. libr. 7. Noct. Atticar. cap. 12. Vel convenientius Romanis moribus *sagati* purpureis vestibus; sago enim purpureo lictor usus. Sil. Italic. libr. 10. Punicor.

*Ut vidit sagulo circumvolitare rubenti
Lictorem.*

Errat itaque Plutarchus, qui in Romulo pag. 27. triumphi originem ad Romuli de Acrone Rege victoriam refert, & plerique illum secuti; nam nec sub eo triumphus esse potuit, sive equo, sive curru. Sed pergo. Summus hic honor, qui mortalibus contingere poterat, censebaturque unicum laboris bellici premium, laudem & gloriam quippe victores solum referebant. Guilielm. Bellendenus Scorus, Magister libellorum supplicum Augusti Regis Britanniarum in Senatore Ciceroniano cap. 19. Porro *trumpus*, & *triumfus* sine aspiratione & cum *f.* in vetustis numismatis apud Adolphum Occonem non semel: & notat Angelus Politianus Miscellaneor. cap. 19. Veteres quoque Inscriptiones id ipsum preferunt⁽¹⁾.

FL. EVGENIO. V. C. EX. PRAEFECTO. PRAETORIO
CONSVLL. ORDINARIO. DESIGNATO. MAGISTRO
OFFICIORVM. OMNIVM. COMITI. DOMESTICO
ORDINIS. PRIMI. OMNIBVSQ. PALATINIS
DIGNITATIBVS. FVNCTO. OB. EGREGIA. EIVS
IN. REMPVBLICAM. MERITA. HVIC
D. D. N. N. CONSTANTIVS. VICTOR. AC
TRIVMFATOR. SEMPER. AVGVSTVS. ET
IVLIANVS. NOBILISSIMVS. CAESAR
STATVAM. SVB. AVRO. IN. FORO. DIVI
TRAIANI. QVAM. ANTE. SVB. DIVO
CONSTANTE. VITAE. ET. FIDELISSIMAE
DEVOTIONIS. GRATIA. MERVIT
ADPROBANTE. AMPLISSIMO. SENATV
SVMPTV. PVBLICO. LOCO. SVO
RESTITVENDAM. CENSVERVNT.

Tom. I.

Tt

Vul-

(1) Apud Græter. pag. 406. num. 1.

Vulgata tamen, receptaque lectio ex vetustis etiam lapidibus potest probari. Lapis in monte Quirinali vulgatam lectionem confirmans. (1)

P. DECIVS. DECI. F
PRIMUM. COS
DE. SAMNITIBVS
TRIUMPHANS
SPOLIA. EX. IEIS
CERERI. CONSECRAVIT
ITERVM. ET. TERTIVM
CONSVL.
.

Certe ante Romam conditam alii etiam populi triumphasse leguntur. Exemplo sit Cyrus, primus Persarum Rex. Georg. Cedrenus Compend. Historiar. pag. 114. Ptolomeus Philadelphus, ut operosissime describit Athenæus libr. 5. Dipnosophist. Et Xerxes. Herodot. libr. 7. Et Carthaginenses, auctore Polybio libr. 3. Denique antiquissima memoria Bacchum superatis Indis volunt triumphum instituisse, C. Plin. libr. 8. cap. 56. Diodor. Sicul. libr. 4. pag. 147. Nonnus Panopolitanus Dionysiacis pag. 143. Cui sententiæ Poëtæ favent. Ovid. libr. 1. Amor. Eleg. 2. M. Martial. libr. 8. Epigr. 28. Virgil. libr. 6. Æneid. v. 806. Stat. libr. 4. Thebaid. v. 386. Sil. Italic. libr. 17. Punicor. ad finem. Cl. Claudian. de 4. Honorii Consul.


*Talis Erythraeis intextus Nebrida gemmis
Liber agit currus, & Caspia flectit cburnis
Colla jugis, Satyri circum, crinemque solute
Menades, adstringunt bederis victricibus Indos:
Ebrius hostili velatur palmitè Ganges.*


De pompa dicendum fuerat, sed præoccupavi libr. 10. Antiquitat. Romanar. cap. 29. In ea gentes victæ, adeoque totius belli forma præferebatur. Tacit. libr. 2. Annal. Tull. in Orat. in Pisonem. T. Liv. 4. Decad. libr. 7. fine. Cincius vetustissimus auctor libr. 2. Myftagogicon apud Festum Pompejum libr. 18. in voce *trientem*. Plin. libr. 5. cap. 5. Ovid. libr. 1. de Arte. Et libr. 4. de Trist. Eleg. 2. Et libr. 2. de Ponto Eleg. 1. Et libr. 3. de Ponto Eleg. 4. Sidon. Apollinar. Carm. 5. fine. A. Perf. Satyr. 6. Sext. Propert. libr. 2. Eleg. 1. Dio Coccejan. libr. 44. pag. 234. Claudian. libr. 3. de Laudib. Stilic.

*Ostentare suos præisco si more labores
Et gentes cuperet vulgo monstrare subactas,
Certarent utroque pares a cardine laurus.
Hæc Alemannorum spoliis, Australibus illa*

Ditior

(1) Apud Grut. pag. 26. n. 11. Vide plura apud Aldum Manutium in Orthographia, qui adspirationem in hac voce omnino probat.





Vas Fictile Alt. P. II. Vnc. VII. In Museo Emi. Card. Gualterio



Figura In Collo Vasis





Tab. III.

Tom. I. pag. 331.




Figura In Corpore Vacui Tabulae Antecedentis Notata Litera C

In Facsimile 1841





Vas Fictile Florentiae in Museo Magni Ducis Etruriae Abbatum V.

- A. Picturae in corpore uasii in parte anteriore delineatae.*
B. Picturae supra eadem in plano leuiter inclinato in parte uasii suprema, ex qua collus exurgit: cetera ornamenta corporis uasii omiſſa.
Puncta, croceus colore fundi indicant, quo tectus undique est uas ex terra coctas dilute rubra fabricatum.
Lineae transuerſis ductae, colore nigrus denotant
Lineae ad perpendicularis, colorem purpureus ad uinaceus uergentes demonstrant.
Partes figurarum atque lineis et albæ, colore album significant

*Ditior exuviis, illinc flavente Sicambri
 Casarie, nigris hinc Mauri crinibus irent,
 Ipse albis veberetur equis, currumque secutus
 Laurigerum, mesto fremuisset carmine miles.
 Hi famulos traherent Reges: hi facta metallo
 Oppida, vel montes, captivæque flumina ferrent:
 Hinc Lybici fractis lacerent cornibus annes:
 Inde catenato gemeret Germania Rheno.*

Et quod aspectu maxime miserandum videbatur, hic Reges victi, aut si morte ludibrium prævenissent, picti sub triumphantis pedibus ferri jubebantur. Artemidor. libr. 1. cap. 50. Achmes Seirim libr. Oneirocriticon cap. 114. Alb. Tibull. libr. 1. Eleg. 7. Q. Horat. libr. 2. Epist. 1. Guilielmus Apulienis Rerum in Italia ac Regno Neapolitano Normanicarum libr. 1.

*Ductus Adenolfi miser Exaugustus ad urbem
 Præcedebat equum victoris ab hoste ligatus,
 Ostentare sui pompam cupiente triumphi.*

Gaufredus Malaterra Monachus, Rerum in Italia gestarum a Roberto Viscardo, & Rogerio fratre libr. 3. pag. 71.

*Roma quondam bellipotens toto orbe florida,
 Colla superbiorum domans perlustrabas climata,
 Leges dabas, & habenis temperabas omnia,
 Ante te tremebant duces, principes, imperia,
 Curvabantur colla Regum, loris tuis domita,
 Nil superba resistebant, ense tuo territa.*

Videatur Corippus meus in præfatione, & libr. 1. num. 3. & num. 15. Et libr. 2. num. 3. Apollonius Collatius, cultissimus Poëta, qui Novariæ ante annos nongentos vivebat, libr. 2. de Excid. Hierosolymor.

*..... niveos anteire jugales
 Haud me pœniteat depressum colla catenis,
 Ut currus sim pompa tui. (1)*

Tt 2

Etru-

(1) Ea, quæ hic noster Auctor adfert de usu triumphorum apud Etruscos, magnopere illustrare videntur picturæ in vase fictili apud Eminentiſſim. Gualterium, in quibus præcipue triumphans in quadriga, laurea corona, vestibusque triumphalibus ornatus cernitur. Et in vase itidem fictili in Musæo Magni Ducis exprimi videtur pompa ludiorum, quam comitari solitam esse triumphum scribit Appianus Alexandrinus hoc capite laudatus.

Etruscorum inventum currus triumphalis: is rotundus, turris instar: coronis pensilibus ornatus.

C A P. XXXVII.

UT triumphum ipsum invenerunt Etrusci, ita & ejus ornamenta, in quibus vel præcipue currus censendus; nam ovabant quidem, levioribus rebus gestis, equo: at sex millibus hostium interfectis, vel, ut minus, quinque, ex Lege triumphali, moris erat & instituti Etrusci triumphare. L. Flor. libr. 1. cap. 5. cujus verba capite superiori posita hic non repeto. Fufe Appian. Alexandrin. loco laudato. Antiquissimus sane is, & ab heroicis temporibus usurpatus, passim apud Homerum. Q. Curtius libr. 4. principio. *Darius, tanti modo exercitus Rex, qui triumphantis, magis, quam dimicantis more, curru sublimis inierat prælium.* C. Plin. libr. 28. cap. 4. & libr. 35. cap. 10. *Mirantur &c. belli imaginem, restrictis a tergo manibus, Alexandro in curru triumphante.* Val. Max. libr. 8. cap. 16. tit. 2. *Constitu omnes currus triumphales.* L. Sen. libr. de Vita Beata cap. 25. *Currus triumphantem vebat.* Et libr. de Brevit. Vit. cap. 14. *Triumphantem ante currum captivos elephantos duxisse.* Hic neque pilentum, neque carpentum, neque cistum, neque covinum Scoticum, cujus celeberrima mentio apud probatos auctores, referebat; *sed turrim quandam rotundam*, ut puto, quia ea forma rem bellicam magis denotabat, ut observat Adrianus Turnebus libr. 2. Adversarior. cap. 16. ex Joanne Zonara Tom. 3. Annal. Erat invalescente luxuria ex ebore. P. Ovid. libr. 4. Trist. Eleg. 2.

..... currus spectat eburnos.

Et libr. 3. de Ponto Eleg. 4.

Ille ducis facies in curru stantis eburno.

Albinovanus Pedo in Consolatione ad Liviam, si tamen ille auctor est, ac non potius alius eo ævo tersus Poëta:

Regalique habitu, curruque superbus eburno

Fronde triumphali tempora victus erit.

Alb. Tibull. libr. 1. Eleg. 7.

Portabit niveis currus eburnus equis.

Fastigium bracteis aureis decorabatur, quare aureus ab Eutropio libr. 4. Histor. Roman. de Pauli Æmilii triumpho dicitur, & a Fl. Vopisco in Aureliano. Ammian. Marcellin. libr. 16. *Constantinus in aureo solus sedebat carpento.* A L. Seneca libr. 10. Controver. 1. *auratus est de Cn. Pompei magnitudine.* Sext. Propert. libr. 1. Eleg. 16.

Cujus inaurati celebrabant limina currus.

Horat.

- Horat. libr. Epod. od. 9.

Jo triumphe, tu moraris aureos

Currus, & intactos boves.

Atque sub hoc curru flagella pendebant, ut ostenderetur, triumphan-
tem legibus patriis fuisse, unaque fascinus pendebat, ne invidia no-
ceret. Dicebam hoc libr. supra cap. 22. Et ut aliquas victoriæ notas po-
pulus spectaret, currus rotas, temonemque, atque axem sanguine re-
spergebant. L. Sen. libr. 1. de Clementia cap. ult. in fine. P. Virgil.
libr. 11. Æneid.

Ducunt & Ruilo perfusos sanguine currus.

Claudian. de 6 Honor. Consul.

Scilicet ut Latio respersos sanguine currus

Aspicerem.

*Etruscorum inventum equi quatuor, triumphî currui
juncti: illi albi: ab aliis animalibus, etiam
hominibus, currus tracti.*

C A P. XXXVIII.

Ducebant currum *quatuor equi candidi*, itidem & ab Etruscis
in hos usus excogitati. L. Flor. libr. 1. Histor. Roman. cap.
5. His volunt plerique primum omnium Camillum vectum.
T. Liv. 1. Decad. libr. 5. Plutarch. in Camillo. Auctor de
Vir. Illustrib. cap. 23. at Flor. diferte id Tarquinio Prisco tribuit; imo
& sunt, qui Romulum sic triumphasse volunt. Sext. Propert. libr. 2.
Eleg. 1.

Quatuor hinc albos Romulus egit equos.

Abunde Servius Maurus ad libr. 4. Æneid. v. 543. *ἵπποι, Jovis equi*
appellantur ab Herodiano libr. 7. Diodor. Sicul. libr. 14. Biblioth. pag.
356. Helen. Acron ad illud Horatii libr. 1. Sat. 7.

. . . . barros ut equis præcurreret albis.

Petrus Apollon. Collatius libr. 2. Excidii Hier. in fine:

Quod si servitium non effugisse licebat,

Sorte mea letor, niveos anteire jugales

Haud me pænitet.

Equi illi candidi coloris, vel quia tales Jovis currui jungebant, vel
quia pulchriores aspectu, vel quia velociores. Virgil. libr. 12. Æneid.
in principio, ex Homeri libr. 10. Iliad. v. 438. Tibull. libr. 1. Eleg. 2.

Nec tantum equi currum triumphalem ducebant, sed alia etiam
animalia, ut leones: Plin. libr. 8. cap. 16. Petrus Victorius libr. 16.

Varian.

Varior. Lect. cap. 3. Ex Ciceronis Philip. 2. Andr. Alciat. Emblem. 29. Elephantis vestus Pompejus Magnus, Caesar, Claudius, Domitius, Severus, & fabulosus ille Liber India devicta. Tigres junxit Heliogabalus, equas Nero, Aurelianus cervos, ut docebam ex multis libr. 10. Antiquitat. Romanar. cap. 29. Denique Sufacus Rex Ægypti superatos Reges curru adjunxit. Fl. Josephus libr. 8. Antiquitat. Judaicar. cap. 10. Hunc alii Sesostrum vocant. Ælian. libr. 12. Var. Histor. cap. 4. Diodor. Sicul. libr. 2. principio. Plin. libr. 33. cap. 2. Henricus Samerius Luxemburg. in Chronico sacro. Joan. Temporarius Chronologicar. Demonstrat. libr. 1. M. Valer. Flacc. libr. 5. Argonaut.

..... ut prima Sesostris
Intulerit Rex bella Getis.

M. Annaeus Lucan. libr. 10. Pharsal. v. 273.

Venit ad occasum mundique extrema Sesostris
Qui Pharios Regum currus cervicibus egit.

*Etruscorum inventum corona triumphalis, laurea, &
aurea: a carnifice sustinebatur in eodem curru:
duplex illa, solida ex auro, Etrusca dicta,
& inaurata, lemniscis obducta: aurum
coronarium: in sinu Jovis
deponi solita.*

C A P. XXXIX.

COronæ quoque triumphales ab Etruscis inventæ, imo & omnia coronarum genera, sed maxime sacræ & triumphales, quæ ideo Etruscæ dicebantur. Q. Flor. Tertullian. libr. de Corona Militis cap. 13. Coronant & publicos ordines laureis publicæ causæ, magistratus vero insuper aureis, ut Athenis, ut Rome, præferuntur etiam illis Etruscæ, hoc vocabulum est coronatum, quas gemmis, & foliis ex auro quercinis, ob Jovem insignes, ad deducendas tbeas, cum palmatis togis sumunt. C. Plin. libr. 21. cap. 3. principio. Crassus dives primus argento auroque folia imitatus, ludis suis coronas dedit, accesseruntque & lemnisci, quas adici ipsarum coronarum bonos erat propter Etruscas, quibus jungi nisi aurei non debebant. Et libr. 33. cap. 1. significat clarissime, triumphalem sic vocari solitam. Vulgoque sic triumphabant, & cum corona ex auro Etrusca sustineretur a tergo, annulus tamen in digito ferreus erat, æqua fortuna triumphantis, & servi coronam a tergo

tergo sustinens. Antiquissimum sane hoc inventum Etruscorum, & ab ipso Jano, primo Rege, introductum. Ex Dracone Corcyraeo Athenæus libr. 15. Dipnosophist pag. 692. Ὅτι Ἰανὸς, ὁ παρ' ἡμῶν θεὸς, ἐν καὶ πατέρᾳ προσγορούμεν, πρῶτος ἔφερε στέφανον, ἑσπεῖ δὲ τῷτο Δράκων ὁ κερκυραῖος, ἐν τῷ περὶ λίθων γράφων οὕτως. Ἰανὸν δὲ λόγος ἔχει διπρόσωπον γεγονέναι, τὸ μὲν ὀπίσσω, τὸ δ' ἔμπροσθεν ἔχοντα πρόσωπον, ἀπὸ τούτου, καὶ τὸν Ἰανὸν πρόταμον, καὶ τὸ ὄρος Ἰανὸν ὀνομάζεσθαι, κατοικήσαντος αὐτοῦ περὶ τῷ ὄρει πρῶτον δὲ καὶ στέφανον εὐρεῖν, καὶ σχεδίας, καὶ πλοῖα, καὶ νόμισμα χαλκῶν πρῶτον χαράσσει. Quæ sic Latine tinnunt: Nimirum Janum nostratem Deum, quem patrem cognominamus, coronam primum invenisse, quod prodium est, a Dracone Corcyraeo libro de lapidibus, his verbis: Janum fama est bifrontem fuisse, altera facie posteriore, anteriore altera: Janum flumen, Janumque montem ab eo fuisse cognominatum, quod in eo monte habitaverit: coronas illum reperisse, navigia, rates, nummum æreum ab illo primum signatum. Indubitatum itaque est, Etruriam dedisse coronis principia, & originem, quas, ut reliqua omnia, ab aliis gentibus accepta, in summum Romani extulere; ut quæ initio necessaria ornamenta reperta a Tuscis fuere, ea insolentissime per incredibilem luxum Romani corrumpere: quod vel coronarum usus ostendere potest, quas nudas ormandis magistratibus suis Etrusci excogitassent, vel Deorum simulacris decorandis, eas Romani in conviviis, in militia, in ludis, in pompa qualibet, argento, auroque cælatis, aut gemmis maximi pretii insignitas gestarent. Exemplum Pompeii id docet apud Plinium libr. 37. cap. 2. quem consule. Ego ad triumphalem redeo. Coronam triumphalem duplicem reperio, pro ratione Reipublicæ, pauperis aut splendidæ, aut luxuriantis, fuisse: unam solidam ex auro totam, de qua Plinii verba jam laudatè intelligenda; quæ ex MS. sic posui, in vulgatis paulo aliter, nec forte tam bene concepta. *Æque triumphantis, ac servi fortasse coronam sustinentis: alteram inauratam, aut lauream, sed bracteis obductam, de qua Tertullianus libr. eodem cap. 12. Triumphi laurea foliis struitur, hæc adumbratur lemniscis, inauratur lamnulis.* In MS. legebatur: *Triumphī laurea foliis instruitur*; sed parum recte.

Hanc servus publicus, sive carnifex a tergo sustinebat, ut dicebam. Idem Plinius libr. 28. cap. 4. *Ut sit exorata a tergo Fortuna, glorie carnifex.* Coelius Rhodigin. libr. 3. Antiquar. Lectio. cap. 7. Flor. Tertullian. in Apologet. cap. 33. *Nisi homo sit, non est Imperator, hominem se esse etiam triumphans in illo sublimissimo curru admonetur; suggeritur enim ei a tergo: respice post te: hominem memento te.* Suggestor ille, carnifex, qui comitabatur victorem Imperatorem, non in pompa illa tantum triumphali, ut Plinius hic indicat, sed convivio etiam intererat, & pocula ministrabat, amare triumphantem subinde humanæ conditionis admonens. Petr. Crinit. libr. 24. *Honestæ Disciplinæ* cap. 5. Zonar. libr. 3. *Annal.* in Camillo. Onufrius Panvinius libr. 5. *Fastor. Consular.* Isidor. libr. 18. *Etymolog.* cap. 2. Allusit Arrianus

rianus Nicomedienſis libr. 3. Diſſertation. Epiſteti cap. 24. quo nihil aliud volebant, quam triumphantem poſſe more majorum, ſi delinquiſſet deinceps, plecti, neque hac viſtoria quantumlibet ingenti immunitatem eum conſecutum. Juvenal. Sat. 10. v. 37.

*Quid ſi vidisset prætorem in curribus altis
Extantem, & medio ſublimem in pulvere circi
In tunica Jovis, & pictæ ſarrana ferentem
Ex humeris aulæ togæ, magnæque coronæ
Tantum orbem, quanto cervix vix ſufficit ulla?
Quippe tenet ſudans hanc publicus, & (ſibi conſul
Ne placeat) curru ſervus veſtatur eodem.*

Hæc ſolida erat, laurea primo, ſive aurata, ad cædis hoſtilis expiationem. Maſſurius vetuſtiſſimus Scriptor apud C. Plinium libr. 15. cap. ult. Juvenal. Sat. 2. v. 158. vel quia laurus *pacificam poſſeſſionem* notat. Hieronym. Cardan. libr. 14. de Rer. Variet. cap. 73. Artemidor. Daldian. libr. 1. Oneirocrit. cap. 79. Sueton. Tiber. cap. 17. Martial. libr. 8. Epigr. ult. Ovid. libr. 2. Amor. Eleg. 12. Virgil. Eclog. 8. ex eo Alb. Tibull. libr. 1. Eleg. 7. Feſtus Anien. in Ora maritima:

Ducit laurigeros poſt Indica bella triumphos.

Nomine itaque coronarum triumphalium pecuniæ tributaque provinciis imponebantur, dictum *aurum coronarium*. Feſt. libr. 18. in voce *Triumphales*. Servius Maurus ad v. 721. libr. 8. Æneid. Tacit. libr. 15. Annal. In Codice Theodoſiano libr. 12. tit. 13. *de auro coronario*: & eodem titulo extat reſcriptum Gratiani & Valentiniani Augg. L. un. libr. 10. Cod. Juſtinian. Æl. Spartian. in Antonino Pio, & in Hadriano, Lamprid. in Alexand. Severo. Sueton. in Nerone cap. 32. quem locum Critici vexant, maxime Marcellus Donatus Ponzanius eruditus, & magnæ lectionis Dilucidation. pag. 726. Ammian. Marcellin. libr. 25. Theon Sophiſta Chria 1. pag. 122. Joan. Stobæus Sermone 214. Cicero Orat. in Piſonem, et alii.

Quod a nullo adhuc eſt obſervatum, ſubjungam. Inſculpebantur egregia facinora, ipſaque viſtoria coronis iſtis. Jo: Tzetzes Chiliad. 13. c. 461.

*Καὶ πάντας ἀριεὺς αὐτὰς ἐφάνοις ἐφωρῶσιν
Ἐξ ἀργυρᾶς τῆς ὕλης μὲν, γραπτοῖς ταῖς ἀριεΐαις
Καὶ πῶς ἐπὶ τῷ ἄρματος δημόσιος οὐκ ἔστι
Ὅπιδον τέτο ἴσταται τὸν ἐφάνον ἀνέχων
Καὶ λέγων τέτρω πρὸς τὸ ἔς, καὶ τὸ κατόπι βλέπε.
Et omnes fortes coronis coronant
Ex argentea materia, inſcriptis fortibus factis,
Et quomodo in curru publicus miniſter
Pone hunc ſtat coronam ſuſtinens,
Et dicens hinc in aurem, & quod a tergo eſt, reſpice.*

Denique in ſinum Jovis Capitolini laurea hæc, aureaque corona depo-
nebatur, aut templo ipſi ceu anathema appendebatur. Jul. Obſequens
libr.

libr. de prodigiis cap. 122. *Victtricem laurum attulerat, quam in Capitolio deponere debebat.* Albinovanus Consolat. ad Liviam:

Auctorisque sui præfertur imagine mæsta

Quæ quondam templis debita laurus erat.

Idem itaque est triumphare, ac laurum in Capitolium ferre; licet contra sentiant Isaacus Casaubonus ad C. Suetonium, & Stephanus Claverius ad Claudianum. De hoc ritu C. Plin. libr. 15. cap. ult. & Plinius Nepos aureo illo Panegyrico. Latinus Pacatus Drepanius in Panegyri. Theod. L. Seneca Consolat. ad Helviam cap. 10. quorum verba posita libr. 10. Antiquitat. Romanar. cap. 29. hic non exscribo. Tu vide locum. Poëtæ frequentes. M. Martialis libr. 2. Epigr. 2.

Frater Idumæos meruit cum patre triumphos.

Quæ datur ex Dacis laurea tota tua est.

Ovid. libr. 4. Trist. Eleg. 2. de Germanici Cæsaris triumpho:

Inde petes arcem, & delubra faventia votis,

Et dabitur merito laurea vota Jovi.

Vel ut in MS. meo, quo utor beneficio Pauli Peravii, clarissimi doctissimi-que Senatoris quondam Parisiensis, quem literarum damno nuper æcerba mors rapuit; in eo itaque Codice:

Et dabitur merito laurea vota Jovi.

Stat. Papin. libr. 4. Silv. 1.

... nondum gremio Jovis Indica laurus

Nondum Arabes Sereſque rogant.

M. Lucan. libr. 8. Pharsal. de Cn. Pompeii Magni triumphis:

... aut sacras possunt Capitolia laurus.

Sil. Italic. libr. 15. Punicor.

... dabit ille coronam

In gremio Jovis excisis deponere Pænis.

*Etruscorum inventum toga picta: quæ fuerit illa,
& quorum gestamen.*

CAP. XL.

INter ornamenta triumphalia erat toga picta, quam ab Etruscis inventam credunt. L. Flor. libr. 1. Histor. Roman. cap. 5. *Toga picta, tunicaque palmata, omnia denique decora & insignia, quibus imperii dignitas eminet.* Fest. Pomp. libr. 14. in voce *picta*. Sunt qui censeant, unum eundemque esse habitum, togam pictam, & tunicam palmatam: inter quos est eruditiss. Hadrianus Turnebus libr. 5. Adversarior. cap. 9. quod non admitto; siquidem Flori verba, hic laudata, aperto tanquam duo diversa eas numerant: uti & Jul. Capitolinus

Tom. I.

Vv

linus

linus in Gordianis: *Palmatam tunicam, & togam pictam primus Romanorum privatus suam habuit.* T. Livii etiam auctoritas refragatur, cujus hæc sunt libr. 10. Decad. 3. *Masinißam aurea corona, aurea patera, sella curuli, & scipione eburneo, toga picta, & tunica palmata donat.* Quas illi vestes tam diserte distinguunt, non est verisimile unas esse. Plin. libr. 33. cap. 2. sequenti capite citandus. Initio hæc vestis Magistratum civicorum, postea etiam ad triumphantes transducta. Aur. Macrob. libr. 1. Saturnal. cap. 6. *Tullus Hostilius Rex Romanorum tertius debellatis Etruscis, sellam curulem, lictoresque, & togam pictam atque prætextam, quæ insignia Magistratum Etruscorum erant, primus, ut Roma haberentur, instituit.* Sed cur ita vocaretur, est discutiendum.

Toga a forma communi indubie dicebatur: picta vero ob imagines Phrygio opere intextas. D. Aufon. pulchra illa Gratiarum Actione: *Palmatam tibi mihi, in qua divus parens Constantius intextus est, hæc plane, hæc est picta, ut dicitur vestis, non magis auro suo, quam tuis verbis.* Et paucis interjectis: *Constantius in argumento vestis intexitur, Gratianus in muneris honore sentitur.* Eratque inter regia; ut dixi ornamenta. T. Livius 1. Decad. libr. 10. *Cui Deorum hominumve indignum videri potest, quos vos sella curuli, toga prætexta, tunica palmata, & toga picta, & corona triumphali honoratis, pontificalia ornamenta adicere?* Et vel majorum imagines, ut admonui, vel stellæ quædam aureæ intexebantur. Isidor. libr. 18. Etymologiar. cap. 2. Poëtæ. M. Lucan. libr. 9. Pharfal. v. 177.

... pictasque togas velamina summo
Ter conspecta Jovi.

Juvenal. Sat. 6. v. 481.

Et latum pictæ vestis considerat aurum.

Ovid. libr. 2. de Ponto Eleg. 1.

Claraque sumpturum pictas insignia vestes.

D. Aufon. Eidyll. 4. Protrepico ad Nepotem:

Ut trabeam pictamque togam mea præmia Consul
Induerer.

*Etruscorum inventum tunica palmata, gestamen
Regum, Consulum, Triumphantium.*

CAP. XLI.

ULtimum hoc ornamentum, quod Romani ab Etruscis sunt mutuati. L. Flor. libr. 1. Histor. Rom. cap. 5. Verba ex superiori capite repete. Plutarch. in Romulo pag. 34. Magnus Ennodius Felix Ticini Episcopus libr. 5. Epist. 2. *His, qui bene toga usi fuerint, reseratis susceptura sinibus palmata blanditur.* Idem libr. 8. Epist. 1. *Quia non est proprium, quod quasi singulariter videtur palmata conferre.* Servius Honoratus ad Eclog. 10. pag. 55. & ad libr. 11. Æneid. v. 332. pag. 637. consulatur. Quæ omnia verbatim, ut solet, transcripsit Isidorus libr. 19. Etymolog. cap. 24. Sidon. Apollinar. libr. 1. Epist. 5. *Corona sponsus; palmata consularis, cyclade pronuba honoratur.* Et libr. 8. Epist. 8. *Dissimulas optare palmatum?* Fl. Vopiscus in Probo: *Te manet pro virtutibus tuis Capitolina palmata.* Q. Symmach. libr. 6. Epist. 40. *Itaque palmata amictus, & consularis insignis ornatu, crure fracto sublatus est.* Aur. Cassiodor. libr. 6. Epist. 1. *Palmata siquidem vestre, nostre probantur victoriæ.* Et libr. 8. Epist. 1. *Vos genitorem meum in Italia palmata claritate decorastis.* Sed quorum gestamen? Unicus D. Aufonii locus sufficiet ex Gratiarum Actione: *Palmata vestis, ut in pace Consulis est, sic in victoria triumphantis.* Verrius Flaccus apud C. Plinium libr. 33. cap. 3. videatur. Addatur & Fl. Vopisci testimonium in Aureliano: *Cape pro rebus gestis tunicam palmatam, sellam eburneam, nam ego te hodie consulem designo.* Flor. Tertulian. Apologet. cap. 50. *Hic habitus est victoriæ nostre, hæc palmata vestis, tali curru triumphamus.* Idem libr. de Idololat. cap. 18. *Vel pretextæ, vel trabes, vel palmatæ, vel coronæ aureæ Sacerdotum provinciarum.* Jul. Firmic. Maternus Siculus, celebris Romæ advocatus libr. 4. Mathes. cap. 15. *Tunc enim coronas aureas, tunc pretextas decernit, aureasque consularium, & proconsularium palmatas.* Poëtæ. Sidon. Apollinar. Carm. 4. principio:

Post palmam palmata venit.

Et Carm. 7. v. 160.

..... palmata cucurrit

Per proavos gentemque suam.

Et Carm. 15. v. 150.

Palmatam parat ipsa patri, quia Consul.

Martial. libr. 7. Epigr. 1.

Palmateque ducem, sed cito, redde togæ.

Ennod. Ticin. Epigr. 32.

Quid palmata tuo tantum de murice verna?

Plus fucante dedit purpura nostra tibi.

Venantius Honorius Fortunat. libr. 2.

Alter palmata, trabes nitet alter honore

Pingit & ornatum gemma, aurum purpura, byssus.

Sic locum istum corrigendum cenleo, pessime enim in vulgatis legitur:

Alter palmate trabes nitet altus honore.

*Etruscorum inventum Gladiatores: illi in theatris,
in funeribus, in conviviis: lege postea
sublati a piis Imperatoribus.*

C A P. XLII.

Gladiatores ab Etruscis inventos, unicus asserit, quod sciam, Nicolaus Damascenus libr. 110. Historiar. ut retulit Athenæus libr. 4. Dipnosoph. pag. 153. (1) Νικόλαος δ' ὁ Δαμασκηνὸς, εἰς τῶν ἀπὸ τῆ περιπάτου φιλοσόφων ἐν τῇ δεκάτῃ πρὸς ταῖς ἐκατὸν τῶν ἑσπερίων, Ῥωμαίους ἱστορεῖ παρὰ τὸ δάπνον συμβάλλειν μονομαχίας γράφων ὕψους: τὰς τῶν μονομάχων θάλας οὐ μόνον ἐν πανηγύρεσι καὶ θέατροις ἐποιοῦντο Ῥωμαῖοι, παρὰ Τυρρηνῶν παραλαβόντες τὸ ἔθος, ἀλλὰ καὶ τὰς ἐσιάσεσιν, ἐκάλουν γαῖαν τίνες πολυκάκις ἐπὶ δάπνον τὴν φίλους, ἐπὶ τὴν ἄλλους, καὶ ὅπως ἂν δύο ἢ τρία ζεύγη ἴδιον μονομάχων, ὅτε καὶ κοροιδεύοντες δάπνου, καὶ μετὰ ἀσπανάλουν τοὺς μονομάχους, καὶ ὁ μὲν ἄμα ἐσφάττετο, αὐτοὶ δ' ἐκρόπου ἐπὶ τῷ ἡδόμενοι. Quæ sic Latine versa sonant: Nicolaus Damascenus, unus e secta Peripatetica philosophorum, scribit centesimo ac decimo libro Historiarum, Romanos post cenam gladiatorum paria committere solitos bis verbis: Gladiatorum speculacula, non solum publicis ludis & theatris, populi que frequentia, & celebritatibus edunt Romani, ab Etruscis invecito more, sed etiam inter epulas. Itaque nonnullos ex amicis, & necessariis, & aliis de causis ad cenam invitant, & hac potissimum, ut gladiatorum paria duo vel tria dimicantia conspiciant, tum scilicet eos advocantes, cum ebrii sunt, cœneque ferculis exsatiati, si quis jugulatur, plaudentes & ejus cede leti. Ultima hæc, eadem de re, iisdem pæne habet Aurelius Prudentius libr. 2. in Symmachum, ubi de Vestali Virgine, feritate Gladiatorum muneris letante:

*Et quoties victor ferrum jugulo inserit, illa
Delicias ait esse suas, pectusque jacentis*

Vir-

(1) Athenæus ex edit. Commelini ann. 1597.

Virgo modesta jubet converso pollice rumpi.

De legibus & Sacramento, uri, vinciri, ferro necari. Adrian. Turneb. libr. 2. Adversarior. cap. 20. Lævinus Torrentius in Horatii libr. 2. Satyr. 6. Dionys. Lambinus ibidem loci de speciebus, quod essent, Galli extraordinarii, Thraces, seu Threces, Secutores, Retiarii, Parmularii, Mirmillones, aut Samnites: quæ nomina, vel a gentibus, vel ab armaturæ generibus desumebantur. Critici plena manu disseruere. Elias Vinetus in Aufonium. Petrus Faber libr. 1. Semestr. Andr. Alciat. libr. 1. Parerg. cap. 22. & supra omnes doctus ac diligens Justus Lipsius libr. de Amphitheatro: quos non exscribo.

Etrusci illi prisci convivii eos adhibebant, & eorum exemplo Campani, quos Etruscorum colonos esse docui libr. 1. hoc opere supra cap. 9. Clem. Alexandrin. libr. 1. Stromat. Sil. Italic. libr. 11. Punic.

Quin etiam exbilarare viris convivia cede

Mos olim, & miscere epulis spectacula dira,

Certatum ferro sepe, & super ipsa cadentum

Pocula, resperjis non parco sanguine mensis.

Hi Samnites dicti. C. Lucilius apud Ciceronem libr. 3. Orat. correctus a Petro Victorio libr. 6. Variar. Lection. cap. 21.

..... quamvis bonus ipse

Samnis in ludo, ac rudibus, cuius satis asper.

Idem Lucilius apud Ciceronem eundem libr. 2. Tuscul.

Samnis spurcus homo, vita illa dignus loquere.

Emebantur hi gladiatores e catasta per lanistas, de quibus libr. 1. hoc opere supra cap. 20. ut dicendum erat, absolvi: adhibebaturque maxima diligentia, ne aliud emendis vitium lateret, ideo nudos medici inspiciebant, ac contrectabant. L. Sen. Epist. 80. in fine. P. Vinetius antiquus Rhetor apud eundem libr. 1. Controv. 2. Pseudocornutus ad A. Persii Satyr. 6. v. 77. Sueton. Calig. cap. 36. M. Antonius Triumvir in Epistolis apud Suetonium Augusto cap. 69. Q. Symmach. libr. 2. Epist. 78. Martial. libr. 6. Epigr. 82. Claudian. libr. 1. in Eutrop.

..... quot jura, quot ille

Mutabit tabulas, medicum dum consulat emptor,

Ne qua per occultum lateat jactura dolorem.

Postea acceptos a Tuscis gladiatores funebribus ludis decertare Romani voluerunt, ideoque & bustuarii appellati. Sueton. Tiber. cap. 7. M. Varro apud D. Augustinum libr. 8. Civit. Dei cap. 26. Æl. Spartian. Hadriano. Jul. Capitolin. Antonino Philosopho. C. Plin. libr. 36. cap. 15. Flor. Tertullian. libr. de Spectacul. cap. 6. Valer. Maximus libr. 2. cap. 1. quorum verba habes Antiquitat. Roman. libr. 5. cap. 24. Aufon. in Ternario:

Tres primas Tbracum pugnas tribus ordine sellis

Inniada patris inferias misere sepulchra.

Ubi

Ubi non prætereundum duco, unumquemque gladiatorem aliqua nota insignitum prodire consuevisse. Vet. Scholiast. Juvenal. ad v. 158. Satyr. 3. Pinnis pavonum ornari solent gladiatores, si quando ad pompam descendunt: *pinnirapes* autem dicit lanistas ex habitu gladiatorum, quia post mortem retiarii pinnam, hoc est manicam, rapit, ut ostendat populo se vicisse; aut ideo pinnirapes, quia pinna in galeis habebant, ut Lucilius libr. 3.

Cum septem incolumis pinnis redit, ac recipit se.

Qui versus corruptissimus est, licet auctor apud Ælium Donatum in Andriam Terentii Act. 1. sc. 3.

..... *ille alter abundans*

Cum septem in locum Hispanus.

Et in MS. ut notat Fr. Lindenbrogius, erat:

Cum septem in locum his pinnis.

Sed claro sensu legendum:

..... *ille alter abundans*

Cum septem incolumis pinnis redit, ac recipit se.

Rudarii dicebantur, qui rudem acceperant gladiatores. Sueton. Tiber. cap. 7. in Calig. cap. 32. in Claud. cap. 21. Plin. libr. 8. cap. 7. Exponitque locum illum Cæli Rhodigin. libr. 11. Antiquar. Lætion. cap. 11. Tertullian. libr. de Spectaculis cap. 21. Lamprid. Commodus. Cicero Philip. 2. Vet. Scholiast. Juvenal. ad Satyr. 6. v. 105. Horat. libr. 1. Epist. 1. Ipse Juvenal. Sat. 7. v. 172. Martial. libr. 3. Epigr. 36. Non acutis illi, sed ventilatoriis armis pugnabant. Xiphilin. in Antonino. Incertus auctor Dialogi de Oratoribus. L. 5. Controv. 24. Et Epist. 117. P. Ovid. libr. 3. de Arte:

Ponite nunc gladios hebetes, pugnemus acutis.

Nec a pugna dimittebatur gladiator, nisi missione petita, & impetrata. Jul. Capitolin. in Antonino Pio. L. Seneca libr. 2. Benefic. cap. 20. libr. 1. de Ira cap. ult. in fine. libr. 9. Controv. 6. principio. Epist. 37. principio. Petron. Satyrico: *Hodierna pugna non habet missionem.* Martial. libr. 12. Epigr. 29. & in Amphitheatr. Epigr. penult.

Misso sæpe viris magno clamore petita est.

Auctorati dicti, qui sanguinem suum arenae sic locabant. Cicero libr. 1. Offic. Patercul. libr. 2. Histor. Fab. Quintilian. Declamat. 20. L. Apul. non uno loco. Corrigendus Claudianus libro de Consulatu Manlii Theodori ad finem:

Quorum compositam puer augmentatus in artem

Emicet.

Corrigendum omnino:

Quorum compositam puer auctoratus in artem

Emicet.

Denique *cruenta illa spectacula*, ut loquitur Lex 1. C. Theod. de Gladiatorib. lege Constantini penitus sublata, ut est in L. unica C. Justin. libr.





Peruæ In Marmore Apud Nobiles De Constantijs

V. Francchini Scul.



In Lateribus Vmæ Superioris

Vin. Francchini Scul.






Clusij In Marmore Apud Nob. Equitem De Samuellis C. M. J. ead.



Perusia In Marmore Apud Nobiles De Ansidei F. F. Scut.





Perusia In Marmore Apud Nobiles De Anrideris V.F. Scul.




Perusia In Marmore Apud Nobiles de Constantijs V.Fran. Scul.






Vrma Fictilis Romæ Apud Em. Card. Gualterio


V. F. Scul.



Vrma Fictilis Senis In Hortis Nob. Gentis De Zondodanis

V. F. Scul.






Vrta Fictilis Romæ Apud Em. Card. Gualterio

V. F. Scul.



Vrta Fictilis Clusio Aduocta Apud Nobil. De Zoridodaris In Suburbano Agri Senensis

C. M. Scul.





Vna Fictilis Clusio Aduecta Apud Nob. De Zondodariis In Agro Senensi
C. M. J.ord.

libr. 10. & narrat Nicephorus Calistus libr. 7. Histor. Eccles. cap. 46. quod fuscus executus Illustrissimus Cæsar Baronius æterno Annalium Ecclesiasticorum opere. Illud est, quod Prudentius tanto ambitu petit ab Imperatore libr. 2. in Symmachum in fine:

*Tu mortes miserorum hominum prohibeto litari;
Nullus in urbe cadat, cujus sit pœna voluptas,
Nec sua virginitas oblectet cœdibus ora:
Jam solis contenta feris infamis arena
Nulla cruentatis homicidia ludat in armis. (1)*

*Pythagoras Etruscus, ab eoque philosophiæ nomen
inventum: & ejus symbola ab Etruscis
observata.*

CAP. XLIII.

NON Religione tantum, regaliumque aut bellicarum rerum inventione clari fuere Etrusci; sed mansuetiores quoque disciplinas & ipsi sedulo coluerunt, & aliis, ut idem facerent, exemplo fuerunt. Diodor. Sicul. libr. 5. pag. 316. Biblioth. ubi inventa pleraque Etruscorum Romanos in majus extulisse dixisset, subiungit: Γράμματα τε καὶ φυσιολογίαν ἐξεπύνησαν ἐπὶ πλείστον, καὶ τὰ περὶ τὴν κεραυνωσκοπίαν μάλιστα πάντων ἀνθρώπων ἐξεργάσαντο. Literis vero, & in primis naturæ perscrutationi plurimum studii impendunt, fulminum considerationi præ cunctis mortalibus intenti. Neque temere hoc ab illo & veteri, & magnæ fidei auctore dictum, quippe cum tota Pythagoreorum secta ex Etruria manarit, adeoque ipse sectæ auctor Pythagoras Etruscus gente fuit & domo. Lucius Tuscus Pythagoricus, Moderati Pythagorici discipulus, ait ipsum: Πυθαγόραν ἐν Τυρρήνιᾳ γεγενῆσθαι, καὶ τετραφθεῖν, καὶ πεπαιδευθεῖν. Pythagoram in Etruria natum, educatumque, & institutum. Joan. Saresberienfis libr. 7. Policratici cap. 4. Ipsum Philosophiæ nomen a Pythagora Italico inventum est. Nonnulli id ita sunt interpretati, quasi parentes ipsius Etruria essent oriundi: quod refellit idem ille Lucius apud Plutarchum libr. 8. Symposiacon cap. 7. probatque, eum Tuscum fuisse, argumento a Symbolis ipsius desumpto, quæ soli Etrusci, inquit, observant. Latina sunt, nam Græca non ad manum:

1. E le-

(1) Magis elucebit ex anaglyphis, picturisque Etruscorum, quæ supersunt, & quarum formas hic apponimus, quam frequens foret in Etruria usus funebrium gladiatorum.

1. *E lecto surgentes vestem stragulam conturbent.*
2. *Olla sublata, ejus vestigium in cinere non relinquitur, sed confundatur.*
3. *Hirundo in domo non admittatur nidificare.*
4. *Supra scopas non transeundum.*
5. *Domi non alatur, quod curvos unguis habet.*

Quod mirum sane tam religiose hæc ab Etruscis observata, & tamen pleraque horum ne in Symbolis quidem illis haberi, in quæ Commentarios edidit Hierocles: et magis illud mirandum ab omnibus, non Italum, ne dum Etruscum haberi, sed Samium: & in Italiam venisse, regnante Tarquinio Superbo, auctor A. Gellius libr. 17. cap. 21. Anticlaudian. libr. 2.

Ut Samius sentit.

Et Ovidio omnes pæne assentiuntur dicenti lib. 15. Metamorph. fab. 2.

Vir fuit hic ortu Samius.

Conciliat contraria hæc Suidas, qui natum quidem in Etruria Pythagoram docet, & adolescentem eum cum patre Mnesarcho, sculptore anulorum, Samum migrasse, habuisse fratres duos, majorem Eunomum, medium Tyrrbenum. Certum sane, eum magna fama vixisse, ac ab Ægyptiis Sacerdotibus, qui tum soli Sapientes habebantur, arcana quædam mysteria didicisse, quæ Italiæ Principes doceret, ut docet Plutarchus libr. *Philosophandum esse cum Principibus* principio pag. 777. Ego plura ad illud Claudiani in Consul. Manlii Theodori:

At non Pythagoræ monitus, annique silentes

Famosum Oebalii luxum pressere Tarenti.

Ejus placita & Plutarchus passim exequitur, & Ovidius loco laudato, & Diogenes Laërt. quos consule. Propius patriam investiganti, obtulit se Aristoxenus apud Diogenem Laërtium, qui cum Etruscum ait, & quidem natum in Etruriæ quadam insula. Vide Laërtii libr. 8. principio: ἢ ὁ Ἀριστοξένος, Τυρρηνὸς ἀπὸ μιᾶς τῶν νήσων ἃς καλεῖσθαι Ἀθηναῖοι Τυρρηνὰς ἐκβαλόντες. Vel ut Aristoxenus ait. *Fuit (Pythagoras) Tyrrhenus ex insularum, quas ejus Tyrrhenis Athenienses possederunt.* (1)

Pytha-

(1) Pythagoræ patrem fuisse Tyrrhenum testatur quoque Cleantes apud Porphyrium de Vita Pythagoræ in principio.

*Pythagoras Etruscus sphaerae mechanicæ inventor:
& de Archimedis Sphaera.*

CAP. XLIV.

UT Philosophia Italica Etruscis debetur, ita Astrologiæ cognitio, cui impensus Pythagoras Tuscus additus fuisse legitur. Flor. Tertullian. libr. de Anima cap. 11. a quo & sphaera primum excogitata ad motuum cælestium perceptionem.⁽¹⁾ Suidas. A quo & Anaximandri sequaces, gloriam doctori suo aucupantes, pleraque de sphaeræ cognitione necessaria mutuati deprehenduntur: & ut altius repetam, duo philosophiæ principia, unum ab Anaximandro, alterum a Pythagora. Diogen. Laërt. in Præfat. pag. 8. & longo interjecto tempore Archimedes ita mechanicæ sphaeræ fabrica inclaruit, ut poene nullum celebrius sit opus. Cujus meminere, cultissimo Epigrammate Claudian. Cicero libr. 1. Tusculanar. Quæstion. Jul. Solin. cap. 11. Polyhistor. Cassiodor. libr. 1. Epist. 45. Martian. Capella libr. 2. Nupt. pag. 57. & libr. 6. pag. 220. Ovid. libr. 6. Fastor.

Arte Siracusia suspensus in aëre vasto

Stat globus, immensi parva figura poli.

Ad hanc describendam plerique operam veteres, recentioresque contulerunt, sed nemo utiliorem Joanne a Sacrobosco, sive Sacrobusto Scoto, ut in libro de Scriptoris Scotis propediem edendo, clarum fiet.

Pythagoras Etruscus Geometriam excoluit.

CAP. XLV.

HÆc etiam Philosophiæ pars auctore Pythagora magnum sumpsit incrementum, qui ob cujusdam theorematum inventionem, Musis bovem immolasse dicitur, etiam si alias incruenta sacrificia probaret. Apollodori Epigramma ex Plutarcho libr. *Non posse suavem duci vitam secundum Epicuri præcepta*, apponam:

Ἡνίκα Πυθαγόρης τὸ περιπέδες ἔμετο γράμμα

Καὶνο ἐφ' ᾧ λαμπρὸν ἦγετο βεβυσσίνην.

Pythagoras celebri Diagrammate quando reperto

Maculato fecit splendida sacra bove.

Tom. I. X x Anti-

(1) Hinc in nummis Saniorum Pythagoras cum sphaera cernitur.

*Antiquissimis temporibus apud Etruscos moneta signata:
prima pecunia ratitus quadrans, a ratis effigie:
materia numismatum, corium, testa, plumbum,
æs, argentum, aurum: vultum Principum
solitus numismatis insculpi, sed
supremorum tantum⁽¹⁾.*

C A P. XLVI.

Primum Etruriæ Regem Janum numisma æreum signasse ex Verrio Flacco, Aurelio Macrobio, & aliis docebam libr. 2. hujus operis cap. 3. addenda verba Draconis Corcyrei libro de lapidibus apud Athenæum libr. 15. Dipnosophist. pag. 692. Γαυδὸν νόμισμα χαλκῶν πρῶτον χαραῖναι. διὸ καὶ τῶν κατὰ τὴν Ἑλλάδα πολλὰς πέν-
ταις, καὶ τῶν κατὰ τὴν Ἰταλίαν καὶ Σικελίαν ὑπὲρ τοῦ νομισματοῦς ἐγχαράττειν πρῶτον
πὺν διέφορον, καὶ ἐκ θατέρου μέρους ἢ σχεδίων, ἢ σέφρων, ἢ πλοῦτον. *Janum &c.
nummum æreum primum signasse: qua de causa civitates in Grecia multe,
Italia & Sicilia monetam eundem impressa bicipiti facie, & ex altera parte
vel rate, vel navigio, vel coronâ. Recte ille adjecit æreum, nam gentium
consensus diu fuit, nulla alia uti moneta, quam coriacea, aut testacea,
ut jam dicebatur, qualis usque ad Numæ Regnum Romæ duravit, a
quo percussus nummus ferreus, & æreus, & a nomine ipsius dictus.*
Suetonius Tranquillus apud Suidam in voce ἀσπαρία.

Esset hic de re nummaria studiose disputandum, sed præoccupavit Orisimius Lexoniensis Episcopus, & Caroli sexti Gallorum Regis præceptor, Guiljelmus Budæus opere de Aste, Alexander Sardus, Bilibaldus Birckheymerus, Henricus Buntingus, Henricus Mameranus de prisca moneta, Joachimus Camerarius de Numismatis Græcis & Latinis, Stanislaus Gilepsius, Matthæus Hostus de Historia rei nummarie veteris, & alii, sed doctissime Fr. Hottomannus; sed ego per transennam pauca hic. Materia, florente Imperio Romano, pecuniæ triplex tantum, *æs, argentum, aurum.* Pomponius J. C. l. 2. §. deinde. ff. de orig. Jur. Unde Cicero libr. 3. de Legib. *Minores Magistratus æs; argentum, aurum, signato.* Trebell. Pollio in Victoria Tyrannæ: *Cusi sunt ejus nummi erei, aurei, & argentei;* quod de florente Republica dixi intelligendum; nam re vera initio testacei, coriacei tantum nummi, aut ubi splendidissime, erei soli habebantur: neque ante Pyrrhi ex Italia fugam argen-
tum,

(1) Nonnullos in fines hujus capitis adferimus nummos, literis Etruscis signatos, qui reperiri solent in Etruria.

tum, neque ante Carthaginem & Corinthum urbes captas aurum in pecunia habitum. Fr. Patricius libr. 3. de Rep. tit. 9. Isidor. libr. 16. cap. 17. Ovid. libr. 1. Fastor.

Æra dabant olim, melius nunc omen in auro est,

Viſtaque conceſſit priſca moneta nova.

Eſt & plumbea pecunia, ſed viliffima habita, cujus nulli, quod ſciam, Hiſtorici meminere, ſed tantum Poëtæ, qui eam nullius pretii videntur innuere. M. Acc. Plaut. in Trinummo ſcen. Huic ego:

... eine aurum crederem

Cui ſi capitis reus fiet, nummum nunquam plumbeum?

Et in Caſina. ſc. Omnibus:

Cui homini hodie peculii nummus non eſt niſi plumbeus.

Et in Moſtellar. ſc. Illi bucede:

Tace ſis faber, qui ſoles cudere plumbeos

Nummos.

Martial. libr. 1. Epigr. 100.

Conſtemus tibi plumbea ſelibra.

Et libr. 10. Epigr. 74.

Centum merebor plumbeos die toto.

Ab Etruſcorum Rege Jano mos effluxit, ut numiſmatis vultus Principum imprimeretur; ſiquidem primum nummum ille vultum ſuum ab una parte, ab altera vero navigii figuram, qua Saturnus in Italiam deſectus fuiſſet, effigiari, inſculpique voluit; unde ludus puerorum jactantium in altum denarium, petentiumque caput an navim, duravit. Macrobi. libr. 1. Saturnal. cap. 7. *Cum primis quoque æra ſignaret, ſervavit & in hoc Saturni reverentiam, ut quoniam ille navi fuerat adſectus, ex una quidem parte ſui capitis effigies, ex altera vero navis exprimeretur, quo Saturni memoriam etiam in poſteros propagaret. Æs ita fuiſſe ſignatum, hodie intelligitur in aleæ uſu, cum pueri denarios in ſublime jactantes, capita aut navim, luſu teſte vetuſtatis exclamant. Locus eſt corruptus, ſed facile eum corrigere; itaque lege: cum primus quoque æra ſignaret. Et paucis interjectis, ut quoniam ille navi fuerat adſectus; et deinde capita aut naviam, Veteres enim non navim, ſed naviam dicebant. Notant Critici. Servii locus miſere afflictuſ ad libr. 8. Æneid. pag. 509. DISSECTIS OPPIDA MVRIS: unum Jani, aliud Saturni, jam tunc vetuſta MONIMENTA VIRORVM, hoc ſermone oſtendit, Saturnum etiam virum fuiſſe, JANVS PATER, Janus in Janiculo habitavit, qui quod una navi exul venit, in pecunia ejus ex una parte Jani caput, ex altera navis ſignata eſt. Corrupta indubie poſtrema, nam Saturnum omnes Poëtæ & Mythologi a Jove filio pulſum, in Italiam exulem veniſſe loquuntur: Janum nullus, quod ſciam; ita prima illa ærea pecunia Saturnum & exulem fuiſſe, & in partem Regni a Jano aſſumptum ſignificat; quare putarem legendum: Janus in Janiculo habitavit, qui, quod Saturnus exul una navi venit, in pecunia ejus, ex una parte caput*

ex altera navis signata est. Auctor correctionis ipse Virgilius eodẽm libro:

Primus ab ethereo venit Saturnus Olympo

Arma Jovis fugiens, & regnis exul adeptis.

Et magis ad rem nostram Coel. Lactant. Firmian. libr. 1. Institut. Divinar. cap. 13. *Hunc errantem, Saturnum, atque inopem Janus excepit, cujus rei argumenta sunt nummi veteres, in quibus est cum duplici fronte Janus, & in altera parte navis.* Errat graviter Fl. Tertullianus Apolog. cap. 10. *qui signatum imagine nummum*, non a Jano, sed a Saturno contendit. Plutarch. Problemat. Roman. pag. 274. cujus verba sic sonant Latine: *Cur antiquum nomisma ab una parte Jani bifrontis imaginem, ab altera navis aut proram aut puppim habet? an que vulgata est opinio, hoc in honorem sit Saturni, navigio in Italiam advecti? Plena manu* Ovid. libr. 1. Fastor. v. 229.

Multa quidem didici, sed cur navalis in ære

Altera signata est, altera forma duplex.

Noscere me duplici posses in imagine, dixit,

Ni vetus ipsa dies extenuasset opus.

Causa ratis superest, Tuscum rate venit in amnem

Ante pererrato falcifer orbe Deus.

Hac ego Saturnum memini tellure receptum;

Cælitibus Regnis a Jove pulsus erat.

Inde diu genti mansit Saturnia nomen,

Et dicta est Latium terra latente Deo.

At bona posteritas puppim formavit in ære,

Hospitis adventum testificata Dei.

Ab hac consuetudine ratiis quadrans dictus a M. Varrone libr. 4. de Ling. Lat. Fest. Pomp. libr. 16. *Ratium quadrantem dictum putant, quod in eo & triente, ratis fuerit effigies, ut navis in asse.* C. Plin. libr. 33. cap. 3. *Nota assis fuit ex altera parte Janus geminus, ex altera rostrum navis; in triente vero & quadrante ratis.* Adrian. Turneb. libr. 20. Adversar. cap. 30. C. Lucilius:

Quadrantis rati.

Ab Etruscis ergo Romani & modum signandi nummum, & vultum Principis imprimendi didicere; quare nullus unquam nummus ab una parte vultum auctoris, ab altera alicujus victoriæ, aut rei alterius gestæ notam non habebat. Aurel. Cassiodor. libr. 7. Epist. 32. *Omnino monetæ debet integritas quæri, ubi & vultus noster imprimitur, & generalis utilitas invenitur: quidnam erit tutum, si in nostra peccetur effigie, & quam subjectus corde venerari debet, manu sacrilega violare festinet?* In fine deinde ejusdem epistolæ, non Numam auctorem nummi ærei, sed Servium facit, contra Suetonii, Suidæ, & aliorum auctoritatem, quam bene, viderit. Eadem Plinius libr. 33. cap. 3. sed uterque forte memoria lapsus; nam non æs, sed argentum a Servio signatum. M.

Varro

Varro Annal. apud Sosipatrum Charisium libr. 1. Grammat. & notabat Petrus Victorius libr. 5. Variar. Lektion. cap. 13. Æl. Lamprid. in Alexandro Severo: *Alexandri habitu nummos plurimos figuravit, & quidem electreos aliquantos, sed plurimos tamen aureos.* In MS. erat: & quidem electro aliquantos. Vide Thesaurum Huberti Goltzii. Georg. Cedrenus Compendio Historiar. in Nicephoro Phoca. Anonymus auctor de rebus bellicis: *Sed potentia regalis pro licentia speciem suam tantum in auro argentoque signavit, quæ pro reverentia figuræ, nullis usibus proficiens, ad bonorem Regum sacrata permansit; aris autem materia, quæ copia viliior erat, ad dona militaria, & populorum commercia signabatur.* Nota est illa Evangelica quæstio de nummo oblato Salvatori, cum specie vultuque Tiberii Augusti. Notam hanc Græci χαρακτήρα, Latini titulos, figuras interpretantur. Aristoteles libr. 6. Politicor. Et pulchra ratio apud Cassiodorum libr. 6. Variar. Epist. 7. *Ut imago Principis subiectos videretur pascere per commercium.* Paulus J.C. libr. 5. Receptar. Sententiar. tit. 25. §. 1. *Lege Cornelia testamentaria tenetur, qui nummos aureos, argenteos adulteraverit, laverit, conflaverit, raserit, corruperit, vitiaverit, vultuque Principum signatam monetam, præter adulterinam reprobaverit.* Artemidor. Daldian. libr. 4. Oneirocritic. cap. 33. Ο' Στρατόνικος ὤρετο τὸν βασιλέα λακτίζειν, προελθὼν εὖρε χρυσὸν νόμισμα, δ' ἔτυχε πατήσας, οὐδὲν γὰρ διεφόρειν, ἢ τὸν βασιλέα, ἢ τὴν ἰκὼνα αὐτοῦ λακτίζειν ἢ πατεῖν. Stratonicus putabat, se Regem calcitrare, & progressus, invenit aureum numisma, quod calcaverat; nihil enim differebat, siue Regem, siue ipsius imaginem calcitrare, aut calcare. Locus pulcherrimus est apud Procopium Cæsariensem libr. 3. Bell. Goth. Franci, non ut alii populi, Romani Imperatoris imagine, sed sua impressa nummos signant. Cudi autem solebat nova moneta in Principum inauguratione. Fl. Vopisc. in Firmo. *Percussa moneta Augustum esse vocatum.* Lamprid. Diadumeno: *Apud Antiochiam moneta Diadumeni nomine percussa est.* Treb. Pollio in Gallien. Monetam, qua Persas captos traberet, cudi iussit. Ammian. Marcellin. libr. 26. *Aureos scilicet nummos in vultum novi Principis, aliaque ad illecebras aptantes.* Corippus Africanus de inaugurato Justiniano Aug. libr. 4. num. 2.

*Hinc vetus argentum formas speciesque novatum
In varias sculptum titulis, pressumque figuris
Excelsis portant humeris, magnisque laborant
Ponderibus, cistæque graves funduntur in unum,
Utraque materies in magnos surgit acervos.*

Cufos tunc nummos ad favorem populi captandum, spargebant, vel viritibus dividebant. Curopalates, siue Georg. Codinus libr. de Offic. aulæ Constantinop. pag. 202. Γίνεται δὲ πλεσίον αὐτῷ ὁ τῷ βασιλεὶ καὶ βεσιλίῳ ἄρχων, καὶ ἔχει ἐν τῷ ἱματίῳ αὐτοῦ νομίσματα χρυσᾷ κεχυμένα πολλά, ὧν καὶ δραττόμενος ὁ βασιλεὺς σκορπίζει εἰς τὰς περιεσῶτας ἄρχοντας τε καὶ ἀρχοντοπούλους. Stat autem prope illum princeps Vestiarii Imperatorii, in pullio suo


suo habens numismata aurea fusa multa, quæ manipulatim etiam sumens Imperator, dispergit in circumstantes, tum principes, tum vero principum pueros. De Ruffino inaugurando Claudian. libr. 2. in illum:

*Prosiluit stratis, denseque capacia turbe
Atria regifico iussu splendere paratu
Exceptura dapes, & quod post vota daretur,
Inscribi propriis aurum regale figuris.*

Duo ergo requisita in probò nummo, materia proba, & vultus Imperatoris: si ex his alterum abfuisset, reproba moneta censebatur, quæ *Cybdela* vocata. Cœl. Rhodigin. libr. 10. Antiquar. Lectio. cap. 2. & adulteratores moneta, quos Paulus J. C. proxime supra descripsit, παραχαράκτες, aut verius παραχαράκτες Græci appellant: contra legitimi artifices μονηταριοι διὰ τὸ ἐν οὐσίᾳ τεχνίται, ait Suidas: *Monetarii circa numisma operantes*. Fl. Vopisc. in Aureliano profert epistolam ad Ulpium Crinitum ter Consulem ejusdem Aureliani Aug. *De bello monetariorum, qui auctore Felicissimo ultimo servorum, rebelles spiritus extulerunt*. Valentiniani, & Valentis AA. rescriptum est l. 1. C. de Vet. Numismat. potest. Et aliud Gratiani & Theodori Cæsarum l. 3. Cod. cod. Ulpian. J. C. l. 24. ff. de pignorat. act. *Illius pecunie usus interdictur, a qua vultus Imperatoris abest*. Et *erosa* plerumque adulterina pecunia censebatur. Scævola J. C. l. 102. ff. solut. A. Perf. Sat. 5.



*... & veri speciem dignoscere calles,
Ne qua subarato mendosum timniat auro?*

Et falsa hæc moneta legibus vetita sub nomine *peculatus*. Isidor. libr. 5. Etymologiar. cap. 26. licet Verrius Flaccus, Paulus Diaconus in Schedis, Fest. Pomp. libr. 14. & M. Varro libr. 4. Ling. Lat. aliter tradant, & Antonius Augustinus in Emendationibus suis doctissimis exponat. Videantur l. 1. ff. ad Leg. Jul. Peculat. l. 9. ff. ad Leg. Cornel. de fals. Harmenopulum libr. 6. Promptuarii tit. 13. Eratque capitale adulterasse monetam. De Perennio Herodian. libr. 6. Histor. Roman. licet & manus amputationem dicat solemnem fuisse pœnam Paulus loco laudato. Nec Romanus tantum is mos, sed & Græcorum, ut testantur Diocles & Ebulides vetustissimi Scriptores apud Diogenem Laërtium libr. 5. idque ex instituto Solonis referente Demosthene in Orat. contra Timocharem, & in Orat. in Leptinem in fine. Herodot. libr. 4. de Aryande: de Ægyptiis Diodor. Sicul. libr. 1. Bibliothec. de Svecis Olaus Magnus libr. 6. cap. 13. Et ratio, quia per pecuniam vitæ commercia habentur; itaque corrupta illa, humana societas violari videtur. Plato libr. 5. Legib. Ideo, ut id diligentius observaretur, Carolus Magnus non alibi, quam in Palatio, monetam cudi voluit. Joan. Bodin. libr. 6. cap. 13. Capitularium Caroli Magni Appendice 2. ad libr. 4. tit. 12. Synodus Bavarica pag. 147. Lex Longobardorum a Lothario Rege lata l. 2, & Lex Wisigothorum tit. 5. ideoque in silvis antrisque subterraneis falsæ monetæ officinæ habitæ. D. Hieronym.




1. Florentiae in Museo Magni Ducis Pond. 8 s. d. g. Alter. simul 8 s.
2. Ibidem Pond. 8. 10.
3. Romae in Museo Barberino Pond. 8. 6. d. 15.







1. Florentia in Museo Magni Ducis. Pond. $\delta. 2. d. 2.$
 2. Ibidem Pond. $\delta. 2. d. 17.$
 3. Ibidem Pond. $\delta. 2. d. 22.$
 4. Ibidem Pond. $\delta. 2. d. 7.$
 5. Ibidem Pond. $\delta. 2. d. 1.$ Alter simil. Pond. $\delta. 1. d. 21.$








1. Florentiae apud March. Nerium Guadagni. Pond. 8.2. d.10.
2. Ibidem apud Senat. Bonarroti. Pond. 8.1. d.17.
3. Ibidem in Museo Magni Ducis. Pond. 8.1. d.10.
4. Ibidem. Pond. d.21.
5. Ibidem. Pond. d.15.
6. Ibidem. Pond. d.11.
7. Ibidem apud Senat. Bonarroti pond 8.2





1. Florentiae in Museo Magni Ducis Pond. d. 22
2. Ibidem Pond. d. 17
3. Ibidem Pond. d. 2. d. 25.
4. Ibidem Pond. d. 6. d. 20.
5. Ibidem Pond. d. 5. d. 15.
6. Ibidem. apud. Senat. Bonarroti Pond. d. 10.





1. Ex Antiquitat. Hortæ C. V. Fontanini

2. Florentiæ in Museo Magni Ducis parte aduena manus cæstu armata, sed cum tribus tantum globulis. Pond. 8. s.

3. Ibidem. Pond. 8. s. d. 3.


4. Perusia apud Nob. de Ansideis in sepulcro Etrusco repertus.

5. Florentiæ apud March. Nerum Guadagni. Pond. 8. s. d. 14. et ibidem in Museo Magni Ducis alter simil. Pond. 8. s. d. 16. et alter simil. Pond. 8. s. d. 11.

6. Ibidem apud Senat. Bonarroti. Pond. d. 20. alter simil. Pond. d. 21.

F. A. Lorenzini scul.





1. Arretij apud Io. Hieronymum Bacci S. Stephani Equitem Pond. lb. 2. 8. 2.
 2. Florentiae apud Senat. Bonarroti Pond. d. 18.
 3. Ibidem. in Musco Magni Ducis. Pond. 8. 1.
 4. Ibidem. apud Senat. Bonarroti Pond. d. 16.

in Vita D. Antonii Eremitæ. Qui plura de his cupis, adi Antiquitates meas Romanas libr. 7. cap. 31.

Etruscorum inventum claves ostiorum, & de iis: custodiebantur ab uxoribus, in divortio adimebantur.

CAP. XLVII.

CLavem esse inventum Etruscorum Fabius Pictor docet apud Pierium Valerianum libr. 48. Hieroglyphic. in fine, cui supposito, & spurio fidem non adhiberem, nisi scirem optimos Auctores *Janum cum clave ac virga figurare, quasi omnium & portarum custos, & viarum rector*, ut loquitur Aurelius Macrobius libr. 1. Saturnal. cap. 9. post princip. Ut recte Ovidius dixisse sit visus libr. 1. Fastor. de Jano:

*Quidquid ubique vides, cælum, mare, nubila, terras,
Omnia sunt nostra clausa patentque manu.*

Scio C. Plinium libr. 7. cap. 56. Theodoro Samio *clavis inventionem* tribuere; sed tamen & Janum esse auctorem vel cognomina *Clusii & Patulcii* loquuntur, a claudendis scilicet, & patefaciendis portis ducta. P. Ovid. ibid. loci:

Nomina ridebis, modo namque Patulcius idem,

Et modo sacrificio Clusus ore vocor.

Et quia *clavibus traditis mercium in horreis conditarum possessio tradi videtur*, ut loquitur Papinianus libr. 1. Definitionum, ut est in l. 74. ff. de Contrah. empt. ideo uxori claves intranti assignabantur. Flor. Tertullian. libr. de Exortat. ad castitatem cap. 12. *Scio quibus excusationibus coleremus insatiabilem carnis cupiditatem, ex quibus necessitates adminiculorum descendunt: administrandam familiam, regendos loculos, claves custodiendas, lanificium dispensandum, victum procurandum, curas domesticas, scilicet solis maritorum domibus bene est.* Omnes itaque domesticæ rei claves uxor custodiebat, præter cellæ vinariæ, quæ in loculo resignatæ patris familias capiti supponebantur, ne uxor scilicet temetum gustaret, notabat eruditissimus Theodorus Marcilius ad leges X. virales, & Plinius aperte libr. 14. cap. 13. Carolus Sigonius libr. 1. de Jure ant. civ. Romanor. cap. 9. Qui cupis plura, adi ad Latinium, D. Ambros. Epist. 65. Uti ingredienti sponse claves traditæ, ita misso repudij libello, eadem adimebantur. Criticos non exseribo. M. Cicero ab illis laudatus Philipp. 2. *Claves ademisti, res suas habere jussisti, domo ejecisti.*

Etru-

*Etruscorum inventum seræ ostiorum: pensiles illæ:
virgas gestabant Janitores.*

C A P. XLVIII.

EJusdem Jani inventum *claves* esse ex Fabio Pictore, juxtaque *seras* docuit idem Valerianus pag. 511. libr. 48. Erant autem omnes Romanorum seræ pensiles, insertis quippe postibus catenis, foramen erat in ostio, per quod manus immissa clavem infereret intrinsecus, patefaceretque ostium; neque enim extrinsecus fores aperiri poterant. Locus elegans videatur L. Apuleii libr. 8. Miles de Lepolemo latrone. Quam pensilium serarum consuetudinem Græcis fuisse familiarem docemur ex Homero libr. 21. Odyss. ad finem: quem locum confule. Nonius Marcellus in voce *patibulum* cap. 4. tit. 355. *Patibulum, seræ, qua ostia obcluduntur, quod hac remota valvæ pateant.* Petron. Satyrico: *Dum loquimur, seræ sua sponte dilapsa concidit, reclusæque subito fores.* Ita Poëtæ intelligendi. Ovidius libr. 1. Fastor. v. 285.

Tota patet dempta janua nostra seræ.

Et libr. 1. Fastor.

*Et jam contigerat portam, Saturnia, cujus
Dempserat oppositas invidiosa seras.*

Et libr. 1. Amor. Eleg. 6. indicat catenas postibus fuisse insertas, notatque Turnebus libr. 19. Adversarior. cap. 7.

... excute poste seram.

Julianus Augustus, cujus Epigramma reperies apud Coripp. libr. 1. n. 1.

*Et jam crebra manus veloci concita pulsu
Limina quassabat ductis munita catenis,
Ad strepitum custos, cura est cui claustra tueri,
Sic ait indignans.*

Titinnius apud Nonium cap. 4. in Patibulo in Fullone:

*Si quisquam hodie præter hanc posticum
Nostrum pepulerit, patibulo hoc ei caput
Defringam.*

Sext. Propert. libr. 4. Eleg. 12.

*Cerberus & nullas hodie petat improbus umbras,
Et jaceat tacita lapsa catena seræ.*

Janitores, qui claustris hisce affixi alligatique erant, *clavem, & virgam* habebant, ut non sit mirum, Janum ita depingi solitum, tradidisse Macrobius libr. 1. Saturnal. cap. 9. L. Seneca libr. in sapientem non cecidit injuria cap. 14. & cap. 15. Afranius in Vopisco:

Titinnire impedimenta janitoris audio.

Pbia-

*Phiale Etruscorum opificium: earum usus ad convivia,
& libationes.*

CAP. XLIX.

IN rebus domesticis verfor. Phialam ab Etruscis inventam auctor est Critias Poëta antiquissimus apud Athenæum libr. 1. Dipnosophist. pag. 28. ubi enim de plerarumque gentium inventis præclaris egit, subjungit:

Τυρσηνὴν δὲ κρατὶ χρυσότυπος Φιάλη.

Ex auro sculptam Tuscia dat phialam.

Meminit ejusdem Alexis in Dropide: (1) οὐτε τρυβλίον, οὔτε Φιάλη. *Nec caillo, nec phiala.* Inter vasa potoria Græci numerabant. Jul. Pollux libr. 6. Onomast. cap. 16. Ufurpantque Latini passim. Martial. libr. 8. Epigr. 33. Juven. Satyr. 5. & alii. Corrigendus ejusdem Scholiastes ad Sat. 10. v. 27. *In aurata fiola cum vinum coloratum acceperis*; sed legendum *in aurata phiala*. Ex auro puro, sive Etrusco erat; nam ῥύσις eidem Athenæo libr. 11. cap. 16. vertitur *auræa phiala*. Cl. Ælianus libr. 1. Var. Histor. cap. 32. χρυσὴν Φιάλην, *auream phialam* dixit. Et libr. eodem cap. 22. ex argento etiam phialam factam ostendit, Φιάλαι ἀργυραῖ, *phiale argenteæ*. Vel itaque mensæ inferviebat, ut apud Pindarum Isthmior. od. 1. Pythior. od. 4. & fusissime Olympic. od. 7. principio. Vel libationes Diis ea fiebant. Heliodor. Emeftenus libr. 2. Æthiop. καὶ ταῦτα ἀπάν, ἀπέχει τῆς Φιάλης ἀκρατον τὸ ὕδωρ, τοῦτο καὶ σπένδω μὲν ἔλεγε θεοῖς ἐγχωρίοις τε καὶ Ἑλλήνοισι, καὶ αὐτῷ γε Ἀπὸλλωνι Πυθίῳ, καὶ προσέτι Θεαγένοι, καὶ Χαρκιδίῳ. *Hæc locutus, effundebat ex phiala meram aquam, & libo (dicebat) diis hujus regionis, & Græcis, & ipsi Apollini Pythio, ac insuper Theageni, ac Charicleæ.* Christodorus Thebanus Copita libr. 5. Antholog. Epigr. 29.

..... ἦν μὲν ἀέρων,

Δεξιτερῇ Φιάλην ἐπιλαίβων.

..... & attollebat quidem,

Dextra phialam libatoriam.

Tom. I.

Y y *Etru-*

(1) Apud eundem Athenæum libr. 3. pag. 125. ejusdem Edit. Commelini.

Etruscorum mos circumferre pocula, & ad numerum bibere: & lex convivalis de potatione.

C A P. I.

Circumferre in conviviis plena vino pocula, & ad numeros certos bibere, excogitarunt Etrusci. Critias in Elegis apud Athenæum libr. 10. Dipnosophist. pag. 432. (1)

Μὴ δ' ἀποδωρεῖσθαι προπόσεις ὀνομαστὶ λέγοντα

Μὴ δ' ἐπὶ δεξιτερῶν χεῖρα κυκλῶν διώσου

Ἀγγεα λυδῇ χειρὸν αἰσίοιο γένης καὶ . . .

Non autem nominatim invitato compotore præbire, & calicem porrigere,

Aut manum dextram versus in orbem bibendi vices extendere, Pocula vino plena circumferre Lydorum inventum est.

Ita hunc locum conjectura supplevit, interpretatusque est Jacobus Dalechampius. Hæc est illa de bibendo lex convivalis, quæ a Festo libr. 16. *tapulka* dicitur: a Catullo Epigr. 24. *Posthumia*: ab Aufonio in Grapcho Ternarii numeri in principio, *mystica*. Et describit M. Cicero Act. 3. Verrina. *Vos omnes Veyres certiores facit, quid opus esset, mature veniunt, discumbitur, fit sermo inter eos & invitatio, ut Græco more biberetur, hospes hortatur, poscunt majoribus poculis, celebratur omnium sermone letitiaque convivium, eratque lex data, ut aut biberent, aut discederent.* Et paucis interjectis: *Iste enim prætor severus ac diligens, qui populi Romani legibus nunquam parvisset, illis diligenter legibus, quæ in poculis ponebantur, parebat.* Ubi Asconius Pædianus pæne eodem, quo de Tuscis modo Critias dixerat, de Græcis exponit: *Cum cyathis mero plenis saltare, ac primo Deos, deinde amicos suos nominantes, toties merum bibere, quoties Deum, & caros nominatim vocant.* Eadem pæne Helenius Acro ad Horatii od. 19. libr. 3. Iterum Cicero libr. 1. Tuscul. *Quæstion.* Anacharsis Scythia apud Diogenem Laërtium libr. 1. Sed in lege Etrusca æqualitas maxime quærebatur, ut poculo, seu phiala circumlata tantundem omnes biberent: quod & heroico ævo factum videri posset ex Homero libr. 24. Iliad. v. 633. nulla enim personarum exceptio inter eos admittebatur, quos sacra mensæ pares fecissent.

Atque ut omnes æqualiter biberent, a summo ad imum circumferre poculum: quod Latini dixerunt convivali vocabulo *a summo bibere*. Hadrian. Turneb. libr. 6. Adversarior. cap. 21. M. Plautus in Afinaria Act. 5. sc. 2.

Da, puere, a summo.

Et

(1) Athenæus ex edit. Commelini ann. 1597.

Et in Menæchm. Act. 1. sc. 1.

Standum est in lecto, si quid de summo petas.

Et in Stichus sc. Agite:

Ubi illic biberit, vel servato meum modum, vel tu dato

Nolo ego vos de summo bibere, nulli referimus postea,

Namque ædèpol quamvis desubito vel cadus verti potest.

Et ne quis error subesset, ministri, qui a poculis aut ad pedes erant, calices numerabant, ut tot essent illi, totiesque omnes biberent, quot literæ essent in nomine ejus Dei hominisve, in cujus honore poculum circumlatum. Sic intelligendi poëtæ. Stat. Papin. libr. 1. Silv. 5.

Funge puer cyathos, atque enumerare labora.

Ovid. libr. 3. Fastor.

Sole tamen, vinoque calent, annosque precantur

Quot sumunt cyathos, ad numerumque bibunt.

Illic invenies, qui Nestoris ebibat annos,

Quæ sit per calices facta Sibylla suos.

Q. Horat. loco laudato proxime supra:

Da Lunæ propere novæ,

Da noctis mediæ, da, puer, auguris

Murenæ: tribus aut novem

Miscemur cyathis pocula commodis.

Qui Musas amat impares,

Ternos ter cyathos attonitos petet.

Idem libr. 4. od. 5.

. . . te mensis adhibet Deum.

Te multa prece, te prosequitur mero

Diffuso pateris.

Martialis passim. libr. 1. Epigr. 72.

Nævia sex cyathis, septem Justina bibatur

Quinque Lycas, Lyde quatuor, Ida tribus.

Et libr. 8. Epigr. 51.

Det numerum cyathis instantis litera Rusi.

Et libr. 9. Epigr. 95. & libr. 14. Epigr. 170. ubi consulendus Matthæus Raderus, Societatis Jesu, doctus & diligens Criticus, & Dionysius Lambinus. Ego ad alia propero.

*Etruscorum opificum candelabra, & de lychnis, seu
lychnuchis, quæ candelabrorum olim loco: artium
plurium inventores illi, & valde ingeniosi.*

C A P. LI.

Hoc etiam præstiterunt commodi Etrusci, ut candelabra conficerent, hoc est, quo lucerna sustineretur, fulcrum. Phecreates Poëta vetustissimus in Cratapallis referente Athenæo libr. 10. Dipnosophist. pag. 700.

Διὰ τούτων τις τῶν λυχνείων ἡργασία; Τυρρηνική.

Quodnam borum lychnorum opificium? Etruscum.

Addit deinde præclarum & immortale eulogium: Ποικίλαι γὰρ ἦσαν αἱ παρὰ τοῖς Τυρρηνοῖς ἐργασίαι, φιλοτέχνων ὄντων τῶν Τυρρηνῶν. *Sunt enim varia Tyrrhenorum opera, sive Etruscorum, quoniam in artium labore Etrusci solertes & ingeniosi sunt.* Λυχνοὶ sunt igitur lumen, λυχνῶχοι sunt candelabra, quibus lumen infigitur: Isidor. libr. 17. Etymol. cap. 8. Jul. Poll. libr. 7. Onomast. cap. 33. num. 7. Epictetus libr. 1. Dissertat. apud Arrianum cap. 19. Sueton. Julio cap. 37. Heliodor. Hemefenus Phœnix libr. 7. Æthiopic. Μόνον δὲ τὸν θάλαμον λύχου καταυγάζοντος. *Solum lychno thalamum illustrante.* Lychni autem seu lychnuchi, & candelabra e testa fictili, aut ex ære. Artemidor. libr. 2. Oneirocrit. cap. 9. D. Aufon. Eidill. 2. in Cupidine Cruci affixo:

... fert fumida testæ

Lumina Sestiacæ præceps de turre puella.

C. Plinius laudatur a Servio Honorato ad v. 391. libr. 1. Georg.

Nec nocturna etiam ducentes pensa puella

Nesci vere biemem, testa cum ardente viderent

Scintillare oleum.

Lucretius Placidius magni nominis Grammaticus, & antiquus Statii Interpres, lucernas vult esse hominum privatorum, lychnos vero Principum, ad libr. 1. Thebaid. v. 521.

Ast alii tenebras, & opacam vincere noctem

Aggressi, tendunt auratis vincula lychnis.

Pendebant e fastigio catenulis quibusdam dimissi, ad eum morem, quo in optimatum ædibus etiamnum hodie pensilia videmus festivitatibus noctu celebrandis candelabra, in iisque nec sebum, nec cera, nec pix, sed oleum: quod Græcorum Latinorumque poetarum loca hæc confirmant. Prisciani Cæsariensis in versione Periegefeos Dionysii Afri:

Et flammæ similis splendenti lumine lychnis.

Et

Et in eod. carmine ad finem:

Hic lychnus lucem simulat splendore lucernæ.

D. Paulinus Nolanus Episcopus D. Felicis Natali 6.

At alii pictis accendant lumina cæris,

Multiforesque cavis lychnos laquearibus aptant,

Ut vibrent tremulas funeralia pendula flammæ.

Tit. Lucret. libr. 5. Rer. Nat.

Quin etiam nocturna tibi terrestria quæ sunt

Lumina, pendentes lychni, claræque coruscis

Fulguribus, pingues multa caligine tædæ.

M. Martial. libr. 4. Epigr. 90.

Dum parvus lychnus modicum consumit olivi.

Virgil. libr. 1. Æneid. ad finem:

... dependent lychni laquearibus aureis.

Gallienus Aug. in Epithalamio cultissimo: (1)

Ite, agite, o juvenes, pariter sudate medullis

Omnibus inter vos: non murmura vestra columbæ,

Brachia non bedere, non vincant oscula conche,

Ludite, sed vigiles nolite extinguere lychnos;

Omnia nocte vident, cras nil meminere lucernæ.

Vetus Poëta Philodemus libr. 7. Antholog. Epigr. 53. eadem illa expressit:

Νύξ ἱερὴ καὶ λύχνος, συνίστορας ἕτινας ἄλλους

Ὅρκοις, ἀλλ' ὑμέας ἐλόμεθ' ἀμφοτέρω.

Χώ μὲν ἐμέ τέρξεν κῆνον, δ' ἐγὼ ὅποτε λάψεν

Ὁμόσασμεν, κοινὴν εἴχετε μαρτυρίην.

Νῦν δ' ὁ μὲν ὄρκια φησὶν ἐν ὕδατι κῆνα φέρεσθαι

Λύχνος σὺ δ' ἐν κόλποις αὐτὸν ὄρεσ' ἐτέρων.

Nox sacra, & lychnæ, conscios nullos alios

Juramentis, sed vos appetimus ambo.

Et hic me se amaturum, illum me numquam relicturum

Juravimus, commune habete testimonium.

Jam ille dicit juramenta in aquam ferenda quidem;

Lychnæ, tu in sinibus illum vides aliorum.

Martial. libr. 11. Epigr. 105. Euripid. in Ivo:

Κόλοις ἐν αὐτοῖς ἄλυχνος ὥσπερ θῆρ μόνος.

Cavis in antris sine lychno, ut fera solitarius.

Aristophanes Acharnensibus meminit, ubi & ejus Scholiastes nonnulla

Act. 4. sc. 2.

Κρατὴρ κακῶν, τριπλὴρ διεῶν

Φαίνεται ὑπευδύνας λυχνῶχος, καὶ κύλιξ

Τὰ πράγματ' ἐγκυκλιῶται

Ver.

(1) Apud Trebell. Poll. in Gallien. Veter. Poëtarum Erronei.

Vertit Nicolaus Frischlinus, amceni vir ingenii:

Erit malorum plurium

Crater, trapetum litium,

Fax in reis quadruplandis, & calyx in hac

Republica obruenda.

Facem vertit λύχνον minus recte, siquidem illo ævo facium nullus usus, sed tantum lychni oleo pleni, & pensiles, ut ex dictis certo constat. De facibus in tractatu de nuptiis, & in tractatu de funcribus Kirchmanus, aliique critici abunde. De lucernis, videbatur quoque dicendum, nam illæ frequentissimæ in usu Romano; sed nihil ad Etruriam, & dixi in Antiquitat. Roman. libr. 1. in Regione 10.

*Fulvius Lippinus in Etruria vivaria invenit bestiarum.
Modus eas saginandi: Leporaria dicta.*

C A P. LII.

Rationem feras septis includendi, sive vivaria in Etruria excogitavit Fulvius quidam Lippinus. C. Plin. libr. 8. cap. 52. *Vivaria horum*, scilicet sum ferorum, sive aprorum, *ceterorumque silvestrium*, primus togati generis invenit Fulvius Lippinus, qui in Tarquinienſi feras pascere instituit. In aliis codicibus variat nomen, & non Lippinus, sed Lupinus, & in nonnullis etiam Hirpinus, quod probabilius duco; Hirpinorum enim gens in Sabinis notissima est, & multo celebrior in Etruria ad montem Soractem, ut libr. 4. hujus operis cap. 4. docetur. Vivaria hæc primitus Leporaria dicta, sive λαγοτροφέα. Jun. Moderat. Columella libr. 8. Rei Rust. cap. 1. *Quin etiam λαγοτροφέα studiose administrantur, quæ nos vocamus pecudum silvestrium, quæ nemoribus clausis custodiuntur, vivaria.* Rem certe illam insolentem, ac a Romanis moribus longe abhorrentem perstrinxit Varro libr. 3. Rei Rust. cap. 3. *Leporaria te accipere volo, non quæ trivi nostri dicebant, ubi soliti lepores sint, sed omnia septa afficta Villa quæ sunt, & habent inclusa animalia, quæ pascantur.* Vide sequentia, quæ longissime diversa sunt ab iis, quæ A. Gellius ex eodem hoc loco recitat libr. 2. Noct. Atticar. cap. 20. ut credibile vel aliter a Varrone hæc fuisse scripta, vel codicem Gellii corruptum, ut Janus Gruterus in Conjectaneis adnotabat. Quia ergo primum lepores sic aservati *Leporarii* nomen est ortum: & quia vivæ ibi feras custoditæ, dictum *Vivarium*. Denique, quia roboreis tabulis claudebatur locus, ne effugium animantibus dentis pateret, *roborarium* vocari cæpit. Scipio Oratione 5. contra Claudium Asellium: *Ubi agros optime cultos, & villas expolitissimas vidisset,*

diset, in his regionibus, excelssimo locorum murum statuere ajebat, inde corrigere viam, aliis per vineas medias, aliis per roborarium atque piscinam, aliis per villam.

Immensæ hoc inventum, profundæque gulæ fuit; quippe ex vivariis hisce feras exceptas caveis includebant, faginabantque, *bordeo, adoreo, farre, faba, vinaciis* datis, ut loquitur idem Columella libr. 9. cap. 20. & incredibilem perditumque luxum reperies, *in Indice quarto Pontificali*, ubi de Metelli Pontificis Maximi cœna, referente Aurelio Macrobio libr. 2. Saturnal. cap. 9. quod eo mirabilius videri debet, quo certius scimus Plinium libr. 11. cap. 37. scripsisse: *quædam non pinguescunt, ut lepus & perdix*. Si pinguescere non possint lepores, cur ergo ad eos faginandos, ut ex auctoribus laudatis liquet, leporaria in pretio? At idem ille Plinius, immemor eorum, quæ loco isto prodiderat, diversum prodidit; nam libr. 28. cap. ult. *Leporem surdum citius pinguescere* affirmat.

*Floridæ vestes in usu apud Etruscos: dictæ a colore
florum, quos imitarentur: earinæ, & hialinæ
a diverso colore.*

CAP. LIII.

VEstes floridas, five flores colore quodam grato & variegato referentes, Etrusci adhibuerunt. Posidonius libr. 2. Histor. apud Athenæum libr. 4. Dipnosophist. pag. 153. Παρά δὲ Τυρρηνοῖς δις τῆς ἡμέρας τράπεζαι πολυτελεῖς παροισκουμέναι, ἐνδυναί τε τραναι, καὶ ἐκπώματα ἀργυρᾶ παντοδαπά, καὶ δόλων πλῆθος εὐπρεπῶν παρέρηκεν ἰσχύσεσι πολυτελεῖσι νεκοσμημένον. *Apud Tuscos bis quotidie sumptuose mense parantur, cum florido colore tinctis stragulis, ac omnifariis ex argento poculis, & magno servorum numero, qui decoris ingentisque pretii vestibus induti adsistunt.* L. Apul. libr. 11. Milesiar. Namque in ipso ædis sacræ mediullio, ante Dæ simulacrum constitutum tribunal ligneum, jussu superstiti, byssina quidem, sed floride depicta veste conspicuus. Martian. Capella de Nupt. Mercurii & Philologiæ libr. 1. Calceos autem Smaragdineæ fluctu viriditatis herbosos vestigiū ejus tellus annexuit. Et eodem libro, aliquot paginis interjectis, subjungit: *Ejus conjux grandæva, corpulentaque mater, quamvis fecunda, circumfusaque partibus, tamen floridam, discolorēque vestem herbida palla contextuerat, in qua totus gemmarum metallorumque census, atque omnium provenus, frugesque sationum, larga admodum ubertate ferebantur.*

Quam

Quam consuetudinem, ut in voluptates delitiasque nimium propensam, rejecere Siracusani, sancientes, ne quis *florida veste* uti auderet. Phylarcho libr. 24. Historiar. Et apud Athenienses probrosum habebatur eam vestem induere, qua sola scorta ex lege uti poterant: quod vetus quidam Scriptor dixit *ἀνδρὰ φορεῖν, floreas vestes ferre*; ut liquet ex Suida in voce *ἐτραυρῶν*: putabaturque, non multum a molli- tie cultus ille abesse, quo & Liberum patrem, sed delitiantem ve- tustas amicit. Diodor. Sicul. libr. 5. Id autem ex placitis Græco- rum tantummodo manasse credendum est; siquidem Etruscum hunc ritum plerique populi alii studiose amplexati, adeoque etiam ipsi Persarum Reges non temere alia veste inducebantur. Timæus apud Athenæum libr. laudato. Strabo libr. 15. Geograph. Eustathius erudi- tissimus Scholiastes ad libr. 16. Iliados Homericæ.

Jam vero Romanos certum usque adeo est, hanc vestem floridam non abhorruisse, ut plerique togam pictam & hanc eandem censeant, ut probare nititur Hadrianus Junius libr. 1. Animadverfor. cap. 13. & confirmare videtur Artemidorus Daldianus libr. 2. Oneir. cap. 3. *φοικίλη καὶ ἀνδρὰ ἐσθῆς, variegata vestis & picta*. Sed pace Criticorum dixerim, multum differunt: hæc nostra viridis floribus primis concolor, illa purpurea: hæc privatorum etiam gestamen, illa magistratuum tan- tum, aut triumphantium, ut cap. 40. supra hoc libro ostensum. Deli- cationum sane hæc indumentum. Stat. libr. 2. Silv. 1. v. 128.

*Cum tibi: quas vestes? quæ non gestamina mihi
Festinabat herus? brevibus constringere Lenis
Pectora? & angusta telas arctare lacerna.
Enormes non ille sinus; sed semper ad annos
Texta legens, modo puniceo velabat amictu:
Nunc herbas imitante sinu: nunc dulce rubenti
Murice: nunc vivis digitos incendere gemmis
Gaudebat.*

Martial. libr. 5. Epigr. 24.

*Herbarum fueras indutus, Basse, colores,
Jura theatralis dum siluere loci.*

Erycius, antiquus Poëta Antholog. libr. 4. 12. Epigr. 94.

Ἀλλὰ καταπρήνε τὸν ἐξωδηκότα Φαλλῶν

Τόνδε, καὶ ἀνδρῶν κρύψον ὑπὸ χλαμύδι.

Sed mitiga ligneum tumidum musonem

Hunc, & florida absconde sub chlamyde.

Hyalina eadem vestis appellata, quod virorem vitri translucidi exhibe- ret. D. Aufon. Eidill. 3. in Mosella v. 270.

*Ceruleos nunc, Rhene, sinus, hyaloque virentem
Pande peplum.*

T. Lucretio libr. 4. *thalassina* est, a marino colore;

. *teriturque thalassina vestis*

Assi-

Affidue, & Veneris sudorem exercita potat.

Virgil. libr. 4. Georgic.

..... *Milefia velleræ nympha*

Carpebant, hyali saturo fucata colore.

Earina quoque eadem. D. Cyprian. libr. de Discipl. & Habit. Virgin. *Neque enim Deus coccineas, aut purpureas oves fecit, aut herbarum succis, idest virides, seu earinas, & conchyliis tingere, & colorare lanas docuit.* Itaque ex illo *earina* oves sunt *viridis coloris*, qui & herbarum vernantium est, unde nomen; vere enim hic habitus gestari solebat. Flor. Tertullian. libr. de habitu muliebri, cap. ult. *Non placet Deo, quod non ipse produxit, nisi si non poterat purpureas & earinas oves nasci jubere, si potuit; ergo jam noluit.* Beatus Rhenanus videatur ibidem. Incertus Poëta libr. 1. Antholog. cap. 60. Epigr. 12. poterit consuli. Claudian. alludit de Consulatu Olibrii & Probinii ad finem:

*Prima tibi procedat hiems, non frigore torpens,
Non canas vestita nives, non aspera ventis,
Sed tepido calefacta Noto, ver inde serenum
Protinus, & liquidi clementior aura Favoni
Præis te croceis pingat, te messibus æstas
Induat.*

Idem corruptus libr. 2. in Ruffin.

*Illic Armeniæ vibratis crinibus ale
Fervida collectæ facili velamina nodo.*

Ex MS. Cod. restituendum:

Herbida collectæ facili velamina nodo.

*Apud Etruscos mastrucæ, seu vestes villosæ in usu: iis
fortes usi potissimum, & præ aliis Gothi.*

CAP. LIV.

Non tantum delicatiorum vestitus apud Etruscos, sed & necessarius vestium usus apud eosdem viguit, qui *villosas mastrucas* adhibuerunt; licet Sardorum hoc gestamen velit esse Cicero Orat. pro Scauro, & Hidorus libr. 19. cap. 23. quod ut verum sit, non longe a proposita nostra probatione abhorret; certe enim Sardinia colonia Etrulcorum, uti & omnes insulæ in eo mari ab iisdem olim possessæ; sed ego non Sardos tantum eam vestem probo gestasse, verum ipsos illos Tuscos antiquos. Aurel. Prudent. libr. 2. in Symmachum:

Tom. I. *aut pelle Libystidis ursæ*

Z z

Com-

*Compositam chlamydem villosa corpore gestent,
Talia Trimacrius ductor, vel Tuscus habebat.*

Et eodem libro post aliquot paginas:

*Nunc cum Dictæis bellum Corybantibus asper
Samnitis, Marsusque leni sudore gerebat,
Nunc Mastrugopboris, oleoque & gymnadis arte
Unctis pugilibus miles pugnabat Etruscus.*

Tertium versum corruptum sic restitue, & lege:

Nunc Mastrugopboris,

Vel certe levi mutatione:

Nunc Mastrucopboris:

Id genus vestis quam antiquum fuerit, vel ex eo liquet conicere, quod gentes omnes bellicose, nondum infanienti opulentia luxu corruptæ, eo usi prodantur, & præ aliis Gothi. Eodem libro Prudentius:

*Tentavit Geticus nuper delere Tyrannus
Italiam, patrio veniens juratus ab Istro
Has arces æquare solo, testæ aurea flammis
Solvere, mastrucis procures vestire togatos.*

Crebra apud bonos Scriptores mentio, nam & lecti pellibus sternerantur. Cornelius Nepos in Agefilao. Ælian. libr. 13. Var. Histor. cap. 1. Juvenal. Satyr. 6. principio. Propert. libr. 3. Eleg. 12. Eugenia Poëtria nobilis:

*Sericeum tegmen, gemmantia testæ Laconum
Pellibus hircinis æquiparanda loquor.*

Homines etiam ipsi vestiebantur. De Hunnis, Jornandes libr. de Bello Getico cap. 5. de Scythiis, Herodotus, & Justinus libr. 2. ubi Victorinus Strigellus agit nugæ, & locum non incommode retractat Theophilus Cansiger: de Germanis, Tacit. libr. de Morib. Germanor. de Lapponibus, Olaus magnus libr. 4. Histor. cap. 4. sed frequentior est de Getis seu Gothis sermo, quam de ullo alio populo, adeo ut illi *pelliti* dicerentur. Maximus Turinienſis Homil. 2. *Unde barbaro auri gemmarumque monilia? unde pellito serica vestimenta?* D. Hieronym. Epitaphio Nepotiani: *Pellitorum turba satellitum.* Prosper Aquitanicus de Providentia:

*Quod si forte lupos, lyncasque ursoſque creatos
Displicet, at Scythiæ procures, regeſque Getarum
Respice, queis ostro contempto, & tegmine Serum,
Eximius decar est tergis horrere ferarum.*

Josephus Castalio notat ad Rutilium Numatianum libr. 2. Itinerarii:

Ipsa satellitibus pellitis Roma patebat.

Locus aureus est Claudiani libr. 2. in Rufin.

*Non pudet Ausonias curas, & jura regentem
Sumere deformes ritus, vestemque Getarum?
Insignemque habitum Latii mutare, togæque*

Mærent

Mœrent pellito captivæ judice leges.

Ita MS. meus optimæ notæ, & antiquissima editio Veneta, probatque Guilielmus Fornerius doctiss. J.C. suis ad Cassiodorum notis; at si officium præfecti Prætorii intelligendum sit, melius legi poterit:

Non pudet Ausonios currus, & jura regentem.

Plura desiderans adi Antiquitates meas Romanas libr. 5. cap. 31. Fueruntque etiam hæ vestes Romanis in usu Æl. Spartian. Severo; *Et cum birta chlamyde humeros velaret.* Æl. Lamprid. in eodem. Vide Wolfgangum Lazium libr. 8. Commentarior. Reip. cap. 10. in fine.

Apud Etruscos vinearum satio: non omnes gentes jus eas colendi habuerunt: tributum iis impositum.

CAP. LV.

ET si sacre literæ vinearum plantationem ad Noëm referant, ut diserte Genes. cap. 9. habetur, & notat Gilbertus Genebrardus libr. 1. Chronolog. pag. 90. tamen nihil vetabit Etruscis tantæ rei antiquissimum usum adscribere, quorum Rex Janus antiquissimo seculo, vix uno seculo post diluvium illud universale, & vineas plantavit, & vinum facere rusticos, ætate illa rudes, omniumque rerum inexpertes erudiit. Servius Maurus ad Virgil. libr. 8. Æneid. pag. 506. *Saturnus Rex fuit Cretæ, quem Jupiter filius bello pepulit. Hic fugiens, a Jano Rege, qui urbem habuit, ubi nunc Janiculum est, susceptus est, qui regnabat in Italia: quem cum docuisset usum vinearum, & falcis, & humaniorem victum, in partem est admissus imperii, & sibi oppidum fecit sub clivo Capitolino, ubi nunc ejus ædes videtur, qui postea suum repetivit imperium.* A Saturno ergo Janus præcepta rei rusticæ hausit, populosque suos docuit. Gottofredus Viterbiensis in Pantheo Chronicor. part. 4. pag. 117.

Navibus Italiam prior hic ornasse putatur,

Ædificans Sutrium, dum vivit, ibi dominatur,

Triticum semen primus in orbe serens.

Quibus agriculturam ipsam a Saturno Janoque inventam describit: & de vinearum cultu Ugolinus Verinus MS. de Illustrat. Florentiæ libr. 1.

Indigenæ Latium primi coluere, sine ullis

Legibus: errabat per silvas more ferarum

Gens vaga: non terram curvo scindebat aratro;

Sed dabat huic victum decussis glandibus illex:

Donec Hesperios gemini prudentia Jani

Collegit, posuitque urbes: tum fœdere certo

Z z 2

Inter

*Inter se conjunxit, connubioque ligavit:
Ac stabili cælum docuit ratione moveri,
Principiumque anni, qui dat nova nomina Tusciis.
Illo etiam geminus regnabat tempore Cecrops,
Per quem juncta mari sacris est femina vinclis.
Tunc quoque Saturnus Disceis exul ab oris
Venit in Ausoniam, regnique in parte receptus
Jura dedit populis, docuitque invertere glebam,
Et serere in campis frumentum, in collibus uvas.*

Apud Romanos certe multo serior vitium cultura erat, ut verbis utar C. Plinii libr. 18. cap. 4. Neque tum quidem, cum vineæ occari colique captæ, unicuique ad libitum habere vineas licebat, sed modus a Domitiano lege inductus, ut narrat Suetonius in eo cap. 7. *Ad summam quondam ubertatem vini, frumenti vero inopiam, existimans nimio vinearum studio negligi arva, edixit, ne quis in Italia novellaret: utque in provinciis vineta succiderentur, relicta, ut plurimum, dimidia parte.* Neque certe provinciæ omnes vineas habere poterant. Fl. Vopisc. in Probo: *Gallis omnibus, & Hispanis, ac Britannis hinc permisit, ut vines haberent, vinumque conficerent.* Locum suspicor esse corruptum; nam cum nostræ Britannię cælum non patiat vitium culturam, mirandum videri posset beneficium Probi, indulgentis id, quod natura foli respueret. Corrige itaque, & lege aptius pro *Britannis, Pannoniis.* Ita Aurelius Victor in Probo: *Eodem modo hic Galliam, Pannoniasque, & Mæsurum colles vineis replevit.* Alter Victor in eodem: *Vineas Gallos & Pannonicos habere permisit.* Fl. Eutrop. libr. 9. Histor. eadem repetit. Unde cum vineis datis natæ leges ipsarum furtum inhibentes, ut de lege Salica, & Longobardica constat apud Petrum Gregorium Tolosatem libr. 37. cap. 6. Syntagmat. Imo & vino vineisque impositum tributum, dixi ex multis ad illud Claudiani libr. 2. de Laudib. Stiliconis:

*Pannonius, potorque Savi, qui clausa tot annis
Oppida, laxatis ausus jam pandere portis,
Rursum cote novat nigras rubigine falces,
Exesosque diu cogit splendere ligones,
Agnoscitque casas, & collibus oscula notis
Figit, & impresso glebis non cedit aratro:
Exectis inculta dabant quas secula silvis,
Restituit terras, & opacum vitibus Istrum
Conferit, & patrium vectigal solvere gaudet.*

L. Florus Epitomastes ad Livii libr. 40. etiam hæc eadem habet; unde liquet, vitibus tributum impositum: abseruatque eruditus Guidus Pancirolius in Notitia Imperii Orientis cap. 23. Atque hujus quidem notitiæ auctor fuit non Marianus Scotus Monachus Fuldenfis, sed alius eo antiquior, ut in libro de Illustribus Scriptoribus Scotis doceo, certe in optimæ notæ Mapphæorum Pierius Valerianus viderat Scoti nomen huic

huic operi præfixum, & in Petri Donati Spirensis, Patavii Episcopi, qui Eugenii III. nomine Basilienſi Concilio præſedit, bibliotheca erat, *Scoti Coſmographia*. Sed ad Etruriam pergo.

Apud Etruscos arborum pomiferarum ſatio: & de Pomona; & Pomonali flamine.

CAP. LVI.

HÆc quoque agricultura pars, quæ de pomiferis arboribus eſt tradita, Etruriæ debetur; nam eam Janus adinvenit, perpolivit Vertumnus, ut libr. 2. hoc opere ſupra cap. 6. dictum: & probat Antonius Fanenſis Commentario ad libr. 6. Faſtorum Ovidii, quem non exſcribo. Quare & ille Tuſciæ Rex, ac poſtmodum Italorum Deus de ſe apud Sext. Propert. libr. 4. Eleg. 2.

*Hic dulces ceraſos, hic autumnalia pruna
Cernis*

Et ob eam cauſam dicitur, Pomonam Deam adamafſe, eademque potitus, ut deſcribit Ovidius libr. 14. Metamorph. fab. 16.

Rege ſub hoc Pomona fuit.

Hujus Arnobius libr. 3. Cont. Gent. meminit. *Nalla Fluvionia, nulla Pomona, nulla Oſſipagina, nulla Februtis*. Sidon. Apollinar. Carm. 11, v. 116.

Hic gravidos Pomona ſinus pro tempore portat.

Adi Servium Maurum ad libr. 7. Æneid. pag. 457. Habuit hæc Dea Romæ vicum in ſeptima urbis regione. Sextus Rufus, & Aurelius Victor. Et cum quindecim tantum eſſent in univerſum Flamines, *Dialis* primus cenſebatur, ultimus vero *Pomonalis*. M. Varro libr. 6. de Ling. Lat. & Feſt. Pomp. libr. 11. *Maximæ dignationis Flamen Dialis eſt inter quindecim Flamines: & cum ceteri discrimina majestatis ſue habeant, minimi habetur Pomonalis, quod Pomona levifſimo fructui agrorum præſidet pomis.*

Etru-

*Etruscorum inventum Falces arborarie:
veneficiis adhibitæ ahenæ.*

C A P. LVII.

FAlcem arborariam, ut Rutilius Palladius appellat, in Italiam Saturnus profugus primus intulit; sed Janus Etruscis ejus usum ostendit. Servius Honoratus ad illud Virgilii libr. 8. Æneid. pag. 506. *Quem cum docuisset usum vinearum, & falcis, & humaniorem victum.* Vide verba reliqua hoc libro supra cap. 55.

Erant & falces ahenæ, quibus veneficæ uti credebantur; nam ferri nullus antiquitus aut certe perexiguus usus erat: æris frequens, ut ex Homero Eustathius & alii notant. Ad religiones & devotiones ejus metalli usum vertit improbitas. De saga illa Africana Virgil. libr. 4. Æneid. *Falcibus & messe ad lunam queruntur ahenis
Pubentes herbæ.*

Ovid. de Medea libr. 7. Metamorph.

*..... & plamas partim radice revellit,
Partim succidit curvamine falcis ahenæ.*

*Etruscorum inventum agricultura, saltem in Italia:
de Cerere quædam.*

C A P. LVIII.

NUllus Poëtarum Græcorum agriculturæ inventores non Græcos fuisse prodiderunt, atque illi sane hoc tantum mortalibus beneficium ad Deos fabulosa vanitate traducunt, Triptoleum, Cererem, Palem, Pana, Silvanum, Floram, ipsumque Apollinem efferentes. Sed ego certo comperi, Etruriæ Regem primum Janum esse ejus auctorem. Plutarch. Problemata. Roman. pag. 269. *Διὰ τὸ τὸν Ἰάνον διπρώστοπον οἰόνται γεγονέναι, καὶ γράφουσιν οὕτως ἢ πλάττουσιν; πότερον ὅτι ὡς μὲν γένει Ἑλλὰς ἐκ Περρῆαιβίαις ἦν, ὡς ἰσορῶσιν, διαβὰς δὲ εἰς Ἰταλίαν, καὶ συνοικήσας τοῖς αὐθοῖσι βαρβάροις μετέβαλε καὶ γλώτταν καὶ διαίταν: ἢ μᾶλλον ὅτι τὰς περὶ τὴν Ἰταλίαν αὐτὸς ἀγροίαις καὶ ἀνδραῖς χρωμένους ἔθεσεν εἰς ἕτερον βίου σχῆμα πέσας καὶ γεωργεῖν καὶ πολυτένεσθαι μετέβαλε καὶ μετεμορφοῦσε. Cur Janum bifrontem fuisse credunt, talemque pingunt, ac fingunt? Num quia genere Græcus ex Perrhebia fuit, ac proficiscens in*
Ita-

Italiam, sedibus apud barbaros positis, lingua vitæque rationem mutavit? hoc enim historice refertur: an vero quod Italos feris utentes, iniustiisque moribus suadendo ad aliud vitæ genus traduxit, agriculturaque & civili institutione composuit. Falsum hoc, & a Græculo in suorum popularium nimiam gratiam confectum, Janum esse alienigenam, aut Græcum, cum constet indigenam fuisse; imo nec ulla ejus vestigia inter Græcos deprehendi Scriptores, nec ullum Deum Jano similem eos omnino habuisse docui libr. 2. supra hoc opere cap. 3. Apud suos igitur Tuscos & agri colendi rationem invenit, & ob beneficium tantum inter Deos relatus. Ugolinus Verinus libr. 1. Illustrat. Florent.

*Jura dedit populis, docuitque invertere glebam,
Et serere in campis frumentum, in collibus uvas.*

Cui propter meritum posuit sacra templa vetustas.

Jun. Moderat. Columella præfat. libr. 1. de Re Rustica. *Itaque in hoc Latio & Saturnia terra, ubi Dii culius agrorum progeniem suam docuerant, ibi nunc ad hastam locamus, ut nobis ex transmarinis provinciis advehatur frumentum, ne fame laboremus. Quæ de Jano ac Saturno sunt intelligenda.*

At apud Græcos Cereris munus hoc esse ajunt, quæ puerum Triptolemum id docuerit, atque ille tantum bonum divulgaverit: Hædemque Ægyptii auctorem faciunt, ut apud plerasque gentes plerosque repperiores & varios agriculturam habuisse videri credibile possit. Triptolemus ille & *Celeus* pater dictus. Aristophan. Acharnensib. Act. 1. sc. 2. Martian. Capella libr. 2. de Nupt. Mercur. & Philolog. *Qui primi mortalibus usum rerum, majoraque commoda præstiterunt, ut vitem Dionysius apud Thebas, Osiris apud Ægyptios haustum vini usumque comperiens, frumentum Isis in Ægypto, Triptolemus apud Atticos docuere, eademque Isis lini usum, sementemque monstravit.* Narrat fusc. C. Julius Hyginus fabular. cap. 147. & eodem obiter opere cap. 259. & rursus eodem opere cap. 277. *Ceres fruges serere, boves domare, & alumna suo Triptolemo fruges serere demonstravit.* Locum esse corruptum liquet, illaque verba prima, *fruges serere* esse delenda existimo. Freculphus Lexoniensis Chronicor. Tom. 1. libr. 2. cap. 12. ex Philochoro vetustissimo Scriptore: *His temporibus, Pelopis Regis, Triptolemus, ut Philochorus ait, longa navi ad urbes accedens, distribuisse dicitur frumenta, & ob id dedisse suspiciones, quod navis ejus serpens pennatus fuerit: sive, ut alii fingunt, quod jubente Cerere, anguibus portatus aluibz, terris frumenta volando contulerit.* Id inventum rejicit Ado Viennensis Chronicor. pag. 27. in annum mundi 3797. *His temporibus fabulæ fictæ sunt de Triptolemo, quod jubente Cerere, serpentium pinnis gestatus, indigentibus frumenta volando distribuit.* Dionysius Halicarnasæus libr. 1. principio. Hubertus Vellejus, & Fr. Laziardus in Epitoma Histor. Universal. cap. 21. *Triptolemus agriculturam ampliassæ, & quadrigas primus junxisse dicitur:*

ciur: Ceres etiam præter instrumenta arandi, mensuras invenit, cum prius per acervum triticum numeraretur: Præclarum hoc, & nescio, an ab alio quopiam traditum. Lucretius Placid. ad libr. 4. Thebaidos Statio v. 658. Cum Triptolemus beneficio Cereris fruges per omnes spargeret terras. Et ad libr. 12. Thebaid. v. 629. Idem: Ceras a Dite filiam raptam dum querit, hospitio Regis Eleusis dicitur fuisse suscepta, cujus filium Triptolemum pro beneficii gratia sustulit nutriendum, cui agriculturam, & inveniendi frumenti artificium ostendit. Et eo nomine Sæphocles tragedus fabulam dedit; nam ex ejus Triptolemo versum hunc laudat Plinius libr. 18. cap. 7.

Et fortunatam Italiam frumento canere candido.

Meminit etiam Florens Tertullianus libr. 1. in Marcionem cap. 11. Suid. in voce *σάρπας* D. Augustin. libr. 18. Civitat. Dei cap. 13. Eum Osyridem comitarum tradit Diodorus Siculus libr. 1. Bibliothec. Poëtæ passim. Ovid. libr. 5. Metamorph. fab. ult. libr. 3. Trist. Eleg. 8. libr. 4. Fastor.

Ille quidem mortalis erit, sed primus arabit,

Et seret, & culta semina tollet humo.

Nonnus Panopolitan. libr. 19. Dionysiac. v. 84.

Τριπτόλεμος σπέρων εὖρε φερεσσεύων ἐπὶ δίφρων.

Triptolemus segetem invenit spiciiferis in curribus.

L. Seneca Hippolyto Act. 3. sc. 1.

Jam quarta Eleusis dona Triptolemi secat.

Valer. Flacc. libr. 1. Argonautic.

... aut currum sevos frenasse Dracones

Triptolemi, ignaras Cereris qui vomere terras Imbuit.

D. Aufon. Epist. 22.

Triptolemon olim, sive Meden, quem vocant,

Aut Tullianum Buzigen

Claudian. libr. 1. de Raptu in principio: ubi plura a me sunt dicta:

Angues Triptolemi stridunt, & squammea curvis

Colla levant attrita jugis.

Quem versum suavem & elegantem, nescio, cur insana critices male feriatæ prurigne, in deteriorem, & minus numerosum mutare Julius Scaliger hoc modo sit ausus:

Triptolemi stridunt angues.

Sidon. Apollinar. Carm. 9. v. 180.

Non cum Triptolemo verendam Eleusin,

Qui primas populis dedere aristas

Pastis Chaonum per ilicetum

Stat. libr. 4. Silv. 2.

... ætherei felix sic orbita fluxit

Triptolemi.

Martian. Capella libr. 2.

Alys pulcher item, curvi & puer almus aratri.

In tanti beneficii recordationem Athenienses festa Cereri *Theismophoria* instituerunt, dictaque eadem Eleusina a patre Triptolemi. Luciat. Placid. ad libr. 2. Thebaid. Stat. v. 383. Strabo libr. 15. Geograph. & obiter libr. 9. pag. 272. noctu celebrata. Crinagoras Poëta Græcus vetustissimus libr. 1. Antholog. cap. 28. Epigr. 3. Stat. libr. 7. Thebaid. v. 412. & libr. 12. Theb. 132. Apollodor. Atheniensis libr. 1. Bibliothec. L. Seneca in Hercule Furente Act. 3. in Choro. Lactant. Firmian. libr. 1. cap. 21. Eaque de causa Ceres semper depingebatur facem gestans, dixi ad libr. 1. de Raptu Claudiani in principio. Vetus Scholiastes Juvenalis ad v. 141. Satyr. 15. Prudent. in Romani Agone:

Facem recincta veste præterit Ceres.

Et sacrificia ita celebrabantur, ut unus facem ab ara acciperet, decurreretque circa ædem sacram: postea alteri eandem traderet, & quidem cursuro, Georgius Alexandrinus notavit. Ister, antiquissimus historicus, apud Suidam in voce λαμπράδος. Quare & ἱεροφάνται δαδῆχοι, *doctores sacrorum* in Theismophoriis *faciferi* appellabantur. Jul. Pollux libr. 1. Onomast. cap. 1. num. 31. & Callias Cereris Sacerdos δαδῆχος *facifer* Plutarch. in Aristide in principio. Vitium est in Georgio Cedreno Compend. Historiar. pag. 139. ubi Xylander *Claducbum* vertere debebat, pro quo *Daducbum* substituit. Ita Poëta. Bacchylides laudatus a Scholiaste Apollonii Rhodii:

Ἐκάτα δαδύφωρε νικτὸς μεγαλοκόπου θύγατερ.

Hecate tedifera noctis magnum sinum habentis filia.

Ovid. Epist. 2. Phyllidis:

Et per tedifera mystica sacra Dea.

Et libr. 3. Falstor.

Quos cum tedifera nunc habet ille Dea.

Juvenal. Satyr. 2. v. 90. L. Seneca Agamen. Act. 2. Choro:

Tibi votivam lampades jactant

Matres Grajae.

Et in Hercule Furente:

Longas Eleusi tacita jactabo faces.

Et in Hippolyto Act. 1. sc. 2.

Jactare taciis conscias sacris faces.

Summa in his taciturnitas observabatur. Sueton. in Augusto cap. 93.

L. Seneca libr. 7. Natural. Quaestion. cap. 31. Plutarch. in Demetrio.

Tatian. Orat. Cont. Gent. Scholiast. Aristophan. Pluto Act. 4. sc. 2.

Gerardus ibidem loci. Helenius Acron ad Horatii libr. 3. od. 2. Lactant. Firmian. libr. 2. Institut. Divinar. cap. 4. D. Auson. Epist. 24.

Varia ejus cognomenta, ut *ἐνέανως*, *benevelata*. Moschus Eydill. 3.

v. 75. *Ennea*. Senec. Herc. Furent. Act. 3. sc. 2. M. Lucan. libr. 6.

v. 742. Sil. Italic. libr. 1. *Ennea numina Dive*. Claudian. libr. 1. de

Tom. I.

Aaa

Raptu

Raptu ex MS. meo: *Ennae Cereri*, male in vulgatis: *Aetnae Cereri*. *Mater* (Orpheus in Hymnis) *Mammofa*. Lucret. libr. 5. *Legifera*. Clemens Alexandrin. Protreptico. Herodot. libr. 2. Histor. aliaque huc spectantia vide in Antiquitat. Roman. libr. 2. cap. 11.

Etruscorum inventum medicina, licet Aegyptii, Arabes, Graeci, alique populi ejus ad se inventionem trahant: sera Romam migravit, medicique servorum numero.

C A P. LIX.

SAluberrimam hanc, tuendisque corporibus necessariam scientiam Etrusci invenerunt. Mineus Felix Martianus Capella libr. 6. de Nupt. Merc. & Philologiae: *Dehinc quae ubertate soli sacrata occupavit, Etruria Regio, tam indigetis Aenae sedere, quam remedium origine, atque ipsius Tagetis exaratione celebrata.* Clare disertisque verbis Africanus ille scriptor originem Medicinae ad Tulos retulit, quod tamen alii ad alios traxere, neque faciles est invenire exitus. Julius Gualtavinus Patricius Genuensis, ac in nostra Academia Pisana Medicinae professor Ordinarius, Graecae Latinaeque linguae callentissimus, opus dat *De Illustribus Medicis*, in quo seculo 1. sic enim aetibus excellentes artis illius professores distinguit cap. 1. multa varia eruditione de Apolline, Aesculapio, Aegyptiisque disserit, quos nonnulli repertoires Medicinae fecerant: cap. 2. de Ifide, Osiride, Mercurio Aegyptio, & Agenore, auctoribus & iis ejus artis creditis disquirat: cap. 3. ad Graecos descendit, serioque de Melampode, Polyide, Aristaeo, Arabo, Chirone, Baccho, & Hercule, qui Medicinae a quibusdam parentes habebantur, disputat. Sed scriinia ejus non compilo. Obiter quaedam Hieronymus Mercurialis, Pisani Professor, libr. 1. Gymnast. cap. 1. Plinius certe ad Babylonios refert ejus ortum libr. 7. cap. 56. Et Euseb. libr. Praeparat. Evangel. cap. 70.

Et Aegyptiis quidem videri poterat debitus hic honor, qui ex publico Medicos alebant, certisque legibus obstringebant, jam tum ab initio, & omni temporum memoria, ritu servato. Diodor. Sicul. libr. 1. Biblioth. pag. 74. Ipse Hippocrates libr. de Veteri Medicina pag. 24. nihil aliud quam *ὡς θεοὶ τὴν τέχνην τοῦ σώματος πρὸς δύναν, ὡς καὶ τοὺς ἰατροὺς*: *indicaveruntque artem dignam, quae Deo adscriberetur, quemadmodum etiam est receptum.* Et eod. tom. 4. pag. 67. Epistola ad Philopamenem: *ἡ τέχνη καὶ μαντικὴ συγγενὲς εἰσὶν.* *Medicina & Divinatio cognatae sunt.* Quod ipsum

ipsum Diodorus Siculus libr. 5. Bibliothec. pag. 341. repetit. Quod si verum est, jam certe Etrusci sua in hujus inventione gloria fraudari non possunt, apud quos omnis illa per auguria auspiciaque varicinandi ars originem habuit; ut hoc libro cap. 1. & cap. 2. ostendebam: quod tamen Græcorum poetarum, & hos sequentium Romanorum improbitas dissimulavit, potiusque ad Apollinem, & ejus filium Æsculapium tanti facti decus traxerunt: nec sane Romanis, hostiliter in Tuscos deservientibus, tam vicinæ gentis gloria placere poterat, itaque Apollinem celebrant Medicinæ inventorem. Ovid. libr. 1. Metamorph. fab. 9. Et Epist. 5. Et libr. 3. Fastor. ad finem. Et libr. 3. Trist. Eleg. 3. Horatius Carmine Seculari, & Helenius Acron ibidem. Macrobius libr. 1. Saturnal. cap. 17. M. Fab. Quintilian. libr. 3. Institution. Oratoriar. cap. 9. Virgil. libr. 12. Æneid. v. 393. Plato in Symposio. Unde cognomentum ejus *Aceus*. Pausanias in Eliac. & *Alexicacus*. Idem in Arcadic. Q. Sammonicus Serenus libr. Rei Medicæ cap. 1.

*Phæbe saluiferum, quod pangimus, asserere carmen
Inventumque tuum prompto comitare favore.*

Alii ad Æsculapium ejus filium referunt. Florens Tertullianus Apolog. cap. 23. Arnob. libr. 1. Cont. Gent. Cicero libr. 3. Nat. Deor. Pindar. Pythior. od. 3. & Nemeor. od. 3.

Nec desunt, qui utriusque doctorem Chironem Centaurum faciant. C. Jul. Hygin. Fabular. cap. 274. Probus Grammaticus ad Virgilii Georg. libr. 3. Apollodor. Atheniensis libr. 3. Bibliothec. quorum verba posita habes libr. 2. Antiquitat. Romanar. cap. 17.

Sed facilis est discordium opinionum reconciliatio; nam Chirurgica Medicina a Chirone apud Græcos est reperta, ut Hygino placet, Ocularia ab Apolline, Clinice ab Æsculapio. Plut. libr. 8. Sympotiac. cap. 14. Anonymus Poëta libr. 1. cap. 29. Anthologia Epigr. 6. Vide locum.

Utroque sane serius ea ars Romæ haberi coepit, nec quisquam in urbe medicus ante annum quingentesimum trigésimum quintum, ut auctor est Cassius Hemina gravis historicus, quo anno consulatum iniere L. Æmilius M. Livius: primusque ex Peloponneso Romam venit Archagatus, Lyfaniæ filius. C. Plin. libr. 29. cap. 1. quem consule; nam mihi mirum videtur, ipsum gloriari, nullum Latino sermone Medicinæ præcepta complexum ante sua tempora; cum tamen ipse sæpe Cornelium Celsum advocet, & laudet. Ante ea igitur tempora medici omnes servili in ea urbe conditione. L. Seneca libr. 3. de Benefic. cap. 24. Sueton. Nerone cap. 2. M. Tull. Orat. pro Rege Dejotaro. Fr. Robortellus corrigit Suetonii locum in Julio cap. 4. *cum uno medico*, legendum *amico*, ex Plutarcho in Cæsare. Et certe amicos eosdem medicosque habuere, licet non ante annum 535. Tacit. libr. 4. Annal. *Eudemus amicus ac medicus Lævi*. Seneca libr. 6. Benefic. cap. 16. *Ex medico & præceptore in amicum transeunt*. Intelligendum, inquam, illud est post tempora Augusti, sub quo Artorius, & Antonius

Musa, egregia Principis amicitia clari, cum antea semper inter servos & essent, & haberentur. Augusti Octaviani Epistola apud Suetonium in Calig. cap. 8. Q. Simmach. libr. 2. Epist. 18. C. Plin. libr. 10. Epist. 4. & Epist. 22. Valerius Antias, & Q. Quadrigarius vetustissimi historici de Pyrrhi Regis medico. A. Gell. libr. 3. Noct. Atticar. cap. 8. Valer. Maxim. libr. 6. cap. 5. Claudian. libr. de Bello Gildon.

..... bellumque negavit
Per famuli patrare nefas.

Muscam Romani ab Etruscis sumpsere: ea convivii interesse sueta: hydraulica in usu instrumenta, choraules, thymelici, psaltriae, tympanistriae.

C A P. LX.

INter civilia inventa Etruscorum & musica jure numerari potest. Strabo Amasianus libr. 5. Geogr. pag. 152. Εἰκόμισε δὲ ἐν τὴν Τυρρηνίαν καὶ αὐτοὺς, καὶ ὁ πατὴρ πρότερον, ὁ μὲν εὐπορίᾳ δημιουργῶν τῶν συνακολογησάντων ἕκαστον, ὁ δὲ ταῖς ἐκ τῆς πόλεως ἀφορμαῖς. λέγεται δὲ καὶ ὁ Θριαμβικός κόσμος καὶ ὑπατικός, καὶ ἅπλως ὁ τῶν ἀρχόντων ἐν Ταρκυνίων δούρῳ μετενεχθῆναι, καὶ ῥάβδοι, καὶ πελέκει, καὶ τῶν θεῶν ἀγάλματα, καὶ ῥάβδωχοι, καὶ σάλπιγγες, καὶ ἱεροπαῖς, καὶ μαντική, καὶ μυσική, ὅση δημοσία χρῶνται Ῥωμαῖοι. Cum hic, tum prius ante ipsum pater Etruriam exornarunt, ille, quod opificibus domo ipsum comitatus abundaret, hic quod Roma ad eam rem facultates suppeditaret: traditum est, ornatum triumphalem, ac Consularem, omniumque adeo Magistratum a Tarquiniiis Romam fuisse translatum, nec non fasces, secures, Deorum statua, lictores, tuba, sacrificia, divinatio, & musica, qua publice utuntur Romani, hinc venere. Admirari hic libet Graecorum impudentiam, qui cum negare non possent omnia haec, sive ad ornatum, sive ad necessitatem vitae commoda ab Etruscis defluxisse, illos haec singula & omnia a Graecis auctoribus mutuatos asserere non dubitarunt, qua audacia omnium artium gloriam ad se suorumque ingenia trahere sunt ausi. Ecce enim quae Strabo Tarquiniiis Corintho profugis, & in Etruria Tarquiniiis sedem figentibus attribuit, mille ut minus, & sexcentis annis antiquiora sunt. Sed pergo.

Muscam hanc ab Etruscis acceptam, magni semper fecere Romani, adeo ut nec convivium ullum nec sacrificium sine illa celebrarent, facerentve. M. Cato in Originibus, & ex eo Cicero libr. 4. Tusculanar. Question. Gravissimus in originibus auctor, dixit Cato, morem apud majores epularum hunc fuisse, ut deinceps qui accubarent, canerent ad tibias clarorum virorum laudes, atque virtutes. Subjungitque, illud ex Pytha-

thagoreæ philosophiæ præscripto fieri, quæ & ipsa ab Etruscis prodiiit, ut supra dixi: eademque fere reperies repetita ab eodem Oratore in Bruto. Arnob. libr. 4. Cont. Gent. *Scribimur Dii vestri in tricliniis cælestibus, atque in Chalcidicis aureis cœnare, potare, & ad ultimum fidibus, & vocum modulatione mulceri.* Clem. Alexandrin. libr. 2. Pædag. cap. 4. Lucianus in Chrysolone: *Quintilian. libr. 1. Institut. Oratoriæ. cap. 14. Veterum quoque Romanorum epulis fides ac tibias epulis adhibere mos erat.* Id ergo fiebat in *bortamen virtutis*, & nascente re Romana, & heroica tempestate, & diu ante hæc omnia a Tuscis. Cœl. Rhodigin. libr. 7. Antiquar. Lætion. cap. 1. quod recte an fecius factum, disquirat ex Platone, & Xenophonte M. Antonius Muretus libr. 6. Variar. Lætion. cap. 15. L. Seneca libr. de Vita Beata cap. 11. *Aspice Nomentanum & Apicium, terrarum & maris, ut isti vocant, bona conquirentes, & semper mensam recognoscentes omnium gentium animalia. Vide hos eosdem e suggestu rosæ spectantes popinam suam, aures vocum sono, spectaculis oculos, palatum saporibus oblectantes.* Principium hujus ritus strenue ad virtutem tendebat, sed omnia in luxum versa, Asia superata. T. Livius 3. Decad. libr. 9. *Tunc psalteria, sambucistriaque, & convivialia ludionum oblectamenta addita epulis.* Ammian. Marcellin. libr. 30. *Cumque apponerentur exquisita cupedia, & ædes ample nervorum articulato perflatilique strepitu resonarent.* Poëtæ. Sil. Italic. libr. 6. Punicor.

*Cui nocturnus bonos, funalia clara, sacerque
Post epulas tibicen adest.*

Virgil. libr. 1. *Æneid. in convivio Didonis:*

. . . . cythara crinius Joppas

Personat aurata.

Valer. Flacc. libr. 1. Argonaut.

*Vivaque, & æquoreos inter cum conjuge divos
Æacides, pulsatque chelyn post pocula Chiron.*

Et libr. 3. Argonaut.

*Prothin, & insignem cythara, cantuque fluenti
Dorsea, qui dulci festis assistere mensis
Pectine, Bistoniam magnum post ausus alumnus.*

Horat. libr. 1. Od. 12.

*Quem virum aut heroa, lyra, vel æri
Tibia sumis celebrare Clio?
Quem Deum?*

Et libr. 3. od. 11.

*Tuque testudo resonare septem
Callida nervis,
Nec loquax olim, neque grata; nunc &
Divitum mensis, & amica templis.*

Demodocus in Phæacum convivio reditum Græcorum e Troja canit apud
Homer. libr. 8. Odyss. v. 498.

. . . . δὲ ἀρχαῖος θεοῦ ἤρχετο, παῖς δ' αἰδοῖτο

Ille concitatus a Deo capis, probavitque canticum.

Nutrix apud Euripidem in Medæa. Plutarchus libr. de Musica in fine. T. Liv. 1. Decad. libr. 9. in pulchra illa de tibicinum collegio relatione. Uberrime Dionysius Halicarnassensis libr. 8. Didique artifices isti *thimelyci*, qui vel in orchestra in pulpitis canerent, vel etiam in tricliniis. Isidor. libr. 16. Etymologiar. cap. 47. Balsamon ad Concilium Carthag. Can. 46. & Can. 130. Artemidor. Daldian. libr. 2. Oneirocrit. cap. 42. Guilielm. Budæus in Annotat. prior. in Pandect. Martial. libr. 1. Epigr. 5.

Qua Thymelen spectas.

Vet. Scholiast. Juvenal. Satyr. 1.

. . . . a trepido Thymele submissa Latino.

Satyr. 6. v. 66. idem:

Attendit Thymele.

Videatur M. Vitruvius libr. 5. Architect. cap. 8. l. 10. ff. de Pollicitat. & l. 5. C. Theod. de Scenicis, & l. 21. Cod. eod. de Pistoribus. Ulpian. l. 4. ff. de his, qui not. infam. Jul. Firmicus Maternus Siculus libr. 4. Mathes. cap. 15. *Dabit artes honestas & mundas; facit enim aurifices, inauratores, bractearios, argentarios, muscos, organarios, pictores.* Macrob. libr. 5. Saturnal. cap. 4. Fulgentius libr. 1. Mytholog. cujus verba aptissime correctâ habes Antiquitat. Romanar. libr. 5. cap. 29. uti & Philonis Judæi locum e libro de vita Contemplativa, a Petro Ciaccono versum, ibidem confule.

Nec tantum virtutes post epulas canebantur Deorum, hominumque sed & fercula præmisso musico choro inferebantur, & scindebantur edulia eadem resonante musica. C. Petron. in Convivio Trimalcionis: *Processit statim scissor, & ad symphoniam laceravit obsonium.* Notat Lipsius libr. 2. Saturnal. cap. 2. Luciani locum suis in Apulejum notis profert Petrus Colnius. Qui vero insanas has voluptates non admittebant, impensius laudati. A. Gell. libr. 1. cap. 11. Æl. Lamprid. in Vero. D. Hieronym. Epist. ad Furiam. Aurel. Victor in Theodosio. Paul. Diacon. Hist. Rom. libr. 13. Plinius Panegyrico Trajani: *Non peregrina superstitionis mysteria, aut obscena petulantia mensis principis inerat.* Claudian. libr. 2. de laudib. Stilicon.

. . . . nulla cytharæ convivio cantu,


Non pueri lasciva sonant.

Nec tantum choraules, thymelici, psaltriæ, organarii, sambucistrii, crotalistrui, tibicinesque canebant, sed & organa quædam, aqua impellente, cantantes imitantia, quæ hydraulica dicta. Sidon. Apollinar. libr. 1. Epist. 2. Ammian. Marcellin. libr. 14. Sæton. Neron. cap. 41. Cassiodor. libr. 1. Epist. 45. libr. 3. Epist. 53. Isidor. Hispal. libr. 8. Etymologiar. cap. ult. Achilles Tatius libr. 2. Amorum Clitophontis & Leucippes. Martian. Capella libr. 2. Nupt. principio. Carus & Carinus



Vas Fiole Alt. Ped. I. Vnc. VII. In Musaeo Mediceo

Vin. Franceschini scul.



Tab. LXIII.

Figure In Collo Ex Parte Antica Varii D

Tom. I pag. 375.



Figure In Collo Ex Parte Postica Varii D



Figure In Ventro Varii D

inus Augg. l. 4. C. de excusat. muner. libr. 10. Euterpen auctorem facit Martianus Capella libr. 9. Archimedem Tertullianus libr. de Anima, Ctesibium Vitruvius libr. 9. cap. ult. & Alcides apud Athenæum libr. 4. cap. 24. Plinius libr. 7. cap. 37. multaque præclara ibidem Jacobus Dalecampius habet. Describit ornatissime Cornelius Severus in Ætna:

*Nam veluti resonante diu Tritone canoro
Pellit opes collectus aquæ, victusque movere
Spiritus, & longas emungit buccina voces,
Quæ tenuem impellens animam, subremigat undam.*

Claudian. libr. de Consulatu Manlii Theodori ad finem:

*Et qui magna levi detradit murmura tacitæ,
Innumeras voces segetis moderatur abenæ,
Intonat erranti digito, penitusque trabali
Veste, laborantes in carmina concitat undas.*

MS. meus in tertio versu aliter, propiusque ad rei naturam habet, ut ex Vitruvio libr. 10. colligi potest:

*Intonat erranti digito, pedibusque trabali
Veste.*

Nam pedum manuumque ministeria, hydraulica impellebant organa. Sed ad res bellicas progredior. (1)

*Cassis militaris ab Etruscis sic dicta: ea aquam circum-
ferre, & bibere sucti milites: pennis gemmisque
diversicoloribus ornabatur, rictuque
belluarum horrendo.*

CAP. LXI.

Galeam Etruscorum inventionem constat. Isidor. libr. 13. Etymologiar. cap. 14. *Cassis* & de lamina est, galea de corio; nam *galerus* corium dicitur: *cassidem* autem a Tuscis nominatam dicunt; illi enim *galeam cassim* nominant, credo a capite. Fallitur; quasi vero Etruscorum lingua a Latino fuisset fonte, cum nec voces nec literas ullatenus cum Latinis convenire sit certum. *Cassis* si Tusca sit vox, a capite non derivabitur.

Ea milites aquam gestabant usibus itinerum militarium, & ex ea bibebant. Jul. Frontin. libr. 1. Stratagemat. cap. 7. *Oblatam sibi a milite*

(1) Pictura in vase fictili Reg. Cels. Magni Ducis Etruriæ, cujus æthya hic adferimus, demonstrat usum musices, & chorearum varii generis apud Etruscos, quas fortasse in conviviis eos auxisse colligitur vel ex eo, quod in vasis huiusmodi cernantur expressæ.

lite in galea aquam, spectantibus universis effudit. Eadem Lucan. libr. 9. Pharsal.

Excussit galeam, suffecitque omnibus unda.

Et eodem libr.

... undam galea convexum fudit in orbem.

Q. Curt. Rufus libr. 5. in fine. Seneca libr. 5. de Benef. cap. 24. *Ire ad fontem proximum non poteram, repere manibus volebam, nisi commilito, homo fortis ac strenuus, aquam mihi in galea sua attulisset.* Alb. Tibull. libr. 2. Eleg. ult.

... tenuem galea qui sibi portet aquam.

Sext. Propert. Eleg. 11. libr. 3.

Potabis galea fessus Araxis aquam.

Auctor Elegiæ de obitu Mæcenatis:

Potasti galea dulce iuvante merum.

Claudian. libr. de Bello Getico:

... galeisque Padum victricibus hausi.

Et de 3. Hon. Consul.

In galea portare nives.

Gaspar Barthius, ni fallor, vir doctus, in MS. viderat, & MS. meus firmat:

In galea potare nives.

Lamina constare galeam dixit Isidorus, hoc est ære. Halicarnass. libr. 4. Hist. pag. 221. & libr. 7. pag. 477. Cristam primi Cares addidere. Herodot. libr. 1. adeo, ut interdum tres cristæ essent. Suidas in voce γερύων *Geryone*, Lamachi cassidem tres cristas habuisse ex Aristophane docet. Has aliquando non ex ære, ne caput nimio pondere prægravaretur, habebant, sed ex pelle. Fl. Veget. libr. 1. Rei Militar. cap. 20. Exornabatur varie pro cuiusque fortuna, interdum *gemmis*: Jul. Capitol. in Maximino Juniore pag. 224. Interdum rictibus horrendis belluarum, leonis, ursi, apri, aquilæ, draconis, vulturisque, prout quisque vel nosci volebat ab hoste, vel familiæ suæ gentilitia stemmata præferre. Idem Veget. libr. 2. cap. 16. Ludovic. Vives in Symbolis. Semper vero pennis, plumisque versicoloribus insigneabantur, Andr. Tiraquell. ad Alexandrum Neapolitanum libr. 1. cap. 20. Propert. libr. 4. Eleg. 11. Stat. libr. 4. Theb. v. 306. Et libr. 7. v. 276. Ex Polybio, Silioque Italico, & aliis, multa J. Lipsius libr. de Militia Romana: & ego dixi ad Claudianum de 6. Conf. Hon.

*Quod picturatas galeæ Junonia cristas
Ornet avis.*

*Etruscorum inventum cornua bellica, ex cornu
bubulo; postea ex ære: buccinæ eadem:
cornicines, æneatores.*

CAP. LXII.

HOc etiam celebre Tuscorum in re bellica virtutis argumen-
tum, cornua ab iis inventa. Athenæus libr. 4. Dipnosophist.
ad finem pag. 184. Τυρρηνῶν δ' ἔστι βυβλίνα κέρατά τε καὶ σάλπιγγες.
Etruscorum inventum est cornua ac tube. Ratio nominis ex
Varrone libr. 4. Ling. Lat. *Cornua quod ea, quæ nunc sunt ex ære, tunc
fiebant ex bubulo cornu.* Halicarnass. libr. 2. pag. 83. Τῆς δὲ δημοτικῆς
ὑπερέταί τινες, καὶ ἀστροὶ κέρατα βοείας ἐμβυκανόντες ἐπὶ τὰς ἐκκλησίας συνήγον.
*Plebejos ministri quidam cornibus bubulis confertim buccinantes in concio-
nem convocabant.* Quare & κέρατα Græci vocant, Latini *cornua*, unde
cornicines. Juvenal. Satyr. 2. v. 119. videatur. Et Satyr. 3. v. 34. Ve-
tus Scholiastes reddit *Symphoniacos*. Et Satyr. 10. v. 44. & v. 214.
Epistola Aureliani Aug. apud Fl. Vopiscum in vita ejus: *Aquilifer le-
gionis tertiæ cum Vexilliferis, & draconario, cornicimibus, atque liticimibus.*
Virgilius libr. 7. *Æneid.*

Æreque assensu conspirant cornua rauco.

Et libr. 8. *Æneid* principio:

... & rauco strepuerunt cornua cantu.

Itaque & buccina idem valet, nam quæ Dionysius proxime supra de
cornibus. Propert. libr. 4. Eleg. 1.

Buccina coquebat prius ad verba Quirites.

Et sicut antea a materia cornuum cornicines dicti; ita æreis buccinæ
factis æneatores dictos comperio. Suet. Cæsare cap. 37. Ammian. Mar-
cellin. libr. 19. *Æneatorum vocem signum dedit. Et buccinator cornu clas-
sicum canit.* Veget. libr. 2. cap. 22. Godescalcus Stennechius ad libr. 3.
ejusdem auctoris cap. 7. A. Gell. libr. 1. cap. 11. & libr. 5. cap. 8.
Cornua tubalque, ut hic Athenæus, ita Horatius conjunxit libr. 1.
Satyr. 6.

Cornua quod vincatque tubas.

*Ab Etruscis acies militares disponere
Romani didicerunt.*

C A P. LXIII.

NEc suos in iusti certaminis modum disponere milites quisquam, nisi ab Etruscis doctus potuit, qui aciei disponendæ artem callebant. Nicias Nicænsis in successionibus apud Athenæum libr. 6. Dipnol. pag. 273. Ἐλαβον δὲ καὶ παρὰ Τυρρηνῶν τὴν ἐαδίαν μάχην Φαλαγγίδων ἐπὶόντων: Tyrrheni eos, Romanos, docuere acie per phalangum turmas instructa dimicare. Clarus & appositus locus, qui Romanam aciem, ejusque dispositionem ab Etruscis sive Tyrrhenis desumptam docet. Porro hanc duplicem faciebat militia Romana, dextram, & sinistram: de quibus doctè & diligenter Godefridus Stennechius ad libr. 3. Vegetii, quem non exscribo. Est etiam & apud Suidam ἐπικαμπὴς παράταξις, inflexa acies: & in eodem convexa & cava acies, quæ ante & retro vertitur in voce κυρτή. Hanc dispositionem, ut alios omittam, petere potes ex Halicarnasæo libr. 5 pag. 289. & libr. 6. pag. 344. Polybius Lipsio sæpe laudatus, Æneæ vetustissimi Scriptoris, ac Cl. Æliani *Tactica*, sive *de Disponendis aciebus* volumina videantur, atque usque ad nauseam differens Wolfgang. Lazius libr. 4. Commentarior. Reip. cap. 2. Pulcherrime sane Claudian. libr. 2. in Ruffin.

*Hic ulrix acies ornatu fulgida ferri
Explicuit cuneos: pedes in parte sinistra
Consistunt, equites ilinc poscentia cursum
Ora reluctantur pressis sedare lupatis.
Ast alii secum cristato vertice mutant.*

Aciei partes sunt: *ala*, *cornua*, *frons*, *globus*, *nodus*, *cuneus*, *ferræ*, *forfices*, *ugmen*, *elaficæ*. De quibus nec nostri est instituti hic dicere, & facilis labor singulorum explicationem invenire. Vide Isidorum libr. 9. Etymolog. cap. 3.

*Etrusci phalangem habuerè: octo hominum
millibus constabat.*

CAP. LXIV.

Phalangem, non Macedonum tantum, sed & Tuscorum esse reputandam Nicæ Nicænsis verba probant, præcedenti proxime capite posita, quod nemo adhuc docuit; ipse quippe Fl. Vegetius, qui hæc ignorare non debebat libr. 2. Rei Militar. cap. 2. Denique Macedones, Græci, Dardani phalanges habuerunt. Cur non & Etrusci? cur non saltem Romani? quos phalange ante Valentiniani tempora usos fatis constat. Cornel. Tacit. libr. 3. Histor. Vitellium refert phalangem sub Valente duxisse. Sueton. Neron. cap. 19. *Conscripta ex Italiciis senum pedum tironibus nova legione, quam Alexandri Magni phalangem appellabat.* Et Bassianus Caracalla omnia ad morem Macedonum transferens, *lectissimam in exercitu juvenum manum, phalangem* appellare solebat, ut scribit Herodianus libr. 4. Histor. Aug. Æl. Lamprid. in Alexandro Severo: *Fecerat & chrysaïdes & argyraïdes, & phalangem triginta millium hominum.* Minus recte, cum phalanx tantum octo millia caperet. Veget. loco proxime laudato. Describit eleganter Q. Curtius Rufus libr. 3. *Macedonum acies torva sane & inculta, clypeis hastisque immobiles cuneas, & conferta virorum robora tegit, ipsi phalangem vocant, peditum stabile agmen: vir viro, armis arma conferta sunt, ad nutum monentis intenti, sequi signa, ordines servare didicere.* Polyb. libr. 18. plena manu, & Ælianus in Tacticis, sive libello de instruendis aciebus consulantur. Quamquam Romani Scriptores pro quolibet exercitu phalangem usurpare soleant. Servius ad illud P. Virgili lib. 2. *Æneid.*

Et jam Argiva phalanx instructis navibus ibat.

*Etruscorum in bellis nobilitas, & ab iis Velites aciei
adhibiti, & quis eorum usus: expediti dicti.*

C A P. LXV.

UT in rebus sacris & religiosis pleraque ab Etruscis mutuatos Romanos jam diximus; ita quoque bellicæ rei studium ab iisdem hausisse palam hic fiet. Primum *Velites* constat Tuscorum esse inventum. Isidor. libr. 18. cap. 57. *Velitum pugna erat, ut ultro citroque tela obiectarent: erat autem eorum varia pugna & spectantibus gravior, quam reliqua. Velites autem vocati sunt, sive a velitatione, sive a civitate Etruscorum, quæ Veletes dicebatur.* A celeritate id nominis videntur consecuti, quasi *volantes*, ut idem Isidorus affirmat libr. 9. cap. 3. & glossema irrepsit in cap. 16. libr. 3. Flavii Vegetii, quod omnino expungendum. Hosce Velites in usu semper Tusci habuerunt, & honore; Romanis tamen serius cogniti, anno scilicet Urbis conditæ 542. Jul. Frontin. libr. 4. Stratag. cap. 7. quod T. Livius 3. Decad. libr. 6. apud Wolfgangum Lazium libr. 4. Commentarior. Reip. cap. ult. describit. Et Valer. Maxim. libr. 2. cap. 3. *Velitum usus eo bello primum repertus est, quo Capuam Fulvius Flaccus imperator obsedit; nam cum equitatus Campanorum crebris excursionibus equites nostri, quia numero pauciores erant, resistere non possent, Q. Naevius Centurio e peditibus lectos expediti corporis, brevibus & incurvis hastis, parvæ tegmine munitos, veloci saltu jungere se equitibus, & rursus celeri motu dilabi instituit, quo facilius equestri prælio subiecti pedites, viros pariter atque equos hostium telis inceserent.* Talis apud Romanos usus sequentibus bellis peropportunos. Armabantur levissimis armis, auctore T. Livio 4. Dec. libr. 3. *Ex ceteris navibus sagittarii imperitis est. C. Sallust. Jugurth. Præterea iere sagittarii, & cohors Peligna, cum velitaribus armis, itineris properandi causa.* Fuisse autem quatuor eorum genera, facile est ex auctoribus observare.

1. *Velites* censentur *Antesignani*, quorum tanta præstantia, ut etiam elephantis componerentur: quod præoccupatum video a Godescalco Stennechio in libr. 3. Vegetii. T. Liv. 3. Decad. libr. 10. *Quo elephantum hostium excepti, nihil ordines turbarent, Lelium, cujus ante Legati, eo anno questoris extra sortem, ex Senatus consulto opera utebatur, cum equitatu Italico a sinistro cornu, Masinissam Numidasque a dextro opposuit, vias patentes inter manipulos, antesignanorum Velitibus, ea tunc levis erat armatura, complevit.* Nomen hoc iis datum a loco, in quo collocati: sive ab ordine militari, quem ducebant.

2. Non-

2. Nonnulli sunt, quos *Velites hastatos* lego, ab hasta scilicet, quam ferebant; nam cum alii milites pilo gravissimo uterentur, hi leviori hasta armabantur, unde iis appellatio. T. Liv. 4. Decad. libr. 1. *Turbavit hunc ordinem pugnandi non acrior, quam pertinacior imperus Romanorum; nam haud secus quam si tota acie dimicarent, & Velites missis hastis comminus rem gladiis gerebant.* Ultima non videntur sana; itaque censerem, sic debere interpungi, legique, aut suppleri: *& Velites emissis missis hastis, & comminus gladiis rem gerebant.* Planus est, & necessarius sensus.

3. *Ad discrimen eorum, quos descripsi, quique pedites erant, alii vocati Equites Velites, scilicet quos ab equitibus adscitos superius ex Valerio Maximo docui. De his idem T. Livius 3. Decad. libr. 10. Tantusque clamor ortus, ut elefanti in suos, sinistro maxime cornu, verterentur, Mauros ac Numidas: addidit facile Masinissa percussis terrorem, nudavitque ab ea parte aciem equestri auxilio; paucæ tamen bestiarum intrepida in hostem acie, inter Velitum ordines cum multis suis vulneribus ingentem stragem edebant; resiliens enim ad manipulos Velites, cum viam elefantis, ne obtinerentur, fecissent, in ancipites ad ictum utrinque coniciebant hastas.*

4. Quidam erant *Velites* nulla certa statione in acie locati, sed dum expectantes imperium, modo his, modo aliis auxilio laborantibus destinabantur, unde *Auxiliares* nuncupati. Ammian. Marcellin. libr. 10. *Moto ergo Velitari auxilio, Herulis scilicet & Batavis, numerisque Mæficorum plurimis, adulta hieme dux antedictus Bononiam venit.* Hos omnes & maxime antesignanos, equites, & auxiliares describit in *Tacticis* Ælianus, cujus verba sic sonant Latine: *Non toricam induunt, non ocrea muniuntur, non clypeum aut scutum grave gerere soliti sunt; sed telis tantum utuntur, aut sagittis, jaculisve, aut lapide ex funda manuque. Vereor, ne erret Ælianus, cum Livius etiam hastis eos armet.*

Denique quo ordine in acie starent, discimus facile ex Cæsare libr. 7. Bell. Gall. & ex Modesto libello de Vocabulis militaribus. *Quod si equites impares fuerint, more veterum velocissimi cum scutis levibus pedites, ad hoc ipsum exercitati, iisdem miscendi sunt, quos expeditos; quasi volitantes, Velites nominabant: quo facto, quamvis fortissimi equites hostium evenerint, tamen adversum mixtum agmen pares esse non possunt. Est enim glossema.*

Apud Etruscos ærea tibia: varius ejus usus, bello, ludis, sacris, funeribus.

C A P. LXVI.

Tibiis etiam usi sunt ad bellica exercitia Etrusci. Jul. Pollux libr. 4. cap. 9. §. 5. Τὸ δὲ κατὰ τὸ ἑμπαινον ἔχων ὁ Τυρρήνιος αὐλὸς, ἀντετραμμένη σύριγγι παρειοικίος, χαλκὸς μὲν ἔστιν ὁ κλάμας, κἀτωθεν δὲ ὑποπνεόμενος. *Sed huic rursum contraria est Tyrrena tibia, inversæ syringi similis, cujus quidem arando ferrea est, quæ inferne inflatur.* Ita Rudolphus Gualtherus vertit, sed revera non recte; χαλκὸν, enim non *ferrum*, sed *æs* significat. Erat igitur calamus tibiæ Tyrrhenæ, non ferreus, sed æreus, quod majoris & venerationis, & antiquitatis; heroicis enim temporibus ferrum vix cognitum, cum æris nomen ubique apud Homerum sit: notat Eustathius ad libr. 3. Iliad. princ. Spectabatque æs ad Religionem. Servius ad libr. 1. Æneid. Æream itaque hanc tibiam Tusci excogitarunt. Idem Pollux libri laudati cap. 11. Εἰ δὲ καὶ ἡ σάλπιγξ τοῖς αὐλοῖς προσήκει, τὸ μὲν ἔνθημα Τυρρήνιον. *Quod vero tibiis contra tuba competit, Etruscorum inventum est.* P. Ovid. libr. 1. κακοτεχνίας:

Dumque rudem præbente modum tibicine Tusco

Lydius æquato ter pede pulsat humum.

Lingua Etrusca *subulo* est *tibicen*, ut libr. 1. cap. ult. hoc opere ostendere sum visus. Vide quæ dixi libr. 5. Antiquitat. Romanar. cap. 29. Scaliger. libr. 1. Poët. cap. 20. P. Victorius libr. 38. Variar. Lect. cap. 22. Paulus Manutius, Desid. Heraldus ad libr. 7. Arnobii consulantur. Idem libr. 2. docuit, Christianos primos averfatos tibiarum usum. Suidas adeatur in voce Ἀγαθόμος, & in voce Οὔριος. Initio sane usus tibiarum ad bella tantum, ut alibi hoc opere observatum: postea & ludis & epulis, & funeribus adhibita. Petron. Satyr. *Suadeo ad tibicines mittas.* Et præcipue sacrorum celebrationi, ut ad illud Claudiani abunde dictum de 4. Honorii Consulatu:

..... Nilotica sistris

Ripa sonat, variosque modis Ægyptia ducit

Tibia.

Habebant autem Romæ prærogativam in æde Jovis velsci: quod quia Censores prohibuerunt, urbe Tibur concesserunt, donec privilegium confirmatum fuisset, diligenter narrat Livius 1. Decad. libr. 9. *Solemnis licentia per urbem vagandi.* &c. Habebant etiam jus æquale cum Sacerdotibus tibicines, sine quibus sacra peragi non poterant. Ovid. libr. 2. Fastor.

Can-





Vas Fictile Altum Ped. I Va. III



Rome Apud Emi. Card. Gualterio

*Cantabat fanis, cantabat tibia ludis,
Cantabat mæstis tibia funeribus.*

Meminit vet. Inscriptio Romæ. (1)

IMP. CAES. IMP. CAES
L. SEPTIMI. SEVERI
PII. PERTINACIS
AVG. ARAB. ADIABEN
PARTHIC. MAXIMI
FORTISSIM. FELICISSIM
P. P. FILIO
M. ARELIO. ANTONINO
PIO. FELICI. AVG
TRIB. POTESTAT. III.
PRO. COS.
TIBICINES. ROMANI
QVI. SACRIS
PVBLIC. PRAEST. SVNT

A latere ejusdem basis.

DEDIC. PR. NON. APRIL.
TI CLAUDIO. SEVERO: C. AVFIDIO. VICTORINO. COS.
Q. C. PRAECILIO. SERENO. II. TI. CL. TITIANO

Invenitur etiam tibicinum collegium. Romæ vetus lapis ad D. Gregorii. (2)

COLLEGIO. TIBICINVM
ET. FIDICINVM. ROMANORVM
QVI: S. P. P. S
TI. IVLIVS. TYRANNVS
..... MVRIS. PERPETVVS. ET
IVLIVS. TYRANNVS. F
T. H. C. D. D.
.... DEDICATVM. K. MART
.... RSO. SERVIANO. II. L. FABIO. IVSTO. COS(3)

Iterum

(1) Apud Gruter. pag. 269. num. 2. Romæ in basi. (2) Apud eundem pag. 175. num. 10.
(3) Tibiis ulus esse nostros Etruscus docet & sequens pictura in vase fictili apud Eminentissimum Gualterium, & aliæ allatæ cap. 12. & 60. hujus libri.

Iterum Etruscorum in bellis virtus: olim aenea tuba ab iis inventa, & quidem Pisis a Piseo aut Meleo, aut Vetuloniarum: Græca vocabula a barbaris pro Latinis usurpata: concha pro tuba, & tibia, & sistrum.

C A P. LXVII.

Quanta fuerit Etruscorum in bello gerendo virtus, quanta militaris disciplinæ gloria, & insignis fortitudo, vel ex eo abunde patet, quod quingentis pæne annis Romanis resisterint, ut infra suo loco patebit. Horum igitur inventum tuba, qua omnes ubique terrarum populi postea in bellis usi, exceptis solis Lacedæmoniis, quibus pro tubis tibiæ erant, ut memorat Thucydides. De hac inventione præclare, ut alia, Diodorus Siculus, quem Eusebius, Justinus Martyr, & Photius impensius laudant, licet Joannes Bodinus minus candide de eo sentiat; magno tamen sane & utili Scriptore, nisi quod Romanorum Consulum nomina apud eum vel corrupta, vel transposita. Ita igitur ille Biblioth. libr. 5. Τὰ δὲ κατὰ τὰς πεζικὰς δυνάμεις ἐκπονήσαντες, τήντε σάλπιγγα λεγομένην ἐξέυρον ἐν χρηστοτάτῃ ἐν τοῖς πολέμοις ἀπ' ἐκείνων δ' ὀνομασθεῖσαν Τυρρήνην. Vertit Laurentius Rhodomanus. *Hi inter cetera, quibus pedestrem militiam exercuere, tubam repperunt, ad bella utilissimam, quæ Tyrrhena inde vocatur.* Adscribam & locum concordem Servii Honorati Mauri ad vers. 526. libr. 8. *Æneid. Tyrrhenum clangorem dicit, ideo quia apud Tuscos tubam constat inventam; ergo Tyrrhenus clangor, sonus Tyrrhenarum tubarum: & bene congruis omnibus arma nuntiantur per sonum tubarum, & figurate per epitheii immutationem, Tyrrhena tubæ.* Varro de Seculis auditum Cælo sonum tubæ dicit. *Videtur autem hic opportune Tyrrhena tubæ facta mentio, ut jam Tyrrhenorum castra vocare videatur Æneas.* Expressius C. Plin. libr. 7. cap. 56. *æneam tubam invenit Piseus Tyrrhenus.* Suspectus mihi locus; quis enim hic esse potuit Piseus Tyrrhenus, hætenus ignotus aliis scriptoribus? quid? quod doctissimus Servius dicat *Tuscos* invenisse, cum *Pisei* non sint in Italia *Tusci*, sed in *Mæonia*. Putarem igitur levi manu corrigendum: *æneam tubam invenit Pisis Tyrrhenus*: quæ correctio valitura est apud doctos, siquidem nulli bellicosiores in Etruria *Pisani*: & certum, diu ante *Æneæ* in Italiam adventum conditas a Tyrrhenis *Pisas*, ut infra doceo. Vel si lectio vulgata placet, adi ad libr. 2. hoc opere supra cap. 29. Discrepat ab istis Lucatius Placidius, do-

doctus etiam Grammaticus ad v. 402. libr. 6. Thebaid. Statianæ: *Tubam*, inquit, significat, quam Meleus Tyrrhenorum imperator primus invenit: a qua opinione nec Virgilius discrepat. Cumque sint Libyſtica, & Ægyptiaca tubæ, Tyrrhenicæ tamen prævalent, quia ſoni acutiſſimi. Sophocles Ajace Maſtigophoro, & Scholiaſtes ibidem. Vide Alexand. Sardum libr. 1. de Rer. Invent. Ita audiendi Poëtæ. Sil. Italic. libr. 5.

Punicor. in principio:

*Lydius huic genitor Tmoli decus, æquore longe
Mæoniam quondam in Latias advexerat oras
Tyrrhenus pubem, dederatque vocabula terris.
Iſque inſueta tuba monſtravit murmura primus
Gentibus, & bellis ignava ſilentia rupit.*

Idem libr. 2. principio:

*Haud dictis nunc eſſe locum, ſtrepere omnia clamat
Tyrrhenæ clangore tubæ.*

Stat. Papin. libr. 3. v. 652. Thebaid.

*Et tua non unquam Tyrrhenus tempora circum
Clangor eat.*

Idem libr. 6. Thebaid. v. 402.

*Inſonuit contra Tyrrhenum murmur, & omnes
Exiliere loco.*

Et libr. 7. Thebaid. v. 630.

Horrent Tyrrhenos Heliconia plectra tumultus.

P. Virgil. libr. 8. Æneid.

Tyrrhenusque tubæ mugire per æra clangor.

Uſus ejus in navalibus præliis; quare Martialis libr. Spectaculorum Epigr. 28. *navalem tubam* appellat: in ſacris certaminibus, ut multis P. Faber in Agoniſticis obſervat: in judiciis publicis, ut a Criticis diſcuſſum: in ultimis ſuppliciiis damnatorum exigendis: in funere inducendo, & deducendo, ut in Antiquitatum mearum corpore adnoto: in auctionibus præconiisſque publicis, L. Apulejus libr. 2. In ſacrificiis Judaicis, Iſidor. libr. 2. Etymologiar. cap. 20. *Tuba primum a Tyrrhenis inventa; adhibebatur autem non ſolum in præliis, ſed & in omnibus feſtis diebus propter laudes vel gaudii claritatem, unde & in Pſalterio dicitur: Canite initio menſis tuba, in die inſigni ſolemnitatis veſtræ; præceptum enim fuerat Judeis, ut initio novæ lunæ tuba clangerent, quod etiam bucusſque faciunt.* Denique dividendis vigiliis, incundo prælio, ad ſtationem & ſigna redeundo deſtinabatur. Idem Iſidorus diverſa quædam ab aliis libr. 17. cap. 4. *Tubam Tyrrheni primi invenerunt; laudatoque Virgilio deinde addit: hanc a Tyrrhenis prædonibus excogitatam dicunt, cum diſperſi circa maritimas oras, non facile ad quamque prædæ occaſionem voce aut buccina convocarentur, vento plerumque obſtrepente. Hinc poſtea bellicis certaminibus adhibita eſt ad denuncianda ſigna bellorum, ut ubi exaudiri præco præ tumultu non poterat, ſonitus tubæ clagentis at-*

tingeret. Quæ desumpta sunt pæne verbatim ex Julio Polluce libr. 4. Onomast. cap. 11. cuius verba posita superiori capite. Ex hoc apparet, varium fuisse & multiplicem tubæ usum; neque vero sola ea in bellis, sed & lituus, quo discrimine discas ex Helenio Acrone ad Horatium libr. 1. Carm. od. 1. *Litui acutus est sonus, tube gravis; lituus equitum est & incurvus, tuba vero peditum & directa*. Eadem fere Aurel. Macrobr. libr. 6. Saturnal. cap. 8. Vetuloniatis id tribuit Silius Italicus libr. 8.

Hec eadem pugnas accendere protulit ære.

Lituum certe tubæ conjungunt Horatius loco laudato, & alii; unde apparet, præcipuum in bellicis expeditionibus ejus fuisse usum. L. Seneca in Thyeste:

Jam silet murmur grave classicorum:

Jam tacet stridor litui strepentis:

Aha pax urbis revocata lætæ est.

Q. Ennius Annal. libr. 4.

Inde loci lituus sonitus fundebat acutos.

Corrigendus Adhelmus, sive Aldhelmus, aut, ut quibusdam placet, Athelmus, gente Scotus, vetus & illustris Scriptor. libr. 1. de laude Virginitatis:

Horridus exultat crudo certamine Mavors,

Cornua rauca sonant, & salpex classica clangit.

Sed legendum est: *Salpex classica clangit*; *σαλπὶξ* enim tuba Græce est, qua voce idem utitur, sed corrupte libr. de octo vitiis.

Dum vexilla ferunt, dum clangit classica salpex.

Restitue iterum: *clangit classica salpex*. Erat certe mos quibusdam auctoribus dictiones Græcas Romana civitate donare, ne litera quidem mutata: sic Virgilius *Ætiam* pro littore dixit: & apud Plinium *Probata* sunt oves, quod alii adverterunt, quod & huic auctori valde est familiaris; nam libr. 1. de laud. Virginit.

Punica mela vident granis scitisque referta.

Cum potuisset mala dixisse, maluit *τὰ μῆλα* dictionem Græcam usurpare. Sic libr. de octo vitiis:

Angelicus princeps, & protus lucifer æthere.

Vide M. Ant. Muretum libr. 1. Variar. Læction. cap. 3. & Baptistam Pium Annotat. posterior. cap. 178. sic *ναῖπα* caput, & Æolice *ναρῖ* pro toto vultu usurpatum, ut docet Henricus Stephanus in Euripidem; quare *Cara* tanquam vox Latina audit apud Corippum Africanum meum libr. 2. de laudib. Justinii Minoris Aug. num. ult.

..... *postquam venere verendam*

Cæsaris ante caram.

Frequens in hoc est Abbo Poëta ante septingentos annos durissimus, & nisi commendaret antiquitas, indignus legi. Ita igitur libr. 1. de Obsid. Parisior.

Urbs

*Urbs mandata fuit Karole nobis Basileo
Imperio cuius totus regitur prope cosinus.*

Et post eod. libr.

Quæ lubrico Salvatore cosino genuisti.

Et libr. 2. ad finem:

*Aphrodite adeo saltem quo arcere parentes
Haud valeas lecto.*

Revertor ad tubam, quam omnes pæne gentes bellis adhibuerunt, exceptis Spartanis, ut dixi, & Amazonibus, quibus fistrum erat pro tuba, ut Alexander ab Alexandro notat libr. 4. cap. 2. ex Isidoro libr. 2. Etymol. cap. 21. *Est autem fistrum crepitaculum æneum, ovalis & manubriatæ figuræ, circa oras tintinnabula habens.* Hadrian. Turneb. libr. 26. Adversar. cap. 33. Ambigo, an Amazones ab Ægyptiis fistrum sint mutuata? & probabilis est conjectura, ita se rem habere; siquidem in Iliacis omnibus sacris ejus præcipuus usus. Poëtæ passim. Martial. libr. 12. Epigr. 29. Ovid. libr. 3. Amor. Eleg. 8. Tibull. libr. 1. Eleg. 3. Propert. libr. 3. Eleg. 10. L. Apul. libr. 11. *Æreis & argenteis, imo vero & aureis fistris tinnitum argutum perstreptentes.* Et libr. 2. Milesiar. *Miserere per sidera cælestia, & arcana Memphisitica, & fistra Phariaca.* D. Aulon. Paulino. Epist. 25.

Iliacos agitant Mareotica fistra tumultus.

Quin imo Isidis statuae fistrum appendebatur. Servius ad 8. Æneid. Valer. Flacc. Argonaut. libr. 4. allusit:

Aspide cincta comas, & ovanti persona fistro.

Sed quid, inquires, ante tubam inventam in usu gentibus? Concha sane, aut ego fallor, pro tuba, tibiaque, ac fistro, antiquitus habebatur. Gloss. Isidori *Barcanda* Didymus & Eustathius ad Homerum, & observat Joannes Meurfius ad Lycophronem pag. 161. sed qualis illa sit, explicat C. Plinius libr. 9. cap. 33: *ad plausum apertis, ad buccinum recurvis*: Turneb. libr. 28. Adversarior. cap. 44. Historicum illud ab eodem relatum Plinio, libr. laudato cap. 5. *Tiberio principi nuntiavit Obyssipponensium legatio ob id missa, visum auditumque in quodam specu concha canentem Tritonem, qua noscitur, forma.* Atque ita constanter a veteribus Tritones cum conchis depingebantur. L. Apul. libr. 4. erudite, ut solet: *Jam passim maria persultantes Tritonum catervæ, hic concha sonaci leviter buccinat, ille serico tegmine flagrantis solis obfistit, alius sub oculis domine speculum prægerit.* Sic Poëtæ Tritones tubicines celebrant. Ovid. libr. 1. Metamorph. fab. 7. quem locum adscribam, quia conchæ formam exprimit:

*Ceruleum Tritona vocat, conchaque sonanti
Inspirare jubet, fluctusque & flumina signo
Jam revocare dato, cava buccina sumitur illi
Tortilis in latum, quæ turbine crescit ab imo,
Buccina, quæ medio concepit ubi æra ponto,*

Ccc 2

Lit-

Litora voce replet sub ntroque jacentia Phæbo.

In primo versu MS. meus habet, *conchaque sonaci*, epitheto significantiori, quod & L. Apulejus, supra laudatus, expressit, & vidit Philippus Beroaldus. Virgil. libr. 6. Æneid. v. 171.

*Sed tum forte cava dum personat æquora concha
Demens, & cantu vocat in certamina Divos,
Æmulus exceptum Triton, si credere dignum est,
Inter suxa virum spumosa immerferat unda.*

Stat. Papin. libr. 5. Thebaid. v. 718.

*Rex sublimis equis, geminusque ad spumea Triton
Fræna natans, late pelago dat signa cadenti.*

L. Lucan. libr. 9. Pharsal. v. 345.

*Hanc, ut fama, Deus, quem toto litore pontus
Audit ventosa persilantem murmura concha,
Hanc & Pallas amat.*

Sext. Propert. libr. 4. Eleg. 6.

*Prosequitur cantu Triton, omnesque marine
Plauserunt circa libera signa Deæ.*

MS. meus, optimæ notæ, concipit melius:


Prosequitur concha Triton;

quasi dicat triumphalem sonum Augusti victoriam celebrare; notum quippe in triumphali pompa tubicines locum habuisse, atque hanc genuinam esse hujus loci interpretationem facile docti admittent. Adhendus Claudianus de Nupt. Hon. & Mariæ:

*Heus quis erit, pueri, vitreas qui lapsus in undas
Huc rapidum Tritona vocet, quo vecta per altum
Deferar? baud unquam tanto mihi venerit usu,
Sacri quos petimus ibalami, pernicios omnes
Quæritæ, ceu concha Libycum circumtonat æquor,
Ægeas ceu frangit aquas.*

Silius Italicus libr. 14. Punicor. ritum optime adumbrat:

*Nec mora, terrificis sæve stridoribus æris
Per vacuum late cantu resonante profundum
Incubere tubæ, queis exitus æquore Triton
Expavit, tortæ certantia murmura conchæ.*



Tom. I. ad Libr. 3. post Cap. LXVII. pag. 389.

*Consentaneum censuimus hic appo-
nere ea Etruscorum Monumenta,
in quibus milites, & arma cer-
nuntur, ut ex his, & anaglyphis
positis pag. 343. gladiatores re-
presentantibus, Lector conjicere
valeat, quæ forma esset armo-
rum apud Etruscos.*





Vas Fictile Atticum Ped. I. Vn. VII.




Romæ Apud Emi Card Gualterio






Vas. Fictile. Altum Ped. 1 Vn III.




Romæ Apud Em̃. Card. Gualterio





Tab. LXVII.

Tom. I. pag. 389.



1 Peruvia In Marmore Apud Nobiles De Meniconis.

C. M. Joub.



2 Peruvia In Marmore Apud Nobiles De Meniconis.

C. M. Joub.





Perusia In Marmore Apud Nobiles De Constanzi



Clusium In Marmore Apud C. V. Ritorum Paclozzi






Perusia In Marmore In Aedibus Angelettis

C. M. Joul




Perusia In Marmore Apud Nobiles De Ansideis C. M. Joul





Perusia In Marmore Apud Nob. V Hyacinthum De Vinciolis.

C. J. Nodding scul.






Clusij In Marmore Apud C.V. Ristorum Paolozzi
V. Franzolini Scul.




Clusij In Marmore Apud C.V. Ristorum Paolozzi
V. Franzolini Scul.





Vrina Marmorea Apud Nob. Gentem Ghisiam In Ditione Senensi

Vin. Etrusq. Mus. Sord.



Ex Lapide Arenario Cinereo
Florentis Apud Nob. de Bonarotii. C.M. 16



Ex Lapide Arenario
Volaterris Apud Nob. de Moffis. C.M. 16

*Etruscorum inventum mola: servi ad eas damnati,
qui & asini dicti: eorum mansiones praesepia, uti
immundorum, baxæ: asini & equi velatis ca-
pitibus: mola aquaria, olearia: earum
partes: Fornax Dea.*

CAP. LXVIII.

UTi pietatem, Divorumque cultus, & arcana Religionis a Tu-
scis hauserunt Romani, ita quoque & vitæ necessitatem iis-
dem eos debere fatendum est; siquidem molarum usus, in-
cognitus Italis, priusquam in Etruria Volscinientes eas exco-
gitassent. C. Plin. libr. 36. cap. 18. *Item molas versatiles Volsciniis in-
ventas, aliquas & sponte motas invenimus in prodigiis.* Quare hic obi-
ter quædam de illis diceunda. Primum sibi ipse Plinius contrarius &
pugnans videtur, qui libr. 7. cap. 50. inventionem ad Cererem refe-
rat, quæ homines molere docuit prima. Utrumque certe reprobatur Ste-
phanus libr. de Urbib. qui ad Mylantem quendam refert, in voce *Μυ-
λαντιæ*. Magnum fuisse usum vel heroicis temporibus docemur ex Ho-
meri Odyssæa; nam in Alcinoi Phæacum Regis horto libr. 7. v. 105.

Αἱ μὲν ἀλετρεύουσι μύλην ἐπὶ μύλοισι καρπῶν.

Alii molunt sub mola pomacei coloris frugem.

Manubrium ejus, quam describimus molæ, *molucrum* appellatur, & Græ-
ce *μύλκρον*, quo molæ vertuntur, inquit Fest. libr. 10. licet Cloatius in
libris sacrorum velit esse *lignum quoddam quadratum, ubi immolatur*. Et
Ælius in Explantatione Saliorum Carminum, *quod sub mola supponatur*.
Denique Aurelius Opilius, *ubi molatur*, contendit. *Inferior autem pars
mola meta, superior catillus* audit. Scævola apud Paulum l. 18. §. 4. ff.
de Instruc. vel Instr. leg. Catillus autem Græce *ὄνος*, idest asinus appel-
labatur. Suida teste, & Hesychio; *ὄνος ὁ ἀνώτερος λίθος τῆς μύλης*. *onos supe-
rior lapis mola*. Eustathium & Xenophontem ad id citat eruditus Brissio-
nius, quem vide. Molam vero a *τρέπω*, *verto*, nonnulli putarunt *trapetum*
dici; sed manifeste distinguit L. Moderatus Columella libr. 12. cap. 50.
Cato de Re Rust. cap. 145. Q. Symmach. libr. 3. Epist. 23. *trapetis
teritur bacca Sicyonia*. Ex Virgilio libr. 2. Georg. v. 519. Jun. Phylar-
gir. ad eum locum vult *lapideas esse molas*. Ratio nominis, quod cir-
cumactio lapide, quod jam paulo infra ostensurus sum, fruges tereren-
tur. M. Martialis libr. 7. Epigr. 27. ea voce utitur, & libr. 13. Epigr. 36.

Hec, quæ Picenis venit subducta trapetis,

Inchoat,

Inchoat, atque eadem finit oliva dapes.

Papin. Stat. libr. 2. Silv. 7.

Undis Betica provocas trapetis.

Paulus J.C. libr. 3. Sentent. tit. 7. *cogendorum fructuum causa comparata instrumenta cedunt, velut corbes, alvei, falces messorie, item mole olivarie.* Adi ad l. 19. ff. locati: censeturque ædificii pars; nam *inædificata* dicitur a Pomponio J.C. l. 21. ff. de Instr. vel Instrum. leg. at M. Varro non a vertendo, verum a terendo contendit libr. 4. de Ling. Lat. *trapetum* vocari. Dicitur & *moletrina*. M. Cato apud Nonium Marcellum cap. 1. num. 320. *nervo, carcere, moletrina*: quod adnotatum & præoccupatum video a Guiljelmo Budæo Annotationibus ad Pandectas prioribus. Primas sane molas constat *trusatiles* fuisse, quæ manum laboriosissimo actu circumversarentur. A. Gell. libr. 3. cap. 3. *Ob querendum victum ad circumagendas molas, quæ trusatiles appellabantur, operam pistori locasset; ideoque manuales audiunt.* Servius Maurus Honoratus ad v. 274. pag. 83. libr. 1. Georgic.

Sæpe oleo tardi costas agitator aselli

Vilibus aut onerat pomis, lapidemque revertens

Incussum, aut atræ massam picis urbe reportat.

Lapidem incussum recte dixit; nam circumacto lapide frumentum terebatur. Vulgariter lapis iste *molaris* solet vocari. Gloss. vet. *molaris*, *Μολάρης*; aliud Lexicon Atticum: *Μολάρης λίθος, silex*. Locus elegans est ejusdem Servii ad v. 184. libr. 1. Æneid. *Quia apud majores nostros molarum usus non erat, torrebantur fruges in pilis, & pinsebantur, neque molebantur.* Ideo poëtæ ad heroica illa respicientes tempora, sic fere loquuti. Virgilius loco ultimo laudato:

Et torrere parant flammis, & frangere saxo.

Et libr. 1. Georgic. v. 267.

Nunc torrete igni fruges, nunc frangite saxo.

T. Lucret. libr. 1.

..... fruges quoque sæpe minutas

Robore cum saxi frangunt.

In MS. Codice, uti observavit Dionysius Lambinus, erat *minacis pro minutas*; sed parum interest. Stat. libr. 1. Thebaid. v. 524.

His labor inserto torrere exanguia ferro

Viscera cesarum pecudum: his cumulare canistris

Perdomitam saxo Cererem.

Posterioribus deinde seculis licet mos ille exoleverit, mansit tamen usus loquendi. D. Auson. Mosella:

Nobilibus Gelbis celebratur piscibus, ille

Præcipiti torquens Cerealia saxa rotatu,

Stridentesque trabens per levia marmora ferras.

In locum manualium harum molarum, sive trusatilium, successerunt *asmarie*, quas scilicet asini versarent. Ritum perbelle explicat L. Apulejus

lejus Milefiar. libr. 7. *Nequissima illa mulier mola machinaria sub jugum me dedit, frondosque baculo subinde castigans, sibi, suisque panem de meo corio parabat: nec tantum sui cibi gratia me fatigare contenta, vicinorum etiam frumenta mercenarius discursibus meis comerebat.* Et eodem libro paulo post. *Ad eundem modum distractus & ipse variis equorum incursum, rursus molares illos circuitus requirebam.* Ubi & hoc diligenti observatione dignum, asinis jumentisque aliis, huic operi adhibitis, faciem velari consuevisse, ne scilicet vertigo noceret. Testis est Lucianus: Ὅδῳ τοῖς ὄμμασι ἐπιτεταμένους ὑποζυγῶναι με τῇ κώτῃ τῆς μύλης. *Velamine oculos meos convelantes, subligam me ad manubrium mola.* L. Apul. eodem loquendi ritu usus libr. 9. Milefiar. *Sed die sequenti, mola, quæ maxima videbatur, matutinus adstituor, & illico velata facie propellor ad incurva spatia flexuosi canalis, ut in orbe termini circumfluentis reciproco gressu mea recalcans vestigia vagarer errore certo.* Hinc effectum est, ut *asinos molarior* periti dicant scriptores, pro jumentis, molarum machinis adhiberi solitis. Ita usurpat M. Varro libr. 2. de Re Rustica; quamquam in MSS. Codicibus adnotet Petrus Victorius reperisse, non *molarium*, sed *molendarium*, quod propius accedit ad veritatem, utoremque Latini sermonis: ita *asina molendaria* apud Neratium l. 18. ff. Instr. vel Instrum. leg. Licet veteres glossæ primam lectionem firment, Μυλωνιον, *molarium*. Ex qua consuetudine derivatum, ut in asinorum locum servi improbi damnarentur. Achmes Seirim cap. 195. Oneirocrit. Μύλων, ἀλίστοντα ὄνα δυνατῶ. *pistrinum, in quo asinus robustus moleret.* Vet. Gloss. *pistrinum*, Μύλων, Ἀρτουόπιον. P. Terent. Andria Act. 1. sc. 2.

*Verberibus cesum te, Dave, in pistrinum
Dedam usque ad necem.*

Vetus Scholiastes Juvenalis ad v. 67. sat. 8.

Segnipedes, dignique molam versare nepotis.

Atque hi servi in pistrinum detrusi solebant nomine *asinorum* appellari, & mola ipse *præsepia*. Unde in MS. Codice Plautino sic concipiebatur titulus primæ comædiæ: *M. Asini Plauti Amphytruo*; quippe servi ergastulo hujusmodi inclusi, tamquam laboris omnigenæ patientes, quales sunt asini molis appliciti, sic jure merito vocati videbantur: quod non sum ignarus præoccupatum ab eruditissimo Joanne Meursio Criticar. Exercitation. part. 1. cap. 9. & certum est ex A. Gellio supra laudato loco, Plautum *quasdam in pistrino scripsisse comædias*, & servilibus addictum fuisse operibus. Locus est apud eum Curcul. Act. 2. sc. 1.

*... parasitus, quia non rediit Caria,
Afferre argentum credo; nam si non ferat
Tormento retineri non potuit ferro*

Quin reciperet se huc esum ad præsepim suam.

Tertium verbum in MS. meo reperi aliter, & fortassis melius. Vide Petrum Fabrum libr. 1. Semestr.

Tomen-

Tomento retineri non potuit ferreo.

Quartus versus longe aliter legebatur vel Nonio Iudice cap. 3. num. 160.

Quin reciperet se hic cessum ad præsепiam suam.

Sed melior prior lectio vel ipso Plauto assertore in prologo Casinæ:

*Qui sibi uxorem poscat, scit, si id impetret,
Futurum, quod amet, intra præsепes suas.*

Et videntur mihi non molarii tantum servi, sed quilibet alii in privatis suis stationibus, in dominorum domibus locum habuisse servi, qui a vilitate rei & officii, ceu pecudes habiti, locum sic nuncupaverint; erat enim par fervorum & jumentorum conditio, testis est M. Varro libr. 1. de Re Rust. cap. 13. *Illic laudatur villa si habebat culinam rusticam bonam, præsепias laxas, cellam vinariam.* Huc pertinet locus Claudiani libr. 1. in Eutropium, a nullo hactenus explicatus:

Hæc erat, hæc, Ptolemæe, fides? hoc profuit ætas

In gremio consumpta tuo, lectique jugales,

Et ducti toties intra præsепia somni?

Utque servi in præsепi habitare dicti, ita sordidi homines porcorum nomine appellati, & habitatio illorum bara audiebat. Idem M. Varro in Prometheo: *In tenebris ac suilla vivunt, nisi non forum bara, atque bomines, qui nunc plerique sues sunt existimandi.*

Sed ad molas revertor, quæ etiam aquariæ dicebantur, quod sicuti trufatiles manuum opera, asinarum jumentorum industria; ita istæ aqua per canales derivata circumagebantur. Pallad. Æmilian. libr. 1. de Re Rustica cap. 42. *Si aquæ copia est, fusura balnearum debent pistri-
na suscipere, ut ibi formatis aquariis molis, sine animalium vel hominum labore frumenta frangantur.* Modum præscribit Vitruvius libr. 10. cap. 10. *Ita dentes ejus tympani, quod est in axe inclusum, impellendo dentes tympani plani, cogunt fieri molarum circinationem, in qua machina impendens infundibulum subministrat molis frumentum, & eadem versatione subigitur farina.* In quem locum quid notet Guilielmus Philander, consule. Meminit & Zeno Imperator l. 10. C. de Aquæduct. *Suburbanum vel prædium, vel balneum, vel aquæ mola, vel hortus, ad cujus usum aqua publica fuerit derivata.* Sic enim recte locus ille legitur, licet in quibusdam aliis editionibus, pro aquæ mola sit aquario-
la, pessime, & nullo sensu. Valentinianus & Valens Augg. l. 4. C. Theodof. de Canone frumentario urbis Romæ: *Improborum petitiones, qui impudentius ausi sunt postulare pensiones, aquæ molarum, quæ urbi venerabili annonas abundantius prestissent, quinque librarum auri multa infligat.* Aquariæ molæ rotis sublevatis inversisque suppeditabatur aqua, eique officio juncti asini, equi, equæ adhibebantur. Secundus, vetus poëta libr. 1. Antholog. cap. 33. Epigr. 21.

τίπτε τὸν ὀγκηστὴν βραδύπουν ὕον ἄμμου' ἐν ἱπποῖς

Πύρον ἀλκωνεῖς ἐξάλατε ὀρέμον;

οὐχ

Οὐχ ἄλλῃ, ὅτι μύλοιο περίδρομον ἄχθος ἀνάγκης

Σπειρηδὸν σκοτίαις κυκλοδιώκτος ἔχω;

Ἀλλ' ἔτι καὶ πάλαισιν ἐρίζομεν.

Cur rudentem tardum asinum simul cum equabus in rotundum in areis triturantibus agitatū cursū? Nonne satis est, quod molæ circularium onus necessitatis convolutum oculis clausis in gyrum actus habeo? quin adhuc cum equis cursu contendamus? Neque illud prætereundum, quod ab Artemidoro Daldiano libr. 2. cap. 47. Oneirocrit. traditum: Μύλος ἀπὸ τῶν σκληρῶν καὶ πονηρῶν πραγμάτων λύσιν, καὶ πίσιν θεράποντα σημαίνει. Mola semper durorum & difficilium negotiorum solutionem portendit, & fidelem servum significat. Denique observandum, pistrinis suum fuisse Deum, suaque numina tutelaria ab aliis opificiis distincta. Jul. Poll. libr. 7. Onomast. cap. 33. tit. 8. Μυλῶθρο, μύλων, μύλη, προμυλία θεός, καὶ ἑνοστος. Molitor, mola, pistrinum, Dea molaris, & benevola. Hinc veteri superstitione cautum, ut Promylus Deus semper ante molas locaretur, ob suavem alimoniam. Suid. in voce Προμύλιος θεός: quæ vero Græcis Promylia dicta, Latinis fortasse Fornax fuerit. De qua cum alii abunde disserterint, non repeto. Vide Festum Pompejum libr. 6. & libr. 14. in vocē Popularia sacra. Plutarch. Problem. Rom. cap. 89. Lactant. Firmian. libr. 1. cap. 20. Ovid. libr. 2. Fastor.

Facta Dea est Fornax,

Et libr. 6. Fastor.

Sola prius furnis torrebant farra coloni,

Et Fornacali sunt sua sacra Deæ.

Etruscorum inventum atria: quæ loca essent: templorum primum, mox ædium profanarum: imagines in iis, & vela: porticibus respondent: eorum ornatus: servi, iis præfecti, atrienses.

CAP. LXIX.

UT multa alia Romani ab Etruscis mutuati sunt, ita vel hoc in primis, ut ædes suas, atriis adjectis, splendidiore, laxioresque efficerent; quod ut manifestius constet, ponam quorundam veterum, sed fide dignissimorum Auctorum loca. M. Varro libr. 4. de Ling. Lat. *Atrium appellatum ab Atriatibus Tusceis; illinc enim exemplum sumptum.* Festus Pompejus ex illo libr. 1. de Verbor. significat. *Dictum autem atrium, quod id genus ædificii Atria primum in Etruria sit institutum.* Addatur & Servius Maurus Honoratus

Tom. I.

Ddd

ad

ad v. 730. libr. 1. *Æneid.* *Alii dicunt, Atria Etruria esse civitatem, quæ domus amplis vestibulis habebat, quæ cum Romani imitarentur, atria appellaverunt.* Locum putarim ex Festo, proxime supra laudato, corrigendum, & pro *Atria* reponendum *Atriam*, nisi plus Servio, quam Festo tribuendum. Ut ut sit, certe constat, atrii primam inventionem Tulcis deberi; nunc vero quis ejus usus, videndum. Primum templa angustiora atrio decorabantur; nam *atrium Minervæ* ponitur in 8. Urbis regione a P. Victore: & *atrium Libertatis* ex eodem erat in 13. regione, adstipulante B. Marliano libr. 4. Topograph. cap. 3. quod Gracchus *ex multatitia pecunia* erexit. T. Liv. 3. Decad. libr. 4. in principio. In eo publica aëta signabantur, asservabanturque, eodem Livio scribente 5. Decad. libr. 3. *Censores extemplo in atrium Libertatis ascenderunt, & ibi signatis tabellis publicis, clausoque tabulario, ac dimissis servis publicis.* Dedicatio illius Eidibus Aprilis. Fasti Capitolini, & P. Ovid. libr. 4. Fast.

Hac quoque, ni fallor, populo dignissima nostro

Atria Libertas cepit habere sua.

Conjectura est, in eo fuisse bibliothecam publicam; ita eodem Ovidio docente libr. 3. Trist. Eleg. 1.

Nec me, quæ doctis patuerunt prima libellis

Atria Libertas tangere passa sua est.

In monte Aventino locat Festus Pompejus libr. 10. cujus auctorem non Gracchum facit, ut Livius proxime supra, sed Asinium Pollionem C. Suetonius in Augusto cap. 29. *Atrium Veste* in 8. Urbis etiam regione collocatur a Topographis, & plenissime Servius Maurus ad libr. 7. *Æneid.* v. 153. quem consule. Ad eum ritum Christianis etiam templis atria adjecit Corippus Africanus libr. 3. num. 1.

Donec Apostolici subeuntes atria templi.

Uti Deorum templis atria apposita, ita & profanis quorumlibet civium domibus eadem in ornamentum adiecta, de quorum structura adeundus M. Pollio Vitruvius libr. 6. cap. 3. quorum usus antiquissimus extra Italiam, heroicis scilicet temporibus; nam Homerus *ἄνδρῶν*, *atrium* vocat, apud Julium Pollucem libr. 1. Onomast. cap. 8. aliis *ἀνδρῶν* appellatur; sed parum interest. Locum apponam elegantem M. T. Ciceronis libr. 3. ad Quintum Fratrem Epist. 1. *Quo loco in porticu te scribere ajunt, ut atriolum fiat, mihi, ut est, magis placebat, neque enim satis loci videbatur esse atriolo, neque fere solet, nisi in his ædificiis fieri, in quibus est atrium majus, nec habere poterat adjuncta cubicula, & ejusmodi membra.* Ubi duo a Criticis omnibus prætermissa observare licebit: primum, in una domo plura atria fieri potuisse; quod a nullo, quod sciam, est notatum: alterum, atrio vicina, aut potius juncta, cubicula; quod alias non puto, neque apud alium Scriptorem notæ alicujus legi. Confer C. Plinii Junioris Epistolam 17. libr. 2. Maximum utcumque sit in atriis ornamentum, præcipuaque nobilitatis & opulentiae

lentiae ostentatio. M. Varro, ut alios omittam, in Menippæa Satyra, cui titulus Ἀνθρωποφυλα περὶ γενεθλίου.

Non fit thesauris, non auro pectus solutum,

Non demunt animis curas ac religiones

Perfarum montes, non atria divitis Crassi.

Quamobrem columnis peristylisq; distinguebantur, quæ ex marmore verticolore dominorum potentiam indicarent. Claudian. libr. 2. in Ruffin.

... quid purpureis effusa columnis

Atria.

T. Lucret. libr. 4.

Atria versari, & circumcursare columna

Usque adeo sit uti pueris videantur, ubi ipsi

Deserint verti.

Illa majorum imagines continebant, & longum familiæ ordinem intrantibus offerebant, erantque pars ædium speciosissima; imagines autem, sive stemmata cera, ut sæpe, plerumque etiam ære aut marmore exprimebantur. L. Seneca libr. 3. de Benefic. cap. 28. *Qui imagines in atrio exponunt, & nomina familiæ suæ longo ordine, & multis stemmatum illigata flexuris, in prima ædium parte collocant, noti magis, quam nobiles sunt.* C. Plin. libr. 35. cap. 2. *Aliter apud majores in atris hæc erant, quæ spectarentur, non signa externorum artificum, nec æra aut marmora, expressæ cera vultus singulis disponebantur armariis, ut essent imagines, quæ comitarentur gentiliua funera, semperque defuncto aliquo, totus aderat familiæ ejus, qui unquam fuerat, populus.* P. Ovid. Eleg. 6. libr. 5. Trist.

Creditur & ceris, & quos prætesta verendos

Vittaque cum virgis imperiosa facit.

Et libr. 1. Amor. Eleg. 8.

Nec te decipiant veteris quinquatria ceræ,

Tolle tuos tecum pauper amator avos.

Corruptum esse locum omnes vident, sed corrigunt varie Critici; nam quidam reponunt: *veteris quinque atria ceræ*, sed minus, ut mihi videtur, probabiliter; cum in una domo uti plura atria posse esse supra ostendi, ita quinque fuisse præter morem suspicor. Melius itaque: *veteri cincta atria ceræ*. M. Martial. libr. 2. Epigr. 90.

Atriaque immodicis ardeat imaginibus.

Et libr. 4. Epigr. 40.

Atria Pisonum stabant cum stemmate toto.

Auctor carminis ad Pisonem, qui neque Ovidius, temporis ratione dissentiente, nec Lucanus, cum paupertatem suam desceat, tenuisque fortunæ injuriam v. 241. & Lucanum Juvenalis sat. 7. v. 79. marmoreos hortos habuisse ac possedisse dicat. Ille igitur, quisquis est, auctor venustus ac elegans:

*Nam quid imaginibus, quid avitis fulta triumphis
Atria, quid pleni numeroſo Conſule faſti
Proſuerint?*

D. Juvenalis ſat. 8.

*Tota licet veteres exornent undique cere
Atria.*

C. Plinius proxime ſupra laudatus excluſit ab atriis imagines omnes, niſi cereas: quod de primis Reipublicæ temporibus intelligendum; re vera enim poſtea etiam æræ & marmoreæ, argenteæ aureæque in uſu. Statius libr. 2. Silv. 2.

Quid referam veteres cereæque ceriſque figuras?

Nec modo majorum ſuorum cara metalloſe expreſſos vultus in atriis iſtis aſſervabant; ſed & pretioſa quæque clarorum virorum monumenta. C. Petron. Satyr. pag. 22. in deſcriptione domus Trimalcionis: *Interrogare ego atriensem cœpi, quas in Medica picturas haberet? Iliada & Odyſſeam, inquit.* Sic enim rectiſſime legendum docet Joſephus Scaliger, ut quibusdam videtur, *quaſi Medica ſit porticus inſtar Peciles Athenienſis, in qua Medici ſuperati depingebantur*; ut probat longus ſcribentium ordo. Probus Æmilius, ſive Cornel. Nep. in Milciade. Pauſan. Attic. Diogen. Laërt. in Critico. Apul. Miſeſiar. libr. 1. Ælian. libr. 13. Var. Hiſtor. cap. 12. Strabo libr. 9. Lucian. in Vita Demonaſtis. C. Plin. libr. 35. cap. 9. vocaturque Pyſianactia, auctore Plutarcho in Cimone. In ea pugna Marathonica erat depicta, in qua fœdiſſima ſtrage Medici a Græcis debellati, unde illi nomen. A. Perſ. ſat. 3. v. 54. ex quo loco apparet, auditorium philoſophorum fuiſſe:

*Quæque docet ſapiens braccatis illita Medis
Porticus.*

Hæc quidem probabilis eſt conjeſtura; ſed ego nihilominus cenſerem legendum, *quas picturas in media haberet*. Confirmat hanc lectionem vetus Gloſſarium Latinum: *Tullia media vel Regia*. Et forte *media* dicebatur, quia *media* quædam pars eſſet inter domum ipſam & veſtibulum. Duo ſane atriorum genera: unum, quod Feſto auctore *atereum*, ſeu planum, de quo jam diximus: alterum, quod ſubdivale, ut nonnulli putant minus vere, in quod gradibus quibusdam aſcendebatur. Martial. libr. 12. Epigr. 3.

Atria ſunt illis Conſulis alta mei.

Utrumque velis tapetibusque penſilibus adumbrabatur. Corippus de Byzantinis ædibus eadem, quæ de Romanis alii. libr. 3. num; 7.

Clara ſuperpoſitis ornabant atria velis.

Et paulos poſt eodem loco:

*Verum ut contracto patuerunt intimo velo
Oſſia, & aurati micuerunt atria tecti.*

Referendum huc cultiſſimum Epigramma ⁽¹⁾ Sulpicii Servaſti Luper-

(1) Inter Catalect. Scalig. libr. 1. pag. 191. ſed ſine auctore, & inter vetera Epigrammata l. 1. p. 33.

ci Junioris, quod propter insignem elegantiam integrum adscribam:

Quod tua mille domus solidas habet, alta columnas;

Quod tua marmoreo janua posse nitet:

Aurea quod summo splendent laquearia tecto,

Imum crusta tegit quod pretiosa locum:

Atria quod circum dives tegit omnia cultus,

Hoc animos tollit nempe, beare tuos.

Ædibus in totis gemmae licet omnia claudant,

Turpe est nil domino turpius esse suo.

Solis nobilibus competebar jus istud imaginum: causa pulchra apud Valerium Maximum libr. 5. cap. 8. tit. 3. Videbat se in eo atrio confedis-
se, in quo imperiosi illius Torquati severitate conspicua imago posita erat, prudentissimoque viro succurrebat effigies majorum suorum cum titulis suis; idcirco in prima ædium parte poni solere, ut eorum virtutes non solum posterius legerent, sed etiam imitarentur. Sext. Propert. libr. 1. Eleg. 4.

Nec tibi nobilitas poterit succurrere amanti;

Nescis Amor præcis cedere imaginibus.

P. Ovid. libr. 1. Factor.

Perlege dispositas generosa per atria ceras.

Pinathecis hinc aut tablinis claudendis, conservandis, in funebrem pompam efferendis præerant servi, quos Atrienſes ab atrii cura appellabant. M. Tull. Paradox. 5. *Atque ut in magna familia sunt alii lautiores, ut sibi videntur, servi, sed tamen servi atrienſes, atque tu pari stultitia, quos signa, quos tabule, quos calatum argentum, quos Corinthia vasa, quos ædificia magnifica nimio opere delectant. Quem locum corruptissimum* MS. optima notæ beneficio sic posse restitui, nitiorque suo reddi existimo. *Lutiores, ut sibi, videntur, servi, ut atrienſes, alii inferiori loco, ut mediastini, sic stulti quidem omnes, ut tu, pari stultitia sunt, quos signa, &c.* Petronius supra laudatus officium obiter indicavit, sed plenius, uberiusque Junius Moderatus Columella libr. 12. Rei Rust. cap. 3. *Uxorem, ait, debere insistere atrienſibus, ut suppellex & ferramenta deterſa nitidentur, atque rubigine liberentur, ceteraque si refectionem desiderant, fabris concinnanda tradantur.* Meminit liber de Offic. Proconsul. Vet. Glossar. Latinum: *Atriarum seu atrienſes sunt custodes atrii.* Aliud vetus Glossarium Latino Græcum. *Atrienſis, διαρξιος, διαρξιος.* Alfenus Varus libr. 7. Digestorum: *Itemque de servis eadem ratione queri, qui eorum usus sui causa parati essent, dispensatores, villici insularii, atrienſes, textores: operarii quoque rustici, qui agrorum colendorum causa haberentur.* Vide Legem 203. ff. de Verbor. significat. Ulpian. J. C. l. 15. §. 2. ff. de Usufructu. *Librarium si rus mittat, & qualum & calcem portare cogat, bistrionem, balneatorem faciat, vel de symphoniaco atrienſem, vel de palestris stercorendis latrinis præponat, abuti videbitur proprietate.* Est & eorumdem officium apud eundem J. C. l. 8. ff. de Instr.

Instr. & Instrum. leg. §. fin. *Quibusdam in regionibus accedunt instrumento, si villa cultior est, veluti atrienses, scoparii, si etiam viridaria sint, topiarii.* Phædrus. Tiberii Aug. libertus libr. 2. fab. 36. venustissime habitum eorum describit:

*Ex alticinctis unus atriensis,
Cui tunica ab humeris linteo pelusio
Erat districta, cirris dependentibus.*

M. Accius Plaut. Pseudolo Act. 2. sc. 2.

*. . . . PS. Condus promus sum, procurator pæni,
HA. Quasi te dicas atriensem. PS. imo atriensi ego impero.
HA. Quid tu servus ne es, an liber? PS. nunc quidem etiam
servio.*

HA. Ita videre & non videre, dignus qui liber fies.

Superest nunc, ut discutiatur, quæ, qualisque ædium pars, aut apud Tuscos inventores, aut Romanos fuerit atrium? Sunt inter doctos nonnulli, quorum facile primus Isaac Casaubonus ad Suetonii Augustum, qui locum subdivalem intectumque definit: ratio vel hæc una, quod Tertullianus subdival videatur vocasse; itaque cum impluvio confundit, minus perite, aut cum loco in mediis patenti, æque sane inerudite; nam L. Seneca, M. Valerius Maximus, C. Plinius supra hoc capite a me laudati, primam ædium partem concordî consensu nuncupant. M. Varro præterea libr. 4. de Ling. Lat. *Quod relictum erat in medio, ut lucem caperet, deorsum, quo impluebat, impluvium dictum, & sursum, qua compluebat, compluvium, & deinde atrium ab Atriatibus Tusceis.* Diserte togatorum doctissimus, impluvium, compluvium, atrium, tria diversa ædificiorum quorumlibet loca ostendit fuisse; adde compluvium, sive subdivalem illum locum, ut ipsi loquuntur, in mediis ædibus locatum, cum atrium prima domus pars audiat apud A. Gellium libr. 16. cap. 5. Virgil. libr. 2. Æneid.

*Ædibus in mediis, nadoque sub ætheris axe
Ingens ara fuit.*

Et utrumque memorat, sed tamquam quippiam discretum distinctumque Corippus Africanus libr. 1. num. 7.

*Est domus interior tectorum in parte superna,
Luce suas radians, & aperto libera celo
Conspicuo vitrei splendens fulgore metalli.*

En subdival, quod ab atrio aliud, ut liquet ex eodem Poëta libr. 2. n. 4.

*Jam letus princeps divalia tecta subibat,
Amplaque gaudentes implebant atria turba.*

Corrigatur idem libr. 3. num. 7.

*. . . . miratur barbara pubes,
Ingressus primos, atque immensa atria lustrat.*

Antea corrupte legebatur:

Ingressus primos, immensaque atria lustrat.

Sane

Sane ut omnis dubitandi ansa penitus tollatur, *atrio porticus extrinsecus adiacebant, inter quas & impluvium*; ut ait Isidorus libr. 15. cap. 3. ut non possit concipi, qua ratione idem fuerit atrium cum impluvio. Deinde in atrio ignis extrui solebat, recte observat Joannes Britannicus ad Juven. Sat. 8. v. 8. ubi *fumosas imagines* exponit *fumo sordidas*, igne scilicet in atrio extructo. At sub dio quis sanæ mentis putet, ignem veteres quotidie excitare solere? Quid quod in atrio, ut jam probatum abunde, majorum vultus cera expressi, nobilitatis suæ, & generis claritudo asservaretur, quos aperti cœli injuriæ exponere, quam ridiculum, & ab re alienum? Denique non tantum *pinnas prominentes* atria habebant, sive, ut Vitruvius supra laudatus appellat, *alas*; sed etiam *laquearia*: quod qui pertinacius, quam doctius propugnantes suum errorem, ad subdivalem atrii situm trahunt, toto cœlo errant, & delirant. M. Tull. Orat. de Prætura urbana: *Considerat templum, videt undique tectum, laqueatum pulcherrime*. En Cicero undique tectum interpretatur laqueatum; laqueare autem non tantum alas habuisse atria indicio est D. Aufon. Molella:

... nunc Phrygiis sola confere levia crustis,
Tendens marmoreum laqueata per atria campum.

L. Apul. libr. 5. Milefiar. *Summa laquearia citro atque ebore curiose cavata subeunt aurea columna*. Vide locum, & diligenter expende.

Etruscorum inventum columnæ Tuscanicæ dictæ: in mediis ædibus: arma sustinebant: æratæ: in iis leges sculptæ: sepulchris impostæ.

C A P. LXX.

UTi atriiis adjectis ædes suas magnificentiores Romani exemplo Etruscorum fecisse ostendi; ita & columnas Tuscanicas ab iisdem accepisse eos, certum est: quod vel nomen ipsum docet, quippe cum quatuor sint; aut ad summum quinque columnarum genera, unum tantum Italicum est, quod *Tuscanum* a Vitruvio, *Tuscanicum* ab aliis audit; reliqua vero omnia exotica sunt, & peregrina. Isidor. libr. 19. cap. 10. Etymologiar. *Columna pro longitudine & rotunditate vocata, in quibus totius fabricæ pondus erigitur: antiqua ratio erat columnarum altitudinis, tertia pars latitudinum*. Genera rotundarum quatuor sunt, *Doricæ*; *Jonicæ*; *Tuscanicæ*; *Corinthiæ*, mensura crassitudinis & altitudinis inter se distantes: quintum genus est earum, quæ vocantur *Atticæ*. Ornabantur sane harum capita, uti ex Pol-
lione

lione Vitruvio libr. 3. Architectur. cap. 3. *In Araostylis autem nec lapideis nec marmoreis epistylis uti datur, sed imponendæ de materia trabes perpetuæ, & ipsarum ædium species sunt barycæ, barycephalæ, humiles, latæ, ornantque signis fœdilibus, aut æreis inauratis earum fastigia, Tuscanico more, uti est ad Circum maximum Cereris & Herculis, Pompejani item Capitolii.* Locus indubie est depravatus; neque enim Capitolium ullum Romæ Pompejanum. Suspicio legendum *Pompejani theatri, item Capitolii.* De quo consule Plinium libr. 36. cap. 15. Sueton. Nerone cap. 46. Lucan. libr. 7. princ. Propert. libr. 4. Eleg. 9. Martial. libr. 2. Epigr. 14. libr. 5. Epigr. 10. libr. 11. Epigr. 48. libr. 14. Epigr. 29. Ovid. libr. 1. de Arte. Claudian. libr. 2. de Laud. Stilic.

Pompejana dabunt quantos proscenia plausus.

Supereff, ut de usu pauca expediantur, idque levi tantum manu. Primum Cælius Rhodiginus libr. 17. Antiquar. Lection. cap. 20. ex Servio Honorato ad libr. 8. Æneid. pag. 528. ait: *Sepulchris optimatum solemnem fuisse morem columnas imponere:* de quarum altitudine Plato apud Græcos, in Latio vero M. Cicero leges præscripserunt, quod & Fulvius Ursinus pridem observavit. Neque tantum columnas, sed & Pyramides & montes ad tumulos ædificabant; unde Mythologis derivata fabula, ut Phornuto & Albrico, Palæphatoque placuit, Atlantem syderum cursus motusque observasse, quod ad ejus nominis in Mauritania montem sepultus fuerit. De Pyramidibus M. Lucan. libr. 8. v. 594. uti & de monte:

*Cum tibi sacrato Macedo servetur in antro,
Et Regum cineres extructo monte quiescent,
Cum Ptolomæorum manes seriemque pudendam
Pyramides claudant indignaque Mausolea,
Pompejus ponto fluitet.*

De Pyramidibus sepulchralibus elegantissime C. Claudian. libr. 2. in Ruffin.

*Qui sibi Pyramidas, qui non cedentia templis
Ornatura suos extruxit culmina manes.*

De montibus, sub quibus sepeliri heroës sucti, P. Maro libr. 6. Æneid.

*Tum pius Æneas ingenti mole sepulchrum
Constituit, suæque arma viro, remumque tubamque
Monte sub æræo, qui nunc Misenus ab illo
Dicitur.*

Et libr. 11. Æneid. ad finem:

*... fuit ingens monte sub alto
Regis Dercenni terreno ex aggere bustum.*

P. Stat. libr. 5. Silv. 3.

*Exere semirutos subito de pulvere vultus
Parthenope, crinemque afflato monte sepulti
Pone super tumulos, & magni funus alumni:*

Atque

Atque istis columnis pyramidibusque impositæ statuæ defunctorum; quare primis seculis columnæ pro simulacris Deorum colebantur, neque alii erant Dii, ut notat Desiderius Heraldus ex Eusebio Pamphilo libr. 1. de Præparat. Evangel. & Clemente Alexandr. Stromat. 1. Arnob. libr. 7. Contra Gentes: *Quoties vatum iussis, aruspicumque responsis, postquam divina res facta est, & ex gentibus transmarinis acciti Dii quidam, delubraque his facta, & in altioribus columnis signa quedam & simulacra sunt constituta.* Sueton. Galba cap. ult. *Senatus ei, ut primum licitum fuit, statuam ei decrevit, rostratæ columnæ superstantem, in parte fori, qua trucidatus fuit; sed decretum Vespasianus obolevit.* Illud erat, quod Vitruvius, superius laudatus, dixerat fictilibus signis ornari columnas; nam revera vel aliquem ornatum imponebant iis, vel saltem diversa e materia capitella formabant. Prius ex Corippo liquet, qui Victoriam alatum, columnæ impositam, scribit libr. 3. num. 9.

*Nobilitat medios sedes Augusta penates,
Quatuor eximius circumvallata columnis,
Quas super ex liquido præfulgens cymbis auro
Immortale caput, soliumque sedentis obumbrant,
Ornatum gemmis, auroque ostroque superbum:
Quatuor in se se nexos curvaverat arcus,
Per levam dextramque tenens Victoria partem,
Altius erectis pendebat in aëre pennis.*

Alterum ex eodem est planum libr. 4. num. 1.

*Buxea populeis aptans capitella columnis,
Materiaque ipsa bases firmaverat imas.*

Nec modo capitellæ iis aut apex ornata, sed totæ ipsæ velis intectæ; eodem auctore libr. 4. num. 3.

Syrice per cunctas pendebant vela columnas.

Quæ quidem a nullo, quod sciam, fuerant notata: uti nec quod ex ipso Corippo & aliis eruitur, in mediis ædibus sitas etiam columnas. Idem Corippus libr. 3. num. 1. de funere Justiniani:

*Interius flentes famuli: vasa aurea mille,
Mille columnarum species.*

Ac in is suspendebantur arma, & præcipue hastæ. Homerum habeo auctorem libr. 1. Odyss. v. 126. & libr. 17. v. 29. Virg. libr. 12. Æneid.

*Exin que mediis ingens adnixa columna
Ædibus adstabat, magna vi corripit hastam.*

Addo denique in columnis arcibus inscribi solitas leges, vel lateritiis, vel lapideis: & multis allatis probavi in Antiquitatibus meis, quæ quia passim leguntur, non repeto. Adde Ciceronem libr. 2. de Divinat. pag. 288. Edit. Steph. *Æra legum de cælo tacta.* Jul. Obsequens libr. de Prodigii cap. 123. *Tabula legum enee literis liquefactis.* Itaque tabulæ istæ vel columnis appenstæ, vel columnis ipsæ legum verba insculpta, uti loco laudato docui.

Tom. I.

Ecc

Eru-

*Etruscorum inventum ludi: diversis linguis editi, Osce:
& quia in Deorum falsorum honorem excogitati,
Christianis interdicti: colores in iis quatuor,
mox sex: eorum causa, & factiones
usque ad Reipublicæ interitum.*

C A P. LXXI.

LUdicras artes, ab iisdem Etruscis excogitatas, antiquissimis scriptorum probatorum receptum est monumentis. Q. Florens Tertullianus libr. de Spectaculis cap. 2. *De originibus quidem ut secretioribus & ignotis penes plures nostrorum alius, nec aliunde investigandum fuit, quam de instrumentis Etruscarum literarum, extant auctores multi, qui super ista re Commentarios ediderunt. Ab his Ludorum origo sic traditur: Lydos ex Asia transvenas in Etruria condescisse, ut Timæus refert, duce Tyrrheno, qui fratri suo cesserat regni contentione. Sic enim legitur in antiquissima Beati Rheani editione Parisiensi, Anno 1566. ut jure mirer J. Lipsium voluisse correctionem novam inducere, quasi prius fuisset conceptum, qui fratri suo successerat; odi enim hanc nimiam in veteribus corrigendis ostentationem, & præposteram diligentiam in iis restituendis, quæ omnibus editionibus sana incorruptaque leguntur. Ita nihilominus olim lectum suspicari possumus ex Isidoro libr. 18. cap. 16. qui verbatim hunc Tertulliani integrum locum mutuatus, cujus verba mutilatissima: Lydi ex Asia transvenas in Etruria confederunt, duce Tyrrheno, qui fratri suo successerat in regno contentione, ergo in Etruria. Restitue: qui fratri suo cesserat regni contentione. Quod ex libr. 1. superius discere potes, ubi uberrime hæc discussi. C. Tacit. libr. 14. Majores quoque non abhorruisse spectaculorum oblectamenti, pro fortuna, quæ tum erat, eoque a Tuscis accitos histriones. Hæc quidem manifeste ostendunt, Ludorum ortum a Tuscis propagatum, usque adeo, ut etiam florente Republica Ludicri quoddam genus reperiat, quod *Oscum* a gente Etrusca videlicet nomine desumpto, appellaverint. M. Cic. libr. 7. Familiar. Epist. 1. *Quod si tu per eos dies operam dedisti Protogeni tuo, dummodo is tibi quidvis potius, quam orationes meas legerit, ne tu baud paulo plus, quam quisquam nostrum, delectationis habuisti. Non enim te puto Græcos aut Oscos ludos desiderasse, præsertim cum Oscos ludos vel in Senatu nostro spectare possis: Græcos vero ita non ames, ut ne ad villam quidem tuam Græca via ire soleas. Ludi hi, non Latina Lingua, sed Osca editi, hoc est Etrusca.* Strabo Ama-*

Amasian. libr. 5. pag. 161. Τῶν μὲν γὰρ Ὀσκῶν ἐκλελοιπότων, ἡ διὰ λεκτοῦ μένει παρὰ τοῖς Ῥωμαίοις, ὥς τε καὶ ποιήματα σκηνοβατεύουσι, κατὰ τινὰ ἀγῶνι πάτριον, καὶ μιμολογεῖσθαι. *Nam cum Oscanum gens interierit, sermo tamen eorum restat apud Romanos, ita ut carmina quædam a mimis certo quodam certamine, quod institutum majorum celebratur, in scenam producantur.* Meminit C. Tacitus libr. 4. Annal. *Multa ab iis in publicum seditiose, fæda per domos tentata, Oscanum quondam ludicrum levissime apud vulgus ostentationis, eo flagitiorum & virium venisse, ut auctoritate patrum coercendum sit.* Igitur quia hoc ludicrum Etruscum erat, servatum, ut semper Etrusca lingua ederetur. Quare dignissimum est notatu, non semper Latine ludos populo Romano edi solitos; nam illud efficacissimum captandæ popularis auræ vinculum, si pro gentium diversitate, quæ ex omnibus pæne habitabilis mundi partibus eo confluerant, sermone ab iis intelligendo ludicra celebrarentur. Sueton. Cæsare cap. 39. *Edidit spectacula varii generis, munus gladiatorium, ludos etiam regionatim urbe tota, & quidem per omnium linguarum histriones.* Istius exemplo Augustus filius eodem auctore Suetonio cap. 43. *Ludos fecit nonnumquam vicatim ac pluribus scænis, per omnium linguarum histriones, non in foro modo, nec Amphitheatro, sed in Circo, & in sepris, & aliquando nihil præter venationem edidit.* Ad quem locum vide viros doctos.

Initium horum ludorum supersticiosum fuit, cum nulli ludi edi consueverint, nisi in alicujus Dei honorem, ut non immerito Etruria Ludorum parens simul & superstitionis mater dici possit. Tertullian. loco proxime supra laudato. *Igitur in Etruria inter ceteros ritus superstitionum suarum, spectacula quoque religionis nomine instituunt; inde Romani accersitos artifices mutantur, tempus, enuntiationem, ut Ludi a Lydis vocarentur.* Quæ verba, ne syllaba quidem immutata, transcripsit Isidorus libr. 18. cap. 16. Et certe, si examinemus exactius, nullum genus ludorum, non in Dei alicujus honorem excogitatum deprehendemus. Comici enim Tragique Baccho sacri, Circenses Soli Lunæque, Quinquatrus Minervæ, Equestres Conso, Equiria Marti, Seculares Apollini & Dianæ, Lupercales Fauno, Capitolini Jovi; ut semel dicam, non alio fonte *Idololatria* profluxit, quam a ludis, in quibus Deorum, sive Idolorum verius, ingens numerus collocabatur, quæ pompa dicta. Sueton. in Augusto cap. 16. in Claudio cap. 11. in Tito cap. 2. Ovid. libr. 3. Amor. Eleg. 2. qui locus mire huc facit. Et idem libr. 1. de Arte Amandi:

At cum pompa frequens certantibus ibit ephæbis.

Nunquam mihi satisfaciā, quin locum aureum protulero Lactantii Firmiani, qui elegantissime eruditissimeque libr. 6. Instit. cap. 20. idem, quod hoc loco agimus, deducit, itaque concludit: *Vianda igitur spectacula omnia, non solum ne quid vitiorum pectoribus insideat, quæ sedata & pacifica esse debent; sed ne ejus nos voluptatis consuetudo delinuat, atque*

a Deo, atque a bonis operibus avertat. Nam ludorum celebrationes Deorum festa sunt, siquidem ob natales eorum, vel templorum novorum dedicationes sunt constituta: & primitus quidem venationes, quæ vocantur munera, Saturno erant attributæ: ludi autem Scævici Libero, Circenses Neptuno, paulatim vero & ceteris Diis idem honor tribui cæpit, singulique ludi numinibus eorum consecrati sunt, sicut Sisinnius Capito in libris Spectaculorum docet. Si quis spectaculis interest, ad quæ religionis gratia convenitur, discessit a Dei cultu, & ad Deos se contulit, quorum natales & festa celebravit. Ex quibus clarissimum est, initio nascentis Ecclesiæ Christianis omnibus interdictum, ne ludis interessent, quod verum Dei cultum spectaculo illo violari certum esset. Arnob. libr. 7. Ludi vero, quos facitis, quibus Floralibus & Megalensibus nomen est, ceterique omnes alii, quos esse sacros voluistis, & religionum inter officia deputari, quam rationem habent, quam causam, ut institui condique debuerim, & ex numinum appellatione signari? Honorantur, inquis, bis Dii.

In istis ludis factiones erant, a colorum quadruplici differentia desumptæ. Mythologica ratio apud Aurel. Cassiod. libr. 3. Variar. Epist. 51. Colores in vicem temporum quadrifariam funduntur: præstinus virenti verno: venetus nubila biemi: roseus æstati flammæ: albus pruinoso autumnino dicatus est. Sic factum, ut naturæ mysteria spectaculorum composita imaginatione luderentur. Ita corruptus locus legendus: antea erat, naturæ ministeria, inepte. Solin. cap. 47. Quidam equi canibus tiliarum, quidam saltationibus, quidam facibus accensis, quidam colorum varietate ad cursum provocantur. Poëtæ. Christodorus Copita Thebanus, vetus Epigrammaticarius:

Χρώμασι καὶ πέπλοις συμμετέβαλλε τύχαι.

Coloribus & pannis commutavit fortunam.

Corippus Africanus libr. 1. de Laudib. Justinii Aug. minoris num. 17. quem locum, quia necessarium, integrum apponam, uti in mea editione restitui:

Solis honore novi grati spectacula Circi
Antiqui sanxere patres, qui quatuor esse
Solis equos quadam rerum ratione putabant,
Tempora continui signantes quatuor anni:
In quorum specie, signis, numerisque modisque
Aurigas totidem, totidem posuisse colores,
Et fecere duas stadia in contraria partes,
Ut sunt æstivis brumalia frigora flammis;
Nam viridis vernis campus seu concolor herbis
Pinguis oliva comis, luxu nemus omne virefcit:
Æstatis roseus rubra sic veste refulgens,
Ut nonnulla rubent ardenti poma colore:
Autumni ventus ferrugine dives & astro,
Maturas uvas, maturas signal olivas:

Albi-

*Albicolor viridi socia conjungitur uva,
Æquiparans candore nives, hiemisque pruinam.*

M. Martial. libr. 10. Epigr. 48.

De præsino conviva meus, venetoque loquatur.

P. Ovid. libr. 3. Amor. Eleg. 2.

*Jamque patent iterum referato carcere postes,
Et volat admissis discolor agmen equis.*

Sidon. Apollinar. carm. 23.

..... *micant colores*

Albus, vel venetus, virens, rubensque.

Quod Cassiodorus attribuit colorum varietatem quatuor anni diversis tempestatibus: alii quatuor elementis. Georg. Cedrenus Compend. Histor. pag. 121. Διελών την Εὐμηνίαν εἰς μέρη τέσσαρα, εἰς τιμὴν τῶν τεσσάρων ποιχέων, γῆς, θαλάσσης, ἁέρος, καὶ πυρός, καὶ ἐπέθηκε τοῖς μέρεσι τὰ ὀνόματα ταῦτα, τῇ γῇ τὸ πράσινον, ὃ ἐστὶ χλωῶδον, τῇ θαλάσσῃ τὸ βένετον, καθὼς ἐστὶ τὰ ὕδατα σικανὰ, τῷ πυρὶ τὸ ῥέσιον, καὶ τὸ ἄερι τὸ λευκόν. *Urbem in quatuor partes divisit, in honorem quatuor elementorum, terræ, maris, aeris, & ignis: imposuitque partibus hæc nomina, terræ viride, quæ est herbe color, mari ceruleum, quia is est aquarum color, igni roseum, aëri album.* Consentit Florens Tertullianus Cassiodoro libr. de Spectaculis cap. 6. *Albus hiemi ob nives candidas, rubeus æstati ob solis ruborem voti erant.* Postea Cedreni sententiam confirmat: *Præsimum terræ matri vel verno, venetum celo & mari, vel autumnno.* Idor. libr. 18. cap. 33. *Præsimum terræ, venetum celo & mari a paganis est dicatum.*

Ab his factionibus oriebantur studia varia, in hanc aut illam pro-na. Plin. libr. 9. Epist. 6. *Favent panno, pammum amant, etsi in ipso cursu, medioque certamine: hic color illuc, ille huc transferatur, studium, favorque transibit.* Luctat. Placid. ad libr. 1. Thebaid. v. 423. quod non modo de Romanis moribus, verum etiam de Græcorum ritu accipiendum docet eo loci Statius, quem consule. Corippus libr. 2. num. 8.

..... *studiorum gaudia surgunt.*

Eodem libr. num. 9.

..... *studiorum jurgia cessant.*

Eadem illa studia favor appellantur. Plinius Junior proxime laudatus.

Ovid. libr. 1. κακοτεχνίας.

..... *cui favet illa, fave.*

Et Amor. libr. 3. Eleg. 2.

Favimus ignavo.

Sil. Italicus libr. 16. Punicor.

Hic studio furit acris equi, furit ille magistri.

Virgilius libr. 5. Æneid. studia faventum vocavit. Veteres Inscriptiones passim, qualis illa in Eutychetis aurigæ monumento. (1)

Favi-

(1) Apud Gruter. pag. 340. num. 4.

Favisti. vivo. forsitan. ipse. mihi.

Et in alio marmore de Fusco auriga. (1)

Factionis. venetæ. Fusco. sacravimus. aram.

De. nostro. certi. studiosi. ac. bene. amantes.

Hæc studia favorque accendebantur maxime sponsonibus, de quibus non obscura in antiquitate vestigia. Vetus Scholiastes Juvenalis sat. 11. v. 199. *Juvenibus spectacula concede, qui propter certamina sponsones ponunt, & delectat eos juxta puellas spectare, quia antiquitus solebant mulieres cum viris omnibus spectaculis interesse indifferenter.* Tertullian. libr. de Spectacul. cap. 16. *Aspice populum ad id spectaculum jam cum furore venientem, jam tumultuosum, jam cæcum, jam sponsonibus concitatum.* Macrob. libr. 3. Saturnal. cap. 17. *Nec moratus sponcione contendit.* Sponcio ista fiebat deposita præsentī pecunia. Hadrian. Turneb. libr. 8. Adversarior. cap. 4. & libr. 18. cap. 33. P. Ovid. libr. 1. de Arte, etiam per libellum in sponsones itum ostendit:

Dum loquitur, tangitque manu, poscitque libellum,

Et, querit posito pignore, vincat uter.

M. Martial. libr. 11. Epigr. 1.

Sed jam sponcio fabuleque lasse

De Scorpo fuerint, vel Incitato.

Quod si præsentanea non fuisset pecunia, annulos deponebant. Ulpian. J.C. l. 17. ff. de præscript. verb. *Si inbonesta sponsonis causa erit, annuli dumtaxat repetitio erit.* Denique tantus erat faventium ardor, ut ple- rumque ad seditionem res spectare videretur. Paul. Varnefrid. libr. 4. de Gest. Longobardor. cap. 37. *Hujus tempore præsini & veneti per orientem & Ægyptum civile bellum faciunt, ac se mutuo prosternunt.*

Quatuor isti, quos memoravi colores, usque ad ævum Vespasianorum permanserunt; tum vero Domitianus duos addidit: *pannum aureum, & purpureum*, ut loquitur Suetonius in eo cap. 7.

Etru-

(1) Apud Gruter. pag. 339. num. 4.

Etruscorum inventum ludii, sive histriones: planipedes, moriones, gelasini, geletopi, copreae, & pantomimi: præmia iis, & corona data: scholæ gesticulatorum.

CAP. LXXII.

Consequens certe erat, ut Romani ludorum celebritatem a Lydis, hoc est Etruscis mutuati, uti jam plenissime ostensum, ab iisdem etiam scænicos artifices acciperent. Vide libr. 1. cap. ult. ibi enim Hister, idest Ludius dicitur. P. Ovid. libr. 1. de Arte:

Dumque rudem præbente modum tibicine Tusco

Lydius æquato ter pede pulsat humum.

Q. Tertullian. libr. de Spectacul. cap. 2. *Igitur in Etruria inter ceteros ritus superstitionum suarum, spectacula quoque religionis nomine instituunt: inde Romani accersitos artifices mutantur, tempus, enuntiationem, ut Ludi a Lydis vocarentur.* Quæ verba more suo transcripsit Hidorus libr. 18. cap. 16. sed corruptissima. Vide superiori capite. Ex Etruria itaque artifices isti petebantur, manseruntque aliquo nomine in ludis Romanis usque ad tempora Tiberii Augusti, qui *de immodestia histrionum retulit*, ut ait C. Tacitus libr. 4. Annal. *multa ab iis in publicum seditione, fæda per domos tentari: pulsi tum histriones Italia.* Non semper Latine loquebantur isti, sed vel Osce, vel Græce, vel Latine, ut alibi hoc opere docui. Addo Tacitum libr. 14. Annal. *Non nobilitas cuiquam, non ætas, non acti honores impedimento, quo minus Græci Latine histrionis artem excernerent, usque ad gestus modosque haud viriles.* Elegantissimus locus est apud eundem auctorem paulo post in laudato libr. 14. *Majores non abhorruisse spectaculorum oblectamentis, pro fortuna, quæ tum erat, eoque accitis e Tuscia histriones.* Subscribit T. Livius, Antiquitatis Romanæ disertissimus arbiter, & historiæ callentissimus libr. 7. Decad. 1. principio: quæ verba adscribam: *Pacis Deum exposcendæ causa, tertio tum post conditam urbem lectisternium fuit, & cum vis morbi nec humanis consiliis, nec ope divina levaretur, victis superstitione animis, ludi quoque scænici, nova res bellicoso populo, (nam circi modo spectaculum fuit,) inter alia cælestis iræ placamina instituti dicuntur. Ceterum parva quoque, ut fere principia omnia, & ex ipsa peregrina res fuit, sine carmine nullo: sine imitandorum carminum actu, ludiones ex Etruria acciti ad tibicinis modos saltantes haud indecoros motus more Tusco dabant: imitari deinde eos juvenus simul inconditis inter se jocularia fundentes, verbis, capere; nec absenti a voce motus erant. Accepta itaque res, sepiusque usurpando excitata, vernaculis artificibus, quia Hister Tusco verbo La-*

bo Ludio vocabatur, nomen histrionibus inditum, qui non sicut ante Fescennino versu, similem incompotum temere ac rudem alternis jacebant, sed impletas modis satyras, descripto jam ad tibicinem cantu, motuque congruenti peragebant. Ex his tribus Historicorum probatissimorum locis, & auctoritate Poëtæ antiquissimi, & Grammatici non contemnendi, jam allata, patet liquido, turpiter errasse Festum Pompejum libr. 8. *Histriones* inquit, dicti, quod ex *Histris* venerint. Delirium apertum; quippe eo seculo, quo histrionica primum in urbem recepta, ignotum *Histris* nomen, neque ullum cum gente tam longinqua commercium. Favet laudatis Valerius Maximus, cujus verba paulo infra hic vide. Sed qui illi fuerint, explico.

Histriones erant, qui in scena fabulas agebant: indecoris motibus res exprimebant turpes: ad numeros saltabant: sive, qui *histrionicam* exercebant, ut loquitur Paulus J.C. l. 73. M. Tullius in Paradoxis. *Histris* si paulo se moveat extra numerum, aut versus pronuntiatus est una syllaba longior, aut brevior, exhibetur. Gloss. Vet. Ludio, σατυρικὸς. Perite; nam satyræ tum nullæ, sed ludionum facetiæ, & sales protervium civium taxandis vitiis inserviebant. Erant ex fervorum genere, & ante pubertatem artem profiteri discebant. Venulejus J.C. l. ult. §. fin. ff. de libr. cau. *Impubes potest operas dare, si sit histrio*. Et Ulpianus J.C. l. 7. §. dabitur ff. oper. libertor. tradit, *impuberis etiam ministerium esse, si sit histrio*. Plura exempla in Jure.

Ludiones isti idem cum *pantomimis*. Vet. Gloss. *Histris*; παντῶντος: & exemplis probatur; nam *Mneſter pantomimus* audit apud L. Senecam in Apocol. & Sueton. Calig. cap. 36. Domitian. cap. 10. Ulpian. J.C. l. 3. ff. de condiſt. cau. da. eundemque idem Suetonius in Nerone cap. 24. & Tacitus libr. 13. Annal. *histrionem* appellant. Nomen pure Græcum est, inde sumptum, quod & saltaret, & imitaretur res quascumque. Lucian. libr. περὶ ὀρχήσεως, de saltatione, quo quidem nomine intelligendus est ibi ὀρχηστὴς, saltator. Macrob. libr. 2. Saturnal. cap. 7. Saltabat Hylas Oedipodem. Quintilian. libr. 6. cap. 2. Fruitione usus Augustus de pantomimis duobus, qui alternis gestibus contendebant, cum eorum alterum saltatorem dixit, alterum interpellatorem. Juvenal. satyr. 6. v. 64.

Chironomion Ledam molli saltante Bathyllo

Tuccia vesica non imperat.

Lucillius libr. 2. Antholog. & ex eo Aufonius Epigr. 83.

Idem qui Nioben saltavit saxeus.

D. Cyprian. libr. 2. Epist. 2. *Exprimunt impudicam Venerem, adulterum Martem, Jovem illum, non magis regno, quam vitiis principem, terrenos amores ardentem, nunc in plumas oloris albescere, nunc aureo imbre defluere*. Vetus lapis (1)

M. AVR.

(1) Apud Gruter. pag. 330. num. 3. in basi.

M. AVR. AVG. LIB
 AGILIO. SEPTENTRIO
 NI. PANTOMIMO. SVI
 TEMPORIS. PRIMO. SACERDO
 TI. SYNHODI. APOLLINIS. PA
 RASITO. ALVMNO. FAVSTINAE
 AVG. PRODVCTO. AB. IMP. M.
 AVREL. COMMODO. ANTONI
 NO. PIO. FELICE. AVGVSTO
 ORNAMENTIS. DECVRIONAT
 DECRETO. ORDINIS. EXORNATO
 ET. ALLECTO. INTER. IUVENES
 S. P. Q. LANIVIVS

A latere dextro basis.

... IBVS. COMMODAS
 ELIANO . CoS

Sed quando primum Romæ producti ludiones, dilceptatum video; nam Suidas gravis Auctor in voce Ἀθηνάδορος: Τ' ἔς χαίρεις ἐκένους κ' ἡ Παντόμικος ὄρχησις εἰσέχθη μὴ πρότερον ἔσα. *Iis temporibus quoque, scilicet sub Tiberio Cæsare, pantomimorum saltatio introducta est, ante non usitata.* Quod falsissimum esse oportet; nam libera Republica notissimum est nomen Roscii & Æsopi ex Cicerone, Horatio, & aliis: quin imo ævo Augusti Pylades & Bathylus pantomini in pretio, ut vel ex ipso Suida colligere licet: cujus verba in voce ὄρχησις, quia corrigenda, apponam: eoque lubentius, quod Hieronymum Volfium interpretem fugerit mendum. Ὁ ὄρχησις πάντιμος, αὐτὴν δ' Αὐγουστος Καῖσαρ ἐφεῦρε, Πυλάδα καὶ Βαχυλλίδα πρῶτον αὐτὴν μετελθόντων. Ubi pro πάντιμος lege παντῆμιμος, & sensus erit perspicuus. *Saltatio Pantomimus, hanc Cæsar Augustus invenit, tractatam prius a Pylade & Bathyllo.* Juvenal. proxime supra citatus. Non constat sibi Suidas, & modo tempore Tiberii introductam comminiscitur, modo ab Augusto inventam artem hanc scenicam prodiit, modo ante eum Pyladem & Batyllum eam exercuisse, nec unquam sibi constat. Certe igitur anno Urbis Conditæ 389. C. Sulpitio Bætico, C. Licinio Stolone Coss. ab Etruria ludiones accersitos retulit supra laudatus Livius, & observavit Joannes Cuspinianus in Chronicon Calsiodor. pag. 159. cui addendus Valerius Maximus libr. 2. cap. 4. tit. 4. Verba adscribam, quia consona: *Parvula initia, inquit, pertinaci studio prosequens venerabilibus erga Deos verbis inventus, rudi atque incompósito corporum motu, jocabunda gestus adjecit. Eaque res Ludium ex Etruria accersendi causam præbuit: cujus decora permicitas vetusto ex more Curetum, Iydo-*

Tom. I.

Fff

rum-

rumque, a quibus Etrusci originem traxerunt, novitate grata Romanorum oculos permulsi. E quia Ludius apud eos Histrion appellabatur, scenico nomen histrionis inditum est.

Isti lascivis motibus, ut jam dictum, impudicorum mores repræsentabant, oculis, digitis, nutibus. Terentian. Maurus libr. de Metris ex C. Petronio:

Timctus colore noctis

Manu puer loquaci.

Sidon. Apollinar. carm. 23.

Clausis faucibus, & loquente gestu.

M. Manil. libr. 5. Astronom.

*Alternis tamen aptus erit nunc voce poetis
Nunc saturo gestu, referetque assatibus ora,
Et sua dicendo faciet, solusque per omnes
Ibit personas, & urbem reddet in uno,
Aut magnos beroas aget, scenisque togatas,
Omnes fortune vultus per membra reducet,
Æquabitque choros gestu, cogetque videre
Præsentem Trojam, Priamumque ante ora cadentem.*

Hinc certe factum, ut ars esset loqui per digitos, de qua Poëtæ. Ovid. Epist. Helenæ Paridi:

*Ab quoties digitis, quoties ego tella notavi
Signa supercilio pene loquente dari?*

Idem libr. 1. Amor. Eleg. 4. libr. 3. Amor. Eleg. 10. libr. 1. de Arte. libr. 2. Amor. Eleg. 5.

*Sermonem agnovi, quid non videatur? egentem,
Verbaque pro certis visa valere notis.*

Castigatus in MS. Codice meo:

*Sermonem agnovi, quid non videatur, amanti?
Verbaque pro certis jussa valere notis.*

Locus elegans est Q. Ennii in Annalibus, ut vult Isidorus libr. 1. Etymologiar. cap. 25. licet Festus libr. 1. in voce *adnūctat*, adscribat Nævio in *Tarantilla*:

*Datatim dat se se, & communem facit,
Alii tenet, alii adnūctat, alibi manus
Est occupata, alii pervellit pedem,
Alii dat digito literas.*

Incertus Poëta, sed elegans libr. 4. Epigrammatum pag. 157. & poemation veterum (1), lemma est PANTOMIMVS, ubi docet histriones vestibus muliebribus indui solitos:

*Mascula femineo derivans pectora sexu,
Atque aptans lenum sexum ad utrumque latus,
Ingressus scenam populum saltator adorat,*

Soler-

(1) Editionis Parisiensis 1590. cui titulus: *Epigrammata, & Poëmata vetera.*

*Solerti pendet prodere verba manu.
 Nam cum grata chorus diffundit cantica dulcis,
 Quæ resonat cantor, motibus ipse probat.
 Pugnat, ludit, amat, bacchatur, vertitur, adestat,
 Illustrat verum, cuncta decora replet.
 Tot linguæ, quot membra viro: mirabilis est ars,
 Quæ facit articulos voce silenti loqui.*

Eosdem mimos, mimarios, scurras dixere Scriptores. Jol. Capit. in *Ælio* Vero: Adduxerat secum & tibicines, & fidicines, & histriones, & mimarios scurras, & prestigiatores, & omnia mancipiorum genera, quorum Syria & Alexandria pascitur voluptate, prorsus ut videretur bellum non Parthicum, sed histrionicum confecisse. Joan. Saresber. libr. 1. Pollicitat. cap. 8. Desidia prorogant histriones, exoccupatis etenim mentibus surrepunt tædia, seseque non sustinerent, nisi alicujus voluptatis solatio mulcerentur. Admissa sunt ergo spectacula, & infinita tirocinia vanitatis, quibus qui omnino otiosi non possunt, perniciosius occupentur: hinc *Mimi*, *Salii* vel *Saliæres*, *balatrones*, *Æmiliani*, *gladiatores*, *palestritæ*, *gignadii*, *prestigiatores*, *malefici* quoque multi, & tota jocularum scena procedit. Qui vero *Æmiliani* sint, & *gignadii* in scena? quæritur. *Scurram* Gloss. Vet. exponit δραστήην, & *scurrari* δραστήειν. *Scurra* idem certe ac parasitus. Vetus Scholiastes *Juvenalis* ad Sat. 5. v. 4. *Auson.* Epist. 13. *Plaut.* *Menæchmis* sc. *Sporulam*: & in *Perla* sc. *Veterem*: & in *Captivis* sc. *Juventus*. C. *Lucilius* apud *Festum* libr. 17. in voce *scurra*. Sed & isti *Deorum parasiti* vocati. D. *Augustin.* libr. 6. *Civit. Dei* cap. 7. *Parasitos Jovis* & *mimica sacra*. *Martial.* libr. 9. *Epigr.* 29. Et vetus Inscriptio (1) in qua & *Archimimi* mentio: uti apud *Plutar.* *Sylla* ad finem. Σωπρὲς δ' ἀρχιμῖμος. *Sorix Archimimus*, pag. 474.

L. ACILIO. L. F. POMPT. EUTYCHAE
 NOBILI. ARCHIMIMO. COMMVN. MIMOR
 ADLECTO. DIVRNO. PARASITO. APOLL. TRAGICO
 COMICO. PRIMO. SVI. TEMPORIS. &C.

Mimi hi etiam appellati *Urbani*, & alio nomine *Sanniones*. Non. *Marcell.* cap. 1. num. 302. *Cornutus Grammaticus*, seu verius *Pseudocornutus* ad A. *Perfii* *Satyr.* 1. v. 72. *Tria sunt genera sannarum*. D. *Juvenal.* *Satyr.* 6. v. 301. M. *Cicero* libr. 2. de *Oratore*: *Quid porro tam ridiculum, quam sannio est? qui ore, vultu, imitandis moribus, voce, denique corpore ridetur ipso*. Igitur ab effectu Græci γελοιοποιός dixerunt. *Dio Coccejanus* libr. 73. non multum a limine, quod risum scilicet excuterent spectatoribus, iidemque *gelasiani*, sive *gelasini*. *Sidon.* *Apollinar.* *Carm.* 23. v. 302.

Quid dicam cytharistras choraules,

Fff 2.

Mi-

(1) Apud *Gruter.* pag. 330. num. 2. sed integrius pag. 1089. num. 6.

Mimos, schenobatas, gelasianos.

Et quia larvati plerumque ludebant, dicti *τροχικοί*, & *Histrionica* ipsa *ars τροχικός*. Jul. Pollux libr. 4. cap. 17. Onomast. ubi plura vide. P. Apollon. Collatius Excid. Hierosolymit. libr. 1.

Larvatosque inter gestu contendere mimos.

Hos domi *Copreas* nuncupavere, Sueton. in Tiberio cap. 61. Et in Claudio cap. 8. quibus locis depravatissime legitur *capreis* aut *tropeis*. Hadrian. Turneb. libr. 22. Adversar. cap. 32. Delirant Antonius Sabellicus, & Philippus Beroaldus, qui *capreas* insulæ Caprearum cives interpretantur: nec Marcellus Donatus Comes non fallitur Annot. pag. 639. qui *tropæis* legit.

Denique *moriones* audiebant, C. Plin. libr. 9. Epist. 17. *Quæreris tibi tædio fuisse quamvis lautissimam cenam, quia scurræ, moriones, cinedi, mensis inerrabant.* Erant autem, qui stuporem quendam fingentes, admirationem concitarent. Martial. libr. 14. Epigr. 210. Corrigeudus Ennodii Ticinensis locus in Epigrammatis:

Cur te Virgilium mentiris, pessime, nostrum?

Non potes esse Maro, sed potes esse Moro.

Andreas Scottus, vir doctissimus, quem vide, legendum putat:

Non potes esse Maro, Morpō at esse potes.

Qui plura de histrionibus cupis, eorumque gesticulationibus, adi ad Commentarium meum in illud Cl. Claudiani de Manlii Consulatu:

Nec molles egeant nostri dulcedine ludi


Qui latus risum salibus movisse facetus,

Qui nutu, manibusque loquax.

Illud non omiserim, corruptis jam moribus, plerosque etiam ex nobilioribus, qui pantomimis in disciplinam se traderent. L. Seneca Epist. 47. *Ostendam nobilissimos juvenes mancipia pantomimorum:* eosdemque appellat *scenæ peritos* Epist. 121. licet Turnebus libr. 26. Adversarior. cap. 20. legat *saltationis peritos*, nihil interest. Idem libr. 7. Nat. Quæst. cap. ult. *Quanta cura laboratur, ne cujus pantomimi nomen intercidat? Stat per successores Pyladis & Bathylli domus: barum artium multi discipuli sunt, multique doctores, privatim urbe tota sonat pulpitum: in hoc viri, in hoc femina tripudiant, mares inter se uxoresque contendunt, uter det latus illis.* Fortassis legendum foret: *mariti inter se uxoresque contendunt.* Quæ corruptela eo usque processit, ut legibus in id latis opus esset; quare lege severa cautum tradit C. Tacitus libr. 1. Annal. *Ne pantomimorum domum Senator introiret.*

Ut semel absolvam, data magnifica præmia gesticulatoribus istis, & coronæ. Arnob. libr. 4. Cont. Gent. ad finem. *Nec satis hæc culpa est, etiam mimis & scurrilibus ludicris sanctissimorum persona interponantur Deorum. Et ut spectatoribus vacuis risus possit atque hilaritas excitari, jocularibus feriuntur cavillationibus numina, conclamant atque assurgunt theatra, caveæ omnes constrepunt fragoribus atque plausibus.* E quod multis





Portico In Marmore Apud Nobiles De Mexiconi.

C. M. J. aut.

us possit satisfactionibus expiari, exoletis, atque irrisoribus numinum dona instituuntur & munera, ab officiis otium publicis, immunitas & vacatio cum coronis. Duplex itaque præmium histrionibus, unum ante ludos pactum, alterum a grato populo datum, in eo etiam pretiosa nonnunquam concessa. Jul. Firmicus Siculus Junior Romæ advocatus libr. 8. Mathemat. cap. 20. *Tertia pars tauri si in horoscopo fuerit inventa, celebres faciet scenicos, qui in sacris certaminibus constituti, pulcherrima consequentur coronarum insignia.* Philonis Judæi locum pulcherrimum laudat ad Amobii 4. Desiderius Heraldus vir doctissimus, quem non exseribo, est enim in aureo illo opere de Legatione ad Cajum. Erant hæ coronæ ex auro argentoque foliis intextis: quam luxuriam M. Crassus dives invexit. C. Plin. libr. 21. cap. 3. putantque viri docti easdem esse *Lemniscatas*, e quibus scilicet vittæ seu lemnisci dependeant. Confule Criticos, & præcipue Hieronymum Magium, qui libr. 2. cap. 17. tradit esse *lanificas*, quasi e lana confectas. Quidquid sit, certe immodicum hunc luxum, circa ludos præmiaque histrionum temperavit modo adhibito Alexander Severus Aug. AEL. Lamprid. in eo. (1)

*Etruscorum inventum equi jugales in ludis: victores
absinthium bibebant: & quis quadrigæ
sit auctor: equi nobiles.*

CAP. LXXIII.

LYdi, Etruscorum parentes, equorum fuere studiosissimi, ut scribit Philostratus Junior Iconum libr. 1. in Pelope pag. 757. Duravit certe iis hæc præcipua cura usque ad Romanorum tempora, qui ab illis uti ludicrum ipsum, & histriones, ita equos curules sunt mutuati. Tit. Liv. 1. Decad. libr. 7. *Ludicrum fuit, equi pugilesque ex Etruria maxime acciti.* C. Tacit. libr. 14. *Annal. Majores quoque non abhorruisse spectaculorum oblectamenti, pro fortuna, que tum erat, eoque a Tuscis accitis histriones, a Tuscis equorum certamina, & possessa Achaja Asiaque ludos curatius editos.* Ita optima lectio: in aliis editionibus est, non a Tuscis, sed a Thuriis: inepte sane, quippe rudi ævo illo, quo ludi instituti, Thuriis incogniti, ne dicam Romanis inauditi; cum Tusci vicini, & ob id, qui ludos communicarent, etiam equorum curulium exemplum conferre finitimis non gravate poruerunt. Sunt Thuri una ex *Italicis civitatibus* in remotissimo Magnæ Græciæ tractu. Joan. Tzet. Chiliad. 5. cap. 34. E Tuscia igitur

(1) Satisfactionis Etruscæ erat exemplum in anaglypho sepulchrali, hic appositum.

tur petebantur; erantque *Corithii* in usu rudi illo seculo. Locus paucis animadversus est apud Juvenalem, Satyr. 8. v. 57.

*Quis generosa putet, nisi fortia? nempe volucrum
Sic laudamus equum, facili cui plurima palma
Fervet, & exultat rauco victoria circo,
Nobilis hic, quotumque venit de gramine, cujus
Clara fuga ante alios, & primus in equore pulvis:
Sed venale pecus Corithæ, posteritas &
Hirpini, si rara iugo victoria sedit.*

Ad quæ verba vetus quidam Anonymus MS. qui penes me est, ita scribit: Denotat equos Tuscos ex *Coritha* civitate, qui velocissimi, & omnibus *Italicis* præstantiores, ideoque triumphantes eo utebantur equorum genere. Quadrigarum autem agitadores in Capitolio, ubi victoria essent potiti, *absinthium* jubebantur bibere; sanitatem premio dari honorifice arbitratis majoribus; ut loquitur C. Plinius libr. 27. cap. 7. & transcripsit Pierius Valerianus libr. 58. Hieroglyphic. pag. 612. Populo certe visceratio dabatur in monte *Albano*. Vide Alexandrum Alexandrium libr. 5. cap. 7. & in eum locum Andreæ Tiraquellum. M. Varro in *Quinquatribus* apud Nonium cap. 4. num. 279.

*Absinthium mi bibam gravem & Castoreum
Levemque robur.*

Indoctus auctor de Herbis meminit, qui a sciolis in Germania prodiit sub nomine *Æmilii Macri*, qui vivebat ætate Augusti celebris famæ medicus, cum hic passim Plinium Galenumque laudet, arque etiam Valafridum Strabum, qui non potuissent a vero Macro laudari, ut taceam multa in isto esse indigna ævo Latino; utcumque ita hic auctor, in futili editione Joannis Atrociani:

*Plinius attollit magnis hanc laudibus herbam,
Romanosque refert sacris ex more diebus;
Dum quadrigarum cursus certare solebant
Absinthi succum solitos donare bibendum
In Capitolina victori sede locato,
Credentes pretium præ cunctis reddere dignum
Illi, quo firmam possent donare salutem,
Quæ constat mundi pretio pretiosior omni.*

Verum de auctore quadrigæ ambigitur. Glossarium Isidori, *adsella sella quadrijugis*. Sunt qui putent, Papephatum secuti, id esse Athenienfium institutum, & quidem Erichthonium auctorem asserunt. Virgil. libr. 3. Georg.

*Primus Erichthonius currus, & quatuor ausus
Jungere equos.*

Hinc supplendum censui Corippi locum e libr. 1. num. 18.
*Cecropidem referam primas junxisse quadrigas,
Et currus armaſse novos.*

Cecrops primus Atheniensium Rex, cui Cranaus successit, ille ab Amphictione vi regno pulsus, atque huic Erichthonius successit, quem alium ab Erichtheo quidam falso faciunt. Pausan. Atticis. Hic Vulcano & Minerva genitus, seu verius effuso in terram a Vulcano semine. Euripid. Jone: Julianus Aug.

Μήτηρ νόσφι τέκων, νόμφιε νόσφι γάμων.

Mater sine liberis, sponse sine nuptiis.

Educatus clam a Minerva in cista, pedes habere serpentinos est reperi-
tus, ut retulit Julius Hyginus in Astronomicis, ubi *de Auriga*. Quare ita etiam posse Corippum suppleri existimavi:

Anguipedem referam.

Ut prima lectio Regem significet, posterior educationis admoneat: siquidem *ad velandam deformitatem*, ait Plinius libr. 7. cap. 56. *quadrigam invenit*. Et ex eo Isidorus libr. 18. Etymologiar. cap. 34. Concors est scriptorum multorum pro eo consensus. Legendi Ado Viennensis Chronico pag. 24. Fr. Laziardus Supputation. cap. 21. *Triptoleum facit quadriga inventorem*. Martianus Herachota v. 563. Freculphus Lexoniensis Episcopus tom. 1. libr. 2. cap. 11. licet idem sibi non constans eodem libro cap. 6. velit, quadrigas inventas a *Trochilo*: qui deceptus sane; nam non quadrigam ille, *sed currum Junoni primus dedicavit*, ut emendat Paulus Leopardus libr. 1. cap. 15. Meminit hujus Theon Sophista, & Pausanias, uti notat eruditus Pamelius ad Tertulliani librum de Spectac. cap. 9. ubi antea male *Acropilus*, aut *Propbilus* legebatur; ut referunt Sigismundus Gelenius, & Cagnæus. Cur autem de Erichthonio id creditum, explicat Joannes Tzetzes Historiar. Chiliad. 3. cap. 63.

..... Ερίχθονιον βασιλῆα
Τὴ τρισχιλίου ἵπποι ἔλεος κατὰ βυκέλοντα
Πάσαι πῆλλαι.

..... *Erichthonium Regem*
Cujus tres mille equi juxta salum pascebantur
Omnes feminae.

Feminas itaque omnes facit Homerus, quia ille velociores, & lotium currentes emittunt. Rerum naturalium scriptores. Dixi fusilissime libr. 5. Antiquitat. Romanar. cap. 5. Josephus Scaliger in Eusebii Chronicon pag. 26. laudato Hygino in Astronomicis, putat locum Corippi laudatum ita supplendum:

Orsilochum referam primas junxisse quadrigas.

Quidquid sit, indubitatum est, apud Græcos tantum hanc Erichthonii, Trochili, aut Orsilochi inventionem valuisse. Cælius Rhodigin. libr. 13. cap. 7. *Cum Romulus Rome primus quadrigam ostenderit*; ut loquitur Tertullianus loco proxime supra laudato: atque ille exemplum artis a Tuscis petierat, apud quos Vejentes peritia illa clari, uti narrant Plutarch. in Publicola, & C. Plin. libr. 8. cap. 42. Eruditissimus Jo: Savaro supplet: *Oenomaum referam*. Sidon. Carm. 2.

... re-

..... reparatis Pisa quadrigis.

Suscitat Oenomaum.

Idem Carm. 23. v. 391. Luciat. Placid. ad libr. 1. Thebaid. v. 275. Ipse Statius libr. 4. Thebaid. v. 243. libr. 6. v. 285. libr. 7. v. 416. Et libr. 1. Sil. 2. Claudian. de laudib. Serenæ:

Perdidit Oenomai deceptus Myrtilus axem.

Pindar. Od. 1. Olymp. Sed illi omnes celebrem Oenomaum aurigandi pericia asserunt: quadrigæ inventorem nemo, quod sciam, facit. Itaque a Romulo & Vejentibus devictis acceptus hic mos, quadrigis in ludis certandi, duravit usque ad excisum a barbaris imperium. Unicum locum Claudiani corrigam e sexto Honorii Consulatu ad finem:

Nec solis hic cursus equis, assueta quadrigis

Cingunt arva tigres.

Nec sensus constat, nec ritus intelligi potest; nam vult cum curulibus certantibus etiam ferarum venationes editas; idcirco restitue:

Nec solis hic cursus equis, assueta quadrigas

Cingit rana tigris.

Quemadmodum superiori capite ostendi, quatuor circensium colores anni quadruplicem significare varietatem, ita totius anni metas temporum quadriga percurrit, ut ait Petrus Ravennas Sermon. 87. Corippus libr. 1. num. 18. Aurel. Cassiodor. libr. 3. Epist. 51.

Nunc ad equos pergo, qui quadrigis juncti *Curules* vocati. Vet. Gloss. *curulis equus* τροχολάτης ἵππος: & rursus, *equus curulis*, ἵππος δρομέας: & rursus *curulis equus*, ὅν ἄρματι ἀγορίζομενος ἵππος. Esse autem eosdem cum Circensibus, aliorum præoccuparunt observationes. Festive L. Apulejus, ut cetera, libr. 4. Miletiar. princ. *Cursum me concito proprio, ut hercule ipse sentirem, non asinum me, verum etiam equum curulem nimia celeritate refectum.* Theodosius & Valentinianus Augg. l. 21. Cod. Theod. de divers. offic. *Thymela equorumque curulium diversarum civitatum.* Ibidem l. 22. Cod. eod. tit. *Actuarios quoque Thymela & equorum curulium.* Honorii Aug. est rescriptum l. 3. Cod. Theodof. de Spectacul. *Nemo iudicum ex quacumque civitate in aliud oppidum, vel ex provincie solo equos curules, aurigas cives tentet traducere.* Ex his patet, male legi in rescripto eorundem Cæsarum Theodosii & Valentiniani l. 7. C. de numer. actuar. libr. 12. *equos curiales*; cum legendum sit, *equos curules.* Q. Symmach. libr. 4. Epist. 60. *Quadrigarum curracium nobilitas præparanda est.* Sed bene Pithæi Codex, *quadrigarum curulium nobilitas.* Equos sane istos præstigiis magicis debilitabant, incitabant: atque illæ artes magorum *παλγυα*, artes ludicræ audiebant. Irenæus apud Epiphanium Hæresi 34. Arnobius libr. 1. Advers. Gent. *Magiarum artium ludi mortiferam immittere, quibus liberis, tabem, aut familiarum dirumpere caritates, aut sine clavibus referare quæ clausæ sunt, aut ora silentio vincire, aut in curriculis equos debilitare, incitare, tardare.* Exemplum perappositum apud D. Hieronymum Epistola de D.

Hila-

Hilarione. D. Ambros. Apolog. David cap. 9. *Plerique equorum cum ceciderint, se jactare consueverunt, & quos casus non leserit, jactando se debilitant, & frangunt: alii, qualis Græcorum equorum fertur natura, cum in certamine curuli elisi fuerint, vel fortuito ceciderint, nequaquam se movere consueverunt, & quandam tenent quietis & patientiæ disciplinam.* Itaque equi & debilitabantur incantamenti, & cadebant: alii anteibant, prout carminum potentia aurigæ valent. Aurel. Cæsiodor. libr. 3. Epist. 51. *Modo agitadores arte superans, modo equorum celeritate transcendens, frequentia palmarum eum dici faciebat maleficum, inter quos magnum præconium videtur ad talia crimina pervenire. Necesse est enim ad perversitatem magicam referri, quando victoria equorum cursibus & meritis non potest applicari.* Petrus Brosseus J.C. & Dionysius Gotheffredus animadverterunt. Valentinianus, Theodosius, & Arcadius l. 9. C. de Malefic. & Mathemat. *Quod si quisquam ex agitatoribus, id est aurigis, seu ex quolibet alio genere hominum contra hoc interdictum venire tentaverit.* Quo in rescripto superfluum est illud, *id est aurigis*; quippe quod glossema e margine irrepsit: expungendum esse admonuit Rænardus. Ammianus Marcellin. libr. 26. princ. scribit: *Apronianum præfectum urbi, capitali supplicio damnassee Hilarium aurigam convictum ac confectum, vix dum pubescentem filium suum venefico tradidisse docendum artium nefariarum secreta legibus interdicta, ut nullo consilio adminiculis juvaretur internis.* Idem libr. 28. *Alius si creditorem suum flagitare animadvertit molestius debitum, ad aurigam confugit audentem omnia prælicenter, eumque ut veneficum curat urgeri.* Verum hac fascinatione magica, in quadrigarum cursibus, omisa, ad equos ipsos redeo, & quædam necessaria attingo.

Equi isti curules vel Tusci erant, primis, ut dixi, seculis, & paupere republica; postea vero Hispani. Edictum est Valentiniani, Valentis, & Gratiani A. A. A. Tit. *de equis curulibus.* Cod. Theodof. *Equos vero Hispani sanguinis vendendi solitam factionariis copiam non denegamus.* Notat ex Symmacho suo passim eruditissimus Fr. Juretus: ego aliquot loca adscribam libr. 4. Epist. 64. *Qui potissimos Iberorum nobilitate prævertunt.* Idem libr. 7. Epist. 105. & Epist. 106. *Coemptioni equorum ex Hispania celeritas admonenda est.* Et libr. 9. Epist. 12. *Ex omnibus gregibus, quibus pollet Hispania, lectissimos genere & velocitate præstantes edecumes.* Et eodem libro Epist. 18. *Ad Hispanias misimus, quibus equorum curulium mandavimus emptionem.* Et Epist. 19. *Quapropter ad Hispanias fidelissimos cum copiosis sumptibus misimus, ut generosas quadrigas sub diligentissima electione mercantur.* Et Epist. 20. *Missurus igitur ad Hispanias meorum aliquos, qui curules quadrigas ex omni gregum nobilitate mercarentur.* Vide ejusdem libri Epistolam 23. & alibi. Et quia equi isti ibi provinciæ abundantes, & supra alios Europæ veloces, inolevit fabula, Favonio vento flante equas concipere. C. Plin. libr. 8. cap. 42. *Constat in Lusitania circa Olyssipponem oppidum, & Tagum*

annem, equas Favonio flante obversas, animalem concipere spiritum, idque partum fieri, & gigni perniciosissimum. M. Varro apud Servium ad libr.

3. Georgic. & ipse Virgilius:

*Vere magis, quia vere calor redit ossibus, illæ
Ore omnes versæ in Zephyrum, stant rupibus altis
Exceptantque leves auras, & sæpe sine ullis
Conjugiis vento gravide, mirabile dictu.*

Jul. Solin. cap. 26. In proximis Olyssipponis equæ lascivunt mira fecunditate; nam spirante Favonio vento concipiunt, & sitientes viros, aurarum spiritu maritantur. Idem cap. 47. Edunt equæ ex ventis conceptos, sed hi namquam ultra triennium ævum trahunt. Idemque dixit Plinius loco proxime laudato, triennium vite non excedere. Adstipulatur Junius Columella libr. 6. cap. 27. Nec dubium est, quin aliquot regionibus tanto flagrent ardore coeundi feminae, ut etiamsi marcm non habeant, assidua & nimia cupiditate figurantes sibi ipsæ venerem, cohortalium more avium, vento concipiant. Ludatis postea Maronis versibus, subjungit. Cum sit novissimum etiam in sacro monte Hispania, qui procurrit in Occidentem juxta Oceanum, frequenter equas sine coitu ventrem pertulisse, fetumque educasse: qui tamen inutilis est, quod triennio priusquam adolescat, morte absumitur. Sacrum hunc montem apud M. Varronem libr. 2. Rei Rust. cap. 1. corrupte operarum incuria: In fetura res incredibilis est in Hispania, sed est vera, quod in Lusitania ad Oceanum in regione, ubi est Ulyssippo oppidum, monte Tagro, quedam vento concipiunt certo tempore equæ: ut hic gallinae quoque solent, quarum ova *συνέμια* appellant; sed ex his equis, qui nati pulli, non plus triennio vivunt. Restitue locum & lege: ubi est Ulyssippo oppidum, monte sacro, &c. Verum totum hoc fabulosum contendit Trogus Pompejus apud Justinum libr. 44. In Lusitanis juxta auctores prodiderunt, quæ fabula ex equarum fecunditate & gregum multitudine nate sunt, equas vento concipere. Quod autem auctores supra citati natos ex tali conceptu pullos non ultra triennium durare dicant, paulo diversum sentit Silius Italicus libr. 3. Punicor.

*Hic adeo cum ver placidum flatusque tepescit
Concubitus servans tacitos grex prostat equarum,
Et venerem occultam genitali concipit aura;
Sed non multa dies generi, properatque senectas,
Septimaque in stabulis longissima ducitur ætas.*

Malim legere clariori sensu, & rerum naturalium scriptoribus convenientiori; quis enim unquam ætatem pro anno dixerit?

Tertiaque in stabulis longissima ducitur ætas.

Tusci itaque & Hispani equi, & paupere & florente Imperio Romano Italici in usu; at Græcis, & maxime in sacris illis agonibus recepti equi Cappadoces. Joculariter L. Apulejus libr. 8. Miletiar. Is nimio prestinandi studio præconem rogat, cujatis essem? at ille Cappadocum me & satis forticulum denuntiavit. Quem locum Petrus Colvius aptius de equo, quam





quam Philippus Beroaldus de servo interpretatur. Justus Lipsius legit, *Cappadocum me satum, & forniculum*. Jul. Capitol. in Gordianis in princ. *Equos Siculos centum, Cappadoces centum, permittentibus imperatoribus, factionibus divisit*. Solin. cap. 47. *Terra illa (Cappadocia) ante alias alitrix equorum, & proventui equino accommodatissima est*. Habituque equi præstantiores, vivacioreſque, qui ad Argeum fluvium nati. Oraculum Apollinis Pythii in Delphico Templo:

Ἀργεὺς ἱπποβότῃ πᾶλον λάβε.

Argei, equorum altoris, pullum accipe.

Claudian. libr. 2. in Rufinum in principio:

..... Jam pascua fumant

Cappadocum, volucrumque parens Argeus equorum.

Et in Epigrammate de phaleris equi regii:

Sive illum Armeniis aluerunt gramina campis,

Turbidus Argea seu nive lavit Halis.

Narrant Theocriti & Pindari Scholiastæ, cum in Cappadocia equi omnes interissent, ex oraculo reparatos fuisse semine Agrigentinarum: & notat Baptista pius Annotationib. posteriorib. cap. 39. Claudian. de Laudibus Serenæ:

..... delectus equorum

Quos Phrygiæ matres, Argeaque gramina pascæ

Semine Cappadocum sacris præsepibus edunt. (1)

Etruscorum inventum pugiles in ludis, & eorum unctura: corpora nudata, Græcorum instituto, haud recte: nuditas libidinis incentiva: juramentum.

CAP. LXXIV.

Affinis pugillatus equestribus certaminibus, ut fabulæ Græcorum testantur de Castore & Polluce, atque ideo ut a Tuscis Romani ea, ita & hunc sunt mutuati. T. Livius 1. Decad. libr. 1. *Ludicrum fuit equi pugilesque maxime ex Etruria acciti*. Aurel. Prudent. libr. 2. in Symmachum:

Nunc mastrucophoris oleoque, & gymnadis arte

Unctis pugilibus, miles pugnabat Etruscus.

Ante omnia more Græcanico solebant pugiles jurare adhibito porco, vera virtute, non dolis se acturos. Pausania, & ex eo Pierius Valerianus libr. 9. Hieroglyph. pag. 89. *Palestritæ isti, seu πύκται, ut est apud Pindari Scholiastem, & Julium Pollucem libr. 3. num. 5. cap. 30. oleo*

Ggg 2

se

(1) Usus equorum, & quadrigarum, & forte etiam ad formam cuculium apud Etruscos demonstrat vas fidele Emin. Cardinalis Gualterii, cujus hic apposita sunt delineamenta.

se inungebant. Plin. libr. 15. cap. 4. *Usum ejus (olei) ad luxuriam vertere Græci, vitiorum omnium genitores, in gymnasiis publicando.* Servius Maurus ad libr. 2. *Georgic.* pag. 116. *Oleum generalem usum habet, quod cum in unguentum fuerit corruptum, uni rei tantum esse aptum incipit.* Longus ordo Poëtarum id probat. Claudian. Panegyrico de Consulatu Manlii Theodori:

Calliope liquidas Alciden posce palestras.

M. Lucan. libr. 9. Pharsal.

. . . auctoris cytharæ liquidaque palestræ

Virgil. libr. 3. *Æneid.*

Exercent patrias oleo labente palestras

Nudati solii.

Et libr. 5. *Æneid.*

Cetera populea velatur fronde juventus,

Nudatosque humeros oleo perfusa nitescit.

Helenius Acron Grammaticus ad Horatii libr. 1. od. 8. *Palestram trachantes, oleo ungebamur.* Ipse Lyricus:

Cur vitat flavum Tiberim tangere? cur olivum

Sanguine viperino cautius vitat?

Iterum Lucan. libr. 4. de Lucta Herculis, & Antæi:

. perfudit membra liquore

Hospes Olympiæ servato more palestræ.

Papin. Stat. libr. 6. Thebaid. de Tydeo & Agyllæo:

Postquam oleo gavisa cutis, petit æquor uterque

Procursum medium.

Sidon. Apollinar. Carm. 9.

Unctas Tyndaridis discasse luctas.

Q. Catull. Epigr. 64.

Ego mulier, ego adulescens, ego ephæbus, ego puer,

Ego gymnasi sui flos, ego decus eram olei.

Prior versus corruptissimus; quis enim credat, Atym se ipsum appellare mulierem? corrige itaque:

Ego inuber, ego adulescens.

Inuber enim recte pro eo, qui est impubes, cuique ubera non succreverunt (1). A. Gell. libr. 20. cap. 8. *Ostræ, multe, inuberes, macra.* Idem valet apud Festum Pompejum *Infantes exuberes.* Unctura hæc non simpliciter ex oleo, ut membra agiliora forent, faciliusque adversarii nexus effugerent; verum etiam admixta cera, unde unguentum *ceroma* vocatum. L. Seneca libr. de Brevit. vitæ cap. 11. C. Plin. libr. 35. cap. 13. libr. 22. cap. 24. D. Juvenal. Sat. 3. Mart. libr. 4. Epigr. 4. libr. 5. Epigr. 66. libr. 7. Epigr. 31. libr. 11. Epigr. 99. & alibi sæpe.

Nudato corpore luctabantur, subligaculo tantum pudendis velandis indu-

(1) Joseph Scaliger emendat: *Ego puber, ego adulescens, ego ephæbus, ego puer*
Ego gymnasi sui flos, ego eram decus olei.

inductio. Eustathius Homeri Scholiastes ad libr. 18. Odyss. princ. cujus ritus initium a Platonis Republica apud Athenienses, & a Licurgi legibus apud Spartanos. Xenophon libr. de Lacedæmoniorum Republica. Thucyd. libr. 1. Belli Pelopon. Εὐγυνώθησαν τε πρῶτοι καὶ ἐς τὸ φανερόν ἀποδύητες λίπα μετὰ τῷ γυμνάσει ἡλείψαντο, τότε πάλοι καὶ ἐν τῷ Ὀλυμπιακῷ ἀγῶνι διαζώματα ἔχοντες περὶ τὰ ἀνδρία οἱ ἀθληταὶ ἡγωνίζοντο. *Primi (Lacedæmonii) corpora certaturi nudaverunt, propalam se exuentes, oleoque unxerunt; quum olim etiam in Olympico certamine athleta, subligacula circa pudenda habentes, pugnarent.* Egregia ibidem loci Scholiastes vetus, & Clemens Alexandrinus libr. 3. Pædagogi cap. 5. Institutum hoc Licurgi, uti in ejus vita docet Plutarchus, & observat eruditus Nic. Cragius libr. 3. de Rep. Lacedæmonior. tabula 6. instituto 12. quem non exscribo. Euripid. Andromache:

Γυμνασίοι μῆροίς καὶ πέπλοις ἀναιμένους.
 Δρομῆς παλαιστῆρας τ' ἀνασχέτους ἔμοι
 Χονᾶς ἔχουσι,
*Nudis femoribus & tunicis dissolutis
 Cursus palestrasque non tolerabiles
 Communes habent.*

Quod non tantum viris juvenibusque in usu, sed etiam virginibus, quæ eodem ritu corporis exercitamenti utebantur; quare *φανομηρίδες* vocantur, *quasi patentibus apertisque femoribus.* Jul. Pollux libr. 7. cap. 13. Ovid. Epist. Paridis ad Helenam:

*More tue gentis nitida dum nuda palestra
 Ludis, & es nudis femina mixta viris.*

Sext. Propert. libr. 3. Eleg. 13.

*Quod non infames exercet corpore laudes
 Inter luctantes nuda puella viros.*

Hæc vetus lectio, quam male tuetur Robertus Titius libr. 4. locor. Controversor. cap. 1. Ivo vero Villiomarus legit *infames ludos*, non bene; optima enim vetus lectio, nam *luctam non esse infamem laudem*, quis non intelligit?

Institutum hoc Lycurgi, legemque Platonis reprehendunt plerique. Eusebius de Præparat. Evangel. libr. 3. cap. 12. quare Plutarchus in Comparatione Numæ & Lycurgi mulieres Spartanæ vocat *ἀνδρομενῆς*, *quasi viros in furem libidinis concitantes*; nuditas quippe libidinis incentiva. D. Ambros. libr. 3. de Virginibus: *An quicquam est tam primum ad libidines, quam inconditis motibus ea, quæ vel disciplina velavit, membrorum operata nudare?* Exempla de Davide & Berfabee nuda in sacris literis libr. 2. Regum cap. 11. & de Caracalla & noverca ipsius. Æl. Spartian. in eo. Hinc salaces Dii, Venus, Cupido, Priapus nudi a Poëtis passim finguntur: severa contra & pudica numina vestita cinctaque, quod multis ab omniscio Andrea Tirarello in Legib. Conubialib. observatum, hic non repeto. Vide Tibullum libr. 2. Eleg. 6. Cæcl.

6. Cœl. Rhodigin. libr. 4. cap. 7. denique verum est illud Ennianum apud Tullium libr. 4. Tusculanar. Quæst. ad finem:

Flagitii principium est nudare inter cives corpora.

Ideoque rectissime Martialis libr. 4. Epigr. 55.

..... aut libidinose

Ledeas Lacedæmonis palastras.

Id in Italia etiam receptum non est dubium. Papin. Stat. libr. 3. Silv. 1. in fine:

..... ridetque benigna

Parthenope gentile sacrum, nudoque virorum

Certatus.

Atque adeo apud Tyrrenos nostros non modo viri, sed & mulieres nudatis in ludo corporibus, nec non in conviviis, ut docet Timæus libr. 1. Historiar. apud Athenæum libr. 4. Dipnosophist. cap. 16. (1)

*Lanificii usus apud Etruscos: de lanificiis
matronalibus.*

C A P. LXXV.

Lanificium inter mores Etruscorum fuisse docet fortasse Juvenalis Satyr. 6. v. 289.

..... somnique breves, & vellere Tusco
Vexate duræque manus.

Illud hoc loco animadversione dignum matronalis castitatis vel primum encomium fuisse, lanificium exercuisse; nam θάλαμος ἱστῶν ταλασσιργὸς οἶκος, *thalamus telarum, domus operosi lanificii*, gynæcium matronale vocatur. Jul. Pollux libr. 1. Onomast. cap. 8. Eustathius ad libr. 2. Iliad. v. 515. Hesychius illustris Grammaticus in voce γυναικονίτης. Serv. ad libr. 8. Æneid. v. 646. Moderat. Columella libr. 12. Rei Rust. cap. 3. Fest. Pomp. libr. 16. in voce *Rica*. Xenophon libr. 3. Memorabil. cujus verba adducta a me reperies libr. 1. Antiquitat. pag. 38. Hinc illud D. Hieronymi ad Demetriadem Virginem præceptum: *Habeto semper lanam in manibus*. Exempla plurima, eaque illustria, sorores, uxor, filiaque Augusti *vestem ipsi texebant*: Sueton. cap. 73. Alexandri Magni sorores *veste eum donarunt*. Curtius libr. 5. Xerxi Regi Amestris soror *amiculum nevit*: Herodot. libr. 7. Etiam heroico illo seculo, Calypso libr. 5. Odyss. Arete mater Nauficæ libr. 6. Odyss. & Pallas libr. 8. Iliad. & libr. 12. Iliad. in fine apud Homerum textri-

ces

(1) In fine capitis 46. hujus libri inter nummos Etruscos videre possumus manum cestu armatam, quod plane spectat ad pugilatum, qui in Etruria usu receptus erat.

ces finguntur. Theano Brontini Crotoniati uxor, ut Plotino placuit philosopho, aut Pythagoræ, quod visum Theocrito, rogata quam uxorem probaret, ut retulit Joannes Stobæus serm. 72. respondit versu illo ex libr. 1. Iliad. v. 13.

Ἰσδὺν ἐποικαμένην, καὶ ἔμδον λέχος ἀντίωσαν

Telam texentem, & meum lectum sternentem.

Ptolomæus Hephestio ex Sappho:

Γλυκεία μήτηρ ὅσοι δύναμαι κρέναι τὸν ἰσδὺν.

Dulcis mater, non possum texere telam

De Cyrena Pindar. Pythior. od. 9. Ovid. libr. 1. Amor. Eleg. 13. & libr. 12. Metamorphos. fab. 5. Claudian. libr. 1. de Raptu sine. Et de Consul. Olyb. & Probini:

Letatur veneranda parens, & pallio docto,

Jam parat auratas trabecas.

Idem Epigr. de equo Regio, & alibi passim. Virgil. libr. 3. Æneid. Andromache *manuum monimenta suarum* appellat vestem, quam Ascanium donat. Et libr. 4. Æneid. *Lenam Dido* dicitur fecisse, & *auro variasse telum*. C. Flacc. Balb. libr. 5. Argonaut.

Accipe Tenarii clamydem de sanguine abani,

Frænaque & accinctum gemmis fulgentibus ensen

Hoc patrium decus, hæc materni texta labores.

Apud Silium Italicum matrona illa nobilis libr. 7. Punicor.

Quod nostræ nevere manus, venerabile donum.

D. Aufon. Parental. Carm. 3.

Morigeræ uxoris virtus, cui contigit omnis

Fama pudicitie, lanificæque manus.

Ejusdem operis Carm. 13.

Docta satis, vitamque colo, famamque tueri,

Docta bonos mores.

Incertus Poëta Comicus, sed verus & elegans:

Ἰσοὶ γυναικῶν ἔργα, καὶ ἔκ ἐκκλησίαι.

Tele feminarum opera, non conciones.

C. Lucilius libr. 6. Satyrarum:

. . . *Thannomeno inquit valva sorore*

Lanificam dici siccam atque abstemiam audit.

Ex his facile percipitur, præcipuum matronarum ornamentum in lanificio positum; quare *novam nuptiam* ritu Romano *colus cum fuso comitabatur*, exemplo Tanaquillis, quæ Tarquinii Prisci uxor, Etruria erat oriunda: C. Plin. libr. 8. cap. 48. & alibi hoc opere abunde docui. Frequentissima laus illa in vetustis marmorum sepulchralium monumentis. Adscribam Inscriptionem. (1)

HOSPES.

(1) Apud Gruterum pag. 769. num. 9. Romæ.

HOSPES. QVOD. DEICO. PAULLVM. EST. ASTA. AC. PELLÆGE
 HEIC. EST. SEPVLCRVM. HAV. PVLCHRV. PVLCHREI. FEMINAE
 NOMEN. PARENTES. NOMINARVNT. CLAVDIAM
 SVOM. MAREITVM. CORDE. DILEXIT. SOVO
 GNATOS. DVOS. CREAVIT. HORVNC. ALTERVM
 IN. TERRA. LIQVIT. ALIVM. SVB. TERRA. LOCAT
 SERMONE. LEPIDO. TVM. AVTEM. INCESSV. COMMODO
 DOMVM. SERVAVIT. LANAM. FECIT. DIXI. ABEI.

Et fane matronæ laudi ducebant stamina, telas, vestes, suis manibus textas, habere, aliis donare; quare & ancillis pensa diurna distribuebant, & eunuchum illis præsticiebant, qui severe illud exigeret. Ovid. libr. 2. Fastor. de Lucretia:

Lumen ad exiguum famula data pensa trabant.

Claudian. libr. 1. in Eutrop.

Tu potes alterius studiis habere Minervæ,

Tu telas, non tela pati, tu stamina nosse,

Tu segnes operum solers urgere puellas.

Jurisconsulti etiam libris suis multa inferuerunt de lanarum, lanificarumque conditionibus: eamque faciunt *pecudum, ovium, anserinam, caprinam, leporinam, succinam, lotam, tinctam, notam, non notam, factam, infectam*. Confule Paulum J. C. libr. 3. Sententiar. tit. 6. Ulpian. l. 70. ff. de leg. 3. & alios.

*Etruscorum opificium fictilia, & quidem Aretii: eorum
 pretia: usus in conviviiis, templis: vocata gryte,
 & catinus; & frivola, & sympunium,
 & caudes.*

C A P. LXXVI.

PArva loquimur, sed necessaria ad tantæ gentis gloriam illustrandam. Vide Plinium, ad finem hujus capituli laudandum, qui plene satisfacit. Monachus Anonymus, sed ipse ad Satyr. 6. Juvenal. v. 407. & Scotum se fatetur diserte, & inclusum ad D. Jacobi sub muris Herbipolis; is ergo ad ejusdem Satyr. 11. v. 109. ita inquit: *Tusci in Italia ante Romanos dominabantur, & catinos ex argilla rubra excoquebant, quibus Numa Rex in Deorum sacrificiis utebatur tanta elegantia, ut argentea superarent vasa. Isidorus. Locus Isidori, quem*

quem laudat, extat libr. 20. Etymolog. cap. 4. *Antiquiorem fuisse dicunt usum fictilium vasorum, quam fundendi aris aut argenti; apud veteres enim nec aurea, nec argentea vasa, sed fictilia habebantur.* Et paucis interjectis, Aretina vasa ex Aretio, municipio Italia, dicuntur, ubi fiunt; sunt enim rubra. Fictilia eerte & Samia, & Saguntina erant a locis ibidem suis nominata, de quibus nihil hic, sed de Etruscis tantum, Martial. libr. 14. Epigr. 98.

*Aretina nimis ne temnas vasa monemus,
Lautus erat Tuscis Porjena fictilibus.*

D. Juvenal. Sat. laudata proxime:

*Ponebant igitur Tusco ferrata catino
Omnia tunc.*

Et Perf. Sat. 3. v. 60.

Vestalesque urnas, & Tuscam fictile mutat.

Inventio horum, ut dixi, Aretii erat, quod oppidum etiam nunc celeberrimum, & antiquitate illustre. Martial. libr. 1. Epigr. 54.

Sic Aretine violant cristallina testa.

Erant rubra vasa Aretina. Præter superius laudatos, addendus Sedulius presbyter, Scotus, in Præfat. Carm. Paschal.

Nobilium nitidis doctorum vescere cenis,

Quorum multiplices nec numerantur opes.

Illic invenies quidquid mare nutrit edendum,

Quidquid terra creat, quidquid in astra volat.

Cereæ gemmatis flavescent mella canistris,

Collucentque suis aurea vasa favis.

At nos exiguum de paupere carpsimus borto,

Rubra quod appositum testa ministrat olus.

Deorum honori primum illa dedicata. C. Plin. libr. 35. cap. 12. *In sacris quidem etiam hodie inter has opes, non myrrhinis cristallinisque, sed fictilibus prohibetur sympuviis.* Julius Pollux libr. 10. cap. 19. ex Antiphane vetere Comico in Mystide ex sacrificio loquens ἐξ ἀξυβωφίων ἐπινομασεν, ex acetabulis fictilibus bibebarum. Flor. Tertull. Apolog. cap. 25. *Frugi religio & pauperes ritus, & nulla Capitolia certantia cælo; sed temeraria de cespite altaria, & vasa adhuc Samia, & nidor ex illis.* M. Cic. Paradox. 1. *Quid autem Numa Pompilius? minusne gratas Diis immortalibus capedines, ac fictiles urnas fuisse, (1) quam delicatas aliorum patinas arbitramur?* Lazarus Baifus corrigit apposite meo quidem iudicio, legitque: *quam Deliacas aliorum patinas.* At male in Plinio restituit idem, *sympullis pro sympuviis;* sympuvium enim rectius legitur, ut infra hoc ipso capite probabitur. Parietes templorum, non tantum vasa sacra fictiles. Plin. libr. 36. cap. 2. *Non ergo in tam malo exemplo moribus cavere utilius fuerat, quam tacere tantas moles in privatam domum trahi præterfictilia Deorum fastigia?* Ipsorumque Deorum rudi illo ævo statuarum fictiles. L. Sen. de Conf. ad Helviam cap.

Tom. I.

Hhh

10.

(1) Locus Ciceronis restitutus fuit a Lambino, auctoritate Cod. MSS. sic *quam siliatas aliorum patinas*, & sic habent omnes ferme editiones, idemque conjecturam legentium *Deliacas* minime probat.

10. *Tunc per fictiles Deos religiose jurabatur.* Ita Poëta passim. Sext. Propert. libr. 4. Eleg. 1.

*Fictilibus crevere Diis hæc aurea templa,
Non fuit opprobrio facta sine arte casa.
Tarpejusque pater nuda de rupe tonabat.*

D. Juvenal. Satyr. 11. vers. 115.

*Hanc rebus Latii curam præstare solebat
Fictilis, & nullo violatus Jupiter auro.*

Postea a Deorum cultu, e Numæ religioso instituto, fictilia in optimatum domos migrarunt. Valer. Maxim. libr. 4. cap. 3. tit. 9. de privata Tiberonis cæna: *Cui Consulatam gerenti, cum Etolorum gens omnis usus vasa argentea, magno pondere, exquisita arte fabricata, per legatos misisset, qui superiori tempore gratulandi causa ad eum profecti retulerant, fictilia se in ejus mensa vidisse vasa, monitos, ne continentia quasi paupertati succurrendum putarent, cum suis sarcinis abire jussit.* Quod ille domi factum, alii publice in Capitolio admissum narrant. L. Sen. Epist. 95. *Tiberonis ligneos lectos, cum in publicum sternerentur, bædinasque pro stragulis pelles, & ante ipsius Jovis cellam, propostia convivis vasa fictilia, quid aliud est, quam pauperiorem Capitolio consecrare?* Et deinde paucis interjectis subditur elegantissime & apposite: *Omnium illorum aurum argentumque fractum est, & millies conflatum, at omnibus seculis Tiberonis fictilia durabunt.* Idem Epist. 98. *Tubero pauperiorem & se dignam, & Capitolio judicavit, cum fictilibus in publica cæna usus ostendit, debere his hominem esse contentum, quibus Diis etiam uterentur.* Ambigua est in eodem lectio libr. 1. Benef. cap. 6. *Sicut in victimis quidem, licet opime sint, multoque auro præfulgeant, Deorum non est bonos, sed in pia ac recta voluntate venerantium; itaque boni farre etiam ac fictili religiosi sunt: mali rursus non effugium impietatem, quamvis aras multo sanguine cruentaverint.* Ferdinandus Pincian, in nullo MSS. ab se visorum repertum ait *fictili*, sed in quibusdam *ficiola*, in nonnullis *fictilla*, & in Facundi & Primitivi exemplaribus *fitilla*; itaque levissima opera, uno elemento inserto, legendum est arbitratus *fritilla*, ut sit pulvis cujusdam genus in sacrificiis receptilissimæ. M. Antonius Muretus libr. 12. Variar. Lection. cap. 1. retinet *fitilla*, eadem prorsus significatione. Ex Arnobio libr. 7. *Quid fitilla, quid frumen, quid africa?* C. Plin. libr. 17. cap. 8. *Hodie sacra prisca atque natalium pulve fitilla conficiuntur.* Josephus Scaliger Pincianum secutus, putavit legendum *fritilla*: quod placuisse video & Justo Lipsio, qui vasa ipsa, quibus sacrificia offerebantur, non pulvem ipsam seu libamen significari ea voce contendit. Testem laudat Festum Pompejum libr. 11. *Muries est, quemadmodum Veranius docet, ea, quæ fit ex sale sordido, in pila pinsato, & in ollam fritilem conjecto, ibique operto, gypsatoque, & in furno percolato.* Olla ci *fritilis* diserte appellatur, ut appareat non sacrificii partem aliquam, aut libum ea dictione denotari, sed vas sacris actum; nam Paulus Dia-

conus perperam, ut multa ex Festo transcripsit: *muries dicebatur sal in pila tunsam, & in ollam fictilem coniectum, & in furno percoctum*. Denique Fr. Modius Novantiquar. Lektion. Epist. 29. ut ab aliis quippiam diversum adducat, ita legendum censuit, *farre ac frivolis*, non male, ut infra docebitur.

Non modo optimates, sacerdotesque fictilia in usu rudi & paupere re Romana, sed etiam rustici, æquali cum potentioribus, ut videtur, fortuna. Alb. Tibull. libr. 1. Eleg. 1.

Fictilia antiquus primum sibi fecit agrestis

Pocula, de facili composuitque luto.

Sed & Siciliae Regis ea usurparunt. D. Ausonius Epigr. 8.

Fama est fictilibus cenasse Agathoclea Regem,

Atque abacum Samio saepe merasse luto.

Pergo ad diversas fictilium appellationes. Primum *caudes* discimus vocari absoleto & inusitato vocabulo. Isidori Glossarium: *Caudes, Vasa fictilia*.

Secundo a Græcis γῦ, *gry*, five γύρη audiunt. Auctor est Joannes Tzetzes Chiliad. Historiar. 4. cap. 7.

Καὶ γύρη δὲ, σκευήρια μικρὰ τῶν ἀσποκίων.

Et gryte vero, vascula parva ex testis.

Tertio *catini* audiunt, in quibus *jurulenta*, & *pulmenta* ponebantur, ut docte Hadrian. Turneb. libr. 22. Adversarior. cap. 9. nos docuit. Juvenal. Sat. 6. v. 340.

Et quis tunc hominum contemptor numinis? aut quis

Sympullum ridere Numæ, nigrumque catinum,

Et Vaticano fragiles de monte patellas

Ausus erat?

Secundum versum Bartholomæus Marlianus libr. 7. Topogr. Urb. in fine legit: *Sympullum, priscumque catinum*. MS. meus optimæ notæ:

Sympuvium ridere Numæ, Tuscumque catinum.

Joan. Britannicus de Tusco vico nugatur ad v. 109. Satyr. 11. Novam interpretationem adfert Corius parte 1. Historiæ pag. 124. Sic dicti sunt a catino, hoc est vase, quo aqua Imperatoris mensæ destinata, continebatur, quod officium, qui administrabant, dicti sunt *Catanei*. Subdit deinde aliis etiam in locis plerosque nobiles, atque etiam Episcopos Cataneorum appellatione insignitos, ut observavit Franc. Sanfovinus de Illustrib. Ital. Famil. pag. 222.

Quarto *frivola* dicebantur. L. Seneca proxime supra laudatus ex lectione Franc. Modii. Ulpian. J. C. l. 11. ff. de pignorat. Non enim credibile est hoc convenisse, ut ad universam pensionem Insule, *frivola mea tenebuntur*. Fest. Pomp. libr. 6. *Proprie vasa fictilia quassa*. Lexicon vetus apud Hadrianum Turnebum libr. 28. Adversarior. cap. 6. *frivola, vasa fictilia*. Non latuit Guilielmum Budæum in Annotationib. in Pandectas. Juvenal. Sat. 3. v. 199.

Hhh 2

...jam

... jam poscit aquam, jam frivola transfert
Ucalegon.

Idem Satyr. 5. v. 59.

Et ne te teneam, Romanorum omnia Regum
Frivola.


Denique Sympuvia eadem vocata. Vetus Scholiast. D. Juvenal. ad Satyr. 6. v. 340. Sympuvium vas sacrificiis aptum, in quo pontifices lavare solebant; sympuvium autem, quia omnes Sacerdotes simul bibebant, unde sympuviatrix illa dicitur, quæ porrigit poculum ipsum. Paulo aliter idem Turnebus libr. 3. Adversarior. cap. 10. Simpulatrices mulieres rebus divinis dedite a simpulo ita vocata. Ex quo apparet, eum locum Juvenalis legisse Simpullum, non vero Sympuvium, uti & Festus libr. 17. Simpullum vas parvum, non dissimile cyatho, quo vinum in sacrificiis libabatur; unde & mulieres, rebus divinis dedite, simpulatrices dicuntur. Quam lectionem etiam secutus videtur L. Apulejus libr. 4. Floridor. Paupertas populo Romano imperium a principio fundavit, proque eo in hodiernum diem Dii immortalibus simpulo & catino fictili sacrificat. M. Varro etiam hanc lectionem videtur confirmare libr. 4. de Ling. Lat. A sumendo, simpulum nominavere: in hujusce locum in convivii in Græcia successit epichysis & cyathus, in sacrificiis remansit guttum & simpulum. Sed tamen graves auctores, nec contemnendi, legunt constanter sympuvium. Plin. libr. 35. cap. 12. Fictilibus prolibatur sympuviis. Non possum, quin ex eodem capite locum perneccessarium recenseam, unde id totum, quod probare cupio, elucescet: Fingere ex argilla similitudines Dibutades Sicyonius figulus primus invenit Corinthi, filie opera, quæ capta amore juvenis, illo abeunte peregre, umbram ex facie ejus ad lucernam in pariete lineis circumscripsit, quibus pater ejus impressa argilla typum fecit, & cum ceteris fictilibus induratum igni proposuit, eumque servatum in nymphæo, donec Corinthum Mummius everteret, tradunt. Sunt, qui in Samo primos omnium plasticen invenisse Rhæcum & Theodorum tradant, multo ante Battidas Corintho pulsos. Demaratum vero, ex urbe eadem profugum, qui in Etruria Tarquinius Priscum Regem populi Romani genuit, comitatos fictores Euckira & Eugrammum, ab iis Italiae traditam plasticen. Eandem cum Plinio lectionem admittit Q. Florens Tertullianus Apologet. cap. 13. Quo differt ab epulo Jovis, silicernium, a sympuvio, obba, ab aruspice pollinctor? Quam veram esse & genuinam hujus loci lectionem Franciscus Zephyrus Paraphrastes vetus testatur. Aræ, ubi in sympuvio vase vinum Dii libatur; quod ex MS. se cruissè Jacobus Pamelius scribit. (1)

Qui de Samiis & Saguntinis fictilibus plura desideras, adi ad Antiquitates meas libr. 5. cap. 30. nam hic Etruriam tantum illustro.


Etru-

(1) Artem figulinam magnopere illustant, tum vasa passim in hoc opere allata, exornata figuris, tum quæ hic adferimus, quæ formæ novitate notabilia visa sunt.

Tab. LXXV.





Tom. I. pag. 428



Floridia in Museo Mediceo








Ex Vitro



Vara et Vascula fictilia Chirina Ætursca pleraque apud Nob. Ristorum Paslozzi.





Vasa et vascula fictilia Chirina pleraque apud Nob. Rictor Paolozzi reperta tam
haec quod praecedentia in Urnulis uel circa Urnulas Etruscas.



*Etruscorum in Italia inventum Plastica: simulacra
Deorum fictilia: Tuscanica dicta: aurea postea.*

C A P. LXXVII.

Plasticen, sive artem statuas ex argilla, terra pinguiori, aut creta fingendi formandique, superiori capite Plinii verba allata, Corinthi excogitatam, & a Corinthiis artificibus in Etruria toti Italiae ostensam, fidem facere potuerunt. Addo nunc statuas, a plasticis elaboratas; vocari solitas *Tuscanicas*. Idem Plinius loco laudato: *Plasta nobilissimi fuere Damophilus & Gorgasius, iidemque pictores, qui Cereris eadem Romae ad Circum maximum, utroque genere artis suae excollere, versibus inscriptis Graece, quibus significarunt a dextra opera Damophili, esse, a parte leua Gorgasi. Ante banc eadem Tuscanica omnia in adibus fuisse, auctor est M. Varro. Sic intelligendus P. Ovidius libr. 1. Fastor.*

*Jupiter exigua vix tutus stabat in aede,
Inque Jovis dextra fictile fulmen erat.*

Sed a Plinio avelli non possum, qui libr. 36. cap. 2. pulcherrime id, quod cupimus, expressit: *Præter fictilia Deorum fastigia*. In quibusdam editionibus est *fictilia Deorum fastidia*, nullo sensu; melius in MS. Codice Tolofano Collegii Foxiensis *fictilia Deorum simulacra*. Eodem sensu *fictiles Dii* apud Propertium libr. 4. Eleg. 1. *fictilis Jupiter*. Juvenal. Satyr. 11. L. Sen. Epist. 31. *Exurge modo, & te quoque dignum finge Deo; finges autem non auro, non argento, non potest ex hac materia imago Dei exprimi similis: cogita illos, cum propitii essent, fictiles fuisse*. Et libr. 2. Controv. 1. ubi Fuscus Arellius pater: *Facilius possum paupertatem laudare, quam ferre. Quid mihi Phocionem loqueris, quid Aristidem? Tunc paupertas erat seculi. Quid loqueris Fabricios, quid Coruncanos? Pompe ista exempla. Fictilibus fuerunt Dii faciles*. Alibi hoc fuscus, ubi de idolorum statuarumque inventionem; hic enim tantum de figlina agimus. Certe igitur initio pauperis rei Romanae, templa, vasa, adeoque ipsorum Divorum statuae ex terra fictiles erant. Propert. libr. 4. Eleg. 1.

Fictilibus crevere Diis hæc aurea templa.

Postea vero tantus urbem invasit luxus, ut argenteæ, marmoreæ, aureæ, atque adeo gemmæ, perniciosissimo & exemplo & sumptu, statuae erigerentur. L. Seneca Consol. ad Helviam cap. 10. *Quorum tecta nondum auro fulgebant, quorum templa nondum gemmis remidebant*. Eoque luxuria processit inaudita, ut crescente Republica, partem prædæ, manubia-

nubiarumque, ditandis templis, erigendisque statuis dedicarent. Alios omitto auctores, unico contentus Silio Italico libr. 15.

*Postquam perfectæ laudes hominumque Deumque,
Captivæ spectantur opes, digestaque præda:
Hoc aurum patribus, bello hæc Martique talenta,
Hoc regum donis, divum hoc ante omnia templis,
Cetera bellantum dextris, pulchroque labori.*

Crescente deinde magnificentia, iplis civibus privatis statuæ argenteæ aureæque ponebantur, viris femini.que promiscue. Stat. libr. 5. Silv. 1.

*Si manus, aut similes docilis mihi fingere ceras,
Aut ehur, impressis aurumve animare figuris,
Hinc Priscilla tuo solatia grata marito
Conciperem.*

Quin imo morituri testamentis aurum decernebant statuæ Imperatori consilanda. Historicis & Jurisconsultos omitto: idem Statius sufficiet, eodem libro Silvaque v. 191.

*Da Capitolinis æternum sedibus aurum,
Quo niteat sacri centeno pondere vultus
Cæsaris, & propria signet cultricis amorem.*

*Etruscorum mos in corticibus arborum scribere, item
in cæra, in linteis textis, in ligneis tabulis, in
ære, in charta expressæ literæ, in membra-
na, in plumbo: minium primis literis
additum, cornua & umbilicus.*

C A P. LXXVIII.

Etruscis iisdem Romani ceteræque Italæ gentes mansuetum po-
litoris vitæ cultum, morumque elegantiam debent, quippe
hi, five Aborigines (eandem enim esse gentem Servius ad libr.
7. Æneid. testatur) scribere in arborum libris docuere. Aurel.
Symmachus libr. 4. Epist. 28. *Mallem Aborigenum more, dictionem salu-
tis alterna ligno aut corticibus scribere: Ægyptus papyri volumina biblio-
thecis foroque texuerit.* Vide, quæ disputat acutissime & ingeniosissime
Petrus Victorius libr. 16. Variar. Lection. cap. 5. Euripidis Scholiastes
in Hippolyto consulatur. Cultissimus Aristenetus libr. 1. Epist. 10.
Τόια δὲ εἶδε, ὧ δένδρα, καὶ νῦν ὑμῖν γένοιτο, καὶ φωνὴ ὅπως ἂν εἴπητε μόνον, Κυ-
δίππη καλὴ, ἣ γυν κατὰ τῶν φλοιῶν ἐγκεκολλημένα φέροιτε γράμματα. *Utinam
quidem, inquietabat, vobis, arbores, & mens & vox foret, hoc unum dictita-
retis*

retis Cydippe pulchra, vel corticibus inscriptas ferretis, hoc ipsum testantes, literas. Ita Poëtæ P. Ovid. Epist. Oenones Paridi:

Incisæ servant a te mea nomina fagi,

Et legor Oenone fælcæ notata tua.

Et quantum trunci, tantum mea nomina crescent,

Crescite, & in titulos surgite rite meos.

Ex P. Virgilio Eclog. 10.

. tenerisque meos incidere amores

Arboribus, crescent illæ, crescetis amores.

Floridus, vetustissimus Poëta, elegantissimo carmine. (1)

Quando ponebam novellas arbores mali & pyri,

Cortici summa notavi nomen ardoris mei:

Nulla sit exinde quies, vel finis cupidinis:

Crescit arbor, gliscit arbor, ramus implet literas.

Olympius Nemesianus Bucolicus Poëta, qui sub Carino Aug. vixit, Eclog. 1.

Accipe quæ super hæc cerasus, quam cernis ad amnem

Continet, inciso servans mea carmina libro.

Calphurnius & ipse Bucolicus, gente Siculus, Eclog. 3.

Dic age, nam cerasi tua cortice verba notabo,

Et decisa feram rutilanti carmina libro.

Corrigendus idem Eclog. 4.

Ut quoque turba bono plaudat saginata magistro,

Ille meis pacem dat montibus, ecce per illum

Seu cantare juvat, seu ter pede læta ferire

Carmina nonnullas licet & cantare choreas,

Et cantus viridante licet mihi condere libro.

Primus & quartus versus, graviter afflicti, virga critica, aut fulmine verius Aristarchico egent; nam *saginata* vitiosissime contra poëticæ rationem, restitue:

. turba bono plaudat sagmata magistro.

Ut sit *sagmata* turba, sagminibus coronata; nam solemnibus & compitalitio festo, non rustici modo coronabantur, sed & boves. Testatur cultissimus Alb. Tibull. libr. 2. Eleg. 1. de bobus:

Solvite vincla jugis, nunc ad præsepia debent

Plena coronato stare boves capite.

De rusticis ipsis ibidem loci paulo post:

Cernite fulgentes, ut eat sacer agnus ad aras

Vinctæque post olea candida turba comas.

Ista quidem correctio viris doctis placuit. Fr. Modius Epist. 17. Novantiquar. lect. at mihi vix satisfacit, quod *sagmata* tam culto Poëtæ inlegans sit dictio; malim:

. turba bono plaudat saturata magistro.

Indu-

(1) Inter Epigrammata vetera libr. 4. pag. 191.

Inducor hac potissimum ratione, quod Paganorum festa, Palilia, Iustratio septorum, Ambarualia, aliaque similia celebrarentur non sine maximo epularum apparatu. Eodem auctore Tibullo loco jam laudato.

Turbaque vernarum, saturi bona turba coloni

Ludet.

In quarto etiam Calphurnii versu, quid sibi vult, *ferire pede carmina?* Corrigo, & lego: *pede lata ferire gramina*; ex Horatio libr. 3. Od. 18.

Nunc est bibendum, nunc pede libero

Pulsanda tellus.

Sed redeo ad modos priscae scripturae: & ex dictis patet, ante chartam inventam in libris arborum gentes, & maxime Italos ab Etruscis edoctos consuevisse: cujus quidem scriptionis exemplaria in plerisque bibliothecis vidi; sed nullibi illustriora, quam in cœnobio D. Germani a Pratis ad muros Parrhisiorum, ubi fragmentum Polybii, & alius Herodoti, pene ante duo annorum millia descriptum, & cum admiratione spectavi, & cupide legi. Idem etiam memini legere me apud Scholiasten Aristophanis, qui ad Græcos id trahit.

2. Solebant antiqui etiam, ante papyri usum, mappis seu telis ad scriptionem uti; unde *linteorum librorum* appellatio. L. Licinius Macer, Annalium Romanorum vetustissimus auctor, apud T. Livium 1. Decad. libr. 4. *Qui si ea in re sit error, quod tam veteres Annales, quodque magistratuum libri, quos linteos in æde repositos Moneta, Macer Licinius citat.* Et eodem libro. *Prætermissa nomina Consulium bonorum, Licinius Macer auctor est, & in federe Ardeatino, & in linteis libris ad Moneta inventos.* Et eodem libro paulo post, auctoribus eodem Licinio Macro, & Tuberone: *Ceterum in tam discrepanti editione & Tuberone & Macer linteos libros auctores profitentur, neuter Tribunos militum eo anno fuisse, traditum a scriptoribus antiquis dissimulat: Licinio sequi haud dubie libros linteos placet, & Tuberone incertus veri est; sed inter cetera vetustate incomperta, hoc quoque in incerto positum.* Ex his constat vetustissima quæque populi Romani gesta in libris linteis descripta. Fl. Vopiscus in Aureliano princ. *Inveni nuper in Ulpia bibliotheca inter linteos libros epistolam D. Valeriani.* Accuratissime, ut omnia, C. Plinius libr. 13. cap. 11. *In palmarum foliis primo scriptitatum, deinde quarundam arborum libris; postea publica monumenta plumbeis voluminibus, mox & privata linteis confici cepta, aut ceris.* Quem locum Melchior Guilandinus putat non sanum, ideoque legit *in malvarum foliis*. Non male profecto. Helvius Cinna Poëta vetustissimus, notante Isidoro libr. 6. Etymologiar. cap. 12.

Hec tibi Aratais multum invigilata lucernis

Carmina, quæ ignes novimus æreos.

Lævis in aridulo malvæ descripta libello,

Prusiaca vexi munera navicula.

Linthei hi libri etiam arcanas caeremonias, & Sibyllina oracula continebant.

bant. Q. Aurel. Symmachus libr. 4. Epist. 34. *Mandari enim peritura chartæ epistolas quereris, & alligasti sacramento enorme judicium: itane de me ludos facis? ut quæ apud te incuriosius loquor, in styli caudice aut tilice pugillares censeas transferenda, ne facile senectus papyri scripta corrumpat. Et Marciorum quidem vatium divinatio caducis corticibus inculcata est. Monitus Cumanos linteæ texta sumpserunt.* Constantini Aug. rescriptum est C. Theodos. libr. 11. tit. 27. l. 1. *Æreis tabulis, vel cerussatis, aut linteis mappis scripta per omnes civitates Italiæ proponatur lex.* Ita intellige Claudianum libr. de Bello Getico:

..... quid carmine poscat
Favidico custos Romani carbasus ævi.

Sidon. Apollinar. libr. 9. Epist. 16.

Præter Heroas, joca multa, multis
Texui pannis elegos.

3. Æri incidebant monimenta publica, maxime leges, quod, quia in Antiquitatibus meis abunde discussi, non repero: hic tantummodo addo locum Julii Obsequentis libello de Prodig. cap. 122. *Tabule legum æneæ literis liquefactis.* M. Tull. libr. 2. de Divinat. *Æra legum de cælo tacta sunt.* Ovid. libr. 1. Transformat:

..... non verba minantia fixo
Ære ligabantur.

4. *Plumbatis etiam literis*, idest plumbo incisus usi antiqui: quod Plinius proxime supra laudato loco docuit, nec alibi, quod sciam, legi.

5. *Tabulis cera oblitis scripta mandabant.* Plinius ibidem loci, & Jurisconsulti, Poëtæque passim: atque hic mos Romanis perfamiliaris. Tryphoninus J. C. libr. 15. Disputationum, ut recitatur l. 19. ff. de posfess. bonor. contr. tabul. *Liberis datam bonorum possessionem contra lignum;* hoc est testamenti paterni tabulas, ut interpretatur Jacobus Cujacius libr. 11. Observation. cap. 14. Sic *tabule nuptiales.* L. Apul. libr. 2. Apolog. Eademque *matrimoniales.* Jul. Firmicus libr. 7. Mathes. cap. 7. *Tabule dotis, sive dotales.* D. Augustin. serm. 97. *Tabule venditionis, tabule emptionum, tabule auctionales.* D. Ambros. libr. 2. Epistolar. *Tabule contractus, instrumentorum, cautiones.* Denique *Tabule testamenti.* Quæ omnia vide apud eruditissimum Barnabam Brissonium. Ita Poëtæ. Plaut. Bacchidib. Act. 4. sc. *Hunc hominem:*

..... Stylum, ceram, & tabellas, & linum.

D. Juvenal. Sat. 13. v. 137.

*Si decies lectis diversa parte tabellis
Vana supervacui dicunt chiographa ligni.*

Et Sat. 16. v. 41.

*Debitor aut sumptos non curat reddere nummos,
Vana supervacui dicens chiographa ligni.*

Plautus iterum Pseudolo. Act. 1. sc. 1.

Per ceram, & linum, literasque interpretes

Tom. I.

lii

Salu-

Salutem mittit.

Et postea ibidem loci:

*Pro ligneam? salute vis argenteam
Remittere illi?*

P. Ovid. libr. 1. Amor. Eleg. 12.

*Ite hinc difficiles, funebria ligna, tabellæ,
Tuque negaturis cera referta notis.*

Projectæ in triviis jaceatis inutile lignum.

Materies harum tabularum, aut abies erat. Idem libr. 3. κακοτεχνίας. v. 469.

Verba vadam tentent abiegnis scripta tabellis,

Accipiat missas apta ministra notas,

Aut ex acere. Idem libr. 1. Amor. Eleg. 11. in fine: (1)

Subscribam. Veneri fidas has Naso tabellas

Dedicat, at nuper vile fuisſis acer.

6. In lignis, sive cera Græcos scripsisse existimo; unde & Athenienſium leges Solonis antiquissimæ axones dicti ob eam causam. Etymologic. Magni auctor. Scholiastes Apollonii Rhodii ad libr. 4. Argonaut. tinnemate 24. qui omnium Græcorum interpretum optimus, Poëtam inter Heroicos pessimum meo judicio illustravit. Suidas. Ἀξῶνες ὕψος ἐκάλεισαν Ἀθηναῖοι τῶς Σόλωνος νόμους, δια τὸ ἐγγραφεῖναι αὐτοὺς ἐν ξυλίνοις ἄξοσι. Vertit Hieronymus Wolfius. *Axes dixerunt Athenienses Solonis leges, quod inscriptæ essent ligneis tabulis.* Male axes vertit; nam axones Latina etiam voce frequenter usurpant melioris notæ auctores. Ammian. Marcellin. libr. 16. *Primum itaque factuque difficillimum, temperantiam ipse sibi indixit, atque retinuit, tamquam adstrictus sumptuariis legibus viveret, quas ex Rhetris Lycurgi, & Axonibus Romam translatis, diuque observatas, & senescentes paululum reparavit Sylla Dictator.* Sic optime restituit Franc. Lindenbrogius, cum antea corruptissime esset, *ex Rhetris idest Axonibus.* Joan. Tzetzes Chiliad. 12. Historiar. cap. 406.

Οἱ ἄξῶνες τετράγωνοι, τρίγωνοι δὲ καὶ κύρβεις.

Axones quadrangulares, triangulares vero cyrbes.

Subdit paulo infra:

Καὶ ἐτι ὁμῶς ἄξῶνες ὑπῆρχον ἀπὸ ξύλων.

Αἱ κύρβεις ἦσαν δὲ χαλκαῖαι, ἢ μὲν τι ἀπὸ ξύλων.

Et præterea Axones erant ex lignis:

Cyrbes erant ærea, non quidem ex lignis.

7. In chartis scribebatur: quod quando Romam perlatum, alii docuerunt. Inapte, ut cetera, Polydorus Virgilius libr. 2. de Rer. Inventor. cap. 8. C. Plinii verba apponam ex libr. 13. cap. 11. *Chartam Alexandri Magni victoriam repertam, auctor est Varro, condita in Egypto Alexandria.* Quod falsum esse indicat Melchior Guilandinus, ex Anacreonte, Alceo, Æschylo, qui ante natum Alexandrum chartæ meminere: & puto Varronem intelligendum de publico receptoque chartarum usu, quod & verum est.

8. Mem-

(1) Heinſius legit: Subscribam: Veneris fidas sibi Naso ministras.

8. *Membrana* materia scriptionibus. Paulus J. C. libr. 4. Sententiar. tit. 7. *Sive in charta, sive in membranis, sive in quacumque alia materia sint volumina.* Quare *membranei* codices dicuntur ab Ulpiano libr. 24. ad Sabinum. Vet. Gloss. *membrana*, Vetus Scholiastes, qui putatur Cornutus, ad illud A. Persii Sat. 3. princ. & Theodorus Marcilius doctissimus:

Jam liber, & positis bicolor membrana capillis.

9. Denique ante ullum usum horum, quæ memoravi, cum literis carebant penitus, effigies animalium saxis insculpebant, significandis rebus aptas, vocataque Hieroglyphica, quæ multorum voluminibus posteris prodita omnino interiere, præter solius Hori Apollinis, qui sub Theodosio Aug. Constantinopoli vixit. De hoc Hieroglyphicorum modo Lucan. libr. 3. Pharsal.

*Nondum flumineos Memphis contexere biblos
Noverat, in saxis tantum volucresque fereque,
Mutaque servabant magicas animalia linguas.*

Cujuslibet scripturæ prima elementa, seu capitales literæ minio illinebant, aut coloribus aliis depingebant. Ovid. libr. 1. Trist. Eleg. 1.

Nec titulus minio, nec cedro charta notetur.

Et libr. 1. Amor. Eleg. 12.

*At tanquam minio penitus medicata rubebas,
Ille color vere sanguinolentus erat.*

Martial. libr. 3. Epigr. 2.

Et croco rubeat superbus index.

MS. meus melius:

Et cocco rubeat superbus index.

Addebant miniatis sic literis purpureum tegmen, umbilicum in medio, cornua ad angulos, ut amplissimi sunt testes Alb. Tibull. libr. 3. Eleg. 1. Statius libr. 4. Silv. ult. A. Persius Sat. 3. v. 31. Ovid. libr. 1. Trist. Eleg. 1. Martialis loco laudato, & libr. 5. Epigr. 6. libr. 8. Epigr. 72. libr. 11. Epigr. 108. quos non exscribo. Tantum unicum locum Joannis Tzetzi omissem adscribam ex Chiliad. 12. Historiar. cap. 405.

Ἀπὸ τῆς χαρτῶν εὐρέσεως, οἱ γράφοντες τῆς νόμης
Ἐν ματρικίοις ἔγραφον, ἦτοι σάνισι ξύλοις.

*Ante chartarum inventionem, qui scribebant leges
In matricibus scribebant, sive in asseribus ligneis.*

Ab Etruscis acceptæ fabulæ Atellanæ, seu Oscæ: earum partes, & distributio: eisodium, embola, exodium, sales: Poëtæ Urbici dicti; & cum his cantores.

C A P. LXXIX.

Obletamenta animi in scænicis hausere Romani ab Etruscis; *Fabulæ enim delectationis causa inventæ sunt*, ut loquitur Servius ad Eclog. 6. Virgilianam: & jam antea docui, *Oscos* esse Tusciæ *populum*. Addendus Vellejus Paterculus libr. 1. Histor. scriptor quidem Tiberii ævo illustris & facundus; sed, ut illud seculum suadebat, supra decorum, & historici gravitatem in adulationem propensus: *Cumanos Oscæ mutavit vicinia*. Quenam Oscæ vicinia? certe Etrusca. De harum fabularum igitur origine T. Livius 1. Decad. libr. 7. princ. ubi de ludorum & histrionum origine, subjungit: *Postquam lege hac fabularum a risu ac soluto joco res avocabatur, & ludus in artem paulatim verterat; juvenus, histrionibus fabellarum actu relicto, ipsa inter se more antiquo ridicula intexta versibus jactitare cepit: quæ inde exodia postea appellata, consertaque fabellis potissimum Atellanis sunt: quod genus ludorum ab Oscis acceptum tenuit juvenus, nec ab histrionibus polui passa est*. Eo institutum manet, ut actores Atellanarum nec tribu moveantur, & stipendia, tamquam expertes artis ludicræ, faciant. Ex quibus verbis clarum est, fabellas has ab Oscis seu Tusciis petitas, ingentique honore repertores earum affectos. Suffragatur Valerius Maximus libr. 2. cap. 4. tit. 4. *Atellani autem ab Oscis acciti sunt, quod genus delectationis Italica severitate temperatum, ideoque vacuum nota est; nam neque tribu movetur, neque a militaribus stipendiis repellitur*. Livium ille transcripsit. Sueton. cap. 45. Tiber. *Unde nota in Atellanico exodio proximis ludis assensu maximo excepta percubuit*. In his ludis itaque exodium erat, ut liquet ex Livio Suetonioque: hoc est carmen dicax ad exhilarandos spectantium animos, gravi tragicorum affectuum recordatione exulceratos. Aurel. Cassiodor. libr. 4. Epist. ult. *Minus etiam, qui nunc tantummodo derisui habetur, tanta Philistionis cautela repertus est, ut ejus actus poneretur in literis, quatenus mundum, curis edacibus astuantem, letissimis sententiis temperaret*. In MS erat *repararet*, fortassis melius: viderit Lector. Inde exodiarius dicitur harum fabularum actor. Ammian. Marcellin. libr. 28. *Ut in omni spectaculo exodiario, venatori, aurigæ, & histrionum genere omni*. Vide locum.

Partiebantur dicaces hæc fabulas, & distribuebant varie, ut verbosissimi Grammatici usque ad legentium tædia gerunt: ego tres tantum

tum earum partes facio. Initio enim ἐξοδος, cantus dictus, quasi introitus, ut vertit Rudolphus Gualterus in Julio Polluce libr. 14. Onomast. cap. 15. ut scilicet ad audiendum accenderentur spectatores. Vel in medio actu caneatur, ut choragus vestes mutatas suppeditaret, essetque nonnihil temporis, quo actores ipsi respirarent: illaque cantio ἐμβολον vocatum, quasi *infectum*; nam embolum axem rotis immissum significat, quo tota cursus compago firmatur; ita intermedio illo cantu spectantium animi audientiumque incitantur, & præparantur ad ea, quæ supersunt, patientius audienda: hinc cantrices illæ *embolarie mulieres* a Plinio dicuntur. Denique in fine dramatis ἐξοδος cani solita. Festus libr. 5. exponit *exitum*. Jul. Firmicus Maternus libr. 6. Matheos: *Quum effeminati corporis molliæ cinctus efficiunt, & qui veterum fabularum in scenis sepe saltantes imitentur exitus*. M. Varro in Hecatombe, *exodium* vitæ, pro termino usurpavit. Idem in Satyra ταφὴ Μενίππου:

... quod ceperas modo in via
Narrare, ut ad exodium adducas.

Vetus Scholiastes D. Juvenalis ad Satyr. 3. v. 175. *Exodiarius apud veteres in fine ludorum intrabat, quod ridiculus foret, ut quidquid lacrymarum atque tristitiæ coëgisent ex tragicis affectibus, hujus spectaculi risus detergeret: meminit & Lucilius:*

Principio exitus dignus exodiumque sequatur.

Juvenal. loco laudato:

... tandemque redit ad pulpita notum
Exodium.

Poëtæ horum carminum appellabantur *Urbici*, ad discrimen, ut puto, eorum, qui Græcico ritu in pagis agebant personati. Fulgentius Placiadese libr. 2. Mytholog. circa fin. *Denique Beatinius augur dicere solitus erat, diversarum urbium honores similiter peragi urbicario mimologo*. Idem Juvenal. Sat. 6. v. 71.

Urbicus exodio risum movet Atellana

Gestibus Antones.

Doctissimus Hadrianus Turnebus notat libr. 3. Adversarior. cap. 17. Martial. libr. 1. Epigr. 42.

Quod non optimus urbicus poëta.

Legibus certe mordacitas hæc nimia coercita, gravique pœna & poëta seu auctor, & actor seu comædus coerciti; ut ex Paulo J. C. infra citando apparebit. Sueton. Domit. cap. 10. *Occidit & Helvidium filium, quod quasi scenico exodio, sub persona Paridis & Oenones, divortium suum cum uxore tractasset*. Dictaque hæc carmina, *joci, dicteria, sales*. Furius Bibaculus apud Aurelium Macrobius libr. 2. Saturnal. cap. 1. *Jocus in oratione non extat, mihi ex libro Furii Bibaculi notus est, & inter alia ejus dicteria celebratur*. Genus hoc *jocos* veteres, nostri *dicteria* dicebant. M. Varronis versus corrupti apud Nonium Marcell. cap. 2. sic restituti sunt:

Quam

*Quam mobile, neque oribopallica attulit psalteria,
Quibus sonant in Græcia dicteria,
Qui fabularum collocant exordia.*

Sales vero audiunt apud Poëtas falsim. Claudian. de Consulatu Manlii Theodori:

Qui letis risum salibus movisse facetus.

Martial. libr. 10. Epigr. 9.

Et multo sale, nec tamen protervo.

Horat. libr. 2. Epist. 2.

*Carmine tu gaudes, hic delectatur jambis,
Ille Bionæis sermonibus, & sale nigro.*

M. Manil. libr. 5. Astronom.

*..... petulantia corda,
Et sale mordaci dulces querentia risus.*

L. Seneca in Epigrammatis:

*Quare tolle jocos, non est jocus esse malignum,
Nunquam sunt grati qui nocuere sales.*

Cantorum istorum duplex officium, vel ut specie oblectamenti ad psalterium viros quosque claros incesserent, veluti carmina famola inge-
rentes. Jul. Paulus J. C. libr. 5. Receptar. Sententiar. tit. 4. *Psalterium*, quod vulgo dicitur, canticum in alterius infamiam compositum, & publice recitatum, tam in eos, qui cantaverint, quam in eos, qui composuerint, extra ordinem vindicatur. Vel certe, ut cætum dimitterent.

Q. Horat. in Arte Poëtica:

*Si plausoris eges aulea moventis, & usque
Sessuri, donec cantor, vos plaudite, dicat.*

*Etruscorum inventum carmina nuptialia,
sive Fescenini versus.*

C A P. LXXX.

A Fescenia Etruriæ oppido, ut est apud Plinium libr. 3. cap. 5. nuptialia carmina & nomen & inventionem habent. Testis Servius Honoratus ad libr. 7. Æneid. pag. 479. *Fescenium* oppidum est, ubi nuptialia inventa sunt carmina: hi populi ab Atheniensibus originem ducunt. T. Liv. 1. Decad. libr. 7. princ. *Qui non sicut ante Fescenino versu similem, incompositum temere ac rudem alternis jaciebant; sed impletas modis satyras, descripto jam ad tibicinem cantu, motuque congruenti peragebant.* Sidon. Apollinar. libr. 1. Epist. 5. *Vix per omnia theatra, macella, prætoria, fora, templa, gymnasia, thalassia,*

lassia, Fesceninus explicaretur. Cur autem caneretur hic versus in nuptiis, scilicet ne impudica verba audire cogeretur sponsa, diligenter ad illum locum disquirat eruditissimus Joannes Savaro, quem non exscribo: tu consule. Fest. Pomp. libr. 6. *Fescenini versus, qui canebantur in nuptiis, ex urbe Fescenina dicuntur allati, sive eo dicti, quia fascinum putabantur arcere.* Hunc versum intellige apud Catullum in Epithalamio Juliae & Manlii:

*Excitusque hilari die
Voce carmina timula
Nuptialia continens,
Pelle humum pedibus.*

Et eodem loco post:

*Nec diu taceat procax
Fescenina locutio.*

Et Claudian. libr. 2. de Raptu Proserpinæ ad finem:

*Exultant cum voce pii, Divisque sub aula
Talia pervigili ducunt exordia cantu.*

Et in Epithalamio Honorii & Mariæ:

*Ducant pervigiles carmina tibia,
Permissisque jocos turba licentior
Exulet tetricis libera legibus.*

Erat autem Fesceninus versus diversus ab acclamatione illa fausta, quam affines concipiebant boni ominis gratia, de qua dico libr. 5. Antiquitat. Romanar. cap. 37. Adde Asinium Pollionem apud L. Senecam patrem libr. 7. Controvers. 6. *Inter nuptiales Fesceninos in cruce generi nostri jocabantur.*

*Etruscorum inventum navis, & illa ex corio & vimine,
Britannorum ritu, seu Scotorum: ex abjete, ex
alno: tutela: varia genera: nomina unde.*

C A P. LXXXI.

UTi animi oblectamentum ab Etruscis accepere Romani, ita & commercia ab iisdem hausisse eos, jam clarum fiet. Hidor. libr. 19. cap. 1. *Lydi primam navem fabricaverunt, pelagique incerta petentes, pervium mare usibus humanis fecerunt;* quamvis Polydorus Virgilius aliter habeat libr. 3. de Rer. Inventorib. cap. 15. Nobilis est locus Draconis Corcyrei antiquissimi Scriptoris apud Athenæum libr. 15. Dipnos. quem consule hoc ipso libro cap. 46. ubi de Jano. Rudi illo ævo naves ex corio circumfuto viminibus, exemplo Bri-

tan-

tannorum seu Scotorum. C. Plin. libr. 4. cap. 16. *Britannos vitilibus navigiis corio circumfuto navigare.* Et libr. 7. cap. 56. *Etiā nunc in Oceano Britannico vitiles corio circumfuto fiunt.* Solin. cap. 56. *Etiā nunc in Oceano Britannico vitiles corio circumfuto fiunt.* Solin. cap. 25. *Navigant, Britanni, vimineis alveis, quos circundant ambitione tergorum bubulorum.* Gloss. Ifidori. *Carabus, parva scapha ex vimine & corio.* Iterum Solinus cap. 60. *Bubulis utribus contabulatas crates superponunt, vectatique hoc ratis genere, venenatis sagittis prætereuntes petunt.* Ideoque Maro libr. 6. *Æneid.* Charontis cymbam futilem fecit, notat Turnebus libr. 28. cap. 45.

..... *gemit sub pondere cymba*
Sutilis.

Ita alii Poëtæ. M. Lucan. *Pharsal.* libr. 4. v. 139.

Utque habuit ripas Sicoris, camposque reliquit,
Primum cana salix inadesfacto vimine parvam
Textitur in puppim, cæsoque induta juvenco,
Vectoris patiens, tumidum supereminet amnem.
Sic Venetus stagnante Pado, fusoque Britannus
Navigat Oceano, sic cum tenet omnia Nilus,
Conferitur bibula Memphitis cymba papyro.

Sidon. Apollinar. *Carm.* 7. v. 370.

Quin & Aremoricus pyratam Saxona tractus
Sperabat, cui pelle salum fulcare Britannum
Ludus, & adsuto glaucum mare findere lembo.

Festus Avienus libr. 1. *Oræ maritimæ* pag. 191.

..... *sed res ad miraculum,*
Navigia junctis semper aptant pellibus,
Corioque vastum sæpe percurrunt salum.

Hæc prima origo navis, quam aliqui ad Janum referunt, qui navigio in Italiam deVectus, ideoque & nummum cum navis effigie cudit, uti supra ostensum: postea vero e lignis texti naves cœpere, aut mercibus aut bello aptæ: & materia lignum varium.

1. *Ficus.* Ita tamen, ut ficulnæ naves in proverbium abierint, pro parum firmis & securis. Suidas in voce *συκίνη ναῦς*.

2. *Pinus.* Ovid. *Epist.* Paridis ad Helenam:

Troja caduntur Phrygia pineta securi,
Queque erat equoreis utilis arbor aquis.

3. *Robur;* unde & robustæ naves, sed parum celeres. P. Ovid. loco eodem, ut citæ sint naves, flectebatur robur:

Fundatura citas flectuntur robora naves.

4. *Abies.* C. Plin. libr. 16. cap. 10: *Abies expetita navigiis.* Ratio apud eundem libr. eod. cap. 41. *Tradunt, abjetem circa germinationem decorticatam, qua diximus luna, aquis non corrumpi.* Serv. ad libr. 2. *Georg.* pag. 98. *Est species abjetis apta navigiis, quam sappinum vocant.* Ipse Virgilius ibi:

... ca-

..... *casus abjes visura marinos.*

Claudian. libr. 2. de Raptu:

Apta fretis abjes.

5. Arbor quædam innominata in Tylo insula maris Rubri, *quam durantem*, inquit Theophrasti interpres Latinus libr. 5. Histor. Plantar. cap.

6. *Ducentis annis inventam, etsi mari mergeretur, incorruptam.* Alexandri Magni comites invenerunt, ex iisque naves fabricarunt, teste Plinio loco proxime laudato.

6. *Alnus* celebratissima apud Poëtas. Unius aut alterius loco contentus ero. Stat. libr. 3. Thebaid. v. 24.

Fluctibus Joniis Calabræ datus arbiter alno.

M. Lucan. libr. 5. v. 597.

..... *sonuit victis compagibus alnus.*

Claudian. de 4. Hon. Consul.

Equoreas alni nato commendat habenas.

Navibus suæ erant *tutela*, hoc est Deorum simulacra, in quorum præsidio navim esse volebant, ut itineris auspiciati ducum. Suid. *Παλαιῶν Θεῶν, Πάττει Διὶ*, purpurei, in puppibus collocati. Vide eundem in voce *Παλλὰδιον*. C. Petron. Satyrico: *Vilissimo sanguine tutelam placare*. Fest. libr. 5. in voce *Europam*. Mentio etiam in sacris literis. Act. Apostolor. cap. 28. Scholiastes Aristophanis. Plutarchus Convivio septem sapientum. Theodorus Marcilius, Professor Eloquentiæ Regius Parisiis, ad Persium. Hi Dii aut *ex ebore calati* erant, ut est apud L. Senecam Epist. 76. *aut picti* tantummodo. Ovid. loco laudato:

Accipit & pictos puppis adunca Deos.

Et libr. 1. Trist. Eleg. 2.

..... *pictos verberat unda Deos.*

Nec minor inter Criticos contentio, ubinam loci in navigio tutela collocaretur. Joannes Brodæus libr. 1. Miscellan. cap. 10. *proræ* solere imponi contendit. Alii docti, inter quos Lipsius, *puppi* volunt adfixam, & videtur patrocinari A. Persius Sat. 3. v. 60.

Ingemes de puppe Dii.

Denique in media navi locum ei assignatum contendunt alii. Lutatius Placidius in libr. 8. Thebaid. v. 270.

Sic ubi per fluctus uno ratis obruta somno

Conticuit, tanique maris securo juvenus

Mandavere animas, vigili stat puppe magister

Pervigil, inscriptaque Deus qui navigat alno.

Navigantes itaque Deum sibi pro libidine ad tutelam assumbant, vocabaturque navis tutelæ suæ nomine; ita amantes plerumque Venerem aut Cupidinem. Ovid. Epist. Paridis:

Qua tamen ipse vebor, comitata Cupidine parvo

Sponsor conjugii stat Dea facta sui.

Ita interpretor Sidonii Apollinaris locum e Carm. 9. v. 115.

Tom. I.

Kkk

Cum

Cum jussu Veneris patrocinantis

Terras Oebalias, & hospitales

Raptor depopulatus est Amyclas.

Horat. libr. 1. Od. 14. ubi recte Joannes Bondus *navis insigne, Deos* exponit:

..... non tibi sunt integra lintea,

Non Dî, quos iterum pressa voces malo.

Navium varia genera. Ab A. Gellio istæ ponuntur libr. 10. cap. 25. *Gauli, corbitæ, caudicæ, longæ, bippagines, cercuri, celoces vel ut Græci dicunt celetes, lembi, oria, lenunculi, actuarie, quas Græci ἐπιώπτες vocant vel ἐπιβαλidas, profumia, vel geseorete, vel horiola, flata, pontones, atatie, hemidia, phaseli, parones, myoparones, lintres, caupuli, camarie, placidæ, cidarum, ratarie, catafscopium.* Pleraque nomina ista sunt apud Julium Pollucem libr. 1. Onomast. cap. 9. Sunt & aliæ Romanis in usu, videlicet *Prætoria seu turrita, rostratæ, rectæ, constratæ, liburnica, oneraria, caudice, cursoria, custodiaria, speculatoria, tabellaria, exeres, sbediæ, epibates:* de quibus Wolfgangus Lazius libr. 6. Commentar. Reip. Rom. cap. 8.

Denique non tantum a tutelis seu insignibus nomina navibus indita, ut dixi, sed etiam ab urbibus aut locis, in quibus factæ, ut *Naxiurges* ab insula *Naxo: Gnidiurges* a *Gnido: Corcyree, Parie*, ab insulis illis. Suid. in voce *Ναξικυρῆς ἡδὲ Παριος*.

*Etruscorum inventum rostra navium, & naves
rostratæ.*

C A P. LXXXII.

Rostrum, seu ῥοστρον, seu προεμβολίς eorundem industriæ inventum adscribitur. Plin. libr. 7. cap. 56. *Antea ex prora tantum & puppi pugnabatur: rostra addidit Piseus, Tyrrheni anchoram.* Ita vulgati Codices concipiunt; at in MS. Foxiano aliter: *Rostrum addidit Piseus Tyrrhenus, uti & anchoram.* Ex hac inventione rostratæ naves secutæ. Livius passim. Cæsar libr. 2. Bell. Civil. *Cum classe navium sedecim, in quibus pauca erant æratæ.* Hircius de Bello Alexandrino: *Navibus actuariis, magnitudine quamquam non satis justa ad præliandum rostra imposuit.* Describit perite Appianus Alexandrinus libr. 2. Civil. Quem vide. Virgil. libr. 8. Æneid.

In medio classes æratas, Actia bella.

Etruscorum inventum anchora.

CAP. LXXXIII.

HÆc quoque, sine qua navigari non posset, Tuscorum inventum. Plin. quem capite superiore retulimus libr. 7. cap. 56. *Rostrum addidit Piseus, Tyrrheni anchoram.* At aliter MS. probissimæ notæ ex Bibliotheca Collegii Foxiani Tholosæ: *Rostrum addidit Piseus Tyrrhenus, uti & anchoram,* ut velit ille ab eodem Piseo Rege & rostrum navibus, & anchoram additum. Sed pergo ad alia. (1)

*Etruscorum Piratica, myoparones, flatæ, cilices,
& in eos bellum.*

CAP. LXXXIV.

Non tantum honesta, vitæque salubria inventa fuere Etruscorum, sed & quædam a civili cultu, sed tamen non a fortitudine bellica abhorrentia, iisdem assignat vetustas, ut in his Piraticam. Ilidor. libr. 18. cap. 4. *Hanc (tubam) a Tyrrhenis prædonibus excogitatam dicunt, cum dispersi circa maritimas oras, non facile ad quamque prædæ occasionem voce aut buccina convocarentur, vento plerumque obstrepente.* Menodotus Samius apud Athenæum libr. 15. pag. 672. non multum post principium. Diodor. Sicul. libr. 5. *Ομοίως δὲ καὶ ναυτικαῖς δυνάμεσιν σχίσαντες, καὶ πολλὰς χρόνους θαλασσοκρατήσαντες. Quin & classe pollentes, diu maris imperium tenuere.* Pierii Valeriani locum adscribam e libr. 27. pag. 275. *Ab ea fulcandi maris facilitate, qua Tyrrheni olim plurimum clauere, qui Piraticam exercentes, universo fere orbi terrori erant, Delphinorum cognomentum in Græcorum fabulis adepti sunt, cum præsertim Pelasgi, referente Mirsilo Lesbio (suppositus hic auctor & ab Annio obtrusus) Crotone occupata, Tyrrhenam etiam regionem invasissent, in qua diutius habitantes, nauticam didicerunt: habiti inter piratas etiam Pelasgi.* Suspiciari hinc licet ab eodem auctore, Piseo scilicet Rege, & tubam, & navim, & rostra in belli usus navalis, & anchoram, & piraticam excogitatas. Et forte sedes ei Volaterræ electa, quippe urbis situs inexpugnabili accessu tutiores prædones red-

Kkk 2

debat,

(1) Hinc inter nummos Etruscos allatos in fine cap. 46. hujus libri nonnulli ancoræ signantur.

debat: nec est in eo litore urbs, quæ piratis commodior mihi videatur.

Naves piraticæ piratarumque rostratæ, Myoparones dicebantur. Isidor. libr. 19. cap. 1. *Myoparo, quasi minimus pari, idem quod carabus; est enim parva scapha ex vimine facta, quæ contexta crudo corio genus navigii præbet, quas habent Germanorum piratæ in Oceani litoribus.* Ma-
lim legere: *quæ contexta crudo corio.* Vide supra de navis Britannicæ inventione, Valer. Maxim. libr. 2. cap. 8. tit. 5. *Proventur nunc cuiuslibet gloria cupidi, qui ex desertis montibus, myoparonumque piraticis rostris, laudis inopes, laureæ ramulos festinabunda manu decerpserunt.* Et libr. 6. cap. 9. tit. 15. *Parva igitur summa clarissimum mundi fidus in piratico myoparone rependi fortuna voluit.* Sidon. Apollinar. libr. 8. Epist. 6. *Litoribus Oceani curvis pando inerrare myoparones, quorum quot remiges videris, totidem putes te cernere archipiratas.* Achilles Tatius venustæ, sed impuræ dictionis libr. 3. de Amorib. Clitophontis & Leucippes, pag. 82. videatur; neque enim mihi est nunc ad manum: D. Hieronymus in Vita D. Hilarionis etiam consulatur. Nomen ei certe a *Paro* insula, & oppido *Myunte*, ut scripsit Turnebus. Vide Suidam supra, ubi de navis inventione actum in fine capitis. P. Aspernas apud L. Senecam libr. 1. Controver. 2. *Jacuiſti in piratæ myoparone.* Junius Gallio ibidem loci, & ipse vetus declamator: *Capta es a piratis, inter servos, inter homicidas, in illis myoparonis angustius spatiosa es.* Ennod. Ticinensis Declamat. 14. *Gauderem evaſſe me pedorem carceris, vincla piratarum, nisi regresso mihi myoparonum loco pater existeret.* Oros. libr. 6. cap. 2. *Mitridates cum quassata jam navi mergeretur, in myoparonem Seleuci piratæ, ipso piratæ adjuvante, transiit.* Fest. libr. 11. *Navigium dissimilium formarum interpretatur, quasi Midion & paron: rectius Mison & paron; nam in Misa ad Sasonem statio piratarum.* Plin. libr. 3. cap. ult. Joann. Stadius putat *Galeonem* hodie dici, sed vix Senecæ locus consentit. Sallust. libr. 3. *A duobus prædonum myoparonibus circumventa.* Silen. Histor. libr. 4. *Navesque biremes triginta, totidemque myoparones.* M. Cicero libr. 3. Republ. apud Nonium cap. 13. num. 6. Et Act. Verr. 6.

Eadem naves piratarum *ſtlatæ* dictæ. Gloss. Vetus: *ſtlatæ*, *παραπικρὸς ἐλδορ*. Caper Grammaticus libr. de Orthogr. *ſtlataris sine litera c scribendum est, a ſtlatæ rate piratica.* A. Gell. libr. 10. cap. 25. Q. Ennius:

Et melior navis, quam quæ ſtlataria portat.

Juvenalis sic intelligendus Sat. 7. v. 134. de piratarum opulentia:

Spondet enim Tyrio ſtlataria purpura filo.

Piratæ antiquissimis seculis Tusci, postea Coreyrenses, tum Cilices. Præter Historicos Lucan. lib. 9. v. 224.

*O nunquam pacate Cilix, iterumque rapinas
Tendis in æquoreas.*

Bel-

Bellum in istos, omnia depopulantes, anno Urbis 686. Pompejo decretum, qui eos infra angustias suas quadraginta dierum spatio, aut paulo amplius, navibus ademptis, redegit. Historicis omitto. Horat. Epod. Od. 4. in fine. Claudian. libr. 1. in Eutrop. in fine:

..... *piratica Magnum*

Erigit.

M. Lucan. libr. 2. Pharsal. v. 576.

*Qui cum signa tui toto fulgentia ponto,
Ante bis exactum, quam Cymbia conderet orbem,
Omne fretum metuens pelagi pirata reliquit,
Angustaque domum terrarum in sede poposcit.*

Cumque ab eo quindecim præfecti fuissent. *constituti.* Plut. in eo. pag. 632. Gellius mari Tusco impositus. L. Florus libr. 3. Histor. Roman. cap. 6.

*Etruscorum inventum leges in Italia: ab iis duodecim
Tabularum supplementum Romani sumpservunt.*

CAP. LXXXV.

DErat hoc solum ad magnitudinem Tuscorum ostendendam, ut etiam victor ille gentium populus ab Etruscis bene constituendi regiminis normam peteret. Servius Honoratus ad libr. 7. Æneid. pag. 479. *Faliscos Æquos dicit, idest justos, quia populus Romanus, missis decemviris, ab ipsis jura fecialia, & nonnulla supplementa duodecim Tabularum accepit, quas ab Atheniensibus habuerant.* Romani itaque & a Græcorum præcipuis civitatibus, in Græciam missis cum summa potestate Xviris, & a Græcorum in Italia coloniis, quarum vel præcipua Falisci erant, ab Halæso Rege deducta, ut libr. 2. supra hoc opere cap. 31. leges illas celebratissimas duodecim Tabularum conscribendas, recitandas, figendasque in foro curarunt: de quibus pauca.

Has leges Romani a legatorum numero Xvirates, aut a tabulis XII-virales ex Lycurgi Rhetris, & Solonis Axonibus digesserunt. Fr. Laziard. Histor. Universal. cap. 43. Et nimis rigidas emendarunt, mitioribus tantum transcriptis. Flor. Tertullian. Apolog. cap. 4. Fr. Zephyrius Florentinus Paraphrastes, & Beatus Rhenanus. Joan. Zonar. Tom. 2. Annal. pag. 27. Georg. Cedren. Compendio Historiar. pag. 120. Freculphus Lexoniensis libr. 4. Tom. 1. Chronic. cap. 10. Dio Coccejan. libr. 44. Historiar. pag. 252. At enim nec leges ille valde vetustæ sunt censendæ, cum nunquam Homerus legis nomen suis operibus

infe-

inferuerit. Fl. Iosephus libr. 2. Contr. Apionem pag. 1070. Jam de tempore, quo latæ sunt leges Xvirales, ingens est inter scriptores dissensio.

Id factum Paulus Orosius libr. 2. cap. 13. *Olympiade nonagesima quinta* contendit, hoc est, anno Urbis conditæ *trecentesimo*. Error in numero indubie est, & vidit eum verius Fr. Fabritius Marcoduranus, quem sustulit: in aliis editionibus habetur *octuagesima*. Dionys. Halicarnasæus Olympiadem ponit *octuagesimam secundam*. Diodorus Siculus libr. 12. Bibliothec. *octuagesimam quartam*, tanta est discrepantia.

Nec Latini concordēs, ut animadvertit Philippus Broidæus Arien- sis. A. Gell. libr. 20. cap. 1. *anno trecentesimo*. Fl. Eutrop. libr. 1. Hist. Roman. cap. 14. *anno trecentesimo altero*. Cui concors est T. Livius 1. Decad. libr. 3. Alii paulo ferius. Jul. Solin. Polyhistor. cap. 2. *anno trecentesimo quarto*. Quam controversiam facile componemus, si Xviros anno Urbis conditæ trecentesimo creatos, missosque ad leges transferendas dicamus, anno sequenti eas leges tulisse eos, ac populo probante fixisse: tertio demum anno Appii Claudii scelere imperium iis abrogatum, suffectique novi Consules L. Valerius Potitus, M. Horatius Barbatus, ut ex nostra liquet tragœdia, cui titulus: *Decemvirates abrogatus*, quæ biduo toto, summo plausu exhibita Parisiis Kal. Maiis CIO DCCXIII. Verum interiere præclaræ illæ Græcorum Faliscorumque Etruscorum leges tempore Alexandri Severi, cum totum forum, cui affixæ fuissent, arsisset, ut ex Historicis alii notarunt, usque adeo ut quæ apud Rhetores Grammaticosque supersunt, & maxime in libris Ciceronis de Legibus, *non sunt verba legum antiquarum, sed tantum sensus*. Acute Antonius Guibertus Costanus Quæst. Jur. Memorabil. libr. 1. cap. 11. num. 13.

Extulere eas auctores veteres plerique, usque adeo ut M. Cicero libr. 1. de Oratore, *omnes omnium philosophorum bibliothecas uno legis XII. libello superari* dicat. Et libr. 4. de Republica, *non rerum solum, sed etiam verborum elegantiam* admiratur, ut recitat Nonius Marcellus in voce *Lis*. Sed varia quoque laudatis nomina, *duodecim tabulae* simpliciter ab eodem Cicerone vocantur libr. 1. de Legibus ad finem. *Et duodecim* sine ulla adjectione libr. 3. de Legib. sine. Interdum etiam *Lex in duodecim*. Fest. Pomp. libr. 18. in voce *Vagulatio*. Gloss. Vet. Philoxeni. *Duodecim*, τὰς δώδεκα. Idem Fest. libr. 16. in voce *Ricinum*. Alias *Lex Romana*. Idem Fest. libr. 5. in voce *Erctum*. Aliquando quoque *Decemvralis Lex*. A. Gell. libr. 20. cap. 1. *Lex vetusta*. Cajus J. C. l. 1. ff. orig. Jur. *Lex antiqua*. Ulpian. J. C. l. 2. ff. noxialib. action. *Jus antiquum*. Scævola J. C. l. 29. ff. libr. & posthum. eadem appellatio a Justiniano Aug. recepta l. un. C. de nudo Quirit. Jur. tollendo. *Lex antiquissima*. Novella 22. cap. 2. *Jus exploratum*. l. pen. C. legit. hæred. Sed & *Lex*, per excellentiam, quasi prima præstantissimaque omnium legum. Cato in Oratione, qua legem Orchiam dis-
det,

det, apud Festum libr. 14. voce *Percunctatum*. M. Tull. libr. 8. Epist. Famil. 8. Ulpian. Regul. Jur. tit. 22. §. 19. & l. 130. ff. verb. significat. l. 7. ff. de pact. & l. 7. ff. bon. damnator. *Fons omnis publici privatiq; Juris*. C. Tacit. libr. 3. Annal. *finis Juris æqui*. T. Liv. 1. Decad. libr. 3. Et Poëtæ laudavere. Sidon. Apollinar. Carm. 23. v. 446.

Quo bis sex Tabulas docente Juris

Ulro Claudianus Appius lateret

Claro obscurior in Decemviratu.

Aurel. Prudent. libr. 2. in Symmachum:

..... *dicat, cur condita sit lex*

Bis sex in tabulis, aut cur rubrica minetur

Evincitura reos?

D. Aufon. in Ternario:

Jus triplex, tabule quod ter sanxere quaterne.

Et mirum sane mihi visum, hoc a nullo ante me observatum, quod sciam, supplementa legum harum a Tuscis petita, cum tam multi, tamque eruditi nostro ævo scriptores eas illustrarint, Antonius Augustinus, Joannes Oldendorpius, Julius Pacius, Joan. Crispinus, Ant. Contius, Franciscus Hottomannus, Dionysius Gottofredus, Stephanus Piglius in Annalibus suis, Franc. Balduinus, Hadrian. Turnebus, Ludovicus Charondas, Justus Lipsius, Bartholomæus Marlianus, Pandolphus Pratejus, & omnium doctissime Theodorus Marcilius, Regius Parisiis Eloquentiæ Professor.

*Etruscorum inventum Jura Fecialia, & Fecialium
potestas in rebus bellicis: hasta & caduceo ar-
mati, illam jaciebant bellum indicturi.*

CAP. LXXXVI.

NOn modo arma, ornamenta, ordines, acierumque ab Etruscis dispositio ad Romanos profecta, ut superius hoc libro ostensum; sed jura quoque bellica ab iisdem petita. Servii verba ad libr. 7. *Æneid.* pag. 479. quia initio præcedentis capitis apposui, hic non repeto; sed addo pulcherrimum Dionysii Halicarnasæi testimonium libr. 1. pag. 17. ubi ea Regibus Aboriginum fuisse in usu docet, & sic eos describit: *Ἱεροὶ τινες ἄνδρες, ἄσπελοι πρὸ τῶν ἄλλων ὄντες σπονδοφόροι.* *Sacri quidam viri, sine armis alios præeuntes, libaminum & fæderum oblationes ferentes.* Et in *σπονδοφορικῇ* fabula, Alexis Comicus citatur a Julio Polluce libr. 10. *Onomast.* cap. 24. in fine: quod an ad Feciales referri debeat, non delibero. Illi itaque inermes armatis im-

pera-

perabant, & jus ultro citroque commeandi impune habebant: sancti crediti, ac ob id ab omni injuria contumeliaque remoti. Cumque Græci eo magistratu careant, Romulus collegium eorum instituit, petito ab Æquis exemplo, idest Tuscis: quosque, quia pacis præfides erant, Græco vocabulo *ἑρμῶδιαι*, *judices pacis* idem scriptor appellat libr. 2. pag. 131. ubi omnia eorum munia exequitur: quem vide. Et libr. 6. pag. 358. & libr. 9. pag. 617. & alibi sæpe. Isti & feciales, & fæciales, & fætiales dicuntur. Vetus lapis apud Aldum Manutium Orthographiæ pag. 352. (1)

P. CORNELIO L. F. SCIPIONI
COS. PR. AERARII. LEGATO
TI. CAES. AVG. LEG. VIII. HISP.
PONTIF. FETIALI
D. D

Consulebantur hi in omnibus bellicis negotiis, nec sine eorum interventu quicquam facile poterat stabiliri. T. Liv. 4. Decad. libr. 1. principio. & 1. Decad. libr. 1. in rebus Romuli, & in rebus Ancii Martii, qui caduceo hastaque armati, ut est apud A. Gellium libr. 10. cap. 27. Festum libr. 8. Ammianum libr. 19. principio, Diodorum Siculum libr. 7. cap. 2. Velato capite bellum indicebant, denunciabantque. Jacobus Schegkiius libello Præmetiorum cap. 10. Indictio belli fiebat hasta conjecta in fines hostium, cujus altera pars sanguinolenta, altera vero ambusta esset, ad internecionem hostium exprimendam. M. Varro in Caleno, & uberrime Servius Honoratus ad illud Virgilii libr. 9. Æneid.

Principium pugnae.

Et ad illud libr. 10. Æneid.

tunc res rapuisse licebit.

Et ad illud libr. 12. Æneid.

verbena tempora vincii.

Corruptus locus in Bucolico carmine Titi Calphurnii Siculi, elegantissimi ac terribissimi leporis Poëtæ. Eclog. 1. v. 53.

Candida pax aderat, nec solum candida vultu,

Qualis sæpe solet, cum libera Marte profuso,

Quæ domito procul hoste, tamen grassantibus armis

Libera diffudit tacito discordia ferro.

Primus versus ex Tibullo est libr. 1. Eleg. ult. & C. Petronio in Civilib.

Pax prima ante alias, niveos pulsata lacertos,

Abscondit galea victum caput.

Putarem legendum *candida cultu* in eodem versu, ut ad vestem paucis
albam

(1) Apud Gruter. pag. 397. num. 5. Vid. & Grut. pag. 360. num. 3. & pag. 457 n. 1.

albam referatur. Coripp. African. libr. 2. num. 3. Martial. libr. 8. Epi-
gr. 64. de eadem Pace Dea.

In secundo versu, Mars profusus quid sit, quærat, nisi forte cla-
dem ubique sparsam diffusamque intelligamus; sed melius de publica
belli licentia post Fetialium denuntiationem; legetur:

... quæ libera Marte profuso.

Denique in ultimo versu, Victor Gifelinus ait, *discordium* pro discordia
reperisse se apud Prudentium; sed displicet. Itaque corrigendum:

Libera diffudit tacito discrimina ferro

Quod autem hasta etiam in Urbe ex SC. ultra columnam Bellonæ in-
dicendo bello jaceretur, & ob id eam belli Deam habitam, Deosque
hastis armatos depingi, quod validissimum sit telum, vide a me dicta
libr. 3. Antiquitat. Romanar. cap. 12.

*Etruscorum hasta Velitaris, & de Velitum
armaturis pauca.*

CAP. LXXXVII.

VElites ipsos dictos ab Etruscis, hoc ipso libro supra cap. 65.
docui; nunc vero armaturam ipsorum, scilicet hastam, eo-
rundem Etruscorum Rex Tyrrhenus excogitavit. C. Plin.
libr. 7. cap. 56. scribit, invenisse hastas velitares Tyrrhenum,
pilumque. Meminit T. Livius 4. Decad. libr. 8. Consul, *quia non com-
minus pugnam, sed procul locis oppugnandis praeceperat animo, ingentem
vim pilorum, velitarium hastarum, glandisque modicorum, quæ fundis
mitti possent lapidum paraverat.* Quibus ex verbis, quæ velitum arma-
tura esset, facile ostenditur. Dionys. Halicarnass. libr. 8. pag. 531. ea-
dem habet. C. Salust. Jugurt. *Præterea jere sagittarii, cohors Peligna
cum velitaribus armis, iuneris properandi causa.* Ergo & aliis leviora
erant horum arma. Ovid. in Ibin.

Utque petit primo plenum flaventis arena

Nondum calfacti velitis hasta solum.

Plura qui cupis, consule Vegetium, & Justum Lipsium opere erudito
de Militia Romana.

*Etruscorum pilum, & quale id teli genus fuerit:
nomina inde Ducum Romanorum, Pilani,
Primipilares.*

C A P. LXXXVIII.

Plli Tyrthenum Etruscorum Regem inventorem esse, Plinii verba capite superiori ostendunt. Hoc sane teli genus, a Tuscis exceptum, ita suum Romani fecerunt, ut sicut gladius Spartanorum, sarissa Macedonum, lancea Hispanorum, gasta Gallorum, sagaris Persarum, acinacis Medorum, falaria Saguntinorum, sparus rusticorum, framea Germanorum, cateja Teutonum, & rhomphea Thracum habebantur; ita Romanis propria armatura erat pilum, quod Etruscorum inventum fuisse ante Romam conditam, tam gloriose prædicare possum, quam mirari a nullo doctorum ad tantæ gentis gloriam, quod sciam, observatum. Describit pulcherrime Polybius Megapolitanus libr. 6. pag. 469. quem vide: & ex eo Tit. Livius 3. Decad. libr. 1. in obsidione Sagunti: & post utrumque Dionysius Halicarnassensis libr. 5. pag. 312. Appian. Alexandrin. in bello Celt. in principio: & δόρατα Ρωμαῖοι καλῶσι νήσους: quæ interpretes, quia non intellexerat, non vertit, *quas hastas* (pila, quæ describit) *Romani vocant nesses*; sed locum corruptum restitue & lege: Ρωμαῖοι καλῶσιν ἰσθμὸς. *Romani vocant pila*: qui error ab imperito est librario, qui literam, priori dictioni adeptam, posteriori male junxerat. Glossar. vetus. πῖλος, ἰσθμὸς. Iterum Glossar. *pilum*, ἰσθμὸς: & alibi *pilum* Ρωμαίων δόρυ, *Romana hasta*. Lambertus Hortensius Montfortius in M. Lucani Pharsaliam. L. Seneca libr. 3. de Ira cap. 2. Ipse Lucanus libr. 1. in limine; Et libr. 3. v. 589.

Pila sed in medium venire tremantia pectus.

Et libr. 7. v. 460.

Pila parata diu tensis tenuere lacertis.

Et libr. 8. v. 597.

Septimius, qui, pro superum dolor! arma satellites

Regia gestabat posito deformia pilo.

Juvenal. Sat. 10. v. 94. Stat. libr. 3. Silv. 3. v. 101. Et libr. 4. Thebaid. v. 110. P. Ovid. libr. 6. Fastor. principio:

Mittere qui poterat pila, disertus erat.

Silius Italicus libr. 8. Punicor.

Pila volant, brevibusque habiles mucronibus enses.

Valer. Flacc. libr. 6. Argonaut.

Roma-

*Romanas veluti favissima cum legiones
Tiphbone, regesque monet, quorum agmina pilis,
Atque Aquilis utrinque micant.*

Per pilum itaque honorem castrensem intelligunt; unde *primum pilum coepere* dixit Plinius libr. 22. cap. 6. Ab eo & *primipilaris* dignitas frequenter apud probos auctores. Et *pilata cohors* Martiali dicta libr. 10. Epigr. 48. Hinc *primipilaris*. Æl. Spartian. in Fescennino Nigro pag. 110. Et *primipiliarius*. Idem in Didio Juliano pag. 91. Et ab eodem etiam fonte *Pilani* appellati, ut est fufissime apud T. Livium 1. Decad. libr. 3. P. Ovid. libr. 1. Fastor. Et notat Robertus Valturius libr. de Re Militari:

Et totidem princeps, totidem Pilanus habebat.

Lapsis Reip. deinde temporibus, & non magis Imperio extenuato, quam corrupta lingua, *pilum* idem fuit, ac *spiculum*. Fl. Veget. libr. 2. Rei Milit. cap. 15. Item *bina missilia, unum majus, ferro triangulo, unciarum novem, hastili pedum quinque ac senis, quod pilum vocabant, nunc spiculum dicitur, ad cujus ictum precipue exercebantur milites*. Forte non alienum esset, lectionem istam admittere, *ad cujus jactum precipue exercebantur milites*. Notum quippe, pilum jacere in hostem, & excutere consuevisse. Idem Veget. libr. 1. cap. 20. *Ita enim vibrandis spiculis vehementior ictus est*. Quæ verba sunt in libello Modesti ad Tacitum Augustum de Vocabulis Militaribus. Plura de Pilo Romano a me sunt dicta ad illud Claudiani libr. 2. in Ruffinum:

*Jam jam barbaricos sitientia pila cruores
Sponte volant.*

*Etruscorum inventum venabula venatoria, quibus
ingentis magnitudinis feras comminus
excipiebant.*

CAP. LXXXIX.

Etruscorum Regem, de quo superiori libro cap. 29. *Pisum venabula* invenisse auctor est Plinius libr. 7. cap. 56. a quo & Græci primum ejus usum instrumenti venatorii acceperint: quæ *Dorica* vocata, vel ab armatura sic dicta, Helychio teste: vel *Laconica*; ea quippe gens a Dorica origine erat: vel certe a *Doride*, in quo monte hastilia apta venabulis. Adrian. Turneb. libr. 17. cap. 2. Martialis in Amphitheatro Titi Epigr. 23.

Dorica quam certo venabula dirigit ictu.

Hanc Etruscorum inventionem transcripsit ex Plinio Polydorus Virgilius libr. 2. de Rer. Inventorib. cap. 11. Romani sane hoc quoque ab Etruscis mutuati, ut jam ex dicendis his patebit. *Venabula* contendit Servius Maurus ad libr. 4. Æneid. v. 131. pag. 321. dicta, quod sint apta venatui, quasi excipiabula. Isidor. libr. 18. Etymologiar. cap. 7. *Venabula* interpretatur, quasi venatui *habilia*. Non. Marcell. cap. 18. num. 23. *Venantium telum latissimum*, a ceteris aciei longissime exponit. Græcis est *προβόλιον*, quod feris obiciatur. Notat Æmilius Portus, Xenophon. libr. de Venatione passim, maxime pag. 991. quem vide. Plinius Junior libr. 1. Epist. 6. Poëtæ frequentissime. L. Seneca Hippolyto Act. 1. sc. 1.

*Tu gravè dextra, lævaque simul
Robur lato dirigo ferro.*

Martial. libr. 14. Epigr. 30. lemma est *Venabula*;
*Excipient apros, expectabuntque leones,
Intrabunt ursos, sit modo firma manus.*

M. Varro Satyr. *ὄντες λύκων.*
*... nempe fues silvaticos
In montibus sectaris venabulo,
Aut cervos.*

Sidon. Apollinar. Carm. 7. v. 199.
*... colluclantique lacerto
Vasta per adversas venabula figere preda.*

Gratius Etruscus Poëta, ævo Augusti, in Cynegit.
*Ille etiam valido primus venabula dente
Induit, & proni moderatus vulneris iram.*

M. Lucan. libr. 1. v. 212. de Leone:
... latum subeant venabula pectus.

Stat. Papin. libr. 2. Silv. 5.
*Non formidato supra venabula saltu
Incitus.*

Denique Romani utebantur venabulo, non modo in veris venationibus, sed etiam in amphitheatralibus, & arenariis, quæ ad verarum speciem in gratiam populi exhiberi solebant, productis gladiatoribus, & immanibus belluis objectis, ut describit Fl. Vopiscus in Probo pag. 354. Idque maxime fiebat, cum ad bellum educeret copias Imperator. Jul. Capitolin. in Maximo & Balbino pag. 249. Credebant enim, venationem belli esse imaginem. In hac venatione venabulo gladiatores muniti, ut ex multis Epigrammatis in Amphitheatro Martialis manifestissimum est. Et sale multo D. Juvenalis Satyr. 1. in principio:

Figat aprum, & nuda teneat venabula mamma.

*Etruscorum inventum prætoria Ducum, sive cælula
aut uranisca: ea pellibus tegi solita: in obsidione
Vejentum a Romanis usurpata primum: pa-
piliones: contubernales dicti, qui sub
iisdem pellibus milites
hiemassent.*

CAP. XC.

AD majestatem Principum militantium attinere videbatur, ut
^{duplōνικον, seu conopœum, aut cælulum, (ita enim in libr. 3.}
Iliad. expositum ab Eustathio) Dux saltem quieti nocturnæ
captandæ haberet, hoc etiam, ut pleraque alia, Etruscorum
inventum. Sext. Propertius Lucumonem facit auctorem libr. 4. Eleg. 1.

Prima gæleritus posuit prætoria Lygmon.

Romanis certe serior ejus rei, ut multarum aliarum usus concessus;
neque enim ii habuerunt, ante Vejorum obstinatam illam obsidionem,
hoc est annum Urbis Conditiæ 327. ut non male notavit Joannes Cam-
mers; quod magnis firmatur auctoribus. T. Liv. 1. Decad. libr. 5. *In*
Vejorum obsidione primum sub pellibus hiemare ceperunt. L. Flor. libr. 1.
Histor. Rom. cap. 12. *Vejentum quanta res fuerit, indicat decennis obsi-*
dio: tunc primum hyematum sub pellibus, taxata stipendio biberna. Quæ
ille, ut multa alia, verbatim ex Livio transcripsit, ut non male in Co-
dice MS. hic titulus sit: *L. Annaei Flori Epitoma de Hystoria Titi Livii,*
argumentum feliciter incipit. Ita vidisse se testatur Josephus Chassa-
naus; at in editione vulgata, sed vetustissima hæc Epigraphæ præfer-
tur: *Incipit Lucii Annaei Flori Epitoma de Tito Livio, qui Historiam R.*
ab Urbe Condita scripsit. Sed de Floro satis: ad prætoria, sive tentoria
redeo. Mos ille a Tuscis ad Græcos Latinosque migravit. Ac de Græ-
cis quidem Arrian. Nicomed. libr. de Gestis Alexandri: *Tentoria mi-*
litum erant ex pellibus, levi materia repleis. Ita interpretæ Latinus; nam
Græcus Codex non est ad manum. Idem libr. 3. *Jubet tentoriis pelles*
destrabi, easque minutis ac levibus festucis consui. Q. Curtius Rufus
libr. 7. *Sape pellibus tabernaculi allevatis, ut aspiceret hostium ignes.*

Romani vero quam frequenter pellibus usi sint ad prætoria sua in-
tegenda, docent sequentiæ. Epistola Valeriani Aug. ad Zosimionem
apud Trebellium Pollionem pag. 305. in Divo Claudio: *Pellium tento-*
riarum decurias triginta. Fl. Vopisc. in Aureliano: *Pelles ad tabernacula*
& tentoria paratæ. Ammian. Marcellin. libr. 19. *Sub pellibus exercitus*
dissu-

diffuso, per Istri fluminis margines barbaros observabat. Cæsar Comment. de Bello Gallico libr. 3. in fine. *Ejusmodi tempestates sunt consecutæ, ut opus necessario intermitteretur, & continuatione imbrum diutius sub pellibus mixta contineri non posset.* Idem libr. 3. de Bello Civili cap. 4. *Reliquarum legionum adventum expectare, & sub pellibus hyemare constituit.* Corn. Tacit. in rebus Neronis libr. 13. *Annal. Retentus omnis exercitus sub pellibus, quamvis hyeme sæva, adeo ut obducta glacie, nisi effossa humus, locum tentoriis non præberet.* Latin. Pacat. Drepanius in Panegyrico Theodosii: *Summatim tuum illud contingant, cum patre divino castrense collegium, hiemes actas sub pellibus, æstates inter bella sudatas.* Cl. Claudian. libr. 1. de Laudib. Stilic.

... patris stimulos ignesque mariti
Vincit cura ducis, quoties sub pellibus egit
Ædonas hyemes? vel tardi flabra Bootæ
Sub dio Ripheæ tulit?

Ita constanter in MS. meo; at in quibusdam vulgatis paulo aliter. Servius ad illud libr. 12. *Æneid. v. 365.*

Ac velut Edoni Boreæ cum spiritus alto

Infonat Ægeo. Idem. *Æneid. v. 365.*

Contra *Ædonius* apud Statium libr. 5. *Thebaid. v. 78.*

Dulcius Ædonias hiemes, Arctonque frumentem
Excipere.

Ad tentoria, seu prætoria redeo, quæ & ἀπρωιάκια, sive calula, & κονοπαῖα appellantur, ut ex Poëmata meo de *Musca* liquet; sed & tabernacula. Sub eodem autem tabernaculo hiemantes, militari vocabulo dicti contubernales. Vetus lapis. (1)

CN. CVRIONI
SABINO
LEG. XVII. MIL
P. METELLVS
CALVINVS
CONTVBERNALI
DULCISS. POS.

Altera item vetus Inscriptio apud Wolfgangum Lazium libr. 4. *Commentar. Reip. Rom. cap. 5. (2)*

AVLVVS. CORAVLVVS. MIL.
LEG. XXII. PP. F. QVI
VIXIT. AN. XXXIII. STIP.
XIII. CIVES. CIVITATE. ANCHE
V V SANVS. DIATR

ET.

(1) Apud Grut. pag. 539 num. 6. (2) Apud eundem Grut. pag. 525. num. 7.

ET. MVCAPOR. MVRALIS

MIL. LEG. FRATRES. ET. CONTVERNALES. OPT
PIETATE. FECERVNT.

Plura qui cupis, adi Robertum Valturium libr. 9. Rei Militar. pag. 190. & ego dixi libr. 5. Antiquitat. Rom. cap. 31. de pellibus multa. Denique conopsea hæc etiam *papiliones* appellata. Æl. Spartian. in Pescennio Nigro: *Idem in omni expeditione ante omnes militarem cibum sumpsit ante papilionem.* Æl. Lampridius in Alexandro Severo: *In prociñctu atque expeditionibus apertis papilionibus prandit atque cœnavit. Quum militarem cibum cunctis videntibus, atque gaudentibus sumeret.* Et post in eadem historia: *Pranderat forte publico. ut solebat, convivio, idest apertis papilionibus.* Illa non semper ex pellibus; sed invalescente luxu etiam aurati. Trebell. Pollio in Herode: *Homo omnium delicatissimus, & prorsus Orientalis, & Græce luxuria, cui erant sigillata tentoria, & aurati papiliones, & omnia Persica.*

*Etruscorum inventum scorio, tormentum poliorceticum,
atque etiam telum: duplex, major, minorque:
onager etiam dictus.*

C A P. XCI.

HOC quoque expugnandis urbibus idoneum, ne quid deesse tantæ gloriæ videatur, Etruscis debetur. C. Plin. libr. 7. cap. 56. *Pisum venabula, & in tormentis scorpionem, Cretas, catapultam Syros, Phœnica balistam & fundam.* Ita quidem Codices vulgari; sed longe melius MSS. in quibus, quod etiam præfert editio Jacobi Dalecampii, sic legitur: *Pisum venabula, & in tormentis scorpionem: Cretas catapultam: Syrophœnicas balistam & fundam.* Claro sensu, & probabili; solet enim Plinius inventorum nomina præponere, iisque res inventas subungere. Valebat itaque Scorio, qui & onager dicebatur, potissimum in Urbium obsidionibus, ut a Justo Lipsio libr. Poliorceticon ostenditur: estque tam tormentum ipsum, quam telum, tormento emissum, ut notat Hadrianus Turnebus libr. 15. Adversarior. cap. 1. Cæsar libr. 5. Belli Civil. *Scorpione accuratius misso, atque eorum decurione percusso, & ad terram defixo.* Solent enim promiscue telum pro tormento accipi, & tormentum teli loco poni. M. Plaut. in Curcul. sc. *Beatus:*

Nam illa ad me catapultæ trebro comœant.

Et sc. *Argentarius* eadem fabula:

Ego

*Ego ex te hodie faciam pilum catapultarium,
Ita te nervo torquebo itidem, ut catapultæ solent:*

Describit Marcellinus libr. 23. Historiar. & Modestus obiter ex eo de Militarib. Vocabul. *Scorpionis*, quem appellant nunc *onagrum*, hujusmodi forma est: dolantur axes duo quernei vel ilicei, curvanturque mediocriter, ut prominere videantur in gibbas: hique in modum serratorie machinæ connectuntur, ex utroque latere patentius perforati, quos inter per cavernas funes colligantur robusti, compagem ne disiliant continentes, ab hac medietate restium, ligneus stilus surgens obliquus, & in modum jugalis temonis erectus, ita nervorum modulis implicatur, ut alius attolli possit, & inclinari: simul atque unci ferrei copulantur, ex quibus pendet stappa vel ferrea funda, cui ligno fulcimentum prosternitur ingens cilicium, paleis confertum minutis, validis nexibus illigatum, & locatum super congestos cespites, vel lateritios aggeres; nam muro saxeo hujusmodi moles imposita, disiectat quidquid invenerit subter concussione violenta non pondere. Cum igitur ad concertationem ventum fuerit, lapide rotundo fundæ imposito, quaterni altrinsecus juvenes repagula, quibus incorporati sunt funes, explicantes retrorsum, stylum pane uncinum inclinant; itaque demum sublimis adstans magister, claustrum, quod totius operis continet vincula, referat, malleo forti percussus, unde absolutus ictu volucris stilus, ac molliitudine offensus cilicii saxum intorqueat, quidquid incurrerit, collisurum. Et tormentum quidem appellatur, quod ex eo omnis explicatio torquetur; scorpio autem, quoniam aculeum habet desuper erectum: cui etiam onagri vocabulum indidit ætas novella, ea re, quod asini feri, ut venatibus aguntur, ita eminus lapides post terga calcitrando emittunt, ut perforent pectora sequentium, aut perfractis ossibus capita ipsa displodant. Idem libr. 19. Per scorpionum ferreas fundas, e propugnaculis subinde rotundi lapides acti, dissolutis turrium coagmentis, balistas, earumque tortores fudere præcipites. Et violentia ab eodem insinuat libr. 24. Histor. Post machinam scorpionis architectus forte adstans, reverberato lapide, quem artifex titubanter aptaverat fundæ, obliquo pectore sauciatus perfudit animam, disiecta compage membrorum, adeo ut ne signa quidem totius corporis nosceremur. Vide doctissimum Tiliobrogam.

Licet eandem machinam dicat Ammianus esse scorpionem & onagrum; tamen distinguunt boni Auctores. Vitruvius Pollio libr. 10. cap. 1. Tertullianus, Isidorus, laudati a doctiss. Godescalco Stennechio ad libr. 4. Fl. Vegetii cap. 22. Ctesibius, Apollodorus, Athenæus, Philo libr. de Machinis, & Anthemius a Guilhelmo Xylandro citati ad Vitruvii libr. 10. cap. 15. etiam consulantur. Et epistolæ, rerum nuntiæ, scorpionibus emissæ. Sallust. libr. 3. Historiar. Denique scorpio duplex, major una, minor alia, ut ex Sileno Græco Auctore vetustissimo, & Valerio Antiate constat, laudatis a T. Livio 3. Decad. libr. 6. Et consule Wolfgangum Lazium libr. 4. Commentarior. Reip. Rom. cap. 6.

Etruscorum usus bis in die mensas ponere: & Romanos semel tantum comedere solitos, idque vesperi: prandia non semper in usu.

C A P. XCII.

O Pipara duplicis mensæ lautitia ab Etruscis usurpata Athenæus libr. 4. Dipnosophist. pag. 153. Παρὰ δὲ Τυρρηνῶν δις τῆς ἡμέρας τραπέζαι πολυτελεῖς παρασκευάζονται, ἀνθινὰ τε σρωμένα, καὶ ἐκπώματα ἀργυρᾶ παντοδαπὰ, καὶ δύλων πλῆθος εὐπρεπῶν παρέστηκεν, ἐσθῆσιν πολυτελεῖσι κεκοσμημένον. Quæ sic Latine sonant: *Apud Tuscos bis quotidie mensæ parantur sumptuose, cum stragulis florido colore tinctis, ac omnisfaris ex argento poculis, & magno servorum numero, qui decoris ingentisque pretii vestibus induti adsistunt.* Hæc quidem Etruscorum fuit opulenta magnificentia, quam sensim Romani crescentibus opibus imbibebunt: sensim, inquam; quia initio nascentis Reipublicæ, semel tantum de die vefci moris erat, neque censorias in id latas leges transgredi licebat. Notum illud Servii Mauri ad libr. 4. Æneid. *Prandia in usu non erant.* Et ex illo Isidor. libr. 2. Etymologiar. cap. 20. Salvian. Massiliensis libr. 1. de Providentia & Judicio Dei: *Nunquid parcam illam tunc, agrestemque vitam cum gemitu & dolore tolerabant, cum viles & rusticos cibos ante ipsos, quibus coxerant focos, sumerent, eosque ipsos capere, nisi ad vesperam non liceret?* Aurel. Cassiodor. libr. Comment. in Psalm. 14. *Sicut antiquis mos erat, semel cibum sumere.* Servio favet L. Seneca Epist. 122. Et Pomponius Sabinus: *Antiqui non prandebant, uti in vita Galieni traditur.* Manlius Severinus Boëthius libr. 2. de Consolatione Philosophiæ Metro 5.

*Felix nimium prior ætas,
Contenta fidelibus arvis,
Nec inertī perdita luxu;
Facili quæ sera solebat
Jejunia solvere glænde.*

Hæc licet certa sint populi Romani rudimenta, tamen virulenter Philippus Beroaldus invecus est in Servium Annotatione num. 24. qui semper in usu prandia fuisse Romæ docere nititur: eumque secutus Janus Parrhasius Epistolice Questionibus Epist. 57. Joan. Bodinus ad libr. 1. Oppiani Cynæget. Guilielm. Philander in M. Vitruvii Architectonicæ libr. 6. cap. 5. & alii Criticorum. Et videtur favere Cicero 3. Verrina: *Quid ego adventus istius prandia, cænas, equos, muneraque commemorem?* Sed ille mos non Romanorum fuit, sed Asiaticorum luxu perditorum. Valer. Maxim. libr. 2. cap. 1. *Prandere & cænare*
Tom. I. M m m in

in propatulo verecundia non erat. Quæ de media ætate, non prima sunt capienda: uti & illa Macrobii libr. 2. Saturnal. cap. 13. *Patentibus januis pransitaretur & canitaretur.* Neque aliter poetæ sunt intelligendi, cum prandii meminerunt. Horat. libr. 2. Satyr. 4.

..... *qui nigris prandia moris*
Finiet.

Et Satyr. 3. præcedenti:

Lascivias soliti impensas præbere coemptas.

A. Persius Satyr. 1.

His mane edictum, post prandia Callirboendo.

Certum igitur sit, ut in usu prandia fuerunt Romanis post Asiam devictam; ita initio conditæ Urbis licuisse semel tantum de die vesci, quamquam nostri Tusci laute bis epularentur, & Græci eorum exemplo. Jul. Pollux libr. 6. Onomast. cap. 1. Quin imo cum investa sunt Romam prandia, soli semper prandebant, cum amicis hilarius, veluti diei laboribus perfuncti, cœnabant. Plutarch. libr. 8. Symposiac. cap. 6. qui locus dignissimus est consuli. Quare Cornelius Celsus libr. 1. cap. 3. *Hieme si prandet aliquis, utilius est exiguum aliquid, & ipsum siccum, sine carne, sine potione sumere.* Et rursus idem libr. 4. & ex eo L. Seneca Epist. 83. Hinc illud est, quod prandium cœnæ nomine vocabant. Fest. Pomp. libr. 3. in voce *Cœnas*, & libr. 17. in voce *Scœnas*. Et libr. 14. in voce *Prandium*. Mutatus est locus, quem Guilielmus Canterus libr. 4. Novar. Lætion. cap. 28. fatetur, se non posse supplere; at deest dictio Græca *πρόην*, ut Josephus Scaliger docuit.

Inveſto more prandendi, Romani a prandio dormiebant, aliumque veluti diem meridianes faciebant. Plinius Junior libr. 3. Epist. 5. L. Seneca Epist. 84. Et libr. de Tranquillit. Vitæ cap. 1. quod illi vocant diem interjungere. Horat. libr. 1. od. 1.

..... *partem solito demere de die.*

Martial. libr. 3. Epigr. 67.

Exarsitque dies, & hora lassos

Interjungit equos meridiana.

Hoc illud est, quod meridiari appellant. Multa doctissimus Savaro. Sueton. Augusto cap. 78. & in Calig. cap. 38. Plinius Panegyrico Trajani. Paul. Diacon. libr. 2. Histor. Longobardor. cap. 28. de Alboino Rege. Gregor. Turonens. libr. 10. Hist. Franc. cap. 2. de Alarico Romanam capiente, quod jam scripserat Procopius Cæsariensis libr. 3. Vestigium ejus moris & in sacris literis libr. 2. Reg. cap. 11. & in Jobo cap. 24. ubi Nicolaus Lyra. Hinc Poetæ. M. Varro in Quinquatribus apud Nonium Marcellum cap. 2. num. 131.

Quam in testudineo lecto, culcita plumea

De die dormire.

P. Ovid. libr. 1. Amor. Eleg. 5.

Æstus erat, mediamque dies exegerat horam,

Apposui dubio membra levanda iboro.

Q. Catull. Epigr. 30.

*Meæ delitiæ, mei lepores,
Jube ad te veniam meridiatum.*

Paucis interjectis deinde ostendit, quid sit meridiare:

Nam pransus jaceo, & satur supinus.

In aliis editionibus male:

Nam pransus jaceo, & satis supinus.

Salernitanæ certe Scholæ doctores meridiare damnant, nescio quid inde turbidum clamantes oriri:

..... somnum fuge meridianum.

Quin imo Medici illi veteres omnem panem esum potumque consuetum admixta glacie aut nive inhibebant; usque adeo, ut Galenus libris de Alimentorum facult. omnia bellaria pomaque secundis mensis inferri solita, ceu noxia excludat; at contra Catus salubria ea defendit, ut & Plinius libr. 15. cap. 12. & libr. 33. cap. 7. Jun. Moderat. Columella libr. 10.

Ambrosias præbent succos oblita nocendi.

Qui plura vis de cenarum nimio luxu, protractisque tota nocte in multam sequentis diei lucem epulis, consule, quæ reperies a me scripta libr. 5. Antiquitat. Romanar. cap. 27.

*Etrusci poculis argenteis utebantur: in duplici genere,
cælata, & pura: ministri ab argento, qui
ea asservabant, dicti.*

C A P. XCIII.

POcula argentea ab Etruscis ad Romanos migrasse, locus Athenæi superiori capite allatus docuit. Ea sane, vel pura erant, qualia frugi homines, etiam luxu investo, sobrietatem sapientes, habebant: vel cælata, immensoque pretio peritissimorumque artificum manu sculpta. C. Plin. Junior. libr. 3. Epist. 1. *Apponitur cæna non minus nitida, quam frugi, in argento puro & antiquo.* Alter Plinius libr. 33. cap. 12. *Et quid attinet hæc colligere, cum capuli militum contempto ebo, aut etiam fastidito, cælentur argento, vaginæ battillis, baltei laminis crepitem, jam vero pedagogia ad transitum virilitatis custodiantur argento, semina laventur, & nisi argentea solia fastidiant, eademque materia & cibis, & probris serviat.* Mela J.C. apud Ulpianum l. 7. ff. de in rem verso. *Illud verum non est, quod Mela scribit, si servo meo argentum dederis, ut pocula tibi faceret ex quolibet argento, mox factis poculis servus decesserit, esse tibi adversum me de in rem verso*

M m m 2

actio-

actionem, quoniam possum pocula vindicare. Vetus Scholiast. Juvenal. ad v. 141. Sat. 9. *Non licebat Senatorem olim supra decem libras argenti habere.* Sic Poëtæ audiendi. P. Virgil. libr. 1. Æneid.

*Ingens argentum mensis, celataque in auro
Fortia facta patrum.*

Juvenal. Sat. 1. v. 76.

Argentum vetus, & stantem extra pocula caprum.

Et Satyr. 9. v. 141.

Pignoribus positis argenti vascula puri.

Et Satyr. 10. in principio:

Pauca licet portes argenti vascula puri.

M. Martial. libr. 8. Epigr. 6.

*Argenti furiosa sui dum stemmata jactat
Garrulus.*

Sed censerem cum Lipsio meo legendum:

*Argenti furiosa sui dum stemmata jactat
Garrulus.*

De celatura vero argenteorum poculorum, vetus D. Juven. Scholiastes ad Satyr. 1. v. 76. Paulus J. C. l. 13. ff. de condi& furt. ex Fulcinio J. C. Ex argento surrepto pocula facta condici posse Fulcinius ait, ergo in conditione poculorum, etiam celatura æstimatio fiet, quæ impensa furis facta est. Ulpian. J. C. l. 19. ff. aur. & arg. leg. Si escarium argentum legatum sit, id solum debetur, quod ad epulandum in ministerio habuit, id est ad esum & potum. Qui locus sanus frustra tentatur a Criticis, cum sit correctio eorum non ferenda, qui pro id est reponunt item. L. Sen. libr. de Tranquill. Animi cap. 1. Placet argentum grave rustici patris, ac sine ullo opere ac nomine artificis. Et Consolat. ad Helviam. cap. 11. Si quis desiderat aureis fulgentem vasis suppellectilem, & antiquis nominibus artificum argentum nobile, es paucorum insania pretiosum. Sed quoniam illi tam nobiles, tam periti in celandis argenteis poculis artifices? Cum C. Plinius dicat libr. 33. cap. 12. Mirum auro celando inclauisse neminem, argento multos, maxime tamen laudatus est Mentor. Ecce insanam penitus vescentium ingluviem, enormemque ac vix credendam luxuriam, cum aurum ab argento superaretur pretio. Et de artificibus illis. Martial. libr. 8. Epigr. 51.

Qui labor in phiala? Docti Myos? Anne Myronis?

Mentoris hæc manus est, an Polyclete tua?

Emblemata ista, seu sculpturæ pretiosæ, proprio nomine formæ vocabantur. Sext. Propert. libr. 3. Eleg. 8.

Argumenta magis sunt Mentoris addita formæ,

Et Myos exiguum flectit acanthus iter.

Et libr. 4. Eleg. 2.

At tibi Mamuri formæ celator abenæ,

Tellus artifices ne terat Osca manus.

Præfati istis poculis lævi, dicuntur ab argento, uti solemus dicere,
a pe




ΜΑΥΜΑΧΙΝΙ


ΜΑΥΜΑΧΙΝΙ



Vas cum patera ex argento deaurato, aene xxviii, repertum in agro Clusino: ex delineatione transmissa a Laurentio Sozzofanti Patrie Fictorioni, et in Ordine D. Stephani Priori, in cuius Museo servabantur utriusque ibi adhuc existit, patera vero deperdita.

Vin. Francoschini sculp.





*Peculiariis delineatio figurarum, quae in uase, praefigendo. Tab. LXXVIII in limbo superiore qui totus uasculum habet, caelatae sunt. Littera A hic repetita deinde unam
candelamque una ut ipsa ex utroque latere de igne capies orat. sacrificando pompae. Vaque ordo deinet in multas natus littera B*

LIBER III. CAP. XCIII. 461

a pedibus, ab epistolis, a manu. Inscriptiones quasdam apponam. (1)

ANTHVS. AD
ARGENTVM

POT. L. CAESARIS. &C.

Alia autem sic se habet. (2)

OSSA

VIBIAE. SVCCESAE. LIVIAE. AVG. SER
AB. ARGENTO. POTRIO. &C.

Tertius Lapis ita fert. (3)

PARTENIVS. CAESARIS. N. AB. ARGENTO. POTRIO. &C.

Quartum denique fragmentum est. (4)

ET. GEMELLO. AVG. LIB. PRAEPOSITO. ARGENTI.
POTRIO. (5)

*Etruscis in usu servi delicati, probeque vestiti, qui mensis
famularentur: Romani hoc etiam æmulati, pueros Ale-
xandrinos, & Symphoniacos in triclinia admittebant.*

C A P. XCIV.

Etruscos omnis lautioris victus duces habuerunt Romani; nam illi pueros venustæ formæ, & pretiosis indutos vestibus, ad honesta maximeque necessaria mensæ officia alebant, ut verba Athenæi, proxime supra laudatæ cap. 92. fidem faciunt: ab his, ut omnia alia præclara, exemplum mutuata Roma, pueros dicaces, garrulosque ad convivantium hilaritatem Alexandria accersebant. Philo Judæus libr. de Vita Contemplativa, cujus verba Petrus Ciaccopus Latina fecit: *Ministrantibus formosis mancipiis, non tam ad præsens ministerium quesitis, quam ad exhilarandos aspectu convivantium oculos: ex iis minores pueri pincernas agunt, grandiores aquam adferunt loti, & nitidi, fucati, ac cincinnati; alunt enim capillitium, vel omnino intonsi, vel a fronte tantum, præsectis in orbem crinibus, tenuissimas candidasque præcincti tunicas, anteriori parte ad genua demissas, posteriore ad poplites, utrinque mollibus tenuis adstricti, commissuras tunicae, propendentibus ad latera sinibus, sic ornati adsunt, nuntius observant, quid quisque postulet. Vide multa, quæ sequuntur, & quædam obicæna etiam, ex iudustria, quia Christiano indigna, adscribere nolui.*

Ho-

(1) Apud Grut. pag. 582. num. 6. (2) Apud eundem pag. 578. num. 5. (3) Apud eundem pag. 578. num. 9. (4) Apud eundem pag. 532. n. 7. (5) Argentea vasa calaturis ornata apud Etruscis in usu fuisse demonstrat vas argenteum, cujus typum hic posuimus.

Horum nonnulli Symphoniaci dicti, quod grata voce cœnantibus psallerent. Cicero Act. 6. Verr. *Symphoniacos sex amico suo cuidam Romam mittit muneri*. L. Seneca Epist. 84. *In commensationibus nostris plus est cantorum, quam fuit olim theatris spectatorum*. Justus Lipsius Epistolicis Quæstion. Epist. 9. libr. 3. putavit legendum in *commissionibus*; sed non bene, nam convivii luxum taxat Philosophus: eum infeliciter sequuti Obsopæus, Janus Gruterus, & alii. De his pueris locum vide elegantem apud C. Plinium libr. 7. cap. 12. ubi male *Tarnius Mango* dicitur, qui aliis est *Thoranius*, quem hujusmodi puerorum familiam aluisse docent C. Suetonius in Augusto cap. 69. Et Macrobius libr. 2. Saturnal. cap. 4. ubi Isacium Pontanum consule. Jul. Solin. Polyhistor. cap. 5. pulchram Antonii licitationem narrat. Atque hos boni principes civesque sobrii non admittebant, sed probro ducebant ei convivio adesse, cui illi fuissent adhibiti. C. Plinius Junior in Panegyrico Trajani. Claudian. libr. 2. de Laudib. Stiliconis.

..... nullo cytharæ convivio cantu,

Non pueri lasciva sonant.

Alexandrini, inquam, hi ut plurimum erant qui jocis festivis, & dicitate vernula convivis studerent placere. Sueton. Augusto cap. 98. C. Petron. Satyrico: *Tandem ergo discubimus, pueris Alexandrinis aquam nivatam in manus infundentibus*. M. Fab. Quintilian. libr. 1. Oratoriar. Instit. cap. 2. *Verba ne Alexandrinis quidem permittenda delitiis*. Capitolin. in Vero Augusto. *Adduxerat secum & fidicinas, & tibicinas, & bistriones, scurrasque mimarios, & prestigiatores, & omnia mancipiorum genera, quorum Syria & Alexandria pascitur voluptate*. Ita Poëtæ. Stat. libr. 5. Silv. ult.

*Non ego mercatus Pharia de puppe loquaces
Delitias, doctumve sui convivia Nili
Infantem, linguaque simul, salibusque protervum
Dilexi.*

Idem libr. 2. Silv. 1. v. 70.

*Tu modo delitiæ, dulces modo pectore curæ,
Non te barbarice versavit verna catasta,
Nec mixtus Phariis venalis mercibus infans,
Compositosque sales, meditataque verba locutus
Quæssisti lascivus herum.*

Martial. libr. 4. Epigr. 42.

*Niliacis primum puer hic nascatur in oris,
Nequitias tellus scit dare nulla magis.*

Pueri itaque isti *delitiæ* dicti, ut satis liquet.

Etru-

[1] Servi mensæ servientes cerni possunt in anaglypho, cujus imaginem hic exhibemus.



Perusia In Marmore Apud Nobiles De Meniconis.

G. M. Scut.

*Etruscorum mores delicati ab Auctore perstricti: æmulati
Romani Gaditanas puellas mensis adhibebant.*

C A P. XCV.

HOC licet inverecundum, fateor, ac pudicitiae noxium, tamen ab iisdem auctoribus Romam migravit. Timæus libr. 1. Historiar. apud Athenæum libr. 4. Dipnosoph. pag. 153. Τίμαιος ἐν τῇ πρώτῃ τῶν ἱστοριῶν καὶ θεραπεύωντος φησὶ παρ' αὐτοῖς Τυρρηνοῖς μέχρις οὗ ἐν ἀνελκυσσῶσι γυμνὰς διακονεῖσθαι. *Timæus libro primo Historiarum prodidit etiam apud illos (Tuscos) ancillas, quo usque adultæ sint, nudas ministrare.* Hoc procacius inventum a Lydis indubie fuit, prisco ævo usque ad infamiam mollibus: qui ex Mæonia in Etruriam commigrantes, aliqua pristinae mollietatis vestigia reliquerunt, & semina Tuscorum animis, cum quibus in unum corpus coaluerant, infuderunt. Vide, quæ dicta sunt a me libr. 1. cap. 4. hoc opere. Et Lydas quidem mulieres male audisse, καὶ τῆς μαλακίας incufatas plerique veterum prodiderunt. Jon in Omphale:

Ἀλλ' αἱ λυδαὶ ψάλτριαι παλαυθετῶν

Τῶνων ἀοιδὶ τὸν ξένον κοσμήσατε.

At vos Lydie psaltriae vetustorum

Hymnorum cantatrices ornate hospitem.

Hoc quoque lascivum exemplum sequuti Romani sunt, ut appareret, eos & virtutem & vitia Etruscorum avide percepisse. Aurel. Macrob. libr. 2. Saturnal. cap. 1. *Quia sub illorum supercilio non defuit, qui psaltriam introrūm pateret, ut puella ex industria supra naturam mollior, canora dulcedine, & saltationis lubrico exerceret illecebris philosophantes.* Vetus Scholiastes Juvenalis ad Satyr. 11. v. 162. *Speras forsitan, quod incipient saltare delicatæ, ac pulchræ puellæ Syriæ, quoniam de Syris & Afris Gades condita est: nunc, inquit, expectas apud pantomimas, aut Lyristrias de Gadibus, quod lasciviant.* Ex quibus meridiana luce clarius est, has notas non esse unius scriptoris, sed a variis viris doctis marginibus superadditas; atque adeo id verum est, ut interdum inania, aliquando ridicula, sed & puerilia, ac nonnunquam etiam contraria, sibi pugnancia notare licet; sed hæc alibi. Neque vero caret nota, quod Gaditanas puellas idem Scholiastes Syrias vocet, cum de Hispanis certum sit loqui Satyricum, quarum ævo illo mollietate ignobilis erat; nam Gades insula est prope Bæticam, dirimens Africam ab Europa 120. millibus passuum, nobilitata Herculis columnis. Hanc certe puellarum Gaditanarum enervem spurcitiem notant Poëtæ. Juvenal. loco jam proxime supra laudato:

Forsitan expectas, ut Gaditana canoro

Incip-

*Incipiat prurire choro, plausuque probate
Ad terram tremulo descendat chune puella &c.
Irritamentum Veneris languentis, & acres
Divitis urtica,*

M. Martialis frequentissime meminit, & pæne passim. Aliquot adscribam loca, quo facilius libido Romanorum usque ad infamem luxuriam provecta videatur. Libr. 3. Epigr. 63.

*Cantica qui Nili, qui Gaditana susurrat,
Et movet in varios brachia vulsæ modos.*

Et libr. 5. Epigr. 79.

*Nec de Gadibus improbis puellæ
Vibrabunt sine fine prurientes
Lascivos agili tremore lumbos.*

Et libr. 6. Epigr. 71.

*Edere lascivos ad Bætica crumata gestus,
Et Gaditanis ludere docta modis.*

Et demum Idem libr. 14. Epigr. 203. cujus lemma est puella Gaditana:

Tam tremulum crispas, tam blandum prurit.

Sed & Lydias puellas, ad hos usus receptas video tempore Domitiani, sive ex Lydia ipsa Asiatica Romam devectæ fuerint, sive ex Etruria accitas sic appellaverint, ut sæpe solent Poëtæ, ad originem alludentes. Stat. libr. 1. Silv. ult.

*Hic agnoscitur omne quod theatris,
Aut forma placet, aut probatur arte:
Hoc plaudunt grege Lydiæ tumentes:
Illic cymbala, tinnulaque Gades:
Illinc agmina confremunt Syrorum:
Hinc plebs scenica.*


FINIS LIBRI TERTII, ET TOM. I.




Perusia in Aedibus Angelettis V. Franciscus de

Quum Dempsterus noster extremam huic operi manum imponere nequiverit, multaque in id menda irreperint, quorum nonnulla notavimus, multa correximus, quædam etiam in ultimis libris non sine causa abique correctione reliquimus: quæ omnia identidem egimus, dum liber ederetur; factum est, ut minor fuerit animi attentio ad typographorum errata; quapropter quæ exciderunt, sic corrigito. Nomina vero Auctorum in eorum Catalogo emendata reperies.

Pag. 11. vers. 25. *παυεργγέν*. 35. 1. octoginta. 34. Auletis. 36. 21. Nobiliore. 40. 24. levi. 41. 22. *ὕφορβείων*. 45. 43. *vilitatem*. 56. in *Not. ranæ*. 71. 19. *ἄμους*. 75. 14. *Νόμιος* 85. 11. *νομίμοις*. 100. 23. *Saccellum*. 108. 25. *τὰς Καπιτωλίας*. 26. *πρωάγεται*. 110. 8. *Ἀρχαιολογίας*. 120. 12. Peribœa. 126. 1. *Bel dicitur*. 127. 23. *Adtion*. 136. 8. Meronæos. 138. 13. *LEVIS* 139. 8. Martial. 141. 2. *Barotia*. 145. 38. *Sulfureis*. 152. 23. *ἔλφους*. 153. 11. *Siebanio*. 154. 21. *νήτους*. 156. 1. *ἐκ ἀπὸ τρόπου ἔλλεμεν*. 177. 9. Rutuli (*sic semper*) 178. 15. *sordidus*. 179. 20. *ερατηγός*. 190. 39. Deidamia. 193. 13. Pompejus. 198. 10. *jaciens*. 205. 35. *ἐγγε γένη*. 223. 5. *MÆCENATE*. 227. 36. *alienigena*. 231. 23. *scriptam fuisse*. 245. 5. *Opimio*. 252. 2. *ὄξυν*. 255. 5. *solennis*. 17. *a carento*. 261. 21. *puerulis*. 265. 1. *abeneas*. 272. 25. *delecti*. 273. 36. *responder*. 277. 16. *dictæque erant*. 282. 39. *ἐμπειροπολέμους*. 40. *κατεσκευάσεν*. 283. 2. *Φρησκεία*. 286. 22. *ὁδηγημένους*. 287. 20. *διηνεκῇ*. 288. 7. *ἔννιν* 289. 17. *νέκυες*. 294. 36. *Lusitanus*. 296. 19. *Thyesten*. 304. 13. *Πίπτεα*. 305. 6. *Equitum*. 38. *togamque*. 310. in *Not.* *repræsentat*. 314. 15. *digitus*. 316. 26. *pronubo*. 317. 18. *utensilium*. 323. 24. *TRIB.* 328. 33. *ἐς μίμημα*. 335. 6. *ὀπίσω*. 7. *παρὰ τὸ ὄρος*. 336. 36. *Ὀπισθεν τέτον*. 352. 10. *Tlepolemo*. 353. 23. *Ἐλληνοχόος*. 357. 35. *Jone*. 360. 18. *ποικίλη*. 362. 14. *ulæ*. 369. 24. *νοκτός*. 31. 32. *Matres Grajæ*, *Lampada jactant*. 373. 6. *Cronosolone*. 14. *super*. 383. 11. *AURELIO*. 388. 34. *excitus*. 389. 19. *ἡλετρεύεσι*. 390. 12. *manuum*. 401. 28. *serica* 403. 5. *instituto*. 409. 26. *Βαθύλλη*. 412. 23. *Ludæ*. 415. 31. *ter*. 416. 23. *δρομέυς*. 421. 5. *ἀποδύτες*. 423. 8. *κρέκειν*. 427. 11. *Reges*. 437. 12. *Cum*. 447. 7. *Claudius*. 448. 41. *Pacis*. 450. 4. *aciraces*. 16. *femis*.





Mem 61

2 vols.

2 parts, 1 map, 93 plates,
7 tables and num. engr. head-
pieces and initials.

Vol I, p. 365 tear

